



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:


Share — copy and redistribute the material in any medium or format

Adapt — remix, transform, and build upon the material

1350

9(33)

2-85



9(33)
2-85

**ԺԱՄԱՆԱԿԱԳՐԱԿԱՆ
ՊԱՏՄՈՒԹԻԻՆ ՍԵՐՈՒՍԱՂԷՄԻ**

ՀԱՏՈՐ Բ.

ԱՇԽԱՏԱՍԻՐՈՒԹԵԱՄԲ
ՀԱՒԱՔԵԱՅ ԱՍՏՈՒԱԾԱՏՈՒՐ ԵՊԻՍԿՈՊՈՍ
Տ. ՅՈՎՀԱՆՆԵՍԵԱՆՑ
ՅԱՌԱՔԵԼԱԿԱՆ ՈՒԽՏԷ ՍՐԲՈՑ ՅԱԿՈՎՐԵԱՆՑ

Ի ՀԱՅՐԱՊԵՏՈՒԹԵԱՆ Ս. ԷԶՄԻԱՅՆԻ
Տ. Տ. ՄԱԿԱՐԱՅ
ՎԵՀԱՓԱՌ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ

ՀՐԱՄԱՆԱԻ
ՊԱՏՐԻԱՐՔԻ Ս. ԵՐՈՒՍԱՂԷՄԻ
ԱՄԵՆԱՊԱՏԻՒ Տ. ՅԱՐՈՒԹԻԻՆ
ՍՐԲԱԶԱՆ ԱՐՔ ԵՊԻՍԿՈՊՈՍԻ

ԵՒ
Ի ՊԱՏՐԻԱՐՔՈՒԹԵԱՆ ԿՈՍՏԱՆԴՆՈՒՊՈԼԻՍՈՑ
Տ. ԽՈՐԵՆԱՅ
ՍՐԲԱԶԱՆ ԱՐՔ ԵՊԻՍԿՈՊՈՍԻ

Ի ՏՊԱՐԱՆԻ ԱՌԱՔԵԼԱԿԱՆ ԱԹՈՌՈՑ
ՍՐԲՈՑ ՅԱԿՈՎՐԵԱՆՑ
ՅԵՐՈՒՍԱՂԷՄ

1890

9(33)
2-85

Ա. Ջ. Գ.

Ի սոցն Երկրորդ Հատորիս՝ առաջի կայ մեզ պատմել զանցս իբր 130 ամաց, յորս անընդհատ երեւին յաջորդութիւնը Պատրիարքաց Մ. Աթուշյն ըստ կարգին, զանազան արկածք ժամանակին. սա- կաւ ուրեք, յորս փայլն Վանք Ս. Յակոբայ պոյ- ծառութեամբ, և հանգիստ ՚ի խոր խաղաղութեան, Առաջնորդութեամբ խոհեմ և արթուն հովուաց, եւ է զի՝ բազում անգամ պատահեալ ձախող ելից եւ անյաջող զիպուածոց, եւ վերստին անկեալ ՚ի վտանգս՝ հեծէ դառնագին ՚ի ներքոյ Թաուպանաց. և այս յաւէտ ՚ի դառնութեան և ՚ի խիստ հարկա- պահանջութեան ժամանակս, ՚ի նենգամիտ առե- լութենէ և յոխերիմ թշնամութենէ օտարաց. եւ երբեմն եւս շահադէտ ընտանի դարանակալաց, զորս ունիմք պատմել ըստ կարգի ՚ի գիրս յայս = Սակայն ՚ի սոյն միջոցիս՝ երբեմն առատութեամբ ճօխանան նիւթք, և է զի՝ նուազեալ իսպառ դա- դարին. այլ սրբան հասին ՚ի ձեռս մեր հատակա- տոր թուղթք, նամականիք, կոնդակք և դատաստա- նական թղթեանք, յորոց բաղեալ եղաք ՚ի կարգի Պատմութեանս՝ խորշեթով միանգամայն յաւերթոյ և յերկար բանից :

ՀԱՅԱՍՏԱՆԻ ԿԱՌԱՅՈՒՄՆԵՐԻ ԿԵՆՏՐՈՆԱԿԱՆ ԳՐԱԳԻՏԱՆՔԻ ԿՈՒՆԿԵՐՈՒԹՅԱՆ ԿՆՏՐՈՒԹՅԱՆ ԿՈՒՆՍՏԱՆԻ ԳՐԱԳՐԱՐԱՆ

ՀԱՅԱՍՏԱՆԻ ԿԱՌԱՅՈՒՄՆԵՐԻ ԿԵՆՏՐՈՆԱԿԱՆ ԳՐԱԳԻՏԱՆՔԻ ԿՈՒՆԿԵՐՈՒԹՅԱՆ ԿՆՏՐՈՒԹՅԱՆ ԿՈՒՆՍՏԱՆԻ ԳՐԱԳՐԱՐԱՆ

ՀԱՅԱՍՏԱՆԻ ԿԱՌԱՅՈՒՄՆԵՐԻ ԿԵՆՏՐՈՆԱԿԱՆ ԳՐԱԳԻՏԱՆՔԻ ԿՈՒՆԿԵՐՈՒԹՅԱՆ ԿՆՏՐՈՒԹՅԱՆ ԿՈՒՆՍՏԱՆԻ ԳՐԱԳՐԱՐԱՆ

ՀԱՅԱՍՏԱՆԻ ԿԱՌԱՅՈՒՄՆԵՐԻ ԿԵՆՏՐՈՆԱԿԱՆ ԳՐԱԳԻՏԱՆՔԻ ԿՈՒՆԿԵՐՈՒԹՅԱՆ ԿՆՏՐՈՒԹՅԱՆ ԿՈՒՆՍՏԱՆԻ ԳՐԱԳՐԱՐԱՆ

ՀԱՅԱՍՏԱՆԻ ԿԱՌԱՅՈՒՄՆԵՐԻ ԿԵՆՏՐՈՆԱԿԱՆ ԳՐԱԳԻՏԱՆՔԻ ԿՈՒՆԿԵՐՈՒԹՅԱՆ ԿՆՏՐՈՒԹՅԱՆ ԿՈՒՆՍՏԱՆԻ ԳՐԱԳՐԱՐԱՆ

ՀԱՅԱՍՏԱՆԻ ԿԱՌԱՅՈՒՄՆԵՐԻ ԿԵՆՏՐՈՆԱԿԱՆ ԳՐԱԳԻՏԱՆՔԻ ԿՈՒՆԿԵՐՈՒԹՅԱՆ ԿՆՏՐՈՒԹՅԱՆ ԿՈՒՆՍՏԱՆԻ ԳՐԱԳՐԱՐԱՆ

ՀԱՅԱՍՏԱՆԻ ԿԱՌԱՅՈՒՄՆԵՐԻ ԿԵՆՏՐՈՆԱԿԱՆ ԳՐԱԳԻՏԱՆՔԻ ԿՈՒՆԿԵՐՈՒԹՅԱՆ ԿՆՏՐՈՒԹՅԱՆ ԿՈՒՆՍՏԱՆԻ ԳՐԱԳՐԱՐԱՆ

ՀԱՅԱՍՏԱՆԻ ԿԱՌԱՅՈՒՄՆԵՐԻ ԿԵՆՏՐՈՆԱԿԱՆ ԳՐԱԳԻՏԱՆՔԻ ԿՈՒՆԿԵՐՈՒԹՅԱՆ ԿՆՏՐՈՒԹՅԱՆ ԿՈՒՆՍՏԱՆԻ ԳՐԱԳՐԱՐԱՆ

ՀԱՅԱՍՏԱՆԻ ԿԱՌԱՅՈՒՄՆԵՐԻ ԿԵՆՏՐՈՆԱԿԱՆ ԳՐԱԳԻՏԱՆՔԻ ԿՈՒՆԿԵՐՈՒԹՅԱՆ ԿՆՏՐՈՒԹՅԱՆ ԿՈՒՆՍՏԱՆԻ ԳՐԱԳՐԱՐԱՆ



58209-67

Յ Ա Մ Ա Ն Ա Կ Ա Գ Ր Ա Կ Ա Ն

ՊԱՏՄՈՒԹԻՒՆ Ս. ԵՐՈՒՍԱԿԷՄԻ



Գ Լ Ո Ւ Խ Ա .

Մեկիւ Շղթայակի ՚ի Կոստանդնուպօլսոյ . Ժամանկ Կորա ՚ի Քերիա
և անտի Ներուսաղէմ : Բարեկարգութիւն Ս . Յակոբայ : Ռեխաուօրդ
Յուպղյու : Կարապետ Կաթուղիկու : Կաննիք Ս . Յակոբայ :

ԻՍԿ Գրիգոր և Յովհաննէս Պատրիարքունք աջակցեալ ընդ միմեանս՝ մեծավաստակ ջանիւք՝ Ժողովեցին բազում ինչ յազգէն Հայոց , և վճարեցին ըստ մասին ըզպարտոսն , և գնեցին ՚ի Յուպղէ զերկա մթերանոցս , և ըզսենեակսն ՚ի վերայ նոցա և խառնեցին ՚ի վանս և և յանդիման սոցին զիուռն հացի ՚ի ծովեզրն՝ զոր յետոյ յափըլտակեցին այլազգիք :

Եւ ինքն Գրիգոր ետես զհաչիւն իւր ընդ Յովհաննու Պատրիարքի , սկսեալ ՚ի Թուականէն 1717 , յոր եմուտ ՚ի գործ ծառայութեան Ս . Աթուոյն , և մաքրեաց զամենայն տուր և առ գործս իւր . և ապա գնացեալ երկոքեան ՚ի դատարան Մահմուտ Փաշայի՝ ետուն հաստատել զայն դատաւորին , և ինքն Գրիգոր ետ նմա գիր անդորրութեան :

Եւ յետ այնորիկ կարգեաց զնոյն ինքն զՅովհաննէս Պատրիարք Փոխանորդ Աթուոյն Երուսաղէմի՝ հաճութեամբ աղգային երեւելեաց . և նա յօժարութեամբ յանձն առ աշխատիլ անձանձիր յօգուտ և ՚ի շինութիւն Ս . Աթուոյն և և ամ ըստ սով առաքէր յերուսաղէմ զտուճար հաշուի իւրոյ :

Եւ յետ կարգաւորելոյ Գրիգորի զամենայն դործս իւր՝ եւ 'ի Կոստանդինուպօլսոյ, և ճանապարհ արար յերուսաղէմ՝ և հասեալ 'ի Բերիա քաղաք՝ այն է Հալէպ, մնաց անդ աւուրս ինչ՝ զնեաց կալուածս 'ի նպատ Կ. Աթուոյն. նորոգեաց զհնացեալ և զաւիրեալ Հոգեւորներն 'ի սէլուս ուխտաւորաց՝ 'ի Թաղն կոչեցեալ Սուլու, զոր կառուցեալ էր Գրիգոր Պատրիարք Պարոն Տէր 'ի Ժամանակի իւրում, և զարդարեալ սլայծաւացոյց սենեկօք և խցովք և այլ կարեւոր սխտոյիւք՝ ձեռնառութեամբ վաճառականացն Հայոց եղելոց անդ, և զինի ն ամաց ետ զնեւ արձանագիր յորմն 'ի դաւթի անդ գրեալ 'ի Թուին Հայոց 1178 (1726):

Եւ ելեալ անտի եկն յԵրուսաղէմ՝ բազմութեամբ ուխտաւորաց յամի Տեառն 1721 'ի 12 Փետրվար ամսոյ, որոյ ընդ առաջ ելին միաբանք վանաց, քրիստոնեայք եւ այլազգիք քաղաքին. զի բազմիցս լուեալ էին զբարի համբաւ նորին, և անձկային եւս տեսանել զնա: Եւ եմուտ Գրիգոր շքեղ հանդիսիւ և մեծաւ փառօք 'ի քաղաքն, և նստաւ յԱթու Պատրիարքութեան Երուսաղէմի. և ձեռն արկ բարեկարգել և նորոգել զվանօրայս, և զկրօնաւորս վանական կարգօք, և հետզհետէ վճարել զպարտսն և ազատել զկալուածսն 'ի Յօսպէ, 'ի Ռեմէ եւ յերուսաղէմ. նոյնպէս զկահ և զկարասիս վանաց և զեկեղեցական ընտիր ընտիր անօթս և զսպասս: զորս յառաջագոյն աշխարհական տեղակալք եղեալ էին 'ի գրաւի: Եւ ապա կարգեաց առանձին տուամար յեկեղեցին վասն եկեղեցական զարդուց. և ինքն սկիզբն արար գրել զայն, ուր ինքն ասէ. « Գրող այսմ տուամարիս Ամիրտոցլի Գրիգոր մեղապարտ վարդապետս » և այսպէս մինչ 'ի վախճանն իւր գրեաց զայս տուամար, զոր միանգամ ետուն ևւ յաւելին 'ի զանձ Տեառն միաբանք և օրհնեալ ազգս Հայոց, և զորս միանգամ ինքն ետ շինել. 'ի վախճանի պատուիրէ խտալ բոլոր միաբանաց՝ և մանաւանդ լուսարար և կամ փակակալ վարդապետին, ընդ հսկողութեամբ որոյ են եկեղեցական անօթք, զգուշութեամբ պահել և պահպանել, զի մի կրկին անկցի 'ի ձեռս աներկիւշ արանց, թէ միաբան իցէ և թէ եկամուտ ոք, և ցրուեալ կորուսցեն, զորս բազում նեղութեամբ և աշխատութեամբ ժողովեալ էր: Եւ ինքն սկիզբն

արար որոնել և քննել զվանս, թէ զի՞նչ արդեօք թողեալ իցեն նախորդք իւր. և ժողովեալ առ նա Միաբանաց երգմամբ վկայեցին առաջի նորս, թէ սոքա են զերծեալքն 'ի ձեռաց յափշտակչաց, 3 սկին պղինձ, 5 սկին արծաթ, 5 կանթեղ, 1 բուրվար, 12 փոքր խաչ և 1 միջակ, յորոյ վերայ տրամեցաւ յոյժ: Եւ զինի աւուրց ինչ եկին առ նա յթողակալ Հաննա վարդապետ. Սպարկերտցի լուսարար Տէր Դաւիթ, և Ուրհայեցի վերակացու Տէր Յակոբ, և ասեն. մի՛ այդչափ տրամիր եւ հոգսյր, զի սակաւ ինչ պահեալ եմք յարդեանց Կ. Աթուոյն, ազատելով 'ի ձեռաց կեղեքիչ տեղակալաց: Յորոց վերայ սակաւ ինչ ուրախացեալ, արձանացոյց և զայնս 'ի տուամարին, թէպէտ և նոքա էին ոչ ինչ, Եւ ապա սկսաւ զարդարել զեկեղեցի Կ. Յակոբայ սէսպէս յօրինուածովք և պատկերօք անօրէնութեան Գրիստոսի Փրկչին մերոյ, և ամենայն Արքայ նորին: Կանգնեալ իւրաքանչիւր խորանաց սկիզբօք եւ մանրաքանդակ խաչկալս, զիւրաքանչիւրս նուիրեալ յանուն երեւելի անձանց ազգիս, ըստ չափու նուիրաց նոյն, յորոց միջի փայլի Ակնցի Երեւանենց պերճապատիւ Սեղբոս Ամիրայն իւր բովանդակ ազգատոհմին, զորմէ լինցին բանք մեր նաեւ յետոյ. դրոշմեալ 'ի ճակատ իւրաքանչիւր յիշատակելեաց զանմահ անուանս բարերարաց: Իսկ մեծ խաչկալն Աւագ Խորանի Տեառն եղբոր Յակոբայ Առաքելոյն, զերազանց է քան զամենեսին՝ մեծութեամբ և շքեղ յօրինուածովք, քանդակեալ յիշատակարան 'ի ճակատ նորին երկաթագիր տառիւք, որ ունի օրինակ զայս:

ԿԱՌՂՈՒԹԵԱՄԲՆ ԱՍՏՈՒԾՈՅ ԿԱՉՄԵԱԼ ԿԱՆԳՆԵՏԱԻ ՈՍԿԵԶՕՄ ԽԱԶԿԱԼՍ ԵՐԿՆԱՀԱՆԳՈՅՆ ԽՈՐԱՆԻՍ ՍՐԲՈՅ ՅԱԿՈԲՅ ՏԵԱՌՆ ԵՂԲՈՐ ԱՍՏՈՒԱԾԱԳԻՐ ՍՐԲՈՅ ԱԹՈՌՈՅ ԱՄԵՆԱՅՆ ՀԱՅՈՑ. Ի ԹՈՒԻՆ ՌՅՃ ՄԷԿ ԱՄԻՆ 1171 (1729). Ի ՊԱՏՐԻԱՐԲՈՒԹԵԱՆ ՍՐԲՈՅ ԵՐՈՒՍԱԳԼԷՄԻՍ ԵՒ ԲԻԻԶԱՆԴԻՈՅ ԳՐԻԳՈՐԻ ԵՒ ՅՈՎՀԱՆՆՆՈՒ ՎԱՐԴԱՊԵՏԱՅ՝ ԱՇԱԿԵՐՏԱՅ ՏԵԱՌՆ ՎԱՐԴԱՆԱՅ ՎԱՐԴԱՊԵՏԻ ԲԱԳԻՇԵՏՈՑ. ՀՈԳԱԲԱՐՁՈՒԹԵԱՄԲՆ ԵՒ ՋԱՆԻԻԲ ԿԵՐՏԵՏԱԻ Ի ՅԵՇԱՏԱԿ ՀՈԳԻՈՅ ԻՌԵԱՆՑ, ՀՈԳԵՒՈՐ ԵՒ ՄԱՐՄԵԱՒՈՐ

ԵՆՈՂԱՅ ԵՒ ԱՇՍԿԵՐՏԱՅ ԵՒ ԱՄԵՆԱՅՆ ՄԻԱՐԱՆԻՑ ԱՇ-
ԻԱՏՈՂԱՅ. ԵՒ ՈՂՈՐՄՈՒԹԻՒՆ ՏՈՒՈՂԱՅ ԵՒ ԲՈՂՈՐ ԱՐԱ-
ՄԵԱՆՍ ՏՈՂԱՐԻ. ԶՏԷՐ ՅԻՍՈՒՍ ԵՒ ԶՏՈՒՆՍ ՍԻՐՈՂԱՅ.
ԸՆԹԵՐՅՈՂՔԻ ԱՍՏՈՒԱԾ ՈՂՈՐՄԻ ԱՍՈՅԷՔ ԱՄԷՆ :

Աստուածատուր Կաթողիկոս Ս. Էջմիածնի իրրեւ
լուաւ թէ հասեալ է Գրիգոր Պատրիարք յերուսաղէմ
յԱթոռն իւր, և ձեռն արկեալ 'ի գործ շինութեան վա-
նաց Ս. Յակոբայ, գրեաց առ նա թուղթ սիրոյ և յարգա-
նաց, հարցանելով զողջունէ նորին եւ զթեթեւութենէ
պարտուց Ս. Աթոռոյն. զի թէ պէտեւ ուխտաւորք տար-
ւոյն այնորիկ 'ի դարձի իւրեանց 'ի հայրենիս, աւետա-
ւորեալ էին նմա զբարեկարգ անտեսութենէ Աթոռոյն,
և զայլ ազգաչն բարեգործութենէ նորին. այլ Աստուա-
ծատուր 'ի դիւրութիւն սրտի իւրոյ, խնդրէր գիր 'ի նմա-
նէ, և ինքն յետ կարգաւորելոյ զգործս նուիրակացն Ե-
րուսաղէմի եւ անվնաս հասուցանելոյ զարդիւնս նոցին
'ի ձեռն Գրիգորի. յարէ 'ի վերջոյ. « զնուիրակն Գողթան
գաւառի զՄխիթար վարդապետ՝ կարգեցաք նուիրակ կար-
նոյ, զի մի գործն խափանեցի, եթէ հաճոյ է քեզ՝ բարի՝
իսկ եթէ ոչ, զո ոք կամիս, զայն առաքեալ, զի գործ
Ս. Տանդ յառաջեցէ, և մերն յետոյ լիցի » . 1721 'ի 18
Հոկտեմբեր ամսոյ :

Ի սմին ամի ելեալ ուխտաւորաց 'ի Յոսպէ քաղաքէ
երթային յերուսաղէմ, և 'ի ճանապարհին յարձակեալ 'ի
վերայ նոցա աւազակաց՝ կալան զնոսա եւ մերկացուցին.
վիրաւորեցին զբազումս, և զոմանս սպանին իսկ. և այս
եղև յանհոգութենէ Իշխանին Յոսպէ քաղաքի, որ ԸԳ-
ՂՖՅ կոչեցեալ տուրս նոցին էաւ, և զզարտ ու պատ-
շաճ պաշտպանութիւնն զլացաւ 'ի նոցանէ 'ի վերայ այսր
անակնկալ դիպուածոյ՝ միաբանեցան երեք ազգք յերու-
սաղէմ, և ետուն փոխադարձ գիր դաշանց եւ երաշխա-
ւորութեան միմեանց, չքակտիլ 'ի միաբանութենէ իւր-
եանց. ապա առին Հեօճճէթ 'ի դատաւորէն և առաքեցին
զայն 'ի Կոստանդինուպոլիս, բերել ոստիկան հրովարտա-
կաւ. զի պաշտպանութեամբ նորին ուխտաւորք իւրա-
բանչիւր ազգաց՝ առանց վտանգի եւ վնասու եկեացեն

'ի Քաղաքն Ս. Եւ անդրէն դարձցին 'ի տեղիս իւրեանց
և զրոպանդակ ծախսն հոգասցեն Հայք և Յոյնք, 'ի 13 Մայիս
ամսոյ՝ 1722 :

Իսկ Գրիգոր Պատրիարք աջակցութեամբ Հաննա վար-
դապետի ընդարձակեաց զաւանդատունն Ս. Ստեփաննոս-
սի, կառուցեալն 'ի ժամանակս թագաւորացն Կիլիկիոյ,
չինեալ 'ի նմա սեղան Պատարագի յանուն Ս. Լուսաւոր-
չին, եւ զԱւագանն Ս. առնթեր նմին՝ յորինեալ վայե-
լուչ և սպիտակ մարմարիոն քարամբք: Կանգնեաց սեղան
'ի բարձր ամպիոնն 'ի կողմն հիւսիսոյ՝ յանուն Ս. Նշանի,
և շինեաց 'ի վերայ սեղանոյն պահարան գեղեցիկ յոր պա-
հէին զՍ. Խաչն, որ ունէր մասն 'ի կենաց Փայտէն: Գնեաց
յայլազգեաց զբազում տունս՝ և խառնեաց զնոսա 'ի վանս,
և պարսպեաց զնա շուրջանակի բարձր և ամուր պարսպաւ
'ի զգուշութիւն գողոց և աւագակաց. շինեաց զբազմաթիւ
սենեակս 'ի պէտս բնակութեան ուխտաւորաց և միաբա-
նաց. արար և զցորենատունն՝ յորում եղեալ կայ խաչ
մարմարիոն բերեալ յեկեղեցոյ Յովակիմայ և Աննայի.
Նորոգեաց նաեւ զվանս Բեթղէհէմի՝ ընդարձակեալ սե-
նեակս և զխուցս 'ի նմա, և զեկեղեցին հանդերձ սկեզոծ
խաչկալօք, ժողովեալ անդ բարեկրօն միանձունս և աղօ-
թաւորս կրօնաւորական կարգօք՝ կալ 'ի պաշտօն փառա-
բանութեան Աստուծոյ, և աղօթս առնել վասն ամենայն
աշխարհի և օրհնեալ ազգիս Հայոց :

Յետ այնորիկ ձեռնարկեալ նորոգեաց զվանս Յոսպէի՝
կառուցեալ 'ի նմա հաստատուն քարամբք կամարս 8, և
ընդարձակեաց զիջեւանս ուխտաւորաց և տեսանադրեաց
զեկեղեցի յանուն Ս. Նիկողայոսի Հայրապետին՝ պաշտպա-
նին նաւախարաց. զկարուածան՝ էր զոր զնեաց նոր 'ի նո-
րոյ, և էր զոր 'ի գրաւէ թափեաց, որոյ ձեռնտու և օգ-
նական էր յամենայնի նա ինքն Հաննա վարդապետ իւրով
անխոնջ աշխատութեամբ: Այս ամենայն արձանագրեալ
կայր 'ի վերայ դրան հոգետան Յոսպէի վանաց 'ի թուին
Հայոց 1174 (1725), զոր անդգոյչք ոմանք բարձին զայն
անտիս՝ նորոգեաց և զվանս Ս. Հրեշտակապետի՝ ծեփեալ
սպիտակացոյց զեկեղեցին, և ընդարձակեաց զաւանդա-
տունն. կանգնեալ 'ի նմա Սեղան Պատարագի յանուն

որբուհւոյ կուսին Հոսիսիսեայ, որպէս պատմէ զայս ամե-
նայն ընդարձակ նա ինքն Հաննա վարդապետ ականատես
և գործակից Շղթայակրի :

Իսկ Տէր Կարապետ Կաթուղիկոսն և Հաննա վարդապետ,
որ 'ի սոյն ժամանակի էին 'ի Կոստանդինուպօլիս, և Յով-
հաննէս Պատրիարքն, գրեցին գիր թախանձանաց հան-
դերձ ամենայն ժողովրդովք առ Գրիգոր Պատրիարք Ե-
րուսաղէմի, հանել 'ի պարանոցէ իւրմէ զՇղթայն, զոր
կրէր յուրն ամաց հետէ : և նորա զիջեալ 'ի խնդիրս նոցա
եհան զայն, և շինեաց սեղան փոքրիկ յեկեղեցին Ս. Էջ-
միածնի՝ յանուն Սինայի, և էարկ զայն Շղթայ 'ի սխնս
նորա, և ապա գրեաց նոցա՝ թէ կատարեցի զխնդիր ձեր,
(1726) :

Եւ 'ի ամին ժամանակի Կարապետ եպիսկոպոս Ուշեցի
ձեռնադրեցաւ Կաթուղիկոս 'ի Կոստանդինուպօլիս (1726)
'ի մեծի Պահոց երկրորդ շարթու յառուր Կիւրակէի,
Փետրվար 17. և 'ի 18 ին ձեռնադրեաց եպիսկոպոս զՅով-
հաննէս վարդապետ Կոլլոս՝ Պատրիարքն Կոստանդինու-
պօլսոյ, յետ վարեւոյ նորա զամս տասն զիշխանութիւն
իւր : Կարապետ Կաթուղիկոս գրեաց գիր յերուսաղէմ
առ Գրիգոր Շղթայակիր վասն խնդրոյ իմիք : և նորա կա-
տարեալ զխնդիրն՝ գրեաց փոխադարձ գիր և առաքեաց
ընդ Աթոսակալին իւրոյ Հաննա վարդապետի, և իրր
նուէր՝ մի ոսկի Սաչ, յոր ամփոփեալ էր մասն ինչ 'ի Կե-
նաց Փայտէն, զոր սիրով ընկալեալ Կարապետի՝ էարկ
զայն զլանջով իւրով : Ապա ձեռնադրեաց անդ 'ի Կոստան-
դինուպօլիս եպիսկոպոս զՀաննա աթոսակալ վարդապետն
և զթովմայ վարդապետն աշակերտ Յովհաննու Կոլլոսի :
Կաթուղիկոսն բնակէր 'ի վանս Իսկիւտարու, որ յայնժամ
հոգեատուն կոչէին : Սորա առաջին հիմնադիրն է Մարտի-
րոս վարդապետ Ղրիմեցի : զինի մահուան նորին՝ աւե-
րեալ և քայքայեալ էր, զոր Գրիգոր և Յովհաննէս վերըս-
տին նորոգեցին : Եւ յաւարտիլ շինութեան եկեղեցւոյն
Միջագիւղի, յառուր հանդիսի օծման նորին, հրաւիրեաց
անդ զՏէր Կարապետ Կաթուղիկոսն, և ետ ծանուցանել
նմա յատենի եկեղեցւոյ զերիս գլուխս բանից իրր կանոն
վասն բարեկարգութեան Աթոսոյն Երուսաղէմի, որք են :

1°. Եթէ ոք չիցէ հմուտ աստուածային Հին և Նոր Կտա-
կարանաց և տեղեակ եկեղեցական կորգաց և օրինաց,
և չիցէ սնեալ միաբանութեամբ յերուսաղէմ, և կատա-
րեալ հմուտ ելից և մտից Աթոսոյն և ամենայն կորգաց,
օրինաց և գործոց նորին, թէ արտաքուստ իցէ և թէ 'ի
ներքուստ, այնպիսին ագահութեան և տգիտութեան
ախալու ախտացեալ՝ եթէ յանդգնեացի մարդահաճու-
թեամբ և սնտիստութեամբ Պատրիարք եւ կամ Փոխա-
նորդ լինել Աթոսոյն այնորիկ՝ նշովեալ եղիցի :

2°. Եթէ ոք ժպրհեացի յաշխարհականաց՝ Պապա՝ Նազր՝
Վէքիլ՝ և այլ անուամբ վերակացու և գործակալ կարգել
Երուսաղէմի, և ցուցանել նմա զայլ իմն ճանապարհ խո-
տորնակ, յորմէ պատճառի վնաս վանաց Ս. Յակոբայ, այն-
պիսին թէ եկեղեցական իցէ, և թէ աշխարհական, նզո-
վեալ եղիցի :

3°. Եթէ ոք կամիցի և կամ պատճառ լիցի միաւորել
զՊատրիարքութիւնն Երուսաղէմի ընդ Պատրիարքութեան
Կոստանդինուպօլիս, և կամ ընդ այլ Աթոսոյ, և ոչ յօժա-
րեացի առանձին լինել Աթոսոյն այնորիկ՝ որպէս այլոց
աղքացն, այնպիսին որոշեալ եղիցի 'ի Բրիտաննէական
սուրբ հաւատոյս :

Զայսոսիկ երիս Կանոնական գլուխս բանից եղին յայն-
ժամ Կաթուղիկոսն և Պատրիարքն խորհրդով ազգին՝ 'ի
հաստատութիւն Աթոսոյն Երուսաղէմի, զի միշտ 'ի մտի՝
և գրեթէ առաջի աչաց ունէին զառաջին անցս անկար-
գութեանց, որ 'ի ձեռն անզգաստից ոմանց աւղի գտեալ
վեր 'ի վայր արարին զամենայն կարգս և զկանոնս Աթո-
սոյն, և հասուցին զայն 'ի յետին վատթարութիւն, և ա-
ռիթ եղեն բազմապատիկ վնասուց, զայնթակղութեանց և
'ի կորուստ ազգային իրաւանց : զի յաղագս եպերելի շա-
հասիրութեան եւ անձնասիրութեան իւրեանց պառակ-
տէին և զզուէին զկրօնաւորս և ցրուէին զնսսա, որպէս
տեսաւ ցարդ յընթացս Պատմութեանս Նմին իրի՝ սահմա-
նեցին յօրէ յայնմանէ ընտրել զՊատրիարք Աթոսոյն Երու-
սաղէմի 'ի միաբանական Ուլխայ Ս. Յակոբայ : Զի զայսպիսի
սովորութիւնս ունէին նաև յառաջին զայս, յորում
եղիպատական էշխանութիւնն տիրէր Պաղեստին երկրին

եւ բազումք եւս 'ի Պատրիարքաց 'ի կենդանութեան իւրեանց հաճութեամբ միարանաց յանձնէին զայն իշխանութիւն այլում, հաստատեալ օրինօք դատարանի . այլ այս եւս իբրեւ գործ մնասակար խախտեցաւ յետոյ :

Իսկ 'ի վերջին ժամանակս՝ յետ սահմանելոյ զերկու Կանոնս , առաւել ուշ դնէր ազգն՝ ընտրել զարժանաւորս և զվրայեալս՝ հմուտ աստուածային գրոց և կրօնական ուսմանց , վարժ և կիրթ յամենայն գործս Աթոռոյն , ծանօթ բարուց և քաղաքականութեան օտարաց , տեղեակ եկեղեցական բարեկարգութեանց , արթուն և անբասիր արտաքին և ներքին իրողութեանց Աթոռոյն :

Եւ զի գահակալք Աթոռոյն ոչ կարէին այնուհետեւ խտորել 'ի շաւղաց նախնի Հարց , և խախտել մասամբ իւրիք զկանոնս և զեղեալ կարգս վանականութեան՝ և ոչ ըստ կամս վարել զգործ տնտեսութեան , աչառութեամբ և զրկողութեամբ պառակտել զմիաբանսն , այլ իբրեւ հայր գթած հաւասար ունէին խնամս 'ի վերայ ամենեցուն , եւ յօգիւ սիրոյ և խաղաղութեան կապեալ ընդ միաբանակից եղբարս , աջակցութեամբ նոցին՝ գործէին արթուն մտօք եւ հասուն խորհրդով 'ի շինութիւն Աթոռոյն և 'ի մխիթարութիւն ազգին , ժառանգ թողլով զառաքինութիւնս և զբարեգործութիւնս յաջորդաց իւրեանց , զի ապագայ պատմութիւնն բարեօք ընտրէ զգործս իւրաքանչիւրոյ :

Գ Լ Ո Ւ Խ Բ .

Նորոգութիւն տաճարի Ս . Յակոբայ : Սեղբոս Ամիրս և բարեգործութիւնք նորին : Այլազգիք Սինի :

ՅՈՎՀԱՆՆԵՍ Պատրիարք Կոստանդինուպօլսի ստիպեալ 'ի թախանձանաց և 'ի հարկեցուցիչ բանից մտերմին իւրոյ Գրիգորի Պատրիարքի՝ և հան հրաման արքունուստ վան նորոգութեան եկեղեցւոյն Ս . Յակոբայ (1727) . և առաքեաց զհրովարտակն 'ի ձեռն Ակնցի Սեղբոս Ամիրայի , որ 'ի ամին ժամանակի դէպ եղև նմա զնալ յերուսաղէմ

յուխտ և երկրպագութիւն անօրինական Ս . Տեղեաց Գրիստոսի : Եւ Գրիգոր Շղթայակիր ուրախութեամբ ձեռնարկեալ նորոգեաց և սպիտակացուցեալ ձեռեաց և պայծառացոյց զեկեղեցին եւ զայլ տեղիս : Ընդ որս և զեկեղեցի Ս . Աստուածածնի և մատուռն Ս . Մինասայ . 'ի վանս Ասորւոց շինեաց և ոսկեզօծ փառաւոր խաչկալ Աւագ Խորանի նորին , որպէս երեւի հայկական տառիք յիշատակարանն դրոշմեալ 'ի ճակատ նորս : Նորոգեաց զվանս Բեթղեհէմի , եւ զեկեղեցին ոսկեզօծ խաչկալիւ , որպէս ցուցանէ արձանագրութիւնն 'ի վերայ նորս : Երաց դուռն խանին 'ի կողմանէ վանաց , մաքրեալ և յարդարեալ զայն արար եկեղեցի յանուն ամենասուրբ Երրորդութեան , որ եւ յետոյ խանդարեցաւ . սալիւ յարդարեաց և զյատակս վանաց , որոց սակս կրեաց վիշտս եւ տառապանս յայլազգեաց և ծախեաց բազում ինչ :

Իսկ Սեղբոս Ամիրայն , որ յԱրքունի հրովարտակս և 'ի դատաստանական գիրս կոչի Սեղբոս սրդի Մինասայ , Պաշ պտղիրկեան մեծի Վէլիրին եւ թարգման Անգղիոյ դեսպանին , այրս այս մեծահաւատ , 'ի ամին ժամանակի երեւելի էր 'ի մէջ ազգին 'ի Կոստանդինուպօլսիս , եւ բազմօք ձեռնտու ազգային գործոց . արար զմեծամեծ բարութիւնս ազգասիրական ոգւով , յամենայնի աջակից և օգնական գտաւ երկուց Պատրիարքաց բանիւ և արդեամբք , առաւել եւս Աթոռոյն Երուսաղէմի . մանաւանդ յուխտագնացութեան իւրում . զնեաց 'ի նաւահանդիստն Յոսպէյոս իջեւանատեղի (խան) մեծ , հանդերձ մթերանոցովք եւ տամբք , որ 'ի շրջապատս նորս եւ զայլ տունս , կըրպակս , մթերանոցս և պարտէզն արտաքոյ քաղաքին , ուր յետոյ ծախիւք Աթոռոյն շինեցաւ մաքրարան քառասորեաց զգուշութեան (քարանդինայ) 'ի սէտս ուխտաւորաց , որպէս յայտ առնէ զայսոսիկ հայկական արձանագրութիւնն եղևալ 'ի վերայ կամարի խանին , գրեալ 'ի թուին Հայոց 1100 , թէպէտեւ թուականն բազմօք սխալ , զի 'ի սոյն ժամանակի չեւ եւս էր ծնեալ Սեղբոս Ամիրայ , եւ օրինօք դատարանի այն ամենայն կտակեալ աղքատաց Ս . Յակոբայ : Եւ յեկեղեցական անօթս ընտիր երեւի յիշատակ նորին , գաւազանն Հայրապետական զարդարեալ

պատուակածն ակամբք : Իսկ այլ յիշատակարանք նորին և
 ազգատոհմին իւրոյ , իւրաքանչիւրքն դրօշմեալ են 'ի
 պատշաճաւոր տեղիս 'ի տաճարի Ս . Յակոբայ : Ունէր նաև
 առանձին կալուածս 'ի Յոսպէ քաղաքի յանուն իւր , որ-
 պիւիք են ; բաղանիքն և 'ի կարգս նորա կրօնակը մթերա-
 նոցք , և տունք 'ի վերայ նոցա , եւ պարտեղ արտաքոյ
 քաղաքին , և կարգեալ էր 'ի վերայ նոցա յատուկ վերա-
 տեսուչ , եւ 'ի ձեռն նորին կառավարեալ իւրաքանչիւր
 ամի զհալիւն արդեանց և ծախուց նոցին առնոյր : Այլ
 զկնի ժամանակաց՝ նոյն իսկ 'ի կենդանութեան նորին
 Սեղբոսի , յարեան ոմանք յայլազգեաց՝ իբր ժառանգ կա-
 լուածոց , և բռնացեալ 'ի վերայ նոցա յափշտակեցին զայնա-
 թէպէտ ինքն Սեղբոս բազում անգամ 'ի դատ եմուտ ընդ
 նոսա 'ի դատարանս Կոստանդինուպօլսի և յայտնի եցոյց
 զիրաւունս իւր՝ և զանտեղի վէճս և զբռնութիւնս այլազ-
 գեաց՝ որպէս յայտ առնեն բազմաթիւ դատաստանական
 գրեանք և Արքունի հրովարտակք , որք ցարդ պահին 'ի
 Ս . Աթոռն , սակայն չեղև Հնար թափել զնոսա 'ի ձեռաց
 նոցին , զի տիրեցին և տիրեն մինչև ցայսօր ժամանակի .
 զի դժուարութիւնք ժամանակին և հեռաւորութիւն տե-
 ղոցն՝ ոչ ինչ օգնեցին ջանից և դատաստանաց Ամիրային :

Իսկ ինքն Սեղբոս Ամիրայ՝ կացեալ ժամանակս ինչ յե-
 բուսաղէմ , արարեալ անդ զմեծամեծ բարեգործութիւնս ,
 և կատարեալ զուխտս իւր , դարձաւ 'ի Կոստանդինուպօ-
 լսու : Գրիգոր Պատրիարք ջանիւք եւ աշխատութեամբ ա-
 ւարտեաց զնորոգութիւն տաճարին Ս . Յակոբայ յուրա-
 խութիւն սրտի իւրոյ : Այլ հոգ մեծ էր նմա վասն սուրբ
 Փրկչի վանաց , զի այլազգիք Սիոնի նեղէին և տաղնա-
 պէին հանապաղ զմիարանան վասն ջրոյ : Զի թէպէտ նոքա
 ունէին զմեծամեծ ջրհորս 'ի վանքն Սիոնի , այլ առ չա-
 բութեան սրտի իւրեանց՝ հակառակութեամբ առանց ժա-
 մու և ժամանակի , և երբեմն 'ի գիշերի եւս եկեալ բաղ-
 լտէին զբուռն , և ստիպէին բանալ զայն և լնուլ զոսպորն .
 և յոչ առնուլ յանձն միաբանաց՝ զայրացեալ թշնամանէին
 զնոսա սոսկալի հայհոյութեամբ և լուտանօք , և ձգէին
 զմեծամեծ քարինս 'ի ներքս , և չհանդուրժեալ միաբանաց
 այսպիսի յանդգնութեան նոցին , յակամայից բացեալ տա-

յին զջուրն , այլ միշտ 'ի յերկիւղի՝ զի մի՛ չարիս ինչ գոր-
 ծեսցեն , այլ չ'լինէր հնար՝ զի ընդ նոսա , սարդեալ մոս-
 նէին 'ի ներքս արք անզգամք և սիկարեանք՝ և գործէին
 զչարիս , որպէս երբեմն 'ի պատճառս ջրոյ և այլոց սպա-
 նեալ էին զմանս 'ի միաբանաց : Տեսեալ Գրիգորի Պատ-
 րիարքի թէ օր քան զօր բազմանան չարիք նոցին , և ոչ
 իւրք եղև Հնար վախճան տալ դառնութեանց նոցին , գը-
 բեալ ծանոց զիրան 'ի Կոստանդինուպօլսի առ Յովհաննէս
 Պատրիարք , և նա ազդ արար 'ի Դուռն զանցս չարչարա-
 նաց միաբանաց , և յաւել ասել 'ի գիրս իւր՝ եթէ ոչ սան-
 ձահարեցին և պատուհասեցին ապստամբքն այնոքիկ ,
 անհնարին է միաբանաց կալ մնալ 'ի նոյն վանս Ս . Փրկչի :
 Եւ ապա խնդրեաց զի հրովարտակաւ Արքայի խափանեացի
 ապստամբութիւն այլազգեաց Սիոնի , և եթէ ընդվզեալ
 անաստեցեն հրամանի Կայսեր՝ ըմբռնեալ մատնեցեն 'ի
 բանտս եւ 'ի պատիժ պատուհասից : Եւ 'ի զգացուցանել
 զայս Արքայի , գրեցաւ հրովարտակ ըստ խնդրոյ Յովհան-
 նու Պատրիարքի առ Կուսակալն Դամասկոսի եւ առ դա-
 տաւորն Նրուսաղէմի , սանձահարել զբռնութիւն այլազ-
 գեացն այնոքիկ . 'ի հասանիլ այսր հրամանի՝ թէպէտ եւ
 մեղմացան առ ժամն խտտութիւնք նոցին , այլ ոչ եղև
 այն երկարատեւ , 113 : (1727) :

Գ Լ Ո Ւ Թ Գ .

Մտադատիկ . Բանակցութիւն Յունաց ընդ Հայոց 'ի վերայ այսր ինդը-
 րոյ եւ միաբանութիւն նոցին : Կոստիկ Երևանդոս Պատրիարքին Յու-
 նաց : Հրովարտակ Արքայի և ոստիկան . Առանձին կատարել զտօն Պա-
 սեքին երկուց ազգաց :

ՅԱՌՈՒՐՍ Գրիգորի Պատրիարքի պատահեցաւ դար-
 ձեալ այլալուրթիւն Զատիկի՝ որ կոչի Ծնողատիկ , որպէս
 բազմիցս պատահեալ էր յառաջագոյն . զի 'ի ամին ամի՝ որ
 էր թուական Հայոց 1178 (1729) , պատեքն Յունաց ան-
 կանէր 'ի 6 Ապրիլ ամսոյ , յորում աւուր պատահէր Հայոց

տօնել զտօն Ծաղկազարդի . և 'ի 13 Ապրիլի յաջորդ կիւ-
րակէի՝ զՉատիկն : Վասն զի վաղեմի ստորութիւն լեալ էր
'ի մէջ Հայոց և Յունաց յերեկոյի ճրագաւուցի Պատեքին
ժողովիլ ուխտաւորաց խուռն բազմութեամբ 'ի տաճարին
Ս . Յարութեան , և յաղաղս կատարելոյ զհանդէս Լուսա-
ւորութեան՝ Պատրիարքունք երկուց ազգաց 'ի միասին
մտանէին 'ի Գերեզմանն Քրիստոսի :

Իսկ 'ի սմին ամի յանջատիլ տօնին՝ տարակուսեալ կա-
յին երկոքին կողմանքն թէ՛ որպիսի եղանակաւ հնար լիցի
նոցա կատարել զայն , և թէ յո՞ր վախճան ունէր եղերիլ
դործն . զի քաջ զխոնէին 'ի պատմութեանց , թէ՛ որքան
խռովութիւնք և աղմուկք լեալ են յառաջին ժամանակս
վասն այսր տօնի , մինչեւ հեղուլ զարիւնս միմեանց , ա-
ռիթ լինելով տարապարտ մահուան ոմանց : Նմին իբի՝
Գրիգոր Պատրիարք երկինէր և խորհէր հանապաղ 'ի սրտի
իւրում թէ՛ որպէս կարող լիցի զերծուցանել զիւրան 'ի
վտանդէ աստի , եւ կանխէր ազօթիւք առ Աստուած զի
խաղաղութեամբ և առանց մեծի վնասու վճարեցէ զայն :

Իսկ միաբանք Յունաց իրազեկ լեալ այսմ՝ սկսան եր-
թեւեկել առ նա , մերթ յայտնի և մերթ 'ի ծածուկ՝ հը-
նարէին որսալ բան ինչ 'ի բերանոյ նորա : Այլ նա ըստ
բնաբոյս բարուց իւրոց՝ խոնարհութեամբ և խաղաղական
սիրով առնէր նոցա պատասխանի . զի կարի դժուարին և
ծանր է խնդիրս ասէ . միայն աղաչեսցուք զԱստուած , զի
ինքն ըստ բարի կամաց իւրոց առաջնորդեցէ 'ի բարին .
Հանապազորդ կանխել յաղթս , և խաղաղութեամբ անցու-
ցանել զժամն : Եւ յամենանն Նոյեմբերի դարձեալ եկին
գլխաւորք միաբանացն Յունաց առ Գրիգոր Պատրիարք ,
եւ յետ այլոց բանից՝ իբրեւ բանք եղեն նաեւ վասն յա-
ռաջակայ տօնի Չատիկն , ասեն ցԳրիգոր . Հայր վարդա-
պետ , գիտեմք զի այր Աստուծոյ ես դու , և սիրող խա-
ղաղութեան , և ոչ են կամք քո բանալ զդուռն խռովու-
թեան 'ի մէջ երկուց ազգացս : Ահա մերձեցաւ տօն Պա-
տեքին , եկեալ եմք առ քեզ , իմանալ զմիտս քո , որպէս
կամիս և զի՛նչ հրաման առնես մեզ : Ետ պատասխանի Գրի-
գոր և ասէ . դիտեմ , զի ազգ ճոխ և փարթամ էք դուք
և աւագագոյն քան զմեզ , և անհնարին է զիջանիլ ձեզ և

տօնել զՉատիկն ձեր բնդ մեզ : Նոյնպէս և մեք , թէ պէտեւ
ազգաս և նուստս , այլ անկարելի է մեզ փոխել զասհմանս
հարց մերոց , և արկանել զերկաւաւորութիւն և խռովու-
թիւն 'ի մէջ ժողովրդոց : Այս է միաք և խորհուրդ իմ ,
զի դուք տօնեծիք զՉատիկն ձեր առանձին , յորում ա-
ւուր և պատահեսցի . նոյնպէս եւ մեք 'ի ժամանակի մե-
րում , միայն դիցուք պայման այսպիսի 'ի միջի . զի յա-
ւուր տօնի Պատեքի ձերոյ՝ ոչ ոք մտցէ յեկեղեցի Ս . Յա-
րութեան յազգէ մերմէ : նոյնպէս եւ 'ի Պատեքի մերում
սչ ոք մտցէ անդ յազգէ ձերմէ բաց 'ի մշտնջենասր պաշ-
տօնից երկուց ազգաց , որք կան 'ի տաճարի անդ . այս-
պէս երկաքանչիւր ազգ առանձին խաղաղութեամբ կա-
տարեսցեն զՉատիկն իւրեանց :

Փոխանորդն Յունաց Մելիթիոս եպիսկոպոս լուեալ
զայսպիսի բանս 'ի Պատրիարքէն Հայոց , հաճեցաւ ընդ
խորհուրդս նորա հանդերձ միաբանակցովքն , և հաւանու-
թեամբ խոստացաւ հաստատուն կալ 'ի վերայ բանիցս այ-
սոցիկ : Ի վերայ այսր բանից յաւել Գրիգոր ասել՝ ոչ այդ-
պէս՝ այլ հաւատարմացուցուք զմիմեանս 'ի Ս . Աւետա-
բանն , և զիցուք ուխտ և դաշինս յանուն Ամենասուրբ
Նրորդութեան , զի մի՛ երեւեցուք դաւաճան ընկերի՝
դնել որոգայթ միմեանց , այլ սիրով և խաղաղութեամբ
անցուցուք զտարիս , և թողցուք զինի մեր յիշատակ բա-
րի և դանուն լաւութեան . դրեցէք դուք զայս ամենայն
Պատրիարքին ձերոյ և ծանուցէք նմա , նոյնպէս և մեք Պա-
տրիարքին և ժողովրդոց մերոց 'ի Կոստանդինուպօլիս . զի
դուռն գործեալ ջանասցեն հանել հրովարտակ յարքունուսա
եւ առաքել յերուսաղէմ զմի ոմն 'ի մեծամեծաց Իբան՝
իրր ոստիկան և վերատեսուչ գործոյս , զի եկեալ նստցի
'ի դուռն տաճարին Ս . Յարութեան , եւ մի՛ տացէ թոյլ
ժողովրդաց միոյ ազգի 'ի Պատեքի միւտոյն : Ի վերջոյ հաս-
տատեալ զայսոսիկ պայմանս 'ի միջի իւրեանց՝ կնքեցին
Տէրունական աղօթիւք՝ և ողջունեալ զմիմեանս մեկնեցան :

Ըստ այսմ՝ պայմանի գրեցին Յոյնք առ Նրխանթոս
Պատրիարքն իւրեանց , որ էր այր խոհեմ եւ հանճարեղ՝
համբաւեալ զխաղութեամբ եւ իմաստութեամբ 'ի մէջ ազ-
գին իւրոյ : նոյնպէս և Շղթայսիկիր առ Յովհաննէս Պատ-

158289-64



րիարք և առ իշխանաւորս ազգին 'ի Բիւզանդիոն, յայտ ա-
րարեալ զմիարանութիւն իւր ընդ ազգին Յունաց՝ յողագոս
տօնի Զատիկն, խնդրեաց 'ի նոցանէ տնօրինել զարժանն :

Ի հասանիլ այտցիկ գրեանց 'ի Թագաւորեալ քաղաքն՝
ընթերցեալ ազգային երեւելեաց՝ հաճեցան ընդ միարա-
նութիւնս երկուց ազգաց . ապա յայնմօրէ բարձին 'ի մի-
ջոյ երկուստեք զերկիւղ կասկածանաց և երկրոյութեան՝
բանակցէին ընդ միմեանս , և խորհէին սիրով և խաղա-
ղութեամբ վախճան տալ գործոյն :

Յետ բազում բանից՝ խնդրեցին Յոյնք 'ի Յովհաննէս
Պատրիարքէն Հայոց զգիր պայմանի վասն հաստատութեան
բանից , և յետ տալոյ նորա զայն , խնդրեաց և ինքն 'ի
նոցանէ փոխադարձ գիր ըստ այնմ , և նոքա խոստացան
փութով տալ բերել զայն 'ի Պատրիարքէն իւրեանց , որ
էր յայնժամ 'ի կողմանս Մոլտավիոյ : Ապա միարանեալ
երկուց ազգաց՝ գրեցին գիր աղաչանաց և մատուցին զայն
'ի Դուռն , յայտ արարեալ զմիաբանութիւնս իւրեանց վասն
տօնի Զատիկն , սիրով և խաղաղութեամբ կատարել զայն
յերուսաղէմ :

Իսկ Յոյնք զգիր Յովհաննու Պատրիարքի և զգիրն ա-
ղաչանաց առաքեցին 'ի Պուքրէշ առ Սրիսանթոս Պատրի-
արքն Երուսաղէմի . և նորա հաւանեալ ընդ միարանութիւն
երկուց ազգաց , գրեաց և ինքն գիր հաւատարմութեան
և 'ի հաստատութիւն պայմանին եղելոյ , առ Յովհաննէս
Պատրիարք Հայոց 'ի Կոստանդինուպօլիս , որ ունէր օրի-
նակ զայս :

Ամենապատիւ և գերերջանիկ Տ . Տ . Յովհաննէս վար-
գապետ և Ս . Պատրիարք Հայոց 'ի Կոստանդինուպօլիս :

Սիրով ողջունեմք զՍրբազնութիւն ձեր՝ և գրեմք մը-
տերմաբար . Ընկալայ զսատուական նամակն ձեր , և քաջ
ծանեայ զհանգամանս պատուական անձին ձերոյ , և ցըն-
ծացեալ բերկրեցայ 'ի սիրտ և 'ի հոգի . մաղթեմք՝ զի բա-
րեգութն Աստուած պահեսցէ զձեզ 'ի բարօր կենդանու-
թեան՝ 'ի խաղաղասիրութեան և յամենայն երկնապարգեւ
բարութիւնս : Իսկ բովանդակութիւն նամակին ձերոյ , ոչ
զայլ ինչ իրաց բանս արկեալ ճառէր , այլ միմիայն զսրբոյ
և մեծի Պատրիքէն՝ որ ունի պատահիլ մեզ յայսմ ամի , որ-

պէս և աղերսագիրն , զոր առաքեալ էիք առ մեզ սակս
ստորագրելոյ զայն , առաւել պարզ և բացայայտ կացու-
ցանէր զխնդիրն՝ քան զնամակն ձեր . զի 'ի կողմանս յայ-
տոսիկ դժուարին եղեւ մեզ գտանել զայնախի Հայագլի
ոք , որ կարող լիցի ըստ օրինի Թարգմանեալ զայն : Մեք այ-
ժմ զայս պատասխանեմք : Յորժամ հանդիպեցաք Սրբազ-
նութեան ձերում , և բանիւ բերտնոյ երկար և խորաքննին
խորհրդով ճառ արկեալ խօսեցաք 'ի վերայ այսր խնդրոյ ,
այլ անկարելի եղեւ մեզ զելս հնարից գտանել , և վշտաղ-
նեալ սրտիւ մեկնեցաք 'ի միմեանց : Եւ յետ այնորիկ ա-
ռանձին խորհելով գարձեալ ոչ կարացաք գտանել զելս
հնարից՝ 'ի բաց բառնալ զանկարգութիւնն զայն , զոր ոչ
մեք և ոչ Սրբազնութիւն ձեր կամիք՝ մի միայն այն է
գլխին ճանապարհն՝ զոր յառաջադոյն ծանուցի ձեզ , և և
գրով պատուիրեցի Փոխանորդին մերոյ որ այդր՝ զնոյն
բան վերստին յայտ առնել ձեզ , կարի յոյժ հաճոյ թուե-
ցաւ խորհուրդս այս Սրբազնութեան ձեր և աւագամե-
ծար ազգային իշխանաւորացդ , որոյ վասն յայտ արարիք
մեզ զչնորհակալիս ձեր : Զմի եւ զնոյն բան գրեալ ազգ-
արարի յերուսաղէմ Փոխանորդին մերոյ , զի ծանուցեն
անգ Պատրիարքին և Փոխանորդին և համազգային երե-
ւելեաց ձերոց , զի եթէ հաճոյ թուեսցի երկուց կողմանց
վաւերացուցեն զայն և տացեն մեզ տեղեկութիւն : Իսկ
նոքա կարի յոյժ պատշաճաւոր գտեալ զայս խորհուրդ՝
ընկալան , մեծի երախտեաց և գոհութեան արժանի հա-
մարելով յայտ արարին մեզ :

Արդ՝ եթէ հաճոյ թուեցաւ առաջարկութիւնն մեր
Սրբազնութեան ձերում և ամենեցուն՝ որք ընդ ձեզ են ,
զիա՞րդ հնար է վերստին փոխել զխորհուրդս մեր : Այլ
այժմ ոչ երկարելով զբանս և ոչ 'ի մէջ բերելով զամե-
նայն խօսս , գրեմք ահաւասիկ առ Սրբազնութիւն ձեր ,
և ձեօք առ ամենայն պատուարժան աւագանիս . զի եթէ
Տէր կամեսցի և եկեսցէ օր մեծի և Ս . Պատրիքի՝ կատա-
րեսցին Հանդէսք և արարողութիւնք Ս . Պատրիքի մերոյ ,
որպէս ասացեալ եմք , այսինքն յաւուր չարաթու ծրա-
գալուցի կատարեսցուք մեք զհանդէս Լուսաւորութեան
առանձին ընդ ուխտաւորս մեր միայն , ըստ տրամադրու-

Թեան աղերսագրոյն՝ զոր առաքեցիք, առանց խառնելոյ
 և մտանելոյ Հանդիսի մերոյ ուխտաւորացն Հայոց, բայց ՚ի
 մշտնջենաւոր պաշտօնելոյ Ս. Գերեզմանին: Եւ ըստ ոմին
 օրինակի՝ կատարեսցին հանդէսք և արարողութիւնք ձեր
 յաւուր տօնի Զատիկն ձերոյ՝ առանց մտանելոյ և խառ-
 նելոյ ուխտաւորաց՝ համազօրաց և միաբանաց մերոց, բայց
 ՚ի նոցանէ որք կան ՚ի սպաս ծառայութեան Ս. Գերեզ-
 մանին: Այսու եղանակաւ յուսալի է մեզ սիրով և խա-
 ղազրութեամբ անցուցանել զաւուրս մեր և թողուլ զօ-
 րինակ բարի զինի մեր յաջորդաց մերոց. զի եթէ պատա-
 հեսցի ՚ի ժամանակին սոյն օրինակ փոփոխումն Զատիկի,
 հետեւեացին օրինակիս սյամիկ: Հեռացին և խափանեցին
 այն ամենայն չարիք և անկարգութիւնք և փակեցին
 դրունք տարագոյման ծախուց, մանաւանդ դարձան
 զայթախութեան, յորմէ ոչ ծնանի սյլ ինչ, բայց միայն
 վնաս և փտտահամբաւութիւն՝ եւ այլ ամենայն անբարի
 գործք, զորս մեք և Սրբազնութիւն ձեր քաջ զիտեմք:

Նկատելով զհանգամանս վիճակին մերոյ և ձեր, ոչ ինչ
 պատշաճ համարիմ զերդմանն բան ՚ի մէջ ածել եւ երդ-
 նուլ, այլ եղիցի բանն մեր այոն՝ այո, եւ ոչն՝ ոչ: Զի
 թէ պէտեւ անայլայլելի Փրկիչն մեր սակա առաւել կատա-
 րելութեան եւ հաւատարմութեան մարդկանց բազում
 անգամ զերդումն ՚ի կիր էարկ, «Երդուա Տէր և ոչ եւս
 զզջացի», սակայն եւ այնպէս հետեւելով մշտնջենաւոր
 օրինակի նորա, ահա այսու դաշամբք հաւատեմք և խա-
 տանմք, զի եթէ ոք յերկուց կողմանց, կամ մեք և կամ
 Սրբազնութիւն ձեր փոփոխել համարձակեսցի, եւ կամ
 ոչ կամեսցի կալ մնալ ՚ի վերայ այնմ ուխտի, որ խաղա-
 ղասէր մտօք հաստատեցաւ ՚ի միջի երկոցունցս, ուղղակի
 և կամ անուղղակի, ընդ համազօրս եւ կամ ընդ օտարս,
 և կամ որ և իցէ եղանակաւ, և կամ նոյն իսկ ՚ի մէջ Ս. Ե-
 բրուսաղէմի, նզովք Փրկիչն մերոյ Յիսուսի Քրիստոսի եղի-
 ցի ՚ի վերայ նորա, եւ դատաւարտեցի յայնմ աշխարհի
 և ՚ի հանդերձեալն առաջի հրեշտակաց և մարդկան: Եւ յա-
 ւուրն դատաստանի և ՚ի սոսկալի ատենին Քրիստոսի՝ այն-
 պիտին տացէ պատասխանի իրբեւ թշնամի միաբանութեան
 և օգտի հասարակաց:

Որպէս առաջաք յառաջագոյն. զի յայնպիսի կարեւոր
 խնդիրս չէ ինչ աւելի տարատարա կրկնումն: Մեք ա-
 ռանձին ընդ ուխտաւորս եւ ընդ համողիս մեր կատա-
 րեսցուք զարարողութիւնս մեր, առանց խառնելոյ ուխ-
 տաւորաց եւ համազօրաց մերոց, բայց ՚ի մշտնջենաւոր
 պաշտօնելոյ Ս. Գերեզմանին: Նոյնպէս և դուք կատարես-
 ջիք զարարողութիւնս ձեր ընդ ուխտաւորս եւ ընդ հա-
 մազօրս մեր, առանց խառնելոյ և մտանելոյ ուխտաւո-
 րաց մերոց, բայց յայնցանէ որք սպասաւորեն Ս. Գերեզ-
 մանին:

Արդ՝ առաւել քան զայս ոչ կարեմք գրել յայտնի և
 բացորոշ զիրս. զի վստահ եմք, որ առանց երկուսնալոյ
 հաւատայք բանից մերոց, որպէս և մեք չունիմք երկրա-
 յութիւն ինչ խտտմանց և երդմանց մերոց: Յորժամ բար-
 ւուք թարգմանեալ զնամակս ՚ի միտ առջիք, յայնժամ ար-
 դար և ճշմարիտ գտանէք զգրեալոյ մեր: Հարկ է ուրեմն
 եւ Սրբազնութեան ձերոյ գրել և տալ թուղթ ըստ օրի-
 նակիս սյամիկ՝ Փոխանորդին մերոյ: Եւ զինի թարգմա-
 նութեան նամակիս, առաքեցէք զայն յերուսաղէմ առ
 Ամեն. Պատրիարքն ձեր, եւ ծանուցանել նմա լռելեայն,
 զի մի անկարգութիւն ինչ պատահեսցի: Նոյնպէս և ըզ-
 թուղթ Սրբազնութեան ձերոյ տաջիք թարգմանել ՚ի մեր
 լեզու ձեռամբ Փոխանորդին մերոյ, և սպա առաքել զայն
 յերուսաղէմ:

Առաւել բարւոք թուի ինձ վարձել ընկերովի մի կամ
 երկու հեծեալս, և անկասկած փութով առաքել զնամա-
 կանիս յերուսաղէմ, զի հանդարտեսցին մեր և ձեր վա-
 նականքն՝ որ անդ. Մեք ըստ կարծեաց մերոց աւելի լաւ
 համարիմք զաղտնի պահել զոյս խնդիր ՚ի միջի մերում,
 և չյայտնել ժողովրդոց վասն բազում պատճառաց:

Իսկ աղերսագիրն և նամականիւքն, զորս առաքեալ էիք
 զմին ստորագրել և զայլն տալ ընթեռնուլ յեկեղեցիս,
 մտացին այժմ. զի խորհեցուք ՚ի միասին, զի դեռ ու-
 նիմք ժամանակ. զի յայնմ ամի Զատիկն անկանի յԱպրիլ
 ամսոյ. յորժամ ՚ի մի վայր գումարիցիմք՝ որ ունի լինիլ
 յառաջիկոյ ամսոյ, խօսեսցուք ՚ի վերայ խնդրոյդ այդո-
 ցիկ. ՚ի բայ թողեալ զայլ ամենայն գործս թէ եւ ՚ի մեծ

Պետոս մեզ, եթէ չնորհեացէ մեզ Տէր կեանս և կենդանութիւն, յառաջ քան զուսն Մննդեան Փրկչին մերոյ, աներկբայ լինիմք 'ի կողմանսդ յայդոսիկ. յուսով եմք թէ յայնժամ խորհելով 'ի միասին, դիւրութեամբ գտանեմք զելս հնարից գործոյս։ Ահա այս է ճշմարիտ կարծիքն մեր, և եթէ հաճոյ թուեսցի ձեզ՝ պատասխանեցէք փութով 'ի ձեռն Փոխանորդին մերոյ։ Աղաչեսցուք զԱստուած զի տացէ բարի վասնձան գործոյս, և առաջնորդեսցէ 'ի բարին՝ ըստ մեր յուսոյ և խորհրդոյ։ Օրհնութեամբ ողջունեմք զիրեւի բարեկամն մեր զմահտեսի Սեղբոսն, նոյնպէս և զպատուարժան միաբանութիւնս ձեր, Մնամ սիրեցեալ ձեզ 'ի Քրիստոս։

1728 Նոյեմբեր 8.
'ի Պատրիարք:

Երուսաղեմի Պատրիարք
Խրիստոս:

Ի հասանիլ թղթոյս 'ի կոստանդինուպօլիս առ Յովհաննէս Պատրիարք, գրեաց և ինքն հանգոյն սմին թուղթ, և ետ ցՅոյնս առաքել յերուսաղէմ։ Իբրեւ դարձաւ Պատրիարքն Յունաց 'ի քաղաքն կայսերանիստ, մատուցին 'ի Դուռն զթուղթն, զոր պատրաստեալ էին յառաջագոյն, և 'ի զգացուցանել զայն Արքային Աճմեռայ, հաճեցաւ՝ մանաւանդ թէ զարմացաւ իսկ ընդ այնպիսի անակնունելի միաբանութիւնս երկուց աղջաց. և հրամանաւ նորին գրեցաւ հրովարտակ՝ ըստ մտաց աղերասագրոյն, յորում պատուիրէր առ ամենայն դատաւորս և գործաւարս Երուսաղէմի, արթնութեամբ և զգուշութեամբ 'ի գլուխ տանել զհրաման Արքային, կարգեցին նաև ոստիկան և վերատեսուչ գործոյս՝ զայն հաւատարիմ Իսլաւհիմ Աղա-գրուլով) նա ինքն վէզիրն մեծ Իսլաւհիմ Փաշա, և յանձն արարեալ 'ի ձեռս ոստիկանին, առաքեցին յերուսաղէմ։ Եւ նորա ճանապարհ արարեալ եհաս անդ 'ի 16 ամիսանն Մարտի, և մատոյց զգրեանս դատաւորի քաղաքին, և նա կոչեաց զՓոխանորդն Յունաց զՄեւլեթիոս, և զՓոխանորդն Հայոց Հաննա կամ Յովհաննէս եպիսկոպոս, և ետ ընթեռնուլ առաջի նոցա զհրովարտակն Արքայի, և զգիր մեծի

վէզիրին։ Իբրեւ յանձն առին նոքա հաճութեամբ կատարել զհրամանն, գրով հաստատեաց զմիաբանութիւնս նոցա և արձակեաց։

Իսկ Գրիգոր Պատրիարք 'ի Կիւրակէի Գալատեան, որ օր Մաղկազարդ էր Յունաց, առաքեաց զամենայն ուխտաւորս և զժողովուրդս Հայոց 'ի լեառն Զիթենեաց և ետ կատարել անդ պատարագ հանդիսաւոր 'ի վերայ Համբարձման ոտնատեղոյն Քրիստոսի, և և յաւուրն երկրորդի առաքեաց զնոսս 'ի Յորդանան գետ, և և դարձան անտի խաղաղութեամբ յերուսաղէմ։ (Չայս սովորութիւն խափանեալ են այժմ Հայք, միայն 'ի տարւոյ միանգամ տան բերել ջուր 'ի գետոյ անտի՝ և բաժանեն ուխտաւորաց. իսկ Յոյնք ցարդ պահեն զսովորութիւնս իւրեանց, և 'ի տարւոյ միանգամ տանեն անդ զուխտաւորս)։

Եւ 'ի հասանիլ տօնի Պասեքին Յունաց՝ եկեալ ոստիկանին և այլ մեծամեծացն այլազգեաց՝ նստան 'ի դուռն տաճարին Ս. Յարութեան 'ի զգուշութիւն՝ և և չթողուլ զք 'ի Հայոց մտանել 'ի ներքս ըստ հրամանին, թէպէտ և Գրիգոր Շղթայակիր յառաջագոյն յորդորական բանիւք և քաղցրախօս վարդապետութեամբ իւրով պատուիրեալ էր ժողովրդոց չգնալ ումեք և մի՛ երեւիլ անդ, զի մի՛ գուցէ կրեացէ պատիժս՝ և ազգն ողջոյն երեւեսցի իբրեւ անհնազանդ։ Այնպէս հետեւեցան ժողովուրդք խրատու հովուի իւրեանց, մինչ զի չիմանալ ումեք թէ՛ զինչ գործեցին Յոյնք 'ի Պասեքի իւրեանց։ Եւ այսպիսի եղանակաւ կատարեալ նոցա զՉատիկն՝ ելեալ գնացին 'ի տեղիս իւրեանց։

Եւ յաւուր յայնմիկ 'ի միջօրէի ետ բանալ Գրիգոր Պատրիարք զգուռն Տաճարին և գնացեալ անդ բազմութեամբ ուխտաւորաց, կատարեաց զուսն Մաղկազարդի մեծահանդէս փառօք, և դարձաւ 'ի վանս Ս. Յակոբայ։ Նոյնպէս կատարեաց անդ յաւուր Աւագ Ուրբաթու զխորհուրդ Չարչարանաց և Սաչելութեան Տեառն, թափօրական հանդիսիւ շրջելով 'ի բովանդակ անօրինական Տեղիս 'ի տաճարի անդ։ (Այս սովորութիւն Հայոց խափանեալ է այժմ, զսոյն խորհուրդ կատարեն 'ի տաճարի Ս. Յակոբայ)։

Իսկ յաւուր Շարաթու յերեկոյի ճրագալուցի Չատիկն,

գնաց դարձեալ բազմութեամբ ուխտաորացն և միաբանական դասուք, ուր ժողովեալ էին քործակալք դրանն. խաղաղութեամբ և ուրախութեամբ կատարեաց զհանդէս և ուսուսուրութեան, ըստ վարդեմի սովորութեան Հայոց, միութարեալով զժողովուրդն և եզրկտացիք, այսինքն Գովթիք որք ոչ կամեցան ընդ Հայոց տօնել զԶատիկն, զաղապարզի ի զննին կոյնն աստ և անդ ՚ի պատուհանս և յայլ տեղիս ընդ միաբանս Յունաց՝ առանել թէ յո՞ր եզերին ելք իրացն. այլ մեծ արար Տէր զսղորմութիւնն եւ մխիթարեաց զճառայս իւր:

Նոյնպէս և ՚ի զիշերին յայնմիկ փառաւորապէս կատարեցին զտօն Հրաշափառ Յարութեանն Գրխատոսի թափօրիւ, և զարձան ուրախութեամբ ՚ի տեղիս իւրեանց և Չեղեւ ինչ վէճ և կամ խռովութիւն յառարա յայտոսիկ ՚ի մէջ երկուց աղքաց, և տատիկանն դրան գրով դատաւորին դարձաւ ՚ի Կոստանդինուպօլիս:

Չատուսութիւն Մաաղապի, զոր աւանդեցաք ՚ի կարգի գործոյս, առեալ եմք ՚ի ձեռագիր գրուածոց, ուչ եղեալ նաեւ ՚ի դատաստանական գիրս, և ՚ի յիշատակարանէ ձեռագիր Յայամաուրի, զոր գրեալ է նա ինքն Հաննա վարդապետ սկանապետ ամենայն հանգամանօք Սակայն երեւի անհամաձայնութիւն բանից յերկուց կողմանց. զի յիշատակարանն աւանդէ, թէ Գրիգոր Պատրիարք առաջի եղ Յունաց զպայմանն ստանձին տօնելոյ ըզՊատեքն, իսկ ՚ի բանս նամակի Պատրիարքին Յունաց այնպէս երեւի, որպէս թէ ինքն ստիպեալ իցէ զՅովհաննէս Պատրիարք իւրզանդիոյ, առնել այնպէս. եւ նորա չիցէ յանձն առեալ ՚ի սկզբան, և յետոյ զիջեալ ՚ի կոմս նորա, ուստի ծագի տարածայնութիւն բանից. իսկ մեք սակս չճշտութեայ գեղեղին, ամիտօխս պահեցաք զբանս երկուց կողմանց, Սակայն եւ այս բնական է, զի իւրաքանչիւր ոք՝ գիւրն կամի հաստատել: Այլ զինդիրն վարդեմի կարելի է այսպէս լուծանել. թերեւս յայնժամ Յովհաննէս Պատրիարք իւրզանդիոյ, լուելեայն ազգ արարեալ իցէ յերուսաղէմ վստոս Պատրիարքին Յունաց. և ՚ի լինել բանից ՚ի մէջ Գրիգորի և Փոխանորդի նոյնն, առաջարկեալ է նա այնպէս. եւ նորա ընկալեալ գայն իրրեւ

նախազգած խորհրդոյ Պատրիարքին իւրոյ. եւ այնպէս հաստատեալ զպայմանս դաշինն, և սոյն օրինակաւ յայտնեալ իցեն զգաղանիս իւրեանց:

Իսկ Հ. Մ. Չամչեան՝ այլով իմն եղանակաւ աւանդէ զոյս պատմութիւն խոտորման Զատիկ. Տես Պատմ. Հայոց, Հատ. Գ. Երեւ 804: Որպէս թէ ծախեալ իցեն ՚ի դրունս բազում ինչ յերկուց կողմանց, խրոխտալ ՚ի վերայ միմեանց և թշնամանել բանիւք զիծանաց, և լինել մեծամեծ աղմուկաց, և ՚ի հասանիլ տօնի Զատիկն՝ սպանանել երկու ոգիք ՚ի Հայոց, և երկու եւս ՚ի Յունաց: Այլ այսօրիկ բանք ոչ նշմարին ՚ի գրչագիր օրինակս մեր եւ ոչ ՚ի դատաստանական գիրս, որք պահին առ մեզ, բայց յայնց խռովութեանց որք յետոյ պատահեցան ՚ի գաւառս, զորոց հանդերձեալ եմք ասել, թէ պէտեւ աղօտ իմն նշմարի ՚ի նամակիս Գրիգորի, այլ կատարեալն և ստոյգն ոչ հասին ՚ի ձեռս մեր: Այլ մեք թողեալ զայսպիսի վայրագար քրննութիւնս՝ մատիցուք պատմել որք զինի այսմ պատահեցան:



Գ Լ Ո Ւ Խ Գ .

Յինդութիւն Յունաց: Խռովութիւն ժողովրդոց յարեւելան գաւառս: Վէճ Լատինաց: Մահ Աթոռակալ Հաննա վարդապետի: Վիշտ Գրիգոր Պատրիարքի:

ՅԵՏ կատարելոյ զտօն Պատեքին յերուսաղէմ, ուխտաւորք Հայոց և Յունաց ցրուեալ գնացին յիւրաքանչիւր գաւառս և ՚ի քաղաքս իւրեանց: Իսկ Պատրիարքունք Յունաց Պասիոս Կոստանդինուպօլիս՝ և Խրիսանթոս Երուսաղէմի՝ մատուցին գիր ամրաստանութեան ՚ի Գուռն զազգէն Հայոց, և ասեն թէ՛ յետ մեկնելոյ յերուսաղէմէ՝ ուխտաւորացն՝ գնացեալ յիւրաքանչիւր գաւառս և ՚ի քաղաքքս, և ոչ ճանաչելով զչափ անձանց իւրեանց և հանդարտիլ խաղաղութեամբ, մատեան առ դատաւորս և առ իշխանաւորս քաղաքաց՝ տուելութեամբ բանսարկու եղեն զազգէն Յունաց, թէ նոքա ոչ կարացին ուղիւ տօնել ըզ:

Չատիկն, և յաղագս լուսոյն՝ բանք մեր ստոյգ համարեցան, և այսպիսի ստույգեամբ մատնեցին զնոսա՝ ՚ի բանտս և ՚ի տուգանս, և խռովութեամբ լցեալ զաշխարհն, առիթ եղեն բազմապատիկ վնասուց. ապա խնդրեցին հրովարտակ, զի բարձցին նովաւ բռնութիւնք Հայոց, և մի լսելի լինեցին բանք նոցա. զի եթէ ոչ զգատասցին՝ դատաւորք ծանուցեն զանուանս նոցա ՚ի Դուռն՝ ՚ի կրել պատիժ պատուհասի, \\\ \ (1729): Գրեցաւ հրովարտակ առ ամենայն դատաւորս և իշխանս արեւելեան դաւառաց, տեսանել արդարութեամբ զվէճս նոցա և լուծանել օրինօք դատարանի: Առեալ Յունաց զայս հրովարտակ՝ ետուն ՚ի ձեռս Եռասուֆ անուն առն ուրումն Կեսարացոյ, որ էր այր ժանտ և չարարարոյ, և առաքեցին յարեւելեան դաւառս: Հասեալ նորա ՚ի Կեսարիա Կապադովկացոց՝ ետ արձանագրել զայն ՚ի դատարանի, և էառ անտի գիր ըստ մտաց հրովարտակին: Յետ այնորիկ կոչեաց դատաւորն զգլխաւորս երկուց ազգաց, եւ ընթերցեալ առաջի նոցա եհարց՝ թէ իցե՞ն այնպիսի վէճ՝ ՚ի միջի իւրեանց սակա տօնի Չատիկն, և նոքա ասեն՝ թէ դուցէ լուեալ է մեր զայդպիսի անուն խռովութեան, զի ահա կամք ՚ի քաղաքիս յայսմիկ սիրով եւ խաղաղութեամբ ընդ միմեանս լուեալ դատաւորին զբանս նոցա՝ ազգ արար ՚ի Դուռն, թէ չեն պատահեալ այնպիսի իրք ՚ի քաղաքին: Եւ տեսեալ թէ ոչ դադարի Եռասուֆ ազմկելոյ զքաղաքն և խռովելոյ զժողովուրդն, և յարուցանելոյ զնոսա ընդդէմ միմեանց՝ հալածեաց զնա ՚ի քաղաքէ անտի: Եւ նորա փախուցեալ անտի՝ զնաց ՚ի քաղաքն Եւդոկիայ, և սկսաւ յայտնել անդ զչարութիւն իւր, որպէս արարեալ էր ՚ի Կեսարիա:

Ի կոչել դատաւորին զառաջնորդս և զգլխաւորս ժողովրդոց երկուց ազգոց, և յընթեռնուլ զհրովարտակն և ՚ի հարցանել ցնոսա, Յոյնք զարմացեալ ետուն պատասխանի. թէ ոչ ոք ՚ի Հայոց բնակելոց ՚ի քաղաքիս յարուցեալ է վէճս, և կամ ասացեալ բան ինչ վասն տօնի Չատիկն. և նա ծանոյց ՚ի Դուռն զխաղաղութիւն ժողովրդոց քաղաքին: Սակայն Եռասուֆ ոչ դադարէր յայտնի և ՚ի ծածուկ զրդուել զժողովուրդն Յունաց ընդդէմ Հայոց: Զնոյն արար ՚ի Մարտան, յԱմասիա, ՚ի Զիլէ, ՚ի Նիկար և

յոյլ տեղիս, ուր և ժամանեցին խռովարար սաք նորին:

Եւ ՚ի լինել այսպէս աստիպացաւ խռովութիւն ՚ի մէջ երկուց ազգաց. վիճէին եւ հակառակէին ընդ միմեանս, ուր և պատահէին: Տեսեալ Հայոց թէ օր քան զօր բազմանան չարիք ՚ի քաղաքին Եւդոկիայ յերեսաց անդգամին Եռասուֆայ, դիմեցին առ դատաւորն հանդերձ առաջնորդութիւն, և խնդրեցին աքսորել զայրն ՚ի քաղաքէ անտի, և բառնալ զչարն ՚ի միջոյ. զի վրդովեալ էր զխաղաղութիւն ժողովրդոց: Դատաւորն գրեալ ՚ի Կեսարիա՝ եհարց ցնոսա, թէ ո՞րպիսի ոք իցէ Եռասուֆն. քրիստոնեայք և այլազգիք քաղաքին ետուն պատասխանի, թէ է այր չարարարոյ և խռովարար՝ հոչակաւոր յամենայն վատթարութիւնս, զի ձեռնտուութեամբ եղոր իւրոյ ՚ի Կոստանդինուպոլիս առեալ հրովարտակ ինչ՝ շրջի բանասրկութեամբ և մատուցութեամբ յամենայն տեղիս խռովել զժողովուրդն, ըստ բնական բարուց իւրոց՝ որպէս արար ստու:

Առեալ զայս գիր դատաւորին Եւդոկիայ՝ ազգ արար ՚ի Դուռն. հասին անդ և թուղթք գանկատանացն Հայոց ՚ի քաղաքաց և ՚ի դաւառաց. լուաւ նաեւ զայստիկ անցս եւ Յովհաննէս Պատրիարք Բիւզանդիոյ. գրեալ էր նաեւ Գրիգոր Պատրիարք յերուսաղէմէ զնեղութիւնս ազգին. և եւս բողոք եբարձ ՚ի Դուռն, թէ ո՞րպէս Յոյնք խարէյութեամբ առեալ հրովարտակ՝ զօրութեամբ նորին հայհոյեն և թշնամանեն զազգն, ուր և պատահեցին. եւ ՚ի պատասխանել նոցին, իրր արտատմբք Կայսերական հրամանին, մատնին ՚ի ձեռս բռնաւորաց և տուգանին ՚ի նոցանէ, մինչեւ տաղականալ ամենեցուն. եւ այլ սոցին նման բանք: Գրեցաւ հրովարտակ դարձեալ սակա խափանելոյ զբռնութիւնս Յունաց. ՚ի բաց առնուլ զհրովարտակն առաջին և զգիր դատաւորին Կեսարիոյ՝ ուր ուրեք եւ զայլ, և առաքել ՚ի Դուռն. ջնջել զարձանագրութիւնս նոցին ՚ի դիւանաց և ՚ի դատարանաց, եւ արձանագրել զհրովարտակն Հայոց: Ի հասանիլ այսր հրովարտակի յարեւել, դատաւորք ծանուցին զմիտս նորա Հայոց և Յունաց, և պատուէր ետուն երկաքանչիւրոց չյուզել այլ եւս զխռովութիւնս զայն ՚ի միջի իւրեանց. եւ ստառնացան եւս, ըստ հրամանի արքային, ածել պատիժ պատուհաս:

սից 'ի վերայ անհնազանդելոց, եւ կապանօք առաքել 'ի Գուռն: Այլ այսու եւս անհնարին եղեւ բառնալ զխոռվութիւնն, զի Յոյնք դարձեալ խնդրեցին հրովարտակ յԱրքայէ, 'ի բաց առնուլ զառաջին եւ զերկրորդ հրովարտակս 'ի ձեռաց Հայոց եւ Յունաց՝ եւ պատուել զնոսա, եւ ջնջել զարձանագրութիւնս նոցին, չզիճել այլ եւս վասն տօնի Զատիկին, և սպառնալիք պատուհասի 'ի վերայ անհնազանդից. իսկ դատաւորք և գործադարք տէրութեան, 'ի ժամանակի խռովութեան յայնմիկ, եթէ առեալ իցեն յուսմքէ դրամս ինչ տուգանօք, դարձուցեն յետս առ տեարս իւրեանց, և ինքեանք զրկեալ 'ի պաշտօնէ՝ դատապարտեսցին յաքսորս՝ արգելեալ 'ի բերդս: Եւ առ իթն խռովութեան ժամտագործ այրն Երեսուֆ՝ ուր և գտցի, առցի 'ի ձեռաց նորա հրովարտակն եւ պատահեսցի. զի այսմ վերջին հրովարտակիս՝ հաճեցան Հայք և Յոյնք. զի օր յառաջ բարձցի եւ անհետասցի խռովութիւնն 'ի միջոց երկուց ազգաց:

Ի հասանիլ այսր հրովարտակի առ դատաւորս քաղաքաց, արարին ըստ հրամանի Արքային, և բարձաւ խոռվութիւնն յարեւելս, և ժողովուրդք սկսան վարիլ սիրով և խաղաղութեամբ ընդ միմեանս:

Այս ամենայն անցք, որք անցին յարեւելս 'ի միջի Հայ և Յոյն ժողովրդոց, հանգամանօք պատմին 'ի զիրս դատաւորաց այլ և այլ քաղաքաց և 'ի Կայսերական հրովարտակս, որք ամբողջ պահին 'ի շտրս դրոց Ս. Աթուոյն, յորոց քաղեալ համառօտեցաք զպատմութիւնս:

Այն ինչ հանդարտեալ էր Գրիգոր Պատրիարք 'ի շիրթութիւնէ Մուղապտիկի եւ յազմիկեալ խռովութենէ ժողովրդոց յարեւելս, և կամէր հանդարտիլ և խնամել զիւրսդն, յարեաւ այլ իմն խռովութիւն 'ի նմին իսկ յերուսաղէմ քաղաքի: զի Լատին կղերք սկսան հակառակիլ և վիճել ընդ Հայոց վասն Պատանատեղւոյն Քրիստոսի 'ի Ս. Յատութիւն, և ջանային արգելուլ զնոսա 'ի մասնակցութենէ նորին, բառնալ կամելով անտի զաշտանակս Հայոց:

Եւ եղև յընդգիմանալ Գրիգորի Պատրիարքի, և առաջի առնել դատաւորաց զվաւերական գրեանս վասն այնր տեղւոյ, ծաղեցաւ ասելութիւն 'ի մէջ երկուց ազգաց:

սրով և երկարեցան վէճք և դատաստանք: Հուսի ուրեմն զիջան Լատինք 'ի հաշտութիւն եւ խաղաղեցան. զի չէր հնար ծածկել ընդ քողով օր և իցէ ամբաստանութեան և բունութեան զգարաւոր իրաւունս Հայոց: Ուստի ինքեանք եւս յայտնապէս խոստովան եղևն թէ հաստատեալ է այն 'ի սկզբանէ և այսր: Այլ այս խաղաղութիւն նոցա ոչ տեւեաց ընդ երկար, զի գտին զայլ իմն պատճառս խռովութեան վերստին հակառակիլ Հայոց:

Զի 'ի սմին ժամանակի Հայք 'ի տաճարին Ս. Յարութեան յաւուրս հանդիսաւոր տօնից պատարագէին 'ի սեղանն Իւղաբերից հանդէպ Գերեզմանին, եւ դնէին զոչ աշտանակս առաջի մեծի պատկերին, որ 'ի վերայ զոչ մարմարին սեանց՝ կից սեղանոյն այնմիկ յարեւելս, եւ արկանէին փախաթս և սփռոցս 'ի հրապարակի Գերեզմանին 'ի ներքոյ մեծի դմբեթին սակս ժողովրդոց, և դնէին անդ զԱթոռ Պատրիարքին, և զկնի հանդիսին բառնային զնոսա անտի: Իսկ Լատինք զհետ մտեալ ջանային խափանել զայն, այլ Հայք ոչ ետուն նոցա թոյլ վարիլ յամենայնի ըստ կամաց իւրեանց: Եւ 'ի սաստկանալ վիճմանց՝ ազգարարին դատաւորի քաղաքին, եւ նա բազմութեամբ այլազգեաց եկն 'ի Ս. Յարութիւն, ուր ժողովեալ էին միարանք Հայոց, Յունաց և Լատինաց, եւ ընթերցան անդ առաջի բաղմութեան զգրեանս, զորս մատուցին Հայք: Յետ այնորիկ եհարց դատաւորն ցլուսարարն և ցթարգմանն Յունաց, թէ Հայք՝ ըստ զօրութեան մուրհակացն, ունին զայստսիկ իրաւունս, և ո՞րպէս գիտէք և տեսեալ իցէք, եւ նոքա ետուն պատասխանի. ունին զայստսիկ ըստ վաղեմի սովորութեան իւրեանց, եւ անխափան կատարեն: Կոչեաց և զայլազգի դունապանսն, և նոքա ըզնոյն պատասխանիս երկրորդեցին. զայն տեսեալ Լատինաց ակամայ կամօք յանձն առին խոստովանիլ զիրաւունս Հայոց: Ապա պատուիրեաց դատաւորն Ֆրանչիսկեան կրօնաւորաց, չգրդուել զայնալիսի վէճս և խռովութիւնս, զորս ոչ կարեն հաստատել օրինաւոր գրովք: Զի թէպէտ վերստին դրով հաստատեաց զսովորութիւնս Հայոց, 1144 (1730), այլ չեղև հնար զերժանիլ 'ի ձեռաց նոցա, որպէս ունինք ասել յիւրում տեղւոջ:

Ի մին ժամանակի Հաննո վարդապետ, որ տակաւին կենդանի էր, միաբանեալ ընդ փոխանորդին Յունաց, նորոգեցին ընկերութեամբ զտանին եկեղեցւոյ Ս. Աստուածածնի՝ ՚ի ձորն Գեթսեմանի, եւ բարձրացուցին զորմն, որ ՚ի գաւթի անդ, նոյնպէս նորոգեցին զայլ կարեւոր սեղլա թէ ՚ի ներքս և թէ արտաքս:

Հաննա վարդապետ կամ Յովհաննէս եպիսկոպոս Երուսաղէմացի, ՚ի ժամանակէ անտի տեղակալաց, մինչեւ ցայս վայր, անխնջ ջանիւք և մտադիւր յօժարութեամբ ծառայեաց եւ վաստակեցաւ յամենայն դործս Աթոռոյն, աջակցելով Գրիգորի Եղթայակրի ՚ի զանազան դատաստանս ընդ օտարաց, և ՚ի շինութիւնս Ս. Տեղեաց և ՚ի դիր եհար զամենայն անցս իւրոյ ժամանակի և ըստ տուրցելոյ նմա շնորհին, նկարեաց զհրալալի սլատիերս անօրէնութեան Փրկչին, և սրբոց նորին, սքանչելի արուեստիւք, որպէս տեսանի ՚ի տաճարի Ս. Յակոբայ եւ յայլ եկեղեցիս. կաթոճածաշար եղեալ անկաւ ՚ի մահիճս, եւ տառապեալ ՚ի նմին աւելի քան զերկուս ամս վախճանեցաւ յամի Տեառն 1733 ՚ի 11 ամսեանն Յունիսի, և թաղեցաւ ՚ի վանս Ս. Փրկչի, թողեալ սուգ մեծ, առաւել քան ազգականաց իւրոց, նորին Գրիգորի Պատրիարքի, մինչեւ յանձն առնուլ իսկ հրաժարիլ ՚ի Պատրիարքական յԱթոռոյ, զի յանկարծակի զրկեցաւ հաւատարիմ գործակցէ իւրմէ, որպէս է տեսնել ՚ի նամակի նորին, զոր վըշտահար սրտիւ գրեաց առ Յովհաննէս Պատրիարք եւ առ իշխանաւորս ազգին ՚ի Կոստանդինուպօլիս, ուր յետ այլոց բանից ասէ. Արդ հնադանդեալ յայնժամ հարկեցուցիչ բանից ձերոց արկի զպարանոց իմ ընդ լծով ծառայութեան ազգին. յաջողութեամբ Տեառն եւ օգնութեամբ ձերով՝ ազատեցաւ Ս. Աթոռն ՚ի սլարսուց եւ յաղքատութեանց և ՚ի նախատանաց օտարաց, որոյ վասն շնորհ ունիմ յԱստուծոյ և համայն յազգէն: Արդ՝ սիրելիք իմ, և տեսարք Ս. Տանս, ես ձերացայ և անկարող ՚ի դործս. մանաւանդ միջարեկ և յուսակտուր արար զիս տարաժամ մահ սիրելի Աթոռակալին իմոյ, և կամ ՚ի սուգ անմոխիթար. ճշմարիտ և անկեղծ սրտիւ գրեմ ձեզ, զի ես այսուհետեւ անկարող եմ կատարել զգործս զայս. քաջ իսկ գիտէք, զի յառաջ քան

զերիս ամս, յորժամ խօթացաւ բարեյիշատակ որդեակն իմ, գրեցի ձեզ առաքել այսր զՊատրիարք վարդապետն տիրել տան ձերոյ, եւ ինձ առանձնանալ ուրեք ողբալ զթշուառութիւն անձին իմոյ: Եւ յանցելումս ամի առաքեաց նա զանդրանիկ աշակերտ իւր զՅակոբ վարդապետ (Նալեան). և ես հաճութեամբ նորին արարի զնա ինձ և ինքեան փոխանորդ և առաքեցի այդր, և մնացի գալըստեան նորա, որպէս խոստացաւն. և այժմ վերստին թախանձանօք աղաչեմ, խնայել ՚ի դադաշեալ ձերութիւնս և ազատել զիս. զի եթէ բանք իմ լսելի լինին ձեզ, առաքեցէք զվարդապետդ իմ լինիլ տէր տան ձերոյ, եւ մի մոռանայք զաշխատութիւն դորա, որ վասն Ս. Տանս եւ Ս. Եկեղեցեացդ, և մի անտես առնէք զաղաչանս իմ. զի ողորմութեամբ Տեառն տունն ձեր լի է հոգեւոր եւ մարմնաւոր բարեօք, կրօնաւորօք եւ աղօթաւորօք, որք զցայդ և զցերեկ կան ՚ի պաշտօն փառաբանութեանն Աստուծոյ: Զի եթէ ոք չարախօսեալ իցէ զսիրելի եղբարց իմոյ. ինքն լիցի պարտաւոր, զի գլուխ մեղաւորաց ես եմ. աղաչեմ զբարեպաշտդ կատարել զհայցուածս իմ, և ինձ որպէս հրամայէք այնպէս առնեմ, կալ աստ, եւ կամ զնալ յերկիրն իմ, ուր ուրեք և իցէ. շնորհ ունիմ զձէնջ եւ զհամօրէն ազգէն իմմէ, զի ոչ ումեք եղբարց իմոյ արարիք, որպէս ինձ. զի ցուպ ՚ի ձեռին իմոյ եկի ՚ի միջի ձերում, եւ այսքան բարիս արար Տէր օգնութեամբ ձեր:

Արդ՝ սիրելիք իմ վայելցի և ողորմութեամբ Տեառն զտունն ձեր ամենայն բարեօք լցի, ոչ ես, այլ շնորհքն Աստուծոյ: Եւ նշանն անկարողութեան իմոյ երեւեցաւ յանցելումս ամի, որոյ վասն վարդապետն իմ և դուք ամենեքեան վշտացեալ էիք յինէն, թէ ընդէ՞ր ոչ կուուեցար ընդ օտար ազգս: Արդարեւ բարեյիշատակ իշխանն մեր մահտեսի Յարութիւն, վառեալ ՚ի նախանձ աստուածային կամեցաւ մտանել ՚ի հանդէս մարտի, սակայն արգելի զնա խրատիւք և յորդորական բանիւք ՚ի խաղաղութիւն. եւ եթէ մտեալ էաք ՚ի մարտ ըստ խրատու ձեր, ապաքէն արիւնն մեր խառնէր ՚ի տօնս Ս. Զատիկին, որպէս Գալիլեացւոցն առ Պիղատոսիւ, և լինէր խափանումս տօնին,

և երկօրին ազգքս առաջի օտարաց առակ նշաւակի. և ո՞վ արդեօք լինէր սարտաւոր արեանց անմեղաց. վասն որոց երկուցեալ յառաջակայ վտանգէ և 'ի տկարութենէ իմմէ՝ և յայլ իրաց, գրեցի զգիրս աղերսանաց ազատել զիս 'ի դործոյ աստի՝ զի չեմ բաւական, կռիւն տեղւոյս՝ ոչ է ըստ կռուոց տեղւոյդ, թէեւ ազգի նախանձ՝ այլ ես խոստովանիմ զտկարութիւն իմ յայդմ:

Եւ եթէ ընդ իս ցասուցեալ էք վասն հաշտութեան՝ զոր արարի ընդ Յոյնս, այս էր պայման հաշտութեան մերոյ. երկօրին ազգքս երդուաք 'ի Ս. Աւետարանն, չյիշել զանցեալն, և չյարուցանել զվէճս 'ի ներկայն, զի եթէ դուք զայդ ոչ կամիք՝ դուք գիտէք, այլ կալարուք զիս հրաժարեալ. նախ առաքեցէք զօք 'ի տեղի իմ, եւ ապա զիս կռուիմ արարէք: Գոհանամ զԱստուծոյ՝ զի ոչ ինչ իմիք կարօտիք յօրհնեալ երկրիս յայսմիկ, զի ամենեքեան ցանկան տեղեաց ձերոց, զառաւելն կռուով և ատելութեամբ զի՞նչ ունիք առնել՝ ոչ վասն ազգացն ասեմ, այլ նոր վիճից վասն տեղեաց, զի եթէ նոքա ուխտազանց գտեալ զայլ իմն չարիս մտարերիցեն վասն Ս. Աթոռոյս և սեփական տեղեաց մերոց, յերես անկեալ աղաչեմ, արթուն լինել և կալ արիութեամբ, վառիլ 'ի սէր և 'ի նախանձ ազգային, և Տէր լիցի ձեզ օգնական. այլ որքան հնար է զխաղաղութեան զհետ երթայք. զի մեք այլ եմք՝ և նոքա այլ, մեք տկար՝ ժամանակն չար՝ երկիրս անաէրունչ՝ ամենայն ոք ինքնազլուխ՝ միտք և դիտաւորութիւնք երկրիս 'ի վերայ երկց վանաց՝ զոր Տէր փրկեսցէ. գրեալ յ'Նոյեմբեր ամսոյ:



Գ Լ Ո Ւ Խ Ե .

Այլազգիք Սինի. Վէճ Յունաց ընդ Հայոց սակս մտանելոյ 'ի Գե. րեզմանն և հետեւակ երկց ազգաց. Վէճ Լատինաց 'ի Ս. Յարութիւն. Խոսիւթիւն Յունաց վասն Ս. Յակոբոց:

ԳՐԻԳՈՐ Պատրիարք նեղեալ յերեսաց յայսպիսի չարազուչակ դիպուածոց խորհէր հանապազ խնուլ զբերանս Յունաց, զի հանդերձեալ էին նոքա բռնալ զբռուռն մեծի խոռվութեան. և մինչ նա յայսմ խորհրդի տազնապեալ վարանէր՝ յարեաւ այլ իմն խոռվութիւն յերուսաղէմ քաղաքի: Բանդի միաբանք Հայոց կարի իմն տաղտկացեալ էին 'ի բռնութենէ և 'ի նեղութենէ այլազգեաց Սինի, որք անգագար հասուցանէին նոցա զչարիս, խորտակէին զտապանաքարս գերեզմանատանց, եւ զպիտանիսն բարձեալ տանէին 'ի տունս 'ի կիր առնուլ 'ի պէտս շինուածոց իւրեանց, և 'ի ժամանակի գերեզման օրհնելոյ՝ և զննկեցեալս թաղելոյ՝ հասեալ 'ի վերայ քահանայից գանիւք խոշտանգէին՝ և խափանեալ զպաշտօնն՝ հալածական տանէին զնոսա մինչեւ 'ի ներքս 'ի քաղաքն. ապա կուտելով 'ի վերայ նոցա զբանս զրպարտանաց՝ կորցէին 'ի նոցանէ զգուժարս դրամոց: Եւ այսու եւս ոչ չատացեալ, ոմանք 'ի նոցանէ գնացեալ 'ի Կոստանդինուպօլիս, ստութեամբ և պէսպէս բարբառօք զրպարտէին զմիաբանս վանօրէից, որպէս թէ նեղեալ իցեն 'ի քրիստոնէից, և կալուածք մարգարէին Դաւթի մատնեալ 'ի յախշտակութիւն նոցա: Այսպիսի հնարիւք առեալ հրովարտակս՝ դառնային յերուսաղէմ, եւ նովաւ բռնացեալ 'ի վերայ քրիստոնէից պաճանջէին զգրամս, և 'ի վերջոյ ծանր գնով վաճառէին նոցա զհրովարտակն զայն. և այսպէս օրքան զօր զայրանայր չարիք նոցա 'ի վերայ քրիստոնէից՝ եւ չեղեւ հնար ցածուցանել զնոսա 'ի բարկութենէ իւրեանց: Այլ իրրեւ անցին ըստ չափն՝ եւ յոչ արժանիս եղեն ձեռներեց, սրտմտեալ քրիստոնէից արդար բարկութեամբ, խուռն բազմութեամբ դիմեցին առ գաւառուր քաղաքին,

եւ ամբաստան լեալ զչարութեանց այլազգեացն Սիոնի՝ յայտ արարին զամենայն արարս նոցա, և աղաչեցին զնա գրեւ և ծանուցանել ՚ի Դուռն, եւ խնդրել հրովարտակ յԱրքայէ, զի թերեւս մարթացին ազատիլ ՚ի ճիրանաց կեղեքչացն այնոցիկ: Իսկ դատաւորն Մէհէմէտ Էմին՝ ծանոցց ՚ի Դուռն զդառն զանկատանս քրիստոնէից, եւ ըստ այնմ՝ գրեցաւ հրովարտակ առ կուսակալն և առ դատաւորն Երուսաղէմի՝ փութով բառնալ զընտութիւնս այլազգեաց ՚ի հպատակաց Արքայի, որպէս հօր եղբայր իւր Սուլթան Ահմէտ բարձրեալ էր յառաջադոյն հրովարտակաւ, զի հա- կառակ էր օրինաց և Կայսերական հրամանին, ՎՆԴ (1734): Սոյն հրովարտակ ընթերցաւ յատենի ժողովոյն, ուր էին եւ այլազգիք Սիոնի, եւ պատուէր ետ նոցա դատաւորն վարիլ ըստ հրամանի Արքային, և չյանդգնիլ միւսանգամ յայնպիսի չարիս:

Յետ կատարելոյ զտօն Պասեքին՝ և հանդարտելոյ աղ- մբկին, զոր յարոց յարեւելս այնն Կեսարացի Եուսուֆ, որպէս գրեցաք ՚ի նախընթաց գլուխն, Յոյնք եւ Հայք յերուսաղէմ եկին ՚ի հաշտութիւն և արարին խաղաղու- թիւն ՚ի միջի իւրեանց՝ երդուեալ յԱւետարանն Սուրբ: Այլ հաշտութիւն և երդումն Յունաց, թովիչ իմն էր լսե- լեացն Հայոց, արկանել զնոսա ՚ի բուն թմրութեան եւ անհոգութեան, և ինքեանց զհետ լինել պատրաստութեան որողայթից: Քանզի ՚ի սոյն աւուրս լուծին ՚ի պաշտօնէ զՄէլիսոսս Եպիսկոպոս՝ զՓոխանորդն Երուսաղէմի, և ա- ռաքեցին ՚ի Վլահս՝ պատճառելով թէ ոչ որպէս արժանն էր վաստակեցաւ նա ՚ի դործ Պասեքին: Ընկեցին և զՓո- խանորդն Բիւզանդիոյ՝ և ՚ի տեղի նորա տնկեցին զԳիոնէ- սիոս քարց: Եւ մինչ հանդերձեալ էր Պատրիարքն Յունաց գնալ ՚ի Կոստանդինուպօլիս, չոքաւ առ նա Գրիգոր Պատ- րիարք Հայոց նախ քան զՊասեքն, եւ զինի այլոց բանից՝ առեալ ՚ի ձեռս իւր Մէլեթիոսի զպատկեր Փրկչին երդ- մամբ ասէ՝ ցԳրիգոր, մի՛ անկցի ՚ի սիրտ քո՝ թէ գնամ ես վասն կուռոյ, այլ վասն դործոց իմոց: զի եթէ ոչ ելցէ այն ՚ի ձէնջ, բնաւ ես ոչ յիշեմ զանուն նորին: Եւ թէ՛ Յովհաննէս Պատրիարքն Բիւզանդիոնի սիրով էր ընդ իս, ընդէ՞ր արար այսպէս, գրեա՛ նմա զի նախկին սիրովս վա-

րեացի ընդ իս՝ և այլ սոցին նման բանք, և Գրիգոր Պատ- րիարք ողջունեալ զնա մեկնեցաւ անտի:

Եւ յետ կատարելոյ զՊասեքն Տեառն եւ ուղեւորելոյ զուխտաւորս՝ մեկնեցաւ Մէլեթիոս Պատրիարք յերուսա- ղէմէ (Յուլիս 8): Եւ ՚ի հասանիլ նորա յաւանն Ռեմէ՛ հարցին ցնա ժողովուրդ տեղւոյն զզատճառս այսպիսի ա- ճապարանօք ուղեւորութեան նորին: Եւ նա ասէ՛ Հայք այսպէս արարին մեզ յայսմ՝ ամի, երթամ՝ ՚ի Բիւզանդիոն առնուլ ՚ի ձեռաց Հայոց զվանս Ս. Յակոբայ, եւ զնաց զճանապարհ իւր:

Եւ Փոխանորդ նորին Կեսարիոս եղիս Հեօճճէթ ինչ հին, գրեալ ՚ի թուին Հիճրէթի Վ. 77, իրրու թէ Հայք յետ գրաւելոյ զվանս Ս. Յակոբայ ՚ի ձեռաց Յունաց, պայմանս եղեալ են տալ Յունաց ամ յամէ 200 ոսկիս: Եւ ՚ի դէպ ժամանակի ՚ի հարցանել ցնա Գրիգորի Պատ- րիարքի, եւ նա ժպտելով ասէ՛ միթէ՛ նո՞ր կամիս լսել զայդ, և նա լուռ եկաց: Նա զի տեղեկացեալ էր Գրիգոր ՚ի նոցին իսկ գործակալաց զգաղտնի մեքենայս զոր պատ- րաստէին ընդդէմ Հայոց, ուստի գրեալ ազդ արար առ Յովհաննէս Պատրիարք զգուշանալ ՚ի նոցին դաւաճանու- թենէ, եւ արթնութեամբ չտալ տեղի խռովութեան: Իրեւ ետես Փոխանորդն Յունաց թէ՛ յայանի եղեն ՚ի քաղաքին գաղտնիք իւրեանց՝ եկն առ Գրիգոր եւ ասէ, ընդէ՞ր ամիսիսեալ էք՝ և զի՞նչ լուեալ էք զմէնջ, և թէ՛ գրեալ է Պատրիարքն մեր թէ՛ Հայք գրծեցին ուխտին իւրեանց, զոր եղին յերուսաղէմ երդուեալ յԱւետարանն: զի ՚ի հասանիլ Պատրիարքին մերոյ ՚ի Կոստանդինուպօլիս, և ՚ի գնանն առ նա Յովհաննու Պատրիարքի՛ հարցեալ է նմա թէ՛ ընդէ՞ր այսպէս արարեր, եւ նորա ասացեալ է թէ՛ ունիմք իրաւունս առնլոյ: Ասէ ցնա Գրիգոր՝ յորժամ զերդումն զայն արարաք, ո՞չ ապաքէն պայման եղաւ ՚ի միջի թէ աստ և թէ՛ ՚ի Բիւզանդիոսն մի՛ եւս յիշել զայն երկու խնդիր մեր և ձեր ասել, այսինքն երեք հետեւակ ազգքն՝ և ՚ի Գերեզման մտանելն, միթէ՛ էս եղէ ուխտա- դրութ, և զի՞նչ պարտ էր ասել Յովհաննու Պատրիարքի՛ ահա դարձեալ ՚ի ձէնջ եւ հրդեհ խռովութեան: և զինի այսոցիկ բանից՝ ասէ Կեսարիոս, գրեցուք ՚ի Կոստանդի-

նուստիս՝ զի խաղաղութիւն լիցի՝ և մեկնեցաւ :

Իսկ ՚ի տօնի Վարդափառի, յերուսաղէմ՝ ՚ի վաճառանոցն, փոքր մանուկ մի այլազգի, հարեալ յերկփարէ իմեքէ մեռաւ անդէն . և ՚ի լինել քննութեան և դատաստանի, արկին զմիսան ՚ի վերայ Հայոց, որպէս թէ երկփարն իցէ վանաց Ս. Յակոբայ . և վասն այսր կրեցին միարանք նեղութիւնս ոչ սակաւ :

Ի պատարագելն Հայոց ՚ի սեղանն Եւզաբելից ՚ի Ս. Յարութիւն, արկանէին սիրուցս վասն դարաց ՚ի հրատարակի անդ ըստ սովորութեան, որպէս գրեցաք յառաջագոյն . և ՚ի ամին ժամանակի Լատին կրօնաւորք դրդեալք ՚ի Յունաց՝ վերստին արգելին զայն և Գրիգոր Պատրիարք առաքեաց ՚ի վասն նոցա զՎարդիէլ վարդապետ, և ծանոյց նոցա զհին սովորութիւնն զայն . և և նոքա չաւին յանձն անսալ բանից Հայոց : Իսկ Գրիգոր ևս բանալ զդուռն տաճարին, և ժողովեցան անդ և եղև վէճ երկար ՚ի վերայ այնր խնդրոյ ՚ի մէջ երկուց ազգաց . այլ Լատինք ոչ երբէք յանձն առին զիջանիլ ՚ի խնդիրս Հայոց, որ և խափանեցին զայն սովորութիւնս : Տեսեալ Գրիգորի Պատրիարքի զյամառ միտս նոցա, լռեաց, և չիջեցաւ սակ զայլ ինչ . զի մի և նոքա զայրացեալ առաւել շարիս դործեցեան :

Իսկ միաբանք Յունաց գրեցին առ Մէլեթիոս Պատրիարքն իւրեանց, իբրու թէ Հայք միաբանեալ ընդ Լատինս կամին վշտացուցանել զՅոյնս . այլ Լատինք ոչ կարեն ստնանել ինչ նոցա, զինի սահմանադրութեան, որ կատարեցաւ ՚ի դուռն Արքունի . բայց ՚ի ձեռն Հայոց նեղեն զմեզ, այս է այժմեան վրդովումն ՚ի միջի երկուց ազգաց . բայց մեք միշտ խաղաղութեամբ վարիմք ընդ նոսա, և ոչ երբէք կամիմք զխռովութիւն . եթէ պատահեցի եւս երբեմն ՚ի մէջ լուսարարաց, և այն եւս չէ ինչ . որովհետեւ առաքեցին նոքա գիր ՚ի ձեռն Մկրտչի առ պատուելին իւրեանց, յորմէ երեւի թէ ոչ սիրեն զխաղաղութիւն, այլ շարժին ՚ի խռովութիւն և ՚ի գայթակղութիւն միաբանեալ ընդ Լատինս, այս է պատճառ խռովութեան մերում : Մէլեթիոս առաքեաց զգիր միաբանաց իւրոց առ Յովհաննէս Պատրիարք՝ յղել զայն յերուսաղէմ, յորում խոստացեալ էին սիրով վարիլ ընդ Հայս :

Գրեաց սպա և ինքն յայտ արարեալ զբանս թղթոց միաբանացն Երուսաղէմի, ուր յաւելու ասել . « Արդ աղաչեմք և մեք զվաճառականս և զիջանս Հայոց, գրել առ վարդապետս իւրեանց սիրել զխաղաղութիւն եւ երթալ զհետ նորա, որպէս և մեք . զի երկուքին ազգս հպատակ էմք Արքայի, և չէ արժան լինել դայթակղութեան ՚ի միջի մերում, և վերստին աղաչեմք առաքել զգիր մեր առ նոսա, զի գիտացեն և ծանիցեն զամենայն, և լինիցին իսկ պատուելիք ըստ անուանց իւրեանց :

Ի ամին ժամանակի եհաս յերուսաղէմ Յակոբ վարդապետ Նալեան ընդ ուխտաւորս, ունելով ընդ ինքեան եւ զոմանս ՚ի վարդապետաց : Սա երբ ընդ իւր զպատուական շուրջառս, վարագոյրս և այլ ազնիւ ընծայս ՚ի Յովհաննու Պատրիարքէ, զոր ընկալեալ Գրիգորի, բերկրեցաւ յոյժ, մանաւանդ ՚ի տեսանելն զՅակոբ վարդապետ . զի նովաւ ելից զփափագ սրտի իւրոց, որ ունէր առ Յովհաննէս . զի բազում անգամ յորդորեալ էր զնա դալ յերուսաղէմ և մխիթարել զինքն վասն մահուան Աթոռակալ Հաննա վարդապետի, յորոց վերայ անմխիթար սգայր . այլ չեղև հնար ՚ի խառնակութենէ ժամանակին, մանաւանդ սկիզբն առեալ էր ծագիլ խնդիրն Յունաց : Եկն ՚ի սոյն աւուրս յերուսաղէմ և մեծ Պեկ ոմն, այր բարի և ծանօթ Սեղոս Ամիրայի . զնաց առ նա Գրիգոր Պատրիարք ընծայիւք՝ առեալ ընդ իւր և զՅակոբ վարդապետ, առաքեալ էր առ նա ազնիւ ընծայս նաեւ Յովհաննէս Պատրիարք, որ և մատուցին առ նա, և դարձան յետս, (1734 ՚ի Վե Սեպտեմբեր ամսոյ) :

Իսկ Պատրիարքն Յունաց էառ դազոտ հրովարտակ արքունուտ, զի յաւուր ձրագալուցի Պատեքին ինքն միայն մտցէ ՚ի Գերեզմանն Գրիստոսի և ՚ի բաց վարեաց զՀայս . և առաքեաց զայն յերուսաղէմ և ետ արձանագրել ծածկապէս ՚ի դատարանն . ազգ արարին ոմանք զգործն Գրիգորի Պատրիարքի ՚ի ձեռն թարգմանին Պօղոսի . ընդ որ զարմացեալ յոյժ, մանաւանդ ՚ի վերայ կեղծ բարեկամութեան Յունաց, առաքեաց և ինքն զհրովարտակն, և ըստ մտաց նոցին էառ գիր ՚ի դատարարէն եւ զպատճէն հրովարտակին այնմիկ և առաքեաց առ Յովհաննէս Պատրի-

արք, խափանել զայն և նորոգել զՀայոցն, և փութացուցանել նախ քան զՊատեքն. գրեաց առանձին առ Սեղբոս և Մեկլտոն Ամիրայս լինել ձեռնառու գործոյն, Դեկտեմբեր 13. Ի հասանիլ գրոց Գրիգորի 'ի Կոստանդնուպօլիս առ Յովհաննէս Պատրիարք, մատոյց գիր ամբաստանութեան առ Արքայ բազմութեամբ եկեղեցականաց և գլխաւորաց ազգին, յորում գանկատէր զանխրաւութենէ ազգին Յունաց, զորոյ գհամառօտ միտս դիցուք աստանօր:

Դաշնագիրք Օմարայ, Ալիայ և Մէլիք Սալահատտինի և վաւերեալ թուղթք դատարանի, յորս բացայայտ երեւին նախնի պայմանագրութիւնք Հայոց, և թէ Հապէշք, Գպթիք և Ասորիք հետեւակ են նոցա. և զայս իրաւունս ոչ ոք յօտարաց բռնաբարեաց. և 'ի գահակալութեան նորին Արքայի, նորոգեցան այսօքիկ հաստատեալ Կայսերական հրովարտակաւ. Սակայն Յոյնք ոչ շատացեալ հետեւակաց իւրեանց, որք են Վիրք, Սըրպք և Խոււք՝ ստութեամբ և հնարիւք առին հրովարտակ 'ի Կայսերական յատենէ, յափշտակել զհետեւակս մեր. տեսեալ թէ հակառակ է այն նախնի պայմանագրութեանց, պահեցին, բաւական համարելով զարձանագրութիւն նորին 'ի Դուռն, և եւ 'ի դէպ ժամանակի 'ի գործ դիցեն զայն իբրև հնացեալ, որպէս այժմ ետուն նորոգել. նոյնպէս և զհրովարտակն վասն հանդիսի լուսաւորութեան, որոյ վէճն լուծեալ էր յառաջագոյն քննութեամբ և հանրագրութեամբ այլազեաց երոստաղէմի. այժմ հակառակ այսմ, դարձեալ առին հրովարտակ, որով սպառնան հասուցանել մեզ չարիս յափշտակել զհետեւակս մեր և արկանել զնօսա ընդ իշխանութեամբ Պատրիարքի իւրեանց. թէպէտեւ այս անկարելի, սակայն զկնի ժամանակաց լինի առիթ խռովութեանց և ատելութեանց. ուստի խնդրեմք ակնարկել յառաջին պայմանագրութիւնս և 'ի հրովարտակս մեր, և այնպէս լուծանել զինգիրն:

Եւ ըստ հրամանի Արքային՝ քննեցան գրեանք Հայոց, որք են. Դաշնագիր Ալիի, գրեալ յերուսաղէմ 'ի վանս Ս. Յակոբայ (չ.՝ հրովարտակ Մէլիմայ առաջնոյ (923). Սիւլէյմանայ (927) գիր դատարանի Հէօճճէթ (973), յորում դատաստանք Հայ և Յոյն Պատրիարքաց յատենի

Կայսեր սակս հանդիսի Լուսաւորութեան, և ըստ վկայութեան իւրեանց Վիրք և Սըրպք հետեւակ Յունաց, Հապէշք, Գպթիք և Ասորիք 'ի մասնէ Հայոց, Գննեցան և արձանագրութիւնք դիւանին, յորում գտան հրովարտակ Սուլթան Մէհմէմէտի (1077, 1130 - 1133) 'ի ժամանակի նորոգութեան տաճարին Ս. Յարութեան, յորում Յոյնք դաղանի ետուն ջնջել զարձանագրութիւնս հրովարտակացըն Հայոց 'ի դիւանէն, և հակառակ նոցին առին հրովարտակ եւ պահեցին, և 'ի նստիլ թագաւորին նորոգեցին. իմացեալ Հայոց վերտին հաստատեցին զիրաւունս իբրեանց, և ըստ այնմ տուաւ հրովարտակ և դործադրեցաւ յերուսաղէմ. ջնջեցաւ հրովարտակն Յունաց, եւ հրաման եղև վարիլ ըստ նախնի սովորութեան, և հակառակ նմին չտալ հրովարտակ՝ և 'ի մատուցանել զայն յատեան՝ չընդունիլ. Եւ արձանագրութիւնքն Հայոց դուրով յեպիսկոպոսական դիւանին՝ 'ի լուսանցն (տէրքենար) նշանակեալ են երեքին ազգքն հետեւակ Հայոց, եւ ըստ այնմ տուեալ հրովարտակ (1127), և զկնի միոյ ամի նորոգեալ Այսպէս 'ի բովանդակ դրեանս Հայոց, Հապէշք, Գպթիք և Ասորիք հետեւակ են նոցա, եւ նոքա տնօրինեալ զգործս նոցին: Յետ քննութեանս այսօրիկ՝ վճիռ ետ դեռնպէտն՝ այն է Բուժէլի Գաղասկերի, բառնալ այնուհետեւ զհակառակութիւնս Յունաց, և չյուզել այլ եւս խռովութիւն, եւ ըստ այսմ մտաց տուաւ հրովարտակ Հայոց (1127 'ի ԿօՇապան ամսոյ) 'ի դանձատանէ (Մալիյէ): Եւ ապա յայտարարին թէ հարկ է ջնջել զհրովարտակն Յունաց՝ զոր առեալ են 'ի Կայսերական յատենէ՝ և 'ի տեղի նորա արձանագրել զհրովարտակն Հայոց, չտալ միւսանգամ հրովարտակ Յունաց, մինչչեւ ակնարկեալ իցեն 'ի հին օրինագրութիւնս, գրեալ յեպիսկոպոսական դիւանին, 'ի մատուցանել Յունաց յատեան զայն հրովարտակ, մի ընկալցի՝ եւ առցի 'ի ձեռաց նոցա, եւ հրովարտակն Հայոց դիցի 'ի դործադրութեան մշտնջենաւոր: Եւ 'ի տեսանել զարձանագրութիւնս հրովարտակին Հայոց 'ի Մալիյէն՝ վերջապիս ետուն հրովարտակ նոցա՝ վարիլ ըստ առաջին սովորութեան, ջնջել զՅունացն՝ և պահել զՀայոցն, (1127 'ի Վրամսղան ամսոյ):

Չայսպիսի փոյթ և աշխատութիւն մեծ յանձն առ Յովհաննէս Պատրիարք 'ի սէր Ս. Աթոռոյն և գահակալի նորին Գրիգորի սիրեցելոյն 'ի նմանէ, և Ինսամով ետ որոնել և գտանել զհին արձանագրութիւնս հրովարակացն Հայոց՝ զի յաւորոց անտի Տեղակալաց անփոյթ լեալ էին ամենեքեան զայնցանէ, և ոչ ումեք փոյթ էր գտնէ նորոգել զայնս. զի նորս պատաղեալ էին զաղմկաւ իւրեանց. նմին իրի արձանագրութիւնք Հայոց անհետացեալ էին 'ի Կայսերական գրեանէն, և բազմադումար ծախիւք գտին, զորս միանգամ գտինն յայլում տեղում, և այսպէս կենդանացան գրեանքն Հայոց 'ի մուտելութենէ և Արքայն Մահմուտ առաջին վսեերացոյց զայնս իւրով ձեռօք, և ըստ մտաց նոցին ևս Խաթթի Եէրիֆ Հայոց, որպէս գրեցաք 'ի վեր անդը:

Իբրև լուան Յոյնք զայստսիկ՝ ազմկեալ շիտթեցան յոյժ. զի 'ի կործիս եղեն թէ Հայք նովաւ կարեն պահանջել զվիճակն Հապեչոց, զոր յափշտակեալ էին յառաջագոյն յաւորս Աստուածատուր Պատրիարքի, որոյ վասն սկսան հակառակիլ ընդ Հայոց, և յայտնապէս ասել՝ եթէ կամիք խաղաղութեամբ կեալ ընդ մեզ՝ զայն հրովարտակ (Խաթթի Եէրիֆ), զոր անիք 'ի վերջին աւարս՝ այրեցէք 'ի հուր առաջի աչաց մերոց, որպէս ասէր երբեմն նահաս Ամոնացի ցորդին Իսրայէլի. եթէ կամիք մշտնջենաւոր հաշտութիւն իմ ընդ ձեզ, հանջիք զաջոյ ակն ձեր. Գանդի Յոյնք երկնէին հանապազօր յափշտակել ըզվանս Ս. Յակոբայ, տիրել երկը հետեւակաց, արտաքսել 'ի տաճարէն Ս. Յարութեան, և զրկել 'ի Ս. Տեղեաց և 'ի քաղաքէն սրբոյ, Սակայն լռեցին առ ժամն և սպասէին դիպող առթի. զի 'ի նմին ժամանակի վէջիրն մեծ՝ Հէքիմ օղլու Ալի Փաշա՝ էր 'ի կողմն Հայոց, նմին իրի ոչ յաջողեցաւ դործն Յունաց, թէպէտեւ ծախեցին բազում ինչ 'ի Դրունս մեծամեծաց:

Այլ իբրև փոխեցաւ վէջիրն՝ և էանց 'ի տեղի նորս Կիւրճի Իսմայիլ Փաշա, ազգաւ Վրացի՝ մատեան առ նա Յոյնք և հաւանեցուցեալ դիւրաւ ձգեցին զնա 'ի կողմն իւրեանց՝ ընդ որ և զմեծամեծս Դրանս. Յետ այնորիկ մատուցին առ նա գիր ամբաստանութեան զազգէն Հայոց,

որպէս թէ ըստ մտաց դաշնադրոյն Օմարայ, և զօրութեան հրովարտակաց Օսմանեան Կայսերաց՝ ժառանգութիւն սուրբ երկրին և Ս. Տեղեաց աւանդեալ իցեն Յունաց, և Հայք զինի ժամանակաց եկեալ անդ՝ և վանք Ս. Յակոբայ լեալ իցէ 'ի բնէ Պատրիարքարան նոցին, և ինքեանք իբրև ողորմութիւն 'ի վարձու առեալ իցեն նոցա. և թէ Հայք պատիր խարէյութեամբ ստացեալ են զգիրսն, և նորս ևս օրինակք և ոչ նախատիպք, և թէ ամենայն ազգք քրիստոնէից յերուսաղէմ՝ պարտին հնազանդիլ Պատրիարքին Յունաց. և նախ նորս անկէ կատարել զօրէնս՝ և ապա այլոց, և այն ևս կամօք և հաճութեամբ նորին: Յայս գիր ձեւնարկեալ կնքեցին Պատրիարքունք Երուսաղէմի և Կոստանդինուպօլսի, և 18 երեւելի եպիսկոպոսունք՝ և աշխարհականք ոչ սակաւ: Եւ խնդրէին իսկ զմանս 'ի գլխաւորացն Հայոց գլխապարտ ածել 'ի Դուռն, որ և բմբունեցան ողիք երկու, Աեղբոս և Մելիտոն Ամիրսոյք և եղան 'ի բանտի: Ուր ուրեմն լու եղև յականձս ազգին պատրաստութիւնք և գործք Յունաց, և սկսան դիմել այսր և անդր, այլ գտին զբարեկամս իբրև զթշնամիս՝ և զքնտանիս իբրև զօտարացեալս, և չգտեալ 'ի նոցանէ օգնութիւն ինչ՝ մատուցին գիր աղաչանաց առ Եպարքոսն Կիւրճի Իսմայիլ Փաշա՝ քահանայիւք և խուռն բազմութեամբ ժողովրդոց՝ և խնդրեցին ատեան դատաստանի, զի երկու ազգաց հանդիսանալ յատենի Կայսեր և արդարացի քննութեամբ վճարել զիրսն, յայտնի կացուցանելով իւրաքանչիւր ոք զիրաւունս իւր: Հաճեցաւ ընդ այս Եպարքոսն՝ և սահմանեցաւ օր. Հայք գնացին 'ի Դուռն՝ յորում ժամագիր լեալ էին, այլ լուան պատասխանի՝ թէ այսօր չլինի, գնացէք 'ի տեղիս ձեր, մինչև ազդ արասցուք ձեզ: Գանդի Յոյնք խոյս սուրեալ աստի՝ ոչ կամէին հրապարակաւ 'ի դատ մտանել, այլ հնարիւք և բռնութեամբ տիրել այլոց իրաւանց, որոյ վասն լռեցուցին ըզդատաւորսն առ ժամանակ մի՝ ձեւնարկել յայլ իմն խորհուրդ ըստ սաղբելոյ Եպարքոսին:

Ապա անցանել աւուրց ինչ՝ Պատրիարքունք Յունաց նզովիւք պատուիրեցին ժողովրդոց յամենայն եկեղեցիս մայրաքաղաքին երթալ տալ գիր աղաչանաց առ Թագա-

ւորն . եթէ որ անխող լինի հրամանին՝ չէ նա 'ի ժողովրդեանէ Գունաց : Ժողովեցան 'ի մի վայր մեծամեծք և փոքունք , նաւավարք և ձկնորք և ուսմիկք և եղեն ամբոխ մեծ , դիմեցին խուռն բաղնութեամբ 'ի պալատն Արքունի , և աղմկեալ աղաղակէին՝ դատ արանցէ՛ Տէր մեր Արքայ՝ դարձուցանել առ մեզ զվանս Ս . Յակոբայ՝ զոր հանեալ են Հայք 'ի ձեռաց մերոց : Այսպիսի խռովեալ ամբոխի մատուցին զգիրսն մին առ Արքայ և զմուսն առ Վէգիրն : Թագաւորն խնդրեաց զհրովարտակս երկուց ազգաց , եւ նոցա տարեալ մատուցին առ Վէգիրն , ուր էր և Միւֆթին՝ և զիւրաքանչիւրսն ուրոյն ուրոյն եղեալ 'ի քսակի կնքեցին և առաքեցին առ Թագաւորն , այլ նա ոչ զքսակսն երաց և ոչ զգիրսն ետես , այլ պատուէր ետ միում 'ի քսակակրաց՝ երթալ ամբքել զմիտս երկուց ազգաց՝ խաղաղիլ և մի եւս համարձակիլ այնուհետեւ տալ գիր աղաչանաց , և որպէս տիրեալ են տեղեացն այնոցիկ՝ դարձեալ այնպէս տիրեացեն , և անհնազանդքն ունին կրել պատիժ պատուհասի : Եւ նորա եկեալ ծանոյց զհրամանն Արքային երկուց ազգաց Հայք դարձան ուրախութեամբ 'ի տեղիս իւրեանց , նոյնպէս և Յայք՝ լի տրամութեամբ , զի 'ի դերեւ ելին յոյս և անկախութիւնք նոցին , և յուսուցէտս վասնեցան ամբաւ դրամք . այլ ոչ կասեցան յետս՝ զի յետ աւուրց ինչ վերջստին դիմեցին առ մեծամեծս Դրան , և ձգեցին զնոսա 'ի կողմն իւրեանց , թէպէտեւ տոկոսիք պարտուց եւս քան զեւս յաւելեալ բարդէր , այլ չէր նոցա ինչ փոյթ : Ապա հազիւ ուրեմն կարացին շրջել զմիտս թագաւորին՝ յետս պահանջել զառաջին հրովարտակն տուեալ Հայոց , զորմէ գրեցաք 'ի նախընթաց երեսն , զոր առաքեալ էին յերուսաղէմ : Եւ եպարքոսն առաքեաց անդ զղինակիր իւր բերել անտի զհրովարտակն : Յոյնք թեւազիր լինէին սպանանել զերկուս Իշխանաւորս , որք եղեալ էին 'ի բանտի : Հայք անկան 'ի վարանս եւ հոգային զիւրկութիւն նոցա . թէպէտեւ ծախեցին զգումարս քսակաց , այլ առ ժամն չեղեւ ինչ օգուտ : Այլ թէ զինչ ինչ կրեցին 'ի միջոցն յայսմիկ Պատրիարք վարդապետն և խորհրդականք նորին , երկար լինի և չէ հնար ընդ գրով արկանել :

Չեւ եւս հասեալ զինակրին 'ի Դամասկոս , անկաւ յիշխանութենէ եպարքոսն Իսմայիլ Փաշա , և ամբարձաւ 'ի տեղի նորա զինակիր Արքայի Մէհէմէտ Փաշա՝ ըստ սաղրելոյ ներքինապետին , և արձակեաց 'ի բանտէ զկալանաւորսն Հայոց . զի փոխանորդ եպարքոսին նախ յագեցաւ 'ի Յունաց՝ արար այնպէս , և ապա 'ի Հայոց՝ եթող ըզնոսա :

Իսկ նոր եպարքոսն առաքեաց հրովարտակաւ զայլ օք 'ի պաշտօնէից իւրոց զկնի առաջնոյն , և նորա հասեալ 'ի Դամասկոս , դարձոց զնա յետս , և ինքն գնաց յերուսաղէմ . ընդ զինակրին եկեալ էին և երկու անձինք յազգէն Հայոց տանել զհրովարտակն , որ եւ բերեալ էին զիր 'ի Յաջհանու Պատրիարքէ . ընթերցեալ Գրիգորի ըմբռնեցաւ 'ի սուգ մեծ վասն բանտարկելոց , մանաւանդ վասն Սեդրոս Ամիրայի , մտերիմ՝ բարեկամին իւրոյ և բարերարին Աթոռայ . զի կոչեր զնա մեծ մահտեսի և մեծ Ալա . եւ ծանեաւ նաեւ զնենգութիւնս և զխաղաղութիւնս Գունաց , զոր արարեալ էին 'ի թագաւորեալ քաղաքին . եւ գլխաւորք ազգին յորդորէին զնա արիանալ 'ի գործ եւ չխնայել 'ի ծախս դրամոց , և նորա տարակուսեալ դիմեաց 'ի վանս Լատինաց , և 'ի յայտ առնել նոցա զխնդիր երկոց հետեւեակ ազգաց , խոստացան նոքա օգնել նմա յամենայնի . զի բովանդակ այլազգիք քաղաքին վկայէին այնմ , եթէ դատն դարձցի յերուսաղէմ , Յետ այնորիկ ետ որոնել 'ի տումարս Սուլթան Սէլիմայ , և գտին անդ արձանադրութիւն ինչ արքայական Թուղայիւ այսպէս . Անդրիաս Պատրիարք եւ Յէ կարգաւորք գրեալ յահանէ յանուանէ , բնակեալ 'ի սեփհահանութեան Հայոց 'ի վանս Ս . Յակոբայ . եւ թէ՛ ելին ընդ առաջ իմ . ետ վաւերել հին դատաւորին , և սպասէր զալստեան նորոյն , և երեքին ազգքն ետուն գիր վկայութեան 'ի դատարանի . էստ նաեւ հանրադիր յայլազգեաց , օգնեցին առ այս եւ Լատինք . էստ նաեւ գիր 'ի կուսակալէն Դամասկոսի , 'ի խնդրոյ քաղաքապետին Երուսաղէմի , եւ զայլ կարեւոր գրեանս , զորս արարին 2 ծրար . զմին առաքեցին ցամաքաւ , և զմուսն յանձն արարին արանցն այնոցիկ , որք եկեալ էին ընդ զինակրին . ընկերացաւ սոցա և Յակոբ վար-

դապետ Նալեան, որք եւ ճանապարհ արարին 'ի ծովու : Գրեաց նաեւ Գրիգոր Պատրիարք բազում աղաչանօք եւ արտասուօք առ Յովհաննէս վարդապետ եւ առ զլիաւ-
 ւորս աղգին՝ միաբանիլ ընդդէմ թշնամոյ և վաստակիլ
 'ի սէր Ս. Յակոբայ և 'ի փառս աղգին : չինայել յինչս և
 յաշխատութիւնս, և մի երբէք վարանիլ վասն ծախուց ,
 զի յամենայնի պատրաստ էր հոգալ զայն , զի պատրաստ
 եմ անէր , վերստին արկանել զշղթայն 'ի պարանոց իմ 'ի
 վճարումն արարուց : Թէպէտ կամէր ինքն դնալ 'ի Կոս-
 տանդինուպօլիս , այլ Յակոբ վարդապետ և այլք արգի-
 լին զնա , զի մի վնաս ինչ պատահեացի 'ի բացակայութեան
 նորին (1735 . 'ի 13 Յունվար ամսոյ) :

Իսկ Մէլէթիոս Յոյն Պատրիարքն Երուսաղէմի նախ
 քան զմեկնիլ 'ի Ս. Բաղաքէն՝ երգուաւ 'ի վերայ Աւետա-
 րանին Սրբոյ ընդ Գրիգոր Պատրիարքին Հայոց , և այնպէս
 զնաց 'ի Կոստանդինուպօլիս . և իբրեւ զէպ եղև ժողո-
 վիլ 'ի մի վայր ընդ Յովհաննու Պատրիարքին եւ երեւելի
 իշխանաւորաց երկաքանչիւր աղգաց , յետ երկար խօսե-
 լոյ եւ վիճելոյ 'ի վերայ խնդրոյն Երուսաղէմի , կամեցաւ
 խաբել զՅովհաննէս Պատրիարք և զորս ընդ նմա , որպէս
 խափեալ էր զԳրիգոր , տայ նոցա զայս կնքեալ և ստորա-
 գրեալ գիր յանդորութիւն . եւ ինքն զրժեալ երգման
 իւրոյ , զհետ եղև յարսեցանել զմեծամեծ խոռվութիւնս
 որպէս ունիմք տեսանել յետոյ : Ահաւասիկ թարգմանու-
 թիւն նամակի նորին :

Որովհետեւ թշնամին արդարութեան և խաղաղութեան
 ոչ երբէք դադարի արկանել խոռվութիւն 'ի մէջ քրիս-
 տոնէից , ուստի պարտ է 'ի միտ առնուլ աշակերտացն
 Բրիտանսի թէ այսպիսի գրգռութիւնք 'ի ստանայէ են :
 Եւ ըստ Աւետարանին Սրբոյ Հեռի լինել յայնպիսեաց և
 հետեւիլ պատուիրանաց Տեառն մերոյ . զի ըստ որում
 թերաղբութեամբ սատանայի յարուցին ոմանք վէճս եւ
 հակառակութիւնս 'ի մէջ բարեկամութեան Յունաց եւ
 Հայոց յերուսաղէմ յաղազս Թափօրի և հանդիսի Լուսա-
 ւորութեան , որ կատարի յաւուր երեկոյի Շաբաթու ճրա-
 դալուցի : Մէլէթիոս Պատրիարքս Յունաց և Գրիգոր վար-
 դապետն Հայոց , սակս չտալոյ տեղի անկարգութեանց և

վնասուց , համաձայնութեամբ երգուսք յԱւետարանն Ս .
 վարիլ խաղաղութեամբ եւ հանդարտութեամբ ըստ սովո-
 րութեան նախորդաց մերոց 'ի Թափօրս եւ 'ի Ս . Տեղիս ,
 որոց իշխեմք առանց նոր ինչ սովորութեան . այնու դա-
 շամբ եղաք զՏեոս մեր 'ի վերայ աստուածային Ս . Աւե-
 տարանին՝ կալ մնալ խաղաղութեամբ , սրպէս կացին նա-
 խորք Պատրիարքունք Յունաց և Հայոց : Ապա եկեալ 'ի Կոս-
 տանդինուպօլիս վերստին ժողովեցաք 'ի մի վայր ընդ Յով-
 հաննու վարդապետին Հայոց , և ընդ այլ երեւելի իշխանա-
 ւորս յերկուց կողմանց : Եւ յետ այլոց բանից հարցաք զվի-
 մեանս , թէ արդեօք ընդունելի՞ են երգումն զոր արարաք
 յերուսաղէմ ընդ Գրիգոր վարդապետի : Եւ հաճութեամբ
 ընկալաք մեք և Յովհաննէս վարդապետն , եւ որոց ընդ
 մեզ էին 'ի ժողովի անդ . խաղաղութեամբ անցուցանել
 ըստ երգման մերոյ , որպէս անցուցեալ են յառաջադոյն
 նախորդ Պատրիարքունք մեր ընդ վարդապետս Հայոց՝
 տեղեաց մարան աղգաց , եւ որք մի անդամ ընդ իշխա-
 նութեամբ նոցա են , արարողութեանց հանդիսի Լուսա-
 ւորութեան Թափօրոյն՝ որ կատարի յաւուր երեկոյի շա-
 բաթուն , և այլ ամենայն եկեղեցական սովորութիւնք նո-
 ցին : Նոյնպէս սիրով և խաղաղութեամբ անցուցանել յայ-
 սըմհետէ , ըստ Բանի Տեառն մերոյ սիրողին խաղաղու-
 թեան , առանց առաջարկելոյ յերկուց կողմանց որ և իցէ
 նորանոր եւ աւելորդ իրս եւ խնդիրս : Եթէ օք կամցի
 թարգմանել զգիրս զայս յայլ լեզու՝ և ստերիւրեացէ զի-
 մասսոս սորին 'ի վնաս երկոցունց կողմանց՝ մի լիցի ըն-
 դուհեյի , զի սոյն այս գիր խաղաղութեան տուեալ 'ի
 պահպանութիւն և 'ի հաստատութիւն հին սովորութեանց
 երգման և համաձայնութեան : Ի Կոստանդինուպօլիս՝ 1735 .
 յամսեանն Մարտի :

Մէլէթիոս Պատրիարքս Երուսաղէմի Հաստատեմ :
 Մետրապօլիտոս Կեսարիոյ Պաղեստինոյ Բարդէնիոս :

Յովհաննէս Պատրիարք պատրուակաւ իւրք առաքեաց
 սուրհանդակ յեգիպտոս , զի 'ի ձեռն բարեպաշտի ուրուք ,
 որ էր յայնժամ 'ի Դուռն Իշխանին Եգիպտոսի , և թա-
 խանձանօք էաւ 'ի ձեռն նորին զկարեւոր գրեանս , զոր

խնդրէին Հայք, և նորա կատարեալ զխնդիր նորին յղեաց զայն 'ի ձեռն զինակրի միոյ իշխանին 'ի Յոզպէ- այլ նորա ոչ ինչ գիտացեալ զիրացն, և թող անգ զգրեանս՝ և դարձ արար յեգիպտոս:

Իսկ Գրիգոր Պատրիարք՝ առուրք յառաջ գնացեալ էր յուխտ ընդ միաբանս իւր 'ի գերեզման Ս. Աստուածածնի յառուր տօնի Ս. Ստեփաննոսի, և 'ի դարձի իւրում եգիտ զթղթարեան Ժամանեալ, և ընթերցաւ առաջի միաբանաց զթուղթս Պատրիարքին և զլիաւորաց ազգին, և ծանեան զհանգամանս իրաց՝ զաղմուկն և զխառնութիւնն Յունաց՝ զորս անցուցեալ էին 'ի թագաւորեալ քաղաքին. թէպէտ եւ լցան յայնժամ միաբանք տրամութեամբ՝ այլ Գրիգոր քաջակերեալ խրախուսեաց զնոսա շիջատիլ իբրեւ վատապիրտ, այլ արխանալ և աշխատիլ խոհեմութեամբ և զգօնութեամբ, և մի երբէք հանել զբանն 'ի վեր՝ զի մի լուիցեն Յոյնք՝ և ճեղքեսցի քաղաքն, և լինիցին խոչ գործոյն՝ զի թէպէտ բարեկամք մեր են ասէ՝ այլ յայտնի է բնաւորութիւն նոցին. և թէ Հնար լինի՝ դրամով վաճառեն զորդիս և զընտանիս իւրեանց:

Իսկ Յոյնք՝ 'ի կոստանդինուպօլիս եղին հարկս 'ի վերաց ժողովրդոց և կրօնակցաց իւրեանց, և ժողովեցին զայն բռնի մինչեւ 'ի յետին չքաւոր աղքատաց, 'ի պէտս ծախուց իւրեանց. նմին իրի ոչ իշխեցին խլորտիլ յերուսաղէմ 'ի խափանումն գործոյն, և հայեցեալ յայնչպի ծախս դրամոց՝ տակաւին ոչ գիտէին թէ 'ի յաջողութեան իցեն՝ և թէ 'ի ճախողութեան, անտեղեակ էին և 'ի դալատենէ զինակրին, մինչեւ եկին գրեանք նոցին, յորոց ծանեան զամենայն հանգամանս գործոյն՝ զի և նոքա խնդրեալ էին հանրագրութիւն յերուսաղէմէ, սակայն կարի անագան Ժամանեցին գրեանք նոցին փայլկաւ:

Այլ յորժամ լու եղեւ 'ի քաղաքին թէ Հայք պատրաստեցին զկրեւեր գրեանս՝ բորբոքեցաւ թարգմանն Յունաց Կեսարիոս, և դիմեաց զայրազին առ դատաւորն, և ազազակ բարձեալ քոչէր, թէ ընդէ՞ր ետուր գիր Հայոց. բայց դատաւորն արդոյց նմա զբաժակն դառնութեան, զի ես ասէ ըստ մտաց հին հրովարտակաց նոցին ետու զգիրն, մի՞թէ ստեցի ինչ, և և կշտամբեալ զնա եհան արտաքս:

Եւ նորա մեկնեալ անտի եկն առ Գրիգոր Պատրիարք հարցանել զպատճառն իբրեւ յանդէտս, և և լուեալ 'ի նմանէ զարժանաւորն մեկնեցաւ անտի:

Յետ այնորիկ չոքաւ Գրիգոր Պատրիարք հանդերձ լուրովքն 'ի դատարան, ուր էին ժողովեալ բազմութիւնք այլազգեաց և քաղաքապետն. կոչեցան անդ և գլխաւորք Յունաց եւ Լատինաց, ընթերցան առաջի նոցա զառաջին հրովարտական Հայոց և զգիրս պատմութեան Արարացոց (Թարիս էլ Համոզելի). և ամենեքեան վկայ կացին, թէ ճշմարիտ են բանք հրովարտակաց և պատմութեանն, և և վանք Ս. Յակոբայ սեփական է Հայոց, ուր վերստին կընքեցան հանրագրութիւնք կրկին, և Գաբրիէլ վարդապետ փոխանորդ Գրիգորի չոքաւ 'ի Գամակոս և հաւ գիր 'ի կուսակալէն. գրեաց և առանձին քաղաքապետն Երուսաղէմի գիր ամբաստանութեան զազգէն Յունաց, ուր ասէ՝ անհետ արարին յերուսաղէմէ զՍրպս, զՎրացիս և զԵթովպացիս, և յանիրաւի տիրեցին վիճակաց նոցին, որոց անկ էր տիրել թագաւորին. և և թէ՛ յառաջագոյն չորս գլխաւոր ազգ էին 'ի քաղաքիս, յորոց վերայ հաւասար բաժանէր տուրք Տէրութեան. իսկ Յոյնք տիրեալ վիճակաց նոցին հալածեցոց, զբաժին հարկն նոցա ոչ կամին հատուցանել, որ մինչեւ ցայժմ Հայք և Լատինք պահանջեն 'ի նոցանէ: Չայտոսիկ գրեանս արար Գրիգոր երկու ծրար, զմին առաքեաց 'ի ցամաքէ և զմիւսն 'ի ծովու 'ի կոստանդինուպօլիս, և Գաբրիէլ վարդապետ դարձաւ յերուսաղէմ: Ի հասանել գրոց՝ մատուցին Հայք 'ի Դուռն, և նոցա ընթերցեալ, յայտ արարին Յունաց զբովանդակ միտս նոցին: Տագնապեցան առ այս Յոյնք, եւ կասկածէին իսկ զի մի գուցէ այլ խնդիր յուզեցի, և ինքեանք վրիպեցին 'ի նըպատակէ իւրեանց: Նմին իրի սկսան դեգերել 'ի դրուս իշխանաց, և հազիւ ուրեմն կարացին խափանել և և տալ պահել զգրեանս Հայոց:

Եւ ապա ետուն գրել նոր հրովարտակ առ կուսակալն Գամակոսի եւ առ դատաւորն Երուսաղէմի, չտալ երբէք Հայոց և Յունաց հանրագրութիւն, և կամ որ և իցէ գիր. և և թէ յանդիմանեցի ոք խնդրել, կալեալ զեցի 'ի բանտի, և ազդ առնել 'ի Դուռն, զի սահմանեցի պատիժ նորին:

Այս հրամանն եհաս յերուսողէմ՝ զինի ճանապարհորդելոյ Գրիգորի Պատրիարքի՝ ի Բիւղանդիոն, և միարանք խորհէին սուսբել զայլ կորեւոր գրեանս. այլ մնացին առնուլ լուր ինչ բարի: Սակայն հակառակ խորհրդոցն եհաս գիր ի Յովհաննու Պատրիարքէ, յորում թախանձէր քահանայիք և ժողովրդովք զԳրիգոր Պատրիարք փութալ զալ հասանիլ ի Կոստանդինուպօլիս, զի կարի տաղտկացեալ էին յերեսաց խնդրոյն Յունաց. եկ տէին՝ կաց ընդդէմ՝ ախոյեանի քում, զի քեզ հաւատացաւ տունդ այդ. ոմանք յստույս յարմարութիւն զմաց սո արքան:

Եւ Գրիգոր Պատրիարք յօժարութեամբ յանձն առ կատարել զինդիր նոցա, և յերկրորդ աւուր մեծի Պատեքին ընթերցաւ զգիրս յեկեղեցոջ Ս. Յակոբայ ի լուր ուխտաւորաց և միարանաց, և որոշեաց զարս գլխաւորս յեկեղեցականաց, և կարդեաց զնոսա Տեղագահ, Փոխանորդ, Գանձապետ և Թալղման, և յանձն արար զկառավարութիւն Աթուոյն ի խնամն նոցա, արթուն կալ և ճառայել հաւատարմութեամբ և խոհմութեամբ. և սրտաբանեալ զամենայն ինչ, էջ ի Յօզպէ ընդ ուխտաւորս տարւոյն (1736, ի 6 Մայիսի):

Գ Լ Ո Ւ Խ Զ .

Ուղեւորութիւն Գրիգորի Պատրիարքի ի Կոստանդինուպօլիս: Կարեւոր գեւոր որք պատահեցան անդ: Պայմանագիր Յունաց: Բնագիր Գողգեարէն նաւակի: Կապիւնայն Տիտրոս: Ա՛՛՛՛ Լատինաց: Գործ Գրիգորի ի Կոստանդինուպօլիս յերուսողէմ:

ԳՐԻԳՈՐ Պատրիարք հասեալ ի նաւահանդիտան Յոպպէի, դադարեաց անդ դաւուրս ինչ. ապա եմուտ ի նաւ ընդ ուխտաւորս (Մայիս 13), և սպասակալ յաջողակ հողմոյ հասին ի Կիպրոս. փութաց ընծայելք Ակնցի Մարտիրոս վարդապետ ի նաւն, և յարգանք մեծարեաց ըզՀայրապետն: Եւ մեկնեալ անտի և ծանրանաւեալ հաղիւ

հասին ի նաւահանդիտան Ֆինիքէ (Յունիս 5), տագնապեալ ի մրրկէ ծովու և ի պահասութենէ ջրոյ ելին անդ ի ցամաք, և ճանապարհ արարին ի նպատակեալ տեղին: Ի հասանիլ Բաղար Պաշէ կոչեցեալ աղբիւրն յորդանաս, տկարացաւ Գրիգոր ի տենդ ախտէ, և ոչ կարաց գրել այնուհետեւ զօթեանս՝ սր ցայնվայր գրեալ էր, յիշելով ի նմա զանուանս ազգայնոց, որք սիրով և բարութեամբ պատահեցան նմա: Հասեալ նեղութեամբ և վշտօք ի Կուտինա քաղաք, անկաւ ի մահինն և ուխտաւորքն մեկնեալ ցրուեցան իւրաքանչիւր ի քաղաքս և յաւանս, և երբն դադարեաց անդ աւուրս 21, և ժողովուրդ քաղաքին սիրով ընկալեալ զնա հոգացին զամենայն պէտս՝ գարմանելով զհիւանդութիւն նորին: Իբրեւ լուաւ Յովհաննէս Պատրիարք զհիւանդութիւն սիրելոյն իւրոյ՝ արտմեցաւ յոյժ, և փութանակի առաքեաց անդ զչորեակն գլխաւոր վարդապետս, որք էին Յարութիւն, Յակոբ, Սահակ եւ Յակոբ Պալատցի հանդերձ այլովք՝ եւ Գրիգոր կազդուրեալ սակաւ ինչ ի հիւանդութենէ իւրմէ զօրացաւ, և ել նոքօք հանդերձ ի Կուտենայ. ուղեկից եղին նմա և ոմանք յերեւելեաց քաղաքին, և հասին ի Պրուսա: Ներսէս վարդապետ Աւաջնորդ քաղաքին և երեւելի անձինք ընկալան զնա փառօք և պահեցին զաւուրս ինչ: Ապա մեկնեալ անտի, նաւեցին ի Մուտանիայ և հասին ի Կոստանդինուպօլիս (Յունիս 23): Եւ տեսեալ Գրիգորի զսիրելին իւր ըզՅովհաննէս Պատրիարք և զայլս ուրախ եղէն յոյժ և խընդացին, և անցեալ յԵւսկիւտար՝ օթեանս կալաւ ի վանքն Երուսաղէմի, և ետ շինել անդ սենեակս: Յերս նոյեմբեր ամսոյ չոքաւ յեկեղեցի Ս. Գէորդայ ի Սամաթեա՝ կատարել անդ զտօն Ծննդեան Գրիստոսի: Ոմանք ի կուսակցութենէ Կաթողիկ անուանելոց, զնացեալ մասնեցին զնա ստութեամբ Դեսպանին Գաղղիոյ (Վիլնիով մարքիզ), թէ Պատրիարքն Երուսաղէմի ի քարոզի իւրում հայհոյեաց զպատարագն ձեր, իսկ նա գտլով այր խոհմ՝ անարգանօք վարձոյց զնոսա յետս՝ ասելով, ոչ հաւատամ թէ այրն այն խօսեացի զայդպիսի բանս:

Հ. Մ. Չամչեան գովութեամբ յիշատակէ զճամարումն Դեսպանին՝ զոր ունէր ի վերայ Գրիգորի, գրելով այսպէս.

« Յղեաց առ նա զերկուս 'ի Լատին կրօնաւորաց, Հարցանել զողջունէ նորա և ասել, բարեաւ եկիր աղանի քաղցր շլարեր ոտոյ ձիթենույ: Եւ նորա մեծարեալ զնոսա, դարձոյց պատուով՝ և արար պատասխանի առ Գեոպանն ասելով՝ հիւանդն զի՞նչ խնդրէ՝ եթէ ոչ՝ առողջութիւն, նեղեալն զի՞նչ, բայց միայն միտթարութիւն »: Պարօ. Հայոց. Հոգ. Գ. Երէս 811: Գեոպանն արար կրչունս (Յունվար 24) և հրաւիրեաց զերկուսն Պատրիարքունս, զՊրիվար և զՅովհաննէս՝ հանդերձ երեւելի իշխանօք, և պատուով մեծարեաց զնոսա, և ասաւ ետ նոցա ընծայս, ըստ Հայր Մ. Չամչեան, երկու սոկի ժամացոյցս, մին Գրիգորի և միւսն Յովհաննու, և մեկնեցան անտի խաղաղութեամբ: Իսկ Գրիգոր Պատրիարք փոխարէն ընծայից Գեոպանին տայ երկու գոհարազարդ մատանին՝ մին աիկնով եւ միւսն որդւոյն: Եւ ասաւ յաւուրս Բարեկենդանի մեծի պահոց՝ վերստին անկաւ 'ի մահիճս. այլ 'ի դարմանելոյ բժշկաց եզրիս զառողջութիւն և փութաց հիւանդաբին յեկեղեցի Ս. Աստուածածնի՝ բառնալ զբժտութիւնս՝ որ 'ի պատճառս չնչին իրաց անկեալ էր 'ի մէջ Պատրիարքին Յովհաննու եւ Անթուոյցի Պետրոս վարդապետի՝ Գրիգոր կոչեցեալ՝ նուիրակին Էջմիածնի. թէպէտեւ հաշտեցան նոքա առ երեսս, բայց փնասն եղեւ միջնորդին: Գուժեաց յանկարծ 'ի թաղաւորեալ քաղաքի անդ մահ Աբրահամու Կաթուղիկոսի Էջմիածնի՝ որ էր 'ի Թէքիրտաղէ, վախճանեալ 'ի նոր կիրակէի (1737. 'ի 18 Ապրիլի): Ի սին ժամանակի եկեալ էին 'ի Կոստանդինուպօլիս թովմայ և Մկրտիչ վարդապետք և այլք ոմանք. սոցա առեալ զնուիրակ Պետրոս վարդապետն՝ գնացին յԵւսկիւտար առ Գրիգոր Պատրիարք. եկին անդ և իշխանաւորք Կոստանդինուպօլսոյ, և եդին առաջի նորա թուղթինչ բաղմակնիք՝ յորում հրաւիրելին զնա գալ եւ նստիլ յԱթոռն Հայրապետական, և նորա խնդրեալ 'ի նոցանէ պայմանս խորհիլ մինչեւ ջաւուրս երիս, և արձակեաց զնոսա: Ապա ասաց առանձին առ Յովհաննէս Պատրիարք և ցիշխանաւորս Հայոց, թէ այս երկոցս անգամ եղեւ խնդրեն զիս լինիլ Կաթուղիկոս ազգին, բայց անհնարին վարկուցեալ գիրան հրաժարեցայ՝ և արդ դարձեալ հրաժարիմ, եւ զկնի երկոց աւուրց եկն յեկեղեցի

Ս. Աստուածածնի՝ եւ յատենի անդ յայտնապէս առաջի ամենեցուն հրաժարեցու 'ի կոչմանէն յայնմանէ: Ենդրեալ էին երբեմն և ժողովուրդք Կարնոյ զՊրիվար՝ Առաջնորդ քաղաքին իւրեանց՝ այլ չէր հնար լինիլ այնմ: Ապա առաջի եդին հրաւիրակքն Էջմիածնի զայլ գիր. եթէ չառնուցու յանձն Գրիգոր, ասեն. խնդրեմք զԼազար վարդապետն Ջուհեցի, և ոչ զայլ ոք. դրեցին յայնժամ առ Լազար վարդապետ 'ի Ջուհեցիս, զի ելեալ անտի երթիցէ 'ի Ս. Էջմիածին: (Օգոստոս 7): Ի վաղիւն տօն Եփեսոսի Ս. ժողովոյն, եկն հրաման խիստ յեկեղեցի Մէհէմէտ Փաշայէ առ Յովհաննէս Պատրիարք, պատուիրել յեկեղեցիս, զի մի՛ երգեսցեն զյեանն երիս տունս Ով հրաշալի երգոյն, և նա առ ահին, այնպէս արար. եւ եղեւ աղմուկ եւ խռովութիւն 'ի մէջ ժողովրդոց: Ոմանք 'ի Կեսարացոց ետուն ասել յԵւսկիւտար զՃարականն զայն եւ մատնեցան 'ի թի Աբքունի նաւատեղեաց ոգիք 6 (Սեպտեմբեր 12): Եզարքոսն Մէօհիւն օլլու դարձու 'ի պատերազմէն դրօշիք եւ երեւելի փառօք, և եմուտ 'ի մայրաքաղաքն և դնաց 'ի պալատն Արքայի. եւ ասաւ ընկեցեալ 'ի պատուոյն տարադրեցաւ 'ի Թեսաղոնիկէ, եւ փոխանակ նորա ամբարձաւ յայն իշխանութիւն Գալաթաճ, հակառակե քրիստոնէից (Յունվար 20): Ամբաստանեցաւ Լազար վարդապետ 'ի Դուռն 'ի Բդեշխէն Կարնոյ, իրր առանց հրովարտակի, և առաքեցաւ նուիրակուցեան Եզարքոսին անել զնա 'ի Կոստանդինուպօլիս. թէպէտեւ Գրիգոր եւ Յովհաննէս բազումս աշխատ եղեն զարձուցանել զնա յետս, այլ չեղեւ հնար: (Փետրվար 2) լուան թէ մեռեալ է Բդեշխն Կարնոյ, և Լազար վարդապետ զերծեալ 'ի Ս. Էջմիածին: (Մարտ 13) եւ արտաքս թուղն կայսերական, և վէջիրն մեծ գնաց 'ի պատերազմ ընդդէմ Աւստրիոյ: Յերկրորդ Կիւրակէի աղուհացից, խորհեցան Գրիգոր և Յովհաննէս ընդ գլխաւորս ազգին, և առաքեցին զոմանս առ դեսպանն Գաղղիոյ, լինել միջնորդ և ձեռնառու կարգադրութեան խնդրոյն երուսաղէմի (1738, յ2 Ապրիլի): Յետ կատարելոյ Գրիգորի զտօն Պասեքին յեկեղեցի Ս. Գեորգայ, դարձաւ յԵւսկիւտար 'ի վանքն. և մեծաւ ջանիւք գնեաց զերիս բաժինս այգւոյ տեղոյն

և խառնեաց յառաջին երկու մասունս, զոր ունէին՝ և ընդարձակեաց զտեղին, եւ ետ շինել 'ի վանքն յայն գինեատուն մեծ, եւ արար այլ նորոգութիւնս Թէպէտեւ կոչէին զայն տեղի վանք Երուսաղէմի, այլ ոչ էր անդ սեղան պատարագի: Եւ Գրիգոր ետ շինել անդ սենեակ մի 'ի կողմն հիւսիսոյ, և կանգնեաց անդ սեղան 'ի ծածուկ, յանուն Ս. Յակոբայ, յորոյ վերայ պատարագէր: Եւ յեկեղեցին Ս. Աստուածածնի ('ի Պատրիարքարանի) ետ շինել իւրովք ծախիւք սենեակ մի մեծ վերին և ստորին սրահիւք, և արար զայն տեղի իջեւանի միաբանացն Երուսաղէմի, և կամ միախանորդարան. զի մինչ ցայն վայր չունէին առանձին տեղի: (Հոկտեմբեր 15) դարձաւ Վէգիրն մեծ 'ի պատերազմէն: (Մարտ 11) մեծ Վէգիրն Եէկէն Մէհէմէտ Փաշա, աքորեցաւ 'ի Կղզին Հոռոտի եւ 'ի տեղի նորա եղաւ Այվազ Մէհէմէտ Փաշա, որ յայնմ ժամանակի էր 'ի Վիտին, ուր առաքեցաւ կնիք Արքային. եւ տեղապահ Վէգիրին առեալ զմեծ գրոշն գնաց բազմութեամբ յԱբրիսանուպոլիս, ուր եհաս և Վէգիրն մեծ և ընկալաւ զգրոշն, և Տեղապահն դարձաւ 'ի տեղի իւր 'ի Կոստանդինուպոլիս:

Իսկ ինքն Գրիգոր Պատրիարք այսպէս համառօտէ ըզպատճառ գնալոյ իւրոյ 'ի Կոստանդինուպոլիս. Բանդի յետ վճարելոյ զպարտան և կարգաւորելոյ զԱթոռն Երուսաղէմի՝ ձեռն արկ խորհրդով Յովհաննու Պատրիարքի տալ նորոգել զհրովարտակս և զՍաթթի Շէրիֆս, որ 'ի ժամանակս ժամանակն տուեալ էին Հայոց յՕսմանեան Կայսերաց, վասն սեփհականութեանց Երուսաղէմի, որ և արար իսկ: Լուեալ Յունաց զայսպիսի ձեռնարկս Գրիգորի և Յովհաննու, լցան նախանձու, թէ ահա զօրանան Հայք, որով և յարուցին աղմուկ մեծ 'ի կայսերանիստ քաղաքի անդ, և ամբաւ ծախիւք ձգեցին 'ի կողմն իւրեանց զմեծամեծն Գրան. եւ զԱրքայ հանին 'ի կամաց, որպէս թէ գրկեալ իցեն Հայք զՅոյնս, և ետուն յետ առնուլ 'ի ձեռաց Հայոց զնոր Սաթթի Շէրիֆն և պատուել. և զերկու գլխաւոր իխանս ազգին մատնեցին 'ի բանտ, և ըստառնային տալ ջնջել զրոմանդակ ազգն. այլ Տէր ողորմեցաւ եւ փրկեաց զմեզ. Իսկ ազգայինք Կոստանդինուպոլսոյ վասն այսր խնդրոյ ծախեալ էին բազում ինչ, և

առեալ զգրամս պարտօք: Եւ գիջեալ Գրիգորի 'ի թախանձանս նոցա չըքաւ անդ, և վճարեաց զամենայն պարտքս նոցա, եւ դեգերեալ 'ի բազում առարկս 'ի դրոշնս այլազգեաց վասն խնդրոյն Երուսաղէմի, շահեցաւ եւ ոչ ինչ: Ապա դիմեցին առ գեսպանն Գաղղոյ և յայտ արարեալ զխնդիրն, աղաչեցին զնա ինել ձեռնառու և օգնական, զի Յոյնք եւս յառաջագոյն առ սա դիմեալ էին: Եւ ասի եւս թէ խորհրդով գեսպանին յետս առ Արքայ ըզՍաթթի Շէրիֆն Հայոց: Իսկ գեսպանն խառնացաւ հատարել զխնդիրս նոցա, բայց ասաց բերել առ ինքն զամենայն վաւերեալ գրեանս, իմանալ զմիտս նոցա. և ըստ այնմ կարող լիցի վերստին առնուլ զՍաթթի Շէրիֆն, և տալ նորոգել զարձանագրութիւնս հրովարտակացն Հայոց 'ի դիւանն. զի Յոյնք եղծեալ և արտաքսեալ էին զայնս: Խոստումնս այս երկարեցաւ ամ մի ողջոյն, զի որքան սքաթախանձէին, նա համբերեցէք ասէր, և ոչ այլ ինչ: Ի սոյն առարկս եկն 'ի Կոստանդինուպոլիս Միքայէլ Կաթողիկոսն Սոյ, եւ իջեւանեցաւ յիւսկիւտար 'ի վանքն Երուսաղէմի: (Հոկտեմբեր 18) դարձաւ 'ի պատերազմէ Վէգիրն մեծ առեալ զՊիլիբատ քաղաք, և ևմուտ յաղթանակաւ 'ի Կոստանդինուպոլիս: Եւ Գրիգոր Պատրիարք եկն յեկեղեցի Ս. Աստուածածնի վասն գործոց Երուսաղէմի, ուր լուա զմահ նուիրակ Յարութիւն վարդապետի, վախճանեալ 'ի վանքն Շնքուշայ (1739. 'ի 23 Դեկտեմբերի) ըստ բանի Իեսպանին 'ի գութ շարժեցաւ Բէիզ էֆէնտին՝ որ էր 'ի կողմն Յունաց, և ասէր թէ 'ի Հայոց այսչափ... բայց բարութիւնս ինչ ոչ կարացաք առնել, Հուսկ ուրեմն միջնորդութեամբ Իեսպանին Գաղղոյ նորոգեցաւ Սաթթի Շէրիֆն Հայոց՝ եւ Արքայն վաւերեաց զայն ձեռագրով իւրով: Ընդ այս նախանձարեկ լեալ Յունաց, սկսան դեգերիլ այսր և անդր, մանաւանդ թախանձել զԻեսպանն՝ զի որպէս շնորհեաց Արքայ ասեն՝ հրովարտակ Հայոց, նոյնպէս և մեզ շնորհեցէ. և զինի միոյ ամոյ ասին եւ նոքա զայն: Բայց հրովարտակք երկուց ազգաց զմի եւ զնոյն ունին զիմաստս, այսինքն Հայք և Յոյնք զոր ինչ ունէին յերուսաղէմ բաժին ժառանգութեան 'ի սկզբանէ և այսր, և որպիսի եղանակաւ վարէին անդ զպաշտամունս

և զսովորութիւնս իւրեանց, նոյն օրինօք վարեցին դարձեալ այժմ և առ յայսօր, և մի յարուսցեն վէճս և խռովութիւնս՝ և կռուեսցին ընդ միմեանս:

Ահա այսպէս ծանր և դժուարակիր նեղութեամբ և աշխատութեամբ՝ վասնճան եղեւ այս ահադին յուղմանց և խռովութեանց, թող զմեծադուժար ծախս երկուց կողմանց, որք գրեթէ յուժակտս վատնեցան: Եւ հուսկ ուրեմն հաշտեցան Պատրիարքունք և զլիսաւորք երկուց ազգաց միջնորդութեամբ Դեսոյանին Գաղղիոյ, և ըստ առաջարկելոյ Գրիգորի և Յովհաննու Պատրիարքաց՝ գրեցան անդ ՚ի Դեսոյանատան փոխադարձ դաշնագրութիւն ինչ ՚ի բարբառ Իտալացւոց ստորագրութեամբ և կնքով Պատրիարքաց և զլիսաւորաց երկուց ազգաց: Գաշնագրութեան բուն իսկ օրինակն՝ պահեալ էր ՚ի Ս. Աթոռս մինչեւ ցաւուրս մեր, զորոյ զիմաստս թարգմանութեան զնեմք աստ ՚ի ստորեւ, որ ունէր օրինակ զայս:

Շնորհիւ Տեառն մեք Պատրիարք Երուսաղէմի և Գահակալ Աթոռոյ նորին, յայտ առնեմք այսու գրութեամբ, տարածայնութիւնն որ յամաց հետէ տեղի եգիտ ՚ի մէջ Հայոց և Յուսաց, յաղագս եկեղեցական սովորութեանց և արարողութեանց, մտանելոյ ՚ի Ս. Գերեզմանն Գրիստոսի, հետեւակ երկից ազգաց և սեփհական տեղեաց իւրաքանչիւր քրիստոնէից: Ի վերջոյ զմտաւ ածեալ զանպատեհ խռովութիւնս և հետեւապէս զիլասս նորին՝ որք պատահին ՚ի վիճմանց և ՚ի հակառակութեանց, և փափաղելով մեր միաբանն սիրոյ և խաղաղութեան՝ հաճութեամբ համաձայնիմք ընդ վարդապետս Հայոց Կոստանդինուպոլսի և Երուսաղէմի՝ և ընդ համայն ազգս նոցա, բառեալ ՚ի միջոյ զգժուարութիւնս անհամաձայնութեանց վիճմանց և վրդովմանց, յորոց ծնանին խոչը բարեկամութեան և խաղաղութեան, ուստի յայտ առնեմք ՚ի գրի աստ զյառաջագրութիւն մտաց մերոց:

1°. յեկեղեցական արարողութիւնս՝ ՚ի սկզբանէ և այսր ըստ սովորութեան՝ Յոյնք ունին զառաջնութիւնն՝ և պահեսցի նոցա այն, մանաւանդ յարարողութեան Ս. Շարաթոն ՚ի միասին մտանել ՚ի Ս. Գերեզմանն երկուց Պատրիարքաց՝ Յուսաց և Հայոց, և կամ Փոխանորդաց նոցին,

զի միշտ և հանապաղ առաջնութիւնն պահեալ և տուեալ է ազգին Յուսաց: նմին իրի յայտ առնեն Յոյնք՝ թէ յաւուր Ս. Շարաթու սակս վառելոյ դէուրն օրհնեալ՝ մտանել ազգին Յուսաց և յետոյ անմիջապէս ազգին Հայոց:

2°. Ազգն Ասորոց ՚ի ժամանակէ հետէ գուով ստորագրեալ ազգին Հայոց՝ մնացեն յայսմհետէ եւս այնպէս, որպէս և էինն: իսկ երկօքին ազգքն Հապէնք և Գալթիք յորոց մասնէ էին և ընդ որում գտանէին ՚ի հարիւր ամաց հետէ մինչեւ ցայսօր՝ ըստ նմին օրինակի մնացեն եւս յայսմհետէ:

3°. Վասն վանաց Ս. Յակոբայ մեծի, և վասն այլոց տեղեաց որք յԵրուսաղէմ, զորս սեփհականեալ ունին այժմ Հայք ՚ի ժառանգութեան իւրեանց, բացայայտ ծանուցանեն Յոյնք չունել այսուհետեւ իրաւունս միջամտելոյ և պահանջելոյ ինչ: Յետ ընդունելոյ Հայոց զայս գիր խաղաղութեան և համաձայնութեան, զոր պահեսցեն առ իւրեանս:

Վասն ամենայն որ և իցէ պատճառաց, որպէս գրեցաք ՚ի վեր անդր, ստորագրեալ կնքեցաւ այս թուղթ ՚ի մէջ երկուց Պատրիարքաց Կոստանդինուպոլսի և Ս. Երուսաղէմի, և յայլոց իշխանաւորաց մերոց անդճանելի և անփոփոխելի երդմամբ: տալով փոխադարձաբար զնոյն ստորագրութիւն Պատրիարքացն Հայոց, ընդ մեծամեծս ազգին իւրեանց:

Միաբանութեան գիրս գրեցաւ վասն խաղաղութեան և համաձայնութեան, և ՚ի բաց բառաւոյ զիլասս յիւրաքանչիւր ազգէ, ՚ի հաճոյս բարերար կամաց ծայրագոյն դեսպանին և բարեպաշտ հրեշտակին Գաղղիոյ ՚ի Դուռն Օսմանցւոց, որպէս պատմեաց և ազգ արար մեզ թէ վասն խռովութեանց մերոց, պատահի մնասուց ինքն և իւր ազգն Ֆրանկաց: Ուստի հարկ է պահել զհամաձայնութիւն ՚ի մէջ երկից ազգաց, և եթէ հակառակ ինչ գրելոցս պատահեսցի, յայնժամ գրեալքս անընդունելի եղիցին: (1739 յ7 Ապրիլի):

Սակս խնդրոյ Ս. Յակոբայ գրեալ էր Գրիգոր Պատրիարք թուղթ սիրոյ և յարգանաց առ Կարտինան Յլօրթի ՚ի Փարիզ խնդրելով ՚ի նմանէ, զի ՚ի ձեռն Արքայի ձեռնաստ

Այն զորոցն : որոյ պատասխանն ընկալաւ անդ ՚ի թա-
գաւորեալ քահանայի , հանդերձ Գաղղիական թարգմանու-
թեամբ , որ առնէր օրինակ զայս .

à Versailles le 31 Août 1739.

C'EST avec la plus sensible consolation que j'ai reçu, Monsieur, Votre lettre du 1^{er}. de Janvier de la présente année. J'y ai admiré les traits brillants et les tours ingénieux qui rendent la langue Arménienne si recommandable et si majestueuse; mais ce qui me touche encore davantage est de voir que l'écriture Sainte vous est si familière et que vous en possédez parfaitement l'esprit.

La conformité entière de nos sentiments avec la tradition constantes de l'Eglise Apostolique et Romaine mère et maîtresse de toutes les eglises est un argument invincible pour convaincre, les hérétiques des derniers siècles des nouveautés qu'ils ont voulu introduire dans la doctrine que nous avons reçu des apôtres.

Nous gardons précieusement dans la très magnifique Bibliothèque de notre Empereur et Monarque très chretien un grand nombre d'illustres monuments tirés de vos Conciles et des écrites de vos anciens Evêques qui font un honneur immortel à l'Eglise d'Arménie, et serviront de témoin dans les siècles futures, de la pureté de votre foi et de la fermeté avec laquelle Dieu vous a fait la grace de la maintenir au milieu des persécutions, que les hérétiques et les Schismatiques n'ont presque jamais cessé de vous Susciter.

C'est le sort de l'Eglise de Jesus-Christ, et ce divin Sauveur nous l'avait annoncé dans les Saints Evangiles. Elle n'a jamais été plus fervente et plus sainte que dans les attaques qu'elle a eu à soutenir dès sa naissance contre les Empereurs païens, et la paix dont elle

à joui de temps en temps, au lieu de lui être avantageuse, n'a produit souvent que les fruits les plus amères et des divisions intestines plus funestes que les plus cruelles persécutions.

C'est dans cet esprit que vous devez remercier Dieu de celles dont il permet que vous soyez affligés et l'usage que vous en faites, deviendra pour vous une source de Bénédiction et un gage de la Couronne que sa bonté infinie prépare à ceux qui l'auront fidèlement servi pendant cette vie.

Je partage bien sincèrement, Monsieur, toutes vos souffrances en qualité de votre confrère dans l'Episcopat et je m'estimerais très heureux si dans la place dont l'Empereur mon maître a daigné m'honorer dans ses conseils je pouvais contribuer à votre soulagement et à votre repos.

Le témoignage avantageux que vous rendez à M. le Marquis de Villeneuve, dont je connais depuis longtemps le zèle et les talents, ne me surprend pas, mais il ne laissé pourtant pas de me faire un extrême plaisir. Il n'a pas besoin d'être excité à continuer ses soins et ses bons offices en faveur de votre Eglise, et on ne peut trop louer son exactitude à suivre les ordres de sa Majesté.

Vous pouvez donc vous adresser à ce digne Ministre avec une entière confiance dans toutes les occasions où vous croirez qu'il pourrez vous être utile. Je voudrais pouvoir mériter tous les éloges qu'il vous plaix de me donner et dont je me reconnais très-indigne, mais je puis vous assurer du moins du zèle que j'ai pour notre sainte religion et de l'envie que j'ai de procurer aux églises de votre Patriarcat tous les biens et tous les avantages qui peuvent dépendre de mon ministère.

Je ne souhaite pas moins ardemment, Monsieur, de vous marquer personnellement l'estime et la considéra-

tion particulière avec laquelle je vous honore.

Signé, le Card. de Fleury.

P. S. Je fais traduire cette lettre en Arménien pour vous prouver que nous connaissons votre langue et le cas que nous en faisons.

Թարգմանութիւն նամակին Կարտինալ Ֆլորեայ՝ գրեալ առ Գրիգոր Պատրիարք Շղթայակիր :

Ի վերայի 131 Օգոստոսի 1739 :

Մեծ և զգալի մխիթարութեամբ ընկալայ, Տէ՛ր, զնամակն Ձեր՝ գրեալ յառաջնում առուր Յունվարի 'ի սոյն ամի. սքանչացայ 'ի վերայ փայլուն և բազմահանճար բանիցն՝ զոր ընծայէ չքեզ և մեծավայելուչ բարբառն հայկական : Բայց առաւել քան զայս աղբեաց ինձ 'ի տեսանելս զՁեզ հմուտ և ընտանի Ա. Գրոց՝ և լիովին տեղեակ իմաստից նորին :

Կատարեալ համակերպութիւն զգացմանց ձերոց ընդ ճշմարիտ աւանդութիւնս Առաքելական Եկեղեցւոյն Հռոմոյ՝ որ մայր և գահեակ է ամենայն Եկեղեցեաց, է անընդուն յանդիմանութիւն 'ի յաղթահարել զհրետիկոսս յետին դարու՝ և զնորութիւնսն՝ զոր կամեցան մուծանել 'ի վարդապետութիւնս՝ զոր ընկալաք յԱռաքելոց անտի :

Խնամով պահպանեմք 'ի փառաւոր գրատան Ամենաբարեպաշտ Թագաւոր Կայսեր մերոյ զբազմաթիւ երեւելի յիշատակարանս առեալ 'ի ժողովոց՝ և զգրեանս առաջին Եպիսկոպոսաց Ձերոց՝ որք անմահ փառք են Եկեղեցւոյն Հայոց, և վրայ ապառնի դարուց 'ի ցուցանել և հաստատել զամբծութիւն հաւատոցն Ձերոց՝ և զհաստատամտութիւն՝ որով շնորհեաց Ձեզ Աստուած պահպանել զայն (հաւատս) 'ի մէջ հարածանաց՝ զոր հրետիկոսքն և հերձուածողք երբէք չդադարեցան գրգռել ընդդէմ Ձեր :

Այս է բախտ Եկեղեցւոյն Յիսուսի Քրիստոսի, և երկնաւոր Փրկիչն քարոզեաց մեզ զայն 'ի Ա. Աւետարանին :

Առաւել փորձ և ընտիր դտաւ 'ի պատերազմունս՝ զոր 'ի ծննդենէ մղեաց ընդդէմ հեթանոս Կայսերաց 'ի սլաշտպանութիւն՝ և խաղաղութիւնն զոր վայելեաց ժամանակ առ ժամանակ՝ փոխանակ օգտակարութեան սոխոյ արտադրեաց զլառն սրտուղս՝ եւ աղիողորմ ներքին բաժանումն՝ քան զդժնդակ հալածումն :

Այսմիկ հոգւով պարտիք շնորհս մատուցանել Աստուծոյ՝ որ եթող զՁեզ չարչարիլ, և փորձն՝ զոր կրէք՝ լիցի աղբիւր օրհնութեան և առհաւատչեայ սոսկին յանսահման բարերարութենէ պատրաստեալ այնոցիկ՝ որք հաւատարմութեամբ ծառայեցին նմա յայսմ կենցաղոյս :

Անկեղծութեամբ հաղորդ եմ Տէր, ամենայն չարչարանացք իբրեւ եղբայրակից յնպիսկոպոսական վիճակի. եւ ունիմ երջանիկ համարել զիս՝ եթէ յաստիճանին՝ յորում Տէր մեր կայան եղ զիս 'ի ժողովս՝ կարող լինիցիմ ձեռընտու լինիլ 'ի դիւրութիւն և 'ի հանգիստ Ձեր :

Ջօգտակար վկայութիւնս զոր տայք վասն Պ. Վիլլիսով Մարքիզին՝ չեն ինչ զարմանք, զի արդէն 'ի վաղուց անախ դիտեմ զեռանդն և զտաղանդ նորին, սակայն և այնպէս՝ այդ վկայութիւնք ետուն ինձ զմեծամեծ հաճոյս. չունի նա պէտս յորդորանաց անընդհատ կատարել զինամս և և զբարի պաշտօնն իւր 'ի պաշտպանութիւն Եկեղեցւոյն Ձերոյ՝ զի փոյթ մեծ է նմա հետեւիլ հրամանաց նորին վեհափառութեան :

Արդ՝ կարող էք կատարեալ վստահութեամբ դիմել առ մեծարգոյ պաշտօնեայն յամենայն դէպս Ձեր, յորս կարծիցէք թէ կարող է լինել Ձեզ պիտանի :

Կամէի արժանաւոր լինիլ այն ամենայն գովեստից՝ զորս շնորհէք ինձ, և որոց զիս անարժան ճանաչեմ, այլ կարեմ յապահովի կացուցանել զՁեզ՝ թէ նախանձաւոր եմ վասն սուրբ կրօնիս մերոյ, և փոյթ ունիմ հոգալ Պատրիարքական զեկեղեցին Ձեր, և առնել զբոլանդակ բարիս և զյաջողութիւնս՝ որ կախեալ կայցեն զպաշտօնէ իմմէ :

Ոչ նուազ եռանդմամբ մաղթեմ և ես Տէր՝ առ 'ի ցուցանել անձնապէս զառանձին յարգանս և զհամակրութիւնս իմ, որով յարգեմ զՁեզ :

Կարտինալ Ֆլորի :

Յ. Գ. Չայս նամակ ետու թարգմանել 'ի բարբառ
Հայոց' առ 'ի ցուցանել Չեզ թէ ծանօթ եմք լեզուին
Չերոյ, և 'ի կիր արկանեմք զայն 'ի դէպս :

Այլ մինչդեռ 'ի կոտանդինուպոլիս էր տակաւին Գրի-
գոր Պատրիարք՝ պատահեցաւ դարձեալ վէճ 'ի մէջ Հայ
և Լատին միաբանաց, 'ի տաճարին Ս. Յարութեան վասն
Իւղարերից սեղանոյ՝ եւ յեկեղեցին Բեթղէմի : և միա-
բանք զրեալ ազդ արարին Գրիգորի՝ որ ինչ եղեւն, եւ
նա ծանոյց 'ի եսպանին Գաղղիոյ մտերիմ բարեկամին Իւ-
րոյ, իսկ նա էստ գիր նախ 'ի Գրիգոր Պատրիարքէ՝ զի
սիրով վարեացին իւրքն ընդ Լատին կրօնաւորս, և ապա
չրեաց ինքն պատուէր և սասան մեղմով առ Տեսուչ և Փո-
խանորդն Լատին վանաց՝ չվիճել եւ չկռուիլ ընդ Հայս,
այլ վարիլ ըստ բնական սովորութեան, թէ 'ի Ս. Յարու-
թեան եւ թէ 'ի Բեթղէմի, եւ չստնել հակառակ ինչ
ընդդէմ կանոնաց : Չայս գիր ետ ցիրիգոր Պատրիարք, և
նա գրեաց առ Գարբիէլ, Թէոդորոս և Յովհաննէս վար-
դապետս՝ եղեալ 'ի միջի զգիր Դեսպանին և զթարգմա-
նութիւն նորին, պատուիրելով նոցա և ինքն յամենայնի
սիրով վարիլ ընդ նոսա՝ և չտալ տեղի ատելութեան, և
թէ Դեսպանն և տիկին նորին, ո՞րքան սիրով և խաղա-
զութեամբ վարեցան անդ ընդ Գրիգորի, և ո՞րչափ աչ-
խատ եղեն 'ի հանել զԽաթի Եէրիֆն՝ եւ այլ բազում
գովութիւնս գրեաց զԴեսպանէն, խրատ և յորդրական
բանս առ վարդապետս, ապա պատուիրէ նոցա՝ զի ին-
քեանք ձեռօք իւրեանց տարեալ մատուցեն զգիր Դես-
պանին առ Փոխանորդն Լատինաց, և սիրով հաշտեցին
ընդ նոսա, (1740 : 'ի Յ Մայիսի) :

Եւ 'ի սմին ժամանակի՝ յորում իսկապէս լուծաւ խըն-
դիրն, և առաւ Կայսերական հրովարտակ Հայոց և Յու-
նաց, դարձեալ ծախեցան 'ի դրունս գումարք դրամաց,
եւ Գրիգոր Պատրիարք վերստին անկաւ 'ի ներքոյ պարս-
տուց եւ յաւտերս Աղուհացից՝ տեսեալ զաղքտութիւն
նորս՝ շարժեցան 'ի դուրս սեղանաւորք և համայն ազնեա-
տաւորք ազգին և ետուն ողորմութիւն առաա, որ և չըբ-
ջեցաւ նա յամենայն եկեղեցիս քաղաքին, յորէ անտի մեծի

Պատեքին մինչեւ Օգոստոս ամիսն՝ օրհնելով զժողովուրդն
եւ դոհանալով զՏեառնէ՝ որ առել է ամենայն բարեաց :
Եւ յետ այնորիկ եմուտ 'ի նաւ ընդ ուխտաւորս (Օգոս-
տոս 25) այլ ոչ այնքան ուրախութեամբ՝ որպէս ինքն
դանկատի : « Բազում արդեամբք մտաք 'ի Բիւզանդիոն,
եւ յոլով պարտիւք ելաք անտի » : Եւ ապա նաեւալ 'ի
Թագաւորեալ քաղաքէ հասին 'ի Թէքիրտաղ : Յովհաննէս
վարդապետ Առաջնորդ քաղաքին բազմութեամբ ժող-
վըրդոց բազում յարգանօք ընկալաւ զնա, և եղեն նմա
ձեռնառու տրօք և ողորմութեամբ : Եւ զինի Ս. Պատարա-
գին և օրհնելոյ զժողովուրդն՝ մեկնեցաւ անտի : և մերձ
'ի Պողոս շիրար խրեցաւ նաւն յաւաղ, և հազիւ զերթու-
ցեալ զնա, հասին 'ի կղզին Հոողոս : Ի շնորհելոյ նաւորաց
ըմբռնեցան յերկուզ մեծ՝ զի նաւն սկսեալ էր առնել ըտր
յատակէն՝ ապա զօրացուցեալ զբազուկս երիտասարդաց
ետուն աշխատիլ զտիւ և զգիշեր զաւուրս և, թափելով
զձուրն : Եւ յերեկոյնի շարաթու (Ասպտեմբեր 7) անվնաս
հասին 'ի Յոսպէ, ուր սպասէին Աթուակալ Գարբիէլ վար-
դապետ և Թարգման Պողոս, և այլք 'ի միաբանաց : Եկեալ
էր անդ և քաղաքապետն Խուլ Մուստաֆա՝ այլովքն հան-
դերձ : (Ասպտեմբեր 15) 'ի տօնի վերացման Ս. Սաշի
եմուտ Գրիգոր Պատրիարք յերուսաղէմ բազմութեամբ
ուխտաւորաց եւ մեծաւ մասօք : Որոյ ժամանակ պան-
դըխտութեան եղեւ և տարի, և ամիս և ց օր : Յետ այն-
որիկ գրէ զհաշիւ ծախուցն և զարգիւնս ժողովրդոց : Եւ
այսպէս կնքէ զբան իւր, զոր ինչ պարտք արարի 'ի կոտ-
անդինուպոլիս՝ զբովանդակն հատուցի հանդերձ շահաթ
և շննաց պարտք 'ի վերայ Աթուոյն, զոր 'ի պատճառս
Խաթիթի Եէրիֆին արարեալ էին :

Ապա յաւելու ասել : « Դատ արասցէ Աստուած ընդ
մեզ և ընդ հակառակորդս մեր, զի յետին յաղքատութիւն
և 'ի չքաւորութիւն հասուցին զմեզ » : Վասն որոյ ես Գրի-
գոր մեղապարտ վարդապետս սպասաւոր Ս. Աթուոյս
իբր անդարձ եւ կտակ գրեմ զինի իմ եկելոցդ, մի և մի
իւրիւ հաւատացք ազգին Յունաց և Լատինաց : զի այլազ
գիր միայն վասն արձաթոյ նեղեն զմեզ, այլ սոքա վասն
Ս. Հաւատոյս բաժին Ս. Տեղեաց և Ս. Աթուոյս մերոյ

են ներհակք եւ անհաշտ թշնամիք . նմին իրի սլարտ է զգոյշ և սլատրաստ լինել 'ի նոցանէ , զի ես փորձիւ իմացայ և ձեզ գրեցի , զի ծանխլիք , յորոց չարեաց փրկեցէ Տէր Աստուած զՍ . Աթոս և զազգն մեր . ամէն :

Այսպէս կնքէ զայս ուղեւորութիւն իւր երանելի Հայրապետն , որ ինքն գրեալ է ամենայն հանգամանօք , որպէս է տեսանել 'ի յիշատակարանս ձեռագիր Աւետարտնի , որ և հրատարակեցաւ 'ի Սիոն ամսաթերթի . (1866 . Նրե . 122 . 141 . 184) :

Զպատմութիւն հակառակութեանցն Յունաց յաղագս վանաց Ս . Յակոբայ , և այլոց իրաց՝ քաղեալ եղաք 'ի կարգի պատմութեանս հաւատարիմ յաղբերաց : Սակայն զայս պատմութիւն այլով իմն եղանակաւ աւանդէ Տէր Մեղքոն քահանայ եկեղեցւոյն Պալատու 'ի Կոստանդինուպօլիս , առեալ յաւանդութենէ ծերոց ժամանակիս , որպէս զբրեալ տեսանի 'ի ձեռագիրս ինչ , և յածի 'ի լեզուս ռամկաց , զորմէ զանց արարաք դնել 'ի կարգի Պատմութեանս :

Գ Լ Ո Ւ Թ Է .

Չարութիւն Յունաց : Ֆելսոհք Պէյթ ճալա գիւղի : Այլազգի դժուարանք : Սեզան Հոցոց 'ի Ս . Աստուածածին : Մահ Յովնանու Պատրիարքի , զգեստ նորին : Վանք Ս . Փրկչի : Կոխ Լատինաց 'ի Ս . Յարութիւն : Նամակ Գրիգորի Պատրիարքի առ զեսպանս Գաղղոյ 'ի Կոստանդինուպօլիս : Խնդիր Լատինաց վասն գերեթի Գերեղանին :

ԱՍՏԱՅՈՒՔ սակաւուք զոր ինչ միանգամ պատահեցաւ յերուսաղէմ զինի մեկնելոյ Գրիգորի Պատրիարքի 'ի Կոստանդինուպօլիս : Քանզի 'ի նմին ժամանակի 'ի սաստիկանալ հակառակութեան Յունաց 'ի Կայսերանիստ քաղաքի անդ , գրգռեցան և վանականք նոցին ատելութեամբ յերուսաղէմ ընդդէմ Հայոց : այլ ջանիւք Աթոռակալ Գաբրիէլ վարդապետի վերստին յանձնեցան վանօրսյք 'ի ձեռս Հայոց օրինօք դատարանի :

Եւ յետ այնորիկ ըստ մտաց Կայսերական հրովարտակաց եւ վաւերական գրոց դատարանի , որք ընթերցան յայնժամ յատենի բազմութեան այլազգեաց , տուաւ հանրադրութիւն սակս խարէյութեան Յունաց՝ և 'ի հաստատութիւն սեփականութեանց Հայոց : Գառնացեալ յոյժ ընդ այս Կեսարիոսի Փոխանորդին , ծէնաթի 'ի թարգմանին՝ և թէնդոսի Քարտուղարին , կոչեցին զԵրաբացի Ֆելսոհս Պէյթճալա գիւղին , որք էին կրօնակից ինքեանց , և գրգռեալ յարուցին զնոսա՝ ի վերայ ազգին Հայոց , և պատուէր ետուն նոցա երթալ 'ի գիշերի խորտակել զգուռն Սուրբ Փրկչի վանաց՝ տալ յաւարի զինչս նորա՝ եւ կոտորել 'ի բերան սրոյ զմիաբանսն որ 'ի նմս :

Առեալ զայս խրատ գիւղականաց՝ եկին շարունակ զերկուս և զերիս գիւշերս 'ի դուռն վանաց , այլ ոչ կարացին որ և իցէ հնարիւք խորտակել և կամ խախտել զերկաթի դուռն և մտանել 'ի ներքս . դառնացեալ նոցա ընդ այս կատաղութեամբ , սկսան արձակել զհրացանս , և ձգել զմեծամեծ քարինս 'ի ներքս : Լուեալ բնակչաց քաղաքին զաղմուկս նոցին և զքղրղումն խաթամուժ ամբոխին՝ զորհուրեցան յոյժ , և շիտթեալ աղաղակէին թէ պաշարեցաւ քաղաքն 'ի թշնամեաց : Լուեալ քաղաքապետին և Եէնիչէրի աղասին , բացին 'ի գիշերի զգուռն քաղաքին , և ելին բազմութեամբ զօրաց արտաքս , և յարձակեցան 'ի վերայ սպստամբաց , այլ ոչ կարացին ըմբռնել զոք 'ի նոցանէ . զի դարձուցին նոքա զզնս իւրեանց 'ի զօրն և 'ի պարիսպ քաղաքին , և այսպէս խոյս տուեալ աներեւութացան անտի : Եդան այնուհետեւ պահապան զօրք 'ի սլարիսպն 'ի զգուշանալ քաղաքին , եւ զինի աւուրց ըմբռնեցան յաստամբաց անտի ոգիք & և եդան կապանօք 'ի բանտի . և 'ի ձողկել զնոսա՝ ի հրապարակի , խոստովան եղեն թէ թելադրութեամբ գլխաւորացն Յունաց արարեալ իցեն զայն : Եւ յետ արձակելոյ 'ի կապանաց , չոքան առ մեծամեծս այլազգեաց եւ գանկատանօք չարախօս եղեն զազգէն իւրեանց , թէ գրգռեալ զմեզ արկին 'ի վերտանդ մահու , այժմ յերեսս իսկ հայիլ ոչ կամին : Եւ յետ կատարելոյ զքննութիւնս զայս , միաբանք Հայոց խնդրեցին 'ի դատարորէն զայս ամենայն անցս ծանուցանել 'ի

Գուռն, եւ նա արար ըստ բանից նոցա (1737. 'ի 25 Փետրվարի) :

Այլազգի դոնապանք Ա. Յարութեան ոչ շատացեալ սահմանեալ արօք իւրեանց, պահանջին 'ի Լատինաց յիւրաքանչիւր ամիսս 30 դահեկան, և զայլ գումարս տարեկան զգեատուց եւ ջուխայի. և 'ի բացասել Լատինաց, ոչ բանային զգուռն տաճարին, որով լինէր նոցա վիշտ եւ նեղութիւն, և արհամարհումս ուխտաւորաց նոցին. և 'ի խտտանալ այլազգեաց, ազդ արարին դեսպանին Գազգիոց 'ի Կոստանդինուպօլիս. և նա եհան հրովարտակ ըստ դաշտագրութեան իւրեանց, չնեղել վատին կղերս, և չսրահանջել 'ի նոցանէ աւելի ինչ քան զսահմանեալն, և 'ի ժամանակին անտրուոնջ բանալ զգուռն, յորում խտաի պատուիրէր Արքայ կուսակալին Գամասկոսի և դատաւորին Երուսաղէմի, սաստել զհայս և զՅոյնս դադարել 'ի խռովութենէ եւ 'ի կուռոյ, եւ անհնազանդից սահմանեալ պատիժն է բանտ և բերդարդել. և չտալ թուղթս դատաւորաց՝ մեծամեծացն այլազգեաց եւ այլոց, եւ նոյն իսկ կուսակալին ոչ Յունաց և ոչ Հայոց, յՅՁԱ (1737) :

Իսկ Գորբիէլ վարդապետ Աթուակալ կամեցեալ զերծուցանել զվանս Ա. Փրկչի 'ի վերահաս վտանդէ, եւ շարել զմանր քարինս առանց շաղախի շուրջանակի 'ի վերայ պարսպին 'ի գգուշութիւն գողոց և աւազակաց. զի սոփորութիւն լեալ էր նոցա դալ 'ի գիշերի և ձգել պարանս 'ի սրախալ անդր և ելանել 'ի վեր : Եւ երաց պատուհան 'ի վերուստ 'ի վերայ արտաքին դրան, 'ի դիտել անտի դոնապանին զեկեալն եւ զբաղխողս դրան. զի բազում անգամ այլազգիք խաբէյութեամբ տային բանալ զգուռն, և մտեալ 'ի ներքս դորձէին զչարիս և զվաստ : Մեծացոյց և զպատուհանն 'ի վերայ դրան եկեղեցւոյ. արար և նորագութիւնս ինչ 'ի վանս Բեթղէհէմի (1738) :

Մինչդեռ զբողեալ էր Գորբիէլ վարդապետ 'ի նորագել գաւերեալ տեղիս, յարեան Լատինք և կամէին յափշտակել զեղանն Հայոց կից յարեմոեան յորմն գերեզմանի Ա. Աստուածածնի, 'ի ձորն Գեթսեմանի, և հակառակեալ պնդէին իսկ թէ սեփականութիւն սեղանին ոչ

նորիկ է Լատինաց 'ի վաղ ժամանակէ : Իրրեւ ոչ կարացին Հայք ճողորիլ 'ի բանութենէ նոցա, դիմեցին առ դատաւորն, եւ յայտ արարին զիրաւունս իւրեանց և զանիրաւ պահանջս Լատինաց : Իսկ դատաւորն կոչեաց զերեւելի այլազգիս քաղաքին և զդոնապանս եկեղեցւոյն այնորիկ, և 'ի ժողովի անդ վիայութեամբ նոցին յայտնի եղեւ թէ սեղանն այն սեփական է Հայոց և 'ի վերայ նորա կատարեն զպաշտամունս իւրեանց. հակառակութիւն Լատինաց վասն այնր 'ի զուր է և բնդունայն, եւ գիտեմք իսկ զի մինչեւ ցայսօր ժամանակի լինել 'ի ձեռս Հայոց : Յետ այնորիկ խնդրեաց դատաւորն 'ի Լատինաց հրովարտակ Արքայի եւ կամ գիր ինչ 'ի դատարանէ վասն այնր սեղանոյ, Լատինք յայտ արարին յատենի անդ չուենել զայնպիսի գիրս, ապա դատաւորն եւ աւագանին հաստատեցին զսեփականութիւնս Հայոց վիայութեամբ այլազգեաց, և հրաման ետուն ունիլ զայն. եւ կատարել զպաշտամունս իւրեանց ըստ վաղեմի սովորութեան, և արդեկին զհակառակութիւնս Լատինաց, զի մի՛ եւս բռնացի 'ի վերայ Հայոց ասելութեամբ, յՅՕ* (1738) :

Վախճանեցաւ Յովհաննէս Պատրիարք Կոստանդինուպօլի Կոլոտ վերաձայնեալ յամի Տեառն 1741, Փետրվար 13. վարեալ զիշխանութիւն Պատրիարքութեան ամս 26 : Եւ արժանաւոր յուղարկաւորութեամբ թաղեցաւ յեկեղեցի Ա. Լուսաւորչի 'ի Դալաթիա : Եւ յաջորդեաց յԱթու Պատրիարքութեան աշակերտ նորին Յակոբ վարդապետ Նալեան Չիմարացի 'ի 13 Փետրվարի, Լուեալ Գրիգորի Պատրիարքի զմահ սիրելոյն իւրոյ՝ տրամեցաւ յոյժ, և ողբայր զմահ նորին տխրագին. յերկիր կործանեցայ ասիւր և քաղեցաւ ողբ իմ, այլ սուղ ինչ մխիթարեալ 'ի վերայ Պատրիարքութեան Յակոբայ վարդապետի, գրեաց առ նա զիր շնորհաւորութեան և քաջալերութեան, և յորդոր առ գլխաւորս ազգին զօրավիգ և օգնական լինիլ յամենայն դործս նորա : Գրեաց և վասն հրովարտակաց՝ զորս 'ի դարձին իւրում յերուսաղէմ, խորհրդով ազգին թողեալ էր առ Յովհաննու Պատրիարքին, և ինքն միայն զօրինակս նոցին բերեալ ընդ իւր. եւ այժմ անկեալ 'ի կասկածանս, մի՛ գուցէ վնաս ինչ պատահեցցի, թախան-

ձանօք խնդրէր զայնս, և ընդ գրոյն առաքեաց զմահտեօսի Յակոր հաւատարիմն իւր բերել զնոսա յերուսաղէմ, և ևնոքա յանձն արարեալ առաքեցին :

Յովհաննէս Պատրիարք նախ քան զվախճանիլ իւր պատուիրեալ էր աշակերտին իւրոյ առաքել յերուսաղէմ զԵպիսկոպոսական զգեստ պատարագին . լուեալ զայս Գրիգորի Պատրիարքի՝ շնորհեաց զայն Յակոր վարդապետի, իբր արժանաւոր ժառանգ պատուոյ հոգեւոր հօր իւրոյ, այլ նորա ոչ ընկալեալ զայն՝ փութաց կատարել զկտակ հանգուցելոյն, առաքելով ընդ Սեղբոս Ամիրայի, որ եկն յուխտ յերուսաղէմ որդւոյք և ընտանեօք, և յանձն արար ՚ի ձեռս Գրիգորի Պատրիարքի (1741 . ՚ի 18 Յուլիսի) : Բրք են այսոքիկ՝ 1 թագ եպիսկոպոսական ասղնդործ մարդարտով և պատուական ակամբք . 2 եմիփորոն գործ ասղանի . 3 կոնքեւ . 8 փէչ տիտայ շուրջառ մին անկար . 12 զեղեցիկ շապիկ . 1 կորիւրայ . 1 արծաթի սկիւ . 1 մասնատուփ . 3 արծաթի հաղորդի աման . 1 մինէլի արծաթ դօսի . 3 դաւազան . 2 սկիւ ծածկոց ֆրէնք փէսէնդ . 1 շղարչ . 1 զոյգ ասղնադործ հողաթափ . 1 փորուրար . 1 զոյգ բաղան . 1 Աւետարան մաղաղաթ օսկետուփ գոհարակեայ . 1 Աւետարան փոքր մաղաղաթ օսկետուփ . 2 զոյգ արծաթ բուրանոց՝ և վարդի ջրաման . 3 արծաթ թաս . 4 թէլաթին մաթարայ օսկեթեւ . 1 ջուխայ դորդ . 1 մինելի արծաթ Խաչերութեան պատկեր երեք փեղկեան . 1 սպանոս դաւազան՝ բոլոր զլուխն օսկով և սրտուտական ակամբք :

Ի սոյն աւուրս Արարացի աւաղակք հասեալ ՚ի գիշերի պատեցին զվանս Ս . Փրկչի, և կործանեցին զորմն հիւսիսային յարեւելից յարեւմուտս . Աթոռակալ Գաբրիէլ վարդապետն և Պօղոս թարգմանն աղբ արարին դատաւորին, և նա գրեաց առ ճարտարապետ քաղաքին, և ապա ելին բազմութեամբ այլազգեաց ՚ի քննութիւն, և չափեալ ըզկործանեալ տեղին՝ դտին 8 կանգուն յերկայն՝ և բարձրութիւն կանգուն 6 . և զորմն արեւելեան խախտեալ կանգուն 5 : Ապա հրամանաւ դատաւորին և քաղաքապետին շինեցին Հայք զկործանեալ տեղիսն, և խցին զճակոտիս պարսպին՝ զի աւաղակք զետեղէին ՚ի նոսա զմատունս ստից իւրեանց և կուռեալ ելանէին ՚ի վեր . շինեցին նաեւ

զատիճանս քարամբք առանց չաղախի, 1103 (1741) :

Ի տաճարին Ս . Յարութեան մինչդեռ աւել ածէր Արարչամ վարդապետ Ապուլլահեան ՚ի բաժնին Հայոց, ՚ի ներքայ մեծի կամարին մերձ ՚ի Պատանատեղն, հասին ՚ի վերայ նորա երեք անձինք ՚ի կրօնաւորացն Լատինաց, և սկսան հարկանել զնոս բրօք չարաչար, և մին ՚ի հարուածոց անտի պատահեալ ՚ի գլուխ նորին՝ ճեղքեցաւ, և սկսաւ հոսել արիւն հորդ՝ և ինքն անկաւ անդ իբր ըզմեռեալ : Լատին կրօնաւորք ոչ չատացան այնու, այլ ՚ի կատարութենէ իւրեանց, զոր ինչ միանդամ դտին անդ ՚ի սպասուց և ՚ի կարասեաց՝ հարեալ զգետնի խորտակեցին՝ ընդ որս և զբրքակալն մեծ եւ զպղնձի շրջանակն Ութաթափման տեղոյն Ս . Աստուածածնի : Իրեւ աղբ եղև Գրիգորի Պատրիարքի որ ինչ միանդամ գործեցին Լատինք ՚ի տաճարի անդ՝ տրտմեցաւ յոյժ, այլ զի մի՛ առաւել զդոքեացին Լատինք ՚ի յանդգնութիւն, առաքեաց զԳաբրիէլ վարդապետ և զԹարգմանն Պօղոս առ դատաւորն, ընդ որս էր և թարգմանն Յունաց . յանդիման ըսալ սոցա յատենի սկսան ամբաստան լինել զկրօնաւորացն Լատինաց և ասեն . տակաւին ՚ի սմին ամի ընթերցաւ Կայսերական հրովարտակն ՚ի լուր ամենեցուն, չհակառակիլ Լատինաց ընդ կրօնաւորս Հայոց, չնեղել և չբռնանալ ՚ի վերայ իրաւանց նոցա : Եւ զի՝ սովորութիւն է քրիստոնէից մաքրել և աւել ածել զիւրաքանչիւր սեփհական տեղիս ՚ի սահմանեալ աւուրս ՚ի տաճարի անդ, և ՚ի սմին աւուր ՚ի մաքրել զտեղիս մեր, գործեցին Լատինք զայսպիսի սճիրս . և արք խնդրեմք քննել զխնդիրն և դատ առնել ընդ մեզ եւ ընդ Լատինս : Իսկ դատաւորն առաքեաց զսմանս յերեւելի այլազգեաց ՚ի Ս . Յարութիւն ստուգել զեղեալսն, և նոքա եկեալ տեսին զտեղին . զԱրարչամ վարդապետ վիրաւոր, զպղնձի շրջանակն հանեալ ՚ի տեղոյնէն և խորտակեալ, և զայլ զնսան . և դարձեալ անտի պատմեցին դատաւորին : Եւ կոչեաց առաջի իւր զկրօնաւորս Լատինաց, եւ եհարց զնոսա . թէ ընդէ՞ր արարիք զայդ և հեղիք զարիւն առն անմեղի . և նոքա թաղուցին զիրան եւ ուրացան առաջի դատաւորին, թէ ոչ երբէք ամբարձկալ է նոցա ձեռս ՚ի վերայ ուրուք . այլ միայն կամե-

ցաք առեն արգելու զվարդապետն Հայոց 'ի տեղս ջայնմանէ : Սահայն փոխանորդք Հայոց և Յունաց պընդէին և յայտնի կացուցանէին զբռնութիւնս երկոց կրօնաւորաց , եւ պահանջէին զիրաւունս , այլ նօքա գարծեալ յուրատ լինէին : Եւ այսպէս յերկարիւ դատաստանին և վիճմանց , խնդրեաց դատաւորն վկայս 'ի փոխանորդէն Հայոց , և նորա ածեալ կացոյց առաջի նորա զերկուս ոմանս յերեւելի այլադիւտաց քաղաքին , որք եւ ասէին , լուաք զձայն աղաղակի եւ կռուոյ յեկեղեցին Ս . Յարութեան 'ի Թանքէ կոչեցեալ մենաստանէ մերմէ , և կարկառեալ 'ի պատուհանաց , որք հային 'ի հրապարակ Գերեմանին , տեսաք զերիս կրօնաւորս կատինաց , որք մահակ 'ի ձեռին հարկանէին զվարդապետն Հայոց . զնոյն ասացին և միաբանք Հայոց և Յունաց , որք էին ընդ Արահամու 'ի տաճարի անդ , եւ զոր ինչ գործեցին կատին կրօնաւորք : Յետ հաստատելոյ դատաւորին 'ի գիր զքըննութիւնն եւ զվկայութիւնս նոցա , յաւել փոխանորդն Հայոց , որովհետեւ յայսպիսի դժնդակ իրս գտանին կատինք՝ ապաւինեալ 'ի թագաւորս Եւրոպոյ , 'ի ճոխութիւնս և 'ի բազմութիւնս իւրեանց , արգելուն և անարդեն զուխտաւորս մեր , եւ յափշտակեալ 'ի ձեռաց նոցա զմոմեղէնս շիջուցանեն և ընկենուն 'ի բաց . յայսպիսի զըզուանաց և յատելութենէ նուազին ուխտաւորք մեր , եւ մեք հանդիպիմք բազմադիմի վնասուց և զրկանաց . և եթէ ոչ լինիցի խնամք և պաշտպանութիւն Օսմանեան տէրութեան 'ի վերայ հպատակաց իւրոց , դժուարին լինի բնակութիւն մեր յերուսաղէմ՝ եւ 'ի Ս . Յարութիւն . զի անձինք մեր խկ կան 'ի վտանգի . զի 'ի նուազիւ ուխտաւորաց մերոց վնաս հասանէ գանձուց Արքայի , եւ դատաւորն զայս ամենայն հաստատեալ 'ի գրի՝ ետ ցփոխանորդն Հայոց , եւ մեկնեցան անտի 'ի տեղիս իւրեանց , 1100 (1752) :

Իսկ Գրիգոր Պատրիարք 'ի խոովութեանս յայսմիկ՝ կըրեաց բազում վիշտս և նեղութիւնս , և հանդիպեցաւ մեծամեծ ծախուց և վնասուց . ապա կամեցեալ օգնութիւն գտանել նոյն խկ 'ի մեծամեծացն Եւրոպացուց զրեաց զն թուղթս , մին առ թագաւորն Գաղղիոյ , մին առ երկ-

րորդ նորին , երրորդն 'ի Հռոմ առ ժողովն կարօնալաց , և զմիւսն առ դեսպանն Գաղղիոյ 'ի Կոստանդինուպոլիս , զարօց զպատճեն միոյն և եթ ունիմք 'ի ձեռին զոր և կարգեսցուք ասա 'ի ստորեւ : Պատճէն թղթոյն Գրիգորի առ դեսպանն Գաղղիոյ :

Ամենաբարեպաշտի և Քրիստոսասիրի ծայրագոյն դեսպանի Ֆրանցայու ուղղափառ Արքայի , և պսակի պարծանաց ամենայն թագաւորաց գերազնիւ և քաջաշաւիղ հըրեշտակի Քապելլայի . 'ի Տէր Գրիգոր վարդապետէ եւ Արք եպիսկոպոսէ և Պատրիարքէ սրբոյ քաղաքիս Երուսաղէմի , յոյժ սիրով ողջոյն եւ առաքելական օրհնութիւն յայտարարութեամբ :

Քանզի արդարեւ մեծ ստացաւ զպատիւ ճոխութեան աստուածասէր նախնին քո Վիլլանովայն , մինչ 'ի ժամանակի խոովութեան միջնորմ եղև խաղաղութեան 'ի մէջ մեր և Յունաց , եւ 'ի մշտնջենաւորս ստացաւ զմեզ աղօթողս վասն ինքեան , և արդարեւ իւրում արարելոյ խաղաղութեան զամենաբարեպաշտութիւնդ եթող յանձանցիւ և խնամածու եւ աւանդապահ , որ ոչ սակաս քան զնոյն ընդունելոց է աստուածասիրութիւնդ զգովութիւն և զաղօթս 'ի մէնջ՝ եթէ զխաղաղութիւնն զայն հաստատ պահիցէ . քանզի 'ի զրկիլ մեր յամենայնի յայլոց աղագց , զիրաւունս գտանէաք 'ի Հռոմայեցուց աստուածահաստատ թագաւորութենէ , որ այս եթէ յայլոց թագուն իցէ՝ 'ի խորհրդական ատենադարէ ձերմէ 'ի Քերսոնարէ և 'ի նրբամիտ միսիւ նարիէն չէ ծածուկ :

Թէ որպէս 'ի ժամանակս լուսահոգի Պատրիարք եղբոր մերոյ՝ աղաչանօք մեր և նորա 'ի գութ շարժեցաւ գթած Կայսրն Ֆրանցայու՝ աղաչանօք գերասպայծառ իշխանաց իշխան Տեառն մերում կարօնալ Ֆլորիսյ՝ իցէ թէ եւ Աստուածասիրութիւնդ քաջ տեղեակ իցէ , մինչ էրն 'ի Վիրսպիա 'ի թագաւորական քաղաքի :

Արդ՝ որ մեք երբեմն զրկեալ յայլոց՝ առ գթած և իրաւարար թագաւորութիւն ձեր բողոքէաք , 'ի նարդեանս 'ի Ս . Քաղաքս 'ի սադրելոյ արբանեկացն բանսարկուին , ոչ գիտեմք թէ վասն ո՞ր պատճառի առ 'ի զրկիլ գիտեալ լինիմք յոմանց 'ի ձերոց կարգաւորաց՝ զոր ոչ այլ իւրե-

եթէ ոչ սատոնայական թեւադրութեամբ համարիմք զեղեակն՝ որ մասալով զառն մերս աղօթեւոյն վասն ձեր՝ խառնեաց զորոմն չարութեան ՚ի մէջ բարի սերման խաղաղութեան մերում ընդ ձերայնոց՝ եւ կամեցաւ իրաւազուրկ առնել զմեզ, և զաղօթելն մեր վասն ձեր խափանել, և զսիրոյն օրէն ոչնչացուցանել և բծախնդրութեամբ հիմնայատակ առնել, զոր չունիմք մեզադրել ումեք՝ եթէ ոչ մեզաց մերոց: Բայց ո՞վ աստուածասէր և բարեպաշտ ծայրագոյն Դեսպան, իրաւունս ՚ի քումմէ երջանկութենէ խնդրեմք, միթէ չիցէ՞ արժան քրիստոսապաղկեալ թագաւորութեան Ֆրանցայոս ունիլ աղօթող ոչ միայն զիւրականն աղբ, այլ և գրեթէ զամենայն աղբս օտարազնեայս, զոր ահա մեք թէպէտ ազգաւ օտար, բայց հաւատով կարի քաջ ընտանիք, և զիարդ աղօթից մերոց առ ուղղափառ Կայսրն Ֆրանցայոս խափան լինիցի: ոչ ապաքէն և Աստուածպետութիւնն ընդունի և ՚ի բերանոյ մեզաւորաց զաղերս աղօթից: Եւ զի՞նչ պակասի ՚ի փառաց Աստուածասէր թագաւորութեան նորա՝ մինչ այս խղճալի աղբս հովանաւորիցի ՚ի ներքոյ չքոյ գթութեան նորա: յիրաւի ոչ պակասի՝ քան թէ յաւելանի: Ուրեմն եթէ ամենայն Դեսպանաց յատկութիւն իցէ՞ զաւելի ինչ քան զնախնին իւր հնարել ՚ի պարծանս ինքեան և յօգնութիւն իւրական աղին, այս է ուրեմն մեծագոյնն մեծագունից: Եթէ զհիմնեալ խաղաղութիւնն մեր՝ եւ զսէրն հաստատ պահել ջանայցէ Աստուածասիրութիւնդ ընդ եղբարց մերոց, որ աստ ՚ի Ս. Քաղաքս Երուսաղէմ: Զի որպէս սրբազան Առաքեալն Պօղոս անկեաց և Ապօղոս ջուր ետ եւ Աստուած անեցոյց, հաւատամք զի ոմն Աստուածասէր, այսինքն Վիլլանովայն տնկեաց զսէր ՚ի մէջ երկուց ազգացս, և միւս գեր Աստուածասէրդ կամի ջրով ոռոգել և ոչ երկբայեմք եթէ Աստուած զայնպիսի տունին և զուռոգեալն անեցուցէ: Ուստի խնդրի ՚ի քումմէ ամենաբարեպաշտութենէ ստանալ զպարծանս պարծանաց զերթաւորութիւնն խաղաղարարաց, ևւ ըստ շնորհի զորդոյ Աստուծոյ մականունութիւնն ժառանգել: Եւ այն որո՞վ լինի ո՞վ գերապայծառ Իշխան, եթէ ոչ ունին ոչ դնելով աւելորդաբանից զրասացութեանց, զոր ահա գտայզն զք-

րեմք քունդ բարեպաշտութեան: Քանզի աստ ՚ի Ս. Քաղաքս Երուսաղէմ ՚ի մէջ Ս. Յարութեան Աշխարհամատրան տաճարին՝ իւրաքանչիւր ազգ ունի զյատկօրէնութիւն ինչ առ ոմանս տեղիս՝ յորում զաղօթն և զսրբազնասուրբ պատարագն մատուցանէ: և զոմանս տեղիս՝ զորս վասն ջերմեանդութեան ՚ի շարաթուղ միանգամ աւելէ՞ եւ ոչ ոք ումեք ներհակի: Իսկ այս մի քանի ժամանակ եղև որ վասն անտեղեկութեան (գալոյ փոխանորդաց և մեծաւորաց) երկրիս սովորութեան՝ զորմամբ ոմանց փաթերայից զսիրոյն օրէն արմատաքի խել ջանացողաց լինի՝ և եղև սակաւ ինչ գծութիւն՝ կամելով զրկել զմեզ յիրաւանց մերոց: զպատարագելն եւ զաւելելն կամելով խափանել, որ եթէ մեք ՚ի մեր սեփհական տեղիսն զպատարագելն նոցա ոչ արդեւումք, այլ հիւրասիրութեամբ պատուեմք յաւուրս պատարագելոյ նոցին, և զի՞նչ վնաս պատուոյ նոցին ծնանէր ՚ի տեղիս մեր պատարագելն մեր ՚ի Ս. Յարութեան տաճարին, և զաւելելն ՚ի սահմանեալ տեղիսն: Ո՞վ գերապաշտիւ եւ ազնուափառ իշխան, երբեմն ըստ սովորութեան մերում վասն կապերսից ճգման խոժոռելին, և զայն բարձին. և այժմ յաւուրս քոյոյ աստուածասիրութեան ՚ի խորանի մերում զպատարագելն մեր խափանել ջանան և զաւելելն, և այն ոչ առանց գանից՝ և արիւնաթաթաւ առնելոյ զոմն ՚ի մերոց միաբանից, որոյ ներեսցէ Աստուած՝ թէպէտ մեծ իցէ յանցանքն: զի եթէ առաջի աստուածասէր ատենի ձերոյ առանց հրամանի սպասաւորք ձեր զոմանս խոչտանգիցեն՝ յանդուգն թուին, քանի՞օն եւս յորժամ առաջի Քրիստոսի Գերեզմանին մինչ ցարեան հեղումն գանիցեն: Բայց սէրն ծածկէ զրազմութիւն մեզաց: ըստ օրինի սիրոյն Քրիստոսի՝ թողեալ լիցին յանցանքն նոցին: Սակայն զի փոքր պատճառաւ անբաւ չարիք տարածանին յաշխարհի, վասն որոյ ջանալի է արմատաքի խել զորս հանդերձեալքն են բողոքել, եւ զիայժն շիջուցանել մինչդեռ ոչ իցէ լեալ հրդէհ:

Աստուածասէր և խաղաղասէր Կայսերութիւնն ուղղափառ քրիստոսապաղկեալ թագաւորն Ֆրանցայոս այնքան հիմնեալ է ՚ի խոր խաղաղութեան, մինչ զի շարժուն գե-

ղուն և թաթաղուն գոլով, և առ այլ թափանցել ջանաց զխաղաղասիրութեանն օրէն, և միթէ 'ի մեր խղճալի աղբս հասեալ զհրաժարականն ողջոյն տալոց իցէ խաղաղութեան. քաւ լիցի, Տէր խ', թէ 'ի ժամանակի գեր աստուածասիրութեան ձերոյ հիմնեցեալն տապալիցի. քանզի յուսամք և յաւուրս քոյոյ բարեպաշտութեան հաստիլ առաւելադէս, որպէս եւ յաւուրս նախնոյն քո քրիստոսապիրի աննիմաստի եւ բարեպաշտի Վիլանովային. ուրեմն աղաչեմք 'ի ձեռն քոյդ բարեսիրութեանդ, զատուրմն տախտակաց նաւակի խաղաղութեան մերոյ. իբր բեւեռօք սիրոյդ պնդել և անխախտ յօրինել, և զինի բեւեռելոցդ սիրով, և նաւթիւ և ձիթով զըրանցական տեղիս գծամերձից փակել քոյովը աստուածասիրութեամբ. զի թերեւս նաւակ սիրոյն եւ խաղաղութեան 'ի նաւահանգիստն արքայութեան յաջողակ հոգմով ներշնչութեան Հոգւոյն Սրբոյ փութապէս ժամանիցէ, որում գաստուածասիրութիւնդ զինի երկար կենաց աստէն և բարերձանկութեան արժանի արասցէ Յիսուս Քրիստոս անդր հաւաքման 'ի տեսութեան իւրում, ամէն:

Ի վախճան գրոյս խնդրի 'ի գեր աստուածասիրութեանդ, ո՛վ ամենապայծառ խշտան, գրել աստ եղևոց եղբարց մերոց սիրով կեալ ընդ մերոյս խղճութեան և յանձնել եւս զմեզ 'ի սէր նոցա, առ 'ի հաստատուն պահել զպտուղ նախնոյդ եւ քոյոյ բարեպաշտութեան. ըստ որում և մեք միշտ 'ի մտի ունիմք և 'ի բերանով զձերդ աստուածասիրութիւն 'ի յաղօթս. վերստին ողջ լեր 'ի Տէր Յիսուս անձախորդ կենօք յամերամ ժամանակս:

Յամի Տեառն 1742. Հոկտեմբեր 26. 'ի Ս. Երուսաղէմ 'ի վիճակի ժառանգութեան մերոյ որ 'ի Ս. Յակոբ:

Ի թղթոց աստի և յայտքան աղաչանաց թէ զինչ արդիւնս շահեցաւ Գրիգոր Պատրիարք, չէ յայտ. սակայն Լատին կղերք երբէք չգիջան անսալ բանից դատաւորին, որոց պատու իբէր հանդարտիլ և կեալ 'ի խաղաղութեան. եւ առ 'ի պատրուակելոյ գլանցանս իւրեանց, բողոք կալան 'ի Դուռն Արքայի 'ի ձեռն դեսպանին Գաղղոյ, որպէս թէ այլազգիք Երուսաղէմի նեղեալ եւ տառապեալ իցեն զնոսա: Եւ ըստ դանկատելոյ նոցա, գրեցաւ հրո-

վարտակ առ դատաւորն ստուգել զիրան: Եւ նա ժողովեալ զբազմութիւնս այլազգեաց 'ի դատարան, կոչեաց և զիրօնաւորս Լատինաց եւ ընթերցաւ առաջի ամենեցուն զհրովարտակն. եհարց ապա ցլատինս, ո՛վ ոք յայլազգեաց աստի նեղեաց զձեզ և զրկեաց, և կամ յափրջ տակեաց զինչս ձեր, որպէս չարախօս լեալ էք առ Արքայ, և նոքա յուրաստ եղեալ ասեն. ոչ բողոքեցաք 'ի Դուռն, ոչ այլազգիք նեղեցին զմեզ և կամ արկին տուգանս 'ի վերայ մեր, եւ կամ յափրջտակեցին զինչս. այլ միայն երեք կրօնաւորք մեր հարին զվարդապետն Հայոց, և այն օրինօք դատարանի հաստատեցաւ 'ի վերայ նոցա: Լուեալ դատաւորին զստատովանութիւն բանից նոցին առաջի բաղմութեան այլազգեաց՝ արձանացոյց 'ի գիր, և արարեալ հանրագիր առաքեաց 'ի Դուռն:

Գրեալ էին նաեւ Լատինք առ Կուսակալն Դամասկոսի Սիւլէյման Փաշա, և նա գրեաց առ դատաւորս Երուսաղէմի, և առաքեաց 'ի ձեռն պաշտօնէի միոյ, որ կոչէր Գատրի աղա, ստուգել զինդիրն: Դարձեալ կազմեցաւ ժողով 'ի դատարանի՝ կոչեցան եւ միաբանք Լատինաց, ընթերցաւ զիր Կուսակալին. ապա եհարց Գատրի ցմիաբանս Լատինաց, ով ոք 'ի սոցանէ և կամ յայլազգեաց Երուսաղէմի բռնացաւ 'ի վերայ ձեր և էարկ զձեզ 'ի տուժս և 'ի տուգանս ընդդէմ օրինաց և դատաստանաց, և նոքա ասեն՝ և ոչ ոք, և շունիմք դանկատանս զումեքէ. և դատաւորն հանդերձ ժողովով հաստատեաց զբանս նոցա 'ի գիր, եւ տուեալ 'ի ձեռս Գատրի աղայի առաքեաց 'ի Դամասկոս, 1100 (1742):

Յետ այսր դատաստանաց՝ ձեռն արկին Լատինք և յայլ իմն գործ, զոր խորհեալ էին. զի պատճառէին թէ հրնացեալէ Գերեզմանն Քրիստոսի, որոյ վասն պարտ է քակել զայն, զհողս և զքարինս նորին փոխադրել յԵրուսալայ յայտարհն իւրեանց. լուեալ զայս Իպրահիմ աղայի վերատեսչի կալուածոց Սիւլէյմանայ Արքայի՝ աղբ արար 'ի Դուռն, թէ Լատինք պատճառանօք կամին նորոգել եւ կամ նորոգ չինել զԳերեզմանն, և զրկել անտի զայլ քրիստոնեայս: Վաղ ընդ փոյթ եհաս հրովարտակ յԵրուսաղէմ, խափանել զայնպիսի ձեռնարկս Լատինաց. զի տուեալ էր

նոցա հրովարտակ ասիս նորոգելոյ զերկու ամբարանոցս ցորենոյ՝ և երկու սենեակ ՚ի բնակութիւն ուխտաւորաց նոցին՝ ապա պատուիրէ՝ զի առանց կայսերական հրամանի չթողու երբէք լինիլ ձեռնամուրս յայնպիսի իրս, կամ նորոգել զփերեզմանն և զայլ տեղիս, ոչ հրամանաւ կուսակալին և ոչ գրով դատաւորին, և իւրաքանչիւր ազգաց բնակիլ խաղաղութեամբ ՚ի սեփհական տեղիս իւրեանց՝ որպէս յայտ առնէ հրովարտակն տուեալ ՚ի թուին 1104 (1739) ՚ի վէճին Յունաց ընդ Հայոց: Արդ՝ Հայք, Յոյնք եւ Հատինք՝ խաղաղութեամբ բնակեսցին ՚ի սեփհական տեղիս իւրեանց՝ առանց կուսոյ եւ հակառակութեան, 1100 (1742):



Գ Լ Ո Ւ Խ Ը .

Կտակ Գրիգորի Պատրիարքի: Գիւղակմբ Բեթղէհէմի: Կորոզութիւն Ս. Հրեշտակապետի: Մոս Գրիգորի: Ընտրութիւն Յակոբ Պատրիարքի Կալեան: Եղուպ սղա: Այլազգիք Սեփհ:

Գրիգորի Պատրիարք Շղթայակիր հասեալ յամս ծերութեան՝ զգածեալ տկարութեամբ անձին, և զմտաւ ածեալ զմահն հասարակաց՝ կամեցաւ ինքն ՚ի կենդանութեան իւրում որոշել զյաջորդ Պատրիարքութեան իւրոյ: զի մի առէ զկնի մահուան իմոյ բազմեցուցեն յԱթոռն զանհմուտ եւ զանիմաստ ոք, յեղծումն եւ յապահանութիւն այնքան բազմալատակ ջանից և աշխատութեանց իւրոց: նմին իրի ինքնին ձեռամբ իւրով գրեաց կտակագիր, և առաքեաց զայն ՚ի Կոստանդինուպոլիս ՚ի ձեռն աշակերտին իւրոյ Թէոդորոսի Եպիսկոպոսի Խորենացոյ ՚ի Տարոնոյ: յորում բազմօք թախանձէր առ քահանայս եւ Իշխանաւորս ազգին, զի ՚ի կենդանութեան իւրում հաստատեացեն յԱթոռ Պատրիարքութեան Երուսաղէմի զնոյն ինքն զԹէոդորոս, և փութանակի դարձուացեն զնա յետս ՚ի Ս. Աթոռն: զի եթէ ոչ հաճեսցի ազգն ՚ի խորհուրդ իւր, մի հանցեն զայն ՚ի հրապարակ՝ չլինիլ

առիթ դժտուութեան և խռովութեան ազգին և միարանաց: Ի հասանիլ այսր գրոյ ՚ի թագաւորեալ քաղաքն, Յակոբ Պատրիարք Նալեան, զլիւաւորք ազգին եւ քահանայք վեց եկեղեցեաց սիրով ընկալան զինդիր նորին. և գրեցին ինքեանք եւս գիր անդորրութեան, յորում տեսնի և սրտաճէն կտակի նորին բառ առ բառ օրինակեալ, յոր ձեռնարկեալ կնքեցին ամենեքեան. զի համաձայն խորհրդոյ նորին զկնի մահուան իւրոյ գիցեն յԱթոռն ըզԹէոդորոս, զի ՚ի կենդանութեան իւրոյ չկամէր ազգն տեսանել զայլ ոք յԱթոռ նորին: եւ առանձին գրով եւս ազգ արարին նմա, յԱստուած առնել ապաստան զտնօրէնութիւն այնր մեծի խնդրոյ՝ զի ինքն ամենաբարի կամօք իւրովք ընտրեսցէ և տնօրինեսցէ զարժանաւորս յօգուտ Ս. Աթոռոյն և ՚ի միսթարութիւն համօրէն ազգին, միայն առ այժմ յանձնել Թէոդորոսի զկարեւոր գործս Աթոռոյն, զի առաւել հմտութեամբ վարժեսցի յայնս, (1743. Օգոստոս 30): Զայս գիր ընկալեալ Թէոդորոսի Եպիսկոպոսի՝ զարձ արար յերուսաղէմ:

Նախ քան զվեկնիլ Գրիգորի Պատրիարքի ՚ի Կոստանդինուպոլսոյ (1740), հաճութեամբ Յովհաննու Պատրիարքի կարգեալ էր զՅակոբ վարդապետ Նալեան փոխանորդ իւր անդ, արթնութեամբ լինել վերահասու բովանդակ գործոց Աթոռոյն Երուսաղէմի, եւ ՚ի սմին ամի (1746. Փետրվար 14) առաքեաց առ Գրիգոր զտուումար հաշուց Աթոռոյն, և վերստին հաստատեցաւ ՚ի նոյն պաշտօն: եւ ՚ի սորա ժամանակս նորոգեցաւ վանքն Իսկիւտարու արդեամբ Ս. Աթոռոյն, որպէս յայտ առնէ արձանագրութիւնն եղեալ ՚ի վերայ դրան, օրինակ զայս:

Ի հիմանէ նոր շինեցաւ յարկս վերնատնօք, և միջնատնօք, և ներքնատնօք արդեամբք Տ. Գրիգորի եւ Տ. Յակոբայ Պատրիարքաց Ս. Երուսաղէմի և Կոստանդինուպոլսոյ, ՚ի վայելումն նոցա, և համայն բարեկամաց նոցա, և Ս. Աթոռոյն ջատաջովչաց, անծախ և անքակ, յիշատակ Ս. Յակոբայ որ յերուսաղէմ: որք քակին կամ ծախեն՝ զմասն Յուդայի առցեն:

Ի սմին ժամանակի դարձեալ տաղտկացեալ էին վանականք երկոց ազգաց ՚ի Բեթղէհէմ յերեսաց Արարացի Յէլէլահաց: զի սոքա մշտնջենաւոր սովորութիւն արարեալ

գային եւ իջանէին 'ի վանօրայս , եւ բռնացեալ 'ի վերայ տեսչաց եւ միաբանաց նոցին , պահանջէին 'ի նոցանէ ուտելիս եւ զբուսելիս , եւ յետ յազենալոյ խնդրէին նաեւ զբրամբս : Եւ բազում անգամ փակէին զարտաքին դրունս վանօրէից եւ ամրանային անդ իբր ամուր ասպատանի , եւ կանգնէին պատնէչս եւ պատերազմէին անտի ընդ թշնամիս իւրեանց , յորմէ քանդէին եւ աւերէին բազում տեղիք , եւ վանականք սաղնապէին 'ի բիրտ եւ 'ի վայրաք բնաւորութենէ : Եւ յընչաքաղց աղահուսթենէ նոցին : Թէպէտ եւ գլխաւորք երկոյ վանօրէից բազում անգամ բողոք կալան առ Բեդէլսն Երուսաղէմի , բառնալ 'ի միջոյ դրանաւորան զայնոսիկ , այլ նա չէր ձեռնհաս առնել նոցա ինչ , այլ միայն սպասէր դիպող աթիւ : Ապա հնարս խորհեցան ազատել զվանօրայս յանարգութենէ եւ 'ի բռնութենէ նոցին , զի 'ի միտմ' նուազի հնարիւք ժողովեցին զնոսա 'ի դատարան , եւ բռնադատեցին զնոսա երգմամբ չմտանել միւսանգամ 'ի վանօրայս եւ ոչ Օթագայիլ 'ի Բիլերի , չպահանջել կերակուր եւ զայլ ինչ , չկանգնել պատնէչ սակո պատերազմի , եւ այլ սոցին նման անկարգ սովորութիւնք նոցին . եւ նոքա խոստացան առնել այնպէս , եւ ետուն երաշխաւոր' եւ զերծան անտի , 1109 (1746) :

Գրիգոր Պատրիարք 'ի ծերութեան իւրում նորոգեաց զբաւրիթ եկեղեցւոյն Ս . Հրեշտակապետի , բայց կրեաց նեղութիւնս եւ վիշտս ընդ միաբանաց իւրոց , թող զծախարն այլազգեաց . քանզի քաղաքապետն Երուսաղէմի Օմար աղա արգել եւ խափանեաց զնորոգութիւնն , ուստի հարկ եղև Գրիգորի առնուլ հրաման 'ի կուսակալէն Դամասկոսի , եւ զկնի քննութեան դատաւորին եւ այլազգեաց , ձեռնարկ վերստին շինել եւ բարձրացուցանել զորմս եւ զկամարս դաւթին , եւ զսեղանն չարչարանաց : Եւ յետ տարւոյ միոյ' եխից զկամարն եւ եբաց մէն մի պատուհան , եւ զսեղանն չարչարանաց առաւել ընդարձակեաց , նորոգեաց եւ զեկեղեցին եւ զայլ տեղիս , եւ այլազգիք վերստին ելին 'ի քրննութիւն , զի մի աւելի քան զհրամայեալն առնիցեն , 1171 (1748) : Շինեաց նաեւ զընդարձակ սեղանատունն միաբանաց 'ի Ս . Յակոբ , որպէս յայտ առնէ արձանագրութիւնն 'ի վերայ դրան նորին :

Գրիգոր Պատրիարք Հասեալ 'ի բարուք ծերութիւն , հիւանդացեալ անկաւ 'ի մահիճս . թէպէտ եւ դարմանեաց զնա բժիշկ ժամանակին , այլ չեղև ինչ օգուտ , որ եւ վախճանեցաւ 'ի նոյն հիւանդութեան յամի Տեառն 1749 եւ թողեցաւ 'ի վանս Ս . Փրկչի , վարեալ զիշխանութիւն Պատրիարքութեան Երուսաղէմի ընդ ամենայն ամս 32 , տարեալ բազմադիմի վշտաց եւ նեղութեանց , յորս իբրեւ հովիւ քաջ եւ ծիր մշակ անխոնջ վաստակեցաւ յամենայն գործն' ազատելով զՍ . Աթոռն յամենայն վերահաս վտանգաց , լցեալ զտուն Ս . Յակոբայ ամենայն հոգեւոր եւ մարմնաւոր բարութեամբ , թողեալ զկնի իւր զանուն եւ զհամբաւ բարի , որոյ անունն օրհնութեամբ յիշատակի միշտ 'ի Ս . Աթոռս . զտապանաքար երջանիկ Հայրապետիս տուեալ էր յօրինել բարեյիշատակ Սեղբոս Ամիրայ բարեկամ նորին , հանդերձ գեղեցիկ ոտանաւոր վերտառութեամբ :

Յետ վախճանի Գրիգորի Պատրիարքի' հաճութեամբ ազգին ընտրեցաւ Պատրիարք Աթոռոյն Երուսաղէմի նոյն ինքն Յակոբ Եպիսկոպոս Նալեան Պատրիարքն Կոստանդինուպօլսի , հակառակ կտակի հանգուցելոյն , զոր ինք վաւերացուցեալ էր յազգային ժողովի անդ 'ի Պատրիարքութեան իւրում , զի զկնի մահուան Գրիգորի , նստուցանել յԱթոռն զԹէոդորոս , որպէս գրեցաք . եւ նախ քան զամենեսին , նոյն ինքն Նալեան կնքեալ եւ ստորագրեալ էր 'ի հանրագրին , թէ « Ինձ Յակոբ Պատրիարքիս ընդունելի է » :

Սակայն առ 'ի բառնալոյ զհակառակութիւնս ազգայնոց ոմանց , ստիպեցին զՅակոբ մեկնիլ 'ի Կոստանդինուպօլսէ , եւ նորա ելեալ անտի եկն յԵրուսաղէմ եւ նստաւ յԱթոռ Պատրիարքութեան , որոյ Պատրիարքական Պէրաթն 1174 (1749) կայ մնայ աստ : Սա երբ ընդ իւր 'ի Ս . Աթոռն ստոյգ մեծ մասն 'ի նշխարաց Ս . Լուսաւորչին , զոր յանձնեալ էր նմա Յովհաննէս Պատրիարք Կոլոտ , եւ զմի փոքր մասն 'ի նմանէ ամիրոփեաց 'ի գերեզմանի Ս . Մակարայ 'ի յիշատակ Աստուածատէր Եղզուպ աղայի , կոչելով ըզտեղին Սեղանս Լուսն : Իսկ միւս մնացեալ մեծ մասն ամիրոփեալ 'ի տուփ արծաթապատ , պահի 'ի Ս . Աթոռն : Եւ զկնի միոյ ամի էառ հրովարտակ յԱրքայէ վասն նո-

րոգութեան կալուածոց Երուսաղէմի, Բեթղէմի, Ռեմէի, Յոզպէյի, Դամասկոսի, Բերիոյ եւ Եղիպտոսի, եւ ըստ մտաց հրովարտակիրն էսա զիր 'ի դատարանէն Երուսաղէմի' եւ արգել զհակառակորդս կալուածոց :

Յաւուրս սորա երեւելի էր 'ի մէջ աղբին 'ի կոստանդինուպոլիս Ակնցի Եաղուպ աղայն Յովհաննէսեան, մտերիմ բարեկամ Յակոբայ Պատրիարքի՝ ձեռնտու եւ օգնական յամենայն դործս նորին . բազում անգամ գրեաց առ նա յԵրուսաղէմէ թուղթ սիրոյ եւ յորդորանաց, եւ բազմապատիկ յարգանք հրաւիրէր զնա զալ յուխա յԵրուսաղէմ կոչէր զսա վաճառապէտ արքունի, նոր Յովսէփ գեղեցիկ ժամանակին եւ երկրորդ Զօրաբարել տաճարաչէն, որպէս գրեալ կայ 'ի սղնձի տախտակի յիշատակարան նորին, յորում մի առ մի թուին ընծայք եւ յիշատակիք պարեպաշտ առնն, զորս նուիրեաց 'ի տաճար Ս . Յակոբայ :

Արդ զիջեալ սորա 'ի խնդիր Յակոբայ Նալեան եկն յուխտ յԵրուսաղէմ ընտանեօք, եւ ընկալան զնա Պատրիարքն եւ միաբանք բազում սիրով եւ յարգանքօք : Եւ սպա ինքն զկնի արգիւնաւոր ողորմութեան, եւ բանալոյ ըզդուռն տաճարին Ս . Յարութեան, եւ բաժանելոյ զընծայս բոլոր միաբանաց, եւ կատարելոյ զբարեպաշտական սովորութիւնս, յաւել տալ զնուէրս 'ի դանձս Ս . Աթոռայն, եւ Ս . Տեղեաց Գրիստոսի՝ 'ի յիշատակ իւր եւ ազգատոհմին իւրոյ, որք են, 1 արծաթի ջահ 56 օխայ, կախել 'ի մէջ դմբեթի եկեղեցւոյն Ս . Յակոբայ, եւ 'ի ներքոյ նորին կանթեղք 8 . 1 մեծ եւ պատուական վարագոյր Աւագ Խորանին ոսկիթեղ ասղնեգործ, յորոյ վերայ տեսանին կերպարանք վիշապաց . 2 ծարկեայ տիպայ գոգնոց . 1 Իւզարեբից շուրջառ . 1 Ստոֆա վարագոյր Ս . Գլխադրի, եւ որմոց նորին պատկերք Տնօրէնութեան Փրկչին, գործ ըսգանչելի, հանդերձ արծաթի շրջանակաւ եւ վանդակաւն . 1 արծաթ կանթեղ 'ի մատուռն Մակարայ Հայրապետի . 1 ոսկիթեղ թաւիշագործ (կլապիտոն աթլազ տօգումայ) վարագոյր, Ս . Էջմիածնի խորանին . 1 սղնձ ծորակ տընտեսատան, երկաթեայ արտաքին մեծ Դուռն վանաց : Ս . Յարութեան՝ 1 ոսկի կանթեղ 600 տրամ 'ի վերայ Գերեզմանին Գրիստոսի . 1 շուրջառ . 1 սաղավարտ . 1 վա-

կաս . 3 շապիկ : Ս . Յովհաննէս եկեղեցւոյ՝ 1 լէն չիթ վարագոյր . 1 տիպայ գոգնոց : Ս . Թորոս եկեղեցւոյ՝ 1 արծաթ ոսկեգօծ սկիհ . 1 տիպայ գոգնոց : Ս . Հրեշտակապետ եկեղեցւոյ՝ 2 տիպայ գոգնոց . 1 լէն չիթ վարագոյր . 2 քարեայ աշտանակք մոմեղինօք : Ս . Փրկիչ եկեղեցւոյ՝ 1 տիպայ գոգնոց . 1 ըրոյք քարեայ աշտանակ մոմեղինօք : Ս . Աստուածածնի գերեզմանին՝ 1 տիպայ գոգնոց . 1 սաղավարտ . 1 վարչամակ . 3 շապիկ : Ս . Մենդեան եկեղեցւոյն՝ 1 շուրջառ . 1 սաղավարտ . 1 վարչամակ . 4 շապիկ . 1 լէն չիթ վարագոյր : Ս . Գէորգ եկեղեցւոյն 'ի Ռեմէ՝ 1 շուրջառ . 1 սաղավարտ . 1 վարչամակ . 1 փորուրար . 3 շապիկ . 1 արծաթ բուրվառ : Ս . Նիկողայոս եկեղեցւոյն Յոզպէի՝ 1 շուրջառ . 1 սաղավարտ . 1 վարչամակ . 1 փորուրար . 4 շապիկ . 1 լէն չիթ վարագոյր : Իսկ բարեպաշտուհի տիկինն նորին Սողովմէ՝ արար յիշատակ զՎերնատունն կանանց 'ի տաճարին Ս . Յարութեան՝ 2 տիպայ գոգնոց . 1 չիթ լէն վարագոյր, քանդակագործ եւ ոսկեգօծ շրջանակն պատկերի Խաչելութեան հանդէպ Գերեզմանին Գրիստոսի, որոց յիշատակքն օրհնութեամբ եղիցի, (1751) :

Ի սմին ամի պատահեցաւ դարձեալ վէճ ընդ այլազգիս Սիոնի սակս գերեզմանատան, զի որդիք եւ ժառանգք Ծէյիս Ահմէտ Տէճէնեայ բողոք բարձեալ առ դատաւորն, ամբաստան եղեն զերկց ազգաց քրիստոնէից, Հայոց, Յունաց, եւ Լատինաց, իբրութէ խոտորեալ են յորոշեալ սահմանաց գերեզմանատանց, եւ մտեալ 'ի սահմանս կալուածոց հաւուռն իւրեանց, թաղեն անդ զմեռեալս, եւ թէ սահմանքն այնոքիկ որոշեալ էին 'ի թուին 1177 օրինօք դատարանի առաջի փոխանորդաց երկց ազգաց, եւ խընդրեցին վերստին ելանել 'ի քննութիւն, եւ 'ի բաց հանցեն 'ի գերեզմանաց զմեռեալս, զորս թաղեալ են արտաքոյ սահմանացն, եւ ըստ օրինի կարգաւորել զգերեզմանատեղիս, կոչեցան 'ի դատարան փոխանորդք եւ թարգմանք երկց ազգաց . Յովհաննէս վարդապետ եւ թարգմանն Պօղոս ետուռն պատասխանի՝ քրիստոնէայք ոչ են յափշտակեալ զիրաւունս այլոց, եւ ոչ խոտորեալ 'ի սահմանաց իւրեանց, զի 'ի ժամանակին յայնմիկ նախնիք ձեր ոչ կամեցան ունկն դնել ձայնի քրիստոնէից, այլ ինքեանք որոշեցին զսահ-

մանն՝ զի 'ի նմին ժամանակի նոքա եւս ամբաստան լեալ էին՝ թէ ազարակն ունանալով 'ի չորից կողմանց՝ է 'ի կալուածոց Շէյխ Ահմէտ Տէճէնեայ: Սակայն փոխանորդք երկց ազգաց հաստատեցին յայնժամ՝ թէ տեղիքն այնոքիկ գերեզմանատուն է քրիստոնէից՝ յաւուրց անտի Մէլիք Սալահատարինի և Սէլիմայ Արքայի, զորս թողին 'ի ձեռս քրիստոնէից լինիլ սեփական գերեզմանատուղի, և Արքայն Սէլիմ շնորհեաց զպատճէն Կայսերական տուժարին, և Էմինչեւ ցայսօր թաղեն նոքա անդ զմեռեալս, և տիրեն առաջի որդւոց և ժառանգաց Շէյխ Ահմէտ Տէճէնեայ առանց խռովութեան: Ապա մատուցին զպատճէն Կայսերական տուժարին և զայլ գրեանս, և ասեն՝ Առաջին դատաւորք ոչ գտին 'ի ձեռս նախնեաց ձերոց մուրհակ ինչ, զի ամբաստանութիւնք ձեր յառաջանային յատելութենէ և 'ի հակառակութենէ, որոյ վասն արդիւեալ 'ի բաց մերժէին զնոսա յատենէ՝ և տային 'ի ձեռս քրիստոնէից գիր 'ի դատարանէ, նմին իրի ոչ եղև խռովութիւն ինչ մինչեւ ցայսօր, իսկ դուք ամբաստանողքդ ոչ կարէք մատուցանել մուրհակ և գիր օրինաւոր:

Եւ 'ի խնդրել դատաւորին վախս 'ի քրիստոնէից, մատուցին նոքա զարս չորս 'ի նոյն իսկ յայլազգեաց Սիոնի, որք և ասէին թէ՝ տեղիքն այնոքիկ գերեզմանատունք են քրիստոնէից: Ապա արդել զհակառակորդան, խելամուտ արար զնոսա 'ի վաւերական դրոց, և թէ վէճն ընդդէմ է նախնեաց իւրեանց: Եւ նոքա ծանեան զիրաւունս քրիստոնէից, և 'ի բաց կացին 'ի դատաստանէ իւրեանց, և խոտովան եղեն յատենի անդ՝ թէ որդիք Տէճէնեայ չունին այսուհետեւ իրաւունս 'ի վերայ գերեզմանատանց քրիստոնէից, և դատաւորն 'ի գրի եհար զայս դատաստան և ետ ցփոխանորդն Հայոց, 1173 (1731):

Իսկ Յակոբ Եպիսկոպոս 'ի գալստեան Եաղուպ աղայի արարեալ էր նմա ևւ ընտանեաց նորին ընդունելութիւն մեծ, ընկալեալ զնոսա մեծաւ փառօք ըստ արժանաւորութեան նոցին: Եւ 'ի միջոցի աստ սիրելի եցոյց զինքն Յակոբ Եաղուպայ եւ բաղում ինչ խօսեցաւ ընդ նմա. և աղաչեաց զնա դարձուցանել զինքն 'ի Պատրիարքութիւն Կոստանդինուպոլսոյ. զի կարի տաղտկացեալ էր յերեսաց

բռնութեանց այլազգեաց և յանտօր օլահանջանաց նոցին, որոց վասն բաղում անգամ դառն գանկադանօք գրեալ էր առ ազգայինս, և Եաղուպ աղա աննացեալ բանից նորա, խոստացաւ 'ի դառնալ իւրում 'ի Կոստանդինուպոլիս, կացուցանել Պատրիարք Երուսաղէմի զԹէոդորոս Եպիսկոպոս, զորմէ կտակաւ օրատուրեալ էր Գրիգոր Շղթայակիր, և զՅակոբ առեալ ընդ իւր զնաց 'ի թագաւորեալ քաղաքն, և կացոյց զնա անդ վերստին Պատրիարք (1732): Եւ 'ի նոյն առուրս մատոյց գիր աղաչանաց առ Արքայ, յորում յայտ արար թէ՝ ինքն կամօք իւրովք հրաժարեալ է 'ի Պատրիարքութենէ Երուսաղէմի, և թէ չունի երբէք իրաւունս այնուհետեւ մտել ձեռն յայն իշխանութիւն, և 'ի տեղի իւր ընտրեալ է ազգն զԹէոդորոս Եպիսկոպոս: Գրեցաւ ըստ այնմ հրովարտակ, և հաստատեցաւ Պատրիարքութիւնն Երուսաղէմի 'ի վերայ նորա, 1170 (1732): Այլ նա ինքն Եաղուպ աղա յետ բաղում գործոց իւրոց 'ի նմին ամի գլխատեցաւ 'ի Կոստանդինուպոլիս հրամանաւ Արքայի, Յուլիս 9:

Գ Լ Ո Ւ Խ Թ .

Ղէճ՝ Յունաց ընդ Լատինաց: Տիրել Յունաց գերեզմանի Ս. Աստուծանի և մեծի Եկեղեցոյն Բեթղեհէմի: Զսկանք Հայոց և նեղութիւնք վասն այնց տեղեաց. և վերստին հաստատել իրաւանց Հայոց:

Ի ՀԱՍՍՆԻԼ Պատրիարքական Պէրաթին՝ նստաւ Թէոդորոս Եպիսկոպոս Խորենացի յԱթոռ Պատրիարքութեան Երուսաղէմի, և կացոյց Փոլսանորդ իւր զՅովհաննէս Եպիսկոպոս յԵրուսաղէմ, և զՍամուէլ վարդապետ 'ի Կոստանդինուպոլիս, և իշխանաւորք ազգին առաքեցին առ նա կանոնական բանս, և ընկալեալ նորա զայն՝ յաւել և ինքն ինչ ինչ 'ի վերայ նորա, 'ի բարուք կառավարութիւն Աթոռոյն, զոր լուեալ Յակոբայ Պատրիարքի և գլխաւորաց ազգին ուրախացան յոյժ, (այս կանոնական բանք՝ չհասին 'ի ձեռս մեր):

Ի սմին ժամանակի ծագեցաւ վէճ և խռովութիւն 'ի մէջ Յունաց և Լատինաց վասն գերեզմանի Ս. Աստուածածնի 'ի ձորն Գեթսեմանի, զի Յոյնք երկնէին հանարազ 'ի միտս իւրեանց կերտիւ իւրք արտաքսել յեկեղեցոյ անտի զԼատինս՝ և 'ի զայրանալ կռուոյն՝ Փոխանորդք և թարգմանք երկուց ազգաց զիմեցին առ դատաւոր քաղաքին, և նա արար ատեան մեծ յերեւելաց քաղաքին, ուր եկին և դասք դիւանականացն այլազգեաց, և 'ի լինել բանից՝ ամբաստան եղեն Յոյնք զԼատինաց և ասեն՝ 'ի գարուց և 'ի ժամանակաց անտի գերեզմանն Ս. Աստուածածնի սեփհական է Յունաց, և նոքա միայն տիրեալ են այնմ առանց ուրուք ընդդիմանալոյ, այժմ Լատինք յարուցեալ հակառակին ընդ մեզ վասն այնր, ուստի խնդրեմք բաճալ զընդդիմութիւնս նոցա: Յակնարկիւ դատաւորին՝ ետ պատասխանի Փոխանորդն Լատինաց և ասէ. եկեղեցին այն որոշեալ և սահմանեալ է երկց ազգաց՝ Հայոց, Յունաց և Լատինաց, և իւրաքանչիւր ազգ ունի անդ առանձին տեղիս, և մէն մի սպասաւորս, և որոշեալ ժամանակս կատարելոյ զպաշտամունս, մաքրելոյ և լուցանելոյ զկանթեղս, և սեփհականեալ է այն երկց ազգաց, և ոչ միոյ ազգի. և Փոխանորդն Յունաց Անանիս ոչ անսայր բանից նորա: Հարկ եղեւ գատաւորին հարցանել ցժողովեալ այլազգիս, և նոքա զնոյն ետուն պատասխանի՝ թէ եկեղեցին սեփհական է երկց ազգաց: Դատաւորն ազգարար Փոխանորդին Յունաց լուել յամբաստանութենէ և չկալ հակառակ նախնի սովորութեան. կոչեաց նաեւ ըզթարգմանն Հայոց և պատուիրեաց նմա չլուել ընդ միմեանս, այլ կալ մնալ անդ որպէս էինն յառաջագոյն՝ յիւրաքանչիւր ահմանեալ տեղիս, և սիրով կատարել զպաշտամունս իւրեանց, և սյուսիսի եղանակաւ արձակեաց զատեանն. 1178 (1784):

Հանգեաւ 'ի Կոստանդնուպոլիս Ակնցի մահտեօի Սեղբոս Ամիրայն, մեծ բարերարն Աթուոյն Երուսաղէմի, յերեկոյի յաւուր տօնի Իսահակայ Պարթեւի Հայրապետին, (1784. 'ի Տ Փետրվար ամսոյ):

Իսկ Լատինք թէպէտեւ լուսթեամբ մեկնեցան յատենէ գատաւորին, այլ ոչ կամեցան խալառ հանդարտիլ.

զի յետ տարւոյ միոյ զիմեցին 'ի Դուռն և միջնորդութեամբ դեպոսանին Գաղղիոյ առին հրովարտակ յԱրքայէ 1178, նորոգել զեկեղեցին Ս. Աստուածածնի և ինքեանք միայնակ տիրել այնմ: Ծանր թուեցան իրքն յաջ Յունաց, և կարի զայրացեալ ընդ այս Բարդեսնիս Պատրիարքին Յունաց, բողոք կալաւ առ Արքայ, և ամբաստան լեալ զընտութենէ Լատինաց ասէ. 'ի պատճառս նորոգելոյ զՍ. Տեղիս, զհոյս և զքարինս նոցին քակեալ փոխազըրեն Լատինք յաշխարհն իւրեանց, և բռնադատեն զուստաւորս Յունաց երթալ անդր և յանձն առնուլ զկաթոլիկ կրօնս նոցին. սպա աղերս արկեալ խնդրէ յանձնել 'ի ձեռս ազգին Յունաց զըրովանդակ Ս. Տեղիս Երուսաղէմի, զնոյն յայտ առնէր և հանրագիրն Ս: Գաղաքին այլազգեաց: Յետ այնորիկ 'ի դատիւն Յունաց ընդ Լատինս յատենի Կոյսեր, հարկ եղև 'ի քննութիւն անել զարձանագրութիւնս Կոյսերական դիվանին, ուր գտան արձանագրեալ հրովարտակք առաջին թագաւորաց Սէլիմայ, Սիւլէյմանայ, Մուրատայ, Իպրահիմայ և այլոց, տալ ըզՍ. Տեղիս 'ի ձեռս Յունաց. իբրեւ ոչ առին յանձն Լատինք զայստիկ՝ կազմեցաւ ատեան նախարարաց, ուր պարտ էր վճարել երկուց ազգաց զգատաստանս իւրեանց. Լատինք ոչ կարացին մատուցանել յատենի աստ զկարեւոր գրեանս իւրեանց, այլ միայն խոստացան բերել զայնս յետոյ. անցին 'ի վերայ ամիսք իբրեւ 6, Լատինք ոչ երեւեցան, և ոչ կարացին մատուցանել զխոստացեալ գրեանս: Զի թէպէտեւ մատուցին Լատինք հուսկ ուրեմն զերկուս հրովարտակս գրեալ 'ի թուին 1000 և 1020, այլ Յոյնք յառաջ բերին զհակառակս նոցին առաւել զօրաւոր քան զնոսս, մանաւանդ 'ի միումս յայտնի ծանուցանէր անվաւեր համարել զհրովարտակս Լատինաց, ուստի որոշեցաւ յանձնել զՍ. Տեղիս 'ի ձեռս Յունաց. գրեցաւ հրովարտակն 'ի թուին 1170, յորում երկար և բացայայտ բանիք պարզաբանէ զսեփհական տեղիս Յունաց 'ի տաճարին Ս. Յարութեան. զեկեղեցիս Գեթսեմանի և Բեթղէհէմի տալ 'ի ձեռս Յունաց. զայս հրովարտակ ընթերցան առաջի Արքայի բառ առ բառ, և նորա հաւանեալ հրամայեաց գրել զմաքուրն, և սպա ձեռովք ի-

րովք վաւերեալ (Սաթթի Շէրիֆ) եւ 'ի ձեռս Յունաց : Յետ անոնց Յունաց զայս հրովարտակ , ետուն կարգել 'ի դրանէ զիւրահիմ' Այլա իրբեւ պաշտօնեաց եւ ուտիկան սյամ գործոց . եւ նովաւ հանդերձ զլիմեցին առ Կուսակալն Դամասկոսի Չէթէճի Ապուուլլահ Փաշա , ե 'ի նմանէ սաւին զիւր հրամանի առ դատաւորս Երուսաղէմի , զի անթերի կատարեցեն զհրաման Արքային : Եւ ապա մեկնեալ անտի հասին յերուսաղէմ , ե 'ի դատարանի 'ի բազմամբոս ատենի ընթերցան զհրովարտակն և զայլ դրբեանն , և անտի չորան 'ի գերեզմանն Ս . Սատուածածնի . ետուն դատարկել և հանել արտաքս զամենայն անօթս և եկեղեցական սպասս , զկանթեղս և զաշտանակս Լատինաց , առին նաեւ զբանալի արտաքին դրան : Եւ անտի չորան 'ի Բեթղէհէմ , ուր 'ի հրապարակի վերստին ընթերցուհրովարտակն , և ապա ետուն դատարկել Լատինաց զեկեղեցին մեծ . Էտ ոտիկանն զգիականս դրանց 'ի ձեռաց Լատինաց և ետ ցեոյնս , և նորա եդին նոր փականս 'ի դրունս Այրին Մննդեան , և անտի եկին 'ի տաճարն Սուրբ Յարութեան , նոյնպէս կարգադրեցին անդ զննդիրս Յունաց : Այսպէս բարձաւ իշխանութիւն Լատինաց 'ի գերեզմանէ Ս . Սատուածածնի . եւ յեկեղեցայն Բեթղէհէմի յամի Տեառն 1788 . յ7 Հոկտեմբեր ամսոյ , որպէս գրէ Չուղայեցի Սահիաննոս վարդապետ լուսարար Մննդեան : Իրբեւ կատարեցին Յոյնք զայս ամենայն՝ եւ նուաճեցին զԼատինս , ձեռն արկին գործել զայլ ինչ՝ զոր ոչ էր հրամայեալ Արքայի , զի տենչանք տիրապետութեան ստիպեր զնոսա հալածել նաեւ զայլ քրիստոնեայս 'ի Ս . Տեղեաց եւ զրկել զնոսա 'ի մասնակցութենէ նոցին՝ եւ ինքեանք միայնակ տիրապետել : Սակայն վէճն Յունաց միայն ընդ Լատինաց էր , և 'ի հրովարտակին զոր առին Յոյնք՝ չէր ինչ հրաման եւ կամ նշանալեց ինչ վասն Հայոց : Այլ Իւրահիմ ազա յետ արտաքսելոյ զԼատինս 'ի տեղեաց անտի՝ արտաքսեաց նաեւ զՀայս , զի ետ հանել զեկեղեցական զարդս և զլիանթեղս 'ի գերեզմանէ Ս . Սատուածածնի , և էտ զբանալի արտաքին դրանն և ետ ցեոյնս , և արդեւ այնուհետեւ զՀայս և զհետեւակս նոցին չմտանել յեկեղեցի անդր : Յոյնք բարեւք որսացեալ զիման

ոտիկանին եւ գաեալ Համարձակութիւն առաջի նորս՝ շնորհիւ նորին արգելին զՀայս նաեւ յեկեղեցոյն Բեթղէհէմի և յԱյրին Մննդեան , առին զբանալի հիւսիսային դրան , բարձին զկանթեղսն յԱյրին Մննդեան , և սկանն բունանալ 'ի վերայ սեփհական վանաց նոցին կառուցեալ անդ 'ի Բեթղէհէմ մերձ յեկեղեցին . սպառնային նոցս չմտանել 'ի Ս . Յարութեան , կամելով բառեալ զաշտանակս 'ի Պատանատեղոյն , խափանել զպաշտամունս և զարարողութիւնս՝ զոր կատարէին անդ :

Տեսեալ թէ ոգորոս Պատրիարքի և միաբանացն Հայոց զայս ամենայն գործս եւ զհամարձակութիւնս Յունաց՝ տաքնապեցան յոյժ , և անկեալ 'ի դրունս այլազգեաց ազգէին զնոսա ձեռն տալ ինքեանց և շիրոուստել զսեփհական իրաւունս ազգին . ապա չորան առ դատաւոր քաղաքին , և դանկատանօք պատմեցին նմա զանիրաւութիւնս Յունաց , զի բունարարութիւնք նոցին արտաքոյ էր Կայսերական հրամանին . զի կարգադրութիւնք սեփհականութեանցն Հայոց 'ի Ս . Տեղին Կայսերական հրովարտակօք և վաւերեալ գրովք հաստատեալ էր . և զի վէճն Յունաց միայն էր ընդ Լատինս , և հրովարտակն դրեալ վասն բարեւոյն միճակի երկուց ազգաց էր եւ չգոյր 'ի նմա բառ ինչ վասն Հայոց . յետ ծանուցանելոյ զայսոսիկ՝ թախանձանօք խնդրեցին 'ի դատաւորէն՝ գրել և ծանուցանել 'ի Գուռն , զի վերստին դարձուցեն առ Հայս զբանալի արտաքին դրան գերեզմանի Ս . Կուսին , կախել ըգջտնս և զկանթեղս և մուծանել զամենայն սպասս եկեղեցոյ , կատարել զպատարագս և զպաշտօնս ըստ նախնի սովորութեան՝ զորս խափանեցին Յոյնք , և տալ զբանալի հիւսիսային դրան Այրին Մննդեան , որպէս ետուն Յունաց , եւ բառեալ զհակառակութիւնս նոցա որ վասն վանաց սենեկաց , եւ այլ անշարժ ստացուածոցն Հայոց 'ի Բեթղէհէմ . ջխափանել զպատարագս և զպաշտօնս , զթափօրս և զայլ ամենայն արարողութիւնս 'ի տաճարին Սուրբ Յարութեան , չբառնալ զաշտանակս 'ի Պատանատեղոյն . չփակել զՋրհորն անդ , չբունանալ 'ի վերայ վանօրէից Ս . Յակոբայ , Ս . Փրկչի , Ս . Հրեշտակապետի , և Ս . Յովհաննէս եկեղեցոյ : Զայս ամենայն լուեալ դատաւորին

գրեալ ազդ արար 'ի Դուռն, և ծանոց միանգամայն՝ թէ Յոյնք յենելով 'ի նոր հրովարտակն՝ արդեւին զքրիստոսն այս 'ի Ա. Տեղեաց, զի իւրաքանչիւր ազդ ունի իւր բաժին տեղիս և առանձին վանօրայս՝ հաստատեալ օրինօք:

Բաց յայսմանէ հառ Թէոդորոս նաեւ հանրաբար յայլազգեաց կնքով դատաւորին վասն վանօրէիցն Հայոց, զի Յոյնք զհետ մտեալ էին փոխել դանուանս նոցա, և մուծանել յարձանադրութիւնս դիւանին և 'ի հրովարտակս, որպէս և արարին իսկ կոչելով զՍ. Յակոբ (Մար Յաղուպ) վանք վրաց, զՍ. Փրկիչ (հաղորէթի Իսանըն զընտանի), և զՍ. Հրեշտակապետ (ձէնանըն էզի). նոյնպէս և զեկեղեցին Ա. Յովհաննու: Զի թէպէտ վկայեցին այլազգիք 'ի գրի անդ թէ Յոյնք ստութեամբ և խաբէյութեամբ ջանան փոխել զանուանս վանօրէիցն Հայոց, դաւադրութիւն պատրաստեալ սոս յսուրա ժամանակի, սակայն վանօրայքն են սեփհական Հայոց: Այս գիր ոչ ինչ օգնեաց յայնժամ, այլ արարին Յոյնք որպէս և կամեցան:

Թէոդորոս Պատրիարք հանդերձ Յ խորհրդականօք իւրովք, որք էին գործակալք Աթուոյն, թախանձանօք զըրեաց առ գլխաւորս ազգին 'ի Կոստանդինուպօլիս, և ծանոց գոր ինչ միանգամ արարին Յոյնք յերուսաղէմ, և խնդրեաց հանել նոր հրովարտակ արքունուսա, առ 'ի դարձուցանել յետս զառաջին իրաւունս Հայոց, զորս յամիչտակեցին Յոյնք: Իսկ Յոյնք 'ի գահակալութեան Սուլթան Մուստաֆայի Գ. առաքեցին զոմանս նորոգել զհրովարտակսըն, որոյ վասն աղաչէր Թէոդորոս զգուշանալ, զի մի մուծանիցեն 'ի նոր հրովարտակս դանուանս վանօրէիցն Հայոց, այլ այս չեղեւ հնար, որպէս գրեցաք:

Ի հասանիլ գրոց դատաւորին 'ի Դուռն, նոյնպէս Պատրիարքին և միաբանաց առ գլխաւորս ազգին, և ապա մի ըստ միօրէ ծանուցին Արքայի զգործս Յունաց, թէ որպէս զրկեցին զՀայս 'ի տեղեաց իւրեանց: Հրամանաւ Արքայի գրեցաւ նոր հրովարտակ (Խաթթի Շէրիֆ) համաձայն մտաց առաջին հրովարտակացն, և առաքեցաւ այն յերուսաղէմ 'ի ձեռն ոստիկանի ուրուք, և նորա եկեալ ետ ընթեռնուլ զհրովարտակն 'ի դատարանի, և սկսաւ կարգաւորել զգործս Հայոց, ետ մուծանել զեկեղեցական սպասս Հայոց

'ի գերեզման Ա. Աստուածածնի, և զետեղել զիւրաքանչիւրն 'ի տեղիս իւրեանց, և ետ նոցա զբանալի արտաքին զրանն, և հրամայեաց կատարել զպաշտամունս ըստ առաջին կերպի, նոյնպէս և յեկեղեցին Բեթղեհէմի, և ետ ըզբանալի հիւսիսային գրան Այրին, որպէս և ունէինն. ՎՎՎ (1759):

Թէոդորոս Պատրիարք յառաջագոյն աղերսական գրով խնդրեալ էր յԱրքայէ զպատճէն հրովարտակին Յունաց, և նորա կամեցեալ բաւնալ զխոսութիւնս ազգաց, հրամայեաց առաքել զայն 'ի ձեռն Մէհէմէտ էմին պաշտօնէի գրան, որ ունէր օրինակ զայս: « Յաղագս բաւնալոյ ըզխոսութիւնս Յունաց և Լատինաց պատահեալ յառաջագոյն 'ի միջի նոցա վասն Ա. Տեղեաց քրիստոնէից, քննեցան աստ 'ի Դուռն դաշնագիրն Լատինաց և հրովարտակք Յունաց, և յայտնի եղեն խնդիրք երկաքանչիւրոց: Այստքիկ են օրինադրեալքն որք շահակաւիկին դաշնագրոյն, երկօքին աշտանակքն Պատանատեղոյն էին 'ի ձեռս Լատինաց, իսկ հին գրեանքն Յունաց՝ հաստատեն զայնս լինել նոցա, այլ վասն խաղաղութեան հրամայեցաւ Յունաց եւս դնել անդ զերկուս աշտանակս, և իւրաքանչիւր սք ուշ դնել աշտանակի իւրոյ: Փոքր գմբէթն Գերեղմանին Գրիստոսի՝ ըստ առաջին սովորութեան մնալ ընդ հրակողութեամբ Յունաց, և վերին յարկն եօթն կամարաց Ա. Կուսին՝ լինել բնակութիւն կրօնաւորացն Լատինաց, և ստորին կողմն մնալ 'ի ձեռս Յունաց, և իւրաքանչիւր ազգաց 'ի սահմանեալ տեղիս իւրեանց կատարել զօրէնս: Գերեղմանն Ա. Աստուածածնի՝ 'ի հին հրովարտակս Յունաց բացայայտ երեւի իրաւունք նոցին, իսկ 'ի դաշնագիրս Լատինաց չիք ինչ յիշատակութիւն վասն այնք, որոյ վասն եկեղեցին այն տուաւ պատրիարքին Յունաց և կղերաց նորին՝ տիրել նմա: Նոյնպէս և մեծ եկեղեցին Բեթղեհէմի. իսկ Այրն Մննդեան անդ՝ զուրով ուխտատեղի երկուց ազգաց, և փականք նորին ըսալ էին յառաջագոյն 'ի ձեռն Յունաց, զորս նենգութեամբ յամիչտակեալ Լատինաց, և 'ի գալտեան ուխտաւորացն Յունաց, ասյին սղասել արտաքոյ գրան զերկուս և զերիս ժամս: առ 'ի բաւնալ ըզնեղութիւնս զայս, հարկ եղեւ տալ զմի բանալի 'ի ձեռս

վերահացուի պատրիարքին Յուզայ և կղերաց նորին, զի 'ի կատարելագորչնս իւրեանց յԱյրի անդ՝ չհակառակիլ միմեանց, այս ամենայն կատարեցաւ 'ի ձեռն պաշտօնէի դրան:

Ապա դարձուցանէ զդէմ բանին առ դատաւորն Երուսաղէմի, քանզի ընդդէմ Կայսերական հրամանին զիր տուեալ էր Լատինաց, չիտիել զինդիրն կարգադրեալ, ջնջել և բառնալ 'ի միջոյ զգիրն գրեալ 'ի բարբառ Արաբացոց (Հէօճճէթ), և մի եւս համարձակիլ յայնպիսի կասկածաւոր գրութիւնս, մշտնջենաւոր յարգել զկայսերական օրինադրութիւնն: Տեղիքն զորս յիշեցաք, մնալ 'ի ձեռս Յուզայ, և բառնալ 'ի նոցանէ զիշխանութիւնս Լատինաց, բանալի դրան Այրիս եւ հրովարտակս այս մնալ 'ի ձեռս Յուզայ: չհամարձակիլ Լատինաց 'ի կախ և 'ի հակառակութիւն ընդդէմ օրինադրութեանցս:

Նմանապէս ըստ մտաց Կայսերական հրովարտակին եւ օրինադրութեանն, որ նախ քան զայս տուաւ ազգին Հայոց, մի՛ լիցի վէճ և խռովութիւն պատճառանօք: սպառուէր տալ մեծամեծացն այլազգեաց չվրդովել և արկանել խռովութիւն 'ի մէջ Պատրիարքաց և միաբանաց սակս ազահութեան իւրեանց՝ լինելով միոյն պաշտպան և միւսոյն զրկող, յետ կարգաւորելոյ եւ աւարտելոյ զայսոսիկ ծանուցանել 'ի Դուռն, 1174 (1759):

Լատինք 'ի ժամանակի խռովութեանս այսմիկ առին հրաման Արքունուստ, միջնորդութեամբ դեսպանին Գաղղիոյ, և նորոգեցին զվանս իւրեանց յերուսաղէմ, և զտնեակս 'ի Ս. Յարութիւն, և զվանօրայս Բեթղէնէմի եւ Յովհաննու Մենդեան:

Յետ դորձադրելոյ Կայսերական հրովարտակին և գրաւելոյ Յուզայ զՍ. Տեղիս, չհանդուրժեալ Լատինաց ընդ այս, դիմեցին առ Կուսակալն Դամասկոսի Չէթէճի Ազատուլա՛ Փաշայ, և շրջեցին զնա 'ի կողմն իւրեանց մեծամեծ արօք և պատարագօք, որսացին նաեւ 'ի կամս իւրեանց զգլխաւորս այլազգեաց Երուսաղէմի և զդատաւորն իսկ զլիովին: Եւ 'ի դաւառեան Կուսակալին յերուսաղէմ ըստ սովորութեան միանգամ 'ի տարւոջ, արգել զՅոյնս 'ի լուանալոյ զՊատանաւորեղին Քրիստոսի, զոր օրինադրեալ

էին ընդ Լատինաց յեօթնեկի միանգամ փոխադարձ լուանալ: Եւ ետ դնել անդ գերկուս աշտանակս Հայոց, զոր բարձեալ էին Յոյնք: Երարձ զլուսարարն կամ զպահպանն Յուզայ 'ի Փերեզմանէն Քրիստոսի, և եղ անդ զմն 'ի Լատինաց: Դարձոյց անդրէն առ Լատինս գնաորին կողմն եօթն կամարաց Ս. Կուսին և զկարասին զոր եղեալ էին անդ Յոյնք՝ ետ արկանել առ ընթեր որմոյ եկեղեցոյ նոցին, Եւ հրաման ետ Լատինաց սուրբ զտանխ տաճարին Ս. Յարութեան մինչ 'ի դմբեթն եկեղեցոյն Յուզայ: Կախել զկանթեղս 'ի գերեզմանի Ս. Աստուածածնի եւ պատարագել անդ: Եւ ետ դատարկիլ յԱյրէն Մենդեան Քրիստոսի զկանթեղս, զպատկերս և զայլ սպանս Յուզայ՝ և արգել զնսա 'ի պատարագելոյ անդ: Էաւ և գրանալի մեծի եկեղեցոյն եւ ետ ցլատինս: Եւ 'ի վերջոյ կաւալ զլիտանորդն և զթարգմանն և զմանս 'ի միաբանաց և 'ի ժողովրդոցն Յուզայ՝ մատնեաց 'ի տուգանս և 'ի բանտս: սակայն ժողովրդականք յանձն առեալ զկրօնս Լատինաց՝ զերծան 'ի բանտէ: Ընդ այս անակնկալ գործ կուսակալին տագնապեցան Յոյնք՝ և դիմեցին առ դատաւորն, և հաղիւ ուրեմն գողացան զմիտս նորա և բազում աղաչանօք ետուն գրել 'ի Դուռն դառն և ցաւագին զանկատանս ըզկուսակալէն, հակառակութեամբ և թշնամութեամբ մեծ անիրաւութիւնս և զրկանս արար հպատակաց Արքային, և 'ի հրապարակի ձաղանօք խայտառակեաց զմիաբանս և զազգն Յուզայ, և եղեւ առիթ մեծամեծ վնասուց և նրւագելոյ ուխտաւորաց: ապա աղերս արկեալ խնդրեն յԱրքայէ, ըստ մտաց Կայսերական հրովարտակին՝ դարձուցանել վերստին առ Յոյնս զայն ամենայն տեղիս՝ զորս յաիշտակեցին Լատինք, 1174 (1759):

Իսկ Օսմանեան Դուռն կամելով բառնալ զխռովութիւնս ազգաց՝ որ յաճախեալ էր յայնժամ, առաքեաց նոր հրովարտակաւ յերուսաղէմ զստիկանն Միւնիս Մուստաֆա էֆէնտի՝ որ էր այր բարեբարոյ, կարգաւորել զգործս Յուզայ ըստ հրամանի Արքային: Եւ 'ի ժամանել նորա անդ՝ ոչ միայն յարգեաց զառաջին կարգադրութիւնս խնդրոցն Հայոց, այլ ոչադրութեամբ և հարց և քննութիւն արար: զի եթէ հակառակ կամ ընդդիմութիւն ինչ պատահեալ

իցէ 'ի կողմանէ Յունաց և Լատինաց՝ բարձցէ և ուղղեացէ զայն անկող յառաջին վիճակն, սակայն չեգիտ վնասակար ինչ, և Ընթեանու զգիրն Յունաց՝ զոր բերեալն էր 'ի դատարանի առաջի խուռն բազմութեան, ասէ, Տէրութիւնն յատկապէս ետ գրել զայտոսիկ տողս 'ի պաշտպանութիւն Հայոց, զի մի՛ պատճառանօք հակառակեցին նոցա. ընդ այս բան անչափս ուրախացաւ Փոխանորդն Հայոց՝ որ նստէր 'ի ժողովի անդ: Յայս գործ բողոք աշխատ եղէն 'ի կայսերանխատ քաղաքի անդ՝ Պետրոս և Ղազարոս Իշխանաւորք սողղին, յորդորանօք Գրիգոր վարդապետի Փոխանորդին երուսաղէմի: զի զառաջին հրովարտակն Յունաց եպոսն պատասուել Հայք՝ և զերկրորդս այս, երբեր ուստիկանն յորոյ վերայ գիջան Յոյնք սակաւ ինչ 'ի կտես Հայոց, և սկսան ընկերութեամբ վարիլ 'ի գերեզման Ս. Ատուածածանի, զի 'ի չորեքշաբաթի Հայք 'ի վերայ գերեզմանին, Յոյնք 'ի վերայ գերեզմանաց Յովակիմայ և Աննայի, 'ի Կլարակէի Հայք 'ի սեփհական սեղանն արտաքոյ գերեզմանին, Յոյնք 'ի ներքին կողմն յարեւելս 'ի տեղիս իւրեանց պատարաղէին: Եւ յեա կարգաւորելոյ գայս ամենայն՝ դարձաւ ուստիկանն 'ի Կոստանդնուպոլիս, զորմէ Հայք գովութեամբ գրեն, (1738. 'ի 25 Հոկտեմբեր ամսոյ):



Գ Լ Ո Ւ Խ Ժ .

Բանութիւնք սլաղգեաց: Տառապանք վանօրէկոյ յերեսոց Կուսակապցն Կամսկոսի: Ապրտաբութիւն Քեթիկէմ գիւղի: Աւրջն կոտի Թեւոզորտի և մահ նորին:

ԹԻՆՈՂՈՐՈՍ Պատրիարք հազիւ ուրեմն զերծեալ 'ի խոսովութեանց Ս. Տեղեաց, յորս յեա բազմադիմի աշխատութեանց, ճախեցան նաեւ քաակք դրամոց, ապա ձեռն արկ նօրողել զոմանս 'ի վանօրէկոյ. իսկ այլազգիք երուսաղէմի բռնացան 'ի վերայ նորա, և պատճառանօք պահանջէին 'ի նմանէ զգումարս դրամոց. երբեմն իբրու թէ ասանց հրամանի շինեալ են, և երբեմն թէ՛ պարտ է վե-

րբստին քննել, և ոմանք եւս զանյօղելի բանս կարկատէին, մանաւանդ յառուրց անտի նորողութեան Ս. Հրեշտակապետի վանաց. և 'ի չանասլ միաբանաց անտի պատճառանաց նոցին, ամբատան լինէին առ դատարոս եւ առ իշխանաւորս, եւ մատնէին զնստս 'ի տուգանս. թէպէտեւ միաբանք ցուցանէին նոցա զվաւերական գրեանս, զի նօքօք արարեալ էին զամենայն ինչ. այլ 'ի զուր, զի ոչ միայն անլող լինէին բանից նոցին, այլ և անարգէին իսկ, թէ ոչ են նորագեալ 'ի նոր Արքայի: Տեսեալ Թէւոզորտսի թէ չէ հնար յաղեցուցանել զնստս և զերծանիլ 'ի բռնութեանց եւ 'ի նեղութեանց նոցին, բողոք կալաւ 'ի Դուռն՝ յայտ արարեալ զատապանս իւր և իւրոցն 'ի պատճառս նորողութեանց վանօրէկոյ և կալուածոց. եւ լանդրեաց հրովարտակ՝ ըստ մտաց առաջին հրովարտակաց, յորս բացայայտ ծանուցեալ են վանօրայք եւ կալուածք մինչ յեգիպոսս: Քննեցան արձանագրութիւնք դիվանին և տուաւ հրովարտակ, սանձել զատահակութիւնս այլազգեաց, զի հակառակ է օրինաց և Կայսերական հրամանին, 1177 (1760):

Փոխանորդն Յովհաննէս Եսլիսկոպոս և Թարգմանն Մարտիրոս՝ առին հրաման յՕսման Փաշա Կուսակալէն Դամասկոսի և նորողեցին զվանս Ս. Մննդեան և յատակեցին սալիւ զեկեղեցին Ս. Լուսաւորչի՝ 'ի Ս. Յարութիւն, և զտանխ նորա յատակեցին քարամբք:

Ձկնի այնքան դժտութեանց և խոսովութեանց, որք ծաղեցան յերեսոց Յունաց, 'ի պատճառս Ս. Տեղեաց, անկան վանօրայք քրիստոնէից դառն յաղքատութիւն և մատնեցան 'ի տառապանս այլազգեաց, որպէս է տեսանել 'ի նամակին՝ զոր գրեաց ցաւօք սրտի Թէոդորոս Պատրիարք առ աղգայինս Կոստանդնուպոլսոյ, ուր յեա այլոց բանից ասէ. «Արդ՝ լուեալ իսկ է ձեր թէ՛ զի՞նչ եհան 'ի գլուխս երկոյ վանաց յանցելումն ամի կուսակալն Դամասկոսի 'ի գալստեան իւրում՝ ասս, թէպէտ և մեք ծանուցաք ձեզ զամենայն, այլ հարկադրեցիք զմեզ լուել»: իսկ նորս այս լուեալ զգործս նախորդին իւրոյ՝ 'ի ձեռն քսու արանց, և ակնարկեալ 'ի տուածոր նորին, ծանեաւ զոր ինչ գործեալ էր նորա: Եւ 'ի գալստեան իւրում՝ յե-

բուսանդէմ՝ ցտանքեցոյց զարիւնս վանականաց և գոսացոյց զոսկերս նոցա՝ Հուսի ուրեմն՝ ՚ի միտս եկեալ Յունաց և Լատինաց՝ զգատոացան և ՚ի բաց թողեալ զթշնամութիւն և զգառադրութիւն՝ միարանեցան ՚ի մի կամս՝ ՚ի նոյն կռչեցին և զՀայս, զի գիտէին իսկ թէ անկարելի է դործել ինչ առանց միարանութեան երկց ազգաց, որոյ վասն ժողովեալ ՚ի միաոին խորհեցան հնարս գտանել՝ թերեւս զերծանիլ կարասցեն ՚ի նեղութենէ աստի։ Զի եթէ քարինք և հող երկրին Աւետեաց դառնային յոսկի և յարծաթ որպէս յաւուրս Սողոմոնի, չէր հնար յազեցուցանել զնոսա։ Զի նոքա իւրաքանչիւր գրեցին զիր ազաչանաց ՚ի Դուռն Արքայի և առ ազգայինս իւրեանց ՚ի կոստանդինուպոլիս՝ զի ՚ի մի վայր եկեալ ընթերցցին եւ հնարս մարթապին գտանել վասն հաստատութեան վանօրէիցն Երուսաղէմի, զի սպառնալիք յառաջակայ տարւոյն ստիպէր զնոսա թողուլ լքանել զվանօրայս և վախչիլ ՚ի Պաղեստինոյ։ Զէ կարելի ասէ՝ մնալ աստ և տպագրիչ լինել պարտամուրհակայ՝ որպէս երբեմն և լինիլ առիթ ապագայ հայհոյանաց։ զի տակաւին չէ զերծեալ մեր ՚ի ձեռաց պարտատեարց, մանաւանդ դրամ չգտանի ՚ի քաղաքիս՝ և մուտք վանացս չէ համապատասխան ելոց։

Կուսակալք որք ՚ի տարւոյ միանգամ ելանեն շրջիլ ՚ի դաւառս, ոչ վասն բարեկարգութեան երկրին, այլ զվանօրայս կեղեքելոյ։ զի տեսին զբրիտանեայ վանականս խածատիչք և գիշատիչք իրերաց, զի նոքա կարծէին թէ՝ փութով շիջանի հրդեհ խռովութեան, այլ այնպիսի վէրս բացին, որ չեն այժմ ձեռնհաս պատել և դարմանել զնա։ Երկիրս ազատ է ՚ի հարկատուութենէ, և գիւղօրայք՝ ոմանք Տաճարին, ոմանք Թէքիէի, և այլք Ջրմղին են վազբֆ։ Եւ տարեկան իշխանի երկրիս տահմանեալ է 25 քսակ, և իւրաքանչիւր վանօրայք տան 2379 դահեկան։ Վասն զի բարձին աստի զերկու ձողաւորն, և զգառառան արկին ընդ իշխանութեամբ Դամասկոսի, և ՚ի դալ նոցա կանխիկ պահանջեն և առնուեն եալորդ ոսկի, և զայն եւս իրրեւ ոչ ինչ և արհամարհեալ յաջս նոցա, տոչորեն զմեղ և դնան, թողեալ աստ տեղապահ ինչ 30 ողւով, զորոց ծախսն սուժեն երբք վանօրայք 30 քսակ արծաթոյ, և ինքն ոչ կարէ տի-

րել երկրին, զի չունի զօրս, անկարգութիւն բազում ցաւ և նեղութիւն ՚ի վերայ վանօրէից, զի յիւրաքանչիւր ուխտաւորէ ընդ այր և ընդ կին առնու 8 1/2 դահեկան եալորդ ոսկի, այլ ոչ կարէ տանել և բերել զնոսա ՚ի Յուպէ վասն այսր տամք այլոյ ուրուք 3750 դահեկան և 2 դահեկան յ7 դահեկանէ՝ զոր առնու մաքսապետն յիւրաքանչիւր անձնէ։ Եւ բնակիչք Բեթղեհէմի թշնամութեամբ յերկուս բաժանեալ՝ արտաքսեցին զմիարանս երկց վանաց, և ինքեանք ամրացան ՚ի նոսա։

Եւ յաւուրս Զէթէճի Ապտուլահ Փաշայի, յորս Յոյնք դժտեալ էին ընդ Լատինս, և քարտուղար քաղաքին ազգաւ Յոյն՝ յաւելեալ էր ՚ի տուրս էսէտ Փաշայի 1000 դահեկան, և Լատինք ընկեցեալ էին զայն ՚ի պաշտօնէ։ Եւ ՚ի գալստեան Զէթէճոյն յերուսաղէմ, լռելեայն տումարս առաքեաց առ նա, եղեալ ՚ի վերայ 2000 ոսկի արոցն Հայոց 3750 դահեկան եւս․ առաւելագոյն բարդեաց և Լատինաց, Յունաց և քսակ, զի թեւարկութեամբ նոցին հասեալ էր ՚ի պաշտօնն։ Տուրքն Հայոց եհաս 12,100 դահեկան․ զայս արար, մի՛ վասն վրէժխնդրութեան, և երկրորդ՝ յուսով հասանելոյ յառաջին պաշտօն իւր։

Իսկ այժմեան կուսակալն յառաջին գալստեան իւրում յղեաց զմն առ Հայս թէ՝ Յոյնք տուեալ 1000 ոսկի առին հրաման շինութեան, պարտին եւ Հայք սունել այնպէս, որ և արարին իսկ։ Եւ յերկրորդ գալստեանն վերըստին էառ զնոյն դումար․ և 3000 դահեկան եւս յերկց վանաց վարձ ոստիկանաց արձակելոյ ՚ի Միկիմայ պատրաստել վանօրէից զգրամս։ Նոյնպէս էառ և ՚ի սոյն ամի, զի զոր սահմանեացն, արկ ՚ի կարգս բնական արոց։ Միայն ՚ի Հայոց էառ 15,850 դահեկան, բաց ՚ի ջուխայէ մով և այլ պէսպէս ընծայից, եւ տակաւին որոնէ հնարս հանելոյ զինչս ՚ի նոցանէ։ Եւ յանխլխանութենէ գաւառին, սոլորութիւն լեալ է շրջակայ գիւղական Արաբացւոց անկառնած կոտորել զմիմեանս, և աւարել զինչս, և սովորութիւն էր գատաւորաց տասանորդել զկապուտս աւարաց նոցին։ Գիւղականք Բեթղեհէմի ՚ի գիշերի միում վարեցին 700 այծս ՚ի թշնամեաց իւրեանց, և բաժանեցին յիւրեանրս, իսկ քսուք ոմանք արք սպիրատք հասուցին զայն յուռն-

կըն հուսակալին, և յորդորեցին զնա արկանել զվասն 'ի վերայ վանօրէից. և նորա կոչեալ զթարգմանն սրտուրեաց նոցա աւալ բերել զԲեթղէնէ մցիս վասն խնդրոյ այժից, և 'ի չաւնուլ նոցա յանձն, առաքեաց ինքն գրով զգինուորըս ամեւ զնոսս յերուսողէմ, և նոցա ապստամբեալ ասեն, սցս է բնական սովորութիւն մեր. զի թշնամիքն սոյանին 'ի մէնջ զարս երկա, և մեք զսցս դործեցաք, և յորո՞ւմ ժամանակի եկեալ իցեմք 'ի քաղաքն վասն դատաստանի. գոն դատուորք 'ի միջի մերում, առաջի նոցա դատիմք, և դարձուցին զնոսս ունայն յետս:

Մեմեւեալ հուսակալին սպառնացաւ 'ի զնալ իւրում 'ի Քերթն՝ կործանել զգիւղն, և ունէր ընդ իւր քարտուղար զոմն ազգաւ Յոյն: Սորա կոչեալ զթարգմանն Յունաց և Լատինաց ստիպէր զնոսս աւալ 2000 դահեկանս, աւնուլ նաեւ ինչ 'ի Հայոց, և շիջուցանել զարտիութիւն հուսակալին: Իսկ նոքա չառին երբէք յանձն լինել միջամուխ յիւր զիւզականաց, եւ հուսակալն բազմութեամբ զօրաց զնալ 'ի Քերթն, և Բեթղէնէ մցիք ստորաստեցան կազմեալ զինուոր. 'ի հասանիլ անդր, խաղացին զօրքն 'ի վերայ դեղջ, և դիւզականք դիմագրաւ Էլին ընդ առաջ նոցա, և 'ի հարկանել զմիմանս, 'ի պարտութիւն մատնեցան զիւզականք և փախուցեալ ամրացան 'ի վանօրայս: հուսակալն մատնեաց յաւար զգիւղն զօրականաց իւրոց, և առաքեաց զմի ոմն 'ի սաշտօնէից իւրոց յերուսողէմ, ամեւ անտի զփոխանորդս երկց վանաց. զի եթէ ոչ կամեցին դալ, ինքն կործանեցէ զվանօրայս նոցա: Առ այս Հայք ետուն սպասախանի. սպախան սահմանեալ է միայն ստահակաց, չունիմք զսք անդ ընդդիմակաց նմին, և 'ի բաց խորշիմք յապտամբաց, որք յայտնի են ամենեցուն թէ յորմէ ազգէ իցեն: Եթէ կամք նորա դրամ աւնուլ իցէ, այլով եղանակաւ խնդրեցէ. զի ոչ կամիմք երբէք արատաւորել զմաքուր անուես մեր առաջի Տէրութեան իրրեւ ապստամբ: Լատինք և Յոյնք խոստացան աւալ նմա 20 քաղա դրամոց 'ի հողալ զբանն. և նորա ելեալ զնաց տարեալ ընդ իւր և թնթանօթ մի. և ըստ հաշուի Լատինաց արձակեալ իցէ 180 ոսումբ, ընկեցեալ զերկս քարինս յորմոց վանայն Հայոց, և ծակտախ բացեալ յաշտարակն

Յունաց, և չարարեալ ինչ Լատինաց, և սյսպէս եկաց անդ զաւուրս 5. և անեսալ թէ լուեալ են վանօրայք, առաքեաց յերուսողէմ զփոխանորդն իւր և զքաղաքապետն, և նոցա կոչեալ զերկս փոխանորդս, առաջի եղին նոցա զերկս խնդիրս. տալ զիր չրողքերոյ երբէք, յորժամ քակեցէ հուսակալն զվանօրայս և յաւարի մատնեցէ զինչս նոցա: Երկրորդ հանել զՄտնմետականս 'ի միջոյ ապստամբ անաստանեաց 'ի վանօրայս և տալ 'ի ձեռս նոցա: Եւ կամ երթալ երկց փոխանորդաց և անկանիլ յոսս նորա, զի շնորհեցէ զյանցանս վնասակարաց: Եթէ ոչ առնիցէք զմին յերկց աստի, հուսակալն ոչ ելանէ անտի՝ եւ ոչ եւս առաջնորդել ուխտաւորաց իւրոց, առաքեցին զնոսս յառանձին տեղի ինչ խորշիլ 'ի միտին: Եւ կոչեալ զթարգմանս Յունաց և Լատինաց յորդորանօք առաքեցին առ Քարտուղարն Յոյն՝ կանխել նորա առ հուսակալն և սահմանել զուժն, և յեա այնորիկ տանել ըզփոխանորդան 'ի բանակն աղաչել զնա: Մինչէւ հասեալ փոխանորդաց 'ի կէս ճանապարհն՝ դարձոց զնոսս յետս Քարտուղարն, և պատուիրեաց նոցա գրել 'ի Բեթղէնէմ, զի վանօրայք մոմեղինօք լուցելովք երեւեցին առաջի հուսակալին, ուր ետուն ասել նմա՝ հաճեալ եմ ընդ Լատինս և ընդ Յոյնս, (Թէպէտ նոքա սպանեալ էին 'ի մտորին զջորս թուով այժից)՝ այլ ընդ Հայս՝ ոչ երբէք: Ապա գլխատեաց զերկուս կալանաւորս՝ և երկուց ոմանց զգեցոյց վերարկու սրտուոց, և եղ հարկս 'ի վերայ գիւղին Բեթղէնէմի 55 քաղա արծաթոյ, զի եթէ հուսեցին միւսանդամ տուժեցեն: Եւ 'ի դարձի նորին 'ի Քերթնէ մինչ կային կանգնեալ քրիստոնեայք 'ի վերայ ճանապարհին, ինքն անցանէր երիվարան՝ ասէ ցՓոխանորդն Հայոց լու 'ի լու ամենեցուն, Մերունի նիտս այդր և լեր լրտես, զի 'ի դարձուցանելն զձեզ Քարտուղարին 'ի կէս ճանապարհէ զերծուցիք զգլուխս ձեր 'ի սրոյ: Իսկ Յոյն քարտուղարն նախ քան զդաւանալ հուսակալին 'ի Քերթնէ էտս յերկց վանաց 70 քաղա արծաթոյ, վասն ապստամբեաց Բեթղէնէմի, որ և անկաւ բաժին Հայոց 11,668 դահեկան. և վասն իւր էտս 800 ոսկի. 1 ժամացոյց. 1 մաշտակ. 1 ծրարար ազանելիք. 1 շալ և այլ ինչ. բովանդակ գումարն և

հաս 31,800 դահեկան. զայս ամենայն գրեալ ծանուցին առ իշխանաւորս աղդին 'ի կոստանդնուպօլիս » : Երկիւզ մեծ էր վասն յառաջակայ տարւոյն, որոյ վասն խնդրէին բաժանել զերկիրն յիշխանութենէ Դամասկոսի, եւ կարգել զերկուս ձողաւորս 20 դրօշակօք 'ի պահպանութիւն երկրին, ապա թէ ոչ՝ անհնարին է ասեն մնալ մեզ աստ պատրաստեցէք մեզ վանս, այսքանս սակաւօք գրեցաք. զի չէր կարելի զրովանդակն գրել, փակեալ կամք 'ի խուցս և յեկեղեցիս, հաց դառնութեան եւ ջուր արտասուաց, Տէր այց արացէ, (1760. 'ի 13 Մայիսի) :

Ապա գրեն յառանձին թղթի զհաշիւ տարեկան արոց, զոր ետուն կուսակալին Դամասկոսի, որոյ ամբողջ գումարն է 41,229 դահեկան. թող զայլս որ 'ի ձեռն թարգմանին, յորս զարմանալի է հազար ոսկի գումարն ծախք ոստիկանի. զի ստիպէր Բդեշխն առաքել զմիարանս 'ի Բեթղէնէմ, յորմէ փախուցեալ էին. սորա անկարելի ասէին երթալ անդ յահէ զիւղականաց. ապա ասէ, թէ երթիցեն և թէ ոչ, պարտիք հատուցանել զվարձս ոստիկանին, ըստ օրինակի Յունաց և Լատինաց :

Աղէքսանդր կաթողիկոս յառաջ դասեաց զգանձանակն Ս. Էջմիածնի քան զգանձանակն Ս. Երուսաղէմի՝ յեկեղեցիս, զնոյն արարին և Նուիրակունք նորին 'ի տեղիս տեղիս. լուեալ զայսոսիկ Թէոդորոս Պատրիարքի գրեաց առ Յակոբ Պատրիարք և առ իշխանազունս յազդին, տալ բառնալ զայնպիսի նորասահման սովորութիւն, և չլինիլ առիթ մնասուց Աթոռոյն Երուսաղէմի յայնպիսի դառն ժամանակի. և մի ստիպել կարգել զոք Նուիրակ 'ի կողմանէ Երուսաղէմի, որ չիցէ միաբանս նմին. եւ մի ընկալցին զգիրս այլոց և հաւատասցեն նմա, որ չիցէ կնքեալ 'ի Պատրիարքէն և 'ի խորհրդականաց Երուսաղէմի. զի զլիաւոր խանգարումն Ս. Աթոռոյն յայսպիսի իրաց պատճառի :

Ի ամին ամի պատահեցաւ երկրաշարժ և առատութիւն անձրեւաց, յորոց խախտեցան բազում տեղիք վանօրէից, մասնաւոր 'ի Բեթղէնէմ. Հայք առին հրաման յՕսման փաշա կուսակալէն Դամասկոսի, և նորոգեցին զպարեպազն և զաստիճանս և զայլ տեղիս Բեթղէնէմի վանաց (1761) :

Թէոդորոս Պատրիարք հասեալ 'ի խոր ձերութիւն, և

տկարացեալ 'ի դառն վշտոց ժամանակին անկաւ 'ի մահիճս, եւ ոչ կարէր այլ եւս վարել զպաշտօն իշխանութեան իւրոյ. որոյ վասն ժողովեալ զմիարանս իւր, առաջի ամենեցուն աւանգեաց զվերջին կտակն պատուիրելով նոցա կալ մնալ ընդ միմեանս սիրով եւ խաղաղութեամբ, գործել միաբան խորհրդով և արձակցութեամբ իրերաց 'ի պահպանութիւն աղջային սեփհահանութեանց, արթուն կալ ընդդէմ նենգութեան և յափշտակութեան օտարաց, եւ այս խոստովան եղեւ առաջի ամենեցուն թէ՛ ամենայն ինչք և ստացուածք իւր, մինչեւ ցլետին պատմուճան և վերարկու, եւ սեփհահանութիւնք Աթոռոյն, զորս նուիրեալ են բարեպաշտ աղջայինք իբրեւ ողորմութիւն : Եւ զինի մահուան իւրոյ՝ ոչ ոք յաղականաց եւ 'ի ժառանգաց եւ կամ յայլոց՝ ունի իրաւունս պահանջել 'ի միաբանութենէ և կամ յԱթոռոյն զիրս ինչ մինչեւ ցլետին դանկ մի. զայս ամենայն ետ գրել միաբանաց՝ եւ իբրեւ մուրհակ հաստատեաց կնքով իւրով առաջի բազմութեան : Եւ յանձն արար զկառավարութիւն Աթոռոյն՝ և զյանձանձանս միաբանութեան ցՅովհաննէս Եպիսկոպոսն Աթոռակալ, եւ պատուիրեաց ամենեցուն ճանաչել զնա հայր և հնազանդիլ իբրեւ զլիոց իւրեանց, և կամակար յօժարութեամբ արձակցիլ գործոց նորին 'ի շինութիւն եւ 'ի սպաճառութիւն Ս. Տանն : Եւ 'ի վախճանի իւրոյ՝ թաղել զմարմինն 'ի վանս Ս. Փրկչի ըստ սովորութեան 'ի կարգս առաջին Պատրիարքաց. և միաբանք հաճութեամբ ընկալան զվերջին կտակ նորին, և միաբան գրեցին 'ի կոստանդնուպօլիս առ Յակոբ Պատրիարք և առ զլիաւորս աղջին, զի հրովարտակաւ Արքայի հաստատեցեն զԲոխանորդութիւնն Յովհաննէս Եպիսկոպոսի ցընարութիւնն որ Պատրիարքի՝ և զայլ բանս կտակին : Եւ զի 'ի նմին ժամանակի կային 'ի մեծի երկիւզի յերեսաց այլաղբեաց վասն թաղելոց զմարմին Պատրիարքի 'ի վանս Ս. Փրկչի, զի յայսպիսի դէպս պահանջէին նոքա զյալով դրամս և հաստատեցին բազում չարիս, որոյ վասն խնդրեցին տալ գրել 'ի հրովարտակին՝ չգործել այլաղբեաց քանապատէս ինչ : Ի հասանիլ թղթոյն 'ի թաղաւորեալ քաղաքն, Յակոբ Պատրիարք ինքնին մատոյց գիր աղաչանաց 'ի Դուռն, և

յայտ արար զկամս միարանաց Ս. Յակոբայ . գրեցաւ հրո-
վարտակ ըստ խնդրանաց նոցին : Վախճանեցաւ Թէոդորոս
Պատրիարք Երուսաղէմի յամի Տեառն 1761 . 'ի վերջն Գեկ-
տեմբերի, վարեալ զիշխանութիւն Պատրիարքութեան իւրոյ
ամս իրբեւ 10, եւ միաբանք արարեալ նմա փառաւոր յու-
ղարկաւորութիւն, թաղեցին սպառուով 'ի վանս Ս. Փրկչի :

Գ Լ Ո Ւ Խ Ժ Ա .

Կարպետ վարդապետ Գանձակեցի : Ժառանգը փոխճանեալ միարանաց :
Հակոբակութիւն Յունաց : Կրտսեակն Գանձակոտի : Այլազգէք Սինի :
Նորդուճիւնք փնթրեց : Աշխճան Կարպետ Պատրիարքի :

ԶԿՆԻ ննջման Թէոդորոս Պատրիարքի Խորենացոյ ,
նստաւ յԱթոռն Երուսաղէմի նա ինքն Կարապետ Եպիս-
կոսոս Գանձակեցի, մին 'ի գլխաւոր միարանաց Ս. Յա-
կոբայ՝ ըստ Կտակի Հանդուցելոյն, որպէս աւանդի 'ի
Պատրիարքական Պէրաթն, 1110 .

Սա ինքն Կարապետ 'ի 18 ամաց Հասակին իւրոյ եկեալ
էր 'ի քաղաքն Եւզոպիա, ուր հանգեաւ 'ի Գրիստոս բա-
րեպաշտ մայր նորին, և 'ի նմին ժամանակի Թէոդորոս
վարդապետ եկեալ էր անդ 'ի Նուիրակ, եւ Կարապետ
ընկերացեալ նմա՝ եկն յերուսաղէմ՝ յաւուրս Գրիգորի
Շղթայակրի (1734), ուր սնեալ վարժեցաւ յուսումն աս-
տուածային գրոց, ըստ տանելոյ ժամանակին և ձեռնա-
ղըրեցաւ վարդապետ, առաքեցաւ 'ի Նուիրակ յԱկն, եւ
սպա 'ի կողմանս Բումէլիայ . և մինչ էր 'ի քաղաքն Գիլի
լուաւ զմահ Գրիգորի Պատրիարքի, և յաջորդ նորին Յա-
կոբ Նալեան կացոյց զնա Փոխանորդ 'ի Կոստանդինուպո-
լիս, ուր վարեաց զպաշտօնն զայն զամս 6 : եւ 'ի լինիլ
գժտութեան և վիճին 'ի մէջ միաբանաց և Թէոդորոս Պատ-
րիարքի, միաբանք ամբաստանեցին զԹէոդորոս առ գլխա-
ւորս ազգին 'ի Կոստանդինուպոլիս, և նոքա առաքեցին
զԿարապետ վարդապետ յերուսաղէմ իւր Նազր, ընկերա-

յան սմա և ոմանք 'ի վարդապետաց, և նորա եկեալ դա-
դարեաց զաղմուկն, և նստաւ անդ ամս 3 և ամիսս 6 . և
այլա առաքեցաւ 'ի Նուիրակ յԵւզոպիա, ուր կատարեալ
զպաշտօն իւր՝ դարձաւ անտի բարութեամբ և եհաս 'ի
քաղաքն Ատանայ, ուր լուաւ զմահ Թէոդորոս Պատրի-
արքի, եւ զկտակ նորին վասն իւր . ընդ որ հաւանեալ
միարանաց գրեցին Հանրագիր բազմակնիք 'ի Կոստանդի-
նուպոլիս : Յակոբ Պատրիարք և Իշխանաւորք աղբին հա-
նին զՊատրիարքական Պէրաթ նորին, և ինքն Կարապետ
Եպիսկոսոս եհաս յերուսաղէմ զինի Զատիկն, նոյնպէս
և նամականիք 'ի կայսերանիստ քաղաքէ 'ի ձեռն թղթա-
տարի, եւ նստաւ Կարապետ յԱթոռ Պատրիարքութեան
Երուսաղէմի : զայստովի քաղեցաք 'ի կենսագրութենէ նո-
րին՝ զոր ինքն գրեալ է :

Սահակ Կաթուղիկոս էջմիածնի՝ առաջն կոչեցեալ,
անկեալ յիշխանութենէ Կաթուղիկոսութեան նստք 'ի
Կարին, ուր վախճանեցաւ իսկ (1763 . 'ի 22 Փետրվարի) :
Իսկ Յակոբ Պատրիարք հանեալ գիր արքունուստ առա-
քեաց անդ զՍարգիս վարդապետ իւր բերել առ ինքն
զստացուածս նորին : եւ 'ի մեռանիլ մեծի Վէզիրին՝ էանց
'ի տեղի նորա Նիշանճի Համզա Փաշա, որոյ եղին վաճա-
ռապետք յազգէն Հայոց ձանպաղեան Յարութիւն, Սա-
գայեան Մարտիրոս, և այլ ոմն Սարգիս անուն : եւ վաճա-
ռապետք առաջնոյ Վէզիրին, Պօղոս, Ղազար եւ Ասլան
Ամիրայք ըմբռնեալ եղան 'ի բանտի՝ եւ մատնեցան 'ի
գանս և 'ի տանջանս . գրաւեցան ինչք և ստացուածք նո-
ցին յարքունիս, և 'ի վերջոյ Ղազար Ամիրայ կախեցաւ
զկայտէ, և երկուքեանն ազատեցան 'ի բանտէ (1763 . 'ի
25 Մայիսի) :

Յաւուրս Պատրիարքութեան Կարապետի, յարեան ու-
մանք յազգակնաց վախճանեալ միաբանաց Ս. Յակոբայ
և պահանջին զժառանգութիւնս նոցա, որպէս գրէ փո-
խանորդ Գրիգոր վարդապետն 'ի Կոստանդինուպոլսոյ :
Իսկ Կարապետ Պատրիարք գրեաց առ նա սրտասխանի
երկար բանիւք, յորում ձեռն արկեալ կնքեցին ամենայն
միաբանք վանաց . զի խնամ կալցի ընդ Պատրիարքին եւ
ընդ գլխաւորս ազգին, խափանել զայդպիսի սնտոի և վը-

նաստիար խնդիրս յաջողութեաց, որ Հակոբակ է եկեղեցական և վանական օրինաց, մանաւանդ Կայսերական հրոսփարտակին շնորհեալ Պատրիարքաց: Չմտաւ անցնել այնպիսիքն, թէ աղբականք նոցին 'ի դալարեան իւրեանց 'ի վանս զի՞նչ բերին, և այժմ զի՞նչ խնդրեն: Ապա ստիպէ զնա փոցթ տանել խափանել զայնպիսի անհեղեղ խնդիրս նոցա հրամանաւ Արքայի և առեռլ հրովարտակ, զի մի՛ զինի մահուան միաբանաց աղբականք նոցին կողովութիցին վանաց (1763):

Մտաւ ինչ գծաութիւն միաբանաց Ս. Յարութեան ընդ Լատինս սակս կանթեղ լուանալոց անդուոյն. այլ Փաւլոյ տեսուչ նոցին փութով զիջաւ ընդ խոչեմ բանս Կարապետ Պատրիարքի, և եղև խաղաղութիւն:

Ի գալստեան Կուսակալին Գամակոսի բառ սովորութեան յերուսաղէմ, և առնլոց զաստանեալ տուրս 'ի վանօրէից թէ յայտնի և թէ գաղտնի: Ապա 'ի դարձանէ ուրումն զնաց 'ի Սիոն յուխա, և 'ի դարձին իւրում եկեալ նստաւ 'ի պարտէզն Հայոց, և կոչեալ առ ինքն զերկուս յայլաղբեաց քաղաքին եհարոց ցնոսա վասն Փրլլի վանաց. թէ զի՞նչ իցէ անհեղեղ շինուածն այն, և նոքա ասեն թէ վանք է Հայոց. Յոյնք և Լատինք ունի՞ն բաժին ինչ 'ի տնանէ, նոքա ասեն, ոչ, միայն սեփհականութիւն է Հայոց: Հի՞ն է շինուածն թէ նոր. ասեն, որպէս անսեալ եմք 'ի սկզբանէ այսր, նոյն է: Շինուածն կարի բարձր է քան զպարխոյ քաղաքին և քան զՍիոն: Ապա յարուցեալ անտի զնաց յիջեանս իւր, և առաքեալ զմանս խնդրեաց 'ի Հայոց զհրովարտակ վանաց, եւ Կարապետ Պատրիարք յղեաց առ նա զպատճէն հրովարտակին Սէլիոց. և նորա կոչեալ զայլաղբիս Սիոնի ընթերցաւ զայն առաջի նոցա, ապա եհարց ցնոսա, դուք եւս այսպէս գիտէ՞ք, նոքա ետուն սլատասխանի. մանաւանդ Սաշազլի կոչեցեալն, թէ եմ 'ի հասակի 70 ամաց եւ 'ի Սիոն ծնայ, այսպիսի տեսի զվանքն: Լուեալ զայստիկ Կուսակալին դարձոյց վերստին զհրովարտակն առ Պատրիարքն առանց ասելոյ ինչ: Եւ 'ի չուելն իւրում զնացին առ նա Փոխանորդք երկից վանաց յուղարկել զնա. յայնժամ բանս արկեալ ասէ ցփոխանորդն Հայոց թէ յինէն վտայեալ էք, իբր թէ

զարակաորդ տրոյ նախընթաց տարւոյն, սլատասխանք վանաց կամիմ ընուլ. ոչ այդպէս՝ գիտէ այր զի չէնքն այն կարի անհեղեղ թուեցաւ ինձ, որոյ վասն խնդրեցի ըզդիրն, տեսանել թէ ո՞րպիսի ինչ իցէ: Ապա դարձուցեալ զբանս իւր ցերիս Փոխանորդս աղբուէ 'ի նոցանէ չգրել գանկատանս զնմանէ 'ի Դուռն. զի նախընթաց ամին Լատինք կամ դեսպանն Գաղղոյ դանկատեալ, և 'ի քննութեան սրահու արկին զայն 'ի վերայ Հայոց, և սաստեալ վարեցին զփոխանորդ նոցին յատենէ անտի. զնոյն արարին եւ փոխանորդին Լատինաց, գգուելով զՅոյնս իբրեւ գոհ զինքենէ: Յետ այսր ամենայնի Յոյնք կրկին հրաման ասին նորդեւ զՊատանատեղին և զՊողոսթայ, եւ սալել զտանիս Ս. Եղիսայի վանաց, 'ի ճանապարհին Բեթղեհէմի, և գտին համարձակութիւն 'ի քաղաքին և անխնայ վատնէին զգանձս իւրեանց 'ի վասս Հայոց, յորոյ վերայ զարմացեալ էին Լատինք, (1764. 'ի 1 Յունվարի):

Միաբանք Յունաց իբրու թէ հանդարտեալ երեւէին ժամանակս ինչ, ահա դարձեալ սկսան խլրալի. զի ամբաստանեցին զՀայս առ դատաւորն. իբրեւ թէ գերեզմանն Ս. Աստուածածնի 'ի սկզբանէ անտի լեալ իցէ 'ի ձեռս Յունաց, իսկ Հայք օգնութիւն գտեալ 'ի Լատինաց և զօրութեամբ դրամոց և հրովարտակին գրաւեցին զեկեղեցին զայն. նոյնպէս և 'ի մեծ եկեղեցին Բեթղեհէմի կախեցին կանթեղս և զայլ զարդս, որով նեղեն զՅոյնս. զի յառաջագոյն Սուլթան Մահմուտ Արքայ տուեալ էր զնոսա Յունաց, և Հայք միայն հրաման ունէին երթալ յուխա 'ի տարւոջ մի կամ զաւուրս երկուս. ինչքեմք այժմ զի ողորմեսցի Արքայ շնորհել մեզ հրովարտակ 'ի բառեալ 'ի տեղեացն այնոցիկ զկանթեղս եւ զարդս, զորս եդին Հայք: Իսկ դատաւորն առանց ունկն զնելոյ գրոց և բանիցն Հայոց, գրեաց 'ի Դուռն զոր միանգամ յայտ արարին Յոյնք: Այլ իբրեւ իրազգաց եղև Կարապետ Պատրիարք, կոչեաց զդատաւորն 'ի գիշերի 'ի վանս, եւ ետ ընթեռնուլ նմա զհին և զնոր հրովարտակս. եւ իբրեւ 'ի միտ առ զսխալանս իւր, ասէ. թէ Յոյնք խաբեցին զիս և առին զայնպիսի գիր 'ի ձեռաց իմոց. ապա գրեաց զերկուս գիրս, մին թէ Յոյնք խաբէյութեամբ տուեալ են

գգիրն զայն, յեւրանել նորա յատեան մի լիցի ընդունելի, և միւսն վասն իրաւանցն Հայոց: զայստիկ գրեանս առաքեաց Կարապետ Պատրիարք, 'ի Կոստանդինուպօլիս առ Գրիգոր վարդապետ խօսիլ ընդ Յոյնս: զի պատուիրեսցեն իւրոցն չառնել զայսպիսի խաբէյութիւն, (1764):

Սյլազգիք Սիոնի վերստին նորոգեցին զվէճս իւրեանց, զոր յառաջագոյն խափանեալ էին Հայք: քանզի եկեալ խնդրէին ջուր 'ի վանաց Ս. Փրկչի, զորոյ զմասն կրեալ էին միաբանք բազում անգամ: այլ իբրեւ ոչ կարաց ողորքել զմասն նոցա թարգմանն; ազգ արար դատաւորի քաղաքին: կոչեցան յատեան մեծամեծք Սիոնի, և 'ի հարցանել դատաւորին վասն այսր՝ ետուն պատասխանի և ասեն, եթէ պակասեցի 'ի մեզ ջուր, ունիմք սովորութիւն առնուլ զայն 'ի վանաց Ս. Փրկչի, եւ եթէ Հայք ոչ կամին տալ, հատուցեն մեզ 18 դահեկան, զի դնեցուք ջուր յաղբերէն Սելովամայ: մերժեաց թարգմանն զննդիր նոցա, թէ ոչ ունիմք զայգալիսի սովորութիւն, ոչ ջուր տալոյ և ոչ դրամ, և առաջի արար նոցա գհրովարտակն 1180 և ընթերցեալ զայն դատաւորին, մերժեաց զնոսա յերեսաց իւրոց, և պատուիրեաց նոցա մի եւս պահանջել 'ի վանաց անտի ոչ ջուր և ոչ դրամ, զի հակառակ էր Կայսերական հրամանին:

Վախճանեցաւ Յակոբ Պատրիարք նալեան 'ի Կոստանդինուպօլիս 1764 'ի 20 Յուլիսի, և թաղեցաւ 'ի գերեզմանատունն Հայոց 'ի Պէյօղլու կոչեցեալ տեղին:

Իսկ ինքն Կարապետ Պատրիարք հրամանաւ Օսման Փաշա կուսակալին Դամասկոսի շինեալ աւարտեաց զ16 սենեակս 'ի մէջ վանաց Ս. Յակոբայ, 'ի պէտս բնակութեան ուխտաւորաց, և ետ յատակել քարամիք զտանիս եկեղեցեաց Ս. Յակոբայ, ուր եղեալ է ինքնին ձեռամբ իւրով զյիշատակարանն: Ս. Հրեշտակապետի, Ս. Փրկչի, վերնատան և Լուսաւորիչ եկեղեցոյ 'ի տաճարին Ս. Յարութեան, և վանաց Բեթղէմի, և զայլ կարեւոր նորոգութիւնս յիւրաքանչիւր տեղիս: Ի տանիս վերնատան Ս. Յարութեան եղ արձանագիր Հայեցի տառիւք, այլ յետ ժամանակաց Յոյնք անհետ արարին զայն անտի: Սակայն 'ի միջոցի աստ կրեաց բազում նեղութիւնս ևւ տուգանս

մինչեւ անկանիլ ընդ պարտիւք՝ յերեսաց քաղաքապետին և այլազգեացն Երուսաղէմի: Եւ յետ կատարելոյ զինուածսն գրեալ ազգ արար միաբանակցովք իւրովք առ ազգայինս 'ի Կոստանդինուպօլիս, սակայն Ս. Յովնանէս և Ս. Փրկիչ եկեղեցիքն ոչ նորոգեցան, զի ոչ էին գրեալ 'ի գրի Կուսակալին, որոյ վասն ոչ ետուն թոյլ: նորոգեցին և յատակեցին նաեւ Յոյնք և Լատինք զեկեղեցիս և զվանորայս իւրեանց, որք մնասեալ էին յերկրաշարժէ, նոյնպէս և այլազգիք զմզկիթս իւրեանց:

Կարապետ Պատրիարք զինի Պատեքին առաքեաց ընդ ուխտաւորս 'ի Կոստանդինուպօլիս գՅովակիմ վարդապետ իրր Փոխանորդ Աթոռոյն, և և նորա կրեալ զնեղութիւնս 'ի ծովային ճանապարհորդութեան, եհաս անմիտս 'ի թագաւորեալ քաղաքն, և մատոյց զգրեանս Պատրիարքին և իշխանաւորաց ազգին: Գծումնեցաւ Պատրիարքն ընդ Կարապետ սակս չկատարելոյ զխնդիր իւր, զոր գրեալ էր առ նա յառաջագոյն գիտութեամբ իշխանաւորաց, և յետ աւուրց ինչ ժողովեցան 'ի Նոր Սան 'ի սենեակ Սիոնի Ամիրայի, կոչեցին անդ և զՅովակիմ վարդապետ, ուր բազմօք մեղադրեցին զՊատրիարքն Երուսաղէմի վասն ինչ ինչ խնդրոց, և և զինիք նորին վասն արզի՝ որ մնայր առ Պատրիարքին, առեալ ետուն ցՅովակիմ վարդապետ, և և զՊատրիարքն Երուսաղէմի իրրեւ ստորագրեալ և կամ իրր Փոխանորդ Պատրիարքին Կոստանդինուպօլսոյ անուանեցին (1765 - 'ի 28 Օգոստոս):

Ի ամին ժամանակի և գլխաւոր սեղանաւորք յազգէ Հայոց զլխատեցան յԱկն, հրամանաւ Մուստաֆա Արքայի, ըստ բողոքելոյ որդւոց Նազիպ էլ Աշրաֆի, որպէս թէ առանց քննութեան, սոքս լեալ իցեն պատճառ տարապարտ մահուան հօր իւրեանց, (1766):

Կարապետ Պատրիարք հասեալ յալիս ծերութեան հանգեաւ 'ի Բիրտոս (1768), 'ի 24 Յունիսար ամսոյ, և մարմին նորա թաղեցաւ 'ի վանս Ս. Փրկչի 'ի կարգս Պատրիարքաց Աթոռոյն, վարեալ զիշխանութիւն Պատրիարքութեանն ամս իրր 6:

Գ Լ Ո Ւ Խ Ժ Բ .

Պատրիարքութիւն Պողոսի : Կենսապրութիւն նորին : Ազգու Տահապ : Կատարած Յարպէի : Սով : Մահ Պողոսի : Ընտրութիւն Յովակիմի վարչապետի : Աէ՛՛ ընդ Լատինաց վասն զԵրեզնեատան որ ՚ի Արեւն :

ՉԿՆԻ վախճանի Կարապետ Եպիսկոպոսի Գանձակեցոյ , ընտրեցաւ ՚ի նմին ամի յԱթոս Պատրիարքութեան Երուսաղէմի Պողոս Եպիսկոպոս Վանցին , մին ՚ի զԼատնոր միաբանաց Աթոսոյն , և հաստատեցաւ իշխանութիւն նորա Արքունի Հրովարտակաւ . ՎՂՂ (1708) ՚ի 12 Ապրիլի . Ժամանակ նեղութեան և չարչարանաց Յոսպէու առ Ապու Տահապիւ և Ալի Պէկիւ :

ՉԿենսապրութիւն Պողոսի քաղեմք ՚ի ձեռագրէ , զոր ինքն գրեալ է : Սա էր ՚ի վասպուրական աշխարհէ և ՚ի քաղաքէն Վանայ , անուն հօրն Մարգարա , և մօրն Փերուղայ . ՚ի 6 ամեայ հասակին մեռաւ մայրն : Եւ Հայր նորին եկեալ էր յԵրուսաղէմ յառուրս Շղթայակրի եւ յարեալ ՚ի սէր տնօրինական Ս . Տեղեաց , և ապա դարձեալ յաշխարհ իւր , և յետ ամաց ինչ եկն յԵրուսաղէմ ընդ բազմութեան ուխտաւորաց , եւ ՚ի ճանապարհին ընկղմեցան բեռինք ուխտաւորաց ՚ի դեռն Եփրատ և ոմանք վտանցան իսկ . եւ ապա զիմեալ ՚ի Բերիա ՚ի Գամաղիսս , հասին յԵրուսաղէմ , որք էին ուխտաւորք թուով անձինք իբրեւ 700 . ՚ի սոյն կարաւանի էր և Առաջնորդ Ս . Կարապետի Գրեկաց վանաց , Աբրահամ Եպիսկոպոս , որ էր Էղբօր որդի Գրիգորի Պատրիարքի և աշակերտ նորին , որ և նոտաւ յետոյ Կաթուղիկոս Հայոց յեջմիածին . Պալատցի Յակոբ վարդապետ , և Գարբէլ վարդապետ որ եղեւ առաջնորդ Պրուսայու , և այլ երեք վարդապետք . իսկ բազմութիւն ուխտաւորաց զարդարեալ էին ՚ի զէնս և ՚ի զարդս երկվարօք և հեծելովք , որոց ընկերացաւ և Կուսակալն Գամաղիսի Իսմայիլ Փաշայ թողեալ զչորս իւր ՚ի նային : Եւ եղեւ ՚ի հասանիլ սոցա յԵրուսաղէմ , Գրիգոր Պատրիարք միջնորդութեամբ Աբրահամ Եպիսկոպոսի հազիւ ուրեմն զիջաւ .

ընդունել զՊողոս ևւ զհայր նորա ՚ի կարգս միաբանաց . զի յայնմ ժամանակի չէր օրէն ընդունիլ զմանկահասակս ՚ի միաբան . հայրն եղեւ սարտիզպան և երբեմն ժամակոչ ՚ի Հրեշտակապետ , և մանուկն ետուն առ տեսուչն Հրեշտակապետի Մարտիրոս վարդապետ . զինի չորից ամաց հօրեղբայր Պողոսի առեալ զմանուկն դարձաւ ՚ի վան , իսկ նորա չկարացեալ մնալ անդ՝ վերստին դարձաւ յԵրուսաղէմ (1734) : Եւ ՚ի սմին ամի եկին յԵրուսաղէմ Յակոբ վարդապետ նալեան՝ աշակերտ Յովհաննու Կոլոտի , եւ Կեսարացի զիտնական Յովհաննէս վարդապետն , և Պողոս կացր ՚ի սպաս ծառայութեան Ս . Տեղեաց . ապա ձեռնադրեցաւ Սարկաւազ՝ եւ զինի չորից ամաց վարդապետ և ժամասաց ձախակողմեան դասուն , հրաւիրակ ուխտաւորաց , վերատեսուչ դարտան , օգնական փակակալ Աստուածատուր վարդապետի . ապա Նուիրակ ՚ի վան (1744) , և դարձաւ անտի յետ չորից ամաց . և զինի մահուան Գրիգորի Պատրիարքի դնաց հրաւիրակ ուխտաւորաց ՚ի Կոստանդինուպօլիս , և ՚ի դարձին իւրում Յակոբ Պատրիարք առաքեաց Նուիրակ յԵւդոկիա , և անտի դնաց յեջմիածին հրաւիրմամբ Մինաս Կաթուղիկոսի , և ձեռնագրեալ ՚ի նըմանէ Եպիսկոպոս եկն յԵրուսաղէմ յառուրս Թէոդորոսի , և նա առաքեաց զնա Նուիրակ ՚ի Դրիմ և ՚ի Բումելի , և կատարեալ զայն պաշտօն դարձաւ յԵրուսաղէմ . և յետ միոյ տարւոյ դնաց ՚ի Չմիւսնիս , և ՚ի քաղաքին Նիկոմիդեայ լուաւ զմահ թէոդորոս Պատրիարքի , ուր աւարտեալ ըզգործս իւր՝ դարձաւ յԱթոն ց վարդապետօք , և եղեւ դարսասընկալ (1762) . եւ վարեաց զայն պաշտօն ամս 6 . և յետ վախճանի Կարապետի՝ ընտրեցաւ Պատրիարք Աթոսոյն , և կարդեաց զԵւդոկիացի Սարգիս վարդապետ Ֆէրմանեան դարսպասընկալ և փոխանորդ , և ապա սկսանի զրել զարդիւնս Ս . Աթոսոյն :

Վասն պատերազմին Ռուսաց ընդ Օսմանցիս՝ փակեցաւ նեղուցն Կոստանդինուպօլսոյ , ուստի ոչ նաւ , ոչ ուխտաւոր և ոչ օգնութիւն եհաս յԵրուսաղէմ . ՚ի սմին ամի դտան ուխտաւորք միայն անձինք իբրեւ 300 : Եւ 18 նաւ Օսմանցեոց սյրեցան մերձ ՚ի Չէշմելի , եղիպտացիք զիմէին ՚ի Պաղեստին , յորմէ երկիւղ բնակչաց՝ թէպէտ Ե-

րուսաղէմ էր ընդ Իշխանութեամբ Օսմանցոց (1770) : Ալի Պէկ եգիպտոսի եկն բազմութեամբ զօրաց 'ի Պաղեստին, եհասա առ նա յօգնութիւն Շէյխ Դահա Օմար յԱքքէ քաղաքէ, և պատերազմեալ առին զԳաղա և զԻեմէէ եւ զԼիզիա կողոպտեցին զվանօրայս և 'ի սուր հանին զպանականս ընդ քրիստոնէից : Եւ ապա եկեալ պաշարեցին զքաղաքն Յոպպէացոց, որ և տեւեաց ամիսս 7, և անկաւ սով 'ի քաղաքին՝ եւ բազումք 'ի բնակչաց մեռան, և 'ի նահանգէն Երուսաղէմի զաղտնի տանէին զպաշար և կերակուր 'ի բանակն, և 'ի սատոկանալ սովուեն՝ բազումք մեռան 'ի գիւղականաց և 'ի քաղաքէն : Ալի Պէկ սաստկացոյց զպատերազմն Յոպպէ քաղաքի անընդհատ զաւուրս 5 : 'ի պարտութիւն մատնեցան Յոպպէացիք, և արկեալ թաշկինակս 'ի պարանոցս իւրեանց չոքան և անկան յոսս Ալի Պէկին, և նա յաղթանակաւ եմուտ 'ի ներքս, և յաւարի առեալ կողոպտեաց զվանօրայս Երից ազգաց (1772 'ի 6 Փետրվար ամսոյ) : Իսկ Պօղոս Պատրիարք 'ի կարօտութեան և 'ի նուազութեան ժամանակի կերակրեաց զուխտաւորս և զՀայ աղբի ժողովուրդն Երուսաղէմի, նաեւ զաղքատս և զկարօտեալս : Ի սմին ժամանակի նստաւ Փաշա յԵրուսաղէմ, զի յառաջագոյն Միւսէլիմ էր : Եղև հաշտութիւն Թուսաց ընդ Օսմանցիս (1773 Յունիս) : Բայց ծովն դեռ պաշարեալ էր, ուստի ոչ կարաց գալ նաւ ուխտաւորաց :

Աւանդէ նաեւ 'ի յիշատակարանս ձեռագիր Մատենից Կոստանդինուպօլսեցի Սարկաւազ Գալուստ՝ որ եկեալ էր յուխտ յԵրուսաղէմ, և ևսկանատես լեալ գործոց Ապու Տահապի : Եգիպտացի Ապու Տահապն յարձակեցաւ 'ի վերայ Յոպպէոյ 1775 : ց7 Մայիսի յաւուր տօնի Երեւման Ս. Սաչի, և մտեալ 'ի քաղաքն 'ի սուր մաշեաց զբնակիչս նորա և ապա զլմեաց 'ի վերայ երից վանօրէից անդ՝ Հայոց, Յունաց և Լատինաց, և առհասարակ սուր եղեալ կատրեաց զմիաբանս և զիրօնաւորս և զայլս զորս եգիտ անդ, և մերկացուցեալ զվանօրայս ել անտի : Աւանդութիւն է ձերունեաց քաղաքին, թէ Մինաս վարդապետ Հայոց 'ի պատարագելն զլխատեցաւ առաջի Սեղանոյն՝ ուր զՍեղանն կործանեցին, և տեսուչն թէպէտեւ էջ 'ի Զրհորն՝ այլ ոչ զերծաւ 'ի մահուանէ՝ զի անդ հարեալ սպանին զնա : Եւ

ինքն Ապու Տահապ ըստ ասելոյ սմանց՝ զինի 10 աւուրց սատակի անդ 'ի Յոպպէ : Եւ 'ի ձեռադիրս ինչ ասի թէ՝ զօրքն եգիպտացոց զՅոպպէ և զԻեմէէ աւարեցին՝ զ6 միւսրան և զ6 ուխտաւորս արտաքոյ Յոպպէոյ դստեալ նահատակեցին :

Պօղոս եպիսկոպոս Հնանդուրծեալ վտաց և դառնութեանց ժամանակին Հանդեաւ 'ի Բրիտոսոս, որպէս գրի 'ի տապանաքարի իւրում, խուն ինչ ցաօք խիթացեալ (1775 'ի 18 Մայիսի), և թաղեցաւ 'ի նմին աւուր 'ի վանս Ս. Փրկչի :

Միտրանք վանաց Ս. Յակոբայ դրեալ ծանուցին 'ի կոստանդինուպօլիս զմահ Պօղոս Պատրիարքի առ Զաքարիայ Պատրիարք և առ զլխաւորս աղբին, և առ փոխանորդն Երուսաղէմի Յովակիմ եպիսկոպոս՝ յանձն առնելով 'ի կամս նոցա զընտրութիւն նորոյ Պատրիարքի : Եւ 'ի լինել ազգային ժողովոյ ընտրեցաւ Պատրիարք Աթուոյն նա ինքն Յովակիմ եպիսկոպոս Բանաքեռցի թեաւրիութեամբ Զաքարիայ Պատրիարքի Կաղզվանցոյ 1775, յամեանն Օգոստոսի, և հաստատեցաւ Իշխանութիւն նորա Կայսերական հրովարտակաւ \\\189 : Յետ այնորիկ Յովակիմ եպիսկոպոս կարգեաց անդ 'ի տեղի իւր փոխանորդ Երուսաղէմի զՍարգիս անուն ոմն յանձնաձեւ զամենայն գործս Աթուոյն, որ և կատարեաց նա զայն պաշտօն ժրաջան աշխատութեամբ մինչեւ ցաւուրս Պետրոս Պատրիարքի : Ապա 'ի կարգի եղեալ զգործս իւր ել Յովակիմ 'ի կայսերանիստ քաղաքէ անտի և եկն յԵրուսաղէմ, և միաբանք սիրով և ուրախութեամբ ընկալեալ զայն նստուցին յԱթու Պատրիարքութեան 'ի Յ Հոկտեմբերի : ազա գրեցին պատասխանի դրոց ազգային երեւելեաց և առ Պատրիարքն յայտ առնելով 'ի նմին զգոհունակութիւնս իւրեանց, և ըստ պատուիրելոյ նոցին խոստացան հնազանդիլ Յովակիմայ իրրեւ գլխոց իւրեանց, և անտրտունջ աշխատիլ յամենայն գործս 'ի պայծառութիւն Աթուոյն, յայս գիր ձեռնարկեալ կնքեցին բոլոր միաբանք (1775 'ի 24 Նոյեմբերի) :

Իսկ և իսկ յառաջին ամի Պատրիարքութեան Յովակիմայ յարեաւ վեճ անդարմանելի . քանզի Լատին կղերք

հանապազ երկնէին 'ի միտս իւրեանց յափշտակել զմի մասն գերեզմանատան Հայոց, և խառնել 'ի բաժինս իւրեանց, սակայն սպասէին զիպող առթի և ժամանակի արգիւնաւորել զխորհուրդս իւրեանց, և զի յառաջագոյն որացեալ էին 'ի կողմն իւրեանց զբառաւորն եւ զայլաղբ գիւ քաղաքին եւ հնարիւք առեալ 'ի նոցանէ մուրհակս, որպէս թէ փոխանորդն Հայոց զմի մասն գերեզմանատան, (յերկայն • յարեւելից յարեւմուտս 65 • և 'ի լայն • 'ի հարաւայ 'ի հիւսիս 37 կանգուն) օրինօք դատարանի վաճառեալ իցէ Լատինաց 'ի թուին Հիճրեթի 1079, Չայսմանէ ոչ ինչ տեղեկութիւն ունէին Հայք, և 'ի ժամանակիս յայսմիկ յետ մերժելոյ երկց Փոխանորդաց զամբաստանութիւնս այլազգեաց Սիոնի սակս բովանդակ գերեզմանատանց, Փոխանորդն Լատինաց չոքաւ առ դատաւորն, և մատուցեալ նմա զմուրհակն զայն, խնդրեաց 'ի նմանէ հրաման չինել զսրմս շուրջանակի թզաշափ, և որոշել ըզսահմանս տեղոյն ըստ չափոյ կանգնոց զոր գրեցաք ըստ ցուցանելոյ մուրհակին, և 'ի հրամայել դատաւորին, ըսկիպուն արար փորելոյ զհիմունս • տեսեալ զայս Փոխանորդին եւ ժողովրդոցն Հայոց՝ դիմեցին բազմութեամբ առ դատաւորն, և ամբաստան եղեն զյափշտակութենէ Լատինաց: Դատաւորն յետ քննելոյ և իմանալոյ զխնդիրն՝ արգել զփոխանորդն Լատինաց 'ի գործոյ, զի տեղին չէր ինքեանց, և պատուիրեաց իւրաքանչիւրոց չելանել արտաքս քան զսահմանն: Լատինք ոչ բանից դատաւորին անսացին, և ոչ 'ի գործոյ անտի յետս կասեցան: Հայք վերջտին բողբեցին, և յայտ արարին թէ նախնիք իւրեանց թաղեալ կան անդ, և չէ հնար զայն տեղի մատնել 'ի ձեռս օտարաց • դատաւորն բազմութեամբ այլազգեաց 'ի քննութիւն ել տեղոյն, յորում ետես զբազում գերեզմանս Հայոց • և 'ի հարցանել ցայլազգիսն, նոքա ասեն թէ Հայք թաղեալ են զմեռեալս իւրեանց, որպէս յայտնի երեւին տապանաքարքն: Դարձ արարեալ անտի դատաւորին գրեաց 'ի Գուռն, և ըստ թախանձելոյ Հայոց խնդրեաց հրովարտակաւ բառնալ զընդդիմութիւնս Լատինաց: Զկնի աւուրց կուսակալն Դամասկոսի Աղիմ Զատէ Մէհէմ մէտ Փաշա ել 'ի չըբիլ 'ի գաւառն ըստ սովորութեան և

եկեալ բանակեցաւ մերձ յերուսաղէմ • դիմեցին առ նա Լատինք մեծամեծ պատարագօք և որսացին զնա 'ի կողմն իւրեանց, և 'ի լինել անդ ժողովոյ՝ մատուցին զմուրհակն գերեզմանատան եւ յեցեալ յիմաստս նորա սնդէին թէ՛ տեղին սեփշականութիւն է Լատինաց:

Իսկ կուսակալն կամելով շնորհս առնել Լատինաց, ոչ ընկալաւ զՀայս մարդասիրութեամբ եւ ոչ ունկն մատոյց բանից նոցա: Եւ այս եղև բովանդակութիւն բանից նորա, « Առ այժմ գրաւեսցեն Լատինք զտեղին, և յաղագս սահմանաց նորին գրեցցի մուրհակ », զայս ասաց և ցրուեաց զժողովն, և Լատինք դարձ արարեալ անտի դիմեցին բազմութեամբ ժողովրդոց և միարանաց 'ի գերեզմանատուն անդր փայտատ և բրիչ և զայլ գործիս 'ի ձեռին, և տապալեալ խորտակեցին զտապանաքարս դրոյմեալս հայկական տառիւք, և ելի քան զերեք հարիւր, եւ պեղեցին զհող տեղոյն, և զօսկերս մեռելոցն արկին կոխան օտից, և եղև աղմուկ և խռովութիւն մեծ, և այսպիսի բռնութեամբ չինեալ հաստատեցին զսահմանն զայն զոր կամէին: Ողբային ժողովուրդք Հայոց արք և կանայք՝ զի կորուսին զգերեզմանս աղբատոհմի իւրեանց և դառն արտասուօք դիմեցին առ կուսակալն, և մատուցին առ նա զիր աղաչանաց, յորում աղաչէին չգրկել զինքեանս 'ի գերեզմանաց նախնեաց իւրեանց • վկայ կոչէին զբովանդակ այլազգիս Երուսաղէմի, և զքարինս հայկական տառիւք դրոյմեալ, յորոց ներքոյ հանգչէին մարմինք հարց, մարց, եղբարց, որդւոց և աղբականաց նոցին, զորս անխնայ խորտակեցին և զտեղին յափշտակեցին՝ այլովքն հանդերձ: Սակայն կուսակալն ոչ զգիրս նոցա ընթերցաւ և ոչ բանից նոցա ունկն մատոյց, այլ հրամայեաց վարել զնոսա անտի բռնութեամբ: Թէպէտ նա ինքն յառաջագոյն ըստ աղաչանաց Հայոց 'ի Դամասկոսէ գրեալ էր առ դատաւորս Երուսաղէմի, զի մի թոյլ տացեն Լատինաց բռնանալ 'ի վերայ Հայոց: Յետ այսր ամենայնի վերտալին դիմեցին Հայք առ դատաւորն, և աղաչանս արկեալ պաղատէին առ նա գրել 'ի Գուռն զամենայն չարիս զոր անցուցին Լատինք ընդ Հայս, և նա յանձըն առեալ գրեաց զամենայնն, ուր յետ այլոց բանից ասէ՝ գերեզմանատանց Սիոնի տիրեալ են Հայք ըստ զօրու-

Թեան հրովարտակաց Անիմայ և Սիւլէյմանայ, 'ի հիւսիսոյ Սիոնի' վանք Ս. Փրկչի, յարեւմտից կուսէ՝ գերեզմանա-տունք Հայոց :

Իսկ յորժամ Շէյխ Ահմէտ Տէճէնի Արքունի հրովարտակաւ թափեաց զազարակն իւր 'ի ձեռաց Լատինաց եւ վանեաց զնոսա անտի, յայնժամ Լատինք՝ որք կարի նուազ էին թուով՝ հրամանաւ ազգին Հայոց թաղէին զվեռեալս իւրեանց 'ի գերեզմանատունս նոցա : Ի հոլովիլ ամաց և 'ի նորոգել ժամանակաց՝ տենչանք բազմանալայ հրատարեաց զնոսա ընչիւք և հարստութեամբ վրդովել զմիտս հպատակ ժողովրդոց, և սէսպէս հնարիւք բաժանեալ և օտարացուցեալ զմի մասն ժողովրդոցն Հայոց, մոծին զնոսա 'ի կրօնս իւրեանց, (զայս բան ակնարկէ 'ի դէպս որ պատահեցաւ յաւուրս Յովակիմայ, զի ոմանք 'ի ժողովրդոցն Հայոց 'ի պատճառս չնչին իրաց գծտեալ ընդ միմեանս՝ թողին զհայրենի զեկեղեցին իւրեանց, և դիմեցին 'ի դիրկս Լատինաց որդւովք և ընտանեօք, և ընկալեալ զկրօնս նոցա մնացին անդ՝ որոց որդիք եւ թոռունք մինչեւ ցայսօր յիշատակին հայկական անուամբ հարց իւրեանց, և ինքեանք յայտնապէս վկայեն, թէ են յազգէ Հայոց), եւ այսպէս օր քան զօր զօրացեալ բազմացան 'ի բազաքի աստ և զբեցան զգորութիւն : Եւ բաց 'ի տեղւոյն յայնմանէ, բռնաբարեն զայլ մի մասն գերեզմանատան, զոր Հայք կալուածական օրինօք սեփհականեալ են, սակայն չէ յայտ թէ յայնմ ժամանակի որսիսի եղանակաւ հանեալ են դիր Լատինք 'ի դատարանէ : Եւ զի զօրացուցեն զմիւրհակն եւ համարձակ հաստատեցեն զիրաւունս իւրեանց, յարուցին վէճս յանիրաւի ընդ սրբւոց Ահմէտ Տէճէնեայ 1178 : Եւ զինի խորվրթեանն այնորիկ տեղւոյն այնորիկ, որ առիթ եղեւ թշնամութեան, քարամբ և կրիւ սահմանս որոշեցին : Չհանդուրեալ Հայոց մնասակար և յանդուգն գործոյս, բողոք բարձին առ դատաւոր տարւոյն, և նորա արարեալ քննութիւն՝ զէչպս և զըրկանս Հայոց ճշդութեամբ գրեալ առաքեաց 'ի Դուռն, բայց 'ի ճանապարհի դիրն մատնեցաւ 'ի կորուստ : Իսկ 'ի սոյն ամի 'ի գալտեան կուսակալին Դամասկոսի, առեալ Լատինաց հրաման 'ի նմանէ որոշեցին զսահմանն զայն, տալով զմե-

ծաւեծ մնաս Հայոց : Եւ 'ի մատուցանել ժողովրդոց նոցին դիր աղաչանաց առ կուսակալն, մերժեաց զնոսա յատենէ իւրմէ : Այլ զինի մեկնելոյ նորին յերուսաղեմէ՝ Հայք վերադարձին դիմեցին առ դատաւորն, յայտ արարին զըրկանս, մատուցին զվաւերական գրեանս սակս գերեզմանատան : Իսկ Լատինք մինչեւ ցայսօր ոչ զադարին 'ի թշնամութեանէ, մատնելով զՀայո յիշխանութիւնս, 'ի բռնութիւնս, 'ի տուժս և 'ի տուգանս, և հակառակեալ սեփհական ուխտատեղեաց և ստացուածոց նոցին, առիթ վնին մեծամեծ մնասուց, որպէս պատմեն զայս ամենայն այլազգիք երուսազէմի Ապա խնդրէ հրովարտակաւ բառեալ զնեղութիւնս և զտառապանս ազգին Հայոց, և վերադին գարձուցանել առ նոսա զմասն գերեզմանատան այնորիկ : 1191 (1776) :

Միաբանք Հայոց առին նաև հանրագիր 'ի մեծամեծացն այլազգեաց վասն այսր խնդրոյ, յայտնի վկայելով զյափըշտակութիւնս Լատինաց, յոր ձեռնարկեալ կնքեցին սգիք իրբեւ 30 : Գրեաց և Յովակիմ Պատրիարք դիր բողոքոյ 'ի Դուռն, առ Պատրիարքն և առ զլիսաւորս ազգին 'ի կոստանդինուօլոսիս, և Ջաքարիա Պատրիարք ընդ գրի իւրոյ մատոյց զայն 'ի Դուռն : Լատինք եւս գրեալ էին ամբաստանութիւն զմիաբանութեանէ Հայոց առ դեսպանն Գաղղիոյ, եւ նա եւս մատուցեալ էր 'ի Դուռն : Լուեալ Արքայի զհանգամանս իրաց եւ տեղեկացեալ իսկ 'ի գրոց սուկեցոց յերկոցունց կողմանց : Գրեցաւ հրովարտակ առ կուսակալն Դամասկոսի եւ առ դատաւորն երուսաղէմի, ուր յետ 'ի մէջ բերելոյ զգիր գանկատանաց Տայրա դեպանին Գաղղիոյ, անմիջապէս յարէ եւ զգիրս Պատրիարքայն Հայոց երուսաղէմի և կոստանդինուօլոսոյ, թէ ո՞րպէս յայտ առնէին սօքս վկայութեամբ այլազգեաց զսեփհականութիւնն Հայոց, և թէ ո՞րպէս նա ինքն կոստակալն դիր տուեալ է յառաջագոյն չհակառակիլ Լատինաց վասն այնր : Սակայն դէնալէտն երուսաղէմի, այն է Միւֆթին, զոր օրացեալ էին Լատինք 'ի կողմն իւրեանց, սակս ագահութեան իւրոյ խարեալ զկուսակալն, զՀայս եւ զայլազգիս տուեալ է գանակոծել և վիրաւորել և զոմանս շրթթայակազ մատնեալ 'ի բանտ և տուգանելով զնոսա՝ թափեալ է 'ի կարողութեանէ : և թոյլ տուեալ Լատինաց գոր-

ծել ըստ կամաց իւրեանց՝ յափշտակել զգերեզմանատունն՝ զրկել զՀայոց, հանել ՚ի գերեզմանաց զՀին և զնոր ննջեցեալս, չընդունիլ զվաւերական գրեանս նոցին, այլովքն հանդերձ: Ասլա դարձուցանէ զբանն առ Կուսակալ և առ դատաւորն. թագաւորն Գաղղիոյ մշտնջենաւոր բարեկամ է ասէ, Տէրութեան մերոյ և կամիմ հաստատուն պահել զբարեկամութիւնն և զդաշնադրութիւնն. չնեղել զիղերս եւ զվաճառականս նոցա հակառակ ոգւոյն դաշնագրութեան: Իսկ Հայք հարկատու հպատակ են Տէրութեան իմոյ. ՚ի հարկի հպատակասիրութեան յամենայնի պարտ է պաշտպանել և խնամել զնոսա և բառնալ զնեղութիւնս նոցա: Ի բաց կացէք յազահութենէ եւ զամենայն ինչ արդարութեամբ գործեցէք. մի լիցի ձեզ զմի կողմն զբրկել, և զմիւսն պաշտպանել ընդդէմ Կայսերական կամացս. զգոյշ լերուք ջնանրացուցանել զվաւերական գրեանս երկուց կողմանց: Եթէ ըստ գրելոյ Դեսպանին զգեղինն զայն յառաջ քան զ120 ամս զնեալ իցեն Լատինք օրինօք դատարանի և լեալ ՚ի ձեռս նոցա. թաղեալ իցեն անդ ըզմեռեալս իւրեանց, և Հայք տարապարտուց ընդխմացեալք՝ խափանել զհակառակութիւնն. իսկ եթէ Լատինք աւելի յափշտակեալ իցեն՝ պաշտպան լինել Հայոց՝ և մի թոյլ տալ նեղել զնոսա, և բառնալ զխաղութիւնն: Եւ եթէ լռելի լինիցի յունկն իմ թէ սակս ազահութեան զմի կողմն զրկեալ՝ եւ զմիւսն պաշտպանեալ էք, ոչ երբէք ունիք զերծանիլ ՚ի պատիժ պատուհասից. նոյն օրէն է և կաշառառուաց՝ զի մին բարեկամ և դաշնադիր է Տէրութեանս, և միւսն հարկատու հպատակ, \19\ (1776):

Թէպէտեւ եհաս այս հրովարտակն յերուսաղէմ, այլ գործն աւարտեալ էր, և Լատինք տիրեալ տեղւոյն, եւ չէր հնար վերստին թափել զայն ՚ի ձեռաց նոցին: Սակայն Կուսակալն վերստին կաղմեաց ժողով, և զմի մասն հրովարտակին ետ ընթեռնուլ, և արձակեաց զնոսա պատուիրելով երկուց կողմանց կալ մնալ սիրով ընդ միմեանս:

Յետ այսր վերջին ժողովոյ մատեան Լատինք առ դատաւորն՝ զի արդարացուցանել կարացեն զինքեանս առաջի Արքային և Դեսպանին, և սկսան պատմել նմա ըզլանդիրն ըստ ատրժակի իւրեանց՝ զի ՚ի գրի հարեալ

ծանուցէ ՚ի Դուսն, և նա տրար ըստ կամաց նոցա այսպէս. «Բառակուսի գերեզմանատունն զնեալ են Լատինք ՚ի մեծ Փոխանորդէն Հայոց՝ ՚ի թուին \1073, որ ՚ի նմին ժամանակի իշխան և անօրէն էր համօրէն գործոց նոցին, և տիրեալ են նմա դամս իրրեւ 120. Հայք չունին առընչութիւն ինչ ընդ տեղւոյն սցնորիկ »:

Այլ երկպառակութիւնն սր ծագեալ է յամաց հեռի ՚ի միջի սոցա, վեր ՚ի վայր չըջեալ է զբարեկամութիւնն. Հայք ՚ի սրտածառս ատելութեան և սխակալութեան հակառակեալ են Լատինաց. և ՚ի դատին սոցա յառաջնում ամի առաջի Կուսակալի և դատաւորի տարւոյն, խափանեալ է ընդդիմութիւնն Հայոց, և տուեալ մուրհակ Լատինաց ՚ի դատարանէ: Հայք ստութեամբ ամբաստան լեալ են առ Արքայ, որպէս թէ հանեալ իցեն զմեռեալս ՚ի գերեզմանաց, և զնոսա գանակածեալ և արգելեալ ՚ի բանտ, և մատնեալ ՚ի տոյժս և ՚ի տուգանս, եւ յայլ յայդպիսի պատիժս հակառակ կամաց Կայսեր, որպէս անաւ ՚ի հրորովարտակին, որպէս համարձակին Հայք ձեռն մխել յիրաւունս Լատինաց հակառակ մուրհակաց, և ՚ի ստութիւնս խոնարհին. և յատենի անդ յորժամ հարցաւ ՚ի վարդապետացն Հայոց, թէ յի՞նչ պատճառս ՚ի դատ ելիք սակս մուրհակաւ որոշեալ տեղւոյն, և ունի՞ք առ ձեզ քան զայն զօրաւոր մուրհակս, մատուցէք. Փոխանորդն Հայոց ոչ է կարացեալ առաջի առնել մուրհակս եւ բերել վիսյս, այլ խոստովանեալ թէ չունիմք իրաւունս ՚ի վերայ տեղւոյն այնորիկ, և թէ՛ չունիմք տեղեկութիւն ինչ զաղերսագրէն մատուցելոյ առ Արքայ և յերկարել զգործս. գուցէ յուխտաւորաց լուեալ իցէ զայն:

Ասլա յարէ դատաւորն ՚ի կողմանէ իւրմէ, որ տուեալ էր յառաջագոյն Հայոց եւս գիր, արդարեւ գերեզմանատունն այն սահմանօքն սեփնական է Լատինաց, ըստ վկայութեան այլազգեաց. եւ ես բարուք իտելումուտ լեալ, ետու նոցա մուրհակ ՚ի դատարանէ ժառանգել զտեղին առանց հակառակելոյ ուրուք: Եւ բարուք ծանեալք որ այսպիսի խռովութիւնք ծագեալ են յերկպառակութենէ, պաշտպանեցաք զերկօսին կողմն և հաշտեցուցաք ընդ միմեանս և բարձաւ ՚ի միջոյ խռովութիւնն, եւ երկաքան-

չիւրքն յանձն առին հաստատել զբարեկամութիւն . և ըստ
գորաւոր մուրհակին տուելոյ 'ի մէնջ' այսուհետեւ Լատինաց
տիրեւ զերեզմանատան այնմիկ . և եթէ պատահեսցի
միջանոց թիւն յօտարաց , դարձեալ բռնութիւն համարի .
1194 (1777) :

Չայս գիր էր զոր ետուն Լատինք գրել գատաւորին
'ի Դուռն , յոր յայտնապէս նշմարին ստութիւնք Լատինաց ,
կուսակցութիւնք գատաւորաց եւ կուսակալին եւ
վտանգիւն Հայոց , որսէս տեսաւ 'ի բանից պատմութեանս
թարգմանեալ 'ի գատատանական գրոց :

Ահա այսու եղանակաւ բռնութեամբ յախշտակեցին Լատինք
զվի մասն գերեզմանատան Հայոց , այլ թէ քանի
գումարս քսակաց վտանեցին , չէ մեզ տեսլի եւ հուսկ ամենեցուն
ետուն կոխել քարինս 7 քանդակեալ 'ի վերայ պսակ 'ի
ծաղկանց իբրեւ յաղթանակ , և 'ի միջի նոցա գրեալ
զթուական տարւոյն (1777) , որ յայտ առնէ զժամանակ
տիրապետութեան նոցին : Այսոքիկ քարինք կան մնան
մինչեւ զայսօր ժամանակի 'ի գերեզմանատան անդ :

Գ Լ Ո Ւ Խ Ժ Գ .

Այրն բաւանից : Կանանկան բանք : Նուիրակունք Յովակիմայ և մահ
նորին : Նկզութիւն գատաւորին վասն թողելոյ զմարմին նորս
'ի Ս . Փրկիչ :

Ն ԱՅՔ մինչդեռ զբաղեալ կային զգատատանսու գերեզմանատան
իւրեանց , Լատինք փութացին յարձուցանել զայլ իմն
գէճ եւս . քանզի 'ի սմին ժամանակի ձեռն արկեալ
փոխեցին զգուռն Բառասնից Այրին , զոր Լատինք
կուսակցի կոչեն , արտաքոյ գիւղին Բեթղէհէմի . փակեցին
զհին գուռն և բացին զայլ իմն նոր գուռ , և հաստատեցին
զայն փականօք , և զարդարեցին զայրն կանթեղօք ,
պատկերօք և այլ եկեղեցական սպասուք , և կամէին
տիրել այնմ միայնակ . լուեալ գատաւորին Երուսաղէմի

փութաց անդր , և ժողովեալ զայլազգիւս և զքրիստոնէայս
զեզջն՝ հարցանէցնոսա զվարդն , և նօքա ասեն . Այրն
ուխտաանդի է Հայոց , Յունաց և Լատինաց և այլ ամենայն
քրիստոնէից , և պատուի 'ի նոցանէ և աղօթեն անդ . և
'ի նախընթաց ամին մուծան սպասքս այսոքիկ եւ եղան
յիւրաքանչիւր տեղիս , եւ փոխեցաւ դուռն : Յայնժամ
հրամայեաց դատաւորն Լատինաց հանել անտի արտաքս
զամենայն կարասիս զոր մուծին . փակել զնոր դուռն եւ
բանալ զհինն , և թողուլ զԱյրն յառաջին վիճակի իւրում ,
ուխտատեղի ամենայն քրիստոնէից եւ մի՛ սեփհականել
զայն և եթ ազգի միոյ , որ և արարին իսկ , 1194 (1776) :

Իսկ Չաքարիւ Պատրիարք Կաղզվանցի , որ նստէր 'ի
Կոստանդինուպօլիս , կամելով բառնալ զտրտունջ միտրա-
նայ եւ զգայթակղութիւն հասարակութեան , խորհրդով
և հաճութեամբ զխաւորաց ազգին գրեաց զեօթն գլուխս
բանից իբր կանոն , վասն բարեօք կառավարութեան Աթո-
ռոյն Երուսաղէմի , որ ձենէր օրինակ զայս :

Մեծի արքայանիստ քաղաքիս Կոստանդինուպօլսոյ Պատրիարքս
հանդերձ ի յիսանօք և գրեթէ համայն ազգօք , 'ի թուին
Հայոց 1240 (1791) 'ի 23 Յունիս ամսոյ , 'ի միտսին
հաւաքեալ համախոհ և համակամ հաճութեամբ զայսոսիկ
կանոնս հաստատեցաք վասն բարեպէս կառավարութեան
Ս . Երուսաղէմի առ 'ի գերժուցանելոյ զայն Ս . Աթուռն 'ի
բամբասանաց :

Նուի՛ Պատրիարքն զվեց նաղըրս ունիցի ինքեան օգնական
որոց այժմ անուանքն են , Սարգիս եպիսկոպոս Կուզիկեան ,
Աւետիք եպիսկոպոս , Չաքարիա , Կարապետ , Պետրոս
եպիսկոպոսունք , Մարտիրոս վարդապետ , և զամենայն
ինչ ժողովեալ հաւաքեցեն թէ 'ի գարպասական ողորմութենէ
և թէ յայլոց . սոյն հարազատ գործակալքն՝ թուով և տումարաւ
դիցեն յարկղն երկաթի , և զբանալին ինքեանք պահեցեն ,
և մի տումար եւս Պատրիարքն ունիցի . երբ պիտոյ լիցի
գործակալքն ըստ բաւականին հանցեն զգրամն 'ի
մատակարարութիւն Ս . Տանն մինչ 'ի վերջ տարւոյն .
և 'ի տարեգլխոյն մեծաւորն կոչեսցէ զգործակալքն և
պահանջեսցէ 'ի նոցանէ զհաշիւ բոլոր տարւոյն ,
և նօքա տացեն : Պատրիարքն նորեկ սպասաւոր

մի՛ առցէ՛ , այլ 'ի հին միտքանայ զորն եւ կամիցի , թէ 'ի սպասաւորացն վարդապետաց եւ թէ յայլոց գործակալաց , նոյնպէս կուսարարն եւ Զուխածին . զի մեծամեծ վնաս կրեալ է յայսպիսեաց Ս . Վանքն եւ երեւի կրել , Պատրիարքն եթէ կամիցի շինութիւն կամ նորոգութիւն տանել , խորհրդով գործակալաց արացցէ . զի մի՛ յետոյ բամբասանաց տեղի լինիցի :

Երբեք , զոր ինչ տացեն Զուխածի կոչեցելոյն՝ տու մարաւ լիցի , մի տու մար յարկիլն պահեսցի եւ մի տու մար առ Զուխածին . եւ 'ի կատարել տարւոյն հաշիւն տեսցի , եւ Զուխածին զոր ինչ տացէ , գրեացէ , եւ տանց հարցանելոյ գործակալաց ումեք ինչ մի՛ տացէ . զի մի՛ յետոյ բամբասանս կրեսցէ :

Երբեք , Պատրիարքն առանց գիտութեան նազրաց միտքան մի՛ առցէ . նոյնպէս եւ այլք առանց գիտութեան Պատրիարքին , եւ առանց գիտութեան միմեանց մի զոք արտաքսեսցեն եւ կամ աքորրեսցեն :

Զորբոք , 'ի մէջ վանաց եւ արտաքոյ գործակալ կարգել եւ նստելակ կացուցանել գիտութեամբ խորհրդականաց լիցի ըստ պատշաճին , եւ մի՛ ըստ ոմանց ակորթակայ :

Հիշեցորդ , Ս . Պատրիարքն զիւրոն եւ զհաստրակսն մի՛ որոշեացէ նախանձ արկանելով 'ի մէջ միարանաց եւ տեղի տալ արտնջանաց եւ բամբասանաց . զի վերսոյցի իմն եւ քոյն :

Վեցեբոք , 'ի մեռելոց որ ինչ 'ի Զուխածին տուեալ լինի , ըստ հաճոցից իւրոց մի՛ անօրինեացէ . այլ կամօք եւ գիտութեամբ խորհրդականաց ըստ պատշաճին , եւ մի՛ ոք յափշտակեացէ ըստ հաճոցից իւրոց :

Երբեք , Ս . Պատրիարքն բաց 'ի հասարակ ծախուց՝ վան Պատրիարքարանին , զոր ինչ ծախեսցէ գրով նշանակեացէ , եւ ձեռամբ խորհրդականաց հասարակաց արկղէն առցէ . եւ թէ ում եւ իցէ պարգեւ ինչ տացէ՝ զայն եւս գիտութեամբ 'ի հասարակ հաշիւն համարեսցէ եւ անտի առցէ , ում եւ երբ տուեալ է , նշանակեացէ . եւ 'ի կատարել տարւոյն քննութիւն լիցի տու մարաց , եւ Ս . Պատրիարքն վրէժխնդիր լիցի . եւ ինքն տացէ զհաշիւ կոնդակադրամոց եւ այլոց , եւ յայլ գործակալաց պահանջեացէ , եւ մի՛ ոք ընդդիմացցի Ս . Պատրիարքին :

Ապա վան հաստատութեան սոյն օղտակար կանոնաց , մեք Պատրիարքս , իշխանապետքս եւ իշխանքս , վան հաստատութեան Ս . ցանկալի Աթոռոյն Երուսաղէմի , եւ գործակալութեան միաբան եղբարց եւ մանաւանդ հանգըստութեան Ս . Պատրիարքի , համակամ գրեալ զայս կանոնական գիրս յատուկ կնքով մերով կնքեցաք , եւ տուեալ 'ի ձեռս հարազատ եւ հաւատարիմ (՝) ահա առաքեցաք 'ի գլխաց մերոց խօսիլ եւ զմիտս մեր այսու գրովս հանդերձ յառաջացուցանել եւ հաստատել , եւ որպէս զայս գիր 'ի մէնջ , նոյնպէս եւ այլր աներկբայ հաստատութեան կանոնական բանիցս՝ Ս . Պատրիարքն , եպիսկոպոսունք եւ միաբան եղբարք 'ի միասին , զմի հաստատ հանրագիր կնքով ձերով առնուլ 'ի նոցանէ եւ աստ առ մեզ առաքել . յետ որոյ եւ մեք զոր ինչ պատշաճն է այնպէս հոգասցուք յետ որոյ եւ մեք զոր ինչ պատշաճն . ուստի վան հաստատութեան անօրինմամբն Աստուծոյ . ուստի վան հաստատութեան բանիցս , եւ շքեղութեան ցանկալի Ս . Աթոռոյդ գրեցաք եւ կնքեցաք զայս կանոնապետօք եւ իշխանօք : Եւ ընդ կանոնական բանիցս այսոցիկ , գրեցին նաեւ զիր յորդորանաց առ Յովակիմ Պատրիարք եւ առ համօրէն միաբանս Աթոռոյն , տքնիլ եւ աշխատիլ արթնութեամբ վան հաստատութեան միաբանք , կալ մնալ միաբան օիրով եւ խաղաղութեամբ ընդ միմեանս . ունիլ ժողովական Պատրիարքին յուշիմ ձերունի եւ 'ի փորձառու արանց , որք տեղեակք են հանգըստանաց Աթոռոյն եւ հմուտ անցիցն անցելոց , որպէս յաւուրս Գրիգորի եւ Թէոդորոսի , նոյնպէս եւ խորհրդականաց միաբան օիրով եւ հաւատարիմ վաստակիլ 'ի գործ վանաց , հեռացեալ յինքնակամ հաճութենէ , յետականութենէ , եւ 'ի կոսակցութենէ , յուրախութիւն ազգին եւ 'ի պայծառութիւն Աթոռոյն : Եւ 'ի կատարել նոցա զինդիրս , ինքեանք եւս խոստանային յամենայնի ձեռնտու եւ օգնական լինել գործոց Աթոռոյն . զայս գիր եւս ձեռնարկեալ կընքեցին անձինք իբր ԼԿ , եւ առաքեցին ընդ կանոնական բա-

(՝) Յովաննիսի սրբուն :

նից 'ի ձեռն երկուց արանց : Որոց հասեալ յերուսաղէմ
 փրով ընկալեալ Էղեն 'ի Պատրիարքէն եւ 'ի միաբանաց :
 և սիրով ունկնդիր եղեն բանից արգին : այլ և խոտառացան
 կատարել զբովանդակն համոնական բանից հետ զհետէ :
 նոյն ժամայն սահմանեցին արկղ, ուր ունէր հաւաքիլ ա-
 մենայն արդիւնք վանաց , և զբանալի նորին յանձն արա-
 բին Մարտիրոս վարդապետի , և տուժարակալ կարգեցին
 զլուսարար Պետրոս եպիսկոպոսն . տեսին եւս զհաշիւ Զու-
 խանուոյն եւ կարգաւորեցին զբործ նորին ըստ կանոնին ,
 եւ զայլս թողին դործադրել ըստ պիտոյից ժամանակին ,
 եւ խոտառացան վճարել զպարտս Աթոռոյն օգնութեամբ
 արգին : Եւ վասն այսր ամենայնի գրեցին գիր գոհունա-
 կութեան , ուր ձեռնարկեալ կնքեցին ամենեքեան , և ա-
 ռաքեցին 'ի Կոստանդինուպօլլս . գրեցին նաեւ պաաղա-
 մաւորքն բացատրելով զհանգամանս դործոյն և զԱթոռոյն :
 Թէպէտեւ կարգաւորեցին զնեքքին կառավարութիւն Աթո-
 ռոյն այսպիսի եղանակաւ , սակայն տաղնապ մեծ էր Պատ-
 րիարքին և խորհրդականաց յերեսաց դառնութեան ժա-
 մանակին : զի հարկ անհրաժեշտ կայր 'ի վերայ հատուցա-
 նել զսահմանեալ տարեկան տուրս այլազգեաց , եւ ար-
 դիւնք ուխտաւորաց ժամանակին չէին բաւական հողալ
 զպէտս Աթոռոյն , որոյ վասն առաքեաց զնուիրակս յայլ
 եւ այլ գաւառս ըստ նախնի սովորութեան : Եւ 'ի սմին
 ժամանակի վախճանեցաւ Կարտաղեւ վարդապետ Նուիրակն
 Երուսաղէմի 'ի քաղաքն յԱթոռերսան : Ըսեալ զայս Յու-
 վակիմ Պատրիարքի գրեաց գիր խնդրանօք առ Կայսրու-
 հին Ռուսաց Կատարինէ , շնորհել գիր հրամանի անկա-
 կած չրջիլ Նուիրակաց Երուսաղէմի յամենայն քաղաքս և
 յաւանս յայլտարհին Ռուսաց , յորս բնակին յազգէն Հայոց
 եւ ժողովել զկամաւոր նուէրս նոցա 'ի նպատ վանօրէից
 և վանականացն Հայոց եղելոց յԵրուսաղէմ . եւ պատրաս-
 տեաց Կայսրուհւոյն ընծայ արտուական Սաշ ոսկի զար-
 դարեալ պատուական ակամբք : յորում էր և մասն ինչ
 'ի Կենաց վայոյն : այս Սաշ մնացեալ էր 'ի Գրիգոր Շըղ-
 Թայակիր Պատրիարքէ : Գրեաց նաեւ գիր օրհնութեան
 առ Եղիազար Հայ իշխանադուն , լինիլ միջնորդ առ Կայս-
 րուհին 'ի կատարումն խնդրոյ իւրոյ : Զայսոսիկ գրեանս

և զընծայն յանձն արար Մովսէս և Վարդան վարդապե-
 տաց , եւ առաքեաց զնոսա յայլտարհն Ռուսաց : Գրեաց
 նաեւ գիր օրհնութեան հանդերձ ընծայլաք առ Թագա-
 ւորն Վրաց Հերակլ , յորում խնդրէր խնամ տանել նուի-
 րակացն Երուսաղէմի 'ի մայրաքաղաքն Տփլիսս և 'ի սահ-
 մանս նորս , զորս պատասխանն ընկալաւ :
 Եւս այսր ամենայնի և անցանկոյ ամաց ինչ հիւան-
 դացաւ Յովակիմ Պատրիարք և անկաւ 'ի մահիւնս և չգը-
 տեալ դարման ցաւոցն վախճանեցաւ , յամի Տեանն 1793
 'ի 23 Սեպտեմբերի յաւուր տօնի Վարդապայ Ս . Սաշի . եւ
 յաւուրն երկրորդի ըստ իւրումն արժանաւորութեան թա-
 զեցաւ հանդիսիւ 'ի վանս Ս . Փրկչի ըստ սովորութեան
 'ի կարգս Պատրիարքաց , վարեալ զիշխանութիւն Պատրի-
 արքութեան Աթոռոյն Երուսաղէմի ամս 18 , բազում վըշ-
 տօք և տառապանօք յերեսաց դառնութեան ժամանակին .
 յաւուրս սորս չնչմարի այլ երեւեքի դէպք ինչ ընդ օ-
 տարս , բաց 'ի խնդրոյ գերեզմանատան ընդ Լատինս : այլ
 միայն զբաղեալ 'ի յանձանձանս վանական իրաց , և փոյթ
 ընդունել զիոխանակադիրս Բդեշխից , դատաւորաց , մաք-
 սապետաց և այլոց 'ի հատուցանել 'ի Կոստանդինուպօլլս ,
 որոց վասն կրեաց բազում նեղութիւնս և աղքատութիւնս ,
 մանաւանդ 'ի հատուցանել զտարեկան սահմանեալ հարկս
 Կուսակալացն Գամակոսի եւ այլազգեացն Երուսաղէմի :
 Եւ այս տագնապ և դառնութիւն չէր միայն 'ի վերայ Հա-
 յոց , այլ նաեւ 'ի վերայ Յունաց եւ Լատինաց : զի Հայք
 պարտաւորեալ էին միշտ առ երկիւղի ընթացակից լինել
 նոցա , զի մի վտանգեացին , որպէս երբեմն պատահեալ է-
 թէպէտ տառապանօք և աղքատութեամբ , որպէս է տե-
 սանել 'ի բովանդակ նամականիս Յովակիմ Պատրիարքի ,
 գրեալ առ ազգայինս Կոստանդինուպօլլոյ , յորս ստէպ
 խնդրէր հնարել սակաւ ինչ դիւրութիւն նեղութեանցն :
 Ասի զամանէ իբրեւ անդիր աւանդութիւն՝ թէ 'ի յե-
 տին ամս Պատրիարքութեան իւրոյ կացին աչքն 'ի տեսա-
 նելոյ ամս իբրեւ 7 . և այս յայտնի եւս տեսանի 'ի ստա-
 րագրութեան նամակացն : Ընտիր եւ պատուական է յե-
 կեղեցական անօթս Ս . Յակոբայ սորին եպիսկոպոսական
 Թագն հանդերձ վակասիւ , հեռեալ մարդարտով և զար-

դարեակ պատուական ակամբք եւ այլ անօթք շինեալ յաւուրս սորա :

Իսկ յաղագս թողելոյ զմարմին Յովակիմայ 'ի Բրիտանոս հանգուցելոյ 'ի վանս Ս. Փրկչի, կրեցին միաբանք ոչ սակաւ ներութիւնս . զի դատաւոր քաղաքին արգել զայն և ոչ ետ թոյլ թաղել զնա անդ . մինչեւ բազում աղաչանօք հազիւ ուրեմն կարացին հաճել զվիտս նորա խոստանալով հատուցանել նմա ինն քսակս արծաթոյ . 'ի վերայ այսր զիջաւ 'ի բարկութենէ, և ապա հրամայեաց թաղել զնա :

Գ Լ Ո Ւ Խ Ժ Դ .

Րնտութիւն Պետրոս Եպիսկոպոսիս Գունայանք Ս. Յարութեան : Կառնաւորաց : Մարտապետ Յողովի : Այլապիք Երուսաղէմի : Կառնապաղէ Գամակոսի : Գիւղական Յելաճք : Մարտապետ Յողովի :

ՉԿՆԻ վասնանի Յովակիմ Պատրիարքի և անցանելոյ աւուրց ինչ 'ի վերայ, ժողովեցան միաբանք յեկեղեցի Ս. Յակոբայ, ուր հաճութեամբ և խորհրդով ամենեցուն ընտրեցին զՏէր Պետրոս Արք եպիսկոպոսն Եւզոկիացի, որ էր Լուսարար կամ Փակակալ տաճարի Ս. Յակոբայ, լինել Պատրիարք Աթոռոյն Երուսաղէմի . թէպէտ նա բազմիցս հրաժարեցաւ, անբաւական համարելով զինքն այնմ ծանր և դժուար պաշտօնին, այլ 'ի վերջոյ զիջեալ 'ի թախանձանս միաբան եղբարց յանձն առ, որպէս գրէ նա ինքն Պետրոս առ Պատրիարքն Բիւզանդիոյ . « Իրտելով առէ զներքին և զարտաքին զանտանելի ցաւս Ս. Աթոռոյն, զանի հարեալ եմ և դողամ . ոչ այնքան սարսեցին երեք մանկունքն 'ի Բարեւրնեան հնոցէն, որքան ես 'ի պաշտօնէս յայսմանէ . զի նոքա աներկիւղ դիմեցին 'ի հուրն յուսացեալ 'ի սրտութիւն անձանց իւրեանց, իսկ ինձ չիք վատահոթիւն 'ի տեսականս և 'ի գործնականս . աղաչեմ չհօսիլ յերեսս մարդոյ, այլ արժանաւորութիւն անձին . գիտէ Տէր զի 'ի հարկեցուցիչ բանից միաբանաց ետու հաւանութիւն, և ոչ ներքին յոժարութեամբ . զի հրա-

յեալ զգետ և փշեայ պսակ համարիմ, և ոչ փառս, որոյ վասն կրկին աղաչեմ, ճանաչել զօգուտն Ս. Աթոռոյն և այնպէս անօրինել » :

Յետ այնորիկ հինգ եպիսկոպոսունք գնացին առ ձերունագարդ Մարտիրոս վարդապետն, որ անկեալ դնէր 'ի մահիճս . այր հանձարեղ և խոհեմ, տեղեակ ամենայն գործոց Աթոռոյն և տաճկական դպրութեան . զի տեսեալ իսկ էր նորա զվասնան և զնորոգումն Պատրիարքաց ոմանց և յայտ արարին նմա զընտրութիւն Պետրոսի իրրեւ հրմուտ և տեղեակ բովանդակ գործոց Աթոռոյն, սնեալ և վարժեալ 'ի նոսա 'ի մանկութենէ իւրմէ, զի մի մասնեացի ասեն՝ այս իշխանութիւն 'ի ձեռս անխոհեմաց ոմանց, և տապալեցի բարեկարգութիւնք տանն, և մեք լիցուք առիթ բազմապատիկ վնասուց և անդարմանելի ծախուց, որպէս լեալ է երբեմն զնոյն և ամենայն միաբանք կրկնէին և նորա հաճեալ 'ի բարի խորհուրդս նոցա, գրեաց և ինքն գիր առ Պատրիարքն, և զկնի այսմ գրեցին և ինքեանք գիր հանրական՝ յոր ձեռնարկեալ կնքեցին ամենեքեան, և թախանձանօք խնդրէին 'ի Պատրիարքէն և 'ի զվաստութեաց ազգին հաճիլ ընդ ընտրութիւնս իւրեանց, և զՓակակալ Պետրոս Եպիսկոպոսն ճանաչել Պատրիարք Ս. Աթոռոյն Երուսաղէմի, և փութալ հանել զհրովարտակն յարքունուտ յանուն նորա . զայստիկ գրեանս առաքեցին 'ի ձեռն Մելքոն վարդապետի : Ի ժամանել թղթոցն 'ի Բիւզանդիոն՝ Պատրիարքն և իշխանաւորք ազգին ետուն հաւանութիւն ընդ ընտրութիւն Պետրոսի, և առին հրովարտակ յԱրքայէ՝ գրեալ ՎԿ և առաքեցին զայն յերուսաղէմ, և Պետրոս Եպիսկոպոս նստաւ յԱթոռ Պատրիարքութեան Երուսաղէմի (1794) 'ի 14 Փետրվարի) յաւուր տօնի Բառամանօրեայ դալստեան Տեառն 'ի Տաճարն, Արարացիք և այլազգիք Երուսաղէմի այսպիսի դիպաց և առթի սպասէին . զի սովորութիւն էր 'ի նստիլ նոր Պատրիարքի ընդունիլ պարգեւս, որոյ վասն առհասարակ դիմեցին 'ի վերայ նորա՝ և նա բաժանեաց ըստ իւրաքանչիւր արժանաւորութեան, մինչեւ հասանիլ գումար դրամոցն 20,000 դահեկան, բայց կարի դժուարին եղև հաճել զկամս քսիզաբապետին, դատաւորին և սյւրց :

Գունասօրանք տաճարին Ս. Յարութեան՝ մոռացեալ ըզ-
 չաի սահմանին, բռնացեալ էին ՚ի վերայ ուխտաւորաց և
 միարանայ երկի վանօրէից, զի բաց ՚ի սահմանեալ մէն մի
 փարայից պահանջէին և զայլ իրս, երբեմն յայտնի և եր-
 բեմն ՚ի ծածուկ, եւ երբեմն բաղմութեամբ եկեալ կանգ-
 նէին ՚ի դուռն Ս. Գերեզմանին, և երբեմն ելեալ շրջէին
 ՚ի սենեակս ուխտաւորաց. նեղեալ յայսպիսի անկարգու-
 թեանց՝ միարանեալ երկի վանօրէից գրեցին ՚ի Կոստան-
 դինուպօլիս խափանել զանվայել գործս նոցին:

Յայտնի է թէ, որպէս գրեցաք ՚ի նախընթաց գլուխն,
 յաւուրս Յովակիմ Պատրիարքի, ազգայինք Բիւզանդիոյ
 առաքեալ էին կանոնական գիրս ինչ՝ վարիլ նովա Պատ-
 րիարքին և խորհրդականաց, և ՚ի նմին ժամանակի ըն-
 կալեալ և կնքեալ էին զայն:

Իսկ այժմ վերստին գրեցին ազգայինք չխափանել ըզ-
 կանոնն զայն, նմին իրի և Պետրոս Եպիսկոպոս եւս ըն-
 կալաւ զայն, և եգ զկնիք իւր ՚ի ներքոյ կնքոյ Յովակի-
 մայ, և սահմանեաց վարիլ ըստ տրամադրութեան նորին
 ինքն և խորհրդականք իւր. և բաց յայսմանէ կարգաւո-
 րեաց զառեմարս՝ կարգաւ գրել անդ զԵրաքանչիւր տար-
 ւոյ գելա և զմուտս Ս. Աթուոյն, և բոլոր գործակալաց
 և նուիրակաց, և ժողովել զամենայն արգելնս ՚ի մի արկղ՝
 զոր կոչէին Օւթայէ անուկ՝ մինչև ցժամուց Պատրիարքին:

Պետրոս Եպիսկոպոս խնդրեաց յազգայնոց Կոստանդի-
 նուպօլտոյ նորոգել զկանոնն զայն, եւ բացորոշ գրել ՚ի
 նմա զանուանս Խորհրդականաց:

Այլազգիք Պրուսայ քաղաքի քակեցին զեկեղեցին Հա-
 յոց՝ և Արքայ հրամայեաց վերստին շինել զայն, և բառ-
 նալ զգլուխս ոմանց երեւելի այլազգեաց տեղւոյն:

Յովակի Եպիսկոպոս երկայնաբաղուկ Արղութեանց
 խնդրեաց յերուսաղէմի գաղատութիւնս և զանուանս ա-
 ռաջին Պատրիարքաց, բայց ոչ ոք ՚ի միարանաց փոյթ կա-
 լաւ. հետագօտել և առաքել զայն:

Յաւուրս Պետրոսի զարդարեցաւ յախճապակեայ (չինի)
 չինուածովք որմք եկեղեցոյ Ս. Էջմիածնի, ՚ի յիշատակ
 Կեսարացի Պաշտօնիւրկեանեան Յովհաննէսի եւ յետ սորս
 սկիզբն եղև եկեղեցոյն Ս. Հրեշտակապետի, Մանուս

գանկատէր Պետրոս Պատրիարք վասն Իւսկիւտարի վա-
 նաց, որոյ տարապայման ծախքն ՚ի Ս. Աթուոյն կլանէր,
 (1794):

Առաջատաւոր նաև ուխտաւորաց Հայոց ՚ի Չմիւս-
 նիոյ՝ յորում էին ոգիք իրրեւ 60, եհաս ՚ի Շամ Թա-
 րապուլուս՝ յ2 Յունվարի, եւ ՚ի սաստիկ ալէկոծութենէ
 ծովուն խզեցաւ պարան, և մրրիկն ընկեց գնաւն ՚ի ցումաք
 հեւի ՚ի քաղաքէն ժամս 9 և խորտակեցաւ, և մեռան ան-
 ձինք 8. և ամենայն ինչ որք էին ՚ի նաւին՝ կորեան, և
 ոգիք 32 ապրեալք ՚ի ծովէ, տարակուսեալ թափառէին
 ՚ի Թարապուլուս քաղաքի. լուեալ զայս Պետրոս Պատրի-
 արքի՝ առաքեաց անդ զարս ոմանս, և ժողովեալ սփո-
 փեաց և ետ բերել զնոսս յերուսաղէմ, հոգալով զամե-
 նայն պէտս նոցին, մինչ ՚ի վերագարծ յերկիր Իւրեանց:

Գլխաւորք երկի վանօրէից միաբան խորհրդով գրեցին
 ՚ի Կոստանդինուպօլիս, Լատինք առ Դեսպանն Գաղղիոյ,
 Հայք և Յոյնք առ Պատրիարքունս և առ գործակաւտարս
 Իւրեանց. զի ժողովեցին առ Դեսպանն եւ միարանու-
 թեամբ խնդրեցեն Ռատոսյի յԱհմէտ ազգայէ՝ հանել հրո-
 վարտակ և առաքել առ մտերիմն իւր Մաքսապետն Յուլ-
 պէյի՝ Ալի աղա, զի ծախիւք երկի ազգաց և ձեռամբ
 րին շինեսցի երկաթապատ արտաքին մեծ դուռն տաճա-
 րին Ս. Յարութեան, զի այնպէս միարանեալ և սահմա-
 նեալ էին յառաջագոյն ՚ի միջի Իւրեանց, զի դուռն գո-
 լով փայտեայ էր հնացեալ և յառաջագոյն թշնամիք ոմանք
 հուր եգեալ էին ՚ի գիշերի առ ՚ի այրել զնա, այլ իմա-
 ցեալ քրիստոնէից փութանակի շիջուցին զայն:

Այլազգիք Երուսաղէմի և մանաւանդ Սիոնի, ոչ միայն
 բռնացեալ ՚ի վերայ վանօրէից պէսպէս տառապանօք նե-
 զէին զնոսս, այլ բողոժմ անգամ դիմեալ ՚ի Բիւզանդիոն
 բողոք բառնային ՚ի Դուռն և բարրանօք զըպարտէին ըզ-
 վանականս Երուսաղէմի, և առեալ հրովարտակ ինչ եկեալ
 բռնանային ՚ի վերայ նոցա, և տային վնաս և նեղութիւն,
 որոց յերեսաց տաղտիցեալ՝ միարանութեամբ գրեցին
 գլխաւորք երկի վանօրէից ՚ի Կոստանդինուպօլիս առ գոր-
 ծակատարս Իւրեանց՝ դարման տանել իրոց, և կամ հա-
 նել հրովարտակ առ ՚ի զսպել զսպիրատութիւնս նոցա:

Կուսակալն Դամասկոսի առաքեաց զօրս ոմանս և կալաւ զՄիւսէլիմն Ռէմէլի և Լիւզիւս, և զՅոյն գրադիրն՝ և ետ տանել զնոսա յԱքքէ, ուր կապանօք եղին ՚ի բանտի: Դարձեալ առաքեաց զօրս ՚ի Յուպլէ և ետ փակել զգրուես քաղաքին, և եթող զմի դուռն բաց յել և մուտ բնակչաց, և ևարգեաց անդ պահտպան զինուորս հսկել զցայդ և զցերեկ, թէպէտ եւ պատճառն անգլտելի բազմաց, բայց շարժումն Գաղղիոյ հասեալ էր յախանջս նոցա (1798):

Ի ժամանել կուսակալին Դամասկոսի յերուսաղէմ, էառ զսահմանեալ տուրս յիւրաքանչիւր վանաց 26,500 դահեկան՝ բաց յընծայից: Սակայն գիւղականք Բեթհէղէմի և այլոց աստտմբեալ չետուն նմա զիրս ինչ, և ևա էառ զբաժինս նոցա յերից վանաց 12,000 դահեկան և մեկնեցաւ: Իսկ դատաւոր քաղաքին առեալ էր բազում ինչ ՚ի վանօրէից: Լատինք բողոք բարձին ՚ի Դուռն, և ևերին հրովարտակ՝ և առաքեցին զայն առ կուսակալն Դամասկոսի, և ևետս պահանջին զսր ինչ ետուն դատաւորին: Թէպէտեւ Հայք և և բազում անգամ յսլտ արարին ըզգրկանս և զբառն աղքատութիւնս իւրեանց առ ալգայիւս կոստանդինուպոլսոյ, զի հնարս հնարեցեն թեթեւացուցանել սակաւ ինչ զծանրութիւն բեռին, այլ չեղեւ ինչ հնար: Ի սմին ժամանակի պատահեցաւ երկրաշարժ ՚ի Բերիա և բազումք մեռան ընդ փլատակօք, և աստուածասատ բարկութիւնն և հաս մինչեւ ՚ի Շամ Թարապուլուս (1796 ՚ի 20 Ապրիլի):

Իսկ կուսակալն Դամասկոսի ՚ի գալ իւրում ՚ի Պաղեստին յայսմ ամի, կալաւ զոմանս ՚ի գիւղական Ֆէլլահից, որք ապստամբեալ էին և արկ զնոսա ՚ի տուգանս, և էառ ՚ի նոցանէ յոմանց 6 և յոմանց 7-8 քսակս դրամոց՝ և արձակեաց զնոսա: Եւ իբրեւ մեկնեցաւ նա ՚ի սահմանացն երուսաղէմի՝ սքա յարեան ամենեքեան ՚ի տեղեղէ իւրեանց և ևիարանեալ կալան զանցս ճանապարհաց ծովու և ցամաքի, և սչ տային թոյլ ումեք անցանել ընդ այնս: չէր ինչ փոյթ զայսցանէ քաղաքապետին և դատաւորին, մինչեւ վճարեցին վանօրայք զըրամս նոցա՝ զսր էառ կուսակալն, և բարձին զսոչն ՚ի ճանապարհաց (1797):

Մաքսապետն Իպրահիմ Ալա, որ նստէր ՚ի Յուպլէ, գրեաց յերուսաղէմ առ միարանս Հայոց եւ Յունաց, ընդունել երկաքանչիւրոց 50 քսակ փոլիցա, և փութով տալ փոխանակագիր: Յոյնք անյապաղ կատարեցին զհրաման նորին, և ետուն գիր 50 քսակի: Իսկ Հայք ոչ ընկալան զայն, և աղերսագրով դարձուցին յետս, առաջի եղեալ զանբաւականութիւն իւրեանց: զի ազգայինք կոստանդինուպոլսոյ ճանճրացեալ յերեսաց փոխանակագրոց, պատուիրեալ էին չընդունել այլ և ևս: Սակայն մաքսապետն առանց բանալոյ զգիրն դարձոյց յետս: Հայք վերստին առաքեցին զայն առ նա ՚ի ձեռն բարեկամի միոյ: Եւ նորա տուեալ զգիրն լի բարկութեամբ և ցամամբ մեծաւ ընկէց արտաքս, և նախատական բանիւք անարգեաց զազգն ուղջոյն, և եղ ՚ի բանտի զտեսուչն վանաց Յուպլէի զՎազար վարդապետ, սպառնացեալ նմա տալ ըմպել զհարուածս դաւաղանաց 1000, և նորա երկուցեալ անկաւ անդ սրբատարեկ: Իսկ ոմանք յայլազգեաց իբր բարեկամ գրեցին գիր յորդորական, և եղին ՚ի նմա զգիրն զայն և և առաքեցին յերուսաղէմ՝ հարկագրելով զմիաբանս ընդունիլ և տալ զփոխանակագիրն: զի եթէ ոչ կամիք ապեն, ունին մատուցանել իրատուց մերոց: անպարտ եմք ասպազայ չարեացն, որք ունին հասանիլ ՚ի գլուխս ձեր: Գրեաց առանձին և Ղազար վարդապետ զամենայն անցս, զոր անցոյց ընդ նա մաքսապետն: Այլ միարանք Հայոց գրեցին գիր և ընդ նմին առաքեցին զայնոսիկ գրեանս ՚ի կոստանդինուպոլսի ՚ի ձեռն սուրհանդակի, զի թերեւս կարասցեն դատանել անախ օգնութիւն (1798):

Գ Լ Ո Ւ Խ Ժ Ե .

Համբաւ Գաղղեական զօրաց : Գղղեամն Արարիոյ . Վրդովանն այլազ
դեաց և զհեռուրիւ նոցա : Նեղութիւն քրիստոնէից : Սոսկալն տառա-
պանք վանականաց : Բանաստեղծիւն միաբանաց : Եւ իտաւուրաց և ժո-
ղովոց քաղաքին : Տիրել Գաղղեացուց Յողղեկ և Գաղղի :

ՄԵՆՆ նարդիոն Պնաբարդ կոչեցեալ, բազմութեամբ
Գաղղիական Լեզեօնաց եւ 200 սրտերաղմական նաւուք
դիմեաց 'ի սահմանս Եգիպտոսի, և յետ արիւնահեղ պա-
տերազմին Ապուքիրայ, եմուտ յԱղէքսանդրիա, (1798
յ30 Յունիսի) : Այս լուր անակնկալ ահաբեկեալ գղղեաց
զերկիրն Պաղեստինոյ . զի առէին թէ ոչ երբէք զերծանի
'ի ձեռաց նորա բովանդակ երկիրն Արարիոյ : Մահմետա-
կան ժողովուրդք բնակեալ յերուսաղէմ և 'ի սահմանս նո-
րա, խաճապեալ տաղնապեցան իրբեւ 'ի վերահաս վտան-
գէ մեծէ, և միաբանեալ ամենեքեան զվմեցին 'ի քաղաքն
Ս : և ժողովեցան բազմութիւն մեծ, և կողմեցան կացին
իրբեւ անոցեան ընդդէմ հեռաւոր թշնամոյ : Սակայն
խժգժութիւն բնատուր բարուց նոցին, գրդգէր զնոսա
ընդդէմ անդէն քրիստոնէից բնակելոց յերուսաղէմ և 'ի
սահմանս նորա, և թափել 'ի վերայ նոցա զցատունս սրտ-
մտութեան իւրեանց :

Եւ սկիզբն արարին դործելոյ զանհնարին չարիս և զան-
լսելի դառնութիւնս, զորս անկարելի լինի մի ըստ միոջէ
դրոշմել 'ի գիր . զի առ զայրոյթ սրտի իւրեանց սպառ-
նային 'ի մի ումայ կլանել զքրիստոնէայս, և կամ 'ի մի հա-
րուած սուսերի ջնջել և բառնալ 'ի միջոյ և պատահիլ ճոխ
աւարի եկեղեցեաց և վանօրէից . զի առաւել կասկած տի-
րեալ էր 'ի սիրտս նոցա, իրբեւ թէ քրիստոնէայք և վա-
նականք Ս . Քաղաքին, գոլով կրօնակից նաբոլիոնի, հա-
մախոհ են և դրդիչ նմին : Յետ այնորիկ զլսաւորք սյ-
լազդեացն Երուսաղէմի ժողովեցան 'ի դատարանի, և զկնի
խորհրդոյ, կոչեցին անդ զԹարգմանս երկից վանաց, և
պատուիրեցին նոցա ժողովել և բերել զզէնս, որք միան-
գամ զտանին 'ի վանօրայս, և ոչ թաղուցանել . զի ահա

եղանեմք ասեն, որոնել և քննել զամենայն տեղիս ձեր,
առ ով դտանիցի՝ եղիցի սրարաւոր արեան իւրոյ : Իսկ
նոքա զոր միանգամ գտին 'ի վանս, ժողովեալ առաքեցին
առ նոսա : Եւ քաղաքատեոն խաւար մի վառեալ զօրօք
զնացեալ էառ դրանալիս Յոյն և Լատին վանաց . ապա
եկեալ էառ և զՀայոցն, և եղ առաջի դրան պահապանս
'ի զինուորաց իւրոց զարս 20 . և դուռն վանաց մնաց բաց
զտիւ և զգիշեր, և զինեալ խաթամուժ ամբոխն անդա-
դար և անարգել մտանէին և ելանէին, և հասուցանէին
մահարեք վիշտս և զնեղութիւնս միաբանաց : Եւ 'ի պատ-
ճառս պահուցելոյ քաղաքին՝ հարին վրանս 'ի մեծի սար-
տիզին յանդիման վանացն Հայոց, ուր լցան բազմութիւն
զօրաց, զորոց պէտս հողային վանականքն : Բաց յայնմանէ
հասարակ ամբոխն զինեալ, խաւար արարեալ դիմէին 'ի
վերայ երբեմն այս և երբեմն այն վանաց՝ դոշմամբ և ա-
ղաղակաւ, սպառնացեալ սրով բառնալ զգլուխս քրիստո-
նէից, և տալ աւարի զինչս վանօրէից : Ապա կալան զՓո-
խանորդս և զԹարգմանս Յոյն և Լատին վանաց, նոյնպէս
միայն զԹարգմանն Հայոց, և եղին կապտնօք 'ի զղեակն
Դաւթի : Եւ մինչդեռ խորհէին այլազգիք հասուցանել 'ի
գլուխս քրիստոնէից զայլ չարիս՝ յանկարծ լուր իմն աւե-
տեաց տարածեցաւ 'ի քաղաքին, թէ որ ինչ լու եղեւ վասն
թշնամեաց յեգիպտոս՝ սուտ են և անստոյգ, և 'ի վերայ
այսր ցրուեցին զլօրս և ինքեանք հանդարտեցան : արձա-
կեցին զկալանաւորսն՝ ետուն զփականս վանօրէից և բար-
ձին 'ի նոցանէ զօրհասպանս : Յետ այսմ ամենայնի միա-
բանեալ զլսաւորաց երկից վանօրէից և գրեալ յայտ արա-
րին զեղեալսն 'ի Կոստանդինուպոլիս, զի ծանուցեն Ար-
քայի դրանութիւնս այլազգեաց, և հրովարտակառ սանձել
զպարտաւան բարս նոցին 'ի պաշտպանութիւն հպատա-
կաց իւրոց, որք ոչ են վնասակար ումեք :

Առաւել քան զայս դառնութիւն, զորս գրեցաք, կը-
րեցին նաեւ քրիստոնէայք Յոպպէի : Դադարեցան գրու-
թիւնք յերուսաղէմէ, զի ըմբռնէին զերթեւեկ նամակա-
նիս և բանային, Եւ յանցանել աւուրց ինչ ('ի 21 Յուլիս)
զինեալքն քաղաքին Երուսաղէմի, 'ի մեռասան ժամու
առնջեան յանկարծ գրոհ տուեալ յարձակեցան 'ի վերայ

կառնին վանաց, և բացեալ խրամ յորմն՝ զեղան բարձու-
թեամբ 'ի ներքս՝ և կիսով չափ աւարեցին զվանքն. զայս
լուեալ գլխաւորացն այլազեաց, փութացին անդ՝ առ-
եալ ընդ իւրեանս զՇէյխ Սպատար անուն զմն, սուրբ
նոցին, և հազիւ ուրեմն կարճեալ զձեռս աւարառուաց
հանին զնոսս արտաքս: Եւ 'ի սմին գիշերի գրեթէ կեն-
դանուցն մեռեալ էին վանականք Հայոց, եւ 'ի վաղիւ
անդր. ('ի 22 Յուլիս) գարձեալ խմբեցան 'ի մի ասպատա-
կաւորքն՝ և դիմեցին 'ի վերայ Յոյն և Լատին վանաց, և
ժողովեցին զմիաբանս նոցին 'ի մի վայր, և անտի հասին
'ի վան Հայոց, առին կիսով չափ և զմիաբանս նոցա,
Եպիսկոպոսք, Վարդապետք, Սարկաւագուռք և այլն, և
խառնեալ զամենեւեան 'ի մի, մուծին 'ի տաճարն Ս. Յար-
ութեան և աղիւեցին զգուռն 'ի վերայ նոցա: Իսկ նոքա
որք ներողութեամբ մնացեալ էին 'ի վանս՝ կային 'ի մեծի
յերկիւղի, և ոչ գիտէին թէ սւր ունի եզերիւ վախճան
զառնութեանն: Ազա առին այլազգիք յերկց վանօրէից
15 քսակս գրամոց գին վառօթի և զնտակի: Եհաս հրա-
ման 'ի ձէզար Փաշայէ ընդունիլ երկց վանօրէից 150 քը-
սակս փոխցա, և փութով տալ զփոխանակադիրսն, վա-
նականք անյապազ կատարեցին զհրամանն:

Իսկ միաբանք որք եղան 'ի Ս. Յարութիւն իբր յար-
գելանս, մնացին անդ աւուրս 170. ծերունազարդ Զաքա-
րիա եպիսկոպոսն անկաւ անդ 'ի մահիճս, և յամրացաւ
լեզու նորին. նոյնպէս հիւանդացան ոմանք 'ի միւս աչ-
գաց. իսկ որք արտաքս էին, գեղեթէին 'ի դրունս այ-
լազեաց, և պաղատանօք խնդրէին, զոնէ՛ զհիւանդա-
ցեալսն հանել արտաքս, և փոխանակ նոցին մուծանել
զառողջն. այլ չեղեւ հնար, զի կային յերկիւղի մեծի.
մի՛ գուցէ պոտահիցէ ումեք մահ և տուգանիցեն զբա-
ղում քսակս դրամոց: Ի սոյն միջոցի փակեալ էր և դուռն
Ս. Փրկչի վանաց և միաբանք արգիլեալք 'ի ներքս, չէր
կարելի երթալ 'ի դերեզման Ս. Աստուածածնի, ոչ միայն
յաւուր Կիւրակէի՛ այլ և 'ի տօնի Վերափոխման նորին,
Արգելին նաեւ թաղելոյ զմեռեալս՝ իբրեւ զվաղեմի թըշ-
նամի, որոյ վանն անկեալ 'ի դրունս այլազեաց բազում
աղաչանօք հազիւ ուրեմն հաճէին զփոսս նոցա, և առեալ

հրաման դնէին 'ի դիր հանգստեան. և ոմանք յուխա-
ւորաց արգիլեալ էին 'ի վանս իբր 'ի բանտի, և ոչ կա-
րէին երանել արտաքս, մեծամեծք և փոքունք այլազ-
գեաց իբրև զդատերս ազդիլ ծծէին դարիւնս քրիստոնէից,
և զոր առնուին՝ ոչ ինչ համարէին իբրեւ զչառեալ, ան-
հնարին սրտմտութեամբ սպասէին կլանել զվանօրայս հան-
գերձ վանականօք, որք իբրև զփեարաթօսի թռչուն անկեալ
էին 'ի ծուղակս նոցա՝ ոչ փախչիլ և ոչ թափչիլ ուրեք.
տիրութիւն և վիշտ դալատեան հոսսակալին սպաւրեալ էր
զնոսս, և ինքեանք կապեալ յաղքատութեան որպէս յեր-
կաթս, սպիակացան գնողք և վաճառողք ոսկւոյ և ար-
ծաթոց. այսպէս ամենայն սիրտ 'ի վերս և ամենայն գը-
լուխ 'ի ցաւս: Սյսպիսի տխրութեամբ և ցաւօք օգնու-
թիւն հայցէին յազգայնոց Կոստանդինուպօլսոյ:

Իսկ այլազգիք Երուսաղէմի յետ սյսքան ապիրատու-
թեանց՝ գրեցին դիր ամբաստանութեան զքրիստոնէից առ
հոսսակալն Դամասկոսի, և առ ձէզար Ահմէտ Փաշա յԱք-
քէ, մի՛ զի բերեալ հրաման ինչ՝ առաւել բռնացցին 'ի վե-
րայ նոցա, երկրորդ՝ ծածկել կարացցեն զառաջին չարիսն՝
զօր անցուցին ընդ քրիստոնեայս:

Սակայն քրիստոնեայք փութով ազգ արարին զնեղու-
թիւնս իւրեանց առ Բդեշիւն Աքքէի, և նա գրեաց առ
մեծամեծս քաղաքին չնեղել զքրիստոնեայս՝ և չճանրա-
նալ 'ի վերայ նոցա (1798. յ9 Սեպտեմբերի):

Ի սմին ժամանակի վախճանեցաւ Զաքարիա Պատրիարք
Կաղզուանցի՝ և կալաւ զԱթոռ Պատրիարքութեան Կոս-
տանդինուպօլսոյ Դանիէլ Եպիսկոպոս, որ յետոյ ընտրե-
ցաւ Կաթուղիկոս Ս. Էջմիածնի: Ի սմին ամի Հայք ետուն
ձէզար Փաշայի և զօրաց նորա՝ 63, և 16 դահեկան (1799. 'ի
25 Յուլիսի): Բազմաթիւ նամականիք Պետրոս Պատրիար-
քի՝ զորս գրեալ է առ իշխանաւորս ազգին 'ի Կոստանդի-
նուպօլսի ցաւօք որտի՛ յայտ առնեն զաղէսս զառնու-
թեան ժամանակին, որպիսիք են՝ հարկապահանջութիւնք
անվերջանալի փոխանակադիրք, մերժելն կարի երկիւ-
ղալի՝ զի առաջի կայր նոցա անկանիլ 'ի գանս և 'ի տան-
ջանս, որպէս տեսնէին զայլս, խնդրեաց հրաման 'ի նո-
ցանէ երթալ 'ի Բիւզանդիսն՝ զի թերեւս զերծցի 'և

Գ Լ Ո Ւ Խ Ժ Զ .

Անցք Բեհէն աւանի : Վանք Ս . Փրկչի : Քեօր Եւուսեֆ Փաշա : Անտօն Ամիրա : Մահ Պետրոս Պատրիարքի : Գործ Բդեշխեա : Մեհեմէտ Ապու Մեքաթ : Նեղուիկին միտանոց : Աւուղղիք Անտի : Փաղաւ մարտանոց զհանս Մ . Յակոբայ և մեկնի 'ի բողոքեն :

Ի ԺԱՄԱՆԱԿՄ սրնշարման Աքքէ քաղաքի, բնակիչք Ռեմէն աւանի, յերկիւղէ Արարացոցոց՝ խոյս տուեալ անտի եւ եկեալ ամրացեալ էին 'ի քաղաքն Յոպպէ : Լեռնախան Ֆէլլահք տեսեալ զաւանն գտաարիկ և անպատասպար, դիմեցին բազմութեամբ 'ի վերայ նորա, և համարձակ գործեցին զամենայն շարիս, կողոպտեցին գառուն և զեկեղեցին . և զվանս Հայոց Ս . Գէորգայ՝ յետ դատարկելոյ զամենայն ինչ, խլեալ հանին նաեւ զերկաթս 'ի պատուհանաց, և զայլ տեղիս քանդեալ աւերեցին, եւ կողոպտեցին զորս կենդանի գտին յաւանին, մինչ չխնայել նաեւ 'ի հաւատակիցս իւրեանց . բաժանեցին յիւրեանս զաղջկունս և զմանկահասակս, որք մնացեալ էին անդ՝ եւ ընդ աւարին առեալ մեկնեցան յիւրաքանչիւր տեղիս իւրեանց : Չերծեալ ոմանց 'ի սրոյ անտի հասին յերուսաղէմ, և արտասուօք պատմէին զանցս Ռեմէի :

Իսկ աւարառուքն բազմութեամբ ժողովեալ եկին յերուսաղէմ և բանակեցան մերձ 'ի Միոն, որպէս թէ կազմել զզէնս և երթալ 'ի բանակն Օսմանցոց : Եւ 'ի զիշերին այնմիկ մտին 'ի վանս Ս . Փրկչի, յախշտակեցին զոր ինչ միանգամ գտին անդ . խորտակեցին զպատկերս և զխաչկալ եկեղեցւոյն և զսեղանն կործանեցին, և աւերեալ եղծին և զայլ տեղիս . և մտեալ 'ի պարտէզն յարմատոյ խըլցին զձիթենիս 33 . և անտի մեկնեցան 'ի կողմանս Ռեմէի : Արդ 'ի 12 Փետրվար ամսոյ մինչ 'ի մեկնել զօրաց Նաբոլիոնի յերկրէն Պաղեստինոյ եւ 'ի ժամանել մեծի վէզիրին 'ի Յոպպէ, թէ որպիսի անցս չարչարանաց կրեցին 'ի միջոցիս յայնմիկ քրիստոնէայք և վանականք Երուսաղէմի, մանաւանդ Հայք և միաբանք նոցին՝ կարի դառն է պատմել : զի իսպառ նուազեցան 'ի զօրութենէ և ան-

կան 'ի կարողութենէ, մինչեւ լինել նոցա հոգիս ապաստան :

Իսկ վէզիրն մեծ Քեօր Եուսեֆ Փաշա հասեալ 'ի կողմանս Յոպպէացոց, բանակեցաւ 'ի դաշտի անդ՝ և հանդիստ ետ զօրաց իւրոց զաւուրս 20 . եւ ապա ել և քնաց զինի Գաղղիայոց, և արտասէալ միմեանց ետուն ճակատ սաստիկ . պարտեցաւ բանակն Օսմանեան, և անկան բազում մեռեալք և վիրաւորք 'ի դաշտի անդ . և ինքն վէզիրն մնացեալ զօրօք իւրովք փախուցեալ անկաւ 'ի քաղաքն Յոպպէ, թողեալ յաւար թշնամեաց զիազմածս, զզէնս, զկարասիս և զգանձս բանակին :

Եւ զի յառաջագոյն որդի Բդեշխին Արարացի կոչեցելոյ, եկեալ յերուսաղէմ արիեալ էր սուգանս 'ի վերայ վանօրէից . եւ 'ի սմին աւուրս (12 Ապրիլ) վերադին ել անդ և ներութեամբ վտացոյց զվանականս տուփիւք եւ լլկանօք՝ կողոպտելով զնոսս դարձաւ 'ի բանակն : Եկեալ էր ընդ մեծի վէզիրին և սեղանաւոր Ակնցի Չօփենց մահտեսի Անտօն Ամիրայն . 'ի սմանէ կանխաւ խնդրեալ էր Պետրոս Պատրիարք՝ լինել միջնորդ առ որդի Բդեշխին, զի մի իսպառ նկուն արասցէ զՀայս . այլ նա բնաւ ունին ոչ մատոյց բանից Անտօնի . թէպէտեւ զերծան առ ժամն 'ի ձեռաց նորա, այլ կասկած մեծ էր 'ի դառնալ նորա յետս . և նոցա պատահիլ նորանոր տառապանաց, արակասեցան կարեւոր պէտք վանաց, և դժուարութեամբ հայթայթէին զաւուրն պարէն, որոյ վասն աւարէ Պետրոս Պատրիարք զթշուառութիւն իւրոյ ժամանակին, և բիւրիցս երանի ասէ մեռելոց որք 'ի Տէր ննջեցին :

Ի մեռանիլ տիրացու Սարգսի 'ի Կոստանդինուպօլիս, զոր իբր գործակատար Երուսաղէմի կարգեալ էր զնա Յովակիմ Պատրիարքի, որպէս զբեցաք, եւ նա հաւատարմութեամբ վարեաց զայն պաշտօն . իսկ զինի մահուան նորա Պետրոս Պատրիարք 'ի տեղի նորա առաքեաց փոխանորդ Երուսաղէմի զԹէքիրտաղի Յակոբ Եպիսկոպոս :

Եւ 'ի սոյն դառն ժամանակիս հառ նա ինքն Պետրոս զպատասխանիս նամակացն, զոր գրեաց ինքն և նախորդ իւր Յովակիմ առ Կայսրուհին Ռուսաց, և առ Յովսէփ Եպիսկոպոս առաջնորդ կողմանցն այնոցիկ . ընդ նոսին եւ

ազնիւ ընծայ շքանշան արծիւ երկզլիսի, զոր 'ի գիրս կոչեն զայն Եղիւր :

Առաւել նեղեալ Պետրոսի և չղտեալ հանդիսս կենաց 'ի բունութենէ սյլազգեաց և 'ի չքաւորութենէ, եւ և գնաց 'ի Յուպէ, ուր էր բանակն Արքունի, յոտս մեծի Վէլիբրին (1800 . 'ի 11 Մայիսի) դտանել տգնութիւն 'ի նմանէ, ձեռքնորութեամբ առն բարեպաշտի Անտօն Ամիրայի :

Իսկ միարանք Յունաց, որք յերուսողէմ, անկան 'ի կտակածանս, թէ գնաց Պատրիարքն Հայոց ազաչել զԵւրոքոսն առնուլ 'ի ձեռաց Յունաց զեղանն յԱյրին Յնդնդեան Գրիստոսի 'ի Բեթղեհէմ եւ զԳողգոթայն . վասն այսորիկ սկսան երկնել 'ի միտս իւրեանց հասուցանել Հայրս Հայոց, որպէս և արարին իսկ . զորմէ գրեցուք :

Եւ մինչդեռ Պետրոս ետիտկոպոս դեղերէր 'ի Յուպէ առ Վէլիբրն եւ առ այլ մեծաթեծս, եհաս նմա հիւանդութիւն և անկաւ 'ի մահիծս, և չղտեալ դարման 'ի բժշկաց՝ վախճանեցաւ անդ (1800 . Յունիս 18) երկու շաբթի, ժամ 9, եւ թաղեցաւ 'ի գերեզմանատան հասարակաց՝ թողեալ 'ի սուգ և 'ի տրտմութիւն զմիաբանս վանաց Ս. Յակոբայ, որ եւ յետոյ 1837, փոխադրեցան ոսկերք նորա 'ի գաւիթ եկեղեցւոյն :

Ձեւ եւս սրբեալ միաբանաց զորտասուս յաչաց, եհաս հրաման 'ի մեծէ Վէլիբրէ փութալ 'ի բանակն փոխանորդաց և թարգմանաց Հայոց և Յունաց . Պետրոս ետիտկոպոս փոխանորդն եւ թարգմանն, ընկերացեալ Յունաց գնացին անդ : Եւ եղև իբրև յանդիման եղէն նմա, լուան զաստ բարկութեան նորին, և փոքու իմն պատահիլ ունէին պատուհասի . խնդրեաց 'ի նոցանէ սատար լինիլ բանակին . զի թշնամիք հողոստեալ և մերկացուցեալ էին, և պահանջէր յերկուց վանաց 2000 քսակս արծաթոյ . և նոցա անկեալ յոտս նորին պապատէին և յայտ առնէին զյետին չքաւորութիւն եւ գերկամեայ տառապանս իւրեանց զոր կրեցին . զկնի բազում բանից և աղաչանաց, զիջաւ սակաւ ինչ Վէլիբրն 'ի ցատմանէ իւրմէ . բայց ստիպեաց զնոսա անպատճառ հասուցանել 'ի բանակն 1000 քսակ : Դարձ արարեալ սոցա յերուսողէմ, յայտ արարին զիրս միաբանաց . և զի յայնմ ժամանակի ոչ միայն չգտա-

նէր դրամ 'ի վանս, այլ և անկեալ էին ընդ պարտեօք, և հրաման Վէլիբրին սատակ և անդառնալի էր . ուստի անկան 'ի դրունս քաղաքացի ժողովոցոց, և ժողովեցին դժբախտ արքան եւ գտին կրկին տոկոսեօք, մինչև առնուլ զգարդս կանանց, խոստանալով նոցա դարձուցանել զկնի սմսօրեայ ժամանակի, և այսպիսի եղանակաւ հատուցին զ500 քսակս զբաժին Հայոց :

Յետ վախճանելոյ Պետրոս Պատրիարքի, որ կալաւ զԱթոս Պատրիարքութեան անս եօթն, ժողովեալ միաբանաց գրեցին զիր հանրական առ Պատրիարքն և առ իշխանաւորս ազգին՝ ծանուցանելով զմահ Պետրոսի . եւ ապա թախանձանօք խնդրէին 'ի նոցանէ ընտրել զմի օք 'ի միարանաց Ս. Յակոբայ լինել հովիւ և առաջնորդ ինքեանց, սրում խոստանային հնազանդիլ և կրել 'ի գլուխ իւրեանց իրրեւ զպսակ ոսկի, և մի՛ ընտրել զօք յարտաքին Եպիսկոպոսաց . գրեցին նաեւ առ Յակոբ եպիսկոպոս փոխանորդն հոգ տանիլ գործոյն :

Եւ յերկարիլ խնդրոյն, գրեցին նաեւ Յ Եպիսկոպոս սունք, յորում յայտ առնէին զողբալի վիճակ թշուառութեան Աթոսոյն՝ յերեսաց հարստահարիչ և կեղեքիչ այլազգեաց . սոքա տկարացան և ձանձրացան 'ի գրեւոյ զպղէտս իւրեանց, այլ ոչ կարացին զարթուցանել զազգայինս 'ի քնոյ . Յոյնք և Լատինք ծանեան զաղքատութիւնս և զթշուառութիւնս միարանացն Հայոց, սկսան ոտնահար լինել և թշնամանել զնոսա և հակառակիլ 'ի բազում պարագայս, որպէս յայսմ ամի արգելին Լատինք զժամարարն Հայոց իջանելոյ 'ի Գիւտ Խաչն, որոյ վասն եղև վէճ 'ի միջ երկուց ազգաց, և Յոյնք սկսան ծածկապէս որոգայթ լարել . զի ջանային հանել հրովարտակ հակառակ Հայոց, և շրջեցին զառաջին սէրն յատելութիւն :

Ձկնի մահուան Պետրոս Պատրիարքի, խորհրդականք բացին զՊատրիարքարանն և գտին միայն 9000 դահեկան, եւ զտուճարս ելից և մտից Աթոսոյն . պարտքն ծանրացեալ, եկեղեցական անօթք նուազեալ, և առանց գրուել շէր օք որ տայր զդրամ : Յետ ծանուցանելոյ զայստիկ գերկուս իրս առաջի եղին ազգին . կամ դնել 'ի գրաւի զմին 'ի վանաց, որպէս լեալ էր յառաջ Տեղակալաց :

եւ առնուլ գրամ 'ի փոխատուէ , և կամ թողուլ լքանել զվանօրայս եւ ցրուիլ անտի , եթէ թողուցուն պարտա- տեարք եւ իշխանք երկրին . լաւ համարէին զմահ քան զայնպիսի դառնագոյն կեանս . զի եթէ ոչ լինի այցելու- թիւն Աթոռոյն , 'ի զուր եւ նանիր է ընտրութիւն Պատ- րիարքի . զի ոչ ոք գտանի այնպէս անմտագոյն , դնել զայնպիսի անուր դժուարակիր 'ի սրբանոց իւր . նախ այ- ցելութեամբ թեթեւացուցանել զպարտան , և ապա ընտրել զոք Պատրիարք 'ի միաբանաց Աթոռոյն (1800 . 'ի 22 Յու- լիսի) :

Եւ յեւս տարւոյն մեկնեցաւ Վէգիրն 'ի կողմանց Յուպ- պէի եւ չոքաւ 'ի Կոստանդինուպօլիս : Բնակիչք երկրին տաղտկացեալ էին 'ի բռնութեանց և 'ի զզուանաց Բդեշլիսի իւրեանց Ալա-Մեր-է կոչեցելոյ , նմին իրի գրեցին գիր ամբաստանութեան զնմանէ առ ձէզար Փաշա , որ նստէր յԱքքէ . եւ զի նա ինքն ձէզար ատելութեամբ էր ընդ Բդեշլիսին , և սպասէր դիպով առթի բերել զնա 'ի ձեռս և պատուհասել , որոյ վասն առաքեաց զօրս և պաշարեաց զՅոպպէ քաղաք , յորում որջացեալ էր այրն : Եւ 'ի ժա- մանակի աստ պաշարման քաղաքին , անհնարինս սրտմը- տեալ նորա՝ մատնեաց 'ի հարուածս գանից զտեսուչ վարդապետն Հայոց և զմիաբանս նորա , էառ 'ի նմանէ 300 քսակս դրամոց՝ թող զառաջին առեալն : Եւ 'ի ամին ժա- մանակի անկեալ էր սով սաստիկ 'ի քաղաքն , 'ի սաստ- կանալ սովոյն եւ բռնութեան՝ խոյս ետ անտի տեսուչն միաբանօք՝ և մտեալ 'ի նաւ փոխեան 'ի վերայ ծովու . զայս լուեալ պարտատեարց՝ ետուն զպարտամուրհակս 'ի ձեռս զինուորաց , եւ նոցա եկեալ յերուսաղէմ՝ պահան- ջէին 'ի միաբանաց զգրամս տոկոսեօք , և այսպիսի դառն վշտաց և նեղութեանց ժամանակին՝ վանքն Ս . Յակոբայ սկսաւ անկանիլ ընդ պարտեօք :

Իսկ 'ի Կոստանդինուպօլիս Յակոբ Եպիսկոպոս փոխա- նորդն՝ խորհուրդ 'ի մէջ առեալ ընդ գլխաւորս ազգին , ետ ընտրել նոցա Պատրիարք Աթոռոյն զգարպասընկալ թէոգորոս Եպիսկոպոս Վանեցի , բայց թէոգորոս ինքնին հրաժարեցաւ 'ի ծանր պաշտօնէ անտի , հայեցեալ 'ի չք- քաւորութիւն Աթոռոյն և 'ի դառնութիւն ժամանակին :

Թէպէտ եւ բազմիցս յորդոր եղեն նմա միաբանք յանձն առնուլ՝ այլ չեղեւ հնար , զի նա պատճառէր զտկարու- թիւն անձին իւրոյ : Ապա ազդ արարին միաբանք զմիտս թէոգորոսի և խնդրեցին չպնդել առ այժմ զընտրութիւն Պատրիարքի . զի 'ի դառն եւ յանբարի ժամանակս զը- ժուարին էր ստիպել և կամ յորդորել զոք յայն պաշտօն . և յայն սակս բարի վարկան կառավարել զԱթոռն ժամա- նակս ինչ առանց Պատրիարքի . զի երկիրն Պաղեստինոյ տակաւին կայր 'ի ծիւանս յերեսաց մրրկեալ խռովութեանց : Գրեաց նաեւ ինքն թէոգորոս զպատճառ հրաժարման իւ- րոյ . զմի ըստ միջէն ընթեռնուլ , ասէր , 'ի հանրագրու- թիւնս միաբանաց և մի լինել մեղադիր : Զի միաբանք կա- յին վարանեալ և տարակուսեալ յերեսաց պարտուց և նե- զութեանց : Ամին իրի առաքեցին 'ի Կոստանդինուպօլիս զՊետրոս և զվարապետ Եպիսկոպոսունս եւ զՍտեփաննոս վարդապետն՝ բանիւ բերանոյ պատմել զթշուառութիւն միաբանաց՝ և հնարս գտանել ազատութեան . զի ինքեանք յորդորանօք եւ սիրով կապեալ ընդ միմեանս , սպասէին այցելութեան Տեառն և ազգին , եւ 'ի վերջոյ ասէին . զի եթէ ձեռնառու լեալ երեւելիք ազգին ազատեսցեն զՍ . Ա- թոռն 'ի պարտուց , խոստանամք մնալ 'ի վանս . իսկ եթէ ոչ՝ ցրուիլ երթալ իւրաքանչիւր հանդէպ երեսաց իւրոց :

Եւ զինի մեկնելոյ նոցա յերուսաղէմէ , կացուցին փո- խանորդ զԿիրակոս վարդապետ 'ի տեղի Պետրոսի : Եւ 'ի սոյն աւուրս Մէհէմէտ Փաշա էառ 'ի Հայոց 40 քսակս արծաթոյ , նոյնպէս և 'ի Յունաց , որոյ վասն դարձեալ փութացուցին գիր զինի նոցա (1800) :

Նախ քան զմեկնիլ մեծի Վէգիրին 'ի կողմանց Յուպ- պէի , խնդրեաց 'ի Հայոց 'ի ձեռն սեղանաւորի իւրոյ Ան- տօն Աղայի իւր օգնութիւն կամ փոխ 100,000 դահեկան . զի որպէս օգնեցին ասէ , յառաջագոյն տէրութեան , օգ- նեսցեն այժմ և ինձ : Անտօն Աղա ծանոյց նմա զազգա- տութիւն վանաց , և առաջին պարաքն տակաւին անվճար . բարկացեալ ընդ այս Եպարքոսն ասէ . զիտեմ զորս ձեր , զի քաղցրութեամբ չկատարէք զիրս ինչ . կոչեցից աստ զտեսուչ վանաց Յուպպէի , և 'ի նախատելն իմ զնա յատե- նի , տեսանես թէ որպէս փութով կատարէ զինդիրն :

տութ Անտօն, դիտեմ թէ 'ի վանս Հայոց չգտանի դրամ, այլ գրեցից առ վաճառականս Երուսաղէմի և առ ում գտցի ինչ, առաքեացեն այսր յանուն իմ' 'ի հաճիլ Եպարքոսին այսմ, աճապարեալ Անտօնի դրեալ ազդ արար յերուսաղէմ եպիսկոպոսաց չորիցս անդամ. անստճառ յղել ըզդրամն, զի անկարելի էր դառնալ Եպարքոսին 'ի բանից իւրոց: Իսկ միաբանք դեգերեալ այսր անդր տղաչանօք եւ պաղատանօք հազիւ ուրեմն գտին 50,000 դահեկան տոկոսօք, և առաքեցին առ Անտօն: Այլ Եպարքոսն ոչ բաւականացեալ այնու՝ ետ կոչել առ ինքն զտեսուչն Յոպպէի և սպառնացաւ նմա ինքն և Ստեփան Ամիրայն, որ այն ինչ եկեալ էր առ Անտօն 'ի Մատէն աւանէ, փութալ հասուցանել նմա 50,000 դահեկան. զի ահա ասէ Փիլիպպոս ամիրայն դայ յերուսաղէմ յուրտ, և է 'ի ճանապարհի բերել ինձ դրամ, առեալ անտի հասուցից ըզպարտս իմ' Յայնժամ տեսուչն և Ստեփան Ամիրայն ելին յերուսաղէմ, և սպասեցին եպիսկոպոսոց զրանս Եպարքոսին, և նոքա իբրեւ խելադար ասչեալ մնացին, զի ոչ գտանէր դրամ 'ի քաղաքին: Վերստին ելին դեգերիլ 'ի դրունս, ոմանց ետուն վոխանակազիր հատուցանել 'ի կոստանդինուպօլիս, և յոմանց տոկոսօք առեալ, հազիւ ճարեցին և առաքեցին 'ի բանակն:

Իսկ այլազգիք Սիոնի 'ի բերել զբեռինս իւրեանց 'ի Գաղպէ՝ 'ի ճանապարհին հասեալ 'ի գիւղն Սէրիզ՝ յամբշտակեցին Արարացիք զբեռինս նոցա և տարեալ եղին 'ի գիւղն՝ թէ սոքա են Հայոց. այլազգիք Սիոնի եկեալ 'ի դուռն վանաց աղաղակէին և խօսէին բանս անլնելիս. միաբանք ազդ արարին քաղաքապետին անօրինել զգործն, և նա ծանոց դիրսն Մէհէմէտ Փաշայի, խոստացաւ եւ նա կարգաւորել զինդիրն: Վէճն Արարացեաց էր այս, սրպէս թէ Պատրիարքն և Փոխանորդն Հայոց 'ի գնալ իւրեանց 'ի Յոպպէ և 'ի դառնալն անտի 'ի ճանապարհին ոչ են տուեալ զաւհմանեալ պարգեւս նոցին, և այժմ խնդրեն դայն:

Կուր եւ նեղութիւն այլազգեաց Սիոնի սաստիանայր օր քան օր, և յաւուր միում եկեալ 'ի դուռն վանաց՝ յետ անարգելոյ՝ գնացին բազմութեամբ 'ի վանս Սուրբ

Փրկչի, ուր ժողովեալ էին միաբանք եւ ժողովուրդք 'ի ժամ ճաշու, և մտեալ յեկեղեցին խանդարեցին զժամերգութիւնն, և կալեալ զոմանս դանիւք և խոշտանդանօք ճգեցին արտաքս, և զոմանս հարկանելով մուծին 'ի Սիոն ուր եղին 'ի բանտի, և այլք փախուցեալ եկին 'ի Ս. Յակոբ: Լուեալ Եպիսկոպոսաց զեղեանն՝ առաքեցին զայլազգի դանապանս և զԼավազ Վէղիրին՝ որ եկեալ էր յայնժամ ընդ տեսչին Յոպպէի իբրեւ Մուպաշիր, ազատել զբանտարկեալսն 'ի Սիոն: Սակայն կարի դառնացեալ սիրտ բոլոր միաբանաց, ծերունի Եպիսկոպոսոց և Վարդապետաց ընդ այսպիսի անարգանս նոցին, կոչեցին զէնիչէրի Աղասին և յանձն արարին նմա զվանս Ս. Յակոբայ՝ և ինքեանք ամենեքեան ելին 'ի ճանապարհ յետիոտս իջանել 'ի Յոպպէ, և հասին մինչ 'ի գիւղն կամուրջի 'ի Գալունեալու եղև 'ի քաղաքին թէ թողին միաբանք Հայոց զվանս իւրեանց և գնացին 'ի բաց: Յայնժամ Միւֆթին, Գալապետն դատարանի՝ Ենիչէրի Աղասին և այլք ոմանք 'ի մեծամեծաց քաղաքին յարուցեալ պնդեցան զհետ նոցա, և հասեալ 'ի ճանապարհի բազում թախանձանօք և աղաչանօք հազիւ կարացին դարձուցանել զնոսս յետս՝ և գըրեցին զեղեանն առ Ահմէտ Փաշա: Այսպիսի էր նեղութիւն ժամանակին, թող զպահասութիւն հացի, զի ոչ կարէին պատրաստել պարէն միաբանաց, և էին 'ի կասկածի ցրուիլ և գնալ նոցա յերուսաղէմէ (1801. յ8 Փետրվարի): Եւ 'ի սոյն ժամանակի հասանէ դումար տոկոսաւոր պարտուց 74,730 դահեկան, սկսեալ յաւուրց անտի Յովակիմայ եւ Պետրոսի:

Իսկ Մէհէմէտ Փաշա՝ որ նստէր 'ի Ռեմլէ՝ կոչեաց առ ինքն զԹարգմանս յերուսաղէմէ և բռնադատեալ ըզնոսս էառ յերկուց վանաց 100,000 դահեկան. զայս նամակ ողբովք և արտասուօք դրեն 'ի կոստանդինուպօլիս, զի բազում աղաչանօք ժողովեալ էին զզարդս կանանց և վճարեալ, երկուցեալ յասպագայ չարեաց և նեղութեանց, և ոմանք 'ի միաբանաց սկսան մեկնիլ յերուսաղէմէ, եւ այլոցն սպասէին առնուլ զպատասխանիս նամակացն, եւ ըստ այնմ գործել:

Փակեցան դրունք քաղաքին Երուսաղէմի, և սպասուէր

եղև գլխաւորացն այլազգեաց զգուշանալ քաղաքին, եւ թողին զերկոսեանն բաց կարգեալ 'ի նոսա զինեալ պահապանս, չընդունել զոք յարտաքուստ 'ի ներքս, թէ եւ կարի յերեւելեաց անտի իցէ՝ եւ եթէ ոք յանդգնեցի բռնութեամբ մտանել՝ գլխատել զնա, յորմէ արգելան ուխտաւորք քրիստոնէից, ընդ որս եւ սպասաւոր Անտօն աղայի՝ որ եկեալ էր վասն հարկաւոր իրիք դործոյ, եւ այս եւս 'ի վնաս վանականաց:

Եւ 'ի սոյն աւուրս երեւեցաւ յերուսաղէմ նշան ժամատամահ հիւանդութեան, որ եւ ոմանք ըմբռնեալ 'ի նոյն մեռան, (Փետրվար 30):

Գ Լ Ո Ւ Խ Ժ Է .

Բնորութիւն Թեոքորոսի . Նիսիտեան Բղէշից . Պաշարուն Յոգւպէի՝ եւ պատրար՝ Վէճ Լատինաց . Արապոս Կաթուղիոս Սոյ . Վէճ Յունաց 'ի Ս . Աստուածածին :

Դ ԿԻՆԵԼ ազգային ժողովոյ 'ի Կոստանդինուպոլիս (1802 . Փետրվար) վասն ընտրութեան Պատրիարքին Երուսաղէմի, յետ բազմադիմի բանից եւ վիճմանց, հաճութեամբ բազմաց վերստին ընտրեցաւ Թէոքորոս եպիսկոպոս Վանցի . առ որ յառաջագոյն գրեալ էր Յակոբ եպիսկոպոս յանձն առնուլ զպաշտօնն զայն . եւ յետ այնորիկ քրեցաւ գիր 'ի դիմաց ժողովոյն, գրեցին նաև ոմանք յերեւելեաց ազգին առանձին, ընդ որս եւ Յակոբ եպիսկոպոս հարկեցոցիչ բանիւ, յորդորելով զնա յարգել եւ մեծարել զընտրութեան պատիւն եւ զկամս ազգին: Զայստիկ գրեանս բերին յերուսաղէմ Պետրոս եպիսկոպոս եւ Կարապետ վարդապետ յաւուր Աւագ հինգշաբթի ('ի 10 Ապրիլի): Ընթերցեալ Թէոքորոսի զգրեանս եւ զմտաւ ածեալ զճանրութիւն զանխուսարելի լծոյն, յօժարեցաւ հնազանդիլ կամաց ազգին, եւ յանձն առ նստիլ յԱթոռն եւ վարել զիշխանութիւն Պատրիարքութեան Երուսաղէմի,

յոյր սակս զրեաց գիր հաճութեան եւ առ երեւելիս ազգին, յոր ձեռն արկեալ կնքեցին բոլոր միաբանք եւ առաքեաց 'ի Կոստանդինուպոլիս: Ի հասանիլ Պատրիարքական Պերաթին, ետ արձանագրել զայն 'ի դատարանի, եւ շահեցաւ զմիտս այլազգեաց ընծայիւք . այլ ոչ նստաւ յԱթոռն առ ժամայն, եւ զինի ամաց, յերեկոյի շարաթու 'ի նախատօնակի Պայծառակերպութեան Քրիստոսի Աստուծոյ մերոյ, նստաւ հանդիսիւ յԱթոռն Երուսաղէմի (1802 'ի 19 Յուլիսի) յետ մնալոյ թափուր Աթոռոյն զամս իբրեւ 2:

Ի սմին ժամանակի Մէհէմէտ Բղէշլին Երուսաղէմի, որ նստէր 'ի Յոսպէ, գրեաց յերուսաղէմ առ Սոգնէ կոչեցեալ այլազգիս, եւ խնդրեաց 'ի նոցանէ հասուցանել նմա 60 քսակս արծաթոյ: Եւ նոցա ընթերցեալ զգիրն, իսկ եւ իսկ սպստամբեալ դիմեցին 'ի զէն եւ ազմկաւ լցին զքաղաքն . իտկեցին զգրուես նորին եւ եղին պահապանս, եւ միաբանեալ ամենեցուն գրեցին գիր ամբաստանութեան բաղմակիւր զնմանէ՝ առ Արքնոյ եւ առ ձէզար Փաշա, որ նստէր յԱքքէ: Գլխաւոր կէտք ամբաստանութեանն էին այսոքիկ . Մէհէմէտ Բղէշլին ասէին, միայն 'ի հրէից էառ 700 քսակս արծաթոյ, իսկ 'ի քրիստոնէից ոչ զոյ թիւ . պարտ է բառնալ զայրն 'ի քաղաքէ ատի եւ առաքել զայլ ոք 'ի տեղի նորս . եւ խնդրեցին 'ի ձէզար Փաշայէ առաքել զմի ոմն 'ի սպասաւորաց իւրոց յանձնել նմա զքաղաքն, զի զնա հանաչէին սկտաւ եւ զլուս ինքեանց: Իսկ ձէզար Փաշա զինի աւուրց ինչ առաքեաց զիմացիլ Փաշա 3 թուղով բազմութեամբ զօրաց եւ Արարացոց 'ի Ռեմէ, մարտնչիլ ընդ Մէհէմէտ Փաշայի որ 'ի Յոսպէ: Եւ ըգ Սիւլէման Փաշա 2 թուղով յերուսաղէմ, նոյնպէս զօրօք, որ եւ մեծաւ փառօք եմուտ 'ի քաղաքն ('ի 10 Մայիսի): Եւ յետ երկուց աւուրց զնացին առ նա յայցելութիւն Փոխանորդք երկից ազգաց, եւ զինի բանից՝ մատոյց իւրաքանչիւրոց մէն մի Պույրուլթի՝ գրեալ յանուս երկից վանաց՝ չերկնչիլ յուժեքէ: Եւ Սիւլէման բանիւ բերանոյ յայտ արար թէ՛ հրաման ձէզար Փաշային է, 'ի գալստենէ Մէհէմէտ Փաշայի յերուսաղէմ՝ մինչեւ ցայժմ՝ զոր ինչ տուեալ էք նմա՝ գրեալ 'ի տուժարի բերէք առ իս յղև

առ ձէզար և նա 'ի Կոստանդինուպօլիս : Հայք տուեալ էին նմա 300 քսակս արծաթոյ, նոյնպէս և Յոյնք, զոր հաստատեալ 'ի դատարանէ՝ ետուն նմա : Եւ Իսմայիլ Փաշա եկեալ սրաշարեաց զքաղաքն Յոպոլէ, և սկսաւ պատերազմիլ ընդ Մէհէմէտ Փաշայի՝ որ որջացեալ կայր անդ, և 'ի նեղ արկեալ տագնապէր զտեսուէն Հայոց զլազար վարդապետ, արկեալ զնա 'ի գանս և 'ի բանտս : Տեւեաց պատերազմն ընդ երկար՝ զի Իսմայիլ արտաբուստ և Մէհէմէմէտ 'ի ներքուստ՝ որոտմունք հրանօթից դիպէին ըզդաշան Սարոնի :

Մէհէմէտ Փաշա կոչեալ զվարդապետս վանօրէից՝ երկիցս և երկցս՝ պահանջէր 'ի նոցանէ դրամ, և 'ի բաց տեւ նոցա, հարկանէր ուսմաբ և կամ կացնիւ՝ որ 'ի ձեռին իւրոսի, և սպաննայր ժողովրդոց մասնել 'ի մահ, և այսպիսի եղանակաւ էառ 'ի Ղազար վարդապետէ 120 քսակս, թող զայլս : քայքայեալ աւերեցան շինուածք վանաց և կալուածոց, զի այժմեան բռնութիւնն առաւել եղև քան զՓարղլիացոցն, զի յայնժամ վաճառեցին զսսիկ, զարծաթ և զպղինձ, և զծանրութիւն հարկացն բարձին : Իսկ այժմ մերկացեալ յամենայն՝ ոչ ինչ գտանին հատուցանել նոցա : Եւ յաւուրս յայտօսիկ ել համբաւ լինել կուսակալ Դամասկոսի և Երուսաղէմի Ապտուլահ Փաշայի, որոյ վասն հըրամանաւ ձէզար Փաշայի առին զաւանանեալ տարեկան տուբն՝ զորս կոչէին Ապտուլայէթ և Սահաբէյէ, և սպաղաննային 30 քսակ ևւս Իբրաիմէ : Նեղեալ յայսպիսի տառապանաց թէոգորոս Պատրիարքի վշտագին սրտիւ գրեաց առ աղքայինս Կոստանդինուպօլսոյ ձեռն կարկառել և թեթեւացուցանել զծանրութիւն բեռին :

Միաբանք Հայոց 'ի տաճարին Ս. Յարութեան, 'ի սպտարագելն յիւզաբերից սեղանն, զլուացարանն զնիին առաջի Խաչելութեան պատիկերի, ևւ լուսարարն Լատինաց յանդգնութեամբ համարձակեցաւ բառեալ զայն անտի : 'ի ծանուցանել թէոգորոսի Փոխանորդի նոցին, նա աղբարար 'ի ձեռն ոմանց չընել զայն 'ի նոյն տեղի : և ընդդիմանալն Հայոց, ահացուցին զնոսա երկիցուցիչ բանիւք լինել անհնարին : սպա 'ի խորհրդեան սահմանեալ են դըրել 'ի Կոստանդինուպօլիս և յայլ տեղիս, թէ Հայք բրա-

նացեալ յարչտակեն զտեղիս մեր, այլ այս խորհուրդ նոցա խափանեցաւ խոհեմութեամբ ոմանց, Եւ յետ այնորիկ եկին ոմանք 'ի Լատինաց առ Հայս, ասնն : եթէ կամիք զնել զլուացարանն ձեր յայն տեղի, դիցուք և մեք զերկուս աշտանակս մոմեղինօք 'ի սեղանն Լուսաւորչի, 'ի ժամ մշտնջնաւոր թափօրին : Հայք մերժեցին զվստակար խոնդիրս նոցա ևւ բարձին զլուացարանն 'ի տեղուջն յայնմանէ (յ3 Սեպտեմբերի) :

Եհաս յականջս թէոգորոս Պատրիարքի, թէ Գրիգոր Պատրիարք Կոստանդինուպօլսոյ առեալ է հրովարտակ Արքեւուստ չ'ըջիլ վարդապետացն Հայոց, ընդ որս և Նուիրակացն Երուսաղէմի 'ի գաւառս և 'ի քաղաքս : ևւ եթէ ոչ գտցի 'ի ձեռս նոցա գիր Դանիէլի Կաթուղիկոսի, կալեալ դիցեն 'ի բանաի : Գրեաց առ Փոխանորդն վասն այսր իմանալ զտոյգն : զի ինքն ծանուցէ 'ի Դուռն և բովանդակ ազգին, թէ որպիսի հնարիւք արկանել կամին զթութոռն ընդ իշխանութեամբ իւրեանց : զի եթէ չ'լինիցի շահ ինչ աստի՝ թողուլ զթութոռն և 'ի բաց դնալ, զի նոքա եկեալ տիրեսցեն : արդել զ3000 դահեկանն զոր տայր Փոխանորդն իրրու ծախք խոհանոցի : զայստսիկ ստիպմամբ գրեաց, զի փութով առցէ զպատասխանին ('ի 25 Հոկտեմբերի) :

Տէր Կիրակոս Կաթուղիկոս տանն Կիլիկիոյ եկն յերուսաղէմ յուխտ, ունելով ընդ ինքեան զարս 18 : և թէոգորոս Պատրիարք սիրով և յարգանօք ընկալաւ զնա և զորս ընդ նմա, պատրաստեալ սենեակ ըստ արժանոյն, և յեկեղեցին աթոռ 'ի ձախակողմեան դատաղլուխն : մի սար հազուստ ժամացուցիւ և ազիւ մատանեաւ : և և եպիսկոպոսաց մէն մի ծաղիեայ փիլոն և մատանի : և և վարդապետաց և քահանայից դարձեալ ծաղիեայ փիլոն և սպասապետաց ջուխայ վերորդիւ : 'ի տօնի Քառասնօրեայ դալքուտեան Տեառն 'ի տաճարն՝ Պատարագ ամպհովանեաւ, յաւուր Ծաղիազարդի յերեկոյեան և աւաւօտեան թափօրն և Պատարագն, և արմաւենի բաժանելն՝ շնորհելով նմա, և Ջատիկ երկուշարթի աւուր մեծահանդէս թափօրն՝ 'ի Ս. Յակոբ : Պատուեցին զնա նաւ Յոյնք և Լատինք տալով կոչունս 'ի վանս իւրեանց : ևւ զիկի տօնի Ջատիկն

մեկնեցաւ յերուսաղէմ, ուրախութեամբ և սիրով՝ հանգերձ իւրովքն ընդ ուխտաւորս տարւոյն՝ ՚ի կողմանս Աքքէի, ուր եզրա բազում մեծարանս ՚ի ձէզար Փաշայէ : Հոգաց թէոդորոս զծախս ճանապարհին եւ զկաթուղիկոսական պարգեւն : (1803, ՚ի 4 Յունվարի) : Յընծայսն, զոր առաքեաց թէոդորոս առ Յովհաննէն Պատրիարքն Կոստանդինուպօլսոյ նշանաւոր է պատուական մատանին յակիրնիժ քարամբ (Կեօք Էադուժ · տամլայ), որ կարի սիրելի էր ինքեան թէոդորոսի :

Իսկ ՚ի սաստիկանալ սովոյն եւ նեղութեան ՚ի քաղաքն Յոպպէ՝ փախեաւ փոքր նաւակաւ իւրովքն հանդերձ Մէհէմէտ Փաշա Ապու Մէրադ և Եհաս ՚ի Բերիա և անտի ՚ի Տիգրանակերտ (յ2 Փետրվարի) : Բարձաւ պաշարումն և բացան դրուենք քաղաքին, եւ ազատեցան բնակիչք ՚ի նեղութեանց եւ ՚ի տառապանաց : Չերծեալ անտի եկին յերուսաղէմ տեսուչք վանօրէից՝ Հայոց, Յունաց եւ Լատինաց, և պատմեցին զանտանելի տառապանս և զաշխատութիւնս իւրեանց ՚ի դործ պատերազմին դանիւք, հարուածովք և նախատանօք, զորս կրեցին ինքեանք և ժողովորդք ՚ի ձեռաց բռնաւորին այնմիկ : Ելալիշտակութիւն և զբռնի պահանջումն դրամաց, որոյ միայն տուեալ էր Ղազար վարդապետ 200 քսակ, առեալ տոկոսեօք սատի եւ անտի : Եւ զսաստիկութիւն սովոյն, մինչեւ ուտել բնակչաց զմիս գրատուոց եւ այլոց անսուրբ կենդանեաց զաւուրս 20, և զներմն բամբակի խառնեալ ընդ աղբս և ընդ արիւնս անասնոց եփեալ ուտէին փոխանակ հացի, և զայլ քստմենի իրս՝ զորս ոչ տանեն լսելիք ՚ի պատմելն : Յերեսաց պատերազմին քայքայեցան բազում տեղիք : Տեսուչքն Յունաց և Լատինաց հասեալ յերուսաղէմ կընքեցին զկեանս իւրեանց ՚ի լիանաց անտի : Իսկ Ղազար վարդապետ թէեւ տկար՝ վերստին դարձաւ ՚ի Յոպպէ, յորդորանօք Պատրիարքին : Սակայն պարտքն Յոպպէի կռտեցան ՚ի վերայ թէոդորոսի՝ զոր սկսաւ վճարել նեղութեամբ և տառապանօք, թող զտարեկան սահմանեալ տուրս և զայլ պահանջս այլազգեաց և Բիւշիսից, որոց ՚ի հատուցանելն կրէր բողբօրինակ վիշտս : Յեկեղեցին Ս. Աստուածածնի ՚ի ձորն Գեթսէմանի տեսուչն Յունաց

յառուր կիւրակէի ոչ ինչ պատճառաւ եհար և խորտակեաց զմոսեղէնս և զերիս կանթեղս կախեալ ՚ի շղթայէ առաջի գերեզմանին, նախատելով զմիարանութիւնն եւ զազգն, և արդէլ զժամարարն մտանել ՚ի գերեզմանս Լուեալ զայս թէոդորոսի՝ աղբ արար Փոխանորդին Յունաց ՚ի ձեռն թարգմանին իւրոյ, և նորա կոչեալ զՏեսուչն յանդիմանեաց՝ և խնդրեաց զի ներեսցէ Պատրիարքն, իբրու թէ նա ՚ի բարկութեան իւրում յանդէտս արարեալ իցէ զայն : Միարանք Հայոց ՚ի խորհուրդ գումարեալ քննեցին զվաւերական գրեանս վտոն գերեզմանի Ս. Կուսին, և դտին զնոսա հաստատուն, մեծարանելն և խորխտալն Յունաց՝ հակառակ էր այնց դրոց :

Եւ ՚ի խորհրդեան սահմանեցաւ՝ զի ինքեանք եւս յաւելցեն զայլ իրս յեկեղեցւոջ անդ, որպէս Յոյնք արարեալ էին : Եւ զկնի աւուրց եկին ոմանք ՚ի Յունաց միջնորդ լինել հաշտութեան, իսկ Աւետիս թարգման տայ նոցա զարժանաւոր պատասխանիս, առաջի դնելով զներստութիւնն Հայոց եւ զբռնատութիւնն Յունաց՝ սահմանելով նորանոր իրս յեկեղեցւոջ անդ, և զսահմանեալն Հայոց ջանալ բառնալ և ջնջել ՚ի միջոյ՝ Ո՛վ ետ ձեզ զլշխանութիւնք զայդ : Գործել ըստ հաճոյից ձերոց՝ և աղարտել զպատիւ ողջոյն ազգի միոյ : զի եթէ ոչ էր լուցուցեալ մեր զձերունիս՝ վաղու եւս հանդիպեալ էր ձեր մեծամեծ վնասուց՝ և զայլ սոցին նման բանս լուեալ Յունաց մեկնեցան : Իսկ Հայք կախեցին 6 կանթեղս ՚ի շղթայէ անտի փոխանակ երկոց, և սամանեցին ածել առել յեկեղեցին : Լուեալ զայստօրիկ Յունաց վերստին եկին առ թէոդորոս՝ և խնդրեցին ՚ի նմանէ բառնալ զերիս կանթեղս ՚ի շղթայէ անտի : Առ որս ետուն պատասխանի՝ ՚ի խորտակել երկոց կանթեղացն՝ ոչ ինչ խնդիր արարին միարանք ձեր, այժմ ընդէ՞ր թախանձեն բառնալ զերիս կանթեղս : Եւստի՞ առեալ է ձեր զայդ հրաման օր քան զօր յաւելուլ և սահմանել նորանոր իրս, և այլ սոցին նման բանք : ՚ի մէջ առին նաեւ զբանս Աւետիս թարգմանին զոր խօսեցեալ էր նոցա, ՚ի վերջոյ անկարելի ասացին բառնալ զերիս կանթեղս : Իսկ եթէ ոչ անսայք՝ բողբօք բառնամք առ դատաւորն և դատաստան խնդրեմք, որոյ՞ հրամանաւ արար զայն

Տեսուչն ձեր. և զինի երկարելոյ բանից յերկուց կողմանց ելեալ մեկնեցան Յոյնք 'ի վանս իւրեանց: Այլ Թէոդորոս Պատրիարք գրեալ ծանոյց առ գլխաւորս ազգին 'ի Կոստանդինուպօլիս, լինել զգոյշ 'ի նենգութենէ և 'ի չորրորդ բանիցն Յունաց. զի մի' խարեալ 'ի նոցանէ՝ ստիպեացեն զինքեանս վասն կանթեղացն: Ապա յայտ առնէ թէ Յոյնք որովսի անարդական բանիւք նախատակոծ առնեն զմիաբանս և զուխտաւորս Հայոց յամենայն տեղիս՝ համարելով զնոսա իբրեւ զգերիս ևւ զսորուկս, ապա խնդրէ՝ հոգ տանել և դարմանել զիրոն և մեղմել զխորտանս Յունաց:

Դատաւոր քաղաքին լուեալ զայսոսիկ 'ի ծառայից իւրոց՝ առաքեաց զգալապետն 'ի վանս Հայոց, ևւ եհարց 'ի նոցանէ՝ թէ զի՞նչ է զոր լսեմս, ընդէ՞ր ոչ ազգ արարիք մեզ. եւ նոքա ասեն՝ ներեսցէ մեզ դատաւորն, զի չէր ինչ խնդիրն այնչափ կարեւոր, և երբեմն պատահին այսպիսի դէպք 'ի միջի մերում, եւ իբրեւ թեթեւ ինչ զանց արարաք: Այլ դատաւորն դարձոյց անդրէն զգալապետն յղեալ ընդ նմա և զխոխանորդ իւր, ընթեռնուլ զվաւերական գրեանս և տեսանել զխորտակեալ կանթեղաւն, եւ ըստ այնմ տալ գիր, մի գուցէ ասէ, հասանիցի խնդիրն յականջս տերանց մերոց, եւ 'ի հարցանել նոցա զամօթի հարցուք իբրեւ զտգէտ ոք: Իսկ Յոյնք յայտնի և ծածուկ խորհէին և խօսէին իսկ զրկել իսպառ զՀայս յեկեղեցւոյ Ս. Աստուածածնի, ուստի հարկ եղեւ Թէոդորոսի առաքել զհրովարտակն ընդ գրի դատաւորին 'ի Կոստանդինուպօլիս՝ և նորոգել զայն: Եւ 'ի լինել բանից 'ի մէջ Հայոց և Յունաց սակա խնդրոյն 'ի թագաւորեալ քաղաքի անդ, գրեցին Պատրիարքունք փոխադարձ գիր յերուսաղէմ, զի զգիրն Յունաց առաքեաց Պատրիարքն Հայոց՝ և զՀայոցն Յոյնք: Յետ ընթեռնելոյ զգրեանս, եկին դարձեալ Յոյնք 'ի վանս Հայոց և ասեն. փոխեսցուք ըզՏեսուչս և զԼուսարարս, և եղիցի ամենայն ինչ ըստ առաջնոյն, այսինքն՝ բառնալ զերիս կանթեղան, արդելուլ զաւելածութիւնն՝ և չմտանել 'ի զերեզման 'ի Կիւրակէի. այլ Հայք ոչ առին յանձն, պատուիրեսցուք ասեն երկուցունց ևւս վարիլ սիրով ընդ միմեանս, եւ եթէ պատա-

հեցի դէպք ինչ՝ ազգ արասցեն մեզ, ևւ մեք զարժանն անօրինեացուք: Սակայն զինի աւուրց ինչ՝ Հայք կամօք իւրեանց բարձին զերիս կանթեղան՝ զմտաւ ամեալ զի մի առիթ լիցին ապագայ մեծի չարեաց ևւ խռովութեանց՝ սրպէս եղեւ իսկ:

Գ Լ Ո Ւ Խ Ժ Ը .

Գործ ձեզար Փաշայի : Ֆելաշք գեղջ Յովհաննու ճեղքեան : Խոս. փութիւն Յունաց : Օթման Ապուղջ գեղե : Նեղութիւն տխուսորոց 'ի ճանապարհի : Հագեառն Լաւորիկեայ : Գործ Մեհէմէտ Փաշայի Ապու Մերազ կոչեցելս : և բռնութիւնք նորին 'ի Յոզպէ :

ՅԵՏ փախտեան Ապու Մէրազ Մէհէմէտ Փաշայի և տիրելոյ բովանդակ երկրին ձեզար Փաշայի՝ հրաման ետ Յոզպէացւոց, շինել և նորոգել զաւերեալ տեղիս յերեսաց պատերազմաց, թէ առ նարոլիոնիւ՝ և թէ առ Մէհէմէմէտ Փաշայիւ, ևւ Թէոդորոս Պատրիարք ձեռն արկ նորոգել զաւերեալ տեղիս Յոզպէի վանաց, ևւ 'ի տեղի փայտալէն ծածկութից, մնացեալ 'ի Գրիգոր Շղթայակրէ, ետ կառուցանել կամար քարուկիր 'ի ձեռն Ղազար վարդապետի Տեսչի տեղւոյն. զայն տեսեալ մաքսապետին և ոմանց այլազգեաց՝ խափանեցին զգործն և կամէին քակել զլինուածն, զի չունիք ասէին հրաման 'ի ձեզար Փաշայէ : Իսկ Թէոդորոս լսեցուցեալ զնոսա առ վայր մի՝ էառ գիր 'ի դատաւորէն Երուսաղէմի՝ ևւ ետ վերստին սկսանիլ 'ի գործըն և գրեալ առ ձեզար՝ երեք հրաման եւս 'ի նմանէ. այլ չվտտահացեալ 'ի նոյն, գրեաց 'ի Բիւզանդիոն հանել հրովարտակ արքունուստ, զի մի յետոյ այլազգիք բռնասցին 'ի վերայ իւր / ևւ իւրոցն :

Ձեզար Փաշա ետ գրել 'ի ձեռն Յոյն քահանայի միոյ յերուսաղէմ առ Հայս ևւ առ Յոյնս՝ փութով առաքել առ ինքն 200,000 դահեկան, հանդերձ տարեկան սահմանեալ տրօք ևւ ընծայիւք. 'ի հասանիլ գրոյն սարսափեցան Յոյնք ևւ Հայք, ևւ խորհէին առաքել առ նա զոմանս իբրեւ ազաւորս, բայց երկնչէին՝ զի մի լսելանդամ դարձցին

նորա յետս, քանդի բաղմանց հանեալ էր զմի ակն, և ումանց հատեալ զունջն և զականջն: Թէպէտեւ դերեցին երկիրց գիր աղաչանաց, այլ քահանայն ոչ կարաց մատուցանել զայնս, այլ ստիպէր հասուցանել զգրամն, զի ծածկաբար առեալ էր անթերի 'ի Լատինաց: Ուստի յակամայ կամս պատրաստեցին Հայք 114,000 դահեկան, նոյնչափ և Յոյնք, և առաքեցին յԱ.քքէ 'ի ձեռն Գաբրիէլ և Մետրոփանոս վարդապետաց: Իբրեւ աղբ արարին զժամանել գանձուն, և և իմացեալ ձէզար զամբողջութիւնն, լուեաց. զի այն ինչ դարձեալ էր 'ի պատերազմէ 'ի կողմանց Սամարիոյ և այլոց, և նորա յետ հասուցանելոյ զգրամս դարձան յետս: Խոռոլութիւն յեզրիպտոս յերեսաց Քեօլէմէն կոչեցելոց, խեղդամահ լինելն եղբօր Եղիսաբեթ տիկնոջ, որոյ անուն կոչէին Մուստաֆա քեահեայ, որպէս գրէ զայս Տեսուչ վարդապետ տեղւոյն:

Քաղաքապետն Երուսաղէմի եղեալ էր 'ի բանտի զոմն 'ի բնակչաց գեղջ Յովհաննու Մննդեան վասն չհատուցանելոյ զհարկն. զայրացեալ ընդ այս գիւղականաց զհետ էին գործել շարին՝ ուխտաւորք Հայոց ըստ աղբարարութեան Պատրիարքին չեկանէին արտաքս քան զքաղաքն:

Իսկ Յունաց ծաղր արարեալ զնովառ առաքեցին 'ի Բեթղեհէմ՝ 430 ուխտաւորս, և 'ի դառնալ նոցա անտի, ընդ առաջ ելին զԻւղականք 'ի դաշտի անդ մերձ 'ի գիւղն Յուդայի, և կալեալ զարս և զկանոյս մերկացուցին, և զումանս գան հարեալ վիրաւորեցին, ապա որոչեցին 'ի նոցանէ զարս 18 եւ վարեցին զնոսս 'ի գիւղն իւրեանց: Յոյնք աճապարեալ ետուն արձակել զկալանաւոր նոցին, բայց նորա յետ երկուց աւուրց արձակեցին զուխտաւորս, այլ զաւարն զորս կողովտեցին, ոչ կամեցան տալ: Յոյնք եւ ուխտաւորք նոցին հանդիպեցան վեամուց յերեսաց անիշխանութեան քաղաքին (1803. Դեկտեմբեր):

Միաբանք Յունաց դրդուեալ 'ի փոքր շիթութենէ եղելոյ յեկեղեցին Ս. Աստուածածնի, որպէս գրեցաք, ծածկեցին առ ժամն զխորհուրդս իւրեանց, եւ 'ի վերին երես բարեկամ ցուցանէին զինքեանս Հայոց, արք եղբարք եմք ասելով, և այսպէս ընդարմացուցեալ զնոսս, դոտին պատեհ ժամանակ՝ և բանս եղին ընդ աղջայինս իւրեանց

'ի կոստանդինուպօլիս, խսպառ զրկել զՀայս 'ի ժառանգութենէ: Ս. Տեղեաց, ամբաստան լեալ 'ի Դուռն առին հրովարտակ 'ի Սուլթան Սէլիմ երրորդէ հակառակ Հայոց 1817, որպէս թէ՛ Հայք տիրել կամեցեալ են տեղեաց և ժառանգութեանց նոցին, եւ առանց հրամանի կախեալ կանթեղս: Եւ յետ այնորիկ համարձակութիւն գտեալ ձգեցին 'ի կողմն իւրեանց զմեծամեծս Դրան, և սկսան որոնել զարձանագրութիւնս Հին հրովարտակացն Հայոց: Իմացեալ զխորամանկութիւնն Յունաց Չէլիպի քէօտէ քեահեայ Բէիզ էֆէնտի, աղբ արար լուեկայն բարեկամին իւրոյ հայկազն Սիւրենեան Մուրատ ամիրայի, ունել 'ի պատրաստի զհին և զհաստատուն հրովարտակս, որ և նա ծանոյց փոխանորդ Յակոբ եպիսկոպոսին, և անտի յերուսաղէմ: Իսկ միաբանք Հայոց խաբեալ 'ի խորամանկութենէ Յունաց, ընկերացեալ էին նոցա հաւատար վճարել զքաղաքական տուրս և զայլ տուգանս. այլ 'ի հասանիլ գրոց փոխանորդին և այլոց 'ի կայսերանիստ քաղաքէ, զարթեան 'ի թմրութենէ որպէս 'ի քնոյ: Յոյնք որ պահեալ էին ըզհրովարտակն զայն, 'ի սոյն աւուրս կոչեցին զգալրապետն դատարանի՝ ետուն նմա արձանագրել զնա անդ 'ի տոււմարի: Իսկ այրն դողով բարեկամ Հայոց, հանեալ զպատճէն նորին կնքով զատաւորին՝ երբ ար Պատրիարքն Հայոց, և նոցա ընթերցեալ, ծանեան զթակարթն, զի դուտաւորութիւն Յունաց ոչ միայն արտաքսել էր զՀայս 'ի Ս. Տեղեաց, այլ նաեւ յափշտակել 'ի ձեռաց նոցա զսեփհական վանօրայս, զՍ. Յակոբ և զայլս:

Թէոգորոս Պատրիարք 'ի լինել վիճին ընդ Յունաց սակս երկց կանթեղաց, յառաջագոյն առեալ էր նորոգել զհրովարտակն Ս. Աստուածածնի, որ 'ի սոյն ժամանակի յետս պահանջէր զայն Բէիզ էֆէնտին: Զայն իմացեալ Յունաց առին և նոքա նոր հրովարտակ 'ի Սուլթան Մուստաֆայէ 1818, յորում Յունաց սեփհականէ Արքայն ըզբովանդակ Ս. Տեղիս, և զհրովարտակս Հայոց խափանեալս Յոյնք ետուն ջնջել 'ի դիւանաց զարձանագրութիւնս Հայոց, եւ ինքեանց սեփհական համարէին զգերեզմանն Ս. Աստուածածնի և զեկեղեցին Բեթղեհէմի հանդերձ բանալեօք, և Հայք իբրեւ հպատակ տէրութեան՝ զնասցեն

միայն յուրստ 'ի Ս . Տեղիս , որպէս ունէին սովորութիւն յաւուրց անտի Սէլիմայ առաջնոյ մինչ 'ի թուականն \\\ \ \ \ \

Իսկ թէ հորոս Պատրիարք կոչեաց զբազաւորն և ըզդարապետն , և ետ ընթեռնուլ նոցա զամենայն կարեւոր գրեանս , և ըստ մտաց նոցին գրել շեօճէլ և էլմ' յայտ արարեալ զըմփանդակ տեղիս և զբաժինս Հայոց : Գրեաց նաեւ ինքն հանդերձ միարանօք զիր ազերստխառն առ Պատրիարքն և առ գլխաւորս ազգին 'ի Կոստանդինուպօլիս , արիանալ եւ քաջութեամբ պաշտպանել զիրաւունս ազգին , և մի առնել զնոսս կոխան ոտից օտարաց , և զայլ կարեւոր գրեանս որոնել յարձանագրութիւնս կայսերական զիւանին , զի յերուսաղէմ' ոչ կարացին գտանել զպատճէնս մեծ հրովարտակաց , զորս թախանձելով խնդրէր Յակոբ եպիսկոպոս 1804 :

Եւ մինչդեռ սոքա յայսմ խորհրդի էին ձէղար Փաշայ կալեալ զմին յերեւելեաց Ապուղօզ գիւղի Օթման անուն եդ 'ի բանտի , և եղբարք նորին դեգերեալ այր անդր ոչ կարացին ազատել զնա . ապա եկեալ բռնացան 'ի վերայ երկց վանօրէից , և 'ի նոցանէ խնդրէին զեղբայրն իւրեանց , և նոքա խոստացան գրել առ ձէղար վասն ազատութեան նորին : Իբրեւ տեսին թէ անազանեաց պատասխան գրոյն , կալան 'ի ճանապարհի դուխտաւորս Հայոց և Յունաց , որք գային 'ի Յոսպէ քաղաքէ , և արգելին զնոսս 'ի դեօլն իւրեանց : Եւ եկեալ յերուսաղէմ' 'ի դուռն քաղաքին՝ յափըշտակեցին զմին 'ի մանկանց Լատինաց և տարեալ եղին զնա 'ի դիւղն . պատգամ առաքեցին առ վանականս , և ասեն եթէ ոչ եկեսցէ Օթման՝ չիք փրկութիւն ուխտաւորաց ձերոց , թէ պէտ եւ քաղաքապետն և Միւֆթին յղեցին զոմանս և խնդրեցին արձակել զնոսս , այլ չեղեւ հնար . իսկ ձէղար գրեաց առ վանօրայս թէ չէ հնար արձակել զայրն : Վանականք հաղիւ ուրեմն զերժուցին դուխտաւորս և բերին զնոսս յերուսաղէմ' : Բղեչին Յոսպէի մեծամեծս սպառնայր յոչ ընդունել զիոխանակազիր իւր , տանջանօք սպառել զկեանս վանականաց , աւերել և կործանել զվանորայս : Միւլէյման Փաշայ 'ի Նազարեթէ խնդրէր զգումարս գրամոց , և 'ի չանսալն սոցա , կալաւ և արգել դուխտաւորս 'ի ճանապարհի , որք գային յաշխարհէն Գամրաց ,

և 'ի նոցանէ առ զոր խնդրէին , և և նոքա եկեալ յերուսաղէմ՝ առին զգրամն իւրեանց 'ի Պատրիարքէն : Եւ յերկուղէ՝ նորին փակեցան դուռնք քաղաքին և կարգեցան պահապանք , յաւելաւ սոփն և տաղնայ նուազութեան ջրոյ : Բռնացան այլազգիք 'ի վերայ երկց վանօրէից , պահանջելով գրամս և զայլ իրս , և նոցա անճարացեալ գումարեցան 'ի խորհուրդ , և գրեցին աղերս առ իւրօքանչիւր ազգայինս 'ի Կոստանդինուպօլիս , զի թերեւս մարթասցին գտանել ազատութիւն ինչ : Իսկ զինի տօնի Ս . Զատիկի եհաս յերուսաղէմ՝ լուր մահուան ձէղար Փաշայի , և 'ի տեղի նորա յաջորդելոյ Արապկերցի Իսմայիլ Փաշայի արձակումն ոմանց յերեւելեաց 'ի բանտէ , և Օթմանին մնալ անդ : Եւ յուղեւորիլ ուխտաւորաց 'ի հայրենիս իւրեանց 'ի ցամաքէ , եղբարք և ազգականք Ապուղօզի դիմեցին բազմութեամբ 'ի վերայ նոցա , և կալեալ բռնութեամբ և անարգանօք դարձուցին զնոսս յերուսաղէմ' , և խնդրէին 'ի վանականաց զեղբայրն իւրեանց . միարանեալ էր ընդ նոսս և Միւֆթի քաղաքին : Հայք եւ Յոյք գրեցին զիր աղաչանաց առ Բղեչին Իսմայիլ , և առաքեցին զԳարրիէլ և զՄեարտիանոս վարդապետս յԱքքէ վասն ազատութեան առնն և վասն այլոց խնդրոց , և յերկարիլ միջոցին զայրացեալ Յոյն ուխտաւորաց դիմեցին 'ի վերայ փոխանորդի նոցին , և ձգեալ զնա արտաքս առեալ դնացին առ Միւֆթի քաղաքին , և աղմկեալ կոչէին անդ՝ թէ ընդէջ արդելուք զմեզ 'ի ճանապարհաց մերոց , զի ոչ գոյ տեղի հանդատեան և ջուր ըմպելոյ 'ի քաղաքիս . դնացին անդ և թարգմանք , բազում աղաչանօք և խոստամբ գրամոց հաղիւ կարացին հաճել զմիտս նորա , այլ գիւղականք ոչ երբէք հաւանէին ընդ այն : Եհաս գիր 'ի բանտարկելոյ անտի թէ՛ թողէք զուխտաւորս , զի վարդապետքն ջանիւք մեծաւ աշխատին վասն ազատութեան իմոյ , գիւղականք ընդ այն ևս ոչ հաճեցան , մինչեւ առին յերաշխի զԹարգմանս Հայոց և Յունաց , և այնպէս թոյլ ետուն ուխտաւորաց ելանել 'ի ճանապարհ և քաղաքապետն ընդ նոսս : Եւ յեա մեկնելոյ ուխտաւորաց 'ի ճանապարհ կրից աւուրց , գիւղականք արդեւին առ իւրեանս զԹարգմանս , և 'ի սոզրելոյ Միւֆթիին և քաղաքապետին , և տուն գիր երաշխա-

ւորութեան վասն ազատութեան բանտարկելոյն, ապա զերծան 'ի ձեռաց նոցա :

Գրեաց Գարրիէլ վարդապետ յԱքքէ քաղաքէ առ Թէոֆորոս՝ թէ վասն ազատութեան Օթմանայ պահանջն զՏ00 քսակս գրամոց : Կատինք ոչ կամեցան մերձենալ յայս գործ մասամբ իւրեք : Իսկ Հայք և Յոյնք առաքեցին զՎարդամանն յԱքքէ, և նոցա հասեալ անդ՝ խորտացան անթերի հատուցանել զգումարն, և ետուն մուրհակ օրինօք դատարանի ինքնընտիր Իսմայել Փաշայի՝ և հանեալ 'ի բանտէ ըզ-Շէյխ հաճի Օթման զաֆարձի բերին ընդ ինքեանս յերուտաղէմ և առաքեցին 'ի տեղի իւր : Եւ այս ծանրութիւն բեռին մնաց 'ի վերայ Հայոց և Յունաց : Թէոֆորոս Պատրիարք կողովոյանօք գրէ առ ազգայինս 'ի Բիւզանդիոն հասանիլ 'ի Թիկունս, զի չէր մնացեալ յոյս կենդանութեան յերեսաց կեղեքիչ բռնաւորաց : Նեղութիւնք, տառապանք յափշտակութիւնք և այլ սոյնպիսի տարօրինակ իրք, զորոց երկար գրէ 'ի նամականիս իւր :

Իսկ ուխտաւորքն հասեալ 'ի կողմանս Դամասկոսի՝ վնասեցան 'ի զօրաց Տեւէ կոչեցելոց, և գերի վարեցաւ մանուկ մի 'ի նոցանէ (180%) :

Յաւուրս Թէոֆորոս Պատրիարքի Խորենացոյ յաջորդի Յակոբայ Նալեան, գնեցաւ արդեամբք վնաց Ս Յակոբայ մեծ տունն 'ի Լաւոդիկիէ՝ և կարգեցին զայն հոգետուն 'ի պէտս ուխտաւորաց եկելոց ծովային ճանապարհաւ, և յաւելին միաբանք և այլք 'ի նոյն՝ քանի մի տունս իրր կալուած հոգետան, արդեամբք նոցին պատասպարիլ տեսուչ վարդապետին : Եւ 'ի սմին ժամանակի Բդեշխն Լաւոդիկեայ բռնացեալ 'ի վերայ հոգետան նստոյց զօրս, եւ տեսուչ վարդապետն փախուցեալ 'ի ձեռաց նորս մազապուրծ գերծաւ յերուտաղէմ : Գալկեցաւ դուռն եկեղեցոյ, և ժողովորդք տեղւոյն զրկեցան 'ի հոգեւոր միսիթարութենէ որպէս գրեն դառն դանկատանօք առ Թէոֆորոս Պատրիարք, առաջի եղեալ նմա զտարագրիւն իւրեանց 'ի քաղաքէն, զքանդումն եւ դաւերումն շինուածոց հոգետան 'ի զօրաց անտի : Իսկ Թէոֆորոս Պատրիարք չկարացեալ առնել ինչ առ ժամն առաքեաց 'ի Կոստանդինուպօլիս գհրտփարաակն Սուլթան Մուստաֆայի նորոգել զայն յանուն

իշխողի Լաւոդիկեայ, զի մի իշխեսցեն բնակեցուցանել անդ զզօրս և գործել զայնպիսի ոճիրս :

Վէճ Դաւթի և Դանիէլի, որպէս գրէ Եփրեմ Եպիսկոպոս յաշխարհէն Ռուսաց :

Մովսէսն Օսմանեան նստէր մերձ յԱքքէ՝ և խնդրէր զինչս ձէզարին : Իսմայիլ Փաշայ ոչ առնոյր յանձն յանձնել զայնս, ապա եղին պայման 'ի միջի, եթէ թագաւորն տացէ զիշխանութիւն ձէզարին ինքեան, ինքն եւս խոտանայ տալ զինչս նորին, և զայս գրեցին 'ի Դուռն եւ սպանէին առնուլ զպատասխանն :

Լուր դալասեան Ապու Մէրաք Մէհէմէտ Փաշայի 'ի կողմանս Պաղեստինոյ՝ դըրդեալ սասանցոյց զերկիրն, մանաւանդ զվանականս Երուսաղէմի : Ապա յաւուր մուսլ յանկարծ եմուտ 'ի քաղաքն Յոպպէ ('ի 18 Նոյեմբերի) : Եւ զինի խնդակցութեան և ուրախութեան ընդ բնակիչս և ընդ տեսուչս վանօրէից՝ խնդրեաց 'ի Ղազար վարդապետէ տալ փոխանակադիր 200 քսակի, զի փոխանարդն վճարեսցէ 'ի Կոստանդինուպօլիս, և ինքն յետոյ հատուցէ անդ 'ի Յոպպէ : Այս գիր կարի յոյժ տրտմեցոյց զԹէոֆորոս Պատրիարք և գրեաց 'ի Կոստանդինուպօլիս զտանել Հնարս ազատութեան, զի յառաջագոյն զփորձ առեալ էր բռնութեան նորին : Եւ եղեւ յետ աւուրց ինչ կոչեաց առ ինքն զՂազար վարդապետ, և էառ 'ի նմանէ փոխանակադիր 100 քսակի, որ եղեւ 300 քսակ, և 150 քսակ պատրաստի դրամ էառ, թող զայլ զծանրադին ընծայս և զգարդեւս 'ի Պատրիարքէն : Նոյնչափ եւս 'ի Յունաց : Եւ ապա վերստին կոչեալ առ ինքն սպառնալօք պատուիրէ գրել առ Պատրիարքն՝ զի փութով վճարեսցեն զգրաման 'ի Կոստանդինուպօլիս և մի դարձուցեն յետս, ապա թէ ոչ 'ի սուր մաշեցից ասէ զձեզ, զվանօրայս և զփառանգութիւնս ձեր յաւեր և յապականութիւն դարձուցից : զի ինքն եղեալ էր 'ի մտի առնուլ զիլուսակալութիւնն Դամասկոսի և տիրել բովանդակ Պաղեստինոյ, և եթէ ոչ հաճեսցի ընդ այն Արքայ՝ ապատարիլ 'ի նմանէ : Սմին իրի խորամանկութեամբ իւրով ջանայր որսալ զվրտս մեծամեծացն Երուսաղէմի, բայց նոքա գիտելով զառաջին գործս և զբռնաւորութիւնս նորին, ոչ տային տեղի բանից նորս :

Իսկ Սիւլէյման Փաշա՝ որ նստէր 'ի Նաղարէթ, խորհր-
 քեր դրամս 'ի վանտահանաց, և 'ի բաց սանըն սոցա՝ կա-
 լու 'ի ճանապարհի զուխտաւորս և արկ զնոսա 'ի դանս
 և 'ի տանջանս՝ կամեցեալ խալառ մերկացուցանել զնոսա .
 զի վանականք ձեր ասէ՝ ոչ հասին ինձ 'ի թիկունս 'ի նե-
 ղութեան իմուս . և 'ի սպաղառիլն ուխտաւորաց՝ աւնու
 'ի նոցանէ 13 քսակս եւ արձակէ, եւ սպառնալեօք գրէ
 յերուսաղէմ առ Հայս եւ առ Յոյնս բովանդակել զայն
 150 քսակ . զի եթէ ոչ ասէ՝ չիք հնար անցանել աստի
 ուխտաւորաց ձերոց : Եւ նոցա վարանեալ 'ի միտս իւր-
 եանց, խոտացան կատարել զհրաման նորին : Յետ այնու-
 րիկ բռնացեալ Սիւլէյմանայ 'ի վերայ Լատին կղերց՝ պա-
 հանջէր 'ի նոցանէ 1000 քսակս դրամոց, և 'ի չաւնուլ նոցա
 յանձն՝ աւարի ետ զվանս նոցա 'ի Նաղարէթ, և մերկա-
 ցոյց զնա յամենայն գոյլից, սպառնացեալ հինն 'ի վեր տա-
 պալել զնա : Իսկ վանականք մաղապուր փախտտեայ զեր-
 ծան անախի և անկան յերուսաղէմ՝ պատմիչ լինելով անցիցն,
 եւ թէսդորոս Պատրիարք իւրովքն հանգերձ աագնապիին
 և տառապէին 'ի նեղութիւնս յայտուիկ, և հասեալ 'ի չքա-
 ւորութիւն յետին յերեսաց կեղէքչաց, դաւանացեալ ո-
 գուով զոչէին առ Աստուած և առ աղբն հասանել յօգ-
 նութիւն :

Որոյ վասն ժողովեալ միարանաց և երեւելի ուխտա-
 ւորաց տարւոյն դրեցին 'ի Կոստանդինուպօլիս աղերսա-
 խառն սպաղառանօք անպատճառ վճարել զխոլիցայս Ասու
 Մէրադի և ազատել զինքեանս 'ի բռնութենէ նորին, զի
 փակեալ էին ճանապարհք յերկուստէք, և չէր հնար նոցա
 խոտորիլ յաջ կամ յահեակ (1805 . Յունվար) :

Փոլիցայք Ասու Մէրադի դարձան յետս 'ի Կոստանդի-
 նուպօլսոյ՝ զի ոչ առին յանձն աղբայինք վճարել զոյնչափ
 գումարս գրամոց : Մէհէմէտ Փաշայ լցեալ անհնարին
 բարկութեամբ ձեռն արկ չարչարել զվանական Յոսպիլի՝
 պահանջելով 'ի նոցանէ զգումարս դրամոց 'ի նոյն տեղի,
 և ուխտաւորք տարւոյն արգիլելալ մնացին յերուսաղէմ .
 առաքեաց նա զօրականս և կալառ զամենայն անցս ճանա-
 պարհաց՝ զի զամենեւեան գումարեցեն 'ի Յոսպիլէ և ա-
 րացէ նոցա ըստ հաճոյից իւրոց, իսկ ուխտաւորք այլ ոչ

եւս կարացին մնալ յերուսաղէմ, եւ դէմ եղեալ իջին 'ի
 Յոսպիլէ . յայնժամ պաշարեալ զնոսա Ասու Մէրադ՝ պա-
 հանջէր յիւրաքանչիւր վանաց 200 քսակս, և նոքա յանձն
 առին փոլիցայի վճարել 'ի Բիւզանդիոն . 'ի նոյն պահու
 եհաս առ նա գիր 'ի գործակատարէ իւրմէ (Գարու քեա-
 հեախ), թէ քրիստոնեայք ոչ զիոլիցայն ընկալան և ոչ
 զգրամն ետուն՝ և գուն գործեն այսր անգր կորուսանել
 զքեզ, ուստի քեզ մնայ կողոպտել զդոսա և առաքել դը-
 րամս առ 'ի հոգալ զգործս քո : Իսկ նա 'ի վերայ այսր
 թշնոյ բորբոքեալ իբրեւ գհուր՝ թափեաց զցատուան բար-
 կութեան իւրոյ 'ի վերայ ուխտաւորաց և տեսչաց վանօ-
 րէից՝ պահանջելով 'ի նոցանէ զգումարն վճարել անդ 'ի
 Յոսպիլէ : Եւ նոքա խոտացան վճարել յերուսաղէմէ, և
 ուխտաւորք արձակեալ զնացին յիւրաքանչիւր տեղիս
 իւրեանց : Յաւուրս յայտուիկ այլազգիք Երուսաղէմի յահէ
 բռնաւորին գումարեցին զօրս՝ որպէս յաւուրս մեծին Նա-
 բոլիոնի, և բնակեցուցին զնոսա վրանառ 'ի սարաշէն Հա-
 յոց հանդէպ վանաց Ս . Յակոբայ, զորոյ պէտս սկսան հո-
 գալ վանականք՝ իբրեւ թէ պահապան են քաղաքին, և
 սպա առեալ յիւրաքանչիւր վանաց 22,000 դահեկանս,
 բաց յընծայից և այլոց՝ արձակեցին զնոսա : Ասու Մէրադ
 յեցեալ 'ի բռնութիւնս իւր կոչեաց զՏեսուչս վանաց ասէ՝
 դրեցէք յերուսաղէմ առ Ծերունիսն՝ առաքել առ իս ծը-
 րարս սկիւոյ 'ի թոշակ զօրաց իմոց, զի իմ եղեալ է 'ի մտի
 երանել յերուսաղէմ . լուեալ զայս վանականաց՝ խորհեցան
 խոյս տալ անտի, բայց զմտառ ամէին թէ 'ի գալստեան
 նորա դուցէ մեղմացին այլազգիք 'ի բռնութենէ, այլ ին-
 քեանք եւս ունէին ըմպել զբաժակն դաւնութեան : Տե-
 սուչքն Լատինաց և Յունաց Յոսպիլի չկարացեալ տուիլ
 բռնութեան նորին, փախուցեալ եկին յերուսաղէմ, փա-
 խեաւ և Սբրահամ վարդապետ Տեսուչն Ռեմիլի : Լուեալ
 զայս բռնաւորին՝ բնակեցոյց զօրս 'ի վանս նոցա, և նոքա
 քանդեալ ապականեցին զամենայն փայտակերտս և զչին-
 ուսածս : Իսկ Ղազար վարդապետ չկարացեալ գտանել հը-
 նարս փախտտեան՝ մատնեցաւ 'ի ձեռս բռնաւորին . զինի
 դանից և խոլտանդանայ՝ վաճառեաց զայն 25,000 դահե-
 կանի Տեւէ կոչեցեալ զօրաց՝ զսր լուեալ թէսդորոս Պատ-

րիարքի փրկանաւորեաց զնա, եւ նորա տուեալ կաշառս պահապան զօրաց՝ փախուցեալ անկառ յԵրուսաղէմ: Ո՞չ կարէ պատմել ասէ նամակագիրն զգործս նորա՝ զի ոչ եթող տեղին զոր ոչ աւերեաց՝ և ոչ զուր՝ զոր ոչ մատնեաց ՚ի տուգանս, մինչեւ զկանայս և զմայրն իւր իսկ զլստփն (1805):

Գ Լ Ո Ւ Թ Ժ Թ .

Ընդգինութիւն Լատինաց : Ռատիկան ասիս Ապու Մէրազի : և փախուստ նորա : Ապուսուլան Փաշա : Խապուսթիւն և վիճ Յունաց : Կէզուսթիւն Հայոց փան Նրոփարտակոյ : Կիտաւարութիւն փախուցեալ Թեւզորոսի : նեղեալ յոյժ ՚ի տառապանաց :

ԱՏԻՆԻ կամեցան խափանել զԹափօրն Հայոց ՚ի տաճարին Ս. Յարութեան՝ յաւուր մեծի Հինգաբլթի, յարուցեալ ՚ի վերոյ նոցա բոք և մահաօք, այլ յետոյ նոքին իսկ Լատինք առաքեցին աղաչաւորս առ Թէոդորոս Պատրիարք չարելինչ զայնմանէ ՚ի Կոստանդնուպօլիս, զի մի անկցի ցրտութիւն ՚ի մէջ մեծամեծաց երկուց կողմանց, զի մեք ծանեաք ասեն զյանցանս մեր, թէպէտեւ Լատինք գրեալ էին, և զլսաւորք աղբին պատուիրէին Թէոդորոսի սիրով վարիլ ընդ Լատինս և ընդ Յոյնս : Իսկ Թէոդորոս Պատրիարք նեղեալ յոյժ յայսպիսի տաղնապալից ժամանակի՝ խոյս ետ ՚ի Բեթլեհէմ, յետ կատարելոյ ցտօն Պայծառակերպութեան Քրիստոսի, գտանել անդ սուղ ինչ անդորրութիւն, այլ ՚ի ստիպել հարկին անդրէն դարձաւ ՚ի տեղի իւր :

Ի բազմանալ դանկատանաց և բողոքադրոց ՚ի Դուռն վասն չարութեան Ապու Մէրազ Մէհմէմիտ Փաշայի՝ բրեցաւ հրովարտակ քննել զգործս նորին և բառնալ զնա ՚ի կենաց . յայս պաշտօն կարգեցաւ ՚ի Դրանէ Սասէքի Մուստաֆա աղա : Ի հասանիլ սորա յԵրուսաղէմ կոչեաց առանձին զԹարգմանն Հայոց, և սկսաւ խօսիլ ընդ նմա սիրով և քաղցրութեամբ՝ ըստ պատուիրելոյ Թնկրեան

Յակօր աղայի՝ ընթեռնով զգիր նորին : Չինի բազում բանից և յայտ առնելոյ զպատճառ դաւառեան իւրոյ, առաջի ետ նմա զվարձ ծառայութեանն ինիլ առաւ եթէ շահեալիք զիս ասէ ըստ արժանաւորութեանս, իմ է հոգալ զգործն՝ որոյ վասն եկեալ եմ : Թարգմանն ոչ ինչ սասցեալ նմա, ծանուցանէ Յունաց և Լատինաց զրանս նորին, և միաբանութեամբ սահմանեն տալ նմա յերկոց վանաց 15,000 դահեկան . և ՚ի կրկին պատահիլ առն Թարգմանին՝ հարցանէ նմա զմիտս վանականաց, և նա ասէ՝ դու ըստ պատուոյ քո կատարեա ըստ օրինի զգործն՝ նոքա պատրաստ են շահել զսիրտ քո, այլ նա պնդեալ եկաց թէ պահանջեմ յերկոց վանաց 30,000 դահեկան, և եթէ ոչ կամիք՝ դուք զխոսաջիք, զի այս գործ Արքունի է՝ սոսմ ընթեռնուլ զհրովարտակն ՚ի դատարանի՝ և դառնամ յետս, յայնժամ արարէք և դուք որպէս և կամիք : Լուեալ զայս վանականաց՝ յանձն առին տալ զգումարն զայն, այլ նա զդուշացոյց զնոսս ամենեւին չհանել զբանն ՚ի վեր, ոչ դատաւորին և ոչ այլոց, զի մի մեծասցի իրն յաչս նոցա, այլ ասել թէ խոստացաք տալ 5,000 դահեկան յերկոց վանաց : Եւ յետ այնորիկ քննութիւնք և դատաստանք կատարեցան ՚ի դատարանի . դատաւորն զրեաց իլամ և այլազգիք հանրագիր բազմակնիք, թէ փոլիցայք Մէհմէմիտ Փաշայի էին բռնութեամբ, և ցարդ չէ տուեալ ումեք դրամս ինչ՝ և առաքեցին ՚ի Դուռն : Եւ մինչ սոքա դրաղեալ էին յայս գործ, Ապու Մէրազ ստիպէր առաքել ՚ի Յոսպէ զՏեսուչս վանօրէից ՚ի պտոճառս դաւառեան ուխտաւորաց, այլ նոքա հազիւ զերժեալ էին ՚ի ձեռաց նորա, ոչ կամեցան դնալ, այլ արարին պատասխանի՝ զի ինքն առաքեացէ զուխտաւորս, զի բազմութիւնք զօրաց պատեալ էին զքաղաքան և զնօքօք :

Մէհմէմիտ Փաշայ իրազեկ լեալ եղելոցն Երուսաղէմի՝ կողոպտեաց զնախըւանցի ուխտաւորս Հայոց՝ առեալ ՚ի նոցանէ 18 քսակս արծաթոյ, և աճապարեալ փախեաւ ՚ի Դամասկոս (1805 ՚ի 21 Նոյեմբերի) : Տեսուչք և միաբանք դարձան ՚ի վանօրայս Յոսպէի :

Կուսակալն Դամասկոսի Ապուսուլան Փաշայ եկն յԵրուսաղէմ ըստ սովորութեան՝ Հայք հազիւ զերծան ՚ի ձեռաց

նորա տարով 30,000 դահեկանս և նորա կալեալ զոմանս 'ի գիւղակունաց' որք մտեալ էին 'ի քաղաքն հրամանաւ քաղաքապետին' և եդ 'ի բանախ և պահանջէր 'ի նոցանէ 1000 քսակս արծաթոյ . իսկ գիւղականք յարեան 'ի վեճոյ վանօրէից , թէ 'ի ձէնջ խնդրեմք զկալանաւորս մեր . Հայք և Յոյնք տուեալ վասն նոցա 115 քսակս և զերծուցին զնոսս :

Բդեշյան խոտացաւ 'ի վերայ նոցա' պահանջելով 'ի նոցանէ զայլ իրս , եւ նոքա տուալի եդին նմա զաղքատութիւնս իւրեանց և զհրովարտակն Արքայի , այլ նորա ոչ մատուցեալ ունին , առէ' եթէ յօժարութեամբ տայք' բարի , իսկ եթէ ոչ' տուում' բռնութեամբ և և խայտառականօք 'ի ըւր ամենեցուն , և զուք գրեցէք առ թագաւորն և առ որ յուսացեալն էք : Այսպէս սլաշարեալ էին վանականք յամենայն կողմանց 'ի տառապանս յուսարեկ 'ի կենաց , և զումար տոկոսաւոր պարտոց հասեալ էր 870 քսակ արծաթոյ , թող զհարկապահանջ սլաղադիս և զմեծամեծս քաղաքին : Գլխաւորք Լատին և Յոյն վանաց ժողովեցան 'ի Պատրիարքարանն Հայոց , միաբանութեամբ խորհիլ և զարման գտանել տառապանացն , զի կուսակալք Գամասկոսի անփոյթ լեալ զկուսավարութենէ և ըզբարեկարգութենէ երկրին , միայն զհեռ էին կեղեքել ըզվանօրայս և առնուլ զտարեկան հարկս' և զայլ ինչս իբրեւ սահմանեալ , որոյ վասն գրեցին առ իւրաքանչիւր ազգայինս 'ի կոստանդինուպօլիս և առաքեցին մէն մի վարդապետս' Գաբրիէլ և Մետրոփանոս 'ի Լատինաց և 'ի Յունաց , և կեարացի Միլտիզ վարդապետ 'ի Հայոց , փոյթ տանել և տալ կարգել զուք յատուկ կուսակալ երուսաղէմի 'ի բարեկարգութիւն գաւառին և յանդորրութիւն վանօրէից և ուխտաւորաց , և խոստացան յերից վանաց հատուցանել , զոր ինչ միանգամ ծախեսցեն 'ի շրունս վասն այսր և այսպիսի որոշմամբ մեկնեցան երեքին վարդապետքն 'ի կոստանդինուպօլիս (1806 . յ2 Փետրվարի) :

Երուսաղէմի Յոյն Պատրիարքն Անթիմոս , որ յառաջադոյն առ հրովարտակ յԱրքայէ հակառակ իրաւանցն Հայոց , և մինչեւ ցարդ պահէին զայն յերուսաղէմ , 'ի սոյն աւուրս փոխանորդն նազարէթ ետ արձանագրել զայն 'ի

դատարանի , և սարսէին դալտեան կուսակալին գործադրել զայն : Ապա սկսան պարծանօք խօսիլ այսր և անդր , թէ Հայք զինի աւուրց ինչ ունին հանդիպիլ մեծամեծ վնասուց և խալառ զրկիլ 'ի քաղաքէս : Իսկ դպրապետ դատարանի Ալի Էֆէնտի լուկեայն ազգ արար Թէոդորոս Պատրիարքի զգործս Յունաց , և հանեալ զպատճէն հրովարտակին վաւերեալ 'ի դատաւորէն երեր զայն . զոր տեսեալ ապշեցան և զարհուրեցան յերեսաց ահագին վտանգի : Եւ կոչեալ զդատաւորն ետուն նմա գրել Ելամ ըստ մտաց գրոցն Հայոց' յիւելով 'ի նմա զրովանդակ վանօրայս Հայոց , զբաժին տեղիս և զերիս հետեւակ ազգս , այլովքն հանդերձ . զպատճէն հրովարտակին Յունաց , և զոմանս հին հրովարտակացն Հայոց , և զայլ կարեւոր գրեանս պատրաստեալ յանձն արարին Ադրիանուպօլսեցի Պօղոս վարդապետին , և տառքեցին ծածկապէս ցամաքաւ 'ի կոստանդինուպօլիս : Թէպէտեւ Թէոդորոս Պատրիարք ինքնին կամեցաւ երթալ , որպէս յայտնի երեւի 'ի նամակաց նորին , այլ միաբանք արգելին զնա 'ի խորհրդոյն , զի մի 'ի հեռանալ նորին 'ի քաղաքէն սրբոյ , Յոյնք առաւել համարձակութիւն գտեալ , դառնացուցեն զինքեանս : Իսկ Պօղոս վարդապետ տկարացեալ 'ի ճանապարհի տապանայր 'ի անդէ , և հասեալ հիւանդագին 'ի կոստանդինուպօլիս , յանձն արար զգրեանս փոխանորդ Յակոբ Եպիսկոպոսին , և ինքն անկաւ 'ի մահիճս : Եւ Յակոբ Եպիսկոպոս եցոյց զգրեանս գլխաւորաց ազգին , և աղտչէր զնոսս , որպէս Պատրիարքն և միաբանք Երուսաղէմի , չառնել անտես զծանրակշիւ խնդիրս ազգին , և փոյթ տանել յերծումն հրովարտակին Յունաց , և նորոգել զՀայոցն : Քանզի Յոյնք շրջեալ 'ի կողմն իւրեանց զԱրքունի քարտուղարս , ետուն ընջել և բառնալ 'ի դիւանաց զարձանագրութիւնս հին և նոր հրովարտակացն Հայոց . թէպէտեւ բազումք 'ի գըլխաւորաց ազգին խորհէին գտանել զչնարս և գարմանել զվէրսն , զոր ընկալան 'ի գաղտնի նետածղութենէ Յունաց , այլ դէպք ժամանակին ոչ յաջողէր նոցա գործել համարձակ . զի ոմանք 'ի նախարարաց որք էին վալիատէ քեահեասի Եուսուֆ , Իպրահիմ քեահեայ' Ինկիլիզ Մահմուտ , Հաճի Իպրահիմ' և այլք կամակից սոցին , ոչ

րոց յանձն էր դեկ Արքունի Կառավարութեան, լեալ էին պաշտպան Յունաց, մանաւանդ թէ 'ի սաղրելոյ սոցին լարեցաւ որոգայթ Հայոց, և չէր հնար ումեք առնել զիրս ինչ արտաքոյ կամաց սոցին, որոյ վասն դժուարին էր Հայոց զերծանիլ յորոգայթէ անտի, և կամ մերձեալ առ նոսա, այլ իրեւ զիրօրձ մատեաւ առ Իսրահայիլ քեահեայ Կեսարացի Կիւլպեան Յակոբ ալա, զի սիրելի էր նմա. այլ ընկալաւ 'ի նմանէ պատասխանի՝ չիչեւ միւսանդամ զնորէրն. զի ամենեքին երդուեալ էւ նոյմիւք փակեալ էին լինել 'ի կողմն Յունաց, Ապա հարկ լինէր Հայոց սարսեւ պատեհ ժամանակի:

Յոյնք 'ի Կոստանդինուպօլիս 'ի ձեռն կրուսողէմացի Մուսա էֆէնտեայ, որ դպրապետն էր յառաջագոյն 'ի դատարանն երուսաղէմի և Բարեկամ Յունաց, առեալ էին զիւրմն Հայոց, զոր առաքեալ էին յերուսաղէմէ, և 'ի սոյն միջոցին առաքեցին զայն առ միաբանս իւրեանց, և Փոխանորդ նոցին կոչեալ զԳարապետ դատարանի՝ բարկութեամբ հարցանէ թէ ընդէ՞ր ետուք զայդպիսի գիր Հայոց, և կամ ընդէ՞ր ոչ ծանուցիք մեզ. և նա հարցանէ, որպէս 'ի ձեռս բերիք զայս գիր, ասէ. ոսկին զամենայն ինչ կատարէ, և բռնադատէ զայն յորդորել զգատաւորն տող զիր հակառակ Հայոց, այլ դատաւորն ոչ կամեցաւ:

Իսկ Յակոբ Եպիսկոպոս և Պօղոս վարդապետ ջան 'ի գործ եղեալ անդադար աշխատէին և զեղերէին 'ի դրունս մեծամեծաց, և ուեալ Յունաց զխրտիւն և զչնջիւն Հայոց, կազմեցան և նոքա հարկանիլ 'ի դիմի, հանեալ 'ի հրապարակ զգողտնի մեքենայս իւրեանց, և տարեալ ցուցանէին մեծամեծաց Գրան զխաւերական գրեանս իւրեանց, իրրեւ թէ նոքօք ժառանգեալ են զՍ. Տեղիս, և Հայք յանիրաւի յափշտակեալ են զայնս: Իսկ Նախարարք իրրեւ իրաւարար խնդրեցին և զհրովարտակս Հայոց տեսանել թէ որպիսի օրինակաւ տիրեալ են անդեացն այնոցիկ, և զյափշտակեալն 'ի Յունաց դարձուցեն առ նոսա և Փոխարէն բազմաթիւ գրեանցն Յունաց՝ մատուցին զօրինակս հրովարտակաց առ Ղալիպ Բէիլ էֆէնտի 'ի ձեռն Կեսարացի Պաշ Պաղիրկեան Յովհաննէս Աղայի, իմանալ զիրտս նոցա: Եւ նորա առեալ պահեաց զնոսա առ իւր. և խընդ-

րէր իսկականս, զնոյն ասէր և Իսրահայիլ քեահեայ. զբրեցին յերուսաղէմ զի առաքեացն զհրովարտակս, այլ ընկալան պատասխանի՝ թէ յղեցաք զամենայն 'ի Կոստանդինուպօլիս. իսկ զբաշնագիրն Օմարայ տարեալ եղիադարու 'ի քաղաք անդր, այլ ոչ դարձուցեալ զայն, կորուսեալ և և կամ յափշտակեալ 'ի ձեռաց նորա: Եւ եղև 'ի սաստկանալ խնդրոյն 'ի Կոստանդինուպօլիս, տեսեալ Հայոց թէ առանց իսկական հրովարտակաց չէ կարելի առնել ինչ, գրեցին դարձեալ յերուսաղէմ և հանին կրկին դուրհանդակ, զի որքան թուղրալի հրովարտակ գտանիցի յԱթուս՝ յղեցեն անպատճառ, իսկ թղթապարացն հասեալ 'ի Կիրինտիք առ Կիպրոսիս՝ եղեն ծովամոյն, և սկիթիսդորոս Պատրիարք տաղնապէր և տառապէր յետին աղքատութեան և 'ի ներքոյ տոկոսաւոր սարտուց. միայն 'ի շրջանի երկոց ամսոց էաւ 500 քսակս, և այն չէր ինչ յադարդ կեղեքիչ այլաղեաց: Տագնապ դալտեան կուսակալին՝ փոփոխութիւն քաղաքապետին. Բանդի Յոյնք և Լատինք միաբանեալ խնդրէին զնախկին քաղաքապետն զՊատրիմ աղա՝ որ հակառակ էր Հայոց. համարձակութիւն Յունաց, նոր հակառակութիւն Լատինաց վասն բաժնի Հայոց 'ի Ս. Յարութեան, զի դրաւեցին նոքա զտեղի սեանն առաջի մեծի դրան, անպիտի լինելն աղբին վասն գերեզմանի Ս. Աստուածածնի. Յոյնք առաւել վստահութիւն առեալ 'ի թուլութենէ Հայոց՝ յաւելին անդ կանթեզ և զարդս, և այս ամենայն անբերեցի ցաւոց ոչ կարելով տոկալ թէ ուրորոսի՝ թախճաբէն սրտիս դրէր՝ թէ չիք յոյս յայսմ հետէ մնալ մեզ առա՝ զրկիմք 'ի ժառանգութենէ, և ինքն ջանահնար եղև փախչիլ ծածկարար յերուսաղէմէ, այլ իմացեալ զայն միաբանաց՝ օրհնեցին զճանապարհն և կալան դնա, և եղին ուխտ ընդ նմա՝ թէ զկնի գնալոյ աստի կուսակալին՝ արա զոր խորհրդ, և և այնպէս հանդարտեցուցին զնա: Եւ 'ի վերոյ այսր՝ թախտանալ Յակոբ Եպիսկոպոսի և Պօղոս վարդապետի, միոյն հրաժարիլ 'ի Փոխանորդութենէ, և և երկրորդին՝ հետանալ 'ի մայրաքաղաքէն (1806):

Աղբայինք Կոստանդինուպօլոյ միւսանդամ գրեցին առ թէսդորոս Պատրիարք խիտ բանիւք փութով տա-

բել զհրովարտական, այլ նա արար նոցա պատմութանի՝ թէ դաշնագիրքն եկեալ են այդր առ Եղիազար Կաթողիկոսիս՝ և ոչ դարձեալ այսր, և զայլն չվատահիմք հանել արտաքս, գուցէ վտանգ ինչ պատահեսցի ՚ի ճանապարհի՝ և զօրինական հանել դժուարին առ ՚ի չգոյէ դատաւորի և ծախուց. զլուս չարեացս այսոցիկ ցուցանէ լինել ըզ Մուսա էֆէնաի նախկին Դպրապետ դատարանին Երուսաղէմի, զի կարի քաջ տեղեակ եւ հմուտ էր ամենայն անցից անցելոց երից աղքաց: Իսկ նոցա տարակուսեալ ՚ի վերայ ձախորդութեանցս այսոցիկ, խնդրեցին ՚ի Դալիս էֆէնաեայ զպատճէնս հրովարտական զոր առեալ էին յառաջագոյն, և երբ որոյն Պաշպազիրիկեան Յովհաննէս՝ թացեալ ՚ի ջուր անձրեաց՝ եղծեալ և անբնթեանի, եւ ետուն վերստին օրինակել զայնս դժուարութեամբ, զի թերեւս կարելի լիցի ընդդիմանալ նոքօք ոսկեզօծ հրովարտական Գունաց, իսկ միջոց ժամանակի՝ Հայք ոչ կարացին մատուցանել ՚ի Դուռն զստոյգ հրովարտակա իւրեանց, որով հաստատէին զկարծիս նախարարաց՝ չունել Հայոց զայնս՝ և զբանս Գունաց՝ որք ասէին՝ թէ հրովարտակը Հայոց կորուսեալ են ՚ի ծովային և ՚ի ցամաքային ճանապարհի՝ ՚ի գալ և ՚ի դնալն ՚ի Կոստանդինուպոլիս, փոքու իմն ծառայէին այսմ եւ միտք Հայոց. զի միշտ բացասութիւն ընկալան յերուսաղէմէ, թէ պէտեւ գտին անդ զցանկն հրովարտական բերեալ յերուսաղէմէ յառուրս Շղթայակրի, այլ տարակուսեալ էին թէ դարձուցեալ են զայնս վերստին յերուսաղէմ, թէ ոչ:

Ասպ կարապետ Ազնաւորեան եւ Գրիգոր Արեղեան յարգելիք՝ հմուտք Տաճկական դպրութեան, ձեռն արկին օրոնել յարձանագրութիւնս Կայսերական դիւանաց, զի թերեւս մարթացին ՚ի նոցանէ հանել զպատճէնս եղծեալ օրինական այլ ոչ կարացին գտանել, և նախարարք Դրանն զիսկականն խնդրէին ՚ի սաղրելոյ Գունաց. այսպէս անյաջող գտեալ զգործն՝ պաշարեցան Հայք ՚ի տրամուսթիւն մեծ, զի յամենայնի ընդդէմ ելանէին նոցա խոչք եւ հակառակք. նմին իրի արժան համարեցին լուել առ ժամանակ մի և սպասել այցելութեան Տեսառն:

Ընդ աւուրան ընդ այնոսիկ յարեաւ խառնութիւն մեծ

ի թագաւորեալ քաղաքի անդ, վասն օրէնադրութեան Արքայի (Նիզամի ճէտիտ), և միաբանեալ Եէնիչէրի զօրաց բարձին յԱթուոյ զՍուլթան Սէլիմ Գ. եւ եղին ՚ի սելի նորս զՄուստաֆա, և ոմանք ՚ի նախարարաց մատնեցան ՚ի սուր, որոց խոստացեալ էր տալ Գունաց զժառանգութիւնն Հայոց: Եւ ՚ի ժամանակի խռովութեանս յայսմիկ մեկնեցաւ Պօղոս վարդապետ ՚ի Զմիւռնիա ՚ի գործ նուիրակութեան: Առաքեցան յերուսաղէմէ Մարկոս Եպիսկոպոս և Մկրտիչ վարդապետ Մեղրիկ: Եւ զինի անցանելոյ աւուրցին Հայք հասանէր յուսուցութեան Մուստաֆա Փաշայ, այր հզօր և անպարտելի: ՚ի խորտակել զգրուան Արքունեաց՝ խեղդեցաւ Սէլիմ Արքայ յիւրոց, էջ և Սուլթան Մուստաֆա յԱթուոյն: Ամբարձաւ ՚ի գան Կայսերութեան Օսմանեան եղբայր նորին Սուլթան Մահմուտ Բ. այր զգօն և արդարակորով՝ յաջողակ յամենայն գործս Կայսերական կառավարութեան, յորմէ սարսեալ զուղար ապստամբ և ստահակ խումբ Եէնիչէրեաց: Սորս սեղանաւորք՝ և Գարուտան Փաշայի՝ ծանօթ էին Յարութիւն և Յակոբ հայկազն յարգելիք, որք և ծանուցին ըզ խնդիրն Մուստաֆա Փաշայ մեծի վէջիրին, և նա խոստացաւ կարգաւորել զխնդիրն յերուսաղէմ՝ ըստ նախնական սովորութեան:

Գ Լ Ո Ւ Խ Ի .

Խառնութիւն այսոցեաց Երուսաղէմի, Հայք Ս. Աթուոյն, Միաբանութիւն Հայոց ընդգեմ Գունաց, Բաղարական գեղք, Հրգէն ՚ի սառարին Ս. Յարութեան:

Եւ եղև ընդ աւուրան ընդ այնոսիկ կարգեցաւ կուսակալ Դամասկոսի Կէնճ Եուսուֆ Փաշայ, որոյ համբաւ գործոցն հասնեալ յերուսաղէմ, սարսեցոյց զբնակիչս, առաւել եւս զվանականս, զի ՚ի գալստեան նորին՝ բանային դրուէք մեծամեծ ծախուց և սուգանաց. զի թէ պէտեւ յառաջագոյն խնդրեալ էին յատուկ կառավարիչ Երուսաղէմի՝ սրպէս դրեցաք, այլ չեղև յաջողութիւն այսմ ՚ի

Կոստանդինուպոլիս : Գասըմ Պէկն՝ որ գրեկեալ էր յաւատ-
 շառոյն յիշխանութենէ Երուսաղէմի՝ յաւուրս ձէզոր Փա-
 շայի, այժմ կարդեալ քաղաքապետ Երուսաղէմի, յանկարծ
 եկն և եմուտ ՚ի քաղաքն և նստու ՚ի տեղի խւր՝ և կալեալ
 զառաջին՝ քաղաքապետն Յահեայ Պէկ և գ. ՚ի դիպահնջ
 ՚ի բերդն՝ որպէս հրամայեալ էր նմա կուսակալն, Միւֆ-
 թի և Նախիպ քաղաքին յահէ նորս փակսցեալ ամրա-
 ցան ՚ի Սիոն՝ զի յառաջտոյն թշնամացեալ էին ընդ նմա՝
 դիմեցին անդր և կուսակիցք նոցին, և զինեցան ընդդէմ
 Գասըմի՝ ճեղքեցաւ քաղաքն յերկուս, գործեցին ասիրա-
 տութիւն մեծ տիւ և դիշեր : Զայն ետ Միւֆթին Ապու-
 ղոջ Օթմանին ժողովել զիւրսն և հասանել յօգնութիւն ՚ի
 Սիոն, գրեաց և Գասըմ առ բնակիչս Յովհաննու Մընը-
 դեան դաւ ՚ի թիկունս, և ժողովեցաւ բազմութիւն մեծ
 ՚ի քաղաքին յերկուց կողմանց : Միւֆթին ելեալ ՚ի Սիոնէ
 դիմեաց բազմութեամբ ՚ի վերայ բերդին, հանել անտի
 զգօրս և նոքօք զինիլ ընդդէմ Գասըմայ, այլ ամրականք
 դարձուցին զգէնս իւրեանց ՚ի վերայ նոցա և արարին ըզ-
 նոսա փախստական, և նոցա հասեալ ՚ի դուռն քաղաքին
 արեւելեան՝ պատգամ յղեցին անդ ՚ի բերդն տալ զբանալի
 դրան, զի աղխեալ էին դրունք պարսպին և վանօրէից .
 և իրեւ չառին նոքա յանձն՝ խորտակեցին զփականս և
 բացեալ զդուռն ելին արտաքս, և վերստին յուզեցաւ աղ-
 մուկն ՚ի քաղաքին, և Միւֆթին եկեալ իւրովքն հան-
 դերձ ամրացաւ ՚ի Սիոն, և ՚ի զայրանալ բանից յերկուց
 կողմանց՝ բանս եղին զրել առ կուսակալն, իսկ Միւֆթին
 առանձին միջնորդ կալաւ առ Եուսուֆ Փաշա, զՍիւլէյման
 Փաշա, որ նստէր յԱ.քքէ, բառեալ զԳասըմ յերուսաղէմէ,
 և հաստատել ՚ի տեղի նորս Յահեայ : Կարդեցան զօրա-
 կանք ՚ի դրունս պարսպին և վանօրէից պահել ՚ի տիւէ
 և ՚ի գիշերի . պիտոյք քաղաքին և վանօրէից պարանաւ
 ձգէին ՚ի պարսպէն : Եւ ՚ի խուսութեանս յայսմիկ քրիս-
 տոնեայք պաշարեցան յերկիւղ մեծ : Միւֆթին յարտա-
 բուստ և Գասըմ ՚ի ներքուստ պահանջէին ՚ի վանակա-
 նաց ուտեստ և դրամ : իսկ կուսակալն արար պատասխա-
 նի՝ զի զօր կացուցի՝ այն է քաղաքապետ, զի ոչ եմ իւ-
 րեւ զայլս, խորհրդով ձերով տնտեսել զգործս իմ : և

Գասըմ հաստատեցաւ ՚ի պաշտօնի իւրում . գրեաց և առ
 Միւֆթին և ասէ՝ դու գոլով ՚ի դասէ գիտնականաց, զի՞
 փոյթ է քեզ ձեռն մխել ՚ի գործ քաղաքականութեան և
 կառավարութեան, նիստ ՚ի տուն քո և արս աղօթս վասն
 կենաց Թագաւորին : Եւ ՚ի գիշերին յայնմիկ եղեւ ուրա-
 խութիւն մեծ ՚ի քաղաքին՝ արձակելով հրանօթս ՚ի բեր-
 դէն, և Միւֆթին անկաւ խօթ ՚ի Սիոն և արձակեաց
 յինքենէ զբազմութիւն մէլլարից : Եւ ՚ի վաղիւ անդր
 դնացին առ նս դատարարն և քաղաքապետն այլովքն
 հանդերձ . և նորս զիջեալ ՚ի կամս նոցա՝ արար հաշտու-
 թիւն, այլ ոչ էլ ՚ի տուն իւր . բացան դրունք քաղաքին
 և վանօրէից :

Ի խառնաչփոթ ժամանակին յայնմիկ անտանելի էր ըս-
 տահալութիւն այլազգեացն Սիոնի, զի կալեալ զբազաղս
 ննջեցելոց ՚ի ճանապարհի դնէին անդ ՚ի հրապարակս, և
 ոչ տային թոյլ թաղել զնա մինչեւ առեալ իցեն զգու-
 մարս դրամոց . նեղեալ Հայոց յանհանդուրժելի չարու-
 թեանց նոցին, բողբ կալան առ դատարարն՝ եւ ետուն
 նմա զրել ՚ի Իուսու, զի հրովարտակաւ Արքայի բարձցին
 անկարգութիւնք նոցին :

Աղա Յովհաննան ՚ի Սուրաթ քաղաքի յայտարհին
 Հնդկաց, ՚ի կենդանութեան իւրում՝ զկնի այլոց՝ կը-
 տակու աւանդէ ՚ի կտակատունն ընկերութեան Անգղիոյ
 դումարս ինչ վասն Աթոռոյն Երուսաղէմի : Զկնի ժահուան
 իւրոյ, կտակահատար նորին աղա Մովսէս Խաչիկ Առա-
 քել՝ անկեալ ՚ի ներքոյ պարտուց . զձեռագիր մուրհակս
 կտակացն հանէ ՚ի վաճառ . զայս լուեալ Թէոդորոս Պատ-
 րիարքին գրէ առ Յակոբ վարդապետ Ետիրակն Հնդկաց
 վերահայտ լինել և հաստատութեամբ կարգաւորել զայն
 գործ խորհրդով Հայ Իշխանաց այնր աշխարհի : Սակայն
 չեղեւ ինչ օգուտ՝ զի ՚ի վաղ վասնեալ էր նորս զամենայն
 գոյս հանգուցելոյն և իւրն ինի (1807) :

Ի բազմանալ տոկոսաւոր պարտուց ՚ի վերայ Աթոռոյն՝
 և ՚ի յաճախել բողբոյ և դանկատանաց միաբանաց յա-
 կանջս երեւելեաց աղդին, դրեցին առ Թէոդորոս Պատ-
 րիարք առաքել զսուսմարս բովանդակ ելից և մտից Աթո-
 րոյն, սկսեալ յառաջին ամէ Պատրիարքութեան իւրոյ :

Իսկ Թէոդորոս արար նոցա պատասխանի՝ ծանր իմն է նորասահման խնդիրդ՝ զի յաւուրս ձեր և մեր խորհրդահան հաշիւք Աթոռոյն յայտնի քարոզել է ի բերանս հասարակաց Եթէ իշխանաւորքդ միայն կամիք գիտել և իմանալ առաքեցէք զարս հաւատարիմս , յորս վստահ են անձինք ձեր , ՚ի Ս. Աթոռս , քննել զմայր տուժարս և խելամուտ առնել զձեզ . զի մի կարծեսցի թէ պահեալ ըջ դանձս իբրեւ մուրացիկ չըջիւք ՚ի դրուես ձեր , զի եթէ առ այս եւս ոչ հաճեալիք՝ տուք ինձ հրաման գալ ՚ի Կոստանդինուպոլիս , և տալ զհամար տնտեսութեան իմոյ առաջի մեծի և փոքու . զի մի ՚ի պատճառս այս զանց տրասալիք զմեօք՝ թողեալ ՚ի ձեռս կեղեքիչ բռնաւորաց , ՚ի կործանումն տան և ՚ի յափշտակութիւն ազգային սեփհականութեանց :

Եւ ՚ի զայրանալ խոսվութեանն ընդ Յունաց ՚ի թաղաւորեալ քաղաքին , գումարեցան զլիսաւորք ազգին առ Յովհաննէս Պատրիարք , և միաբանեալ ընդ միմեանս ուխտ եղին , դաշինս և պոյմանս հաստատեցին ՚ի միջի իւրեանց , զի միակամ և համախորհուրդ յամենայն սրտէ սիրով և ջանիւք աշխատեսցին վստն սեփհական ժառանգութեան ազգին՝ որ յերուսաղէմ , և մի երբէք թողցեն զայն ՚ի յափշտակութիւն օտարաց : այսքիկ են պոյմանքն զորս եդին : Ի սահմանեալ ժամանակին առանց իւրք պատճառի փութալ եւ հասանել ՚ի խորհուրդ և ՚ի գործ , բարեք քննել զխնդիրս եւ միաբան հաճութեամբ որոշել : լինել խորհրդապահ յամենայնի : Չերկպառակիլ ՚ի բանս և ՚ի գործս , միաբան մնալ ՚ի մահ և ՚ի կեանս . միաբան սիրով վաստակաւորաց՝ օրհնութիւն Տեառն . անձնասիրաց , հակառակորդաց և նենգաւորաց՝ անէճս ցաւազինս . գիտութեամբ ամենեցուն միսել ՚ի գործ : Չայս գիր ետուն կնքել նախ Պատրիարքին՝ և ապա ինքեանք մի ըստ միօջէ : Սակայն ձայն պատերազմին Ռուսաց ընդ Օսմանցիս խոչ եղեւ գործոյն առ ժամն :

Մկրտիչ վարդապետ , նոյնպէս և վարդապետք Յունաց և Լատինաց դեղեբէին ՚ի դրուես սակս կարգաւորելոյ ըլկատաւարութիւն Երուսաղէմի , որպէս գրեցաք , և չգրուեալ օգնութիւն ինչ յուստեքէ , միջնորդ կալան զեւս-

պանն Գաղղիոյ , այլ աղմուկ մեծ էր յայնժամ ՚ի թագաւորեալ քաղաքին : Գանկատ և դժգոհութիւն ՚ի բռնաւոր այլազգեաց Երուսաղէմի : Տոկոսաւոր նոր պարտք սոյն տարւոյ 966 քսակ : Հրաժարումն Թէոդորոսի ՚ի Պատրիարքութենէ , և միաբանացն յերուսաղէմէ , իբրեւ ոչ կամեցան ունկնդիր լինել բանից նոցա ազգայինք : վերստին գրեաց Թէոդորոս , եթէ ոչ կամին տալ նոքա հասուն խորհրդով որոշ պատասխանի , կրեսցեն զխայտաւակութիւն մեծ ՚ի մօտոյ , եթէ ոչ էր ասէ՝ աճեալ իմ զմտաւ զալ և զահեակ , ապաքէն ոչ ոք կարէր գիտել և իմանալ զտեղի փախուտեան և թագստեան իմոյ : մայր տուժարքն պատրաստ , ահա տունն ձեր և դուք , քննել եւ իմանալ զորպէսն :

Անդղիական նաւատորմիզն մտանէ ՚ի Տարտանելէ եւ սիւսի առաջի Կոստանդինուպոլսոյ . դրրումն քաղաքին , անդուլ աշխատութիւն քրիստոնեայ ժողովրդոց ՚ի գործ շինութեան մարտկոցաց . Հայ և Յոյն Պատրիարքաց խառն ընդ ամբոխին , տեսնել Արքայի եւ զգեցուցանել նոցա վերարկու պատուոյ . և մեծարգոյ երեւիլ Յովհաննու Պատրիարքին յաչս Արքայի : Խնդիր հրաժարելոյ Յակոբ եպիսկոպոսի ՚ի փոխանորդութենէ վստն չքաւորութեան դրամոց եւ անբաւ ծախուց , յոյր սակս անկաւ դժտութիւն ՚ի մէջ նորա և Թէոդորոսի , մինչեւ ծանր գրել միմեանց . այլ Պատրիարքն ոչ ետ տեղի բանից նորա , և յորդորեաց զնա արիութեամբ կալ ՚ի պաշտօնն , և խիստ բանիւք չյաւելուլ վերս ՚ի վերայ վերաց ՚ի վնաս ինքեան և Աթոռոյն :

Անդղիացիք մտանեն յԱզգասնդրիա , և դրուեն զքաղաքն Ռեշիտ , պարտին յայլազգեաց և բազմութիւ դերիք նոցին խեղին յաջս և յսկանջս և կապին ՚ի տուն բանտի : Խոսովութիւն յեղիպոստ , մահ առաջնորդի տեղոյն Յարութիւն վարդապետի , հանդիսաւոր թաղումն նորին նախադահութեամբ Պատրիարքին Խալիոց :

Չկնի բազմադիմի խոսվութեանց և առելութեանց որ ՚ի մէջ Կաւրիթ և Դանիէլ Կաթուղիկոսաց էջմիածնի , ՚ի վերջոյ իշխանաւորք ազգին Կոստանդինուպոլսոյ առին հրովարտակ յԱրքայէ վստն հաստատութեան Կաթուղիկոսութեան Դանիէլի , և գրեցին գիր հանրական , և այլք

առանձին բազմութիւն գրեանս շնորհաւորութեան, եւ առաքեցին 'ի ձեռն Յովհաննէս եպիսկոպոսի եւ Աստուածատուր վարդապետի՝ յիշխածին, զի բարձցի տարաձայնութիւնն 'ի միջոյ ազգին եւ հաստատեցի խաղաղութիւնն։ Իսկ Դանիէլ Կաթուղիոս ըստ խնդրոյ իշխանացն Հայոց ձեռնադրեաց զԱստուածատուր վարդապետ յաստիճան Եպիսկոպոսութեան, եւ դարձոյց զնոսա ուրախութեամբ 'ի Կոստանդինուպօլսոյ, որպէս յայտ աւելչ զայս կրնդակ նորին զոր գրեաց առ Յակօբ եպիսկոպոս փոխանորդն Նրուսաղէմի (1807. Սեպտեմբեր 14)։

Յամի Տեառն 1808 յ30 Սեպտեմբեր ամսոյ, եւ 'ի թուին Հիճրէթի 1274 'ի 21 Շնական ամսոյ, 'ի գիշերի չորեքշաբթու՝ ժամ 9, յետ կատարելոյ միարանայ երկոց ազգաց զգիշերոցին հոգեւոր պաշտօնս խրեանց՝ մինչդեռ էին 'ի քուն ամենեքեան, յանկարծ եւ հուր եւ բորբոքեցաւ Վերնատունն Հայոց 'ի տաճարին Ս. Յարութեան, եւ ճարակեցաւ բոցն 'ի փայտակերտ շինուածս սենեկաց եւ այլոց իրաց, եւ յածիւն դատեաց զամենայն ինչ զոր միանգամ եղիտ 'ի Վերնատան անդ. անտի ձգեցաւ բոցն 'ի Փողոթնայ եւ 'ի տաճարն Յունաց, եւ անպ 'ի շրջապատ հրապարակս Գերեզմանին Բրիտոսի. դղրդեցաւ քաղաքն ողջոյն եւ ժողովեցաւ բազմութիւն մեծ յամենայն ազգաց. այլ չէր հնար մերձենալ ումեք 'ի կատարի բոց հրդեհին. մաշեցան 'ի հուր ամենայն ծանրագին սղառք եկեղեցոյն, հաւեցան անօթք սակեղէնք եւ արծաթեղէնք. շրջապատեալ հրոյն զրովանդակ տաճարն ելանէր ծուխն իրրեւ զհնոցի. յաղթ սիւնք մարմարեայք իրրեւ զմոմ հալեալ փշրեցան, եւ կապարապատ դմբեթն մեծ, որ 'ի վերայ նոցա, անկառ ահագին շառաջամբ. կործանեցան եւ այլ կամարք եւ շինուածք, եւ եղեւ սուգ մեծ քրիստոնէից։ Զի թէպէտ ոմանք 'ի ժողովրդոցն Յունաց՝ կամէին ելանել 'ի Վերնատունն Հայոց պատրուակաւ շիջուցանելոյ զհուրն, այլ այլազգիք արգելին զնոսա, զի մի դառ ինչ գործեացեն ընդդէմ Հայոց եւ կամ աւարեացեն։ Իսկ միաբանք որք էին 'ի տաճարին՝ ոմանք զերծան 'ի կողմն Լատինաց, ոմանք 'ի Դիւս Սաչ եւ 'ի Լուսաւորիչ եկեղեցին, եւ ոմանք խորասկեցին 'ի վերուստ զվանդակս պատուհա-

նաց դմբեթին եւ պարանաւ ձգեալ հանին զնոսա արտաքս։ եւ Աղբրիտուպօլսեցի Մելքոն վարդապետ Տեառն Հայոց 'ի տաճարի անդ՝ կամեցեալ փակել 'ի կողմն Լատինաց, իրրեւ եհառ առաջի մատրան Գպթոց, հոսեցաւ 'ի վերայ նորս հալեալ կապարն մեծի գմբեթին եւ մնաց անդ ընդ փլատակօք. եւ յետոյ 'ի մարքեւ զհողս եւ գքարինս տեղւոյն, դաին զմարմին նորս՝ ունելով ընդ իւր գգրեանս Հայոց եւ զբեկորս արծաթոյ։ Այրեալ ակեղեքն են՝ ամբողջ Վերնատունն Հայոց, խորանք, փայտակերտ սենեակք 16, ամենայն պարադայիք, եւ ոչ մի ինչ զերծաւ անտի. Պատանատեղին Բրիտոսի, արտաքին մեծ դառն տաճարին, Փողոթնայի միայն զարդքն, տաճարն Յունաց, դարանք եւ օրհարանք նոցին, շրջապատ Գերեզմանին, մեծ գրմբեթն. ներքին կողմ Գերեզմանին անվնաս եւ ամբողջ Դիւս Սաչ, Լուսաւորիչ եկեղեցին Հայոց, Լատինաց եկեղեցին՝ եւ զարդքն անվնաս եւ ամբողջ. մի միայն մեծ վնասն եղեւ Հայոց եւ յետ այնորիկ Յունաց։ Զպատմութիւն այրման տաճարին Ս. Յարութեան՝ գրեալ են ոմանք 'ի ժամանակին յայնմիկ, որպէս եւ թէնդորոս Պարթարք 'ի նամականիս իւր, եւ դատաւորք 'ի դատատանական գիրս, յորոց քաղեալ եղաք աստանօր։ Գրեալ է նաեւ ոտանաւոր բանիւք նէոփիտոս Կիպրացի Յոյն կրօնաւոր, այլ լի թշնամանօք եւ անխելի հայհոյութեամբ, զորս ոչ տանին մարդկեղէն լսելիք, զի առաւել զհետ մտեալ է իրրեւ գռեհիկ եւ դեղձուկ նախատակոծ բանիւք անարդել եւ անօրատուել, մանաւանդ զբարտեւ եւ բամբասել զազգն Հայոց հանդերձ նոցին եկեղեցականօք, քան ուզիլ պատմութեան միտ դնել, որոյ վասն թողուք ինքեան զվայրապար լուտանս նորին եւ մեք գրեացուք որ ինչ եղեւն յետ այնորիկ։

Ի ծագել արեգական եկին եւ ժողովեցան յարտաքին գաւթ տաճարին՝ մեծամեծք այլազգեաց, քաղաքապետն, եէնիչէրի ազասին, Միւֆթին եւ այլք, եւ բազմութիւն մեծ խառն յամենայն ազգաց. զվմեցին անբր եկեղեցականք Յունաց եւ բողոք բարձեալ աղաղակէին՝ թէ Հայք դիտմամբ այրեցին զտաճարն, հասին անդ եւ եկեղեցականք Հայոց եւ Լատինաց, եհարց քաղաքապետն ցհայս, ընդէր

արկիք հուր 'ի Ս. Տեղիս ձեր, և նոքա ասեն՝ քաւ լիցի մեզ առնել զայդպիսի իրս, զի այս դէպք իմն է և պատահար . դարձեալ աղաղակեցին Յոյնք, զի եթէ դէպք էր՝ վասն էր ոչ աճապարեցիք շիջուցանել զհուրն կոչելով օգնութիւն յարտաքուստ, այլ կայիք 'ի գննին անհոգաբար, և այլ սոցին նման բանք՝ ջանալով պարտաւոր ցուցանել զՀայս, այլ նոքա դարձեալ զնոյն բան երկրորդեցին: Կոչեաց դատաւորն զմարանս տաճարին երկը ազգաց և մի առ մի եհարց ցնոսա՝ թէ նախ ուստի ել հուրըն, և նոցա պատասխանի տուեալ ասեն, այս պատուհաս իմն է քրիստոնէից յԱստուածակոյս կողմանէ . բայց նախ տեսաք զի այրէին եկեղեցին եւ խորանքն Հայոց, եւ զի որսացեալ էին Յոյնք զլատինս 'ի կողմն իւրեանց, և ընդ նոսա միաբանութեամբ առին գիր 'ի դատաւորէն 'ի մնաս Հայոց, Առին և Հայք բազում աշխատութեամբ եւ ծախիւք շինել զբաժին տեղիս իւրեանց, այլ Յոյնք արօք և չարախօսութեամբ ջանային պարտաւոր ցուցանել զՀայս, և երկնէին 'ի միտս իւրեանց միայնակ շինել ըզտաճարն և արտաքսել անտի զՀայս և զհետեւակս նոցին, և նուաճել զլատինս ընդ իշխանութեամբ իւրեանց, Զայս զգացեալ Լատինաց 'ի բաց կացին 'ի միաբանութենէ Յունաց՝ և յարեցան 'ի Հայս, և եդին պայման 'ի միջի՝ կալ մնալ սիրով և խաղաղութեամբ . դարձուցին յետս զգլորեանս զոր առեալ էին ընդ Յունաց 'ի դատաւորէն, թէ ոչ կարեմք յայտնապէս լինել զրոպարտիչ աղքին Հայոց, ապա առին գիր ընդ Հայոց: Ապշեցան Յոյնք ընդ այս և ոչ համարձակէին առաքել զգրեանս 'ի Կոստանդինուպօլիս, այլ թողին առ ժամն հոգալ զամենայն ինչ անդ: Լատինք գրեցին առ ազգայինս իւրեանց և առ Դեսոպանն Գաղղիոյ, հոգալ և պատրաստել զամենայն կարեւոր նիւթս 'ի կառուցումն հրկիզեալ տաճարին 'ի ձեռն թաղաւորացն Եւրոպիոյ, որպէս երբեմն մեծն Կոստանդինոսոս . այսպէս ասէին Հայոց իրբեւ բարեկամ: Իսկ Հայք կասկածեալ 'ի նենգութենէ Յունաց՝ զի մի՛ չարիս ինչ կրեցեն 'ի նոցանէ, խափանել զԹափօրս և զայլ արարողութիւնս եւ զհանգէս Լուսաւորութեան 'ի ճրագալուցի Զատիկին, թախանձանօք գրեցին առ Պատրիարքն և առ գլխաւորս աղ-

գին, հանել գիր արքունուստ վասն այսր: գրեաց Թէոփորոս Պատրիարք և առ Մանուկ Պէյ հայկազն Իշխանաւոր, որ 'ի նոյն աւուրս եկեալ էր 'ի Կոստանդինուպօլիս 'ի Պաւլոյնէ, և յորդորեաց զնա լինիլ միջնորդ առ մեծամեծս Դրան վասն շինութեան բաժին տեղեացն Հայոց: Գրեաց և առ Պատրիարքն Դպլոց յեղիպտոս, հոգալ ըզտեղիս իւրեանց . զի ամենայն գոյք և գրեանք նոցին այրեցան 'ի հրկիզութենէ: Եւ զինի աւուրց ինչ մաքրեցին զՍ. Յարութիւն 'ի հողոյ և 'ի փոշոյ, և կարգեցին իւրաքանչիւր ազգ զարչտօնեայս՝ կատարել անխափան զհոգեւոր պաշտօնս իւրեանց . նոյնպէս և Հայք 'ի Ս. Լուսաւորիչ: Ետ շինել քաղաքապետն առ ժամանակեայ կերպիւ զգրուոն տաճարին, բանալ և փակել ըստ սովորութեան :

Իսկ սակս թաղելոյ զմարմին Մելքոն վարդապետի որ մեռաւ 'ի հրայրեացան, ընդդէմ կացին այլազգիք, զի չէր օրէն հանել մեռեալ 'ի տաճարէ անտի, մինչեւ առին տուգանս 'ի Հայոց՝ և ապա թայլ ետուն: Թէոփորոս Պատրիարք գրեաց վասն այսր 'ի Դուռն 'ի ձեռն դատաւորին եւ ամբաստան եղեւ զբռնութենէ այլազգեաց . գրեցաւ հրովարտակ սաստել զայլազգիսն զի մի՛ բռնացին 'ի վերայ քրիստոնէից վասն թաղման ննջեցելոց իւրեանց:

Հասին գրեանք դատաւորին 'ի Կոստանդինուպօլիս, զորս տուեալ էր Հայոց, Յունաց և Լատինաց, կամ 'ի միասին և կամ իւրաքանչիւր ազգ շինել զբաժին տեղիս իւրեանց . սակայն Յոյնք ոչ առին զայս յանձն և ոչ միաբանեցան ընդ այս, զի կամէին միայնակ շինել, եւ խափանել անտի զՀայս եւ զլատինս: Զի յաւուրս Եւստուֆ Փաշայի՝ առանց իմանալոյ Հայոց զազտնի հանին հրովարտակ շինել զսեփհական տեղիս իւրեանց, ըստ առաջին ձեռնի և որպիսութեան՝ համաձայն վճուոյ մեծի դէնպետին, որ և պատրաստեցին զգործաւորս և զամենայն հանդերձանս շինութեան հանեալ 'ի նաւ, եւ ճարտարապետ գոմն Դուռպիանոս անուն . առին և վերակացու 'ի Իրանէ Էլմաս Փաշա Զատէ միր Ապտրահման Պէյ: Ծարտարապետն չորքաւ առ վերատեսուչն Արքունի նաւատեղեաց (Թէրսխանէ Էմինի) ասել մնաս բարեաւ, ուր նստէր յայնժամ

Ազնուօրեան Կարսպետ Ամիրայ, և ստուգեալ իմացաւ 'ի նմանէ, թէ երթայ այրն յերուսաղէմ՝ շինել զտաճարն Ս. Յարութեան . ո՛չ ապաքէն ասէ՝ տեղին այն յառիարցեալ է՝ երկց ազգաց, և և շինութեանն միաբանութեամբ պարտ էր լինել . առ այս պատասխանէ՝ ճարտարապետն . Լատինք եւս անհմուտ գորով՝ այնպէս գիտեն, որպէս եւ բարեկամս այս . զայս ասացեալ մեկն 'ի նաւն ճանապարհորդել յերուսաղէմ, և Կարսպետ Ամիրայ զամենայն Հանգամանս խնդրոյն և տեղւոյն մի առ մի պատմէ վերատեսչին, և Եօրէ յայնմանէ խորհչէին գլխաւորք ազգին մատուցանել գիր աղաչանաց առ Արքայ :

Այլազգիք Երուսաղէմի միաբանեալ ընդ Միւֆթի եւ ընդ Նախարար քաղաքին, որոց պարագլուխ էր Ապուղօջ Օթման, ասպտամբեալ ամբոցան 'ի Սիոն, և սկսան մարտընչիլ ընդ այլազգիսն, որք ամրացեալ էին 'ի բերդն . այրեցին զարտաքին դուռն բերդին, և գործեցին զայլ ինչ բազում . յահէ նոցին տաղնապետն վանորայք, եւ 'ի դալլատեան Կուսակալի Դամասկոսի ըստ սովորութեան յերուսաղէմ, խոյս ետուն ասպտամբեալքն 'ի լերինս և թագեան յայրս և 'ի փառարս լեռանց . իսկ Բղեչին թափեաց զցատումն իւր 'ի վերայ արանց, որք ամրացեալք էին 'ի բերդն . եւ ապա որպէս թէ հաշտութիւն արար 'ի միջև նոցա, գրեաց ինքն գիր հրամանի առ ասպտամբան անիծիւք և դառնութեամբ, զնոյն ետ դրել և դատաւորին շտանանալ 'ի վերայ վանօրէից և չնեղել զնոսա . և խոտացաւ կարգել զոր հմուտ և քաջակիրթ քաղաքապետ բազմութեամբ զօրաց՝ 'ի հանգիստ վանօրէից և զայս ծանոյց հասարակութեան քաղաքին 'ի ձեռն մուսնակի եւ ինքն սկսաւ մերկացուցանել զվանականս . միայն 'ի Հայոց Կառ 270 քսակս արծաթոյ, թող զսահմանեալ ազանելիս եւ զընծայս և դարձաւ անդրէն 'ի տեղի իւր, առանց թողլոյ զզօրս և բարեկարգելոյ զքաղաքն, Ասպտամբ իրբեւ լուան զըս Կուսակալին, և լին 'ի ծակուց իւրեանց և զեզան յերուսաղէմ . կրճտելով զատամուսնս իւրեանց 'ի վերայ քրիստոնէից, սկսան անարգել գործել զառաջին շարինս, պահանջելով 'ի վանականաց զայլ և այլ իրս . և քաղաքապետին չէր հնար միայն զդէմ ունել բռնութեան

ստահակաց : Եւ դաչինս եղեալ էին ընդ միմեանս, զի զինի աւուրց ճամապահութեան իւրեանց՝ կատարել, զոր միանդամ եղեալ էին 'ի մոտի . բայց ոմանք 'ի նոցանէ դըրժեալ երդմանն՝ կալեալ զոմանս 'ի քրիստոնէից 'ի պատճառս վանօրէից՝ զան հարին զնոսա :

Աստի համարձակութիւն ասեալ գիւղականաց Սելովաճայ՝ յարձակեցան սրովք և քարամբք 'ի վերայ Հրէից, որք բարձեալ տանէին զմեռեալս իւրեանց 'ի թաղել, և վիրաւորեցին զնոսա, և զմեռեալն ընկեցեալ 'ի դագաղէն՝ թաւալեցին 'ի ձորն, և բացեալ զգերեզմանս նոցին 'ի բաց յուրեցին զօսկերս մեռելոց : Բնակիչք Բեթղէնէ մի զհետ եղեն աւազակութեան . իսկ Ֆելլահք Յովհաննու Մենդեան կալեալ զերկուս ոմանս յայլազգեաց քաղաքին, տարեալ 'ի գիւղն եղին 'ի փուռն հացի . և ապա միաբանեալ ամենեցուն, որոց գլուխս եւ առաջնորդ էր Ապուղօջ Օթման, յարեան 'ի վերայ վանօրէից եւ խնդրէին 'ի նոցանէ գիր երախտաւորութեան . զի 'ի դալլատեան Կուսակալին մի պահանջել 'ի նոցանէ գրամս, այլ զտուրս նոցին հատուցեն վանականք :

Այլ զայս ամենայն չարիս յուզէին Եահեայ և Փասրճին քաղաքապետք որջացեալք յերուսաղէմ, ո՛չր զիցուք զկազ եւ զկուխս այլազգեաց ընդ երկս վանօրայս սակս ջուխտյի, և ընդ Հրէայս վան շաքարի : Յերեսաց այսպիսի անկարգութեանց եւ շիթից՝ անկան միաբանք Հայոց 'ի ներքոյ տոկոսաւոր պարտուց իւր 1000 քսակս արծաթոյ : Տաղնապետ 'ի նեղութեանց ստոտի թէտգորոս Պատրիարքի կամեցաւ փոխչիլ 'ի Կիպրոս և անտի յայլ տեղի . այլ միարանք արգելին զնս, գուշակելով զապագայ մեծամեծ շարիս . վասն որոյ առաքեցին զԳարբէլ վարդապետ մահմերական գրով 'ի Կոստանդինուպօլիս՝ զի Հայք, Յոյք և Լատինք գումարեալ 'ի միում վայրի, խորհրդով գրեցին առ գլխաւորս ազգի իւրեանց, և և առին գիր 'ի դատաւորէ քաղաքին ծածկապէս, և և առաքեցին 'ի թագաւորեալ քաղաքն . զի գլխաւորք երկց ազգաց խորհեցին անդ 'ի միասին հաճել զկամս Արքայի 'ի կարգել զոր Բղեչիս Երուսաղէմի երկու թուղով, բաժանելով 'ի Դամասկոսէ, զի բարեկարգեսցի երկիրն և սանձահարեսցին

ստահակք, բառնալ նոսե հրովարտակա Արքայի զնորա-
 սահման տուրս, թէպէտեւ վասն այսր Լատինք բազում
 աշխատութեամբ առեալ էին հրովարտակ, այլ 'ի մատու-
 ցանել զայն Կուսակալին ոչինչ օգտեցան: Եւ ապա յաւե-
 լին ասել. եթէ անհնարին լիցի կատարել զինդիր իւր-
 եանց, առցեն հրաման և ոստիկան 'ի Իրանէ հանել զվա-
 նականս յերուսաղէմէ, զի երթեալ բնակեացին 'ի Կիպրոս
 և յայլ տեղիս. զի Արարացիք ոչ հանգիստ տան և ոչ փա-
 խըստեան տեղի. զի հրեշտակական հոգեղէն բնութիւնն
 անգամ ոչ կարէ տոկալ այսպիսի նեղութեանց, թող թէ
 մարդ երկրածին (1807. Նոյեմբեր 17): Յետ այսր ամե-
 նայնի դատաւորն, Միւֆթին, քաղաքապետն և այլք, իբր
 խնայելով սուին 'ի Հայոց 15,000 դահեկան. նոյնչափ եւս
 'ի Յունաց և 'ի Լատինաց և պահանջէին զգինս ջուխայի,
 որոյ վասն հանին խայտառակութիւն մեծ, Հրէայք իսպառ-
 անչնչացեալ՝ փոխանորդ նոցա փախեալ 'ի քաղաքէն: Տե-
 սուչ եւ փոխանորդն Լատինաց անհանգիստ փակեցան 'ի
 վանս իւրեանց, թարգմանն Յունաց իբր հիւանդ խոյս ետ
 'ի Սաշավանքն, իսկ վասն Հայոց չիք ինչ ասել, զի 'ի յա-
 ճախիլ պարտատեարց տային յիշել զաւուրս Տեղակալաց:

Դամասկոս սու հասարակ բնակչօք հեծէ 'ի նեղութիւնս
 'ի բռնութենէ իշխողին, զի բռնադատէր զբրիտանաց
 գործակալս թլխատիլ՝ որոց փախուցեալ ընտանեօք զեր-
 ծան, զնոյն պահանջէր և 'ի հպատակաց ստիպելով, որպէս
 գրէ զայսուսիկ առաջնորդ տեղւոյն Պետրոս վարդապետ:

Ձկնի հասանելոյ գրեանց 'ի Կոստանդինուպօլիս, գրեաց
 Յակոբ եպիսկոպոս փոխանորդն թէ՛ անհնարին է որոշել
 զերուսաղէմ 'ի Դամասկոսէ և կարգել առանձին բոգեչիս:
 Եւ 'ի սոյն աւուրս ընթերցաւ հրաման կուսակալին 'ի դա-
 տարանն երուսաղէմի և 'ի ձեռն քարոզի ծանուցաւ բնակի-
 չաց, յորում ասէր, զի առհասարակ Մահմետականք մեծ
 և փոքր պարտին թողուլ մօրուս, սակայն Էրիտասարդք
 ոչ անսացին հրամանին, որոյ վասն և զեւ աղմուկ 'ի քա-
 ղաքին, նեղութիւն վանօրէից վասն զլիսահարկի (1808.
 Յունվար): Յիշատակի անուն Դանիէլ Կաթուղիկոսի յե-
 կեղեցիս (Մարտ 7):

Նեղութիւն քրիստոնէից Դամասկոսի վասն զգետուց:

Եգիպտոս 'ի յուզմունս, որպէս գրէ Կարապետ վարդա-
 պետ առաջնորդ տեղւոյն: Այլազգիք Սիոնի արգելին ըզ-
 Քրիստոնէայս թաղելոյ զմեռեալս իւրեանց. որպէս 'ի մի-
 ում նուագի յարձակեալ 'ի վերայ եկեղեցականաց Յունաց
 կամէին գանակոծել զնոսա, և նոցա թողեալ զմեռեալն
 անդ՝ փախեան, և յետ երկուց ժամուց հաճեալ զիսմս նո-
 ցա՝ գնացեալ թաղեցին զնա. և յօրէ յայնմանէ ոչ կարէր
 ոք 'ի Քրիստոնէից ելանել 'ի գերեզմանատուն, և դատա-
 ւորք տեղւոյն ոչ կարէին ասել ինչ, Լատինք յառաջագոյն
 վասն այսր բերեալ էին հրովարտակ յԱրքայէ՛ իսկ Հայք
 և Յոյնք 'ի վերայ այսր շիտթի առին գիր 'ի դատաւորէն և
 առաքեցին 'ի Կոստանդինուպօլիս խնդրել հրովարտակ,
 զի մի դարձեալ յանդգնեցին այլազգիք Սիոնի գործել
 զայնպիսի չարիս. (1808. 27 Ապրիլ):

Գ Լ Ո Ւ Խ Ի Ա .

Ման Յակոբ եպիսկոպոսի: Փոխանորդ Պօղոս վարդապետ: Տումարք
 Աթուոյն: Գաբուճի պաշի: Նիւթք շէնութեան: Գրբուսթիւն Յոն
 ժողովոց: Խոսիւթիւն այլազգեաց սակո շնութեան տաճարին:
 Ձինակիր Կուսակալն Կամակախ:

Ի Ս Ո Յ Ն աւուրս փոխանորդն երուսաղէմի Յակոբ
 եպիսկոպոս՝ տաղտկացեալ 'ի ծանրութենէ գործոյն հրա-
 ժարեցաւ 'ի պաշտօնէ իւրմէ, և անկաւ խօթ 'ի մահիճս
 որ և վախճանեցաւ իսկ 'ի վանքն Իսկիւտարու, և մնացին
 անդ Մարկոս եպիսկոպոս եւ Մկրտիչ վարդապետ, որոց
 միաբանեալ զբոլոր զլիսաւորս արհեստաւորաց մեծ բաղ-
 մութեամբ մատուցին գիր աղաչանաց առ Արքայ Աջ Մե-
 ռայ կոչեցեալ տեղին, յաւուր Ուրբաթու (1809. յ23 Ապ-
 րիլ), վերստին դարձուցանել առ Հայս զգաղտնի յա-
 փըշտակեալ տեղիս 'ի Յունաց, և այս գործ հաջակեցաւ
 'ի քաղաքն ողջոյն, և գայրացեալ երկուց կողմանց սպա-
 սել ջանային զիրեարս: Իսկ Յովհաննէս Պատրիարք և այլք

ազգ արարին յերուսաղէմ զմահ Փոխանորդին եւ թէո-
 դորոս Պատրիարք որոշեաց 'ի տեղի նորա զԱղբիանու-
 պօլեցի զՊօղոս վարդապետ նուիրակն Չմիւռնիոյ՝ որ ե
 հասեալ էր 'ի Միսայիճ , ե գրեաց առ նա հարկեցոցիչ
 բանիւ փութով հասանիլ 'ի Կոստանդինուպօլիս 'ի գլուխ
 պաշտօնի իւրոյ , որ ե նորա թողեալ զառաջին պաշտօնն
 եհաս անգրւ եւ սկիզբն արար ջանասէր մտօք անդադար
 աշխատիլ ե դեգերիլ հանապազ 'ի դրունս մեծամեծաց ,
 նոյնպէս ե զլիսաւորք ազգին առ իւրաքանչիւր ծանօթս
 իւրեանց , թախանձէին լրումն տալ գործոյն : Ոմանք 'ի
 նախարարաց կամելով հաճել զմիտս Հայոց՝ խոստացան
 տալ հրովարտակ ինչ ե յանձն առնել նոցա շինել զբա-
 ժին տեղիս իւրեանց , ընդ որ զուարթացեալ Հայոց՝ ըս-
 պասէին յօրէ օր 'ի ձեռս բերել զայն . բայց իբրեւ ծա-
 նեան առանձին զմիտս խոստացեալ հրովարտակին՝ 'ի ձեռն
 հաւատարիմ արանց , որ առաւել նպաստուոր էր Յունաց
 քան Հայոց ե առիթ ապագայ վնասուց ե մեծամեծ խը-
 ուովութեանց , բազում աշխատութեամբ հազիւ ուրեմն
 կարացին 'ի բաց թողուլ զայն , յորմէ վշտացան մեծամեծք
 դրանն , ե թշնամանօք վարէին ընդ Հայս՝ որք համարձա-
 կէին մերձենալ առ նոսա , որոյ վասն հարկ էր տեղի տալ
 ժամանակ ինչ՝ ե սպասել փոփոխութեան պաշտօնէից :

Թէոդորոս Պատրիարք եւ միաբանք իւր՝ չկարացեալ
 հանդարտիլ 'ի խոսովութենէ Յունաց՝ առաքեաց 'ի Կոս-
 տանդինուպօլիս զՊաղտասար եպիսկոպոս Փակակալ սուրբ
 Յակոբայ , զՄատթէոս վարդապետ հանգիստադիր լուսոյ ,
 զԻրոնէսիոս վարդապետ՝ Բարտուղար իւր՝ այր բանիրուն
 ե ճարտար՝ հմուտ ներքին ե արտաքին գործոց Աթոռայն ,
 ե հոգացեալ զլէտս ճանապարհի նոցին , յանձն արար ըզ-
 մայր տուժարն ելից ե մտից Աթոռայն՝ սկսեալ յաւուրց
 անտի Պետրոս Պատրիարքի՝ ե գտուժար եկեղեցական զար-
 դուց , որպէս խնդրեալ էին յառաջագոյն զլիսաւորք ազ-
 գին . ե գրեաց առ նոսա տեսանել զհաշիւ երկուց Պատ-
 րիարքաց՝ զմիին ե զտարակուսելի բանս ե զայլ կարեւոր
 խնդիրս հարցանել 'ի վարդապետաց անտի , որք կարող
 էին տալ բացատրութիւն ամենայն հանգամանաց խնդրոյն՝
 ե փութանակի դարձուցանել յետս (Մայիս 8-18) , Մեկ-

նեցան 'ի Յոսպէ ե անտի 'ի նաւ . չեւ եւս հասեալ նոցա
 'ի Կիսրոս , ելին 'ի ճանապարհ ե միաբանք Յունաց՝ ան-
 ձինք 13 . ե մտեալ 'ի նաւակ ինչ նաւեցին յԱքքէ ե ան-
 տի 'ի Կոստանդինուպօլիս :

Եհաս Գարուճի Պաշին 'ի Յոսպէ՝ ընդ ճարտարապետին
 Յունաց (Մայիս 5) ե անտի ելին յերուսաղէմ , ե դնացին
 'ի վանս Յունաց . ե զինի դադարեց զաւուրս ինչ՝ կո-
 չեաց առ ինքն զԹարգմանս Հայոց ե Լատինաց . ե յայ-
 ցելութեան իւրում 'ի վանօրայս՝ սիրով ե քաղցրութեամբ
 ամէր , ունիմ հրաման յԱքքայէ շինել զամենայն բաժին
 տեղիս ազգաց 'ի տաճարին Ս . Յարութեան : Եւ մեկնեալ
 'ի տեղի իւր՝ խնդրեաց զհին հրովարտակս Հայոց . բայց
 նոքա արարին սպտաօխանի , չեւ խմացեալ մեր զմիտս ե-
 կեալ հրովարտակին , ոչ կարեմք յայտնել զայնս , զնոյն
 սոցացին ե Լատինք , ե յորդոր եւս լինէին Հայոց չաճա-
 պարել , այլ լուսութեամբ սպասել վախճանի գործոյն : Սա-
 կայն Յոյնք ե վերատեսուչ գործոյն սպասէին զալտեան
 նորոյ Դատաւորին . ե ահա եկն ե եմուտ նա յերուսաղէմ
 ('ի 12 Յունիսի) ե զինի երկց աւուրց ժողովեցան առ նա
 զլիսաւորք այլազեաց , Յոյնք ե վերատեսուչն . 'ի Հայոց
 ե 'ի Լատինաց ոչ ոք երեւեցաւ անդ : Ստիպէին Յոյնք
 ընթեռնուլ զհրովարտակն , այլ այլազգիք ատէին՝ թէ չէ
 օրէն առանց գրի Կուսակալին Դամասկոսի ընթեռնուլ
 դայն , յոյր վասն առաքեցին զոմանս բերել զիր անտի :
 Դարձեալ ժողովեցան անդ ընթեռնուլ զհրովարտակն ('ի
 22 Յունիսի) , այլ ոչ հանին յերեւան զգիր Կուսակալին ,
 թէ եւ պնդէին Յոյնք թէ բերեալ են . ուստի ոմանք ա-
 սէին ընթեռնուլ ե ոմանք 'ի քննութիւն ելանել . եւ 'ի
 լինիլ տարածայնութեան ցրուեցան ('ի 23 Յունիսի) : Եհաս
 մեծ նաւն Յունաց 'ի Յոսպէ , յորում էին նիւթք շինու-
 թեան , ե գործաւորք 150 , որ ե հանին զամենեւեան ար-
 տաքս , ե զինի երկց աւուրց Մէհէմէտ աղա Յոսպէի՝ ըստ
 ազգ արարեց Սիւլէյման Բեքչիսի Աքքէի , դրաւեաց տու-
 մարաւ զամենայն կորասիս , զորս հանին 'ի նաւէն , ե լցեալ
 զնոսա 'ի մթերանոցս՝ պահեաց առ ինքն զբանալիս նոցին ,
 ե զգործաւորսն արձակեաց յերուսաղէմ իբրեւ ուխտաւոր՝
 առեալ 'ի նոցանէ զտուրս Դափարլան , եւ խնդութիւնն

Յունաց փոխեցաւ 'ի տրամութիւնս : Եւ յեւրանել նոր դատաւորին 'ի Յոսպէ՝ պատմեալ էր թէ խախանեցաւ հրովարտական Յունաց և քարոսեցաւ Պատրիարքն և բանտարկեցան անձինք երեւելիք 8 յազգէ նոցին : Իսկ 'ի վերջ կոյս Յունիս ամսոյ՝ զայրացեալ միաբանացն Յունաց ընդ յապաղումն գործոյն, և 'ի պատ 'ի պատ բանս այլազգեաց՝ և գրգռեալ զխուժանն առհասարակ՝ յարուցին աղմուկ մեծ, որք և աղաղակէին դնել զինչս և զտացուածս և զկեանս իսկ զլստիին, կամ խապառ ջնջիլ 'ի քողաքէն և կամ նորոգել զտաճարն : Եւ ինքեանք առանց խնայելոյ սկսան յաճախել 'ի տուրս, որով ձգեցին 'ի կողմն իւրեանց զմեծ մասն այլազգեաց . և իջեալ 'ի դատարան ետուն ընթեռնուլ զհրովարտակն, յորում հրամայէր Արքայ Յունաց շինել զբովանդակ տաճարն, եւ մի ումեք այլոց ազգաց լինել ձեռնամուխ յայն գործ, և յետ այնորիկ շնորհիւ Յունաց՝ ստանալ Հայոց և Լատինաց մէն մի պատարագամատոյց սեղանս : Եւ ապա մատուցին զայլ հրովարտակ (Խաթիթի Շէրիֆ) յորում հրամայէր Արքայ գրաւել Յունաց զբովանդակ Ս. Տեղիս, և զվանօրայս Հայոց՝ զՍուրբ Յակոբ, այլովքն հանդերձ . զորութիւնք հրովարտակաց, առատութիւն քանձուց զօրացոյց զկամս դատաւորաց, և Յոյնք 'ի խորհուրդ մտին ընդ նոսա, թէ յոր խնդիր արժան իցէ նախ ձեռնարկել, արտաքսել զՀայս և գրաւել զվանօրայս նոցա՝ թէ 'ի շինութիւն տաճարին, այլ քաջ խորհուրդ այլազգեաց պատրուակ էարկ 'ի միտս Յունաց . նախ ձեռն արկանել 'ի շինութիւն տաճարին, առ 'ի նուաճել զԼատինս, որ հչօրագոյն են քան զինքեանս, և ապա գիւրին է նկուն առնել զՀայս . իսկ սմանք որ 'ի կողմն Յունաց էին՝ ստիպէին խուռն բազմութեամբ երթալ 'ի տաճարն և քննել զտեղիս իւրաքանչիւրոց՝ և տալ հրաման շինութեան Յունաց : Սակայն Հայք և Լատինք՝ նախ քան զվրդովիլ Յունաց՝ ձգեալ էին 'ի կողմն իւրեանց զմանս յերեւելեացն այլազգեաց, եւ մտերմացեալ ընդ նոսա . Սոքա բանս եղին յականջս ռամկին եւ դրդեալ զնոսա յարուցին աղմուկ մեծ, որք էին իրեւ անձինք 1000, և գիմեալ առ դատաւորն աղաղակէին, եթէ ոչ միացին երեք ազգք 'ի մի կամս և 'ի մի խորհուրդ՝ չէ

հնար ումեք ձեռնարկել 'ի շինութիւն տաճարին . զի եթէ Յոյնք միայն կամին շինել զայն, նորոգեացեն նախ զմղիթն Օմարայ և զՋրմուղն՝ բերել ջուր 'ի քաղաքն յաւազանաց Սողոմոնի՝ և ապա թոյլ տամք : Այս միաբանութիւնս ռամկին հաստատեալ էր երդմամբ յօրէնս և 'ի պաշտամունս իւրեանց . 'ի սոյն նուաք եւս այսպէս խախանեցաւ Տխորհուրդն Յունաց, եւ լուեցին ժամանակ ինչ, այլ ոչ դադարէին 'ի նախատելոյ եւ 'ի ձաղելոյ զՀայս, որ պաշարեալ նստէին 'ի սուգ տրամութեան՝ զի փոխանակ դրամոց՝ ունէին զբազմագումար պարտս : Թէպէտեւ ետուն ընթեռնուլ առանձին զհին հրովարտակս Միւֆթիփի քողաքին, այլ ընկալան պատասխանի՝ թէ առանց դրամի ոչ ինչ օգնէ :

Տեսեալ Յունաց թէ ձեղքեցաւ քաղաքն եւ խոչ են գործոց իւրեանց, այլ իմն խորհուրդ 'ի մէջ առին . ձգել զբովանդակ այլազգիս 'ի կողմն իւրեանց՝ առանց խտրելոյ զանարգն և զպատուականն . նախ շահեցին զմիտս դատաւորին՝ տալով նմա 115 քսակս դրամոց . նոյնպէս և այլոց՝ ըստ կարգի և աստիճանի, ձգեցին 'ի կողմն իւրեանց նա և զբարեկամս Հայոց և Լատինաց, և զայնոսիկ իսկ, որք աշխատութեամբ իւրեանց պահէին զորդիս և զընտանիս 'ի վանացն Հայոց՝ եւ յետին աղքատն՝ որ կրէր զանուն Տաճկի՝ էտու 40 ըռեալ, և այսպէս բովանդակ այլազգիք քաղաքին դարձան 'ի կողմն Յունաց, և Հայք քակեցան 'ի բուն բարեկամաց իւրեանց՝ և կային 'ի տարակուսանս, և յօրէ օր սպասէին հանդիպիլ մեծի փոթորիկի և կրել զանպատուութիւն, թող զյոխորտաւն եւ զմեծարանելն Յունաց :

Ի սոյն աւուր եկեալ էր յերուսաղէմ Եուսուֆ աղա՝ զինակիր Եուսուֆ Փաշայի կուսակալին Դամասկոսի՝ բերեալ գիր 'ի նմանէ . վերստին գումարեցաւ ժողովն ('ի 16 Յուլիսի) : Ի սոյն հանդէս կոչեցան Հայք և Լատինք . նախ ընթերցան զհրովարտակն և ապա զհրաման կուսակալին՝ որ ասէր, ըստ հրամանի Արքային եւ համաձայն Շէրիփի օրինաց ելանել 'ի քննութիւն և լինել, Հարցին ցփոխանորդն Լատինաց՝ թէ զի՞նչ ունիք ասել առ այս, և նա արար պատասխանի՝ այսպիսի խնդիրք դատաստա-

նաւ լուծանին 'ի Կոստանդինուպօլիս 'ի ձեռն դորձակա-
 լաց թագաւորացն եւրոպիոյ . իսկ այժմ Յոյնք առանց
 մտանելոյ 'ի դատ ծածկապէս առեալ են հրովարտակ ,
 ուստի պարտ է մտանել ընդ նոսա 'ի դատ , եւ յայտնի
 կացուցանել զսեփհական տեղիս մեր' և ծանուցանել թա-
 գաւորաց մերոց : Դատաւորքն ասացին՝ չէ օրէն այժմ աստ
 մտանել 'ի դատ , զի 'ի քննութեանս յայտնի ուրոյն ուրոյն
 նշանակին տեղիք ազգաց . իսկ եթէ ունիք զայլ իմն դատ
 ընդ միմեանս՝ առեալ զվաւերական գրեանս ձեր՝ դնա-
 ջիք 'ի դատարան , և անդ տահմանեմք զիրաւունս ձեր :
 Կոչեցին ասպա և զԹարգմանն Հայոց , և նա արար պա-
 տասխանի . որովհետեւ խոստանայք գրել ուրոյն ուրոյն
 զսեփհական տեղիս իւրաքանչիւր ազգաց , և յետ այնորիկ
 հանել զայն 'ի դատաստան և արդարութեամբ տալ վճիռ՝
 հնազանդիմք : Եւ ասպ սկսեալ գրեցին զտեղիս իւրաքան-
 չիւր ազգաց 'ի տաճարին , բայց զթիւ սենեկացն Հայոց
 ոչ կամեցան մուծանել 'ի գիրն , և արձակեցան՝ խոստանա-
 լով 'ի վաղիւ վերստին գումարել զժողովն . բայց Յոյնք
 արգելին զայն , և առին 'ի կողմն իւրեանց զքաղաքապետն
 և զայլ , և սկսան ասել թէ՝ ըստ մտաց հրովարտակին մեզ
 անկ է շինել յանուն մեր' և ոչ երթամք 'ի դատարան .
 'ի բազմանալ բանից՝ անկաւ դժտութիւն 'ի մէջ այլազգեաց
 եւ սկսան նախատել զվիմեանս վասն կաշառացն , ոմանք
 'ի կողմն Հայոց էին և այլք Յունաց :

Ի սմին ժամանակի քաղաքապետն Յոպպէի Մէհէմէտ
 աղա Ապու Լօպութ կոչեցեալ՝ գրաւեաց զմի մասն վանացն
 Հայոց՝ որ 'ի կողմն Լատինաց , և բնակեցոյց անդ զգօրս
 զամս 3 , և արարին զայն իրրեւ աւերակ , և Հայք զինի
 բազում աշխատութեան հազիւ ուրեմն կարացին գատար-
 կել զայն : Յափշտակեաց ասպ նաեւ զերեւելի առնս և
 զմթերանոցս 'ի կալուածոցն Հայոց անդ 'ի Յոպպէ , զո-
 մանս կարգեաց տեղի դատաստանի , զոմանս մաքսի , եւ
 զայլ բանտի , և սկսաւ ըստ հաճոյից իւրոց քակել զայնս
 և շինել , և զսենեակս որ 'ի վերայ եկեղեցւոյ՝ արար խո-
 հանոց , յորմէ կասկածէր Տեսուչ վանաց լինիլ վտանդ ինչ ,
 և 'ի պահանջել զվարձս նոցա՝ անարգանօք յետս դարձու-
 ցանէր զնոսա , սպառնացեալ հասուցանել զմեծամեծ չարիս՝

տաղնապէր նաեւ 'ի մեծի տառապանս զուխտաւորս Հա-
 յոց՝ 'ի պատճառս մաքսի : Ոչ ինչ ազգէին 'ի լեւիս նորս
 աղաչանք և պաղատանք թէ ոգորոս Պատրիարքի և Ղազար
 վարդապետի , և կալուածքն այնքիկ մնացին երկար ժա-
 մանակ 'ի ձեռս այլազգեաց , և յետոյ հազիւ ուրեմն կա-
 րացին թափել զնոսա 'ի ձեռաց նոցին :

Վերստին կազմեցաւ ժողով 'ի դատարանին Երուսա-
 ղէմի , ուր էին Հայք և Լատինք . խնդրեցին 'ի Հայոց զհին
 հրովարտակս՝ և նոքա մատուցին 12 , որոց առաջինն էր
 Սէլիմայ առաջնոյ՝ ատրոզին քաղաքին սրբոյ , յորոց զիջաւ
 վոքը ինչ սիրտ այլազգեաց : Հրաման ետ դատաւորն շի-
 նել Յունաց զտեղիս իւրեանց , զի 'ի հրովարտակի նոցա ոչ
 էր յիշեալ տեղիքն Յունաց և Հայոց , և վասն այնոցիկ խոս-
 տացաւ գրել 'ի Դուռն և սպասել հրամանի Արքային : Յոյնք
 սկսան շինել զարտաքին մեծ դուռն , և իբրեւ կանգնեցին
 զվոյտակերտս շինել զայն տեղիս կից նմին , հասին այ-
 լազգիք քաղաքին և արգելին զնոսա , զի տեղիքն այնո-
 քիկ սեփհական էին Հայոց , և դադարեցաւ գործն աւուրս
 8 : Յոյնք ըստ հրամանի դատաւորաց վերստին սկսան շի-
 նել զվերին կողմն Աւագ խորանի իւրեանց , եւ պայման
 ետուն Հայոց աւուրս 30՝ բերել հրաման արքունուստ վասն
 տեղեաց իւրեանց . և նոքա գրեցին թախանձանօք 'ի Կոս-
 տանդինուպօլիս առ զլիսաւորս ազգին , և յօրէ օր սպասէին
 գալտեան հրամանին , բայց երկարէր միջոցն , և միաբանք
 մնացին ոգեսպառ յանյաջողութենէ գործոյն , 'ի նախա-
 տանաց և 'ի գանից Յունաց : Դրեալ էր դարձեալ Կոստա-
 կալն Դամասկոսի խաղաղութեամբ շինել զտեղիսն ըստ
 հրամանի Արքային : Իսկ Սիւլէյման Փաշա Աքքէի գրեաց
 ստատ առ դատաւորս Երուսաղէմի , թէ ո՞րպիսի հրամա-
 նաւ շինեցին Յոյնք զդուռն տաճարին , եւ ո՞րպիսի թոյլ
 ետուք , զի դուռն այն երկից ազգաց է , եւ Սիւլէյմէլի
 տաճարին ես իսկ եմ , այլ նոքա լուլէայն գրեցին առ նա
 զոր ինչ և կամեցան :



Գ Լ Ո Ւ Խ Ի Բ .

Աղբարագիր Հայոց առ Սուլթանն Մահմուտ Բ : Բէիզ Վահիտ Էֆենտի : Դատ Հայոց ընդ Յունաց 'ի Փաշա Գարուսի Վանն Ս . Տեղեաց . 'ի 4 նիստս :

Խսկ 'ի Կոստանդինուպօլիս յետ անցանելոյ ամսօրեայ ժամանակի՝ ել բանակն Օսմանեան 'ի դաշտն Տափուտ Փաշա կոչեցեալ՝ դնալ 'ի պատերազմ ընդդէմ՝ Ռուսաց , և ամենայն աւազանին ընդ նմա , և 'ի տեղի նոցա անցին այլք : Յայնժամ Հայք խորհրդով լելխանաւորաց ազգին մատուցին զիր աղաչանաց առ Արքայն Սուլթանն Մահմուտ Բ . բազմութեամբ Վեղարուորաց , Եպիսկոպոսաց , Վարդապետաց , Քահանայից և այլոց , որք էին արք իբրեւ 500 , յաւուր Ուրբաթու յիւսկիւտար առաջի Այազմայ մզկիթին : Չինի աւուրց ինչ կոչեաց առ ինքն Բէիզ Էմին Վահիտ Էֆէնտի զերկուս 'ի գլխաւորացն Հայոց խօսիլ ընդ նոսա և հարցանել և կամ սպառնալեօք ահաջուցանել : Գնացին առ նա 'ի Դուռն Պօղոս Եպիսկոպոս Առաջնորդ Պրուսայի , Պօղոս վարդապետ Փոխանորդ Երուսաղէմի , և այլ անձինք և 'ի ժողովրդոց , ուր էին Պէյլիքճի և Մեքթուպճի Էֆէնտիք : Հարցին ցնոսա և ասեն , զի՞նչ է այս յանդգնութիւն ձեր , զի առանց գիտութեան մերոյ գիր աղաչանաց մատուցանէք առ Արքայ , ձանձրացուցանէք զնա եւ զմեզ : Յայնժամ Պօղոս վարդապետ յառաջ մատուցեալ սկսաւ պատմել մի առ մի զամենայն արարս Յունաց . ետ կոչել Բէիզն զԱտենական Թարգմանն (Տիվան Թէրճիմանի) աղաքաւ Յոյն , յոր յուսացեալ էին ամենայն ազգայինք նորին , և ասէ ցնա՝ լուր զի՞նչ ասեն Հայք . և նորա պնդեցեալ հայէր՝ և ոչ կարէր առնել պատասխանի ինչ : Իսկ Պօղոս վարդապետ առաւել համարձակեալ 'ի բանս իւր՝ հաստատէր զանիրաւութիւնս Յունաց : Եւ Պէյլիքճին որ 'ի կողմն Յունաց էր , ընդդէմ կացեալ բանիցն Պօղոսի՝ ահաբեկէր զնա . անկարելի է ասէր զիտուճն ձեր՝ զի իրաւունքն Յունաց է , դուք ոչ գիր և ոչ արձանագրութիւն ունիք , և ոչ հրովարտակի հաւանիք . իսկ Պօղոս զհակառակն պն-

դէր , և համարձակ հրապարակէր զգաղտնի դաւադրութիւնս Յունաց . պատրաստ եմք ասէր 'ի բանս և 'ի մահ , և ոչ դադարիմք 'ի թախանձելոյ զարդարասէր Թագաւորն , զի գթած է նա և ողորմած . և իրաւամբ տնօրինէ զիրաւունս մեր , և այլ սոցին նման բանք բազում իբրեւ ժամս 2 , զի փոխանակ Յունաց նոքա հակառակէին Հայոց , և Պէյլիքճին իսկ ասէր , հնար է զերկուս ձեռս հատանել , քան զարձանագրութիւնս Յունաց ջնջել . զորոյ զգլուխն իսկ ետրոճ Արքայ զկնի աւուրց , սակս ինչ ինչ պատճառաց . և Հայք մեկնեցան 'ի տեղիս իւրեանց : Բէիզ Էֆէնտին կամեցեալ երկիւզ ինչ արկանել 'ի միտս Հայոց , կոչեաց առ ինքն զմին յերեւելեաց և ասէ՝ մի՛ հետեւիք բանից Փոխանորդին ձերոյ , զի մեծամեծ վնասուց տայ պատահել ձեզ : Յետ աւուրց ինչ ըստ ծանուցման Բէիզ Էֆէնտեայ՝ վերստին չոքան առ նա 'ի տուճ նորին երկուքին Պօղոս վարդապետք , ուր մանրախոյզ քննութեամբ տեղեկանայր ամենայն անցիցն զոր անցուցին Յոյնք ընդ Հայս : Յայնժամ 'ի միտ առ այրն , թէ վէճն օր քան զօր ունի սաստիանալ , եթէ ոչ լիցի արդար դատաստան 'ի մէջ երկուց ազգաց :

Եւ 'ի ծանուցանելն զայս ամենայն Արքայի՝ ել հրաման լինել դատաստան 'ի Փաշա Գարուսի կոչեցեալ տեղին , և Կայսերական հրամանաւ կարգեցան Դատաւորք՝ 'ի գիտնականաց դասէ՝ Էմին Պէկ , Ֆէթվա Էմինի , Թահիր եւ Գասրոմ Էֆէնտիք : Ի նախարարաց կարգէ , Բէիզ Էֆէնտի , Ազիզ և Եուսուֆ Ակեայ Էֆէնտիք : Եւ Հայք ընտրեցին 'ի կողմանէ իւրեանց Ազնաւորեան Քեահեայ Կարապետ Ամիրայ , Յովհաննէս Չէլչպի Յարութեան , Չէրէզեան Գրիգոր , Տատ Վառդապետ , Գլճեան Անտօն , Թնկրեան Մինաս , և Պօղոս վարդապետ Փոխանորդ Երուսաղէմի . սոքա դնացին բազմութեամբ 'ի Հասան Փաշա խանն մերձ 'ի Դուռն Փաշայի , եկն անդ եւ Յովհաննէս Պատրիարք Կոստանդինուպօլսոյ :

Իսկ 'ի կողմանէ Յունաց եկին Երասիմոս Եպիսկոպոս Առաջնորդ Թեսաղոնիկեայ , Առաջնորդն Իկոնիոյ , Մետրոփանոս միաբան Երուսաղէմի , և այլ երկու անձինք յիշխանաւորաց նոցին : Սոքա ամենեքեան իբրեւ Երեսպո-

խանք երկուց աղբաց յանդիման եղեն Մեծի ատենին՝ և բազմեցան ըստ կարգի, իսկ բազմութիւն ժողովրդոց ընդ Պատրիարքին մնացին ՚ի Հասան Փաշա խանն:

Նիստ Ասաջին, (12 Օգոստոսի):

Նախ հարցին Դատաւորքն ցՀայս, զի՞նչ է վէճն ձեր ընդ Յունաց, եւ զի՞տ՞րք համարձակեցայք տալ գիր վերադառնալ առ Արքայ: Պատասխանի ետուն Հայք և ասեն. Ոչ ինչ ունիմք ընդ Յոյնս, բայց միայն խնդրեմք ՚ի Տէրութենէ դատ առնել արդարութեամբ ընդ մեզ և ընդ Յոյնս, որք գաղտնի ստութեամբ եւ անիրաւութեամբ խարեալ զՏէրութիւնն առեալ են հրովարտակ, ՚ի դէպ ժամանակի յափշտակել զհայրենի ժառանգութիւնս մեր՝ և զրկել զմեզ ՚ի բնակութեանց մերոց, որոյ վասն աղաչեմք շնորհել մեզ զսեփհական ժառանգութիւնս մեր: Հարցին ցՅոյնս, զի՞նչ ունիք առ այս պատասխանի, նոքա ասեն՝ ամենայն բանից նոցա ունիմք մի մի հրովարտակս, զի բովանդակ վանօրայք և բնակութիւնք, որք են այժմ ՚ի ձեռս Հայոց՝ ՚ի բնէ մեր են, և չունին նոքա տեղի ինչ յատկացեալ: Պատասխանի ետուն Հայք՝ հարցեք ցըՅոյնս թէ՛ զո՞ր յերուսաղէմ միաբանութիւն յազգէն Հայոց, ո՞ւր բնակին և քանի՞ ամ է: Յոյնք ասացին, Այս՛ դոն անդ միաբանք, բայց հիւր են մեզ, և վասն լինելոյ նոցա հպատակ և հարկատու Տէրութեան, խնամս տանիմք և յարգանօք նստուցանեմք ՚ի բուն տեղիս մեր: Ժպտեալ ընդ այս Դատաւորաց՝ ասեն, ո՞րպիսի հիւր իցէ այդ, որ ունի հիւրանոց և ըստ հաճութեան և կամաց իւրոց բազմութեամբ ուխտաւորաց և միաբանաց համարձակ և անկախ յուսմքէ բնակի անդ, միթէ՛ հնա՞ր իցէ այդմ լինել:

Հարցին Դատաւորք՝ ո՞ւր են բնակութիւնք և վանօրայք ձեր, քանի՞, և զի՞նչ անուանք նոցա: Հայք ասացին՝ ՚ի թաղն Սիոնի մեծ վանքն Ս. Յակոբայ (Մայր Եղուստ) ուր բնակի ցարդ Պատրիարքն մեր միաբանութեամբ եւ ուխտաւորք. աստ մի առ մի պատմեցին զսեփհական վանօրայս և զբաժանորդ տեղիս Հայոց: Այլ իբրեւ դժկամակ եղեն Յոյնք վասն ոմանց տեղեաց տաճարին Ս. Յարութեան, յայնժամ մատուցին Հայք զյատակապիծ տաճարին,

զոր պատրաստեալ էին յառաջագոյն, որոչեալ ՚ի թղթի անդ զտեղիս իւրաքանչիւր աղբաց այլ և այլ գունով, որով ծանեան Դատաւորք զտեղիսն՝ եւ անաշխատս պարզեցաւ խնդիրն:

Հարցին Դատաւորք ցՅոյնս, զի՞նչ ունիք առ այս պատասխանի. նոքա մատուցին զբաշխագիրն մեծին Օմարայ գրեալ ՚ի թուին Հիճրէթի 13 ՚ի 20 Բէպիլէ Էփփէլ ամսոյ ՚ի լարբառ Արաբացւոց. սովաւ տիրեալ եմք ասեն ամենայն տեղեաց մերոց և այլոց աղբաց. և առեալ ընթերցան և դարձուցին զայն առ նոսա, և ասեն՝ պահեցէք զայդ զի կարի հնազոյն է՝ և բազում աշխատութեանց պէտս ունի հաստատել զստուգութիւն դորա, զի զինի Օմարայ՝ Լատինք, ապա Սալահատտին եւ զինի Սուլթան Մէլիմ առաջին՝ տիրեցին Երուսաղէմի, և չունի պէտս ինչ յառաջակայ դատին ձերոյ. Յոյնք աղաչէին անսալ և քննել զիմաստս նորին. և եղև ՚ի քննելն, գտին զայն շինծու և յարմարեալ՝ և ասացին, սուտ է այս, զի թիւ սորա կանխագոյն է քան զգահակալութիւն Օմարայ: Մատուցին գիրովարտակն Յաթի Սուլթան Մէհմէմէտի (1), առեալ զինի առման կոստանդինուպոլսոյ. և զայն բնաւ ոչ ընթերցան, զի չէր հարկաւոր առ այն վէճ: Ապա հանին գիրովարտակս Մէլիմայ Արքայի եւ որդւոյ նորա Սիւլէյմանայ՝ զոր ընկալեալ ընթերցան՝ յորս գրեալ էին ամենայն վանօրայք և տեղիք նոցա, բայց անհամաձայն արձանագրութեանց. ՚ի հրովարտակին գրի Սըրալ եւ յարձանագրութեան Սիւրբան. թէպէտեւ ծանեան Դատաւորք, բայց Բէիլ Էփէիտին ջատագով էր Յունաց: Փակեցաւ Ատեանն, և արձակեալ անտի Հայոց, եկին ՚ի Հասան Փաշա խան, ուր սոյստէին բազմութիւն գլխաւորաց եւ ժողովրդոց ընդ Պատրիարքին՝ լսել ինչ ՚ի նոցանէ: Եւ նոքա սրտմեցին նոցա զոր ասացին և լուան: Եւ զի ազգն Հայոց անհասարակ կանխեալ էին յաղօթս, և պատուէր ստեպ լինէր յեկեղեցիս չտալ տեղի նոյստատական բանիցն Յունաց և չգրգռիլ ՚ի կրիւ ընդդէմ միմանց,

(1) Այս հրովարտակ ՚ի մեծի հրկիզութեան մայրաքաղաքին աղբ. յաւ: Տես կենսագրութիւն Սուլթան Սէլիմի Տաճկերէն. Երէս 79.

այլ լուծեամբ եւ համբերութեամբ տանել յամենայնի մինչ ցաւարտունն գործոյն :

Հասին 'ի Կայսերանիստ քաղաքն Կոստանդինուպօլսեցի Պաղտասար եպիսկոպոս , Մատթէոս եւ Դիոնէսիոս վարդապետք՝ որպէս գրեցաք , բայց յամառնային եղանակի պատահեալ զնասակար օրոց 'ի ճանապարհի , անկան խօթ 'ի մահիճս . Պաղտասար եպիսկոպոս զկնի 17 աւուրց հանգեաւ 'ի Բրիստոս՝ կացեալ 'ի միաբանութեան ամս իբր 20 ամենայն հաւատարմութեամբ : Եւ յերուսաղէմ՝ եղին 'ի տեղի նորա 'ի պաշտօն Լուսարարութեան զաշակերտ նորին զՍիմէոն վարդապետ հեղաբարոյ . այլ երկօրեան գտին զառողջութիւն , և Մատթէոս վարդապետ 'ի նոյն ամի դարձաւ յերուսաղէմ՝ եւ Դիոնէսիոս ստիպմամբ ազգին մնաց 'ի մայրաքաղաք անդ , մինչ 'ի վախճան գործոյն , զի ինքն հմուտ էր ամենայն հանգամանաց Աթոռոյն և Ս . Տեղեաց :

Նիստ երկրորդ , (15 Օգոստոսի) :

Գնացին դարձեալ ըստ առաջնոյն Երեւոսիսանք երկուց կողմանց՝ եւ յանդիման եղեն Դատաւորաց . ընթերցաւ ատենագրութիւնն՝ և բաղդատեցին զհրովարտակս Յունաց ընդ արձանագրութեանց՝ և 'ի տեղիս ինչ գտաւ անհամաձայն , զի ծինս բառն դարձուցեալ էին 'ի Հապէչ : Ապա խնդրեցին 'ի Հայոց զհրովարտակս Սէլիմայ և որդւոյ նորա Սիւլէյմանայ : զի զնոսա եղեալ էին հինն հաստատութեան , և նոքա մատուցին զօրինակս ինչ անվաւեր , և Ատեանն ոչ ընկալաւ զայնս . իբրեւ խնդրեցին Հայք հանել զայնս յարձանագրութեանց , սկսան խորիստալ Յոյնք՝ թէ քաջ գիտեմք զի Հայք ոչ հրովարտակ ունին և ոչ արձանագրութիւն , առ որս ասացին՝ դուք պահէք զհրովարտակս ձեր աստ 'ի Կոստանդինուպօլիս , իսկ մերքն պահին յերուսաղէմ . ապա մատուցին զարտճէն հրովարտակին գրեալ 'ի թուին Հիճրէթի 1131 , զորոյ արձանագրութիւնն յառաջագոյն ջնջեալ իսկ էին Յոյնք , բայց տհաճութեամբ ընկալաւ ժողովն , զի իսկականն խնդրէին , ըստ օրինակի Յունաց : Զօրացեալ Յունաց 'ի վերայ այսր՝ սկսան խիզախել եւ աղաղակել՝ լինել իրաւանց 'ի կողմն իւրեանց :

Հայք ասացին՝ դուք դաւաճանութեամբ յառաջագոյն պատրաստեալ զնիւթ խարդախութեան ձերոյ՝ զինիք այժմ ընդդէմ մեր զոկել զմեզ 'ի Ս . Տեղեաց , սակայն 'ի հարիւրաւոր ամաց հետէ բնակիմք 'ի վանս Ս . Յակոբայ՝ և ժառանգեմք զայլ սեփհականեալ տեղիս՝ զորս ջանայք խարէյութեամբ յափշտակել . և ո՞վ արդեօք վկայեցէ թէ տեղիքն այնոքիկ անկեալ իցեն 'ի ձեռս Յունաց . թէ՛ պէտ և երբեմն անիրաւութեամբ բռնաբարեցիք՝ այլ ըսան ճշմարտութեան եւ իրաւունքն արդարութեան փութով խորտակեաց զբռնութիւնս ձեր , և ժառանգութիւնն մեր վերստին դարձաւ առ մեզ : Դատաւորք ասեն , Արդ ըստ վճռոյ մեծի զէնսկետին , եթէ ոք թողեալ իցէ զժառանգութիւն իւր իբր ամս 30 , յեւ այնորիկ ոչ կարէ արիւն նմա . թող զի Հայք որ հարուստ ամաց հետէ բնակին անդ 'ի տեղիս իւրեանց , թէ և չիցէ սեփհական ինքեանց , սակայն եւ այնպէս չէ հնար ումեք հանել զնոսա անտի : Հաւանեալ ընդ այս Ատեանին՝ ասացին , վանք Ս . Յակոբայ սեփհական է ազգին Հայոց՝ եւ եղիցի . Գժտմնեալ Յունաց 'ի բանից աստի սրտմեցան յոյժ , փակեցաւ Ատեանն : Եւ արձակեալ անտի Երեւոսիսանացն Հայոց եկին պատմեցին բաղմութեան , որք սպասէին 'ի Հասան Փաշախան : Ապա ընտրեցին զՉերեզեան Գրիգոր և զԲերէստեճի Մանուէլ զեգերիլ յԱրքունի դիւանս և որոնել զարձագրութիւնս հրովարտակացն Հայոց :

Նիստ երրորդ , (19 Օգոստոսի) :

Եկին դարձեալ Հայք և Յոյնք 'ի սահմանեալ տեղին և հանդիսացան յատենի Դատաւորաց : ընթերցաւ զպիրն զառաջին ատենագրութիւնն : Յայսմ նստի Դատաւորք 'ի նուրբ քննութեան մտին վասն ժառանգութեանց ուխտատեղեաց և կանթեղացն Հայոց , զորս մի առ մի հարցանէին ցնոսա և ստուգեալ եւս 'ի Յունաց արձանագրոյն , բայց Յոյնք զոմանս ճշմարտութեամբ խոստովանէին և զոմանս ոչ . մինչեւ տաղտկանալ զատաւորաց ընդ յամառ մաքառումն նոցին : Այլ իբրեւ եկին 'ի քննութիւն վանաց Ս . Յակոբայ՝ պնդէին Յոյնք թէ 'ի վարձու տուեալ եմք զայն

Հայոց և մատուցին զանատոյդ զիրս ինչ Դատաւորաց ումանց (Հէօճճէթ), որովք Չանային հաստատել որպէս թէ Հայք պարտաւոր են հատուցանել յիւրաքանչիւր ամի 200 ոսկիս իւր վարձ Ս. Յակոբայ: Եւ ՚ի լինել երբեմն հակառակութեան՝ Յոյնք պահանջեալ իցեն 200 ոսկիս, Հայք խոստացեալ են հատուցանել 30 ոսկի միայն՝ և զայն չեն տուեալ, այժմ ինդրեմք ասեն զվարձս այնքան ամաց, և այսուհետեւ ծանր գնով տամք զայն ՚ի վարձու, և այլ սոցին նման երազական բանք: Ընդ այս պատասխանի ետուն Հայք և ասեն՝ Յոյնք ունի՞նք քան զայն մեծապայծառ և վառաւոր տեղի. ասեն, ոչ, ապա զիսորդ անխոհեմութեամբ զայնպիսի պատուական տեղի ՚ի վարձու արեալ էք, որ զՀայս իբրեւ զթշնամի ձեզ ճանաչէք, եւ գուք նախք յոռի և յանուք տեղիս, և կամ ունի՞ք գիր ինչ վկայութեան, որ երբեմն Հայք վարձս տուեալ են ձեզ: Դատաւորք ասեն՝ ավուք իցէ այնքան անմիտ զայնպիսի տեղի տալ ՚ի վարձու իւրոյ թշնամոյ, եւ այն ՚ի գին անարդ. գուք այնքան ատելութեամբ վարիք ընդ Հայս՝ մինչ ոչ կամիք բնակիլ նոցա յերուսաղէմ, թող թէ զայնպիսի փառաւոր տեղի տալ ՚ի բնակութիւն նոցա: Յոյնք ետուն պատասխանի, Հայք գորով հպատակ և հարկատու Տէրութեան՝ ՚ի պատիւ երեսոց նորին յարգեմք զնոսա, եւ ընդունիմք իբրեւ հիւր և վարձաւոր մեր: Դատաւորք ասեն՝ ոչ ինչ է պիտոյ անհիմն և անտեղի բանից ձերոց տալ պատասխանի և հաստատեցին՝ թէ վանք Ս. Յակոբայ սեփհական է Հայոց, և բարձաւ զանուն վարձու: Յոյնք ասեն՝ որովհետեւ բարձիք զայդ անուն, գըրեսցի ուրեմն Ս. Յակոբ վանք Վրաց՝ զի Վիրք գուով կըրօնակից ինքեանց՝ լցի առիթ ապագայ խոսովութեանց, և տիրելոյ այնմ իբրեւ սեփհականութիւն հետեւողաց իւրեանց, որպէս տիրեցին բովանդակ վանորէից և ստացուածոց Վրաց և Սերվիացոց: Հայք ընդ այս եւս ոչ հաճեցան, զի այլ է վանք Վրաց Ս. Յակոբ ՚ի դաւթի Սուրբ Յարութեան, և այլ է վանքն Հայոց. սակայն Յոյնք որ և իցէ նենգութեամբ ետուն գրել ՚ի հրովարտակին իւրեանց զրպէս զՍ. Փրկիչ և զՀրեշտակապետ, զառաջինն կոչելով Հայքէթի Խանը շէրանը, որ ՚ի հրովարտակս Հայոց և ժողո-

վորդք տեղոյն առհասարակ կոչեն զայն՝ Հայս եւ Մեհն. և զերկրորդն՝ ձեռնը ելի, այսինքն տուն Աննա քահանայապետի, որ այժմ ասի՝ Տէր եւ շէրանը: Սակայն Հայք ցուցին թէ այլ են այդորբի տեղիք, որք են աւերակ, և այլ մերքն՝ որք են շէն: Յետ ծանուցելոյ զայս ամենայն Ատենին երկար բանիւք, մատուցին զյատակադիմս վանորէից Հայոց և Յունաց, որով առաւել պարզեցաւ խընդիրն, և գրեցաւ վանք մեծ Ս. Յակոբ ՚ի թաղն Սիրոնի, և օրն տարածամեալ փակեցաւ Ատենն:

Այս նիստ առաւել տածանելի եւ դժուարին եղև Հայոց, զի ոչ ունէին ՚ի ձեռս իւրեանց ոչ գիր և ոչ արձանագրութիւն, զի զոր ինչ ասէին բանիւ՝ ոչ կարէին հաստատել գրով, և տարակուսեալ էին թէ իցե՞ն արդեօք հրովարտակք յերուսաղէմ: Զի թէպէտեւ բոլոր տեղիքն Հայոց գրեցան յիւրմին, բայց երեք հետեւակ ազգքն մնացին արտաքոյ. զի Յոյնք ասէին՝ թէ մեր են, և Հայք զնակառակն սնգէին, Դատաւորք խոստացան՝ եթէ իցեն անուանք նոցա գրեալ ՚ի հրովարտակս Հայոց՝ նոցա լիցին, իսկ եթէ ոչ՝ Յունաց. և Հայք յանձն առին և խոստացան յԱտենի անդ բերել զհրովարտակս իւրեանց, զի Դիոնէսիս վարդապետ հաւաստէր նոցա, թէ հրովարտակքն են ՚ի գանձարանն Ս. Յակոբայ:

Եւ ՚ի վաղիւն ժողովեցան Իշխանաւորք ազգին ընդ Յովհաննու Պատրիարքի ՚ի Նոր խան՝ Լճնոյ արտէ կոչեցեալ տեղին (՚ի 10 Օգոստոսի), որոց միաբան սիրով յանձն առեալ էր յօժարութեամբ աշխատիլ յայս գործ բանիւ և արդեամբք ՚ի փրկութիւն ազգային սեփհականութեան, և գրեցին յերուսաղէմ առ Թէոդորոս Պատրիարք սպառնալեօք եւ ստիպմամբ մեծաւ, անպատճառ առանց ինչ ածելոյ զմտաւ առաքել զնախթի Շէրիֆան, զի առանց նոցին չէր հնար ընդդէմ զինիլ թշնամոյն՝ և թախել ՚ի ձեռաց նորին զսեփհականութիւնս ազգին, զի կարի կարեւորք էին նոքա առ այն դատաստան: Զկնի ելանելոյ իրաւանց ՚ի ձեռաց մերոց ասէին՝ զի՞ եւս պիտոյ են հրովարտակք, բայց եթէ ընկենուլ ՚ի հուր, զի եթէ դարձեալ կասկածելով ՚ի անտի երկիւղէ ինչ ոչ առաքելացս զնոսա, անպարտ եմք առաջի Աստուծոյ, հրաժարեալ

դադարիմք յամենայնի յայսմ գործոյ 'ի յափշտակութիւն ազգային դարաւոր իրաւանց եւ 'ի կործանուան Աթոռոյ ձերոյ, և այլ սոցին նման բանք աղքողականք: Յայս նամակ ձեռնարկեալ կնքեցին ամենեքեան, որք էին Յովհաննէս Պատրիարք Կոստանդինուպօլսոյ, Պօղոս եպիսկոպոս Պրուսայի, Աստուածատուր եպիսկոպոս Էջմիածնի, Քեահեայ Կարապետ Ազնուորեան, Յովհաննէս Տիւզեան, Մկրտիչ Ալիւարեան, Յակոբ Լաթիֆեան, Յովհաննէս Յարութեան, Առաքել Վառդապետ, Մանուկ Աստուածատուրեան, Գասպար Գէորգեան, Անտօն Գլճեան, Յակոբ Թնկրեան, Անտօն Տափուտեան, Գրիգոր Գէորգեան, Յարութիւն Նորատունկեան, Մանուէլ:

Գրեաց և նա ինքն Պօղոս վարդապետ՝ Փոխանորդն Երուսաղէմի վասն այսր առ Թէոդորոս երկար բանիւք եւ ստիպելով զնա. « Լաւ իմա ասէ՛ Տէր իմ, զի եթէ չէ օրէն ելանել հրովարտակաց յԱթոռոյ, յայնժամ օրինաւոր տեղիք մեր, ապօրինի բռնաբարին յօտարաց, եւ զկնի մահուան հիւանդին՝ դեղ պատրաստել անօգուտ երանի թէ մինչեւ ցարդ յղեալ էիք զնոսա, և մեծ շահ լինէր մեզ, և լուր ուրախութեան աւետէաք ձեզ »: Ապա կալան զերկուս սուրհանդակս, և եղին ընդ նոսա զերկուս արս հաւատարիմս, Քիւփելի Արահամ և Կարապետ վանահայր Իսկիւտարի, և արձակեցին զնոսա յերուսաղէմ, պատուէր տուեալ նոցա, զի սուրհանդակքն մնացեն 'ի Սամարիա, և ինքեանք իբրեւ ուխտաւոր մոցեն յերուսաղէմ: Հասին արքն 'ի քաղաքն Ս. (յ7 Սեպտեմբերի) և մատուցին զգրեանս առ Թէոդորոս Պատրիարք, և նա ընթերցաւ առաջի միաբանաց, և աճապարեալ պատրաստեաց զհրովարտական, որք էին թուով 10, սկսեալ 'ի Սուլթան Սէլիմայ առաջնոյ և որդւոյ նորին Սիւլէյմանայ, և այլքն զկնի նոցին մի ըստ մտջէ 'ի Թագաւորացն Օսմանցոց, ամենեքեան հիմնեալ 'ի վերայ հրովարտակին Սէլիմայ իբրեւ 'ի միոյ աղբերէ բղխեալ. և յանձն արար զնոսա խնամով Սահակ միաբանի և արանցն որք եկեալ էին: Իսա նաեւ գիր 'ի դատաւորէն ըստ տրամադրութեան նոցին ստորագրութեամբ մեծամեծացն այլազգեաց: Գրեաց և ինքն զիր առ Իշխանաւորս աղգին, և

դարձոց զնոսա փութանակի յետս, աճապարեւ և փութալ հասանիլ 'ի Կոստանդինուպօլս (յ9 Սեպտեմբերի):

Նիստ Չորրորդ, ('ի 12 Օգոստոսի):

Վերստին կոչեցան Հայք և Յոյնք յատեան Դատաւորաց. ընթերցան զառաջին ատենագրութիւնս և զթերին լցին 'ի բանից Յունաց՝ զորս յառաջագոյն ոչ կամէին խոստովանիլ, և իբրեւ թէ կրկոքին կողմանք հաճեցան խաղաղութեամբ իրաւախոհ լինել, սակայն հաճութիւնն Հայոց՝ էր ակամայ, զի առանց վաւերական գրոց մտեալ էին 'ի դատաստան, և զարձանագրութիւնս հրովարտակաց ոչ գտին. գրեանքն Յունաց գրեցան յիւլամին, իսկ Հայոցն ոչ. զի բանիւ Յունաց հաստատեալ լինէին սեփականութիւնք նոցին. զորս կամէին՝ այո՛ ասէին, և զորս ոչ կամէին՝ մերժէին, այսպիսի եղանակաւ շահեցան Յոյնք զիրաւունս իւրեանց. սակայն Տէրութիւնն գթացեալ 'ի վերայ Հայոց, ոչ կամեցաւ զրկել զնոսա իսպառ յերուսաղէմ: զի տեղիքն Յունաց անուանեցան ժառանգութիւն, իսկ Հայոցն՝ հիւրանոց և պատահական, և պատուէր եղև այլոց չհերքել զՀայս 'ի տեղեաց անտի: Եւ շինութիւն տաճարին Ս. Յարութեան յատկացաւ Յունաց միայն, որում թէպէտեւ ցաւէին Հայք 'ի ներքուստ՝ քաջ գիտելով զկորուստ իրաւանց աղքին, այլ չէր հնար չրջել ըզբանն յայլ եղանակ և Դատաւորք խոստացան 'ի հասանիլ հրովարտակացն՝ կրկին առնել քննութիւն, եւ այսպիսի եղանակաւ մեկնեցան անտի: Իսկ 'ի 16 Օգոստոսի դարձեալ ելին յԱտեան, ուր ընթերցան 'ի լուր ամենեցուն զկատարեալ Իլամն, չլինել այնուհետեւ այլ եւս վէճ եւ խռովութիւն 'ի մէջ երկուց ազգաց յերուսաղէմ վասն տեղեաց. հաճեցան ընդ այս Հայք և Յոյնք, և որպէս թէ հաշտեալ ընդ միմեանս զնացին իւրաքանչիւր 'ի տեղիս իւրեանց, իսկ Դատաւորք ձեռն արկեալ կնքեցին զպատրաստեալ Իլամն և մատուցին զայն առ Արքայ, և զկնի աւուրց ինչ եւ 'ի Դրանէ երկու հրովարտակ գրեալ 'ի թուին Հիճրէթի 1272 և տուաւ մին Հայոց և միւսն Յունաց: Նոքա արարին զայն Խաթիթ Շէրիֆ և զարդարեցին ծանր նկարիւք, և ետուն արձանագրել 'ի Դամասկոս, 'ի

Միգոն, և յերուսաղէմ, և Հայք պահնցին զհրովարտակն իւրեանց, զի ակն ունէին տալ փոխել զայն 'ի հասանիլ հրովարտական յերուսաղէմէ :

Գ Լ Ո Ւ Խ Ի Գ .

Ասկութիւն Յունաց Ներուսաղէմ : Կուսակալ Գամակոսի : Եկեռ- թիւն Ս . Գերեզմանին : Վզբողի զօրք և Ենիշէրիք : Խոսովութիւն Դ մէջ զօրաց : Վանք Ս . Փրկչի : Ժողով 'ի դատարան վասն շինութեան Ս . Յարութեան : Գործ զբրաբրին Աշուղաբեան :

ՄԻՆՉԻՆԻ այսպիսի դատաստանական գործով ըզբաղեալ էին Հայք 'ի Կոստանդինուպօլիս 'ի Գուսն, Յոյնք յերուսաղէմ սկսան յորդորել զՀայէշա լինիլ հետեւող ինքեանց՝ և խոստանային տալ նոցա կերակուր ըստ սովորութեան Հայոց, այլ նոքա ետուն պատասխանի, եթէ հասանիցի մեզ սովամահ լինել, ոչ ընդունիմք զկերակուր ձեր, մեք զՀայս գիտեմք եւ ոչ բաժանիմք 'ի նոցանէ մինչեւ ցմահ : Յոյնք որոացին զին յեկեղեցականացն Ղպթոց, և ետուն նմա գրել առ Պատրիարքն և առ ազգն նոցին յեղիստոս, թէ Յոյնք տիրեցին Ս . Տեղեաց, և խնդրեն զմեզ լինել հետեւող ինքեանց . բայց Պատրիարքն սաստիւ կշտամբեաց զնա, և գրեաց առ թէոքորոս Պատրիարք գիր սիրոյ և հաստատուն միաբանութեան : Յոյնք ոկսան յորդորել զկանայս Ղպթոց, բայց ընկալան 'ի նոցանէ պատասխանի, զոր չէ 'ի ճահ գրել աստանօր ('ի 21 Անպտեմբերի) :

Ի սոյն աւուրս եհաս և գիրն Ամիրայից առ Թէոքորոս Պատրիարք, յորում մխիթարէին զնա սակա նեղութեանց և տառապանաց, զոր կրէր յերեւաց թշնամեաց . ծանուցանէին նաև զմիարան ջանս և զաշխատութիւնս իւրեանց, համարկամ միութեամբ եղեալ ախտս և դաշինս, 'ի վարատմն վշտաց՝ 'ի սահպանութիւն և 'ի սլոյժաւութիւնս սեփհայնոսութեան ազգին, և զուրախութիւնս իւրեանց 'ի հասանիլն օրինաւոր հրովարտական, և յաւուրս ծանապահութեան Տաճկաց խոստացեալ հանել զհրովարտակ

չինութեան բաժին տեղեացն Հայոց : Յորդորէին զնա առաքել զվարդապետս առ սմեհայն աղագ Հայոց ժողովել զօրսմութիւն 'ի նպատ (Իմաստիէ) և առաքել առ Փոխանորդն 'ի Կոստանդինուպօլիս, զի բազմադուսար ծախսց պէտս ունէր գործն . ապա խրախուսէին զնա չվհատիլ, այլ ապաւինիլ յԱստուած և յաղօթս, (1809 . 'ի 19 Հոկտեմբերի) :

Կուսակալն Գամակոսի երեսուժ Փաշա եկն յերուսաղէմ ըստ սովորութեան (յի Հոկտեմբերի), եւ զիջեալ յաղաչանս Յունաց, ետ հրաման նոցա շինել զՔերեզմանն Գրիստոսի փոքր գմբեթիւն իւրով . Լատինք և Հայք կամեցան բառնալ զկանթեզս և զպատկերս 'ի Քերեզմանն զխտութեամբ այլազգեաց և օրինօք դատարանի, զի մի' յետոյ խոսովութիւնս յարուսցեն Յոյնք . այլ նոքա ոչ անսացեալ բանից նոցա, հանեալ զնոսս արտօքս և նախատանօք ընկեցին 'ի բաց : Հայք իրբււ ծանուցին զայս կուսակալին Գամակոսի, հրամայեաց նա օրինօք դատարանի գրել զամենայն ինչ, և յետ աւարտելոյ շինութեան կախել զիւրաքանչիւրսն 'ի տեղիս իւրեանց, սր և արարին այնպէս :

Յոյնք կամեցան խափանել զհանդէսն Հայոց՝ զոր կատարէին յաւուր Գիւտի Սաչին, և պատճառանօք շինութեան լցին զարտաքին դուռն տաճարին քարամբ և հողով, և թէ Հայք չունին այսուհետեւ մասն և բաժին աստբայց Կուսակալն ետ բառնալ անտի քքարինս և զհողն, և Հայք կատարեցին զհանդէսն իւրեանց : Ապա կոչեալ առ ինքն զգլխաւորս երկից ազգաց և պատուիրեաց նոցա հաշտիլ սիրով և խաղաղութեամբ վարիլ ընդ միմեանս : Ա՛ռ զսահմանեալ տուրս յերկից վանօրէից յայտնուցէս, բայց 'ի ծածուկ 'ի Յունաց հառ 161,000 դահեկան վասն հրաման տալոյն շինութեան, և խոստացան եւս բազում ինչ եթէ թոյլ տացէ յափշտակել զբաժին տեղիս Հայոց եւ Լատինաց, այլ նա աստեաց նոցա, և չարար վնաս ինչ տեղեացն այլոց : Ապա 'ի սաղրելոյ Յունաց եւ յերկիւղ այլազգեաց՝ եթող 'ի քաղաքի անդ 200 զօրական . զ100 եդ 'ի բերդն և զ100 բնակեցոյց յիջեանս քաղաքապետին, և ինքն մեկնեցաւ 'ի տեղի իւր ('ի 18 Նոյեմբերի) :

Յոյնք քահկեցին զՔերեզմանն Քրիստոսի մինչ 'ի վիմա-
 փոր այրն եւ զգանձարանն, այսինքն տեղի Հրեշտակի
 վիմի, մինչ 'ի հիմն, և փակեցին զըջապատս նորա տախ-
 տակաւ. խափանեցաւ տեղի պատկերին և կանխեղին Հայոց Իսկ
 թէ ոգորոս Պատրիարք թախանձանօք խնդրէր 'ի Փոխա-
 նորդէն փութով դարձուցանել զԻրոնէսիոս վարդապետ
 յԱթոռն, զի չուէր զոք իրրև զնա վարել զպաշտօն Քոր-
 տուզարութեան և զայլ կարեւոր գործս, բայց աղգային
 երևեկիք ընտրեալ էին զարս 6 և Դիոնէսիոս ընդ նոսա
 քննել զհաշուեառւմարն Ս. Աթոռոյն, զոր առաքեալ էր
 յառաջադոյն, և զինի աւարտելոյ զայն գործ՝ խոստացան
 առաքել ընդ տումարին ('ի 12-27 Նոյեմբերի) :
 Գործ Կուսակալին ընդդէմ էր կամաց քաղաքացի այ-
 լազգեաց եւ եէնիչէրի զօրաց՝ որք նստէին 'ի բերդն .
 տաղապեցեալ սոցա 'ի Մղրբալի կոչեցեալ զօրաց, մեկնե-
 ցան անտի որդւոյք և ընտանեօք, և ցրուեցան յայլ եւ
 այլ տեղիս քաղաքին : Եւ սպա ժողովեալ 'ի դատարան
 խնդրէին 'ի մեծամեծացն այլազգեաց հանել անտի զգօրսն
 և տալ ինքեանց զբերդն . ստիպէին և զՅոյնս՝ զի որպէս
 առիթ եղեն ընակելոյ զօրաց անդ, այժմ եւս ստիպեցեն
 զԿուսակալն հանել զնոսա անտի : Յոյնք խոստացան 'ի վե-
 րին երես կատարել զխնդիր նոցա . և նոքա լուեցին աւուրս
 20, Իրրև տեսին եէնիչէրիք թէ անփոյթ արարին Յոյնք
 զխնդրով իւրեանց՝ և պատաղեալ են 'ի գործս շինութեան,
 լսորհրդով գլխաւորաց քաղաքին մասն առ մասն մտին 'ի
 Ս. Յարութիւն ('ի 17 Դեկտեմբերի) մինչեւ լցաւ թիւ
 նոցա իրրև հազար, որ և յանկարծ հանին անդ շիոթ մեծ
 և աղվկաւ լցին զտաճարն, և հանեալ զգէնս իւրեանց դե-
 մեցին 'ի վերայ Յունաց և սկսան հարկանել, և մի ոմն 'ի
 դարձաւորաց մեռաւ անդ, և սպառնային մաշել զնոսա 'ի
 սուր սուսերի : զի դաւաճանութեամբ առիք զքնակութիւնս
 մեր ասէին՝ և արարիք զմեզ թափառական, այժմ ոչ կա-
 միք լսել ձայնի մերում, ահա զվանօրայս ձեր սահմանմք
 'ի բնակութիւն մեզ, և եթէ մեռանիլ իսկ հասանիցէ մեզ՝
 պատրաստ եմք առ այն . և ընթացեալ լցան 'ի վանօրայս
 Յունաց . և ոմանք մնացին 'ի տաճարին, և խնդրէին ըզ-
 թարգմանն, զՓոխանորդն, զճարտարապետն և զայլ գլխա-

ւորս Յունաց, և երդմամբ հաստատէին սպանանել զնոսա
 Փոխանորդն և գրագիրն փախեան 'ի տուն Նախրալին,
 Թարգմանն ճարտարապետն և վերատեսուչն յայլ տեղի,
 դորձաւորք ընդ միարանաց զոգեցան 'ի Ս. Լուսաւորիչ
 եկեղեցին, անձինք իրրև 20, զորս կերակրէր Տեսուչն
 Հայոց, ժողովորդք Յունաց փակեցան 'ի տունս իւրեանց :
 Եէնիչէրի աղափն արգելաւ 'ի բերդն, քաղաքապետն
 յօթեւանս իւրս եէնիչէրիք՝ որք մտեալ էին 'ի վանս Յու-
 նաց՝ խորտակեցին զդրուես սենեկաց և որոնէին զգլխա-
 ւորս նոցա . յախշտակեցին զոր միանգամ դաին . սպա
 գիմեցին բազմութեամբ 'ի Ս. Յարութիւն, և դործեցին
 անդ ոճիր մեծ, խորտակեցին զկանխեղս և զաշտանակս
 զմոմղէնս և զպատկերս Գողգոթային, և կործանեալ ըզ-
 փայտակերտս գործաւորաց՝ եղին 'ի հուր և զտախտակս
 'ի շրջապատս Գերեզմանին՝ քակեալ լցին անդ . փշրեցին
 և զոմանս 'ի մարմարիոն քարանց Գերեզմանին, և 'ի տե-
 ղիս տեղիս արասաւորեցին զշինուածն, և սպառնային
 միանգամայն այրել եւ կործանել և կոտորել զՅոյնս 'ի
 բերան սրոյ, և այսպէս զէն 'ի ձեռին շրջէին 'ի քաղաքին
 և ժողովէին 'ի Ս. Յարութիւն, և եղև զլուս մեծ Յունաց
 և սուղ ինչ եւս Հայոց : Յոյնք որ թաղուցեալ կային այսր
 և անդր՝ միջնորդ կալան զգլխաւորս այլազգեաց, և նոքա
 ստիպէին զքաղաքապետն հանել զգօրսն 'ի բերդէն . իսկ
 նա չէր ձեռնհաս առ այն, զի հրամանաւ Կուսակալին
 նստեալ էին նոքա անդ : Ապա միարանեալ Մղրբալի զօ-
 րաց՝ կանգնեցին զերիս դրօշակս 'ի վերայ բերդին և
 պատրաստեցան 'ի մարտ, զի եղեալ էին 'ի մօտ մեռանիլ
 և ոչ ելանել անտի : Ապա ժողովեալ ամենեքեան 'ի միա-
 սին եղին սպայման 'ի միջի՝ գրել առ Կուսակալն և զինի
 12 աւուրց յանձնել եէնիչէրեաց զբերդն . զնոյն խոստա-
 ցան առնել և Յոյնք, և ետուն մուրհակ թէ՝ 'ի մասին
 յափշտակութեան զլուս ինչ ոչ տեսաք . և յետ այնորիկ
 ելին 'ի վանօրէիցն Յունաց և 'ի տաճարէն Ս. Յարութեան,
 և փակեցաւ դուռն և դադարեցաւ շինութիւնն . բայց
 երկօքին կողմն կասկածեալ 'ի միմեանց՝ կային 'ի պատ-
 րաստի : Յետ այսր շիոթութեան ճարտարապետն, գրա-
 գիրն և Մետրոփանոսն Յունաց մեկնեցան 'ի Յուպէ զԸ-

նալ 'ի կոստանդինուպօլիս, պատճառն անգիտելի :
 Իսկ գիւղականք Բեթղեհէմի 'ի պատճառս գործոց եւ չիտթութեանցն Յունաց, եւ պահանջելոյ յուխտաւորաց զՂաֆարն՝ ճեղքեցան յերկուս, կէսք մտեալ ամրացան 'ի վանս Յունաց, և այլք մնացեալ արտաքս պատերազմէին ընդ միմեանս, և սպանին զմն յազգէ Լատինաց, որոյ վասն արգելան Յոյնք զնալոյ 'ի Բեթղեհէմ :
 Լուեալ կոստակալին Դամասկոսի զամենայն անցս Երուսաղէմի՝ առաքեաց 1000 Մղրլովի զօրականս, որոց զօրավար կորգեալ էր զայրն քաջ Ապուզուրեան : հասեալ սորա յԵրուսաղէմ (1810 յ8 Յունվարի) յաւուր շարաթուեմուտ 'ի քաղաքն, և 'ի կիւրակէի սկսան ժողովիլ Եէնիչէրիք, և ոմանց փախչիլ և թաղչիլ, և այլք խորհէին մտանել 'ի վանս Ս. Յակոբոյ, և անտի տալ պատերազմ ընդդէմ թշնամոյն, այլ վաղ իմացեալ քաղաքապետին՝ խափանեաց զխորհուրդս նոցա, կարգելով պահապան զօրս 'ի դուռն վանաց : Եւ ոմանք յԵէնիչէրեաց անտի անձինք իբրեւ 18 զնացին 'ի վանս Ս. Փրկչի, և կալեալ զդռնապանն զան հարին և կորգեցին 'ի ձեռաց նորա զբանալի դրանն, և մտեալ ամրացան անդ : Հասին անդ և զինուորք և պատեցին զվանքն և սկսան պատերազմիլ ժամս իբրեւ 4 : Երբեւ ոչ կարացին ածել զնոսա 'ի հաւանութիւն, ածին զթնթանօթս և սկսան ամբակոծել զպարիսպ վանաց, յորմէ խարխալեալ կործանեցաւ որմն հիւսիսային, և բացաւ խրամ յերկուս տեղիս, և մտեալ անտի 'ի ներքս կուլան զոգիս 14, և որոնեալ զտին զայլ անձինս որք իջեալ էին 'ի ջրամբարն, և հատեալ զգլուխս ամենեցուն բերին առ քաղաքապետն, որ կայր առաջի դրան քաղաքին : Միտարանք և ձերուներ Յակոբ Եպիսկոպոսն նուաղեալ հազիւ անկան 'ի Ս. Յակոբ, զկարասիս վանաց ևւ զանօթս Եկեղեցոյն Ետուն յաւարի, մինչեւ հանել զբեւեռս եւ զնիգս դրանց : Եւ 'ի բերդին խեղդամահ արարին զարն 12 : ապա արձակեցին անտի հրանօթս՝ աւետելով քաղաքին զյաղթութիւնն, և զայլս արկին 'ի բանտ : սաստկացաւ լալ և կոծ 'ի քաղաքին մերձաւորաց Եէնիչէրեաց : Սակայն զլիսաւորք այլազգեաց զժամեալ իմն էին ընդ այս գործ, թէ չէր օրէն սակս Յունաց կոտորել զայս քան անձինս :

նայց զօրապետն ասէր, վտան խաղաղութեան քաղաքին արարի : Յետ այնորիկ քաղաքապետն ետ շինել զխրամատս սխարսպի Ս. Փրկչի, և զայլ քակեալ և աւերեալ տեղիս : ստիպէին զՀայս շինել զնոսա և դնել անդ միաբանս :
 Ի միջոցիս այսպիսի խռովութեանց՝ երկուցեալ միաբանացն Հայոց ոչ կարացին երթալ 'ի Բեթղեհէմ և տօնել զՄնունդ Տեառն, զի փոյթ մեծ էր նոցա պահել զվանս Ս. Յակոբոյ չմտանել Եէնիչէրեաց անդ, որոյ վասն բազումս աշխատ եղեն բանիւք և արդեամբք իսկ :
 Հուսկ ուրեմն Եհաս հրովարտակն Յունաց յԵրուսաղէմ ('ի 12 Յունվարի), և կազմեցաւ ժողով մեծ 'ի դատարանն : կոչեցին զԹարգմանն և զՓոխանորդն Հայոց, և ընթերցան զայն առաջի բազմութեան, յորում յետ պատմելոյ զբատաստանս Հայոց ընդ Յունաց, Տէրութիւնն շնորհէ զչինութիւն տաճարին Ս. Յարութեան միայն ազգին Յունաց, Ապա հարցին ցՀայս թէ՛ ունի՞ք ինչ ասել առ այս, և նոքա ասեն՝ հնազանդ եմք օրինաց Շէրիի և հրամանի Արքային, ըայց խնդրեմք համբերել մինչ 'ի դալուստ հրովարտակին Հայոց : Ետուն պատասխանի՝ այժմ Յոյնք ըսկիզբն արնացեն շինութեան ըստ հրամանի Արքային եւ ապա որ ինչ հրամայի վասն ձեր՝ այնպէս առնեմք : Ետուն հրաման Յունաց՝ և ցրուեցաւ ժողովս : Քաջալերեալ և ոգի առեալ Յունաց թերի թողին զչինութիւն Գերեզմանին Գրիստոսի, և փութացեալ կանգնեցին փայտակերտս առաջի մեծի դրան 'ի ներքին կողմն, և սկիզբն արարին շինել զբաժին տեղիս Հայոց, զսենեակս Տեսչին և զՎերնատունն՝ այլովքն հանդերձ : ժողովեալ զքարինս շինուածոց նոցին, դատարկեալ հանին արտաքս զկահ և զկարասին Հայոց, և եղև միաբանաց և ուխտաւորաց տարւոյն սուգ մեծ՝ եւ անմխիթար տրտմութիւն առաջի աչաց տեսանելով զյախշամակութիւն դարաւոր իրաւանց ազգին : և ժողովեալ ոմանց իբրեւ անձինք 20, ցաւ 'ի սիրտ գրեցին առ Իշխանաւորս ազգին 'ի կոստանդինուպօլիս հոգալ զկարեւորն և բառնալ յազդէն զնախատինս Յունաց ('ի 24 Յունվարի) :
 Իսկ զօրավարն Ապուզուրեան յետ բառնալոյ զխռովու-

Թիւնն եկնիչերեաց և խաղաղելոյ զքաղաքն, մնաց յերուսաղէմ զօրօք իւրովք ըստ հրամանի Կուսակալին և ՚ի սաղարելոյ Յունաց. եւ զինի աւուրց ինչ սկսաւ հակառակիլ ընդ Հայս և այս՝ ՚ի գրգռմանէ Յունաց. արդեւ զերկաթի կոչնակն Ս. Յակոբայ, և հրամայէր մխթարիլ միայն փայտեսոյ կոչնակաւ. խափանեաց զպատարագեն Հայոց ՚ի վերայ գերեզմանի Ս. Աստուածածնի, զոր կատարէին ՚ի չորերեքարթի, ՚ի կիւրակէի եւ յաւուրս տօնախմբութեան Ս. Կուսին. այլ միայն երկիցս ՚ի շաբաթու պատարագել ասէր, և այն ՚ի վերայ արտաքին խորանին. Թէպէտեւ Հայք առաքեցին զամանա հարցանել ցՅոյնս զպատճառն, այլ նոքա արարին պատասխանի թէ՛ ՚ի Կոտանդինուպօլիս այնպէս կարգադրեալ են. և առաջին հրովարտակին, զոր մատուցին Հայք, ոչ կամեցան լսել դատաւորք, եւ այս եղև յետ դալտեան հրովարտակին Յունաց, զոր ընթերցաւ Խոճաքեանն ըստ կամաց իւրոց եւ դարձոյց առ նոսա:

Արժան համարիմ աստանօր յառաջ բերել զանպատեհ գործս Խոճաքեանին, զոր սկսաւ յանդգնարար գործել յերուսաղէմ. քանզի ՚ի ըննութեան պահու տաճարին Ս. Յարութեան զնացեալ էր անդ և Աւետիս Թարգմանն Հայոց, յանկարծ յարձակեալ ՚ի վերայ նորա և սկսաւ նախատել զազգն ողջոյն եւ հարկանել զնա բռնցի. միթէ ա՞զգ ինչ իցեն Հայք՝ զի նախարարք Տէրութեանն վարեցին ՚ի Դրանէ զմեծամեծս նոցա, և զիս Տէրութիւնն ուտիկան և դատաւոր կարգեաց ՚ի վերայ երից ազգաց: Մեծամեծք այլազգեաց նախատէին զյանդգնութիւնս նորին եւ սաստէին իսկ լսել. Թարգմանն զամօթի հարեալ առաջի բազմութեանն, և չկարացեալ ասել ինչ՝ դարձաւ ՚ի վանքն, և առաքեաց անդ զերկրորդ իւր. Ջայն տեսեալ Խոճաքեանին կալաւ զնա ՚ի հրապարակի դաւթի տաճարին՝ ձաղէր զնա այսպանօք և հարկանէր գաւազանաւ զգլուխ նորին, և ելեալ ՚ի Վերնատունն Հայոց դուռայր անտի իրրեւ ամպ մրրկալից՝ թէ՛ Հայք չունին տեղի ինչ աստ, եւ այսպէս արար խայտառակութիւն մեծ, ժայթքելով ՚ի բերանոյ իւրմէ՝ բանս նախատանաց և լուտանաց ընդդէմ պատուոյ ազգին, յորմէ՛ զուարթանային

միտք և պարարէին ոսկերք Յունաց (՚ի 18—24—29 Յունավարի):

Եւ այսպէս համարձակութիւնն Յունաց փոխեցաւ յանդրդնութիւն. զի նոքա եւս սկսան թշնամանել և նախատել զազգն ըստ բնարոյս բարուց իւրեանց, կոպիին եւ հարկանէին զմիարանս տաճարին Ս. Յարութեան, և արկանէին զհողաւ և զքարինս ՚ի վերայ գլխոց նոցա: Տաղտկացեալ միարանաց ՚ի խժդժութենէ աստի՛ աղաչէին ըդթէողորոս Պատրիարք ազատել զնոսա ՚ի գերութենէ Յունաց. այլ նա սիրով և հայրաբար յորդորեաց զնոսա համբերութեամբ տանել նախատանաց, և մնալ ՚ի տեղիս իւրեանց:

Յոյնք ՚ի շինութեան Վերնատան և այլ տեղեացն Հայոց՝ փոխեցին և այլայլեցին զձեւ և զկերպարան եկեղեցւոյն, և ոչ թողին տեղի խորանի և այլ կարեւոր իրաց, որպէս էրն յառաջադոյն՝ և ոչ շինեցին զսենեակս միարանաց խափանեցին զիւղարերից սեղանն եղեալ մոյթ յաղթ և ստուար առաջի նորա, զի մի պատարագեսցեն անդ Հայք. նոյնպէս և յայլ տեղիս, մինչ զի շճանաչել թէ՛ իցեն սոքա վիճակք Հայոց, Արդէլին և զԼատինս ՚ի պատարագելոյ ՚ի վերայ Գերեզմանին Քրիստոսի. զի նախ խոստացան թոյլ տալ զինի թափօրի նոցին, այլ յետոյ ժխտեալ ընդդէմ կացին հակառակութեամբ և ՚ի ձեռն Խոճաքեանին գրել ենուն շէօճէթ, որպէս թէ՛ Տէրութիւնն տուեալ իցէ Յունաց զրոյմանդակ տեղիս տաճարին Ս. Յարութեան. եւ իրրեւ հանին զայն ՚ի դատաստան սակս հաստատութեան, ոչ ընկալաւ զայն Միւֆթի քաղաքին. և զինի մահուան նորին՝ վերստին հանին զայն գիր յատեան և ետուն կնքել դատաւորին, այլ նոր Միւֆթին և նախպն տհաճութիւն ցուցեալ առ այն ոչ կամեցան հաստատել, եւ այնպէս խնդիրն մնաց թերի. զի մտադիր էր Խոճաքեանն ձեռամբ իւրով յանձնել զտեղիս Յունաց (՚ի 1—17 Մարտի):

Թէողորոս Պատրիարք յառաջադոյն խնդրեալ էր ՚ի Կուսակալն Դամասկոսի բառնալ զհակառակութիւնս Յունաց վասն Գերեզմանի Ս. Աստուածածնի և վասն պատկերաց և կանթեղաց Ս. Յարութեան. և նա գրեաց առ դատա-

ւորս և մեծամեծս քաղաքին կատարել զինչիրս Հայոց , մինչ 'ի գալուստ հրովարտակի նոցին , որ յուսայր լինել 'ի ճանապարհի . վարեցին ասէ ըստ առաջին սովորութեան : Եւ ետ ընթեռնելոյ դայս գիր 'ի դատարանի՝ ուր էր և Աւետիս Թարգմանն , դրեաց Գատուորն առ Թէոդորոս Պատրիարք , առնել զամենայն ինչ ըստ հրամանի Կուսակալին , եւ նա ետ դնել զպատկեր Լուսաւորչին 'ի վերայ դրան Գերեզմանին Քրիստոսի կանթեղան , և գայլս յիւրաքանչիւր տեղիս՝ յաւուր Յաղիազարդի եւ պատարագեցին 'ի վերայ Գերեզմանի Ս . Աստուածածնի ('ի 6 Ապրիլի) յուրախութիւն միարանաց և ուխտաւորաց տարւոյն , և ծանոց զայսոսիկ ազգայնոց 'ի Կոստանդինուպօլիս : Յոյնք զչարեալ առ այս՝ տճապարեալ զրեցին առ Կուսակալն ամբաստանութիւն զՊատրիարքէն Հայոց , եւ առաքեցին 'ի Գամասկոս դարս երկս , ընդ որս էր և Խոճաքեանն , և շքեցին զմիտս Կուսակալին 'ի կողմն իւրեանց , և առին գիր հակառակ առաջին գրոց . և դարձ արարեալ անտի մտին յերուսաղէմ յաւուր ճրագալուցի Չատկին . և պահեալ ըզգիրն՝ խաղաղութեամբ կատարեցին ընդ Հայոց զհանդէս լուսաւորութեան . յորմէ կասկածէին Հայք լինել խռովութեան եւ էին յերկիւղի : Եւ ապա ետուն ընթեռնուլ զգիրն 'ի դատարանի , որպէս և գրեալ էր նա ինքն Կուսակալն առ Թէոդորոս Պատրիարք , եւ դարձեալ խափանեցին զպատարագն Գերեզմանի Ս . Աստուածածնի , եւ բարձին զպատկեր Լուսաւորչին , և զկանթեղան 'ի տաճարին Ս . Յարութեան , և կամէին խախտել նաեւ զպատարագեղն Հայոց յիւրաքերից սեղանն , բայց Հայք ընդդիմացան ընդ այն և կատարեցին :

Ի բովանդակ նամականիս Թէոդորոս Պատրիարքի , զորս գրեաց 'ի միջոցիս յայսմիկ առ գլխաւորս ազգին եւ առ Փոխանորդն իւր 'ի Կոստանդինուպօլիս , ոչ այլ ինչ պատմին , բայց եթէ վիշտք , դառնութիւն , դաւաճանութիւն , զրկանք , տուգանք պէս պէս , սնտանելի նեղութիւնք , դժուարակիր և դառն աղքատութիւն , (1810 . 'ի 25 Մայիս) :



Աղերագիր Հայոց առ Արքայ , որոնել զարձանագրութիւն : Գատուսան վերստին 'ի դուռն մեծի զեկեղեմն : Խնդիր երկոյ հետեակ ազգաց : Բռնութիւն քաղաքագետին : Հրաման Կուսակալն Գամասկոսի : Կար Կուսակալ :

ՍՈՒՐՀԱՆԴԱԿԻՆ և արքն՝ որոց յանձն արար Թէոդորոս Պատրիարք զհրովարտակս և եհան 'ի ճանապարհ՝ յետ թախտաւելոյ զաւուրս 32 հասին 'ի Կոստանդինուպօլիս և մատուցին առ Փոխանորդն Պողոս վարդապետ զոսկեկար Խոթթի Շէրիֆան , որով եղեւ ուրախութիւն մեծ 'ի մայրաքաղաքին Հայ ժողովրդոց , եւ բարձրացան կորացեալ գլուխք Իշխանաւորաց՝ յընթեռնուլն և յիմանայն զմիտս նոցա : Եւ ապա գիտութեամբ մեծի զեկեղեմին ետուն հանել զպատճէնս նոցա . եւ վաւերել կնքով առնն որ կոչի՝ (Հարամէյն Միւֆէթթիչէյն) , և տարեալ առանձին ետուն ընթեռնուլ նախարարաց դրան , զի լըցցին միտք նոցին : Եւ յետ այնորիկ 'ի ձեռն մտերմաց ոմանց հասուցին զամենեւեան առ Արքայ , և յընթեռնուլն՝ եղև հմուտ ճշմարտութեան , եւ առաքեաց դարձեալ արտաքս : Եւ ապա ըստ ազդ արարելոյ նորին Արքայի՝ մատուցին առ նա Հայք գիր աղաչանաց , թէ՛ ահա եկին հրովարտակքն մեր յերուսաղէմէ : Եւ յետ երկոյ աւուրց առաքեցաւ աղերսագիրն 'ի Դուռն առ Բէիդ Էֆէնտի գրով Արքայի , և նա խնդրեաց զհրովարտակոս 'ի Հայոց , որ և մատուցին 'ի ժողով նախարարաց , որոց ընկալեալ յարգութեամբ ընթերցան : Եւ հրաման 'ի Սուլթան Մահմուտ Բ . յԱրքայէ զգուշութեամբ որոնել յամենայն դիւանս Տէրութեան զարձանագրութիւնս նոցա , մինչեւ 'ի ներքին գրապահ գանձարանն : Եւ 'ի վերայ այսր գործոյ գրով Արքայի կարգեցաւ Սատըգ Էֆէնտի այրն երեւելի , զի մի դաւ ինչ գործեսցի 'ի դրդմանէ Յունաց , ժողովեցան առ նա յամենայն դիւանաց Բարտուղարք և Քննիչք՝ իբրեւ արք 40 . և ընդ նոսա տիրացու Առաքել , նախ մուտին 'ի մեծ դանձարանն և աւուրս 4 աշխատ լեալ՝ գտին

եւ ոչ ինչ: Ծանոց Սատրղ զիրան Արքայի: Եւ հրաման
 դարձեալ՝ զի գտցին տուժարք առմանն Երուսաղէմի յա-
 լուորս Սէլիմայ առաջնոց: Եւ չորան՝ ՚ի պալատն (Թէֆտէր-
 խանէ) ուր պահէին հին տուժարք, մերձ ՚ի Դուռն՝ ուր
 բնակին Թագուհիք, և անդ որոնեալ գտին զայն՝ յորում
 գրեալ էր յականէ յանուանէ վանորայք իւրաքանչիւր ագ-
 գի, և Մար Անդրիաս անուն վանք Հայոց՝ որ այժմ չե-
 րեւի ՚ի միջի: Եւ անտի գնացին ՚ի գանձարանն Աբ Քյ-
 րանէ, ուր յառաջագոյն ամսօրեայ ժամանակաւ վաստա-
 կեալ և ոչ ինչ շահեալ էին:

Իսկ այժմ գտին զարձանագրութիւնս հրովարտակին
 Սուլթան Մահմուտի առաջնոց, գրեալ ՚ի թուին Հիճրէթի
 1104 տուեալ Գրիգորի Շղթայակի: Բայց այս գործ տե-
 ւեաց ամիս մի, և զոր ինչ գտին անդ՝ համառօտեալ եւ
 բաղգատեալ ընդ հրովարտակաց առաքեցին առ Արքայ, և
 ընդ նոսին զհին և գնոր հրովարտակս Յուճայ, և մնացին
 անդ ՚ի ներքս աւուրս 40. և ապա առաքեցան ՚ի Դուռն
 (՚ի 14 Մարտի), և ընդ նոսին հրաման սաստիկ առ Տեղա-
 պահն (Գայմաղամ) և առ մեծ Դենպեան (Շէյխ Էլ Իսլամ)
 կարգել վերստին Ատեան մեծահանդէս ՚ի Դուռն դենպե-
 տինս ժողովեցան անդ նախարարք և դասք զիրանականաց,
 սաքա ամենեքեան նստեալ նախ ընթերցան զհրովարտակս
 երկուց ազգաց, և քննութեամբ ծանեան զմիտս նոցին
 և զճամարութիւն խնդրոյն:

Նիստ Առաջին, (17 Ապրիլի):

Հրաւիրեցին զՀայս և զՅոյնս ՚ի Դուռն մեծի դենպե-
 տին, գնացին Հայք ոգիք իրբեւ 60 ամենեքեան արք ե-
 րեւելիք՝ և վարդապետք 6, Եկին անդ և Յոյնք բաղմու-
 թեամբ մեծաւ: Մտին յԱտեան Դատաւորաց Երեմիա-
 խանք երկուց կողմանց և արձանագրեցան անուանք իւ-
 րաքանչիւրոց: Հարցին Դատաւորք ցՀայս, զի՞նչ է խըն-
 դիր ձեր, որ աղբրսագիր մտտուցեալ էք առ Արքայ: Եւ
 նոքա ետուն պատասխանի, յայտնի է Տէրութեան ձե-
 րում, թէ է կեալ են Խաթիբի Շէրիֆքն մեր յերուսաղէմէ,
 և ըստ տրամադրութեան նոցին տիրեալ եմք անդ ամե-
 նացն տեղեաց մերոց, և խնդրեմք կայսերական հրովար-

տակ ըստ մտաց նոցին լինել համարձակ յիրաւունս մեր,
 և ազատ ՚ի բռնութենէ Յուճայ, և զբաժին տեղիս մեր
 ՚ի տաճարին Ս. Յարութեան մեք շինեսցուք, և սուլ ինչ
 վիճարանեալ ՚ի վերայ այսր խնդրոյ փակեցաւ Ատեանն:

Նիստ Երկրորդ, (՚ի 11 Ապրիլի):

Ի սոյն նուազ կազմեցաւ Ատեան մեծ քան զառաջինն՝
 զի յաւելան ՚ի նոյն ոմանք ՚ի նախարարաց. սկիզբն խօ-
 սեցան Հայք ըստ առաջին բանից. եւ ՚ի հարցանել Դատա-
 ւորաց ցՅոյնս՝ մատուցին նոքա Ատեանին հանրագրութիւն
 ինչ բաղմակիք ՚ի դիմաց բոլոր ազգի իւրեանց, լցեալ
 բանիւք բարուրանաց և դանկատանաց ընդդէմ Հայոց, և
 ընթերցեալ զայն Ատեանկալաց՝ շեռուն ինչ պատասխանի:
 Մատուցին Յոյնք զկարծեցեալ զիրն Օմարայ, յոր յուսա-
 ցեալ էին՝ այլ չեգիտ նա ընդունելութիւն ինչ յԱտեանի
 անդ. աղաղակ բարձին Յոյնք և ասեն՝ սա է դաշնագիրն
 մեծին Օմարայ՝ պարտիք կատարել որ ինչ ՚ի սմա գրեալն է.
 Հայք ետուն պատասխանի՝ դաշնագրութիւնս լինի ՚ի մէջ
 երկուց հաւասար տէրութեանց, իսկ հպատակի դաշնա-
 գիրն հարկատոմն է. դարմանք են որ ընդ մեծազոր Տէ-
 րութեան դաշնագիր ունիմք ասէք: Ետուն զպատճէն
 Իէնչէի մարգարէին և առաջնորդին Արարացուոց, գրեալ
 ՚ի բարբառ նոցին՝ ընթերցան և զայն, Հայք ասացին՝ սա
 ոչ վասն Երուսաղէմի է՝ զի չիք ՚ի սմա անուոնք Երուսա-
 ղէմ եւ ոչ հարկաւոր ՚ի վէճն յառաջակոյ, այլ վասն հա-
 մարձակութեան վանականացն Սինայի: Ապա հանին ըզ-
 հրովարտակն Սուլթան Մահմուտի առաջնոց, տուեալ ՚ի
 թուին Հիճրէթի 1104 զոր առեալ էին ՚ի դասին ընդ
 Շղթայակիր Պատրիարքին, զորոյ զպատճէնն ունէին Հայք,
 որպէս և զայլոցն, և գիտէին զգրեալն ՚ի նմա. Բէկիւ է-
 ֆէնտին առեալ զայն սկսաւ ընթեռնուել, և մերձ ՚ի վախ-
 ճանն լուաց. յառաջեաց Փոխանորդ Պօղոս վարդապետն
 և ասէ՝ բոլորն ընթերցցի, Բէկիւն ասէ՝ սահ կատարեցաւ,
 կրկնեաց անդրէն Պօղոս՝ մինչ խալաւ ընթերցցի, զի գոյ
 ՚ի դմա հարկաւոր ուսանելիք. և նորա ընթերցեալ աւար-
 տեաց, որոյ ՚ի վերջին տողս գրեալ էր, Երեք ազգք՝ Լատինք,

Յոյնք՝ և Հայք, սեփհական տեղնաց իւրեանց՝ որպէս յառաջն, նոյնպէս այժմ և առ յարայն տիրեցեան, և ոչ որ բզտեղիս այլոց յափշտակեցէ և փնտեցէ: Զայն բարձին Հայք՝ ահա հրովարտակն իւրեանց հաստատէ զնադիրս մեր, և արգելու յափշտակել զտեղիս այլոց. դատ արարէք արդարութեամբ, սրով իւրեանց սարա է հատանել զգլուխս նոցին, զի մուրհակ իւրեանց վկայէ թէ դործք նոցին են անիրաւութեամբ: Ստրջացան Յոյնք զի յայտնեցին զհրովարտակն զայն և կարեւէր խոցեցան սիրոք նոցին իրբե ՚ի սլաքէ: Աստանօր յաճախեցին յերկուց կողմանց բանք վիրաւորիչք և կսկծեցուցիչք. Գատաւորք որդբելով զնոսա ասէին՝ հանդարտեցէք բաւական է, զի իւրաքանչիւր ոք սլարտի հնազանդիւ հրամանի իւրոյ հրովարտակին և խաղաղիւ: Եհարց Րէիզ Էֆէնտին ցՅոյնս և ասէ՝ հրովարտակքն Հայոց ճշմարիտ են՝ թէ ոչ, Յոյնք ասեն՝ ոչ զիտեմք, կրկնեաց անդրէն՝ ասացէք կամ ճշմարիտ և կամ սուտ: Յոյնք ասեն՝ եթէ ունին արձանադրութիւն՝ ճըլմարիտ են. վերստին ասէ՝ Րէիզն, եթէ ասէք սուտ լինել հրովարտակացն Հայոց՝ ձերն եւս ստին, զի դուք եւս յետոյ ՚ի թուին ՎՋՄ տուեալ էք արձանագրել, զի երկուց ազգաց եւս հին արձանադրութիւնքն ոչ գտան. նըմին իրի բռնադատիք վասն նոցին հրովարտակաց ասել ճշմարիտ, զի և ձերն ճշմարտեցի: ուրեմն բարեք խորհեցէք եւ ըստ այնմ տուք պատասխանի՝ փակեցաւ Ատեանն:

Ի նմին աւուր բերին անդ զտուժարն Վաղֆի ՚ի մըզկթէն Սէլիմա, յորում էր իսկ ձեռագիրն և օրինակն Թուղրայի Սէլիմայ առաջնոյ. ընդ որ բաղդատեցին զհրովարտակս Հայոց և Յունաց, առաւել յար և նման գտաւ վերնագիրն և Թուղրայն հրովարտակին Հայոց, քան Յունաց՝ ըստ վկայութեան զիտնականաց Նախարարաց և Քարտուղարաց. յայնմանէ ծագեցաւ լոյս ճշմարտութեան հրովարտակացն Հայոց, զորս Յոյնք ստել ջանային:

Նիստ երրորդ, (՚ի 14 Ապրիլի):

Գնացին դարձեալ Հայք եւ Յոյնք ըստ առաջնոյն յԱտեան Գատաւորաց: Նախ հարցին ցՅոյնս, Հապէչք, Գըտ-

թիք և Ասորիք ա՞զգ են ձեզ, թէ ոչ. նոքա ասեն, ոչ. Դատաւորք ասեն, եթէ ոչ են ձեզ ազգ, ընդէ՞ր պնդէք թէ մեզ հետեւողք են (եամագ): Յոյնք ետուն պատասխանի. վասն այնորիկ՝ յորժամ տկարացցին և պահասեցին յերուսաղէմէ, տեղիք և ստացուածք նոցին մեզ մնասցեն: Հայք ասեն. երեք ազգքն այնորիկ ՚ի վաղ ժամանակաց անտի հետեւողք են մեզ, եւ ՚ի հրովարտակս մեր գրեալ է կրօնակից և համազգային:

Տեսեալ Գատաւորաց թէ երկարի վէճն ՚ի վերայ այսր խնդրոյ, ասեն. մնացէ այժմ քննութիւնն հետեւակաց, զի նոքա չեն ՚ի միջի և դուք հակառակ միմեանց վիճէք, պարտ է հարցանել ցնոյն իսկ հետեւակս: Թէպէտեւ ունէին Հայք վասն այսր իլամ ՚ի Գատաւորէն Երուսաղէմի, այլ ոչ ինչ զօրեաց այն: Հայք ասեն, յառաջին դատին որ ՚ի Գունն Փաշայի, խոստացան մեզ Գատաւորք ՚ի հասանել հրովարտակացն մերոյ որոշել զհետեւակս մեր, այժմ տեսանեմք յայլ եղանակ շրջեալ բանին: Ժխտեաց Թահիր Էֆէնտի, որ գլուխ եկաց ընդ էմին Պէկին ՚ի դատաստանին յայնմիկ, և ասէ մեք ոչ ասացաք զայդ. էմին Պէկն գովով մեռեալ, ՚ի սմանէ խնդրէին Հայք զհաստատութիւն բանին, այլ նա պնդէր թէ չիք մեր արարեալ զայդպիսի խոստմունս: Հայք ասեն, են ոմանք յերեւելեաց անտի տակաւին կենդանի, որք էին ՚ի ժողովի անդ: Եուսուֆ Ալիսահ և Ազիզ Էֆէնտիք և այլք, կոչեցէք զնոսա և վերստին տեղեկացէք ՚ի նոցանէ, Հանին արտաքս զՀայս և զՅոյնս, և կոչեցին զարսն զայնսսիկ, որոց եկեալ ասացին թէ յայնժամ խոստացաւ Ատեանն Հայոց ՚ի հասանել հրովարտակացն առնել զամենայն ինչ ըստ մտաց նոցին: Փակեցաւ Ատեանն:

Եւ յետ երկուց աւուրց գրեցին Ատեակալք զվէճս երկուց ազգաց, և արարեալ զայն իլամ մատուցին առ Արքայ, և մնաց առ նա ՚ի ներքս ՚ի պալատն իր ամիս մի:

Նիստ Զորրորդ, (՚ի 19 Մայիսի):

Ել Իլամն արտաքս ՚ի պալատէն հրովարտակաւ Արքային, և առաքեցաւ ՚ի գունն մեծի դեղակտին. ազգ ա-

րարին Հայոց և Յունաց, և նոքա գնացին անդ բազմութեամբ ըստ առաջնայն. ընթերցան նախ զհրաման Արքային, որ ունէր օրինակ զայս. եթէ ստոյգ համարին Հայք և Յոյնք զհրովարտակա Սէլիմայ Արքային, զորս տուեալ է նոցա ՚ի Կոնստանդնուպոլիս, բարւոք է. իսկ եթէ ոչ, առցի ՚ի ձեռաց նոցին, անվաւեր և խափանեալ համարեսցի. եւ եթէ իսկապէս ընկալցին զնոսա, որպէս Սէլիմ, նոյնպէս և ես ետու նոցա Կոնստանդնուպոլիս տեղեաց իւրեանց, և մի լինիլ յափշտակիչ իրաւանց իրերաց և կազել ընդ միմեանս. այլ վարիլ ըստ առաջին օրինաց և կարգի, թէ ՚ի սեփհական և թէ յընկերովի տեղիս. եւ հետեւեալ երեք ազգքն ում եւ կամեսցին, նմա հետեւեսցին, եւ այս խնդիր ստուգեսցի յերուսաղէմէ. Այլ ՚ի խնդիրն շինութեան մի ոք համարձակեսցի յառաջ միլի. զի ես եմ տէր և թագաւոր երկրին եւ իմ է իրաւունքն այն, ում կամիմ նմա յանձն առնեմ. սակայն որպէս նախ քան զայս տուեալ եմ Յունաց, յայս նուազ եւս ետու նոցա. բայց ոչ որպէս իւրեանց, այլ իրրեւ գործադիր հրամանի իմոյ. զի որպէս են Հայք, նոյնպէս են եւ Յոյնք. չիք ինչ տարբերութիւն ՚ի մէջ նոցա առաջի աչաց իմոց. եթէ հնազանդին այսմ, բարի. իսկ եթէ ոչ, կրեսցեն պատիժս անպատճառ. Չայս ամենայն լուեալ Հայոց խոնարհեցան յերկիր և ասեն. յամենայն հնազանդեմք ազգովին բարձր հրամանի մեծազոր Արքային, որպէս հրամայեալ է, նոյնպէս և եղիցի. Յոյնք լուեցին խաղաւ. և Տեղապահն կրկնեաց երիցս, թէ անհնազանդքն անկաշիլ ունին ընդ մեծի պատժովք. Հայք ասեն. զշինութիւն տաճարին Ս. Յարութեան այլայլեցին Յոյնք, և փոխեցին զառաջին ձեւն և խանդարեցին զտեղիս մեր. հրամայեցէք զի քակեսցին նորահնար իրքն, և վերստին շինեսցին ըստ առաջին ձեւոյն. Դասաւորք ասեն, այո՛, հակառակ է օրինաց և վճռոյ մեծի դենպետին այլայլել զառաջին ձեւ շինուածոյն. վերստին հարցին երկուց կողմանց, հնազանդի՞ք հրամանի կայսեր, Հայք ետուն հաւանութիւն, ականայ կամօք Յոյնք եւս զիջան ասել այո՛:

Ապա արարեալ նոցա իլամ մատուցին առ Արքայ (՚ի 29 Մայիսի). զի տայէ հրովարտակ առ ՚ի բառնալ զիս-

նովութիւնս երկուց ազգաց. Սակայն արգելաւ իլամն անդ ՚ի ներքս առ Արքայի ամիսս 8, և աւուրս 13:

Յերկարիլ գործոյն անկան ՚ի տարակուսանս գլխաւորք աղբին, եւ վարանէին արտմութեամբ ՚ի միսս իւրեանց, զի մի գուցէ դու ինչ գործեսցի ՚ի հակառակորդաց անտի. և ՚ի հարցանել բարեկամաց՝ ակնարկէին միայն լուել Յամենայն դաւառաց և քաղաքաց թախանձանօք խնդրէին լուր աւետեաց. բայց նոքա տարակուսեալ էին թէ զինչ պատասխանի տայցեն. Աղաղակ միաբանաց Աթուոյն երուսաղէմի յերկինս ելանէր, զի ՚ի բաւութենէ Յունաց նեղեալ և տաղնապեալ հոգիս էին ապաստան. եւ յօրէ օր սպանէին լոյ աւետեաց և դաւառեան հրովարտակին, այլ նոքա յառաջադրէին միայն համբերել. Յոյնք խստային թէ խափանեցաւ իլամն եւ այլ ոչ եւս յիշէ զայն Արքայ. Սակայն արքունի ճարտարագետն Գրիգոր Ասիրայ քաջալերեալ յուսադրէր զիշխանաւորս ազգին յորդորական բանիւք, կալ անմիղձ և մի կասկածիլ երբէք. զի միտք Արքային ասէր՝ անդրդուելի է. և փոյթ նորա չառնել ինչ ընդդէմ իրաւանց. նմին իրի պարտ է համբերել երկայնմտութեամբ. քաջ գիտէր զպատճառն արգելման իլամին, զի ներքին խորհրդակիցն Արքայի բարւոք հմտացեալ մտաց հրովարտակացն խելամուտ առնէր զկրքայ, և առաջնորդէր յամենայն իրս արքունի. այրս այս մինչ ՚ի վախճան գործոյն աշխատեալ պատճառ եղեւ փրկութեան Հայոց:

Յեա պատմելոյ մեր զայս ամենայն անցս որ անցին ՚ի թագաւորեալ քաղաքին, դարձցուք այժմ ասել զընկան որք պատահեցան յերուսաղէմ:

Եհաս նոր Դատաւորն ՚ի քաղաքն Ս. մեծամեծս խոտանայր Հայոց միայն բանիւ, որպէս արարեալ էր ՚ի կոտանդինուպոլիս կատարել զխնդիրս ազգին, ՚ի Ս. Ասաուածաճին և ՚ի Ս. Յարութիւն. Առ զսահմանեալ տուրս լուր, առ նաեւ 12,000 դահեկանս, և ՚ի Յունաց 150 զըսակս արծաթոյ. եւ ըստ խնդրոյ Թէոդորոս Պատրիարքի կոչեաց առ ինքն զերիս հետեւակ ազգս, և ՚ի բանից նոցա դրեաց Հեօֆէլք. թէ սոքա ՚ի սիրտանէ անտի հետեւակ են ազգին Հայոց, և վասն այսր խնդրոյ էաւ 3500 դահեկան, և այն բաղում արաչանօք:

Թէպէտեւ Յոյնք խոստացան տալ նմա 30,000 դահեկան, զի գրեցցէ զնոսա հետեւեակ Յունաց եւ քաղաքապետն բռնադատէր զնոսա խոստովանիլ այնպէս, մինչեւ արգել զնոսա չեթմալ բնաւ 'ի վանս Հայոց . բայց դատաւորն ոչ մատոյց ունին բանից նորին : Եւ միշտ հակառակութեամբ վարէր ընդ Թարգմանին Հայոց, և պատճառելով զայլ և այլ իրս կեղեքէր զնա, մինչեւ եհաս գումարն 2000, այլ նա ոչ ասէր երբէք բաւ . և առաւել դրդեալ արգել նախատանօք զԹարգմանն մտանել յապարանս կառավարութեան, եւ սպառնայր կացուցանել պահակս 'ի դուռն վանաց . եւ 'ի միում նուազի մտեալ ուղտուք 'ի վանս սակս կրի' եւ բեռնաւորել զնոսա բռնութեամբ, և առ այս ոչ ինչ կարացին ընդդիմանալ միարանք, եւ այլ սոցին նման անկարգութիւնք բաղում, զորս աւելորդ է գրել . Թէպէտեւ սաստեաց նմա Դատաւորն քանկցս, այլ նա ոչ անայր բանից նորա, յոյր սակս գրեաց առ Կուսակալն և ընկէց զնա յիշխանութենէ և կացոյց 'ի տեղի նորա զհին քաղաքապետն, որ էր 'ի ժամանակի հրդեհին Ս . Յարութեան : Իսկ վանցի Աւետիս Թարգմանն ծանծրացեալ 'ի պաշտօնէ իւրմէ հրաժարեցաւ, և 'ի տեղի նորա եղին զՄկրտիչ վարդապետ զմն, այր անվարժ եւ անհմուտ . լուեալ զայս գլխաւորաց ազգին գրեցին առ նա գիր սիրոյ և յորդորանաց, անտեղի համարել զոր ինչ լուեալն էր, և վարել զպաշտօն իւր խոհեմութեամբ յօգուտ Ս . Աթոռոյն, և նորա ստիպեալ աստի և 'ի յորդորական բանից Պատրիարքին և միաբանաց՝ վերստին յանձն առ զպաշտօնն :

Պարտատեարք՝ որոց բազումք էին յազգէ Յունաց՝ յաւելին զտոկոսս դրամաց՝ և սրահանջին զընծայս, և ապա սկսան խնդրել իսկ զմայր գումարան, որով տագնապէր Թէոդորոս Պատրիարք . Եհաս գիր հրամանի յերուսաղէմ առ երկս ազգքս 'ի Կուսակալն Դամասկոսի, առաքել անդ մէն մի բանիբուն անձինս՝ և ընդ նոսա վաւերական դրեանս, անօրինել և հրամայել ըստ մտաց նոցին, և ըստ հրամանի Արքային կարգաւորել զամենայն գործս : Յոյնք և Լատինք յղեցին, իսկ Հայք գրեցին գիր աղերսախառն ներել ինքեանց, զի վաւերական դրեանքն էին 'ի Կոստանդինուպոլս :

Թէոդորոս Պատրիարք առաքեաց ընդ Հեօճէկիւն, որ վասն երկց հետեւեակ ազգաց զայլ հրովարտակս եւ կարեւոր դրեանս, զորս առեալ էին յառաջին նորոգութեան բաժնին Հայոց 'ի տաճարին Ս . Յարութեան յաւուրս Շղթայակրի, որպէս խնդրեալ էր Փոխանորդ Պօղոս վարդապետն . երանի թէ 'ի դատաստանի անդ լեալ էին նոքա 'ի ձեռս ազգին, որով անսլատճառ Հայք շինէին զտեղիս իւրեանց . ահա արդիւնք առանց վաւերական գրոց 'ի դատ մտանելոյ : Գրեաց նաեւ զսյլայլութիւն շինութեան Ս . Յարութեան, այլ անօգուտ : Յոյնք մտին նորոգել զեկեղեցին Լատինաց 'ի Ս . Յարութեան՝ որ շէր այրեալ, և կասկած մտանելոյ 'ի Ս . Լուսաւորիչ եկեղեցին Հայոց, Կուսակալն Եռեսուֆ Փաշայ փախուցեալ 'ի Դամասկոսէ ապաստանեցաւ առ թափառական Արաբացիս, որում տըւեալ էր Պատրիարքն Հայոց 25,000 դահեկան, նոյնպէս Լատինք և Յոյնք, և աշխատէին առնուլ զդրամն 'ի Կոստանդինուպոլս, եւ Սիւլէյման Փաշա կարգեցաւ 'ի տեղի նորա ('ի 23 Օգոստոսի) :

Նեղութիւն պատերազմի և տագնապ նուազութեան հայի 'ի Կոստանդինուպոլս, (1810 . Նոյեմբեր) :

Գ Լ Ա Ի Խ Ի Ե .

Ուստատեան շինութեան Ս . Յարութեան : Կախանուտեան տեղեացն Հայոց : Մէհեմեթ Արտուղուիտ : Կիրեմ Կախուղեկոս : Նեղութիւնք միաբանաց : Ժողով 'ի գուռն մեծի զեկեղեցին և հրաման Արքային : Ծախք շինութեան տաճարին : Կարծեալ ժողով 'ի դուռն գեկեղեցին :

ՅՈՅՆՔ յերուսաղէմ արգելին զՀայս 'ի գերեզմանէ Ս . Աստուածածնի յաւուր տօնի վերափոխման եւ յայլ տօնս նորին, զի ասէին թէ 'ի շաբաթու երկիցս ունիք պատարագել 'ի վերայ Սեզանոյ ձերայ, նեղեալ աստի Թէոդորոսի առաքեաց դրով 'ի Կոստանդինուպոլս զՍարգիս անուռն ոմն 'ի միաբանաց, ծանուցանել ազգայնոց ըզխնդիրն՝ և զտանել զհնարն :

Աւարտեցին Յոյնք զչինութիւն տոճարին, զտեղիս իւրեանց յարդարեցին փառաւոր և շքեղ որպէս և կամեցան, իսկ զայլոցն թողին թերի և անշուք: Եւ այսոքիկ են խափանեալ տեղիքն Հայոց, զորս ոչ կամեցան շինել: 3 սենեակ 'ի Վերնատունն և 'ի վերայ նոցա Պատրիարքարանն իւր պարագայիւք՝ որ ձգէր 'ի Վերնատանէ մինչեւ յորմն եկեղեցւոյն Յունաց՝ որ անկանի 'ի վերայ Պատանատեղւոյն, և 'ի տեղի սենեկի Տեսչին արարին կրկնայարկ և զմի սենեակն խափանեցին, զսենեակն Եազուպ աղային, և զմի սենեակ 'ի վերայ գերեզմանի Յովսէփայ յԱրեւմտացւոյն, և զայլ տեղիս զորոց ունիմք յիշել: Ծեփեցին նաև զսուրբ Լուսաւորիչ եկեղեցին, թէպէս ջանացին Հայք արգելուլ զոյն՝ այլ չեղև հնար:

Եւ 'ի տօնի Վերացման Խաչի կատարեցին զհանդէս նաւակատեաց եւ օծին զեկեղեցիս իւրեանց՝ կախեցին զկանթեղս 'ի վերայ Գերեզմանին Քրիստոսի (1810՝ 'ի 14 Աւետեմբերի):

Եւ Դատաւորն ազդ արար Հայոց 'ի ճեռն Գպրապետին իւրոյ, և խոտոացաւ տալ կախել զպատկերս և զկանթեղս նոցին, համաձայն դրոց առաջին Դատաւորին և Բղեշլիին, և յանձն առին Հայք, և ետուն 3500 դահեկան, և նա առաքեաց զգիրն և թոյլտուութեամբ Յունաց կախեցին 6 կանթեղ 'ի վերայ Գերեզմանին Քրիստոսի: 4 'ի Հրեշտակի Վիմին՝ զոր Խաչէ կոչեն: 1 'ի վերայ դրան, և 1 'ի Պատանատեղն: Յոյնք արգելին դնել զպատկեր Լուսաւորչին 'ի վերայ դրան Գերեզմանին, և շինել խաչկալ և պատկեր յԻզարերից սեղանն՝ զոր չէին շինեալ, և կախել 4 կանթեղ 'ի չրջապատ որմն Գերեզմանին, և 1 'ի Պատանատեղին: և ասէին՝ հրովարտակն մեր եկեալ է, և ձերն եւս գրեալ 'ի նոյն միտ, 'ի հասանիլ նորին, որ ինչ գրեալն է՝ զայն թայլ տամք, և զայլ ոչ ինչ: մուսացարուք զառաջինն՝ աւելի ոչ պատկեր՝ ոչ կանթեղ՝ ոչ սեղան Իզարերից և ոչ պատարագ անդ այսուհետեւ: Եւ 'ի ծանուցանելն Հայոց զայսոսիկ առ Դատաւորն, յետս եկաց և նա թէ ընդդէմ հրամանի չկարեմ առնել ինչ, և եթէ կամիք՝ տաց Իլլամ, և 'ի դալատեան հրամանին անթերի կատարեմ զոր խնդրէքդ: Ապա Դատաւորն գաղտագողի կատարէ

զքննութիւնն շյիշելով երբէք 'ի գրի անդ զպակաս տեղիս Հայոց, և տայ Հէօճճէթ Յունաց՝ զոր առեալ Խոճաքեանն և ճարտարապետն մեկնեցան յերուսաղէմ:

Կուսակալն Դամասկոսի ոչ կամեցաւ խնքնին ելանել յայցելութիւն դաւառին և դալ յերուսաղէմ ըստ սովորութեան, այլ հրամայեաց Ապուլզպուր Մէհէմէմէտ աղայի՝ որ եկեալ եմուտ յերուսաղէմ՝ 3000 զօրօք և մեծ հանդիսիւ ('ի 20 Հոկտեմբերի): և զինի միոյ ամսոյ մեկնեցաւ 'ի Քերթոն: Նախ քան զգալուստ սորա եկն հրաման սաստիկ 'ի Կուսակալն Դամասկոսի՝ ձեռամբ Ալի աղայի՝ որ նստէր յԱքքէ՝ առ քաղաքապետն Երուսաղէմի: Զկարգեալ ինքն սաստիկան՝ զի հատուցեն Հայք իբրև պարգև Կուսակալին 400 քսակս արծաթոյ առանց ինչ յայանելոյ ումեք, և քաղաքապետն ստիպէր զվանահանս, և 'ի յայտնել նոցա զաղքատութիւնս իւրեանց՝ ասէ, եթէ աղքատ էք, ընդէ՞ր բնակիք յայդպիսի վայելուչ տեղիս՝ թողէք զայն այլոց՝ որք կարող են կատարել զկտմն Կուսակալին, և յետ բաղմադիմի աղաչանաց և սնուտանաց և կրելոյ զնախատինս՝ հազիւ ուրեմն կարացին տալ ընդունել 300 քսակս միայն Բղեշլիին, զի Յոյնք տուեալ էին 500 քսակս, և յետ այնորիկ պահանջէր 18000 դահեկան՝ իբր պաշար պահապան զօրաց քաղաքին, զոր բազում նեղութեամբ կարացին հերքել: և միաբանք դեգերելով 'ի քաղաքն ժողովեցին տոկոսիւք դրամս կրելով զանտանելի տառապանս, և հատուցին զոր պահանջէրն, որոց ամբողջ դումարն եղև 194, 475 դահեկան, որպէս գրէ զայսոսիկ Թէոդորոս Պատրիարք 'ի նամակին իւրում ողբաղով և կոծելով զթշուառ վիճակ ձերութեան իւրոյ: և զի գլխաւորք աղքին սաստէին նմա չառաքել փոխանակագիրս 'ի վերայ նոցա, որոյ վասն կայր պաշարեալ 'ի տարակուսանս ('ի 5 Դեկտեմբերի):

Եվրեմ եպիսկոպոս մեկեալ 'ի սահմանաց Ռուսաց եհաս 'ի Տիլիսի՝ և առեալ ընդ իւր զՄկրտիչ վարդապետ Մեղրիկ կոչեցեալ, որ նստէր անդ 'ի գործ նուիրակութեան Երուսաղէմի, եկն 'ի Ս: Էջմիածին, եւ օծեալ կաթուղիկոս մեծահանդէս փառօք, նստաւ յԱթոռ Հայրապետութեան ամենայն Հայոց (1810՝ 'ի 6 Նոյեմբերի): Գրեցին առ նա գիր շնորհաւորութեան Ամիրայք Կոստանդինուպոլսոյ, և

Թէոդորոս Պատրիարք Երուսաղէմի, յայտ առնելով զառապանս իւր և զվտանգ Աթոռոյն և սեփական ժառանգութեանց ազգին յերեսաց ատելութեան Յունաց: Ապա խնդրեցին ձեռնտու և օգնական լինիլ նոիրակացն Երուսաղէմի Հայրապետական կոնդակա յորդորելով զբարեպաշտ ժողովուրդն: Եհաս անդ և Ստեփաննոս վարդապետ նոիրակն Կարնոյ, և պատմեաց նմա զամենայն հանգամանս Աթոռոյն: Եւ յետ այնորիկ ձեռնադրեաց զնա յաստիճան Եպիսկոպոսութեան յաւուր Մենդեան Տեառն մերոյ ևւ գրեաց կոնդակ յորդորական բանիւք առ ժողովուրդս Կարնոյ, Կարսայ և Պայեղիտայ վիճակացն, օգնական լինել առատաձեռն ողորմութեամբ Աթոռոյն Երուսաղէմի ՚ի սէր մարդացելոյ Փրկչին՝ յազատութիւն Տնօրինական Տեղեաց և սեփական ժառանգութեանց ազգին, և ՚ի թեթեւութիւն ծանր պարսուց, ուր յետոյ յաւելու ասել « Ստուգութեամբ ասեմ և ոչ ստեմ: զի եթէ ոչ էր Ս. Աթոռս ՚ի տարարաղդ վիճակի՝ որպէս և գիտէք, մեք եւս յօժար էաք ամենայն կարողութեամբ մերով արդիւնամատոյց լինիլ յաղազս այցելութեան Ս. Յակոբայ հրաշալի Աթոռոյն » . (1811. ՚ի 20 Յունվարի):

Գրեաց նաեւ գիր օրհնութեան առ ամենայն ազգն Հայոց, որք բնակեալ էին ՚ի սահմանս Օսմանեան պետութեան մասնաւանդ ՚ի Կոստանդինուպօլիս, ևւ առաքեաց ՚ի ձեռն Գրիգորի Եպիսկոպոսի. և նորա հասեալ ՚ի Կարին՝ արգելաւ անդ՝ զի գլխաւորք ազգին գրեցին առ նա չմտանել ՚ի թաղաւորական քաղաքն, զի յեկեղեցիս տակաւին ոչ յիջին զանուն Տփրեմի, այլ նախորդի նորին սակս պատերազմին Օսմանցւոց ընդ Ռուսս:

Իսկ Թէոդորոս Պատրիարք խնդրեաց ՚ի դատաւորէն Երուսաղէմի տալ իւրամ վասն այլայլութեան ձեւոյն Սուրբ Յարութեան, այլ նա ոչ կամեցաւ, զի յառաջագոյն դադտնի ՚ի Հայոց և ՚ի Լատինաց՝ և գիտութեամբ քանի մի այլազգեաց, որք էին ՚ի ստորին կարգէ, տուեալ էր իւրամ Յունաց, թէ շինուածքն ոչ են հակառակ առաջին դրից: Այլ փոխանակ այնր ետ երիս իւրամս ծանր ծախիւք, մին վասն Ս. Յարութեան, զի խափանեցին Յոյնք զվարդս և զարարողութիւնս Հայոց. երկրորդ՝ վասն գերեզմանի սուրբ

Աստուածածնի, զի արգելին իսպառ զպատարազն, ևւ երրորդ՝ վասն Բեթղեհէմի եկեղեցւոյն և Այրին Մենդեան, զի ՚ի գնալ անդ ուխտաւորացն Հայոց՝ ոչ բանային զդրուեսս նորա և անարգանօք դարձուցանէին զնոսս յետս: Խնդրեաց Թէոդորոս նաեւ հանրագիր յայլազգեաց Երուսաղէմի վասն սոցին իրաց, այլ նոքա ոչ առին յանձն, ակն ածեալ ՚ի տրոյն Յունաց: Յետ այսր ամենայնիւ դրեաց Թէոդորոս Պատրիարք առանձին, և միարանք վանաց առանձին հանրագիր առ գլխաւորս ազգին ՚ի Կոստանդինուպօլիս՝ յայտ առնելով զանտանելի նեղութիւնս իւրեանց զոր կրէին յօտարաց, զի մինչև ցայն վայր մնացեալ նոցա առանց հրովարտակի, այլազգիք և Յէլլաճք կողոստէին զնոսս, զի բաց ՚ի սովորական տրոց (դրամոց և ագանեւեաց) պահանջէին դարձեալ մուշտակ, ջուխայ կոշիկ և գուլպայ: Յետ առնոյ զսահմանեալ գլխահարկն, առին նաեւ 9500 դահեկան կոտոր կամ փլաս ասելով: Այլ վասն Կուսակալին՝ Դատաւորին՝ Բաղաքապետին Յոպպէի Մէհէմէտ Ապուլսպութին և այլոց՝ չիք ինչ ասել, զի ակներեւ ունէին տեսանել ՚ի տումարին՝ զոր առաքեցին առ ազգայինս, զի իւրաքանչիւր ամի չէր բաւական նոցա 500 քսակս արծաթոյ, որոյ վասն խորհէին հանապազ և ոչ կարէին գտանել զելս իրաց: Վասն զի հողք պատրաստելոյ զտարեկան պարեն վանաց. զալուստ նոր Դատաւորի և Կուսակալին՝ հատուցումս տակոսեաց պարտուց, և ինքեանք կային ՚ի յետին չքաւորութեան: Գրագրիք յուսահատեալ ՚ի Հայոց դարձան առ Յոյնս, զի ձրի շինեցին ասէին զտեղիս մեր, և վասն մասնաւոր տրոց ինչ պահանջէին զհաշիւ, որ և ետուն զայն՝ և նոքա լռեցին: Ապա չերկարելով զբանս՝ առաքեցին ՚ի Կոստանդինուպօլիս զԴարբիէլ վարդապետ, զի իբրեւ կենդանի գիր պատմեսցէ նոցա զամենայն անցս Երուսաղէմի. և ապա սողաչէին տնօրինել վարժանն և ծանուցանել ինքեանց. զի ՚ի սէր Ս. Տեղեաց մնացեալ անդ հասին տառապանաց և վշտաց, վտանդեցաւ տունն, աղարտեցաւ պատիւ ազգին. զի արհամարհեալ իմն էին Հայք յաչս այլազգեաց և այլոց. թէպէտ և խորհեցան միաբանք խոյս տալ յԵրուսաղէմէ և զէսլ ուղիղ գնալ ՚ի Կոստանդինուպօլիս՝ և կամ յայլ ուր:

զի ոչ ոք կարէ այսուհետեւ մնալ աստ ապէին՝ ոչ Մեծաւոր և ոչ Միաբան՝ կամ ջանադիր լինիլ գտանել հնարս ազատութեան, և կամ առաքել զայլ ոմանս ՚ի տեղի նոցա, տիրել հայրենի ժառանգութեանց՝ զի մի կորիցէ, ահա մերձեալ է ժամանակ գալտեան կուսակալին:

Իլամն գատաստանին Հայոց և Յունաց առաքեցին յայնժամ ատենակալք առ Արքայ՝ որպէս գրեցաք, և ՚ի սոյն աւուրս (1811. ՚ի 13 Փետրվարի) եհան զայն Արքայ և առաքեաց ՚ի Դուռն մեծի դենպետին հանդերձ կայսերական հրովարտակաւ, և եղև ուրախութիւն և ցնծութիւն մեծ ազգին Հայոց, և կազմեցաւ Ատեան մեծ ՚ի Դուռն Դենպետին, (՚ի 27 Փետրվարի) ուր ժողովեալ էին ամենայն նախարարք և դորձակալք Տէրութեան մեծ և փոքր. գնացին ՚ի կոչն Հայք և Յոյք, ուր նախ ընթերցան զիլամն, և ապա զհրաման Արքային, որոյ խնաման էր « Հինն եղեալ զհրովարտակս նախնոց իմոյ Սէլիմայ Արքայի՝ որ տիրեաց Պաղեստինոյ, և ըստ մտաց նոցին հրամայեցի տալ հրովարտակ Հայոց և Յունաց, զի որպէս տիրէին յառաջագոյն տեղեաց իւրեանց և կատարէին զուխտս, նոյնպէս արասցեն և այժմ չնեղելով զիրեարս, զի զերկոսին ազգան հաւասար ճանաչեմ. զի թէպէտ և Յոյք հրամանաւ իմով շինեցին զտաճարն, այլ զբաժին ծախուց տեղեացն Հայոց հատուցեն նոքա Յունաց, ըզկէս ծախուց բաժանորդ տեղեաց՝ և զըովանդակ ծախան սեփհական տեղեաց, և հաստատեցի այս օրինօք Դատարանի, զի մի յետոյ հակառակեցին ընդ միմեանս. զի յայտնի լիցի թէ Յոյք միայն շինելոյ ունին հրաման, և ոչ բոլորին տիրելոյ, և ամենայն հրովարտակք՝ զորս առեալ են երկոքին ազգքն, ամենեքեան անվաւեր և խափանեալ համարեցին, և միայն յարդեցին հրովարտակքն Սէլիմայ, առեալ ՚ի թուին Հիճրէթի ՁԿԻ. և նոր հրովարտակքն՝ զորս հանդերձեալ եմք տալ երկոցունց, արձանագրեցին յամենայն Դիւանս, և մի օրինակն պահեցի ՚ի գանձն Արքայի »:

Լուեալ Հայոց զհրաման Արքային՝ խոնարհեալ յերկիր բարեմաղթութեամբ շնորհս կալան բարերար յԱրքայէ, Դատարարք հարցին ցՅոյնս, ասացէք՝ ո՞րքան է ծախք

շինութեան տաճարին Ս. Յարութեան, զի տացեն Հայք զբաժինս իւրեանց. պատասխանի ետուն և տեն՝ մեք ոչ գիտեմք, այլ Պատրիարքն և ազգն մեր. Դատարարք ասեն՝ ուրեմն ստուգեցէք ՚ի նոցանէ և գրով ծանուցէք մեզ, զի տացեն Հայք, Ասացին Յոյք, Հայք միայն ուխտին բաժանորդ են և ոչ տիրելոյն: Այտքիկ բանք ծանր թրււեցան Ատենակալաց, նմին իրի կշտամբեցին զնոսա և ասեն՝ ապա դուք զի՞նչ իցէք, ո՛չ ապաքէն ընդ նոսին հաւասար ուխտաւորք, զի երկիրն Արքային է, և զերկոսին ազգսք հաւասար ճանաչէ նա, չունիք տեղի խորխտալոյ ՚ի վերայ միմեանց՝ Յոյք անդէն լռեցին, չունելով զայլ պատասխանի: Հայք ասեն՝ արդարեւ սոյն այս բարեկամք մեր շինեցին զՍ. Յարութիւն և յարդարեցին զտեղիս իւրեանց փառաւոր և փայելուչ, իսկ զտեղիս Հայոց յամենայնի պակաս և խանգարեալ, և ըստ ամենայնի հակառակ առաջին ձեւոյն, առ այս զի՞նչ հրաման անէք: Դատարարք ասեն՝ պակաս տեղիքն Հայոց լրացին, և հակառակ շինուածքն քակեցին և կարդեցի Միւլլա քննել ըզշինութիւնն և դարձուցանել զայն ՚ի ձեւն առաջին: Եւ ՚ի վախճանի ժողովոյն՝ ասաց Տեղապահն, տեսէք զտուճար ծախուց շինութեան և ՚ի միջի ձերում իրաւախոհ լերուք, փոփեցաւ Ատեանն:

Հայք ուրախութեամբ և զուարթ դիմօք մեկնեցան անտի, իսկ Յոյք ընդ հակառակն և խորհրդականք նոցին ժողովեալ խորհէին գտանել զելտ իրաց, զի զամօթի հարան ազգովին, և փութացին ՚ի դուռնա մեծամեծաց չըջել կամելով զիտս նոցա և զԱրքայի, խոտանալով զմեծ գուճարս ոսկւոյ, որչափ և կամեցին, այլ ոչ ոք համարձակէր յայնժամ մերձենալ առ նոսա վասն այնպիսի իրաց, երկուցեալ ՚ի պատուհասինցն Արքայի: Իբրև տեսին Հայք թէ ոչ զիջանին Յոյք խօսիլ ինչ վասն ծախուց՝ և եղեալ են ՚ի մտի չընդունել զայն, կոչեցին զերկուս ումանս ՚ի զխտաւորաց նոցին, և բանս արկեալ խօսեցան քաղցրութեամբ հոգալ և տնօրինել զայն ՚ի միջի իւրեանց ըստ հրամանի Արքային. և նոքա ծանուցին զայն խորհրդարանի իւրեանց. սակայն և ոչ պատասխանի տալոյ արժանի վարկան, Էանց ամսօրեայ ժամանակ, և ՚ի նախարարաց

պատուիրեալ թէ պարտ է 'ի սոյն օրինակ գրեւ հրովարտակաց : Եւ ապա ըստ հաճութեան նորին Կայսերական կամաց՝ գրեցին զերկուս հրովարտակա, մին Հայոց և միւսն Յունաց , և նկարեալ զթուղարայն արձանադրեցին 'ի Դիււանի անդ , և առաքեցին առ Արքայ (1811. յ2 Յունիսի) : Զի ձեռամբ իւրով վաւերացուցեալ (Սաթթի Շէրիֆ) գարձուցէ 'ի Դուռն , տալ անտի զմին Հայոց եւ զերկրորդն Յունաց , և բառնալ 'ի միջոյ զվէճն և զխոսովութիւնն :

Գ Լ Ո Ւ Խ Ի Զ .

Փրօ Մանուէլ Լատին : Զայրոյթ Յունաց : Մկրտիչ փոքրապետ : Մեհմեդա Աղուլուպետ : Նաւ ուխտաւորաց : Հրովարտակք Հայոց եւ Յունաց : Թարգմանութիւն հրովարտակին Հայոց :

ԻՍԿ Լատին կրօնաւորն Փրօ Մանուէլ՝ որ 'ի ժամանակէ հետէ զեգերէր 'ի Կոստանդինուպօլիս , վերջապէս յաջողեցաւ առնուլ հրովարտակ յԱրքայէ տիրել գարձեալ սեփհական ժառանգութեանց եւ կատարել զսոյորական պաշտամունս իւրեանց 'ի տաճարին Ս . Յարութեան , եւ դիմեալ անտի յԱքքէ և 'ի Դամասկոս՝ էառ 'ի Բղերչից գիր հասաատուն առ Դատաւորս Երուսաղէմի . եւ ապա եկն եմուտ ընդ Փոխանորդին իւրեանց 'ի Ս . Բաղաքն ('ի 20 Մայիսի) . և զկնի աւուրց ետուն ընթեռնուլ Լատինք զհրովարտակն իւրեանց 'ի դատարանի առաջի մեծամեծաց քաղաքին , ուր էին Թարգմանք և Փոխանորդք Հայոց եւ Յունաց : Եւ ապա գնացին բազմութեամբ 'ի Ս . Յարութիւն , յանձն արարին Լատինաց զԳերեզմանն Քրիստոսի , հանեալ անտի զԼուսարար նոցին՝ կախեցին զվարագոյրս 'ի ներքս և յարտաքս Գերեզմանին և 'ի սրենքս , սրպէս ունէին զնոսա նախ քան զհրդէհն . նոյնպէս կախեցին զՅ կանթեղս առաջի Գերեզմանին , յարքունի մեծ կամարէ՝ զորս բարձեալ էին Յոյնք . հաստատեցին զպատանակս՝ զպատարազն և զսյլ հանդէսս՝ զորս կամեցան ,

բարձին զաւելորդ կանթեղս և զպատանակս Յունաց , եւ արգելին պատարագելոյ նոցա 'ի Գերեզմանն , և կացուցին անդ զԼուսարարն իւրեանց : Ստիպեցին զՀայս կախել ըզպատեհին իւրեանց 'ի վերայ դրան Գերեզմանին . բայց Հայք ոչ առին յանձն , զի մի տացեն տեղի կուուոյ , այլ սպասէին դաւտեան հրովարտակին : Բարձին նաեւ Լատինք զպատանակս և զկանթեղս և զսաջքարն զորս եղեալ էին Յոյնք 'ի Սաջ Գիւտոն , և եղին զիւրեանցն . զկնի սյոր կամեցան եզձանեւ զգիրս և զպատեհրս զոր դրուակալէին Յոյնք 'ի վերայ քարանց Գերեզմանին՝ Քրիստոսի . առնուլ զգերեզմանն Ս . Աստուածածնի , և զեկեղեցին Բեթղեհէմի , այլ արգել զնոսա Կուսակալն Դամասկոսի : Եւ յետ այնորիկ առին Իլամ 'ի Դատաւորէն և հանրագիր յայլադգեաց ծախեալ ընդ այն 150 քսակս դրամոց , սակս փոխելոյ Յունաց զառաջին ձեւս տաճարին Ս . Յարութեան : Առեալ զայսորիկ գրեանս Փրօ Մանուէլ վերստին մեկնեցաւ յԱքքէ և անտի 'ի Կոստանդինուպօլիս . գնացին նա և 'ի Կողմանէ Յունաց դատիլ անդ , զի Լատինք պնդէին քակել զաւելորդ շինուածս տաճարին , Յոյնք ասէին թէ ոչ է գրեալ 'ի հրովարտակին , այլ միայն յանձնել զտեղիս նոցա , որ և կատարեցաւ . քանզի Լատինք ընդ հրովարտակին իւրեանց ոչ էին բերեալ ոստիկան 'ի Դրանէ եւ յուսադրէին զՀայս , որ յայնժամ սիրով վարէին ընդ նոսա , լինիլ երկայնամիտ , զի վախճանն բարի լինի ասէին : Յոյնք կարի իմն զայրացան 'ի վերայ սյոր դործոյ և հանին աղմուկ . երթամք ասէին 'ի քաղաքէ աստի , բայց այլադգիք ռոսացեալ ընդ նոսա յաւուրց անտի շինութեան , ունչս առնէին բանից նոցա , ապա գրեցին գիր բողոքոյ և առաքեցին պատգամաւորս առ Կուսակալն , և տեսեալ թէ արհամարհեցան յայս այլադգեաց , սկսան նախատել զմիմեանս , զի յանիրաւի և ինքնահաւան կամօք յաիլըտակեալ էին զիրաւունս այլոց , որոյ վասն գտին ըստ արժանոյն զպատուհաս իւրեանց :

Մկրտիչ վարդապետ Մեղրիկ կոչեցեալ թողեալ ըզգործ ժողովելոյ զնպաստ , նստէր յէջմիածին՝ ակն ունելով առնուլ վկայական յերուսաղէմէ և ձեռնադրիլ Եպիսկոպոս . և եղև 'ի ծանուցանելն զայս Պօղոս վարդապետի

առ Թէոդորոս Պատրիարք , ծանր թուեցաւ յաչս նորա ,
և ստառնայր առնուլ զկննդակն նորակութեան 'ի ձե-
ռաց նորին , քանզի ասէր՝ են աստ արք արժանաւորք
բազմավաստակք և հաւատարիմք քան զայն , այլ 'ի միջ-
նորդելոյ Պօղոսի ձեռնադրեցաւ նա յաստիճան Եպիսկո-
պոսութեան :

Յոյնք վերստին կացնւցին զԼուսարարն իւրեանց 'ի
Գերեզմանն Բրիտանի :

Հրդէհ 'ի Կոստանդինուպօլիս 'ի Թաղն Պալատու տե-
ւեալ ժամս իրբւ 16 , յաճիւն դարձոյց զբազմաթիւ տունն
ընդ որս և 2 զեկեղեցիս Յունաց . իսկ Հայոցն զերծաւ
բազում աշխատութեամբ և ծախիւք (1812 . 'ի 14 Սեպ-
տեմբերի) , և զինի ց աւուրց 'ի Ղալաթիա Աղապ Գարուսի
կոչեցեալ տեղին : Ժանտ աստ անդ 'ի մայրաքաղաքին :

Իսկ Մէհէմէտ աղա Ապուլսուրթ քաղաքապետն
Յոսեփի նորոգեաց զմարտիոցն արեւմտեան մերձ 'ի սըր-
ճարանն Հայոց (1) , և Գրաւեալ զտանիս մթերանոցաց՝
շինեաց պարիսպ շուրջանակի ուր զետեղեաց պահանջս (2) .
և Գնաւամատոյցն Հայոց անդ արար սրճարանս Եւ 'ի Ժա-
մանակս ուխտաւորաց ելից առաջի դրան վանաց զվաճա-
ռողս այլ և այլ իրաց , զոր հրովարտակաւ Արքայի ար-
գիւնալէր , թող զնեղութիւնս ուխտաւորաց սակս մաքսի ,
զրեւինս վանաց արգելոյր անդ ամսօրեայ ժամանակաւ ,
և ոչնչացեալ լինէր վնաս մեծ : Սա յառաջագոյն յախըշ-
տակեալ էր 28 մթերանոցս , 1 խանութ , 2 տուն՝ յոր նըս-
տէին ծովային պաշտօնեայք , և մի մեծ տուն արարեալ
տեղի կառավարութեան , որպէս գրեցաք , յորմէ պահան-
ջէր Տեսուչ տեղւոյն Ղաղար վարդապետ զվարձս երկց ա-
մաց 4627 դահեկան , բայց փոխանակ դրամոց լսէր բանս
անարգանաց : Վասն սոցին իրաց բազում անգամ գրեցին

(1) Զայս սրճարան զինի ժամանակաց մին յալաղեաց Երուսաղէմի
Ալէ Միւհիւն կոչեցեալ յախըտակալ 'ի ձեռաց Հայոց տիրեաց ինչն ,
և զինի իւր ցարք տիրն սերունդք նորին : Թէպէտեւ զինի ժամանակաց
յաւուրս Կղրահիմ Փաշայի իշխանին Եգիպտոսի՝ յարուցին վէճս Հայք
վասն այնր , այլ չեղիս յապրութիւն :

(2) Զայս տեղէ յետոյ 1875 թուին վերստին գնեցին Հայք ծանր
գնով 'ի Տէրութեան :

Թէոդորոս Պատրիարք և Ղաղար վարդապետ՝ առ Փոթա-
նորդն Պօղոս վարդապետ , թերեւս կարացցեն ազատել
զնոսա 'ի ձեռաց նորին՝ այլ չեղեւ հնար , զի մնաց երկար
ժամանակ 'ի ձեռս այլադեաց . զորս յետոյ բազում աշ-
խատութեամբ և ծախիւք հազիւ կարացին ազատել 'ի սոյն
կարգի էր և տունն յոր նստէր Հաննա Տիմեան իրր փոխ
Հիւպատոս Անգղիոյ :

Նաև ուխտաւորացն Հայոց մեկնեալ 'ի Կոստանդինու-
պօլսոյ՝ և հասեալ 'ի կողմանս Ծամ Թարապուրուս քաղա-
քի՝ հանդիպեցաւ փոթորկի մեծի , և ւտանդեալ նաւն
անկաւ 'ի ցամաք , և հեղձան 'ի ծով անդր անձինք 36
յուխտաւորաց , և եղեւ վնաս մեծ և առիթ վնասու , սուգ
և տրտմութիւն Թէոդորոս Պատրիարքի և միաբանացն Ե-
րուսաղէմի , և վիշտ անհնարին մերձաւորաց և ընտանեաց
ծովամոյն եղելոց : Ի սոյն նաւի էր և մայր Արքունի ճար-
տարապետ Գրիգոր Գալֆայի՝ Խաթուն անունն , և հիւրըն-
կալ վարդապետ , բայց սոքա անվնաս զերծան 'ի վտանգէ
(1813) :

Ենան Արքայ արտաքս զհրովարտական վաւերացեալ
Կայսերական վերնագրով (Ոսթթի Եէրիֆ) (1812 . 'ի 13
Դեկտեմբերի) յետ մնալոյ 'ի ներքս ամիսս 18 , և առա-
քեաց 'ի Դուռն տալ զմին Հայոց և զմիւսն Յունաց , Սա-
կայն հրովարտակրն արդեւան անդ ամսօրեայ ժամանա-
կաւ , և բազում անցք անցին զգլխով նոցին՝ զի թերեւս
խափանեցցին : Եւ ասլա կոչեալ զՀայս առանձին և ըզ-
Յոյնս առանձին՝ ետուն զհրովարտական ('ի 13 Յունվարի)
երկրեանն գրեալ 'ի մի եւ նոյն միտս , զի մին ըն-
թեռնելով՝ իմանի և միւսն :

Ապա ուրախութեամբ օրհնեցին Հայք զԱստուած և Եւ
զԱրքայն արդարասէր և զՏէրութիւն նորին , և զամե-
նայն աշխատաւորս եւ զերախտաւորս աղգին , որոց ան-
ուանքն գրեալ են 'ի դպրութեան կենաց : Այս երկոքին
հրովարտակրն արձանադրեցան յամենայն Դիւանս Արքու-
նեաց և 'ի դատարանս Կոստանդինուպօլսոյ ըստ հրամանի
Արքային . և ասլա զարդարեցին զայն ոսկենկար ծաղկով՝
և հանեալ զօրինակս նորին առաքեցին 'ի հեռաւոր յայլ
և այլ տեղիս՝ և զմի պատճէն յեղիպոսս , յուրախութիւն

գլխաւորաց ազգին, որք 'ի նեղութեան տրտմակից էին, և թախանձանօք խնդրէին լսել լուր ինչ աւետեաց: Ահաւապիկ թարգմանութիւն հրովարտակին տուեալ Հայոց:

Ուզղեալ առ Կուսակալն Դամասկոսի՝ առ Դատաւորն Երուսաղէմի, առ գլխաւոր կրօնապետս տաճկաց, և առ ամենայն պաշտօնեայս Տէրութեան: Ի հասանիլ Կայսերական հրովարտակիս գլխութիւն լիցի՝ բարեխշտակ նախնին իմ Սուլթան Սէլիմ առաջին, 'ի տիրել իւրում Երուսաղէմի տուեալ է Կայսերական հրովարտակ ազգին Հայոց 'ի թուին շիճրէթի 933, վասն ուխտի տաճարին Ս. Յարութեան, որ ունի օրինակ դայս:

Օգնութեամբ բարձրելոյն Աստուծոյ և առաքելոյ նորին՝ 'ի ԿՕ Սէֆէր ամսոյ յերուսաղէմ 'ի տունն Աստուծոյ եկեալ՝ յաղթանակաւ մտաք 'ի քաղաքն. Սարգիս Պատրիարքն Հայոց առեալ ընդ իւր զրոլոր միաբանս եկն 'ի հնազանդութիւն եւ 'ի հպատակութիւն ինձ՝ աղաչանօք խնդրեաց զչնորհս և զպարգեւս իմ. տիրել Պատրիարքացն Հայոց ըստ վաղեմի դաշնադրութեան իւրեանց՝ եկեղեցեաց վանօրէից և այլ ուխտատեղեաց թէ՛ 'ի ներքս և թէ՛ յարտաքս, որպէս տիրեալ և ժառանգեալ են 'ի վաղ ժամանակաց: Եւ ըստ տրամադրութեան դաշնադրոյն մեծին Օմարայ և 'ի ժամանակէ Մէլիք Սալահատտինի տուեալ հրովարտակաց, տիրել և ժառանգել այսոցիկ տեղեաց, որք են՝ 'ի տաճարին Ս. Յարութեան, 'ի Բեթղէհէմ Այրն և դուռն հիւսիսային, մեծ եկեղեցին Ս. Յակոբայ, Սուրբ Հրեշտակապետ, Ս. Փրկիչ, Նապլուս, Եւ եկեղեցւոյ նոցին հետեւողք և համազգայինք, Հապէշք, Գպթիք և Ասորիք, տիրել և ժառանգել Պատրիարքացն Հայոց, որք նստին 'ի վանս Ս. Յակոբայ՝ և շինիլ երբէք ձեռնամուխ յօտարաց: Ուստի ետու դայս Կայսերական երջանիկ նշանս եւ հրամայեցի առնել ըստ գօրութեան սորին, զի Պատրիարքունք Հայոց որք նստին 'ի մեծ վանքն Սուրբ Յակոբայ, տիրեսցեն և ժառանգեսցեն ըստ օրինաց իւրեանց թէ՛ 'ի ներքս և թէ՛ յարտաքս եկեղեցեաց, վանօրէից և այլ ուխտատեղեաց, հետեակ և համազգայնոց իւրեանց, որք են Հապէշք, Գպթիք և Ասորիք: Եւ մի ոք յօտարաց հակառակեացի 'ի անօրինելն զգործս նոցին կար-

գել 'ի պաշտօն և հանել անտի, 'ի սարադայս կալուածական խնդրոց, և 'ի դրաւելն զտապուածս վախճանեալ Առաջնորդաց, Եպիսկոպոսաց, Վարդապետաց, Գահանայից և հետեւակաց և ազգին Հայոց, Եկեղեցեաց, Վանօրէից, Խորանաց և այլոց Ուխտատեղեաց՝ հետեակ և համազգայնոցն իւրեանց, որք տիրեալ եւ ժառանգեալ են 'ի սկզբանէ անտի: Եւ Պատրիարքունք Հայոց տիրեսցեն եւ ժառանգեսցեն զայսոսիկ տեղիս, որք են՝ 'ի կեդրոնի տաճարին Ս. Յարութեան Գերեզմանն եւ արտաքոյ Երուսաղէմի գերեզմանն Ս. Աստուածածնի, և 'ի Բեթղէհէմ Այրն Մենդեան Գրիստոսի, և զբանալի հիւսիսային դրան, Եւ 'ի ներքս 'ի դուռն Ս. Յարութեան 2 աշտանակք եւ կանթեղք, եւ 'ի դուռն Գերեզմանին եւ 'ի ներքս կանթեղք մոմեղէնք և խունի. և 'ի մէջ տաճարին Ս. Յարութեան, ըստ օրինաց իւրեանց յեւանելն Լուսոյն ընդ հետեւակ համազգայինս իւրեանց մտանել 'ի Գերեզմանն և թափօր առնել շուրջ զնովաւ: Եւ 'ի ներքս մեծի դրան վերին և ստորին տեղիքն, և երկու պատուհանքն, խորանք և ուխտատեղիք 'ի ներքս անդ՝ և ջրհորն, և 'ի գաւթի տաճարին Ս. Յարութեան եկեղեցին Ս. Յովհաննու, եւ յարտաքս մերձ եկեղեցւոյն Ս. Յակոբայ, Ս. Փրկիչ, եւ այլ վանօրայք, գերեզմանատունք, սենեակք և հիւրանոցք 'ի Բեթղէհէմ՝ մերձ յԱյրն Մենդեան, այգիք՝ պարտէզք ձիթենիք, և այս ամենայն եկեղեցիք վանօրայք, խորանք ուխտատեղիք, և հետեւակ համազգայինք, և այլ ստացուածք և նախնական պարագայք նոցին, որպէս սահմանեալ է: Եւ մի ոք երբէք 'ի պաշտօնէից Տէրութեանս և կամ յայլոց միջամուխ լեալ նեղեսցէ զուխտաւորս Հայոց որք գնան 'ի Յօրդանան գետ, 'ի տօնավաճառս և յայլ տաճարս և յուխտատեղիս, առնել ըստ մտաց Կայսերատաճարն և քաղաքն, որպէս գրեցաւ 'ի վեր անդր, և կան երջանիկ նշանիս, որպէս գրեցաւ 'ի վեր անդր, և եկեղեցի թողուլ զոք յօտար ազգաց լինիլ միջամուխ և նեղել մի թողուլ զոք յօտար ազգաց լինիլ մի ոք 'ի Կայսերական տոհմէս զնոսս: Վասն այսորիկ մի ոք 'ի Կայսերական տոհմէս կամ 'ի Նախարարաց՝ և կամ առհասարակ ամենայն պաշտօնէից Տէրութեանս 'ի մեծամեծաց մինչև ցփոքունս մի և մի իւրիք յինչ և իցէ պատճառս իրաց միջամուխ հակառակեսցին և փոխոխեալ այլայլեսցեն, և եթէ ոք

ձեռնամուխ լեալ հակառակեցի և փոխփոխեալ այլայլեցի՝
'ի կարգէ ամբարշտաց և 'ի թուոյ մեղաւորաց համարեցի։
Որք միանգամ տեսանեն զԿայսերական վճիռս զարդարեալ
տիեզերահոնչակ սեաւ Թուգրայիւ, զվիտս և զնշանակու-
թիւնս նորին ստոյգ՝ և զգորութիւն նորին ճշմարտ գի-
տասցեն, և պատուական նշանին հաւատասցեն։

Նմանապէս 'ի Կայսերական հրովարտակին բարեյշա-
տակ նախնոյն իմոյ Սէլիմայ Արքային՝ զոր տուեալ է ազ-
գին Յունաց, յորում բացայայտ գրեալ են ուխտատեղիք
և օթեւանք նոցին՝ այսպէս։ Օգնութեամբ բարձրելոյն
Աստուծոյ եկեալ 'ի լեան Երուսաղէմի 'ի տունն Աստուծոյ
'ի ԿՕ Սէֆէր ամսոյ յաղթանակաւ մտաք 'ի քաղաքն Աթա-
ւիա Պատրիարքն Յունաց հանդերձ բոլոր միաբանութեամբ
իւրով 'ի հպատակութիւն և 'ի հնազանդութիւն եկեալ
աղաչաւոր եղեն ինձ՝ տիրել և ժառանգել Պատրիարքին
զվազէմի զեկեղեցիս զվանօրայս և զուխտատեղիս՝ թէ 'ի
ներքս և թէ յարտաքս, որպէս տիրեալ են յառաջագոյն։
Եւ յաղագս տիրելոյ և ժառանգելոյ ըստ տրամադրութեան
դաշնագրոյն մեծին Օմարայ և հրովարտակաց առաջին Թա-
գաւորաց, հրամայեցի ըստ զօրութեան հրովարտակիս տի-
րել և ժառանգել՝ որք են՝ Պատանապեղն Քրիստոսի յան-
դիման դրան տաճարին Ս. Յարութեան, մշտնջենաւոր
2 աշտանակք և կանթեղք, և 'ի նոյն տեղւոյ Պատրիար-
քութեան իւրոյ յատկացեալ վերին և ստորին կողմն և կա-
մարաց Գողգոթայի (այժմ 2 կամարքն 'ի ձեռս Լատինաց)։
Վերին և ստորին կողմն եօթն կամարաց Ս. Կուսին (վե-
րին յարկն այժմ ամբողջ սեփհական Լատինաց)։ Վերոն
մեծի եկեղեցւոյն և Գերեզմանն և ընդ նմին ամենայն
ուխտատեղիք նոցա։ Եւ 'ի դաւթի տաճարին Ս. Յարու-
թեան երեք եկեղեցիքն, և յանդիման նորին Ս. Յովնա-
նէս եկեղեցին (ցարդ 'ի ձեռս Հոյոց, և այս 'ի նշան նեն-
գութեան Յունաց)։ Եւ Պատրիարքական եկեղեցին Հեղի-
նեայ, Ս. Նիկողոս, Արբուհի, Ս. Աֆթեմիոս, Ս. Կատա-
րինէ, Ս. Միքայէլ, Ս. Գէորգ, Ս. Յովնաննէս և պար-
տէզ, Ս. Վասիլ, Ս. Նիկողոս, Ս. Տիմիդրի, Ս. Մարիամ,
և այլ Ս. Յովնաննէս եկեղեցի, Ս. Յակոբ վանք Վրաց,
Ս. Գէորգ եկեղեցի՝ և արտաքոյ Երուսաղէմի գերեզմանն

Ս. Աստուածածնի, Ս. Սիոն, Բանտն Քրիստոսի (ձէնանի
տունն, սովաւ կամին ասել զվանքն Ս. Փրկչի, այժմ 'ի
ձեռս Հոյոց)։ Ի դաշտին դերեզմանատունն։ Ուսչավանքն
Վրաց ('ի սմին ժամանակի վերք ասիաւին էին յերու-
սաղէմ), Ս. Սիոն, Ս. Եղիայ վանք Վրաց, այգի և ձի-
թենիք վանք Ս. Յակոբայ Վրաց առ դրան Ս. Յարու-
թեան։ Պէյթճալայ դիւղն Ս. Գէորգ, 'ի Բեթղէհէմ
Այրն Գննդեան Քրիստոսի, և յեկեղեցւոյ բանալիք հիւ-
սիսային և հարաւային դրանց, Երկու կտոր պարտէզ
չուրջ զնովաւ, (այժմ մի մասն 'ի ձեռս Լատինաց)։
ձիթենիք զերեզմանատունն, եկեղեցիք և վանօրայք
յայլ դիւղս։ Եւ Պատրիարքութեան հետեւողք վերք,
Հապէշք, և Սրսք, և այլք որք լեալ են վագֆ, Առաջ-
նորք և վարդապետք։ Դրաւեսցէ զինչս վախճանեալ
Առաջնորդաց, Եպիսկոպոսաց և Վարդապետաց, բոլորովին
ազատ լիցին 'ի ռֆաէ Արարացւոց 'ի դուռն Երուսա-
ղէմի 'ի Յորդանան 'ի նաւամատոյցս 'ի քննութեան մաք-
սապետաց՝ 'ի մաքս և 'ի բաժէ և յայլ պաշտօնէից հարկէ՝
զնա մի ոք յօտար աղագաց միջամտեալ եեղեսցէ՝ ըստ մտաց
հրովարտակիս, որպէս գրեցաւ, և և Պատրիարքն Յունաց
առաջին լիցի 'ի միւս աղագաց ըստ զօրութեան դաշնա-
գրոյն մեծին Օմարայ և հրովարտակաց առաջին Թագաւո-
րաց։ Ես և ս ետու և հրամայեցի որ այսուհետեւ յաջորդք
իմ և կամ մեծամեծ նախարարք և առհասարակ բովան-
դակ պաշտօնեայք Տէրութեանս 'ի մեծամեծաց մինչեւ
ցփոքունս, և թէ ոք կամիցի 'ի սոցանէ եղծանել՝ Աստ-
ուածային բարկութեան հանդիպեցի, զայս Կայսերական
վճիռս թողեալ 'ի ձեռս նորս պատուական նշանիս հա-
ւատասցեն։

Զի թէպէտեւ պարտ էր երկոցունց աղագաց վարիլ ըստ
մտաց երկուց հրովարտակաց և զգոյշ լինել զընդդէմն
գործելոյ, այլ սակս ուխտի տաճարին Ս. Յարութեան
խռովութիւն ծագելով 'ի մէջ երկուց աղագաց, տուեալ են
հրովարտակս հակառակ իմաստիւք երկուց կողմանց, և և
յառաջագոյն 'ի պատճառս այրման տաճարին, խռովու-
թիւն ծագեցաւ 'ի մէջ երկուց աղագաց, և յաղագս լուծ-
ման խնդրոյն այնորիկ՝ յառաջագոյն Կայսերական հրո-

վարտակաւ և գիտութեամբ մեծի Դեմոկրատիոս դատաւոր կարգեցան, Րուսիոյ Գաղափարի Միւր Իզդէթ, եւ նոյն պատուով Սալիւ և Անատոլի Գաղափարի Մէհէմէտ, և ընդ նոսին Դեմոկրատիոս մեծ Տիւրքի Զատէ Ապտուլլահ յառաջին Դեմոկրատիոս իւրում. նոյնպէս 'ի պաշտօնէից Արքունի դրան վերատեսուչ փողերանոցի Ահմէտ Շաքիր Փաշա, և մեծ Նախարար Զէյն էլ Ապխտին, Ֆէթվա Էմինի Աւարանի Զատէ Մէհէմէտ Բաշիտ, Գուլիւ Սիւլէյման, եւ յարքունուստ՝ Մուստաֆա Մազար, Իպրահիմ նուիրակապետն Արքայի, Պէյլիքճի Ահմէտ Աֆիֆ, Ամէտճի Մէհէմէտ, և քսակատարք Դիւանաց, Սոքա ամենեքեան 'ի ժողով գումարեալ, սակայն 'ի նմին ժամանակի չեղեւ հնար բառնալ զխոսութիւնս երկուց ազգաց և վերջապէս 'ի ժամանակի Դեմոկրատիոսն Օմար Խուլուսի Էֆէնտեայ վասն խնդրոցս այսոցիկ կազմեցաւ ժողով առաջի Երեսփոխանաց երկուց ազգաց. Երեսփոխանք Հայոց՝ Փոխանորդն Երուսաղէմի Պօղոս վարդապետ Գրիգորեան, Դիոնիսիոս վարդապետ Կարապետեան, Քեահէայ Կարապետ Գասպարեան, Յովհաննէս Երկանեան, Գրիգոր Գէորգեան, Գասպար Գէորգեան, Անտօն Գլճեան, Ճանիկ Սիմոնեան, Սաչատուր Մարտիրոսեան, Մանուէլ Մկրտչեան, Երեսփոխանք Յունաց, Երասիմոս Առաջնորդ Քեսաղունիկեայ, Աթանասիոս՝ Նիկոմիդեայ, Աթանասիոս Քեահէայ Պատրիարքին Երուսաղէմի, Կեսարիոս գանձապետ նորին, Տիմիտրաքի Մանօլեան, Ռուսայիկ Գարաճեան, Եօրիկ Սուլիպիկեան, Սրիսթոյ Մուրատեան, Անանիեայ Քիրեաքոյեան, Անիստի Պարաքոյեան, Թէոդոս Իստիմատեան, Բանայոզ Քոտորեան. սոքա ամենեքեան էին 'ի ժողովի. Հայք ամբաստան լինէին զազգէն Յունաց, որպէս յառաջագոյն գիր աղաչանաց մատուցեալ առ Թագաւորութիւնս իմ աղաչանօք խնդրեալ էին. Հետեւելով հրովարտակացն Սէլիմայ Արքային տուեալ 'ի թուին Հիճրէթի ԳԿԿ 'ի ժամանակս տիրելոյ Ս. Երկրին այնորիկ, և դաշնագրոյն մեծին Օմարայ տուեալ 'ի ձեռս Յունաց, Լնարեցին հիմն դնել զերկոսին հրովարտակսն տուեալ Հայոց և Յունաց, որպէս պարզ և բացայայտ գրեալ են 'ի նոսին. 'ի մեծ եկեղեցին Ս. Յարութեան երկրքին ազգքն ըստ օրինաց իւրեանց բաժա-

նորդութեամբ՝ պայմանաւ առաջնութեան Պատրիարքին Յունաց, և 'ի տեղիս արտաքոյ նորին՝ որք յականէ եւ յանուանէ բացորոշ գրեցան, անկախութեամբ և առանց խոսովութեան կատարել զուխոս, զի մի կողմն ճշմարտ խոստովանութեամբ ստոյգ համարեցաւ զհրովարտակս միւսոյ կողման և ընկալաւ. եւ առաջին 'ի խնդրոց խոսովութեան էր, սեփական և բնակութեան տեղիքն 'ի Սուրբ Յարութիւն, և այնորիկ ևս 'ի հրովարտակս երկուց կողմանց յականէ յանուանէ գրեալ են. Հաճեցան երկաքանչիւր ազգ սեփականութեան և անկախութեան տեղեաց 'ի տաճարին Ս. Յարութեան ըստ նախնի պայմանաց զորս ունէին յաւուրոց անտի Սուլթան Սէլիմայ, եւ երկրորդն 'ի խնդրոց խոսովութեան, Հայք պնդէին թէ 'ի սկզբանէ անտի Հապէշք, Դպիթիք և Ասորիք՝ մեզ հետեւողք և համազգային սահմանեալ են, Յոյնք ընդդէմ հրովարտակին հակառակեալ թէ ինքեանց են հետեւող. սակայն հետեւակ յորջորջեալ ազգքն՝ նայելով յուխտաւորութիւնս եւ 'ի բացականութիւնս նոցին 'ի ժողովոյ, գրեցաւ հրաման առ Դատաւորն Երուսաղէմի՝ ստուգել զխնդիրն 'ի տեղոջ իւրում. որպիսի եղանակաւ լեալ իցէ առաջին սովորութիւնն՝ այնպէս առնել, որոյ վասն հարկ եղեւ յանձն առնել 'ի տեղի իւրում, և այս ծանուցաւ երկուց կողմանց. եւ վերջին խնդիրն էր՝ զի խնդրէին Հայք 'ի տաճարին Ս. Յարութեան, որ նախ քան զայս այրեցաւ, զսեփական և զբաժանորդ տեղիս, զորս յայտնապէս ունէին, ըզբաժանորդ տեղիս բաժանորդութեամբ եւ զսեփական տեղիս անկախութեամբ շինել. Սակայն վասն նորոգութեան և շինութեան ոչ ոք ունի իրաւունս լինել ձեռնամուխ, այլ միայն Թագաւորական բարձր կամեցողութեան սեփական է, և ըստ ներելոյ Շէրիի օրինաց, յորժամ նորոգութեան պէտս ունի ըստ առաջին ձեռոյն, առ որ կամի՝ 'ի հպատակաց Տէրութեանս՝ նմա յանձն առնելով կատարի. ուստի մի ոք համարձակեցի ամբաստան լինել վասն շինութեան, զի յայսմ նուազի շինութիւնն տուաւ ազգին Յունաց, և ընդհանուր նորոգութիւնն նոցին ձեռամբ եղեւ, սակայն երկու ազգք չունին մրցումս և ըզյամաւորութիւն տիրելոյ գրաւելոյ զԵրաքանչիւր սեփա-

կան տեղիս և կուռելոյ : Ի սկզբանէ անտի և ըստ մտաց հրովարտակաց Սէլիմայ Արքայի , երկու ազգք ընկերովի տեղիս՝ ընկերութեամբ ուխտ առնել՝ եւ բնակութեան տեղիքն իւրաքանչիւր ազգ անկախութեամբ ժառանգել : Վերջապէս յայտնի ծանուցաւ երկուց կողմանց վարիւ ըստ իմաստից և զօրութեան հրովարտակաց Սէլիմայ Արքայի . և երեսփոխանք իւրաքանչիւր ազգաց հաճեցան և ընկալան յանձն առին և խոստացան՝ առնել այնպէս . և այսպէս բոլորովին բարձաւ խռովութիւնն և տեղի ետ ատելութիւնն , և Դենպետն միաբանութեամբ արար իլամ եւ մատոյց Թաքաւորութեանս իմոյ , ըստ զօրութեան զրեալ իլամին , և զհրովարտակա բարեյիշատակ նախնոյն իմոյ Սէլիմայ Արքայի տուեալ երկուց ազգաց հանդերձ ոճովն օրինակեալ արձանացան , զհաստատութիւն նոցին , զհանգամանս դատաստանին և զիմաստս իլամին բովանդակելով՝ տուաւ երկուց ազգաց հրովարտակ , և ասլա արձանագրեցաւ յամենայն Դիւանս և ՚ի Դատարանս , և կայսերական հրամանաւ նշանակեցաւ ՚ի վերին կողմն արձանագրութեանց սակս զործադրութեանց նոցին , և հրամայեցաւ գործել և առնել ըստ մտաց իլամին Դատաւորաց , և զգուշանալ ՚ի հակառակէ նորին : Որոյ վասն ել ՚ի կայսերական Սէնէկէս պատուական հրովարտակս եւ տուաւ ՚ի ձեռս ազգին Հայոց : Արդ՝ զհրովարտակս Սէլիմայ Արքայի հիմն ընտրելով՝ եւ գործելոյ ըստ մտաց իլամին , երկուքին ազգք ՚ի տաճարին Ս . Յարութեան սեփհական տեղիս անկախութեամբ՝ եւ ընկերովի տեղիս ընկերութեամբ , ՚ի սկզբանէ անտի որպիսի եղանակաւ ուխտ արարեալ իցեն՝ ըստ առաջնոյն ուխտ արացեն և բնակեցցին , և վասն սոցին իրաց մի՛ լիցի երբէք խռովութիւն ՚ի միջի իրերաց ՚ի պատճառս որ և իցէ իրաց , յինչ և իցէ ժամանակս , և եթէ լիցի , երբէք ունկնդրութիւն մի՛ լիցի : Սակս գործադրութեան և կամօք բարձրելոյն Աստուծոյ՝ իլամին այնորիկ հարկ էր կայսերական ազգու հրամանիս , ՚ի հաստատութիւն դաշնագրոյն Օմարայ տուեալ Յունաց , և հրովարտակին Սէլիմայ , և զիլամն այն բովանդակելով : Նմանապէս ըստ իմաստից հրովարտակիս այսմիկ՝ տուաւ այլ հրովարտակ ՚ի ձեռս ազգին Յունաց ։ Եւ յետ այնորիկ

զլատճէնս նոցին արձանագրեալ հաստատեցաւ ՚ի Դիւանս և ՚ի Դատարանս : Դուք որ վէզիր , Դատաւոր , Բաղաբապետ , և այլք էք , ՚ի ժամանելն և ՚ի դիտելն ձեր՝ արձանագրեալիք ՚ի Դատարանի և տալիք ՚ի ձեռս ազգին Հայոց : Ղի զհրովարտակս Սէլիմայ տուեալ երկուց ազգաց հիմն ընտրելով ըստ զօրութեան իլամին առնել և մշանջնաւորապէս գործադրել , զգուշութեամբ խնամ կալլիք , զի և ոչ ՚ի միում ժամանակի հակառակն երեւեսցի և մի համարձակեալիք կայսերական հրովարտակիս ընդդէմ գործեալ : Հրամայեցի՝ ՚ի հասանիլ սորին հնազանդիլ և հետեւել՝ որպէս գրեցաւ ՚ի վեր անդր , գործադրութեան խնամ կալլիք , և հակառակելոյ կարի զգուշ լինիլիք : (1778 , ՚ի \ Մուհարրէ մի) :

Գ Լ Ո Ւ Խ Ի Է .

Որոշումն գործակալաց Կրան վան ինդրոյն Հայոց գնալ նոցա յերուսաղէմ : Բանք Կուրի Էֆենտայ և Կուսակալն Դամասկոսի : Գործ Դատաւորին : Ժողով ՚ի Դատարանի երկես : Քննութիւն Հաղեշոյ ընդգլխութիւն Դատաւորին : Ժողով ՚ի Ս . Յարութեան :

Եր եղեւ ընդ աւուրսն ընդ այնտիկ զինի տալոյ Արքային Մահմուտայ զհրովարտակս երկուց ազգաց , որոշեաց ըստ խնդրոյ Հայոց , իբր դատաւոր գործոյն (միւղէլայ) հարամէյն միւֆէթիթիշի Պաշեագճի դատէ Ձեքի Էֆէնտի : Բայց երթալ նորին անկարելի գտով , որոշեցաւ փոխանորդաբար ՚ի տեղի նորս Ատամպօլ Կատրօք վաղայէ քեթիլիլի Մէհմէմէտ Նուրի Էֆէնտի : Բաշիտ Մուստաֆա Էֆէնտի Պօճաքեան . Մէհմէմէտ Էֆէնտի ճարտարտապետ , հրովարտակաւ Արքայի երթալ յերուսաղէմ գործադրել զհրովարտակն Հայոց : արձանագրել ՚ի դատարանի , որոշել զբաժանորդ և զսեփհական տեղիս , քննել ըզնորդեալ և զչինեալ տեղիս ՚ի Յունաց , ստուգել զհետեւեալ զերիս ազգս , թէ որոյ ազգի են հետեւողք , զի Յոյնք սնդէին թէ մեր են :

Իսկ զհրովարտական որ տուաւ երկուց ազգաց յառաջին դատին յաւուրս Էմին Պէյի, գրեալ 'ի Թուին Հիճրէթի 1772, յետս պահանջեցին 'ի Դրանէ: Հայք ունեւոյ՞ զայն առ ինքեանս, ետուն անմիջապէս, իսկ Յոյնք զպատճէնն միայն: զի իսկն յերուսաղէմ՝ առաքեցաք ասէին, որոյ վասն տուաւ հրովարտակ մի եւս Սոճաքեանին առնուլ զայն 'ի ձեռաց Յունաց, եւ ջնջել զարձանագրութիւնս նորին 'ի դատարանաց Երուսաղէմի, Դամասկոսի և այլ տեղեաց, և թողուլ անգործադրելի՝ եւ խափանեալ, որպէս արարեալ էին 'ի Կոստանդինուպօլիս:

Գործակալք վասն ծախուց ճանապարհի ազդ արարին Հայոց և Յունաց՝ ժողովիլ ետուն Զէքի Էֆէնտեայ, եւ տնօրինել զայն 'ի միասին: սակայն Յոյնք ոչ ետուն հաճութիւն վասն գնալոյ նոցա յերուսաղէմ, ուստի գործակալք գրով ծանուցին 'ի Դուռն վասն ծախուց, և 'ի ձեռն Թարգմանին (տիվան Թէրճիմանի) ազդ արարին Հայոց տալ նոցա 12,500 դահեկան: նոյնչափ եւս Յոյնք, այլ նոքա հետեցին եւ ոչ ընաւ ճանաչել կամէին զհաւանքն և զայլոն: Եւ 'ի հարցանել նոցա նուրի Էֆէնտեայ, թէ ո՞չք ոմանք ունին գնալ ընդ մեզ յերուսաղէմ: ետուն պատասխանի, ոչ ոք, զի ունիմք ասեն անդ զարս՝ որք կարող են խօսիլ ընդ ձեզ: Սակայն Թէոդորոս Պատրիարք եւ գործակալ Եպիսկոպոսունք Թախանձէին զգլխաւորս ազդին, առաքել ընդ հրովարտակին զՊօղոս և զԻրնէսիոս վարդապետս և զոմանս 'ի գլխաւորաց ազդին, զի մի ինչ դժուարութիւն ելցէ ընդ առաջ գործոյն 'ի նենգութենէ Յունաց և յայլազգեաց տեղոյն: քննել և իմանալ նաեւ զել և զմուտ Աթոռոյն և զգործս ընտաւորաց, ապա ըստ այնմ փոյթ տանել թեթեւութեան պարտուց և ազատութեան Աթոռոյն: զի մի յետոյ զըպարտութիւնս ինչ կըրեացեն կառավարիչքն: Այսոքիկ բանք կարի պատշաճ թուեցան առաջի Ամիրայից, այլ ոչ ոք 'ի նոցանէ յանձն առ երթալ յերուսաղէմ, պատճառելով իւրաքանչիւր ոք զգործս իւր: որոշեցին զՍտեփաննոս Եպիսկոպոս՝ եկեալ 'ի նուիրակութենէ Կարնոյ՝ եւ զԻրնէսիոս վարդապետ Դարթալցի, որ եկաց անդ 'ի մայրաքաղաքին ամս իբրեւ և, վաստակեալ ընդ այլոց 'ի գործս Աթոռոյն, և գտեալ

ընդ Երեսիփոսանաց 'ի դատին: հմուտ և տեղեակ բովանդակ գործոց եւ խորհրդոց Դատաւորաց, լեալ ափանտես, եւ զԱլքամ Գալֆա յազգէն Հայոց 7 գործաւորօք: զի ըստ արհեստին իւրոյ զգուշացի 'ի քննութեան եւ 'ի չափելն եւ հոգալ զայլ կարեւոր պէտոս: Յետ այնորիկ պատրաստեալ սոցա զամենայն ինչ եւ առեալ զհրովարտակն՝ մտին 'ի նաւ (1813: 'ի 22 Մարտի): և յետ երկուց աւուրց՝ ելին յայլ նաւ գործակալք Տէրութեանն սպասաւորօք և պարագայիւք իւրեանց եւ նաեալ յաջողակ հողմով հասին 'ի Կիպրոս ('ի 11 Ապրիլի): և 'ի վարձու կալեալ վարդապետաց զայլ նաւ՝ մտին անդ, առին ընդ ինքեանս զսպասաւորս և զկարասիս նուրի Էֆէնտեայ, և նաեալ անտի հասին 'ի Յուպլէ, և անտի ելին յերուսաղէմ ('ի 13 Ապրիլի): Իսկ գործակալքն Արքուեի հասեալ 'ի Պէրութ, գնացին 'ի Դամասկոս տեսանել զԿուսակալն, արձանագրել զհրովարտակն Հայոց, զորոյ պատճէնն ունէին ընդ ինքեանս, առնուլ զիւր հրամանի 'ի Կուսակալէն, և հոգալ զայլ կարեւոր իրս:

Փոխանորդ Պօղոս վարդապետ և ոյլ թեւակիցք նորին 'ի Կոստանդինուպօլիս, յորժամ լմացան թէ չէ գրեալ 'ի հրովարտակն ոստիկանին շինել զպակաս տեղիսն Հայոց, մատուցին զերկուս աղերսագիրս, մին 'ի Դուռն և միւսն առ Դենպետն: զի 'ի լրումն անցեն զթերի մնացեալ տեղիս Հայոց, սակայն ոչ ետուն հրաման: զի յանձն արարեալ էին զայն 'ի քննութիւն Գործակալաց, և յետ այնր հոգալ զպակասորդն: առ այս լուեալ Հայոց ապասէին զալատեան Իլամին յերուսաղէմ:

Յետ հասանելոյ վարդապետաց 'ի Ս. Աթոռն՝ մատուցին զհրովարտակն Արքայի առ Թէոդորոս Պատրիարք, առ որ ժողովեալ էին Եպիսկոպոսունք եւ վարդապետք, և ուրախացեալ առ ժամն՝ օրհնեցին զԱրքայն և զվաստակաւորս գործոյն: Բայց առաջի կայր նոցա դժուարութիւն մեծ սակս գործադրութեան հրովարտակին: և կոչեալ զքաղաքապետն ցուցին նմա զայն առանձին և խօսեցան բազում ինչ՝ փոյթ տանել գործադրութեան հրովարտակին, եւ զմի պատճէնն առաքեցին առ Դատաւոր քաղաքին, որ 'ի նոյն աւուրս եկեալ էր յերուսաղէմ, և

նա յուսադրեաց զնոսս լինել անկասկած, զի սրտուէր ունիմ ասէր՝ ՚ի Կոստանդինուպօլսոյ, զնայնն եւ առ այլ մեծամեծս քաղաքին շահել զմիտս նոցա:

Այլ Յոյնք յառաջագոյն որսացեալ էին ՚ի կողմն իւրեանց զվառն Գատաւորին ՚ի ձեռն հանդերձապետի (Քիւրքճի Պաշի) նորին որ էր աղբաւ Յոյն. նոյնպէս զքաղաքապետն և զայլ երեւելի այլազգիս: Իսկ Արքունի պաշտօնեայք կամարեալ զգործս իւրեանց ՚ի Դամասկոս՝ մեկնեցան անտի, եւ հասեալ յերուսաղէմ իջին արտաքոյ քաղաքին ՚ի տեղի ինչ, և գրեցին առ քաղաքապետն պատրաստել տեղի իջեւանի Խօճաքեանին և դարուճիլէր քեահեասի Մէհէմէտ Պէյին, որ կարգեալ էր ոստիկան ՚ի կողմանէ Կուսակալին. զի Մուշէլայ Ալեքէլէ և Մէյար Գուլէ քաղաքապետն պատուէր արձակեաց ՚ի վանս Հայոց պատրաստել տեղի եկեղոց ևւ նոքա արարին պատասխանի, թէ սոքա կարգեալ են գործակալ ՚ի Տէրութեանէ ՚ի վերայ երկուց աղբաց. մեզ միայն չէ անկ հողալ զնոսս, մանաւանդ թէ նոքա ոչ առնուն յանձն իջեւանիլ ՚ի վանս քրիստոնէից. եւ Յոյնք իսպառ մերժեցին զնոսս, զի ՚ի Կոստանդինուպօլսու ազգայինք նոցա ոչ ունէին առ այդ հաճութիւն: Գնացին ընդ առաջ նոցա Դիոնիսիոս վարդապետ եւ գանձապետ քաղաքապետին. և ՚ի լինել բանից, ասեն. ոչ է սրարս պաշտօնէից Տէրութեան իջեւանիլ ՚ի վանս օտարաց, եթէ փոյթ իցէ քաղաքապետին պատրաստեցէ մեզ տեղի. եւ ապա եկեալ բազմութեամբ մօին ՚ի քաղաքն (՚ի 10 Մայիսի), Մուշէլայն և ճարտարապետն պարագայիւք իւրեանց օթեցան ՚ի տուն Կախիպին, որպէս ասացաք. Խօճաքեանն յայլ տեղի, և ոստիկան Կուսակալին առ քաղաքապետն. և ՚ի վաղիւն 18 սպասաւորօք եւ գրաստօք եկեալ եմուտ ՚ի վանս Հայոց, զի առաջին տեղին աւերակ էր, և նոցա սիրով ընկալեալ հոգային զպէտս նոցա: Խօճաքեանն ազգ արար քաղաքապետին հողալ զպէտս իւր եւ իւրոցն ամենայն պարագայիւք ՚ի վանաց Հայոց և Յունաց. զի ՚ի վերայ նոցա ոստիկան կարգեալ էմք ասէ ՚ի Տէրութեանէ, Ի մերժեւն Յունաց, ստիպէր քաղաքապետն զՀայս, որոց հարկ եղև նորոգել զիջեւանս

նորին՝ և նոր ՚ի նորոյ զարդարել ամենայն պիտոյիւք, եւ պատրաստել զնա իրբեւ օթեւան Կուսակալի, և սահմանել յամիսն 2000 դահեկան ՚ի պէտս խոհանոցի. նոյնպէս 1900 դահեկան Մուշէլային և ճարտարապետին՝ ակն ունելով թերեւս օգնութիւն գտանել ՚ի նոցանէ: Յետ այնորիկ՝ պատմէր Նուրի էֆէնտի առանձին Պատրիարքին և միաբանացն Հայոց զանցս Դամասկոսի. թէ որպէս չյօժարէր Կուսակալն իմանալ զմիտս հրովարտակին, և հանապաղ երկրորդէր, թէ զարմանալի իմն է գործ Տէրութեան. զի յառաջագոյն Յունաց ետ հրովարտակ, այժմ Հայոց. և զինի աւուրց ինչ դարձեալ Յունաց ՚ի թախանձելն նոցա: Առ այս տայ պատասխանի Նուրի. թախանձելն ՚ի միջոցի չորից ամաց ետ դատ վարել ՚ի 12 նիստս եւ ունկնդիր եղև. և յետ այնորիկ հրովարտակօք առաքեաց զմեզ ՚ի կողմանս յայտսիկ. իսկ դուք որպիսի եղանակաւ կամիք իմանալ զմիտս նոցին. և որպէս վայելէ մեծի իշխանութեան ձերոց, գրով (պոյրիտի) եւ ոստիկանաւ առաքեցէք զմեզ յերուսաղէմ և զհրովարտակն տուք արձանագրել աստ ՚ի Դատարանի, եւ ջնջել զարձանագրութիւնն առաջին հրովարտակին տուեալ ՚ի թուին 1772 և նշանակելով զայն ՚ի հրամանագրի ձերում. ապա թէ ոչ, տուք մեզ պատասխանի՝ Իլամ և նամակ. զի մեք դարձցուք առ Արքայն որ ստաքեացն զմեզ: Զարմացեալ Կուսակալին ընդ համարձակ բանս առնն, հրամայէր կատարել զամենայն ինչ ըստ հրամանի Արքային: Ապա գրեաց հրաման սաստիկ և կարգեաց ոստիկան զհաւատարմին իւր: Յետ այնորիկ ազգ արար նմա Նուրի զդատաճանութիւն Խօճաքեանին. վորձեալ զնա յընկերակցութեան իւրում ՚ի ճանապարհի, և ուսուցանէր զգուշանալ ՚ի նմանէ. եւ մեք սիրով վարիմք ասէ՝ ընդ նմա. զի թերեւս կարացուք հասանիլ ՚ի նպատակ գործոյս:

Խօճաքեանն յերուսաղէմ միայն պատիր բանիւք ՚ի վերին երեսս յուսադրէր զՀայս. իսկ ոստիկան Կուսակալին յայտնի համարձակ խրախոյս տայր չերկնջիլ բնաւ. զի ամենայն ինչ ասէր՝ ըստ հրամանի Արքային և տեսուն իմոց Կուսակալին ունի կատարիլ. եւ եղև վերստին շօշափել Հայոց զերակ գատուորին, գտին զնա զեղեալ, հիւանդ

առ Հայո՛ւ և առողջ առ Յոյնս : Ապա գնացին Հայք 'ի տե-
 սութիւն Գործակալացն պատրաստեալ իւրաքանչիւրոց
 զարժանաւոր ընծայս . 'ի նմին աւուր առաջադրէէ Սօճա-
 քեանն Հայոց , թէ եղեալ եմ 'ի մտի տալ բերել աստ
 զՅոյնս . մի լիցի ձեզ վիրաւորիլ յերթ եւեկութեանէ նոցին ,
 մանաւանդ դիւրութիւն լինի գործոց ձերոց : Հայք ասե-
 սագջ արարաք նոցա գալ 'ի միասին , այլ նոքա ետուն պա-
 տասխանի . թէ չխառնիմք 'ի գործս ձեր , այլ թէ մեզ
 չէ ինչ փնտս . տայր Աստուած չպակասիլ նոցա աստի 'ի
 տուէ և 'ի գիշերի : Այսպիսի եղանակաւ յայտնեաց փոքու-
 ինն զներքին դիտաւորութիւն իւր : Եւ յետ դադարելոյ
 Գործակալաց զաւուրս 6 գնացին յայցելութիւն Դատաւո-
 րին . եւ 'ի լինել բանից 'ի վերայ խնդրոց ազգաց ասէ
 Դատաւորն . Թող զայլ ամենայն խնդիրս . չիք երբէք հնար
 կատարելոյ զվէճն Բեթղէնէմի . գործակալքն լուցին խ-
 սպառ , ապա խնդրեաց զհրովարտակա պաշտօնէութեան
 նոցին՝ ընթեռնուլ առանձին , յորմէ վշտացեալ՝ առաքե-
 ցին 'ի դառնալն 'ի տեղիս իւրեանց , նոյնպէս և Հայք ըզ-
 պատճէն հրովարտակին : Եւ իբրեւ գնացին պահանջել զայն
 յետս . ողբէին զվիտս նորա աղաչանօք անթերի կատա-
 րել զհրաման Արքային՝ խոստացեալ նմա առնել բարիս
 'ի վախճանի , այլ նորա զայրացեալ ասէ . ընդէ՛ր բերիք
 զգործակալս , միթէ չէի՞ կարող կատարել զգործս ձեր ,
 զուցէ ոչ ընդունիք զգատաւորութիւնս իմ , Հայք ասեն .
 Արքայն որպէս կամեցաւ , այնպէս արար . Դատաւորն ա-
 սէ . ուրեմն ընթերցցի յատենի հրովարտակը գործակալաց
 և 'ի գործ դիցի , եւ ձերն մնասցէ . յետ մեկնելոյ նոցա
 աստի ընթեռնուլ և գործադրել զայն ըստ արձանոյն օրի-
 նօք Շէրիի : Իմացեալ Հայոց զվիտս նորա՝ աղաչէին ըն-
 թեռնուլ 'ի ժողովի զհրովարտակս Հայոց և Յունաց . ընդ
 այս հաճեցաւ թէեւ՝ բայց սլաճառէր թէ չեւ է եկեալ
 հրովարտակն Յունաց : Հայք հաստատէին թէ հրովարտակն
 Յունաց եկեալ է , հրաման առք բերել զայն . իսկ եթէ
 ոչ , մերն բաւական է . զի երկրքեան 'ի մի և նոյն միտս
 գրեալ են , մանաւանդ վաւերեալ սլատճէն նորին են առ
 գործակալս :

Ի լսել գործակալաց զայս ամենայն բանս Դատաւորին՝

ստիպեցին զՅոյնս բերել զհրովարտակն , և նոքա սպասէին
 հրամանի Դատաւորին , ստիպեցին նաև զԴատաւորն զը-
 րով , եւ ահա գումարեցաւ ժողով մեծ 'ի Դատարանի
 ('ի 20 Մայիսի) , ուր էին ամենայն մեծամեծք քաղաքին ,
 գնացին և Հայք բազմութեամբ՝ բաց 'ի Պատրիարքէն , ե-
 կին եւ Յոյնք . նախ ընթերցան զհրովարտակն Յունաց ,
 զոր թողեալ էին անպաճոյճ իբր արհամարհեալ յաչս նոցա ,
 և ապա զՀայոցն : Յետ այնորիկ զհրովարտակս Սօճաքեա-
 նին և Մուվլլայ վէքիլին յանուն երկոց գործակալաց , և
 'ի վերջոյ զհրաման Կուսակալին Դամասկոսի՝ համաձայն
 մոաց հրովարտակաց , և պատուէր սաստիկ կատարել ըզ-
 հրամանն : Դատաւորն ասէ՝ այսօր բաւականացուք ըն-
 թերցմամբ հրովարտակաց՝ և յայլում աւուր ձեռնարկես-
 ցուք 'ի կատարումն հրամանին , զի մի աճապարեւն՝ անկ-
 ցուք 'ի դատապարտութիւն : Սօճաքեանն եւ ոստիկան
 Կուսակալին ըստ հրամանին՝ ստիպմամբ սահանջէին 'ի Յու-
 նաց զհրովարտակն տուեալ 'ի թուին 1772 , նոքա ասե-
 թէ առաքեցաք զայն 'ի Կոստանդինուպօլիս : Սօճաքեանն ըստ
 բանից նոցին խնդրեաց Իլամ 'ի Դատաւորէն , այլ նա ետ
 բերել զտուճարն և կարեալ 'ի բաց եհան զայն անտի , եւ
 ջնջեցաւ արձանագրութիւն նորին , և ցրուեցաւ ժողովն :

Յետ երկուց աւուրց վերստին գումարեցաւ՝ լուծանել
 զխնդիր հետեւակ երկոց ազգաց , որպէս գրեալ էր 'ի հը-
 րովարտակին քննել զայն 'ի տեղոջ իւրում : Եւ իբրեւ
 կամէին կոչել զնոսա՝ 'ի ժողով անդր և լսել բան 'ի բե-
 րանոյ նոցա , ընդդէմ եկաց Դատաւորն և հարցանէր ցը-
 բազմականս թէ՝ սոքա ո՞ր ազգի հետեւողք են , ամենե-
 քեան լուցին և ոչ ետուն պատասխանի : Նուրի էֆէնտին
 ասէ՝ ըստ որում սոքա ոչ գտան 'ի մեծի դատին 'ի Կոս-
 տանդինուպօլիս , Տէրութիւնն զքննութիւն սոցա սահմա-
 նեաց լինել յերուսաղէմ : զարմանք են թէ ո՞րպէս ոչ կա-
 միք կոչել զնոսա՝ 'ի ժողով որք 'ի քաղաքի սստ են . Դա-
 տաւորն երկարէր զխօսս իւր և տքնէր չկոչել զնոսա . և
 'ի սաստկանալ վիճմանց՝ մին 'ի գործակալաց եմոյճ ըզ-
 նոսա 'ի ներքս . և 'ի հարցանել Դատաւորին նախ ցՀա-
 պէշս պատ 'ի պատ բանիւք , սալչեալ մնաց այրն , զի ոչ
 կարէր 'ի միտ առնուլ զգորութիւն բանից նորին , և 'ի

հարցանել այլոց պարզ բանիւ՝ արար նրատախանի 'ի բարբառ Արարացոց' թէ հաւատով քրիստոնեայ եմք և 900 ամաց հետէ յերուսաղէմ հետեւակ Հայոց, կերակուր և հանդերձ մեր 'ի վանաց նոցին, որսէս վայելեն այլազգիք և հրեայք իսկ Մատեան Ապթիք և ասեն՝ քրիստոնեայ եմք և ազդ ինքնագլուխ, և 'ի լինել տարածայնութեան 'ի վերայ բանից սոցա՝ զօրացեալ Յունաց դոշխին, զինչ միաբանութիւն է սոցա ընդ Հայս, զի զգլխաւոր տօնս իւրեանց ընդ Յունաց տօնեն և պատկանին նոցա, զնոյն ասէր և Գատաւորն: Բանզի յառաջագոյն մինչ դատաստան լինէր 'ի Կոստանդինուպօլիս 'ի վերայ այսր խնդրոյ, Յոյնք ծախեալ գուժարս ինչ, առեալ գիր 'ի Կուսակալաց Գամասկոսի. նոյնպէս և զարդիս 'ի Սիւլէյման Փաշայէ՝ լինիլ հետեւակ երկց ազգաց և տեղեաց նոցին Յունաց: Եւ 'ի հարցանել վերստին բազմականաց՝ խոստովան եղեն Ապթիք, թէ 'ի դաւանութիւնս՝ եկեղեցւոյն Հայոց և 'ի Թափօրս 'ի տաճարին Ս. Յարութեան հետեւին նոցա: Ջնոյն ասացին և Ասորիք և յաւելին եւս թէ Պատրիարքն մեր հաստատի 'ի Տէրութենէ գրով Պատրիարքին Հայոց: Իբրև ետես Գատաւորն թէ վրիպեցաւ 'ի խորհրդոց իւրոց, և հարց դարձեալ ցրազմականսն, և նոքա ամենեքին լռեցին, և մի ոմն 'ի նոցանէ ասէր՝ չգիտել խաղա բազմելոց, Յայնժամ Նուրի Էֆէնտի գրեաց զանուանս ժողովելոցն և ասէ երկցս՝ հարցմանս այսմիկ չգիտել պատասխանէք, սակայն 'ի հարցանելն այլով եղանակաւ 'ի կողմանէ Յունաց, գիտել խոստովանիք՝ ոչ երբէք լսմ:

Ընդ այս զայրանային Գատաւորն և ժողովն, մանաւանդ զի տիրարար դատէր՝ խօսէր և գրէր զամենայն ինչ, որոյ վասն զօրացաւ բարձառ Գատաւորին 'ի վերայ Նուրեայ: Եւ զինի այսր կոչեցին զայլազգի դանապանս Սուրբ Յարութեան, որք և ասացին՝ Ապթիք և Ասորիք 'ի տաճարի անդ 'ի Թափօրս և 'ի Ճրագալուցի Զատիկին 'ի միասին ընդ Հայոց չրջին ելանեն և մտանեն: Իսկ վասն Հապէշաց ոչ գիտեմք, զի նոքա ոչ ունին տեղի և Թափօր 'ի տաճարի անդ: Արձանադրեցան բանք երկց ազգաց և վիպութիւնք դանապանաց, եւ որոշեցաւ երկց ազգաց լինել հետեւակ Հայոց, և արձակեցաւ ժողովն:

Տեսեալ Հայոց զյայտնի հակաակութիւնս Գատաւորին՝ ազդ արարին նմա լռելեան չլարիլ այնպէս խոտորնակ և չլինիլ ընդդէմ Կայսերական հրամանին, և մի վայրապար համարել զհրովարտակն, զի դատաստանաւ եւ երկար քննութեամբ տուեալ է: Այլ նա յամառեալ 'ի բանս իւր ասէր՝ թէ աստ վերստին 'ի դատ մեծանեմ, գործակալքն ինձ ոչ ինչ կարեն առնել, արտաքոյ գրոց ոչ գործեմ, զի առաւել քան զամենսին հմուտ և տեղեակ եմ: Վարդապետ Մուլէլլայի և դատասաց պալատականաց առաջի Արքայի՝ և Զինակիր նորին բարեկամ ինձ, որ եւ 'ի միջնորդելոյ նորա և տուն զգատաւորութիւնս վասն գործոյս այսրիկ. նա պատուիրեալ է ինձ չխօսիլ 'ի կաշառաց և չխոտորիլ յուղիւ շաւղացն գրոց Արքային չլինի հաւատարմութիւն. այլ զայս դատաստանս պարտ է տեսանել օրինօք Շէրիի, և այլ սոցին նման բանք սնտիք: Աս որ ասացին Հայք՝ այս գործ օրինօք և դատաստանաւ վերջացեալ է, և չէ գրեալ առ քեզ վերստին դատել, ո՛ւր արդեօք ընթերցեալ է ձեր՝ թէ Ս. Տեղիքն Յունաց անկանի՝ եւ Հայոց ոչ: Գատաւորն ասէ՝ որովհետեւ դուք գործակալ բերիք՝ ես արարից զոր ինչ եղեալ եմ 'ի մտի, եւ նոքա արացեն զոր ինչ կարեն առնել՝ մեկնեցան 'ի միմեանց:

Գատաւորն կազմեաց ժողով 'ի Ս. Յարութիւն ('ի 22 Մայիսի) յաւուր տօնի Համարձման Բրիտանոսի, ուր էին և պաշտօնեայք Տէրութեանն. գնացին բազմութեամբ միաբանք Հայոց և Յունաց: Հարցին ցՅոյնս, թէ ո՞չք իցեն սեփհական տեղիքն Հայոց. նոքա ցուցանէին մի առ մի՝ ձարտարապետն չախէր, և Նուրի Էֆէնտի գրէր, նոյնպէս և դարապետ Գատարանի. Գատաւորն և այլք կային 'ի զննին: Հայք ասեն. քննեսցի նաեւ թերի մնացեալ և գողացեալ տեղիքն Հայոց 'ի Յունաց: Աղաղակեցին Յոյնք և Գատաւորն ընդ նոսա թէ՛ չիք հրաման առ այդ յԱրքայէ: Հայք ասեն՝ այժմ ոչ խնդրեմք զգողացեալ տեղիս մեր առնուլ 'ի Յունաց և տալ մեզ, այլ քննել և նշանակել 'ի գիտութիւն, և յետոյ ստատել հրամանի Արքային: Գատաւորն չմատուցեալ ունին բանից նոցա սկսաւ կտրել և կազել ընդ գործակալս գրդեալ 'ի Կուսակցացն Յու-

նոց . մինչ զի մերձ լինիլ հանել ազմուկ շիտթի և խու-
 վութեան : Եւ յերկրորդելն Հայոց քննել գտեղիս և որո-
 չել , սրտմտեալ Դատաւորին բարկութեամբ ել անտի եւ
 եմուտ յեկեղեցին Յունաց , առեալ ընդ իւր զՔաղաքա-
 պետն և զհամախոհս իւր : Սակայն զործակալքն ակնար-
 կէին Հայոց լուել և համբերել , և ինքեանք չախեցին ըզ-
 յայտնի տեղիս նոցա և նշանակէին զնոր շինեալսն և զնո-
 րոգեալսն 'ի բանից Յունաց , ուր էր և Քարգամանն Լատի-
 նաց . Հայք յառաջագոյն պատրաստեալ էին անդ զպատ-
 կերս , զի ակն ունէին դնել զնոսա յիւրաքանչիւր տեղիս
 զինի քննութեան . տեսեալ զնոսա Դատաւորին՝ մատնու-
 թեամբ Յունաց և քաղաքապետին՝ զայրացաւ յոյժ , եւ
 կոչեալ զոմանս 'ի Հայոց , սկսաւ յանդիմանել զնոսա բար-
 կութեամբ առաջի բազմութեան , զիարդ համարձակեցայք
 ասէ մուծանել զնոսա 'ի ներքս , և ո՛վ ետ ձեզ հրաման ,
 մի և մի երբէք լիցի ձեզ յուսալ՝ թէ թողում կախել ըզ-
 կուսս ձեր և պաշտել զնոսա աստ , զի ես Միւսուլուման եմ
 գիտեմ զորէնս իմ եւ երկնչիմ յօրինաց : Հայք ասեն՝
 պատրաստեցաք զայնս կախել ըստ հրամանի ձերում . զի
 սովորութիւն է քրիստոնէից դնել պատկերս յեկեղեցիս ,
 և համարձակ պաշտել զորէնս , որոց հրամայեալ են Քա-
 զաւորք և Դատաւորք , և դու զիարդ արդելուս զմեզ
 յօրինաց մերոց :

Դատաւորն աղաղակէր՝ ես յաւուրս իմ չթողում կախել
 զպատկերս , այլ նոքա ամենեքին որք յառաջ քան զիս
 եկին և հրաման ետուն , ոչ են իսլամք և օրէնագէտ . զի
 եթէ Արքայն իսկ հրամայեցէ , այլ ես ոչ թողում : Հայք
 ասեն . արգելումք վասն ամենայն քրիստոնէից է , թէ մի-
 այն Հայոց , Դատաւորն . ընդէ՛ր եւ զայլս 'ի մէջ բերէք ,
 զձեզ այժմ այսպէս գտի՝ և այսպէս թողում , Հայք . ո՛չ-
 ապաքէն հաւատակիցք մեր ամենեքեան կախեալ են , նոյն-
 պէս եւ մեք 'ի տեղիս տեղիս . այլ զոմանս ոչ կարացաք
 կախել զինի շինութեան , այժմ տեղիքն մեր որոշեցան և
 պատկերքն պատրաստք : Այլ նա եւս քան զեւս զայրա-
 ցեալ սկսաւ զանպատեհս խօսիլ և նախատել զագգն՝ եւ
 այսպէս անկատար թողեալ զքննութիւնն մեկնեցան անտի :



Գ Լ Ո Ւ Թ Ի Ը .

Ժողով 'ի Ս . Յարութիւն և քննութիւն տեղեացն Հայոց : Յամառու-
 թիւն Դատաւորին : Ընդգիմութիւն Յունաց : Ոստիկանի Կուսակալն
 մեկնիլն : Ժողով 'ի Դատարան : Գիր Կուսակալին : Կարձ Ոստիկանին
 'ի Դատակոստ : Ժողով 'ի Դատարանի յի խաղութեամբ :

ԺՈՂՈՎԵՑԱՆ զարձեալ 'ի Ս . Յարութիւն ('ի 24 Մա-
 յիսի) . եւ քննեցան մնացեալ տեղիքն Հայոց և արձանա-
 քրեցան , և Դատաւորն նստէր յեկեղեցին Յունաց իւրովքն
 հանդերձ : Եւ իրբեւ մտտեան 'ի քննութիւն տեղեացն
 Ղպթոց և Ասորւոց հետեւակացն Հայոց՝ բարկացեալ Յու-
 նաց աղաղակ բարձին առ Դատաւորն . եւ նա սրտմտեալ
 դոչէր և յանդիմանէր զնորի Էֆէնտի իբր հակառակող
 հրովարտակին . և իրբեւ չանսաց նա բանից նորա , առա-
 ւել զայրացեալ աղաղակէր . հակառակ է քննութիւնդ Կայ-
 սերական հրամանին . և այնու բարկութեամբ ել և զնաց
 'ի տաճարէ անտի իւրովքն հանդերձ և մնացին անդ գոր-
 ծակալքն , Քաղաքապետն , Նախիսյն և Միւֆթին , և որքան
 կարելի էր հարեւանցի իմն քննեցին և տեսին . զի տեղիքն
 յատկացեալ Ասորւոց , խորանքն և կանթեղքն մեծաւ մա-
 սամբ անկեալ էին 'ի ձեռս Յունաց . և իբր թէ աւարտեալ
 զգործն մեկնեցան և նոքա : Եւ յայտնի եղև ատելութիւնն
 որ 'ի մէջ Դատաւորին և գործակալաց . զի Մուվէլլայն և
 ոստիկան Կուսակալին դուն գործէին կատարել զհրաման
 Արքային և Դատաւորն ընդգիմացեալ կագէր ընդ նոսա :
 Խօժաքեանն և Քաղաքապետն արտաքուստ զհրաման Ար-
 քայի կատարել ձեւանային , այլ 'ի ներքուստ ընդ Դատա-
 ւորին էին : Հայք զիւրաքանչիւրսն ողորջէին առանձին սի-
 րով աւարտել զգործն , այլ նոքա մամբեալ ոգորէին ընդ
 միմեանս . ապա տղաչեցին զնորի Էֆէնտի թախանձա-
 նօք խոնարհիլ 'ի հաշտութիւն , զնալ առ Դատաւորն և
 քաղցրութեամբ ցածուցանել զբարկութիւն նարին , որ և
 արար իսկ :

Եւ նորա զիջեալ 'ի կամս նորա 'ի վերին երեսս և գու-
 մարեաց ժողով մեծ 'ի Ս . Յարութիւն ('ի 29 Մայիսի) :

Հարցին ցՀայս թէ ունիցի՞ն զայլ տեղիս քննութեան , և նոքա ասեն՝ քննել զգողացեալ տեղիս , թերի և այլատարազ շինուածս . կամ հրաման տալ ինքեանց շինել զայնս ըստ առաջին ձեւոյն , և կամ գրեալ ծանուցեն 'ի Դուռն : Վերստին գրգռեցաւ բարկութիւն Դատաւորին և սկսաւ գոչել , զայդ ոչ է հրամայեալ Արքայի : Եկին և ժողովեցան ամենեքեան 'ի դուռն տաճարին , Հայք ասեն . որովհետեւ զամենայն ինչ ըստ հրամանի Արքային կամիք գործել , 'ի հրովարտակի Արքային Սէլիմայ յայտնապէս գրեալ է . 'ի ներքս մեծի դրան վէրին եւ ստորին կողմն , զորս այժմ Յոյնք եւ Լատինք հակառակ հրամանին գրաւեալ և զմեզ զրկեալ են իսպառ յաւելածութենէ : Ազադակեցին Յոյնք . մինչդեռ Հայք յառաջագոյն սեփական տեղիս 'ոչ ունէին , այժմ կամին բովանդակ եկեղեցւոյն տիրել : Գործակալք և գլխաւորք քաղաքին զայս իրաւունս Հայոց գիտէին , և ստիպէին գլխաւորն իշխել Յունաց զի լուսացեն , եւ թողցեն զայն տեղի : Յոյնք բարձրացուցին զձայնս և յայտնապէս սկսան խօսիլ ընդդէմ՝ Տէրութեան . բարկացեալ գործակալաց ստիպէին գլխաւորն 'ի գործադրութիւն . այլ նորա թեւարկեալ զՅոյնս , հարցանէր ցոյլազգի դռնապանս , թէ որպէս գիտեն զառաջին սովորութիւնն . և նոքա ասեն՝ զերիս ազգս գիտեմք աստ գլխաւոր՝ եւ նոցա է առնել շինութիւն բանալ ըզդուռն այլովքն հանդերձ , բայց Լատինք և Յոյնք ածեն աւել աստ : Իբրեւ երկարեցաւ վէճն , Լատինք ոչ կամեցան յետս մնալ 'ի շարաթէ իւրեանց : Հայք ասեն . չունիմք դատ այժմ ընդ Լատինս , այլ կամիմք ըստ մտաց հրովարտակին թափել զսեփական տեղիս մեր 'ի ձեռաց Յունաց . եւ յոյս բան սաստկացաւ վէճն 'ի մէջ երկուց ազգաց՝ Հայոց և Յունաց . եւ 'ի նեղիւ Հայոց , հաճեցան ունել Լատինաց զիւրեանց ամբողջ շարաթն . և բաժանորդ լինել շարաթուն Յունաց . հաւանեցան ընդ այս ժողովն և Դատաւորն իսկ , և ստիպէին զՅոյնս հաւանիլ և վախճան տալ կռուոյն : Այլ նոքա իբրեւ 'ի միոյ բերանոյ ազողակէին՝ չտամք տեղի Հայոց մատնաջափ : Դատաւորն՝ ահա ասացի , բայց Յոյնք ոչ հաճին . ոստիկան կուսակալին ասէ՝ 'ի բաց թողեալ զհրաման Արքային . ունիցի՞ր լի-

նիս բանից երկուց կեանքաց , ընդդէմ է հրամանի նորին զմի կողմն պաշտպանել . եւ զմի կողմն առաթուր կոխել . այլ ըստ հրովարտակին՝ արդարութեամբ կատարել զգործն . երկիր 'ի քէն , գուցէ արտասահմանեցին 'ի մետաղս , և Յոյնք ոչ կարեն փրկել զքեզ : Բարկացեալ Դատաւորին ընդ խիստ բանս նորա , հարցանէր սրտմտութեամբ ցՀայս . զի՞նչ ունիք աստ այլ եւս 'ի կատարել . և նոքա ցուցին զմի պատկեր Պատանտեղւոյն յախշտակեալ 'ի Յունաց , զչորեսին կանթեղս 'ի չրջանաւոս Գերեզմանին և յայլ տեղիս , և ըզպատկերսն . լի եղեւ սրտմտութեամբ և գոյն երեսաց իւրոց չրջեցան , և խոժոռեալ գոչէր 'ի վերայ Հայոց , և նովին բարկութեամբ ել և գնաց 'ի տաճարէ անտի . մեկնեցան և այլքն զինի նորա , և փակեցաւ դուռն :

Չորան Հայք առանձին առ Դատաւորն և աղաչէին զնա կատարել զգործն , զնոյն առնէին և գործակալք Տէրութեանն , այլ բնաւ չառնոյր յանձն , յուսացեալ 'ի մեծամեծ խոստմունս Յունաց , ոչ կաշառօք , այլ օրինօք ասէր՝ կատարել զգործն , թէպէտեւ Հայք յառաջ բերէին զվճարումն գործոյն դատաստանաւ առաջի գիտնականաց օրինօք և հրամանաւ Արքայի , այլ նա յամառեալ 'ի բան իւր ասէր , զիտեմ զօրինականս Կոստանդինուպոլսոյ , զի տգէս են : սնտոի և ընդունայն գրեալ են մի Իլամ , և Արքայն սակս պտորեւոյ զձեզ տուեալ է (Խաթթի Շէրիֆ) , սակայն ես այր ընթերցող եմ և հմուտ՝ դասատու պալատականաց , աներկազ յամենայնի , և վասն սոցին իրաց տաց պատասխանի առաջի Արքայի , և այլ սոցնպիսի բանք : Ոստիկան կուսակալին յանկարծ ձայն եհան 'ի քաղաքին , որպէս թէ Բդեշխն խնդրեալ է զինքն 'ի Դամասկոսէ , զնալ ևւ անդրէն դառնալ , և Հայք թախանձանօք խնդրեալ էին 'ի նմանէ լինիլ միջնորդ առ կուսակալն և առ Քեահեայ նորին , սակս խնդրոյ Բեթղեհէմի և զերեզմանին Սուրբ Աստուածածնի . գրեցին նաեւ գիր աղաչանաց առ Քեահեայ Պէշն և առ գանձապետ նորին Կիւչիւք Յարութիւն Հայազգի , որ 'ի սոյն ամի եկեալ էր յերուսաղէմ յաւատ , և վերահասու լեալ գործոյն , և խոստացեալ էր ըստ կարելութեան լինել ձեռնտու , և մեկնեցաւ Ոստիկանն իւրովքն հանդերձ յերուսաղէմէ ('ի 6 Յունիսի) :

Գործակալք առանձին փարատեցին զտարակուսան Հայոց վասն տարածամ մեկնելոյ Ոստիկանին, զի խորհրդով եւ դրով խորեանց առաքեալ էին զայն ծանուցանել Կուսակալին զպատճառս երկարելոյ գործոյն և զյամառութիւն Գատաւորին, և վերստին դառնալ հրամանագրով նորին, կատարել զգործն ըստ հրամանի Արքային: Ի այն խորհուրդ գտան նաև Խօճաքեանն և Քաղաքապետն, թէպէտ և նոքա ՚ի ներքուստ էին ՚ի կողմն Յունաց, այլ յայտնի չկարէին խօսիլ ինչ, զի երկնչէին ՚ի Նուրի էֆէնտլոյն: Իսկ Գատաւորն գանկատանս գրեալ էր ծածկաբար զՄէհէմէտ Պէյէն, յաւուր յորում կուռեցան ՚ի սնձարին Ս. Յարութեան (՚ի 29 Մայիսի) և ՚ի ձեռն Քաղաքապետին յղեալ էր զԹուղթն առ Բդեշին:

Յետ մեկնելոյ Ոստիկանին, եհան գիր ՚ի Կուսակալէն առ Գատաւորն, ընդ նմին եւ գիր հրամանի (յՑ Յունիոսի), և կազմեցաւ ժողով ՚ի Գատարան, ընթերցաւ հրամանագիրն և յայտնեցաւ գանկատ Գատաւորին, և զգործն կատարել ասէր ըստ հրամանի Արքային օրինօք Շէրիի առանց պաշտպանելոյ զոք: Սակայն սքանչանային որք անտեղեակք էին, թէ զիարդ մեկնեցաւ ասաի Ոստիկանն հրամանաւ Բդեշիսին, եւ անուն նորա գրեալ է ՚ի գիրն ընդ այլ Գործակալս: Գատաւորն ասէ յուսայք արդեօք զհրաման Կուսակալին, անչա այսօր ունկնդիր եղէց բովանդակ ամբաստանութեանց ձերոց և կատարեցից զայնս օրինօք Շէրիի: Եհարց երիցս յՀայս, զի՞նչ են դատ ձեր, լուծութիւն, և ՚ի չորրորդին ասեն. հարցմանդ հարկ եղեւ տալ պատասխանի, սակայն բազմականք բարեօք ՚ի միտ առեալ արձանացուսցեն լինել վից ՚ի ժամանակի իւրում: Նախ չունիմք դատ, երկրորդ չհամարձակիմք վերստին ՚ի դատ մտանել աստ. զի վճարեալ է այն առաջի մեծի Գեղպետին և Նախարարաց՝ եւ հաճութեամբ երկուց ազգաց տուեալ հրովարտակ և հրամանաւ Արքայի առաքեալ են Գործակալքս այսօրիկ՝ զարժանն դուք զխտէք, և ընդ հրաման Արքային բարեօք իմանայք առաւել քան զմեզ. Եհարց ցՅոյնս, դուք զինչ ասէք, Յոյնք ասեն. վասն դատաստանին եղելոյ ՚ի Կոստանդինուպօլիս չունիմք գիր ինչ ՚ի Պատրիարքէն եւ յաղդէն մերմէ, և մեք ինքնազուր

չկարեմք պատասխանել ինչ, նուրի էֆէնտլն ասէ. բարեկամք՝ միթէ թագաւորն սուս գրեաց, եւ առաջողք հրովարտակիդ չգրեցի՞ն ինչ առ ձեզ. միթէ ուրացութեամբ ձերով կարծէք յետս մնալ հրամանի Արքային. զի Տէրութիւնն ոչ ասաց մեզ անսալ գրոյ Պատրիարքին Յունաց և չգործել ընդդէմ հրամանի նորին, այլ զգուշանալ չգործել ընդդէմ հրամանի իւրոյ, և յետ պատուիրելոց բանիւ բերանոյ՝ գրեաց նաեւ Թաթթի Շէրիի, և ՚ի ձեռն պաշտօնէից հարկադրեաց գործադրել զգրուածս նորին: Յոյնք ասեն. եթէ անհրաժեշտ է գործադրութիւն հրովարտակաց, պարտ է գտանել զկորուստն մեր և յանձնել մեզ. յսուաջ բերին աստանօր զՍ. Յակոբ վանք Վրաց, ակնարկելով ՚ի վասն Հայոց, զՍ. Փրկիչ և զՀրեշտակապետ այլովք անուամբք, որոց զարժանաւոր պատասխանիս ետուն Հայք, յսուաջ բերելով զհրովարտակն Սէլիմայ եւ զերկար դատաստանն Կոստանդինուպօլոյց և զհաճութիւն երկուց պզգաց սակս ընկերովի եւ սեփհական տեղեաց, զվերջանալն ատելութեանց և խորովութեանց ուստի՞ ըստիպեալ աստ վերստին ՚ի դատ մտանել Սկամիք ընդ մեզ հակառակ հրամանի Կայսեր, որոց գործադրութեան փայթ մեծ ունիմք ՚ի ձեռն պաշտօնէից: Գատաւորն գծկամակեալ ընդ բանն նոցա լռեցոյց զնոսա, և առաջի եղ Հայոց գնալ ՚ի Ս. Աստուածածին երկիցս ՚ի շաբաթու, և ՚ի Բեթղեհէմ երկիցս ՚ի տարւոյ գրով Յունաց, և պատարադել ՚ի վերայ արտաքին խորանաց: Հայք ասեն՝ եթէ այդպէս ասնել պարտ էր, ընդէջր ետ ջնջել զարձանագրութիւն առաջին հրովարտակին իւր հակառակ. և վասն էր գրեաց հրովարտակ վարիլ ըստ մտաց հրովարտակին Սէլիմայ, յորում յիշեալ են ամենայն բաժանորդ տեղիքն. յայտ է թէ հաւատար լինել Յունաց: Գատաւորն ասէ. դուք Հայքը ըստ ախորժակաց ձերոց մեկնէք զգիրս, բայց իլմն եւ թաղաւորն ցուցանէ ՚ի բաժանորդ տեղիս ուխտ առնել, և ոչ զօրէնս կատարել: Հայք ասեն՝ երկուց ազգաց հրովարտակքն ՚ի մի և ՚ի նոյն միտս գրեալ են, զի եթէ մեզ ուխտ՝ ապա և նոցա, առ այս ասէ՝ Յոյնք ՚ի բնէ ունէին. Հայք ասեն՝ այն էանց, այժմ ըստ մտաց հրովարտակին զոր ինչ առնեն Յոյնք ՚ի բաժանորդ տեղիս, զնոյն և մեք

ունիմք առնել . Դատաւորն ամբաստանել կամէր զՀայս իբրև զսպարաթա . զի հրաման տայր երթալ ըստ առաջնոյն 'ի Ս . Աստուածածին , յորմէ արգելեալ էին Յոյնք հրովարտակաւ , ոչ յիշելով զՎնջումն նորին և զնորն . և սպառնայր գրել 'ի Դուռն ամբաստան լինելով իբրև զանհնազանդից հրամանի Արքային , և կարի ընդդիմանալ նոցին՝ նախատել և անարգել զնոսա , և ոչ տալ թոյլ մտանել 'ի Սուրբ Աստուածածին և 'ի Ս . Մնուեղ , թէեւ Արքայ հրովարտակա հրամայեցէ . ընդ այս ցատուցեալ Նուրի էֆէնտեայ կշտամբէր զնա՝ զի լաւ է ասէր տալ Իլամբ մեղքան Հայոց , զի մեկնեցուք աստի , զի ոչ երեւի 'ի քեզ հնազանդութիւն Արքայի , այլ կամակորոթիւն և սլաշտպանութիւն , զմին բարձրացուցանել և զմիւսն առնել կոխան օտից . և 'ի սաստկանալ վիճման և խռովութեան 'ի մէջ երկոցոնց՝ ցրուեցաւ ժողովն . Հայք ազաշէին զԴատաւորն և միջնորդ կացուցանէին զՍոճաքեանն և զԲաղաքապետն , այլ նա տատանեալ մտօք վարանէր 'ի խորհուրդս իւր . խտամուռք Յունաց , սրահանջ Հայոց և գործակալաց , և երկուք Թաղաւորին ցնորեալ էին զմիտս նորա . Հայք թախանձէին տալ զԱյրն Մնուեղեան և զբանալի հիւսիսային դրան , որոյ հետեւիլ ունէր ճանապարհ երթեւեկելոյ , զի ոչ էր ընդդէմ օրինաց . և եկեղեցին այն չէր սեփհական Յունաց , այլ դեղջ . և նոքա առեալ էին 'ի ձեռաց կատինաց . Այլ խորժուեալ նորա մերժէր զբանս Հայոց՝ հայեցեալ 'ի տհաճութիւնս Յունաց , զի յանձն արարին ասէ օրինաց իմոց , որոյ վասն անկարելի է ինձ բաժանորդ առնել զձեզ Բեթղէնէմի և Ս . Աստուածածինի , յայս բան ծիծաղէին այլազգիք ամենեքեան . հանդերձապետ Դատաւորին եամանտի քաջալերէր զնա 'ի կողմանէ Յունաց , չհակիլ 'ի կողմն Հայոց , եւ գործակալքն նկատէին 'ի հեռուստ . վերստին առաքելին առ նա Հայք զարս հաւատարիմս և յորդորէին կատարել զգործն , գուցէ եկեալ Ոստիկան Կուսակալին 'ի հարկէ կատարեցէ , եւ ինքն վիրաւորեցի . այլ նա յառաջ բերէր զգիր Կուսակալին , զգանկատանս իւր զՈստիկանէն , թէ առաջի բաղմութեան նախատեաց զիս , և զսաստ փառային առ Ոստիկանն , եւ զՀառնալ նորա անդրէն յերուսաղէմ , զի ոչ

զիտէր զգաղտնի խորհուրդս նոցա . մի յուսայք ասէր օգնութիւն գտանել 'ի նմանէ , հնազանդեցարուք ինձ և մի չիթէք զբանն . զի Մուվելլայն առանց իմ ոչ ինչ կարէ առնել , այլ սպարանօք ակն ունի առնուլ 'ի ձէնջ ինչս , եւ Սոճաքեանն բարեմիտ՝ զիտելով զանհիմն գործս ձեր լուութեամբ վարի , եւ այսպիսի բանք բաղում յերկուց կողմանց , և խտարտութիւն Դատաւորին յուսարեկ արար զՀայս . Թէպէտե Նուրի էֆէնտի ասէր գրել 'ի Դուռն զորարս Դատաւորին , այլ Հայք չառին յանձն , մի գուցէ երկարութիւն ժամանակին խոչ լցիլ գործոյն .

Դարձաւ Ոստիկան Կուսակալին 'ի Դամասկոսէ , և ուրախութեամբ եմուտ յերուսաղէմ , ('ի 21 Յունիսի) , եւ 'ի վաղիւն կազմեցաւ ժողով 'ի Դատարան . ընթերցաւ հրամանագիր Կուսակալին , որ հրամայէր առնել զամենայն ինչ ըստ հրովարտակին , և վասն Բեթղէնէմի մի ումեք ընդդիմանալ , և ոչ առնել կուսակցութիւն . Դատաւորն կորազուլս եւ լուռ նստէր փակեալ զաչս իւր . Ոստիկանն ասէ՝ զի՞նչ ունիս ասել ով Դատաւոր առ այս . ապա Հայոց բաժանորդութեամբ զԲեթղէնէմ ըստ մտաց հրովարտակին , Լուութիւն . Նուրի էֆէնտի , յառաջագոյն ասէր՝ թէ վճռեցի . ոչ տամ , այսօր ո՞րպէս կարէ ասել թէ վրձեցի և ետու , և ստիպէին զնա թողուլ զլուութիւնն եւ պատասխանել , և ըստ արժանոցն գործել , և նա պատճառէր զտկարութիւն իւր . Ահաւասիկ Կեալուրք՝ զոր ինչ արժանն է խօսեցարուք և հրաման տուք , ինձ ոչ է անկ . զի դուք էք գործակալք Տէրութեանն . Ոստիկանն ասէ՝ ստիպեցէր զիս գնալ 'ի Դամասկոս . սակայն մի կարծէր թէ զիս Բղէնյան կոչեաց , որպէս ասացեալ ես ամենեցուն , այլ հրամանու և դրով գործակալաց Տէրութեան զնացի սլատմել զամենայն գործս քս , և զոր ինչ գրեալ էիր զԲնէն՝ լուայ անդ . այլ ինչ և իցէ , անցեալն էանց , այժմ զոր ինչ առնելոց ես , արա՛ . երայ Դատաւորն զփակեալ բերան իւր և միսաւ խօսիլ զանսլատեհս Տէրութեան՝ Կուսակալին և գործակալաց՝ բովանդակ մի ժամ . Նուրի էֆէնտի մեղմով իմն կշտամբեաց զնա , թէ դուք իբրև Դատաւոր Արքայի այսպէս հրապարակաւ անարգես զնա եւ զգիր նորին , որպէս պատկառեցին ժողովականք . և մի-

Թէ չհամարձակին խօսիլ զառաւելն : Դատաւորն տսէ .
 լռեալ՝ անզգամ անպատկառ , ո՛վ ես դու որ համարձակիս
 բանալ բերան առաջի իմ : Թէպէտեւ նորի կամէր զնա
 առաւել անպատեւել , բայց պատկառէր 'ի ժողովոյն , եւ
 զի մի արատաւորեացի ինքն , վասն որոյ ասէ . զվայելուչն
 լեզուի քո ասացեր , մնայ արդ միմիայն ձեռամբ հարկա-
 նել : Երեմն հա՛ր , զի կատարեացի : Ոստիկանն տսէ . ըզ-
 քազում Դատաւորս տեսեալ է մեր , բայց ոչ որպէս զքեզ :
 Ե նորա բարիացեալ գոչեաց իրրեւ զտիւժ 'ի վերայ նորա ,
 Չէլէպի , չհաւանեցար . ինձ նման այր իմնստուն 'ի հարիւ-
 րաւոր ամն հազիւ տեսնի , և 'ի վերայ երկրի չէ սք հա-
 շասար ինձ . և իբրեւ այսպէս զայրացեալ կազէին ընդ մի-
 մեանս , Քաղաքապետն կամեցեալ հանդարտել զնոսա-
 ասէ . մեք դատաւորք եւ պաշտօնեայք Տէրութեան , չէ
 օրէն կռուիլ յամօթ և 'ի նախատինս մեր սակս քրիստո-
 նէից . այլ տեսցուք թէ երկոքին ազգքն զինչ ասեն : Դա-
 տաւորն ասէ , զինչ ունին ասել . զի 'ի Պատրիարքէն Յու-
 նաց գիր ինչ չէ եկեալ վասն դատին և զօրպիտութենէ նո-
 րին , ուստի ոչ կամին տալ և առնել ինչ . Գործակալք ա-
 սեն , Դատաւորդ չյարգեալ զգիր Արքայի , զայդ ասես՝
 եւ լինիս ուսուցիչ : 'ի հարկ է զօրացեալ դոցա 'ի բանից
 քոց , հակառակին և ոչ կամին : Դատաւորն , տուք , եթէ
 տալոց էք ինչ : Յոյնք զբան Դատաւորին կրկնէին : Ոստի-
 կանն ասէ , զանհնազանդան հրամանի Արքային ունիմ իշ-
 խանութիւն կապանօք տանել 'ի Իրանսկոս : Յոյնք ասեն ,
 չունիմք պէտս կապանաց , ինքնին երթամք տալ պատաս-
 խանի կուսակալին : Ոստիկանն , չերկնչի՞ք 'ի Թագաւո-
 րէն . Յոյնք , այ՛՛ երկնչիմք . այլ առաւել յազգէ մերմէ .
 զի ոչ կարէ ազատել զմեզ 'ի յանդիմանութենէ նոցին .
 Ոստիկանն , ուրեմն ազգն ձեր մեծ է քան զթագաւորն ,
 և զդատաւորն ասէր . դու եղբոր լեզու 'ի բերանս այդո-
 ցիկ վատ կեալութեաց . ապա թէ ոչ զիարդ համարձակէին
 դոքա զայդպիսիս բարբառել . Փոխանորդն Յունաց ասէ ,
 նիտո ծանր 'ի տեղի քում , զի չէ արժան խօսիլ 'ի ժողո-
 վի աստ զբառք վատ : Ոստիկանն , ո՛վ արդեօք իցէք դուք
 զի յանդգնիք տալ զայդպիսի պատասխանի . Փոխանորդն
 յարեալ 'ի գնու , և Քաղաքապետն իրր յանդիմանութիւն

ասէ . զի՞ պիտոյ են այդպիսի բանք 'ի ժողովի աստ : Ոս-
 տիկանն , երկու Դատաւորք այնքան կռուեցան և անար-
 գեցին զմիմեանս 'ի ժողովի աստ , չիշխեցեր ասել թէ ան-
 վայել է , այժմ այս . . . վատ ասելս անվայել եղև . սիս
 յայանեցաւ թէ դու եւս 'ի կողմն Յունաց ես , տակայն 'ի
 վաղիւ պահանջեմ 'ի քէն զդոստ տանել 'ի Իրանսկոս . և
 բարկութեամբ մեկնեցաւ 'ի ժողովոյն , եւ զրուեցաւ ժո-
 ղովն լի խռովութեամբ :



Գ Լ Ո Ւ Խ Ի Թ .

Պահանջ Հայոց . Անդիտանութիւն Դատաւորին : Գանկոս Յունաց աս-
 րուսակալն : Նախկէս Ոստիկանին զազգէն Յունաց : Յանուսութիւն Դա-
 տաւորն չկատարել զգործս Հայոց : Ծանր պահանջ նորին : Ժողով 'ի
 Ս . Յարութիւն : Քննութիւն տեղայն Յովսէփոյ Արեւմտացոյն :

ԻԲՐԵՒ ցրուեցաւ ժողովն և դնաց իւրաքանչիւր 'ի
 տեղի իւր , մատուցեալ մի ոմն 'ի բարեկամաց Դատաւորն
 ընէ մեղադրէր զնա առանձինն և ասէր . զի՞նչ գործեցեր
 այր դու , եթէ յառաջագոյն մի կամ երկու ունիիր թըշ-
 նամիս , այժմ բազում եղեն՝ գուցէ միաբանեալ խորհեց-
 ցին չարիս զքէն և անկանիցիս 'ի վտանգ մեծ . և նորա
 վարանեալ 'ի միտս իւր ասէր , որպէս յառաջագոյն դան-
 կատանօք ասացեալ էր Հայոց . թէ Նորի Էֆէնտի է այր
 խորամանկ , զի եթէ արարից ըստ հայցուածոցն Հայոց ,
 նշանակի զիս 'ի կոստանդինուպօլիս Խաջէր կոչելով , և ա-
 ռաջի պաշտօնէից Տէրութեան կաշառակուր . և տաքնա-
 պեալ 'ի միտս իւր , կոչեաց առ ինքն զՔաղաքապետն եւ
 առաքեաց առ գործակալս լինիլ միջնորդ հաշտութեան .
 եւ նոցա ժողովեալ 'ի միասին առաքեցին առ նա զբարա-
 պետն դատարանի , և խնդրեցին զիր 'ի նմանէ սակս կա-
 տարելոյ զամենայն ինչ ըստ հրամանի Արքային . և նա խոս-
 տացաւ բանիս միայն կատարել որպէս հրամայեցեն . եւ
 դպրապետն դարձ սրբաբեալ անտի պատմեաց նոցա . ապա
 ազդ արարին Հայոց երթալ առ նա առանձին եւ շահիլ :

զի սկիզբն արասցեն գործոյն , եւ բարձցի խոովութիւնն 'ի միջոյ . և մնացեալքն հետեւապէս կատարեն գրով Բը-
դեշխին և կամ Տէրութեան :

Գնացին Հայք առ Դատաւորն և յետ բազում բանից՝ խոս-
տանայր կատարել զոմանս ըստ հրովարտակին , և զոմանս 'ի
վկայս առնէր ապատան : Հայք առաջի եղին նմա զայսոսիկ
խնդիրս , առ ժամն սորօք բաւականացեալ , զբանալի հիւ-
սիսային դրան Այրին Ծննդեան Քրիստոսի , և զմին յերկոց
գրանց 'ի մի կարգ եղելոց յեկեղեցոջ անդ , զբանալի
փայտեայ միջնագրան , որ արձանագրութեամբ սեփհական
էր Հայոց . ճանապարհ 'ի վանաց մինչեւ յԱյրն , գնալ 'ի
Ս . Աստուածածին ըստ առաջնոյն . կախել զմի շար կան-
թեղս , և զայլ չորս մշտակայ կանթեղս 'ի Ս . Յարութիւն ,
զմի կանթեղն 'ի Պատանատեղին՝ զոր յափշտակեալ էին
Յայնք . կանգնել 'ի հիմանէ զԲաղարերկոց սեղանն , զոր իս-
պառ անհետ արարեալ էին , կախել զարտիկերն 'ի վերայ
գրան Գերեզմանին , և զչորեանն կանթեղս 'ի չրջապատս
նորին , և յայլ տեղիս նոյնպէս զպատկերս և զկանթեղս , և
չինել զնաչկալս խորանաց . թափել 'ի ձեռաց Յունաց՝ զտե-
ղիս և զկանթեղս 'ի կողմն Յովսէփոյ Արեմաթացոյն , կնքել
զտուժարն քննութեան , և զգիրն հաստատութեան երկոց հե-
տեակ աղագայ , և տալ գիր անթերի կատարելոյ զամենայն
ինչ՝ զորս գրեցաք . զի թէպէտեւ Հայք կամէին ըստ մտաց
նոր հրովարտակին ամենայն իրօք հաւասար լինիլ Յունաց
'ի Ս . Ծնունդ . և 'ի Ս . Աստուածածին , զի այն իսկ էր դի-
տաւորութիւն Արքայի . սակայն Դատաւորն շառնոյր յանձն
կատարել զայնոսիկ՝ և հաւասար բաժանորդութեան հրա-
ման տալ . Յետ խօսելոյ 'ի վերայ առաջարկութեանցս այ-
սոցիկ , ստէ Դատաւորն՝ զի՞նչ տայք , թէպէտ կաշառ ոչ
ընդունիմ , այլ վասն կատարելոյ զգործս ձեր պարտ է
առնել հաստատ սակարկութիւն , և այն եթէ յօժարեցին
սիրտք ձեր , և վերջապէս առաջարկէ նոցա տալ 100,000
դահսեկան . Հայք առաջի եղին նմա զտկարութիւնս . եւ
զաղքատութիւնս իւրեանց , և աղաչէին վարիլ խնամով
և գթութեամբ . այլ նա ոչ աղաչանաց լսէր . և ոչ 'ի պա-
հանջից զիջանէր . և յետ բազում բանից իմացեալ զկամա-
կոր միտս նորս , և կեալ պատմեցին թէ՛ սղորոս Պատրիարքի

և Տերունեաց , և 'ի վաղիւն գործակալաց , բայց զօրհանջ
Դատաւորին ոչ յայտնեցին , զի մի գրգռեսցեն զազանու-
թիւնս այլոց : Եւ նոքա ասեն՝ հնազանդեցարուք առ այժմ
խոստման Դատաւորին , և այլքն հետեւաբար կատարին ,
միայն սկիզբն արասցուք գործոյն : Եւ մինչդեռ Հայք խոր-
հէին 'ի վերայ այսոցիկ իրաց , լուան յանկարծ թէ երկ-
րորդ Քարգմանն Յունաց և այլք գնացին 'ի Դամասկոս՝
ամբաստան լինիլ զՈստիկանէն և զՀայոց , և Բաղաքապետն
կամակից նոցին՝ տուեալ զօրականս 4 վասն երկիւղի ճա-
նապարհին : Եւ իմացեալ զայս գործակալացն՝ հարցին
ցՔաղաքապետն , և նա ուրացաւ և չգիտեւ ձեւանայր , բայց
զօրականս խոստովանէր տուեալ 'ի խնդրոյ Յունաց . բայց
նոքա ստուգեցին լեալ գիտութեամբ Քաղաքապետին , ո-
րովհետեւ գիտէր զբանս ժողովոյն , եւ գրեալ էին գիր
ինքն և Դատաւորն եւ գիտութեամբ իւրեանց առաքեալ
զՍախարեայն : Իսկ Ոստիկան Կուսակալին բարեռք տեղե-
կացեալ այսոցիկ իրաց՝ զայրացաւ յոյժ , և ինքն ևս գրեաց
գանկատանս զՅունաց առ Բդեշխն , և զՍախարեայն կա-
ցուցանէր յանցաւոր յամենայն ժողովս իրեւ ընդդիմա-
խօս Տէրութեան , և փութացոյց զայն հեծեալս 'ի Դամաս-
կոս : Եւ 'ի վաղիւն գործակալք առաքեցին զոմանս առ
Դատաւորն հարցանել թէ ընդէ՞ր դադարեաց 'ի գործոյ ,
և ստիպէին սկիզբն առնել և կատարել զխոստացեալսն :
Եւ նա արար պատասխանի , թէ Հայք առաւել խնդրեն
քան զխոստացեալս իմ , ուստի և ևս յետս կանցի . բայց ըզ-
պահանջ իւր ծածկեաց . կոչեցին զՀայս և ստիպէին զնոսս
չատանալ այնքանեօք , և նոքա տատանեալ 'ի միտս ոչ
կարէին յայտնել զձածկեալն . ստէ Մուվեւլայն՝ երեւի թէ
պահանջ Դատաւորին ծանր է . եւ Հայք անկարող՝ և այս-
պէս պատճառանօք յերերի կոյ գործն , սակայն Հայք ոչ
կարեն յայտնի խօսիլ , զի երկնչին 'ի Դատաւորէն և յայ-
լոց , այլ որպէս և իցէ պարտ է շահել զմիտս նորս , և
սկիզբն առնել գործոյն . գուցէ յանցանել աւուրց , զըջացի
նաւու զխոստացեալսն անգամ՝ չկատարել , և անկցի առե-
լութիւն 'ի մէջ մեր և նորս և լիցին պատճառ խռովու-
թեան : Գնացին Հայք դարձեալ առ Դատաւորն և աղա-
չէին զնա ստեպ , այլ նա ոչ երբէք զիջանէր 'ի բանից

իւրոց, եւ 'ի թախանձեւն նոցա առնել հաւատար Յունաց ըստ ծիսից և արարողութեանց, և ապա հոգալ զպահանջ նորին. նա յայտնապէս ասէր թէ չտամ աւելի քան ըջխոտացեալն իմ, եւ 'ի մեկնիլ նոցա անտի, կոչեցին ըջնոսա գործակալքն, եւ իբրեւ յանդիմանութիւն ասէին թէ շատացարուք առ այժմ, յետոյ ամենայն ինչ կատարի շնորհիւ Արքայի, այլ դուք ոչ կամեցայք լսել, և այսպէս վատթարացուցիք զգործն: Տարակուսեալ էին Հայք՝ զի յողորդ միտք եւ անհաստատ խոտամուռք Գատաւորին շտային վատահոթիւն միտիլ 'ի գործ. սակայն Խօժաքեանն առեալ տարաւ զնոսա առ Գատաւորն, և 'ի ճանապարհին յորդորէր շահել զմիտս նորա, եւ յողագոս փոքր իրաց շխանգարել զգործն: Եւ իբրեւ յանդիման եղեն ասէ՝ էֆէնտի, ընդէ՛ր ոչ կատարես զգործս օրոցա, և նա ասէ. դոքա խաղ արարին զիս պահանջելով զաւելորդ իրս, եւ յանձն առ կատարել զառաջին խոտամուռնս իւր, և ոյրն երաջխաւոր եղեւ, յետոյ ասէր Գատաւորն թէ՛ յետ դնալոյ Ասխարեային 'ի Դամասկոս, եթէ հրաւան ելցէ անտի յայլ կերպ՝ չմիջամտեմ. առ այս շփոթեալ Հայոց ասեն, ուրեմն օրոգայթ պատրաստես մեզ դառնալով 'ի խոտամանէդ, այլ նա ասէր՝ զայս իբրեւ զուարճութիւն խօսեցայ ընդ ձեզ, ոչ դառնամ 'ի բանից իմոց, և Խօժաքեանն քաջալերէր զնոսա չերկնչիլ, այլ փոյթ տանել 'ի կատարումն գործոյն, զի ինքեանք եւս մեկնեցին 'ի կոտանդինուպօլլա: Եւ յետ մեկնելոյ նորին, սկսան կատարել զգործ սակարկութեան. ետուն նմա գրել և հաստատել կնքով իւրով կատարել զամենայն ինչ զոր խոտացաւն եւ ինքեանք ետուն նմա մուրհակ պարտուց կնքով Պատրիարքին, հատուցանել զգումարն սակարկեալ յետ կատարման գործոյն, այսպէս իբր բարեկամացեալ ընդ նմա մեկնեցան անտի:

Ի վաղիւ անդր կազմեաց ժողով մեծ 'ի Ս. Յարութիւն, հրաւիրեալ անդ զԳործակալս եւ զԱւագանին քաղաքին, գնացին և գլխաւորք Հայոց և Յունաց. բազմեցու Գատաւորն ուրախ եւ զուարթ 'ի սրահ Գերեզմանին իւրովքն հանդերձ, և ասէր իբր յանդիմանութիւն Յունաց. զամենայն տեղիս ձեր շինեցիք շքեղ և պայծառ եւ զխորանն

Հայոց անհետ արարիք. ապա հրամայեաց շինել զայն. Հայք նոյնհետայն կանգնեցին զիւզարբերից սեղանն, կախեցին պատկերս և կանթեզս 'ի սիւնս և յայլ պատշաճաւոր սեփհական տեղիս. զարմացեալ էին ամենեքեան ընդ փոփոխումն Գատաւորին, զի յառաջագոյն սպառնալեօք գոչէր չթողուլ կախել զկուռս եւ պաշտել, զի ընդդէմ ասէր օրինաց. իսկ այսօր նստեալ 'ի ներքոյ պատկերաց հրամայէ կանգնել խորան, եւ ձայնէր՝ եթէ ունիք զայլ պատկերս՝ ածէք և դիք 'ի տեղիս իւրեանց: Յանձն արար Հայոց զբանալիս Յովսէփայ Արեմաթացոյն, և բացեալ դաին զայն միայն փոքր սենեակ ինչ եւ այն եւս մթին, և զայլ տեղիս առեալ 'ի կողմն իւրեանց. և 'ի շինիլ վիճմանց եւ խաւովութեանց, ձերունի փոխանորդն Յունաց կամեցաւ տեսանել զայն տեղի, այլ միաբանք նոցին ասէին գնալ առանձին՝ եւ մի առեալ ընդ իւր զքօ յօտարաց, զի մի յայտնեցեն զգործն. զի 'ի չորից մասանց զմի մասն միայն թողեալ էին. յետ տեսանելոյն նորա զայն ընդ Տեօջի իւրեանց, հարցանէ ց՛Հայս. զի՞նչ ասէք վասն տեղոյն այնորիկ, և նոքա ասեն, բարձէք 'ի միջոյ կանջրպետ օրմն, եւ ըստ առաջին չափոյն յանձնեցէք մեզ. նոքա ասեն, չափն չէ յայտ, զի ոչ է շինեալ ըստ առաջին ձեւոյն: Առ այս պատասխանի ետուն Հայք, 'ի բերանոյ ձերմէ դատեցուք զձեզ. զի 'ի կոտանդինուպօլլիս աղաղակ բռնայիք, թէ ըստ առաջին ձեւոյն շինեցաք, այժմ յայտ յանդիման խոտամանիք զանգթութիւնս ձեր. գնացեալ տեսին նաեւ գործակալքն և մեղադրէին զանողորմ գործս Յունաց. Գատաւորն աղաչէր զՀայս սիրով կատարել զգործն, և նոքա ասեն թէ մեք արք եղարք եմք և չիք խալովութիւն 'ի միջի մերում, այլ ոչ է պարտ թողուլ զթթութիւն 'ի ձեռաց: Յոյնք խօստացան տալ զերկուս կամարս միայն, եւ զմին չկամէին տալ և աղաչէին զանց առնել զնովաւ. զի դուռ սենեկի նոցին առաջի նորա է, սակայն Հայք ոչ հաճեցան, և վերջացաւ այն օր վէճն և փակեցաւ դուռն:

Եւ 'ի վաղիւն կարգեցան արք 'ի կողմանէ Գատաւորին և Քաղաքապետին, ընդ որս էին և այլազգի դահապանք. կային նաեւ սմանք 'ի Հայոց և 'ի Յունաց. Հայոց՝ հօգալ

զկարեւոր գործո, և Յունաց քահիւ և բառնալ զմիջնորմն, և շինել զայն տախտակամած 'ի նշանադրեալ տեղին, որ և արարին իսկ, և որոշեցաւ սահման տեղւոյն Յովսէփայ Արեւմտացոյն:

Այլ իբրեւ ձեռնարկին Հայք կախել զշար կանթեղս 'ի մէջ կամարին, յորոյ վերայ լեալ էր վէճն եւ որոշեալ, Յոյնք արգելին զնոսա, թէ կամարն այն մեղ չնորհեցաւ, և Հայք եւս խախտեցին զշինութիւն նոցին. և 'ի բազմաճառ բանից սկսան հարկանել զիրեարս, և 'ի վերայ հասեալ այլազգեացն որոշեալ հանդարտեցուցին զնոսա: Իսկ հանդերձապեա Դատաւորին Յամանտի՝ չոքաւ առ Դատաւորն և ամբաստան եղև զՀայոց, թէ քան հարին զիս և դոմանս 'ի Յունաց, ոչ հայեցեալ 'ի սրտիւ տեառնդ իմոյ: Լուեալ Հայոց զազմուին զայն առաքեցին զմտնս առ Դատաւորն և ծանուցին նմա թէ, Յոյնք դրժեալ խոստմանց իբրեանց յարուցին խառնութիւնս. և նա ասէ՝ ոմանք 'ի ձէնջ քան հարեալ են զհանդերձապեան իմ, սակայն արժանի է. զի ոչ եղաւ նա վերատեսուչ 'ի կողմանէ իմնէ և ոչ յազգէ իւրմէ. զի՞ փոյթ էր նմա մնալ անդ, իսկ նա կոծէր զանձն իւր թէ 'ի չնորհս տեառնդ իմոյ անպատիւ եղէ 'ի Հայոց, և Դատաւորն վարեաց զնոսա 'ի խաղաղութիւն. թէպէտեւ Հայք ունէին իրաւունս գանկատելոյ, զի գտաւ 'ի ձեռս Յունաց ուրազ և այլ գործի շինուածոյ, որոյ վտան աղբ արարին Բաղաքապետին. զի և Յոյնք յառաջադոյն ամբաստան լեալ էին նմա: Իսկ նորա սաստկացուցեալ զբան իւր յանդիմանէր զՀայս իբրեւ յանցաւորս 'ի գրգռելոյ գանձապետին իւրոյ, եւ յասլ Հայոց թէ յանցաւոր Յոյնք են. ասէ՝ քան հարեալ էք զհանդերձապեա Դատաւորին, և նա բողոքէ զձէնջ. թէպէտ յորդորեցի զնա 'ի խաղաղութիւն, այլ Դատաւորն ոչ լուէ, մանաւանդ 'ի կռուին ձեր եթէ լուեալ էին զորաց և քաղաքացոց, խուժէին 'ի ներքս յաւար և յախշտակութիւն, և ես լինէի յանցաւոր առաջի Կուսակալին: Հայք ասեն՝ զայդ ամենայն խօսեցաք Դատաւորին, և նա դատապարտեաց զայրն, զի չէր օրէն գնալ նորա անդ: Բաղաքապետն ասէ՝ զայս և զայն ոչ գիտեմ, այլ իբրեւ լուայ ըզչիոթն, ետու փակել զդուռն տաճարին, եղեալ 'ի նմա

զահապարս զօրս, մինչ ցաւարտումն շինուածոյն, և 'ի լինել դատաստանի յայտնեցին՝ յանցաւորքն: Լուեալ Հայոց զմեծարանութիւնս նորին, աղբ արարին Դատաւորին, և նա առաքեաց առ նա զմին 'ի պաշտօնէից իւրոց հանել զզօրս 'ի տաճարէն, զի չէր վրաս ինչ յերկուստեքէ, եւ մնալ թէ ուր կայանայ խնդիրն: Ի վաղու անդր բացաւ դուռն և գնացին անդ քննել զվէճն և սահմանել՝ զինի բազում բանից իբրեւ տեսին Հայք թէ անհնարին է Յունաց թողուլ զայն կամար բոլորովին, ակամայ կամօք հաճեցան լինիլ բոժանորդ, և կախեցին զիցս շար և 'ի վերայ նորա կանթեղք 3. կախեցին և Յոյնք կէս շար՝ նոյնպէս 'ի վերայ նորա կանթեղք 3, և մնաց այնպէս:

Իսկ Բաղաքապետն ոխացեալ ընդ Հայս՝ սպասէր դիպող ժամու դաւաճանել զնոսա. Հայք զխաչկալս խորանին և զայլ կարեւոր իրս վերնատան չեւ եւս էին պատրաստեալ, նմին իրի խնդրեցին 'ի Դատաւորէն և 'ի գործակալաց, 'ի պատրաստելն գնել զայնս 'ի տեղիս իւրեանց անարգել, և նոքա յանձն առին և ետուն հրամանս փակեցաւ դուռն:

Գ Լ Ո Ւ Խ Լ

Խնդիր Ս. Աստուածածնի և Ս. Ծննդեան: Արգելումն գործոյն Հայոց 'ի կողմնէ Կուսակալին: Գիր Նաւրի Էֆեսոսեաց: Փեկիկ Ս. Բուսաղէմէ Խօսքեանին, Ճարտարապետին և Ոստիկանի Կուսակալին: Սարգիս և Գրիսէսիտ վարդապետաց երթալ 'ի կոչ Կուսակալին:

ՅԵՏ կատարելոյ զայսոսիկ 'ի տաճարին Ս. Յարութեան, Հայք եւ գործակալք առաջի եղին Դատաւորին սկիզբն առնել գործոց Ծննդեան և Ս. Աստուածածնի. և նա ասէ՝ աղաչեցին զիս Յոյնք սպասել մինչեւ անուշ լուր ինչ 'ի Դամասկոսէ, զի վասն այն առաքեալ են ըզՍախարեայն: Տարակուսեալ Հայոց 'ի վերայ այսր բանի, ասեն՝ կատարեն՝ դու գիտութեամբ ամենեցուն զոր խոստացարդ, և 'ի գալուսեան հրամանի Կուսակալին յայնժամ

ըստ այնմ խորհիւմք . ոչ հաճեցաւ նա՝ այլ ստիպէր սպա-
սեւ, Եհաթ թղթարեան 'ի Դամասկոսէ ('ի և Յուլիսի), այլ
ոչ ինչ յայտնեցին աւ ժամն . Հայք գիմեցին առ Մուվէլ-
լայն իմանալ ինչ, և նա առէ՝ ստուգեցէք 'ի Դատաւորէն,
զի յառաջագոյն ասայի ձեզ գրել 'ի Կոստանդինուպոլիս,
դուք ոչ գրեցիք և զիս արդելիք 'ի գրելոյ, դնացէք ու-
րեմն հոգալ զգործն ձեր: Յետ առուրց ինչ փոքու իմն
յայտնէր Դատաւորն զմիտ գրոյն չլինիլ ձեռնամախ 'ի
գործն Մենդեան եւ Աստուածածնի ըստ առաջադրու-
թեան Յունաց, եւ սպասել նորոյ հրամանի Արքային:
Հայք ասեն՝ դու զի՞նչ ասես վասն այսր . Դատաւորն՝
կամիլ կատարել զգործն ձեր և շահիլ 'ի ձէնջ եւս, այլ
զի՞նչ ասացից՝ Բգեչխն սյնպէս գրեալ է, որպէս առ դոր-
ծակալն, Գնացին Հայք առ Ռատիկան Կուսակալին, և նա
առ զայրոյթ սրտին չկամէր պատասխանել և կամ յայտնել
ինչ, այլ ասէր թէ՝ յետ ընթեռնոյ զգիրն՝ պատասեցի
զարմացեալ ընդ գործս Բգեչխին . զի յետ տալոյ նորս
կնքով իւրով քանիցս հրամանագիր, և ինձ եւս առանձին՝
կատարել զգործն ըստ մտաց հրովարտակին, այժմ զի՞
եղեւ նմա, որ զհակառակն գրէ . սակայն այս հարուած
յայլմէ ումեք է, զի ինքն ոչ առնէ այսպէս, այլ մի եր-
կընչիք զի լոնդիրս այս դարձեալ լուծանի 'ի Դամասկոս,
և ոչ անկանի 'ի Կոստանդինուպոլիս, զի նախատինք են
նմա, և այլ սոցին նման բանք: Մատեան ապա առ Նուրի
էֆէնտի, և թախանձանօք ետուն ընթեռնուլ նմա զգիր
Կուսակալին, որ ունէր օրինակ զայս . « Յոյնք գրեալ են
առ իս թէ՝ 'ի դատին Կոստանդինուպոլսոյ ոչ է լեալ
դատաստան ինչ վասն Բեթղեհէմի և Աստուածածնի, և
չուներն գիր ինչ 'ի Պատրիարքէն և յազգէն իւրեանց վասն
այնց խնդրոց, որք տեղեակք էին դատին . նմին իրի չհա-
մարձակին Յոյնք զտեղեական և զբաժանորդ տեղիս յանձ-
նել, և դուք եւս թողեալ զգործն այնպէս 'ի վիճակի իւ-
րում՝ գրեցէք Իլամ և հարցունն 'ի Դուռն, և 'ի դատեան
նորոյ հրամանի ըստ այնմ գործեցէք »: Նուրի էֆէնտի
արար նմա պատասխանի այսպէս, « Դուք յառաջագոյն
հմուտ գողով մտաց Արքունի գրոց՝ գրեցիք քանիցս գիր
հրամանի վասն գործադրութեանց նոցին, իսկ որովհետեւ

կասկածեալ էք այժմ 'ի բունից Յունաց, գրեցէք 'ի Դուռն
որպէս վայելէ մեծութեան ձերում, եւ ոչ կարեմ գրել
թէ Պատրիարքն Յունաց չէ գրեալ, եւ թէ 'ի դատին
այնպիսի բանք չեն լեալ »:

Յետ այսր ամենայնի կոչեաց նաեւ Դատաւորն զՀայս,
և եցոյց նոցա զգիր Կուսակալին, եւ պատուէր առ ինքն
բաւական լինել և դադարիլ, զգործ Մենդեան և Աստուա-
ծածնի 'ի ժողովի վճարել, գրել Իլամ և առաքել առ ինքն
և ծանուցանել Տէրութեան, թէ այսպէս պարտ էր լինիլ
եւ յաւել ասել Դատաւորն . Հայք ընդդէմ իրաւանց Տէ-
րութեան՝ և հրամանաց նորին խօսիլ և գործել համարձա-
կին, նոքա ասեն . հպատակ եմք Տէրութեան և հնազանդ
հրամանի նորա, երկնչիմք ինքնագլուխ գործել ինչ, որ-
պէս գիտէք այնպէս գրեցէք, սակայն եթէ ըստ հրամանի
Կուսակալին առնէք վճիռ ինչ 'ի ժողովի, չտամք երթէք
պատասխանի ընդդէմ հրամանի Արքային, այլ գրեմք առ
ազգն մեր 'ի Կոստանդինուպոլիս և ծանուցանեմք թագա-
ւորին, և զոր ինչ հրամայեցէ նա՝ այնպէս առնեմք: Առ
այս Դատաւորն ոչ կարաց խօսիլ և ոչ ժողով գումարել,
և Մուվէլլայն հրաժարեցաւ երթալ 'ի ժողով Դատարանի .
սակայն չեղեւ յայտնի թէ զի՞նչ գրեաց Դատաւորն Կու-
սակալին, և յորդորէր զՀայս տալ Իլամ վասն բաժանոր-
դութեան հիւսիսային դրան Բեթղեհէմի, և Ս . Աստուա-
ծածնի ըստ հրովարտակին Սէլիմայ . զի գիտեմ ասէր,
Յոյնք օգնութեամբ Բգեչխին առնուն յինէն Իլամ և հան-
րագիր 'ի քաղաքացեաց չունել իրաւունս Հայոց . զի ամե-
նեքեան վիայեն թէ գուցէ տեսեալ եւ կամ լուեալ իցէ
մեր՝ Հայոց տիրել Մենդեան տեղոյն . նախ քան զգրել
Բգեչխին ինձ զայսմանէ, տաց ձեզ Իլամ, և յետ այնու-
րիկ չէ հնար ումեք այլայլել զայն: Ասեն ցնա Հայք . դու
զմեզ կարեւէր խոցեալ վիրաւորեցեր զիրտս մեր, և ար-
կէր զմեզ 'ի վասնդս յայս, և այժմ կամիս զվերս մեր պա-
սել . սակայն բարւոք 'ի միտ առեալ ծանեաք, որ այսու-
հետեւ չլինի երրէք օգնութիւն 'ի քէն, զի դու իսկ ըզ-
հրամանս Արքայի արհամարհեցեր, զորպիսի Իլամս տալ
խոստանաս, մնացէ առ այժմ այդ: Զի ծանեան զխար-
դախ միտս նորա, որով զխոստացեալն Հայոց, կամէր ան-

Թերի Թափել 'ի նոցանէ : Սակայն Հայք գիտէին թէ աւանց կնքոյ եւ գրոյ Մուվէլլային՝ չգործէր օգուտ ինչ իշամ Դատաւորին . զի նա էր վերատեսուչ գործոյն հրամանաւ Արքայի , և յայտնի դիտացեալ թէ չունի կատարիլ գործն ձեռամբ նորին , 'ի բաց կացին 'ի նմանէ :

Կոչեալ զնոսա առաջի իւր Նուրի Էֆէնտի , յայտնապէս ասէր՝ թէ գործն այս չկատարի աստ . զի 'ի տուրս առաւել են Յոյնք քան զՀայս , և ակներեւ տեսանի թէ Կուսակալն , Դատաւորն և այլազգիք քաղաքիս առաւել ունին նեղել զձեզ պաշտպանելով զՅոյնս , և դանձիւք վճարել զգործն ընդդէմ է հրամանի Արքային , վասն որոյ դուք գրեցիք առանձին մի ըստ միով : զամենայն զեղեացն առ գլխաւորս ազգին ձերոյ , և ես գրեցից զամենայն զոր միանգամ տեսի և լուսոյ առ գլխաւոր վերատեսուչ գործոյս Պաշմադէի Զատէ Զէքի Էֆէնտի և նա անխափ խորհրդակցելով ընդ մեծի Դեհպետին , և 'ի միասին զամենայն ինչ յանդիման կայուցանեն առաջի Արքայի . յայնժամ ելանէ անտի հրաման հզօր և կատարին ամենայն խնդիրք ձեր : Հաճոյ թուեցաւ այս բան Հայոց , և գրեցին :

Ի ամին Ժամանակի յարեաւ Պօճաքեանն զնալ 'ի Կոստանդինուպօլիս . Հայք մեղադրէին զնա եւ ասէին . դու Ոստիկան կարգեալ 'ի կողմանէ Տէրութեան , զխորդ անկատար թողեալ զգործն իութաս մեկնիլ աստի : Եւ նա պատճառէր զերկարիլ գործոյն , զանհաստատ միտս Դատաւորին , երթալ ծանուցանել զայս ամենայն ասէր Կուսակալին . եթէ ոչ կատարեսցի անդ , իութալ 'ի Կոստանդինուպօլիս եւ յայտ ասնել Արքայի և սպասել հրամանի նորին . չձանրանալ իւր ծախիւք 'ի վերայ Հայոց , և զժամանումն աւուրց հասանելոյ իշխանութեան , զոր խոտարցեալ էին 'ի Դրսնէ , այլովքն հանդերձ : Յորդորէր զնա եւ Նուրի Էֆէնտի ունինդիր լինիլ բանից իւրոց , չթողուլ զգործն անկատար եւ տարաժամ մեկնիլ , թերեւս բարկասցի Արքայ . այլ նիստ աստ ասէր , զի ծանուցուք Արքայի և ըստ հրամանի նորին գործեսցուք . այլ ես ասէ ոչ մեկնիմ աստի յուսացեալ 'ի զօրութիւն առաքչին իմոյ , այլ ծանուցանեմ եւ սպասեմ պատասխանոյ : Չէր հնար Պօճաքեանին մնալ յերուսողէմ . զի գիտութեամբ Դա-

տաւորին , Բաղաքապետին և սյուրց՝ սրնացեալ էր 'ի կողմն Յունաց եւ յազեալ : Պատրաստեցաւ 'ի չու եւ Ոստիկան Կուսակալին՝ յառաջ բերեալ զմիջնորդութիւն իւր առ Բդեշին վասն Հայոց , չպատրիլ 'ի բանից Յունաց . զարտուղի գրել 'ի Դուռն , եւ զպարտաւորին առաջի Արքայի : Հայք ետուն զվարձ ծառայութեան Պօճաքեանին յորդորմամբ Մուվէլլային . զինի բազում վիճմանց և խռովութեանց հոգալով և զայլ կարեւոր պէտս նորին , որդւոյն և ծառայիցն : Էստ նաեւ Ոստիկանն . հոգացին զժառայութիւն ձարտարապետին , գիտութեամբ Նուրի Էֆէնտեսոյ . զի արդարութեամբ կատարեաց զգործ իւր 'ի չափելն և 'ի քննելն : Իսկ Նուրի Էֆէնտի կարգաւորեաց զտուժար քննութեան և որոշեաց զժախն Հայոց վասն շինութեան տեղեաց նոցին , որ է 34,516 դահեկան 20 փարայ և 6 ստակ . իսկ բովանդակ ծախուց գումարն է 4,141,986 դահեկան : Գրեաց իշամ առ Տէրութիւնն վասն կատարեալ և անկատար գործոց , և յեա կնքելոյ զնոսա , ետ կնքել նաեւ Դատաւորին , և պատրաստեաց զայլ գրեանս առ այլ և այլ անձինս , յորս յայտնի ցուցանէր զհաւատարմութիւն ձարտարապետին . իսկ զտարաժամ վերադարձ Պօճաքեանին՝ ինքեան հարցանել ասէր : զայսուսիկ գրեանս յանձնարար Նուրի՝ ձարտարապետին , զորմէ Հայք եւս դոհութեամբ գրեցին : Արդ՝ առքա ամենեքեան անձինք իրրեւ 38 մեկնեցան յերուսողէմէ 'ի Դամասկոս ('ի 10 Յուլիսի) :

Իսկ Նուրի Էֆէնտի մնացեալ միայն յերուսողէմ՝ սկսաւ գրել առ Զէքի Էֆէնտի քարեքար իւր զամենայն հանդամանս գործոյն 'ի սկզբանէ մինչեւ ցօր մեկնելոյ նոցա յերուսողէմէ , զհակառակութիւն Դատաւորին , զխարդախութիւն Պօճաքեանին , զպակաս և 'ի Յունաց զգողացեալ տեղիս Հայոց 'ի Ս . Յարութեան , այլովքն հանդերձ , և անհնարին 'ի գլուխ ելանել գործոյն առանց հրովարտակի , որոյ վասն իսկ սպասէր . գրեցին նաեւ Պատրիարքն և միաբանք առ գլխաւորս ազգին պարագայիւք ('ի 21 Յուլիսի) : Երանի թէ յայնժամ և ես մնացեալ էր Արքունի հրովարտակն ասէին՝ զի անկեալ էին 'ի ներքոյ բաղամագուժար սրարուց զայսուսիկ գրեանս յանձնարարին Սլ. ամ Գալիլային և միաբան Սարգսին , ընդ որս էր եւ բարեպաշտուհի Խաթուն

տիկին մայր Գրիգորի Գալֆայի, որք եւ իջին 'ի Յոսպի նաւել անախ 'ի Կոստանդինուպօլիս:

Չինի մեկնելոյ սոցա, 'ի նմին աւուր եհաս թղթաբեր 'ի Դամասկոսէ, գրեալ հրաման Կուսակալին առ Քաղաքապետն՝ փութանակի առաքել զերկու զխաւոր վարդապետս Հայոց. գրեալ էր նաեւ առ թէոգորոս Պատրիարք վասն այսր. նոյնպէս գրեալ էին Քեահեայ Պէյն և նորին գանձապետ Յարութիւնն և Մէհէմմէտ Պէյ Ոստիկանն, որ յերուսաղէմ էր: Թէպէտեւ յառաջագոյն խնդրեալ էր Կուսակալն առաքել զմանս, այլ թէոգորոս զանց արարեալ էր զնովաւ, զի մի բացցի Դուռն մեծամեծ ծախուց. եւ յայս նուագ ստիպեալ 'ի հարկեցուցիչ բանից Կուսակալին և Քաղաքապետին, ընտրեաց զԿիպրացի Սարգիս և զԻսնէսիոս վարդապետս, եւ զերկրորդ թարգման զՅովհաննէս սարկաւագն: Սակայն Քաղաքապետն ռոսացեալ ընդ Հայս, առաջի եղ նոցա զինդիր կուռոյն Յովսէփ Արեմաթացոյ տեղոյն 'ի Ս. Յարութիւն, և պահանջէր 25,000 դահեկան, որպէս առեալ էր 'ի Յունաց. զի լուեալ Կուսակալին ոչ լուէ ասէր վասն այսր. Հայք զանց արարեալ զնովաւ ասին՝ զան հարեալ զմխարանս եւ զտեղիս մեր ետուք յախշապել, այժմ խնդրէք տուգանել եւս զմեզ. լուեալ Քաղաքապետին զբանս Հայոց, գրեալ աղբ արար Կուսակալին, և ընկալեալ զպատասխանն իրր յանդիմանութիւն ինքեան անփոյթ լեալ զգործէ իւրմէ, եւ ոչ ծանուցեալ 'ի ժամանակին զգիպուածսն. զայս գիր ցուցանէր Հայոց իրր սպանալիք թէ՛ դուք ոչ լուայք յայնժամ բանից իմոց, այժմ գրեցից զեղեալսն առ Բդեչխն և զընդդիմանալն ձեր. եւ 'ի դնալն անդ առնել ընդ ձեզ ըստ կամաց իւրոց. ծանեան Հայք զմխոս նորս և զառաջակայ վտանգն, որոյ վասն խոստացան լինիլ իրաւախոհ ընդ նմա:

Ապա կոչեալ զնոսա Դատաւորին տէր. Կուսակալն ըզձեզ և զՅոյնս յանդիման առնէ ատենի իւրում, և զգործն ըստ հրամանի Արքային կատարէ, եւ Պօժարեանն անդ օգնէ ձեզ. այլ նուրի էփէնտի զհակառակն պնդէր, լինել Բդեչխին 'ի կողմն Յունաց, եղեալ 'ի մտի կեղեքել նաև զՀայս. բայց պարտ է ջանալ և երկարել զգործն, մինչ 'ի

գալուստ տրտասխանի գրոց 'ի Կոստանդինուպօլսոյ: Յետ այնորիկ գրեաց թէոգորոս Պատրիարք զիր աղաչանաց առ Կուսակալն, առ երկրորդ նորին և առ այլ կարեւոր անձինս, պատրաստեալ իւրաքանչիւրոց զարժանաւոր ընծայս, և յանձն արար վարդապետաց. եւ նաեւ զպատճէն հրովարտակին և մեկնեցան յերուսաղէմէ ('ի 23 Յուլիսի): Ուղեկցու թեամբ երկուց զինուորաց և սուրհանդակին, ճանապարհ արարեալ սոցա հասին 'ի վերջին իջեւանս Սաղսազա կոչեցեալ, և մինչ պատրաստէին ելանել անտի՝ ահա եկեալ մտին 'ի նոյն իջեւան Պօժարեանն և ճարտարագետն իւրովք հանդերձ՝ և զարմացեալ ողջունեցին ըզնոսա, և 'ի հարցանել զպատճառ ճանապարհի նոցա, ասէ Պօժարեանն՝ Բդեչխն չուէի հաճութիւն կատարել զգործն Հայոց, որոյ վասն աճապարեմ 'ի Կոստանդինուպօլիս ծանուցանել զիրան Արքայի: Իսկ ճարտարագետն առանձին եցոյց նոցա չհաւատալ կեղծ բանից նորին, զի առաջի Բդեչխին արդարացոյց զՅոյնս, և նորս առեալ գաղտ 'ի Յունաց 5000 դահեկան և յայտնապէս ետ ցնա իրր շնորհինչ 'ի կողմանէ իւրմէ. լուեալ զայս վարդապետաց գրեցին գիր առ Աղբամ Գալֆայն և առ ընկերս նորին՝ փութալ հասանիլ 'ի Կոստանդինուպօլիս չմնալ ուխտաւորաց. զի Բդեչխն 'ի բանից Յունաց ձգեալ է զգործն 'ի Դուռն, եւ զմեզ կամի նեղել, եւ զայս գիր չյայտնել ումեք, (1813. 'ի 29 Յուլիսի, ժամ 7 գիշեր): զայս գիր ետուն ճարտարագետին հասուցանել նոցա յԱքքէ, և կամ ուր և պատահեցին:

Թէպէտ վարդապետքն կամէին դառնալ յերուսաղէմ, այլ երկեան 'ի Բդեչխն և 'ի զօրացն, և 'ի նմին աւուր ելեալ անտի մտին 'ի Դամասկոս եւ օթեւանս կալան 'ի վասն Հայոց Ս. Սարգսի եւ զգալուստ իւրեանց աղբ արարին կիւչիւք Յարութիւն գանձապետին, և 'ի վաղին չօքան առ Քեահեայ Պէյն և մատուցին զգրեանս, և նորս 'ի վերին երեսս սիրով ընկալեալ զնոսա հարցանէր զողջունէ Պատրիարքին և ձերունեաց, ապա եհարց զգործոյն, և նոքա պատմեցին զեղեալսն, և զանկատարսն ըստ մտաց հրովարտակին և դատին: Դուք ասէ յերուսաղէմ երկու կերպ սակարկութիւնս արարիք ընդ Մէհէմմէտ Պէյին,

առաջինն 500 քսակ, և երկրորդն 750, այժմ գինչ ունիք
 առնել աստ: և ևնքա առնն, ոչ սյդ պէս, զի 'ի կատա-
 րիւ գործոյն, յորժամ հանդերձեալ էր Ոստիկանն գիմել
 'ի կողմանս յայտսիկ, աղաչեցին զնա ծերունիքն փոյթ
 ասնել կատարման գործոյն խոստացեալ հաճել ըստ կա-
 րեաց զմիտս Կուսակալին, նոյնպէս և և յերկրորդ նուազի
 'ի գիմել նորա յերուսաղէմ աստիկ հրամանաւ, և 'ի վր-
 նել բանից 'ի ժողովի ծերունեաց, թէ: զինչ ունիք տալ,
 և ևնքա ամենեքեան կտուն պատասխանի թէ: ոչ երբէք
 կտիրմք յետս 'ի ծառայութենէ, այլ միայն կատարեսցի
 գործն և վերջացի խաղալութիւնն: և և վերջոյ սահմանե-
 ցաւ յետ լրանալոյ գործոյն տալ Կուսակալին 400 քսակ,
 և զոր ինչ յառաջագոյն վասն ձեր խոստացեալ էին: Իսկ
 'ի թախանձել Մէհէմէտ Պէյին հատուցանել 500 քսակ,
 ծերունիք չառին յանձն հայեցեալ յաղքատութիւնս իւր-
 եանց, և սակարկութիւնն մնաց 'ի մէջ 5-400 քսակոց:
 Սակայն այժմ աղաչեմք 'ի կողմանէ ծերունեաց առանց 'ի
 մէջ բերելոյ զանուն դրամոց, հրամայել ըստ մտաց հրո-
 վարտակին կատարել զգործն, յայնժամ ծերունիք և և 'ի
 հարկէ ճանաչեն զպարտաւորութիւն իւրեանց, և խոստա-
 ցեալ դուժմարն այն՝ վիցի հատուցանել 'ի պայմանեալ ժա-
 մանակի փոխանակադրով: և և նորա կոչեալ զՍողոմոն հը-
 րէայ սեղանաւոր Բդեշխին՝ հեգնելով և ծիծաղելով պատ-
 մեաց նմա զրանս վարդապետաց, և և նորա կեղծաւորեալ
 ասէ՝ վանորայք պատրաստ են միշտ ծառայել Տէրութեան՝
 Կուսակալին և ձեզ: այս գործ բազում անգամ խօսակցե-
 լոյ պէտս ունի, և և ոչ միանգամ և և երկիցս: Տար ուրեմն
 ասէ զոստ համբուրել զքղանցս տեսնն իմոյ, և և սպա խո-
 սիմք: և և և մոյժ զնոսս յատեան Կուսակալին և մատուցին
 զգիր Պատրիարքին, և և նորա ընթերցեալ զայն, և հարց
 զգործոյն, և և նորա պատմեցին համառօտիւ: և և ինչէր նըս-
 տեալ է ասէ Մուվելայն յերուսաղէմ, և և նոքա ետուն պա-
 տասխանի, ներքին դիտաւորութիւն նորին մեզ անդիտե-
 լի է իսկ զոր ինչ լուեալ է մեր 'ի բերանոյ նորին, այս է
 թէ՝ 'ի ճանապարհորդել նորին՝ Տէրութիւնն պատուիրեալ
 է նմա, յետ լրանալոյ գործոյն Իլամ առնել և և սպասել
 հրամանի, և և այժմ գործն մնաց անկատար, նմին իրի ըս-

տիպեալ է սպասել: Կուսակալն ասէ, զարմանք, Սոճա-
 քեանն և ճարտարապետն աւարտեալ զպաշտօնս իւրեանց՝
 առին զգրեանս և և մեկնեցան անտի, Մուվելայն սպասէ
 թէ տակաւին գործն թերի է՝ այլ և և ս զի՞նչ խնդրէք:
 վարդապետք ասեն, ըստ հրամանի արքային և և հաճու-
 թեան երկուց աղքաց 'ի դատաւատանին Հայք և և բաժա-
 նորք լինել ընդ Յունաց յորոչեալ տեղիս, երկարեցան
 բանք 'ի վերայ այսր խնդրոյ իրր կէս ժամ: Կուսակալն
 ասէ՝ իրաւունքն 'ի ձեռս Յունաց է, զի յառաջագոյն 'ի
 դատին ընդ Լատինս ցուցին ինձ զբաշնադիրն Օմարայ և
 զՄէլիմայ հրովարտակն, զորս դուք ոչ ունիք: Կարգա-
 պետք, 'ի մեծի դատին առաջի Գենալտին և Նախարարաց
 'ի ժողովի անդ ընթերցան զայնոսիկ, և և ըստ այնմ գրե-
 ցաւ Իլամ և տուաւ Արքայի, և և և սպա արտաքս նշանա-
 կեալ կարմրադեղով տալ հրովարտակ երկուց աղքաց ըստ
 մտաց և և 'ի նոսին բովանդակեցան բանք հրովարտակացն
 Սէլիմայ, և և Հայք ըստ մտաց նորին Իլամին պահանջեն:
 սակայն ոմանք ազահութեամբ միոյ կողման պաշտպան
 եղեն ընդդէմ հրովարտակին, և և միւսոյ կողման բռնու-
 թեամբ պատասխանեցին: այլ դուք որ երեք թճուղով վե-
 զիր և Իշխանն դաւառիս էք և մին 'ի պալատականաց Ար-
 քայի, յուսամք թէ առաւել փոյթ տանիք 'ի կատարումն
 և և 'ի գործադրութիւն Կայսերական հրամանին՝ զի Հայք
 և և հարատակ են Տէրութեան: Ապա եհարց թէ ո՞րպէս
 եղեւ քննութիւնն՝ և և որոշումն ո՞ր եղերեցաւ: Ասացին՝
 առաջի բաղնութեան այլապէսաց, և և գրեցաւ, և և մեք և և
 'ի գննին կայսք ընդ այլոց, և և յորժամ կամեցաք լինել
 վերահասու, ասացին, թէ չէ պարտ գիտել ձեզ նախ
 քան զառաքելն զայն առ Տէրութիւնն և և դալ պատասխանի
 նորին: Կուսակալն, եթէ այդպէս է զի՞նչ արարիք 'ի Ս. Յա-
 րութիւն: Ասացին, զկնի շինութեան Տաճարին այնորիկ,
 ոչ էին կախեալ պատկերք և կանթեղք մեր, այժմ զնոսս
 միայն կարգաւորեցաք: սակայն ունիմք տակաւին պահա-
 սութիւն բազում անդ: Իսկ 'ի Բեթղէհէմ և 'ի Ս. Աստուա-
 ճածին յուսամք թէ հրամանաւ մեծութեան ձերոյ կա-
 տարին ամենեքեան: Քարտուղարն ասէ՝ որոյն հրամանաւ
 կախեցան կանթեղքն և սխալեցին այնոսիկ:

Նոքա ասեն, գհևտ գնալով հրամանի Արքային և Կուսակալին՝ ձեռամբ Դատաւորի եւ Գործակալաց՝ առաջի բազմութեան այլադէտաց, ոմանք կատարեցան, և մնացելոց ետուն հրաման առնել ըստ օրինաց մերոց, այլ գործք Բեթղեհէմի և Ս. Սատուածածնի ոչ կատարեցան, Կուսակալն, միթէ Յոյնք յօժարի՞ն տալ զիականս եկեղեցւոյն իւրեանց՝ ի Բեթղեհէմ:

Ասեն՝ եկեղեցին ոչ է սեփհական Յունաց, որպէս ոչ է գրեալ ՚ի Գիրս Սէլիմայ Արքայի, այլ առ հասարակ Բեթղեհէմ գիւղի. եւ Յոյնք առին զայն ՚ի ձեռաց Լատինաց յամին 1758. և այլ սոյնպիսի բանք երկար, Կուսակալն՝ ՚ի միւս կողմանէ՝ ունիք իրաւուն. զի հպատակ էք Տէրութեան. եւ Հրեայ Սողոմոնն ՚ի շնորհս Վարդապետաց եւ իբր նախածանօթ Պատրիարքին, ասէ՝ սոքա զշնորհս տեսաւք իմոյ խնդրեն: Ի վիճարանութենէ ատի յայտնապէս երեւի թէ բովանդակ հարցմունք Բդեչխին են ՚ի բանից Յունաց. զի Սախարեայն յառաջագոյն էր անդ, և ՚ի ձեռն միջնորդաց և խոստմանց ձգեալ զնա ՚ի կողմն իւրեանց, եւ նորա խոստացեալ կատարել զխնդիրս նոցա և ընդ Սոճաքեանին գրեալ ՚ի Կոստանդինուպօլիս:

Եւ երեալ Վարդապետաց յԱտենէ Կուսակալին՝ պատմեցին Քեահեայ Պէյին զամենայն բանն զոր խօսեցան եւ լուան, և ապա Մէհէմմէտ Ռատիկանին, և նորա քաջալերեալ զնոսա՝ խոստացաւ և ինքն եւս խօսիլ ընդ Բդեչխին և ընդ Կրկրորդի նորին: Իսկ հայադիւ գանձապետ Յարութիւնն գտեալ զՎարդապետան անդ՝ ծանոյց նոցա զմեկնիլ իւր գործով իւրք ՚ի հայրենիս իւր, և ապա առաջի եղ նոցա ՚ի դիմաց Քեահեային բերել փութով 250 քսակ վասն Կուսակալին և 20 վասն Քեահեային իր թերհաչիւ, որով համարձակեցի մտանել առ Բդեչխն վասն գործոյն, զի Յոյնք բազումս խոստացեալ են. և թէ՛ աղաչեցի ասէ զՔեահեայ Պէյն չպահանջել ՚ի ձէնջ առաւել քան զխոստացեալն ձեր: Եւ նոքա ետուն պատասխանի՝ ցաւ է մեզ բաժանունն ձեր ՚ի մէնջ, զի Պատրիարքն եւ ծերունիք յուսացեալ ՚ի միջնորդութիւնս զո առաքեցին զմեզ, և այժմ՝ այսպէս թողեալ գնաս, այլ վասն դրամոցն զոր պահանջես՝ չունիմք երբէք ընդ մեզ դրամ, և ՚ի կատարել

գործոյն տամք բերել յերուսաղէմէ եւ հատուցանեմք, միայն Քեահեայ Պէյն աշխատ լիցի ՚ի գլուխ տանել ըզգործն, մեկնեցան Վարդապետքն ՚ի վանս, և Յարութիւնն ՚ի Պօս:

Գ Լ Ո Ւ Խ Լ Ա .

Վ իճարանութիւն Վարդապետաց ընդ Քեահեայ Պէյին վասն դրամոց, Դարձեալ վէճ եւ պահանջ Քեահեային վասն Բեթղեհէմի և Ատուածածնի: Գրեանք Կուսակալին ՚ի պաշտօնանութիւն Յունաց: Զգրեալ Վարդապետաց սամբանի և տալ մուրհակ պարտաց:

Ի ՎԱՂԻԻ անդր մինչ երթային Վարդապետքն առ Քեահեայ Պէյն, զինուորաց գտեալ զնոսա ՚ի ճանապարհի փութացուցանէին, որպէս թէ զայրացեալ իցէ նորա. իրրեւ յանդիման եղեն՝ խոժոռեալ Քեահեային ասէ՝ ո՞ւր էք զի ոչ երեւիք, ընդէ՞ր ոչ հոգայք զգործն ձեր, եւ ո՞ւր է բերեալ դրամն. նոքա ասեն՝ դրամ ոչ ունիմք ընդ մեզ, կատարեցէք զգործն, խոստանամք և տամք մուրհակս, զի այս է պատուէր ծերունեաց, և նոքա հատուցանեն: Ասէ, զի՞նչ ունիք տալ, ասեն 400 քսակս արծաթոյ: Եւ նորա լցեալ բարկութեամբ ասէ, խաղալիք են գործք ձեր, զի միայն վասն գործոց կատարելոց յաւուրս Սոճաքեանին խոստացայք ՚ի ձեռն Մէհէմմէտ Պէյի տալ միայն Կուսակալին 500 քսակս, այժմ զի՞նչ տայք վասն կատարման այլոց խնդրոց ձերոց. նոքա ասեն՝ ոչ այդպէս, զի օակարկութիւնն այն մնաց 5—և 400 քսակի, և այն զինի կատարելապէս վերջ տալոյ գործոյն, եւ այժմ եկեալ յոսս ձեր աղաչիմք կնուզեցուցանել զգումարն զայն: զի ծերունիք յուսացեալ ՚ի զթութիւնս ձեր առաքեցին զմեզ, և խնդրեմք չառնել զմեզ ամօթապարտ. և նա ասէ՝ վասն սյնորիկ փութամ զի կատարեցի գործն և գուր խնդութեամբ դարձիք ՚ի տեղիս ձեր:

Եւ իրրեւ աղերս արկեալ աղաչէին զնա՝ ասէ, ոչ այնչափ աղաչանք և պաղատանք օգնել ինչ կարեն, որչափ դրամն, ՚ի կարի թախանձել եւ ՚ի ժտելն, ասէ՝ զի՞նչ

տայք . առաջին 500 քսակ , որպէս խոստացան ծերու-
 նիքն , եթէ դործն կատարեալ վերջացի : Բեահէայն
 ստէ , ոչ ապաքէն սասցի թէ խաղալիք են դործք ձեր ,
 զի 500 քսակն վասն եղեալ իրաց խոստացայք , այլ վասն
 Բեթղեհէմի և Ստուածածնի զի՛նչ ունիք տալ , եւ պա-
 հանջէր 750 քսակ , եւ Հրեայ Սողոմոնն էր միջնորդ , զի
 ծանօթ իմ ասէր Պատրիարքին և գրեմ առ նա , զի եթէ
 ոչ հաճեսցի , ես հատուցից փոխան նորա , միայն դործք
 ձեր կատարեսցին : Իսկ վարդապետք ոչ կարէին խոստա-
 նալ աւելի քան զոր խոստացեալ էին ծերունիքն , և Սար-
 գիս վարդապետ պարզութեամբ ասէ՝ միայն 50 քսակ ա-
 ւելի խոստանալոյ ունիմք հրաման , վասն որոյ տամք 550
 քսակ , և ոչ աւելի . երկարեցան բանք ՚ի վերայ այս իր-
 բեւ ժամ մի մերթ սիրով և մերթ բարկութեամբ : Տե-
 սեալ վարդապետաց թէ չիք ազատութիւն , ստեն , ակն
 ունէպք ՚ի շնորհս ձեր լինել իրաւախոս ընդ Յունաց ,
 այլ բաց ՚ի քսակաց զայլ ինչ ոչ լսեմք , զի՛նչ ունիք տալ
 մեզ , որ այսքան քսակ պահանջէք , Ասեն՝ ըստ մտաց
 հրովարտակին զբանալի հիւսիսային դրան Բեթղեհէմի ,
 և դրածանորդութիւն ուխտի Այրին , եւ գերեզմանի Աս-
 տուածածնի ընդ Յունաց : Ասացին , Դատարոն Երուսա-
 ղէմի առաւել քան զդոսա խոստացաւ տալ մեզ , այլ մեք
 ոչ առաք յանձն , զի առանց ծանրութեան պարտ է կա-
 տարել մեզ զորէնս և ունել պատկերս և կանթեղս ընկե-
 րութեամբ Յունաց . զարմանք են՝ զի հրովարտակք երկուց
 ազգաց ՚ի մի միտս ՚ի մի թուականի եւ ՚ի մի յԱրքայէ
 գրեալ և տուեալ են , ընդէ՛ր ունիցին Յոյնք զամենայնն ,
 և զրկեսցին Հայք , և ս՛ր են իրաւունք բաժանորդութեան ,
 երկարատեւ դատաստանն և հրաման Արքայի : Բեահէայն
 ստէ՝ զի՛նչ ստէք , ս՛վ յիմարք՝ հայեցարուք ՚ի տուրս և ՚ի
 պահանջս ձեր : Ասացին՝ Հայք ոչ կարեն տոկալ պահանջից
 ձերոց , և Արքայն ոչ կտ ակն ընչից մերոց , այլ արդարու-
 թեամբ լուաւ զդատաստանս մեր և հաճութեամբ երկուց
 ազգաց ետ հրովարտակ . եթէ յօժարիք խնամով ՚ի դոր-
 ծարութիւնս նորին , պատրաստ եմք ճանաչել զվարտա-
 ւորութիւնս մեր , ապա թէ ոչ՝ սղջ լիցի Թագաւորն , և
 ՚ի սաստկանալ բանից՝ խոժորեալ Բեահէայնն ստէ՝ դիցուք

թէ ոչ կարացիք առնել զբանալին Բեթղեհէմի՝ և զայլ պա-
 հանջս ձեր , չպարտաւորի՛ք սպաս հարկանել տեսոն ի-
 մոյ . նորա ասեն՝ առ ի՞նչ պատճառի , կատարեսցէ ըզ-
 դործն , և ապա սպաս տարցուք : Բեահէայն , եթէ դործ
 ձեր չկատարեսցաւ , որպէս ստէքդ . ընդէ՛ր ետուք առա-
 տալէս Դատարոնին , Գործակալաց եւ մեծամեծացն Ե-
 րուսողէմի , և Խօժաքեանն մեկնեցաւ իբր կատարեալ
 զգործն , որում միայն տուեալ էք 160 . եւ այլազ-
 գեաց Երուսողէմի 430 քսակս , որոց տուամբն յղեալ են
 առ Կուսակալն : Ասեն , Խօժաքեանն խաբեաց զմեզ թէ
 գործն աստ չկատարի՝ երթամ ծանուցանել Կուսակալին ,
 զի եթէ անգ եւս չյաջողի , բողբեցից առ Արքայ , այլ
 վասն տրոցն զոր ասէք՝ արդարեւ մեք հոգացաք զամե-
 նայն պէտս նորա , եւ ծերունիքն հաղիւ կարացին տալ
 10.000 դահէկան , եւ զայն եւս ծանուցին զլիսաւորաց
 ազգին ՚ի Կոստանդինուպոլիս՝ առնել զարծանն , էսա
 նաեւ Ոստիկանն ձեր , այլ Դատարոնն տակաւին չեմք
 տուեալ ինչ , և այլազգեաց Երուսողէմի դուռն ուրեք , այլ
 ոչ որպէս կարծէքդ , զի չունիմք առ մեզ դանձ ղիղեալ :
 Խօժաքեանն երդմամբ հաստատեաց ասէ՝ առաջի Բղեհէմին
 թէ ՚ի Հայոց առ ի 40.000 դահէկան և տուամք յղեալ են
 առ Բղեհէմն , ում զինչ կտուք և խոստացայք . զայս Հրեայն
 եւս հաստատէր : Ասացին՝ մեք այդ աստիճանն նուէրս
 չեմք տուեալ և չունիմք կարողութիւն , իսկ եթէ Յոյնք
 տուեալ իցեն՝ չգիտեմք : Այլ Բեահէայն պնդէր միշտ
 զնոյն :

Ի սուգ տրամութեան պաշարեցան վարդապետքն եւ
 ոչ ուստեքէ ունէին միսիթարութիւն և օգնութիւն , եւ
 զայս ամենայն ստոյգ գիտէին ՚ի նենգութենէ Խօժաքեա-
 նին , զի որպէս միաբանեալ էր յերուսողէմ ընդ Դատա-
 ւորին և ընդ Քաղաքապետին ՚ի շնորհս Յունաց , նոյնպէս
 գնացեալ ՚ի Դամասկոս չըջեաց զմիտս նոցա : Եւ իբրեւ
 ոչ կարացին դատանել գերս իրաց՝ ազաչէին զԲեահէայն և
 զՀրեայն վարձան տալ դործոյն՝ խոստանալով հատուցա-
 նել 600 քսակս , որպէս պահանջէինն : Ապա ստէ՝ զի՛ եւս
 կերպարանիք կեղծեւ . Յոյնք խոստացեալ են և միով բա-
 նիւ պատրաստ են տալ 1000 քսակ Բղեհէմին , 200 ինձ ,

և 200 պալատականաց, այլ փութամ՝ զի գործն ձեր կատարեսցի, և օրն տարածամեալ մեկնեցան վարդապետքն:

Եւ ՚ի վաղիւն չօքան առ Ոստիկանն Մէհէմէտ Պէյ, և պատմեցին նմա դամենայն եղեալսն, և նորա յուսադրեալ զնոսա խոստացաւ խօսիլ ընդ Բդեշխին և ընդ երկրորդին, որ և արար իսկ չհայեցեալ ՚ի խօթութիւն իւր, Իսկ Քեահեայն վերստին կոչեալ առ ինքն զվարդապետսն ասէ՝ վասն Ծննդեան և Աստուածածնի 1500 քսակս խնդրէ ՚ի ձէնջ Բդեշխն, ապա թէ ոչ՝ միայն վասն Ս. Յարութեան 100 քսակ. ետուն պատասխանի՝ ծերունիքն զայդ ոչ հրամայեցին մեզ, ասէ՝ ընդէ՞ր եկիք. ասեն՝ Կուսակալն և գուր գրով խնդրեալ էիք և Ծերակոյտն զմեզ առաքեաց, զի ոչ երբէք յուսային թէ առանց քննութեան և իրաւանց առնէք զայդ: Ասէ՝ մի լիցի ձեզ ՚ի մէջ բերել զԾնունդ և զԱստուածածին, մոռացէք զայնս, և վասն այլոց հոգացէք զԲդեշխն. նոքա ասեն՝ զի՞նչ արարիք զի հոգացուք, միթէ Յոյնք հանեալ էին զմեզ ՚ի վանաց մերոց՝ և վերջստին մուծէք զմեզ անդր, և կամ շինեցա՞ք ինչ ՚ի տաճարին Ս. Յարութեան, այլ միայն ՚ի բաժին տեղիս մեր ըստ բնականին կախեցաք պատկերս և կանթեղս և այլքն մնացեալ են. Քեահեայն ասէ՝ այդ որիկ բանք ձեր չեն ինչ, զի զոր ինչ արարիք յաւուրս Խօծաքեանին, կարող եմք աւերել զամենայն, և առնուլ ՚ի ձէնջ զոր կամիրքս և տալ պատասխանի Տէրութեան՝ (դիտումն Քեահեայն էր տալ քանդել զԻւղարերից սեղանն և նշաւակել զազգն). զի հակառակորդք ձեր առ այս ջանան միշտ և աղաչեն և խոստանան բազում ինչ, Ասացին՝ մեք ընդ հրամանաւ և հոգտակ Տէրութեան եմք, արարէք որպէս վայելէ մեծութեան ձերում, Եւ նորա բարկացեալ ասէ՝ կատարեմք, զոր ասեմք՝ առնումք՝ զոր պահանջեմքս, դուք ընդէ՞ր եկիք այսր, միթէ ՚ի խնճոյս հրաւիրեցայք, և բարկութեամբ ելեալ գնաց անտի:

Իսկ Հրեայ Սողամանն սկսաւ մտիթարել և յորդորել զնոսա. շկամիմ ասէ թափիլ ձեզ ՚ի դրամոց, և ոչ վշտանալ Պատրիարքին և Ծերունեաց, սակայն սոքա բռնութեամբ առնուն ՚ի ձէնջ զդրամն, և յառակ նշաւակի կացուցեալ զձեզ, աւերեն զոր ինչ արարիք ՚ի Ս. Յարութեան:

Թիւնս ետուն պատասխանի, ոչ դրամ ունիմք և ոչ հրաման ՚ի Ծերունեաց, պատրաստ եմք ՚ի բանս և ՚ի մահ, ողջ լիցի թաղաւորն. զի ազգն Հայոց ոչ երբէք լքանէ զպատաստան իւր վասն երկուց ոմանց լքելոց. միթէ լաէ՞ Տէրութիւնն առ այս: Եւ ապա միջնորդութեամբ Հրէին գնացին առ Քեահեայն ներումն խնդրել և տալ միջոց ժամանակի գրել յերուսաղէմ և սպասել պատասխանի: Եւ նա ասէ՝ արք երեւելիք և պատգամաւոր եկեալ էք ասալ ՚ի կողմանէ վանաց, որպէս մեք՝ և Ծերունիքն իսկ գրեալ էինս՝ նոքա ասեն՝ յուսացեալ նոցա յԱստուած և ՚ի ձեզ գրեցին և առաքեցին զմեզ վասն գործոյ Ծննդեան և Աստուածածնի, և զխոստացեալ դրամն մուրհակաւ հատուցանել ՚ի պայմանեալ ժամանակին: Ասէ՝ ահա առաջի ձերէ՛ ճանապարհ՝ երուսաղէմի, որպէս եկիք, այնպէս գնացէք. գիտեմ՝ զեղանակն ասնոց զդրամն, և թերեւս աւելի՛ ելէ՛ք ելէ՛ք աստի՛ նոքա ասեն եթէ սիրով չարձակես զմեզ, որպէս կարեմք ելանել, և բաց ՚ի քէն առ ո՞վ երթիցուք: Եւ ելեալ նոցա արտաքս մինչ խորհէին առանձին, կոչեաց Քեահեայն զՎարդիս վարդապետ միայն ՚ի ներքս և հարցանէր զԻրօնէսիոս վարդապետէ, թէ ո՞վ լիցէ այրն՝ այնքան համարձակ և ճարտար ՚ի բանս իւր. և նա ասէ մին ՚ի բազմամեայ վասնակաւորաց Հարց Աթոռոյն, և ամս է վաստակեալ ընդ գլխաւորս ազգին ՚ի կոստանդինուպօլիս ՚ի դատին Յունաց, հմուտ ամենայն եղելոց իրաց. ասէ՝ աստ չգօրէ ինչ ճարտարութիւն բանից: Այս եղև ՚ի մատնութենէ Յունաց, զի ՚ի վաղուց անտի յիսացեալ էին ընդ նմա և կամէին արկանել գնալ ՚ի վասնդ, այլ նոցա զանց արարեալ զնովաւ գնացին առ Ոստիկանն և պատմեցին նմա որ ինչ եղևն. և նա ասէ՝ բազում ինչ խօսեցայ ընդ Բդեշխին, այլ այժմ՝ ՚ի ծանրութենէ տկարութեանս ոչ կարեմ պատմել, յորժամ եկեալիք ՚ի վաղիւ՝ պատմեցից, մեկնեցան ՚ի վանս:

Եւ ՚ի գիշերին յայնմիկ ծածկապէս իմացան զպատրաստիլ դրոցն Յունաց և ՚ի վաղիւն տալ նոցա ՚ի ձեռն Քարտաւարի Հրէի, որոյ առանձին գրեալ էր փոխանորդն Լատինաց յերուսաղէմէ գիտել զգործս Յունաց: Եւ ընդ առաւօտն աճապարեալ գնացին առ Ոստիկանն, և նա ա-

սէ . սոքա եղեալ են 'ի մտի սաճաւ 'ի մէնջ 4500 քսակն
 և չկատարել զգործն ձեր . զի Յոյնք 'ի ձեռն արոց դար-
 ձուցեալ են զգործն 'ի կողմն իւրեանց և ես վասն այսր
 կուուեցայ ընդ Բդեշխին և ընդ Երկրորդին՝ և մեկնեցայ
 խախ 'ի պաւատն . զիմի աւուրց ինչ դիմել 'ի կոտուանդի-
 նուսպօրն , և անգ զոր ինչ արժանն է արարից . զի երկուս
 հրամանագիրս եա սակս գործադրութեան հրովարտակին ,
 և ինձ առանձին պատուիրեաց կատարել զինդիր Բեթղե-
 հէմի և Աստուածածնի , եթէ տայցեն ինձ այսքան , այժմ
 մասն ինչ եւս յաւելիք դուք 'ի վերայ . այլ նորա չկատա-
 րեալ զգործն , դարձաւ 'ի կողմն Յունաց ընդդէմ հրա-
 մանի Արքային . և թէ ո՛վ խառնակեալ չիթեաց զգործն .
 նա տայցէ պատասխանի . եւ յաղաչել վարդապետաց լինիլ
 միջնորդ առ Քեահեայն . նա հրաժարեալ ստէ՝ 'ի կոչել
 նորա օգնեմ ձեզ իբրեւ բարեկամս եւ գնացին անտի առ
 Քեահեայն , և տեսին զթարգմանն Յունաց 'ի սենեակ Հը-
 րէին . ողջունեալ նոսան , և բերեալ Հրէին զգրեանս ես
 ցթարգմանն , և նորա սուեալ ուրախութեամբ մեկնեցաւ .
 եւ մտեալ վարդապետաց առ Քեահեայն աղաչէին զնա ,
 և նա ստէ չիք հնար այդմ , այժմ ընդ Հրէին աղաչեցաք
 զԲդեշխն , ոչ լուաւ , և 'ի կրկնել նոցա զաղաչանս՝ բար-
 կացեալ զառուելն խնդրէր , և ոչ մատուցանէր ունկն
 բանից նոցա . և յերկարիլն վերստին առաքեաց զՀրէայն
 առ Բդեշխն , և ես ա դարձեալ երեք զայս պատասխանի ,
 50 քսակն շնորհեալ , 4500 հատուցանել այժմ , և ոչ նե-
 րէր նոցա գրել յերուսաղէմ . նեղեալ աստի վարդապե-
 տաց՝ ասեն ցՀրէայն , ո՛յր աղագու պահանջէ՝ 'ի մէնջ
 Բդեշխն զայսքան դրամս . մինչդեռ ըստ կամաց Յունաց
 ես զամենայն գրեանս , եթէ կամի տուգանել զմեզ՝ ցուց-
 ցէ դյանցանս մեր . զի հրամանու նորին եկեալ եմք , եւ
 նա ստէ՝ Յոյնք 'ի ձեռն բազմագումար արոց առին զեր-
 կուս հրամանագիրս վասն Բեթղեհէմի և Աստուածածնի
 մեալ ըստ առաջին կերպին , և չթողուլ Հայոց առնել ինչ
 մինչ ցգաղուստ նոր հրամանի , և գիր մի եւս առանձին
 առ Քաղաքապետն Երուսաղէմի լինիլ պաշտպան Յունաց
 և գործոց նոցին զի մի նեղեցին յաւմեքէ , բաց յայցոցանէ
 խոստացան բաղում ինչ վասն քակելոյ զԼուզարերից սեղանն

և բոանալոյ զպատկերս և զկանթեղս զոր եղիք 'ի Ս . Յա-
 րութիւն . եւ Բդեշխն հաճեալ երեսի կատարել զայնս .
 եթէ չկատարեացէ զգործն ընդ ձեզ սիրով , թշնամին ձեր
 հզոր և 'ի տուրս առատս Ապա առեալ զՀրէայն մտին առ
 Քեահեայն , զի թերեւս շահեցին ինչ , այլ լուան զան-
 կարելին և զխառութիւն Բդեշխին , և յերկարիլ բանից
 սկսաւ նախատանօք թշնամանել զնոսա . եւ նոցա յանձն
 առեալ զամենայն ինչ ասեն , որո՞յ իրաւամբ զայսքան քը-
 սակս պահանջէք , միթէ մեղս ի՞նչ գործեցաք . զի խընդ-
 րեցաք կատարել զգործն ըստ հրամանի Արքային , եւ նա
 ստէ չգիտեմք զայդպիսի իրս . զի որպէս ետուք Դատա-
 ւորին , Խօժաքեանին եւ այլոց , Բդեշխն եւս պահանջէ .
 գուցէ զղջանջիք յետոյ , ասացաք ձեզ թէ բաց է ճանա-
 պարհ Երուսաղէմի ընդէ՞ր ոչ գնացիք , ո՛չ եթէ երթա-
 յիք . և 'ի կարի թախանձելն զնա վարդապետաց , զերըս-
 տին յրեաց զՀրէայն առ Բդեշխն , և նորա եկեալ ստէ՝
 բարկացաւ ինձ և քեզ , միայն 50 քսակն շնորհեալ է : եւ
 լուեալ զայս ելին տրամութեամբ արտաքս . եւ մինչ խոր-
 հէին զորպէսն , եկին հրաւիրակք և ստիպէին զնոսա եր-
 թալ առ Բդեշխն և զզնուել զխիլայս . Հրէայն յորդորէր
 զնոսա չաղականել տրամութեամբ զերեսս իւրեանց առա-
 ջի ամենեցուն , զի չէր ինչ օգուտ անտի : եւ իբրեւ յան-
 դիման եղեն , ետ բերել զսամուրենիս և զքեցոյց վարդա-
 պետաց և Ստրիաւազին , և 'ի խոնարհիլ նոցա 'ի յարգանս ,
 ստէ ցՔեահեայն՝ յոյժ բարկացեալ էի սոցա զի ոչ ճանեան
 զիս , եւ առանց հրամանի իմոյ մարտել կարծէին զգործն
 Ս . Յարութեան , սակայն այժմ ներեցի . և հանին զնոսա
 արտաքս , իբրեւ հարցին ցՔեահեայն , հրամայեաց նոցա
 գրել մուրհակ 450 քսակի . և 'ի պատճառել նոցա զկեղե-
 քումն՝ զայլ և այլ պահանջս Գանձապետին յերուսաղէմ
 'ի Պատրիարքէն , գրել առ նա գիր յանձնարարական , ա-
 ստէ՝ դուք զգործ տեղոյս հոգացէք և ոչ զերուսաղէմին ,
 մեկնեցան 'ի վանս . Յետ երկուց աւուրց կնքեցին զմուր-
 հակն պարտուց Դիոնիսիոս և Սարգիս վարդապետք և
 Յովհաննէս Սարկաւազ (1813 . 'ի 6 Օգոստոսի) . Եղին
 պայման հատուցանել զայն զիմի և աւուրց , որպէս արա-
 բեալ էին Յոյնք . եւ առին զերկուս հրամանագիրս մին

վան Ս: Յարութեան եւ մին վտան պաշտպանութեան
 Հայոց: Եւ գրեցին զայս ամենայն անցս զոր կրեցին՝ առ
 փոխանորդ Պօղոս վարդապետն 'ի Կոստանդինուպօլիս եւ
 յերուսաղէմ, և ինքեանք մնացին անդ իբրեւ 'ի պատանդ,
 և զգրեանս առաքելցին յերուսաղէմ ձեռամբ Սարկաւա-
 դին, զի չէր հնար մեկնիլ նոցա անտի: Ժանտախան տա-
 րածեալ էր 'ի Պաղեստին եւ յԱսորիս եւ հասեալ մինչ 'ի
 Կոստանդինուպօլիս: Բայց բարձաւ յերուսաղէմ ('ի 12
 Օգոստոսի): Իսկ Թէոդորոս Պատրիարք ընթերցեալ ըզ-
 գրեանս, գրեաց առ գլխաւորս ազգին եւ առ Արքունի
 Ճարտարապետն 'ի Կոստանդինուպօլիս, եղեալ 'ի միջի
 և զգիրս վարդապետաց: յայտ արար նաեւ զբառն տա-
 ռապանս իւր զոր կրէր յերեսաց գանձապետի Կուսակալին,
 զի փոխան նորա եկեալ էր 'ի չրջիլ՝ եւ բնակեալ արտա-
 քոյ քաղաքին, պահանջէր զտարեկան հարկս 450 քսակ,
 թող զայլ ընծայս և զծախս բանակին՝ պահանջ Դատաւո-
 րին, այլազգեաց քաղաքին՝ և Բգեչխին Աքքէի՝ այլովքն
 հանդերձ, յորոց պաշարեալ կային 'ի մեծի տառապանս:
 Գրեցին զպատասխանին գրոց վարդապետաց, այլ թղթա-
 տարն հասեալ 'ի Սամարիա մեռաւ 'ի ժանտախտէ: Ձհրա-
 մանազիրս Կուսակալին ոչ եղին 'ի գործ խորհրդով Մու-
 վէլլային:

Եւ 'ի սաստկացուցանել Գանձապետին զխստութիւն
 հարկապահանջութեան, անկան 'ի դրունս այլազգեաց և
 Հրէից խնդրէին դրամս, և կոչեալ Թէոդորոսի զՀրէայ
 Ռափայցէն սեղանաւոր բանակին՝ պատուեաց զնա սիրով
 և ընծայիւք, և խնդրեաց 'ի նմանէ միջնորդ լինիլ առ
 Կուսակալն թեթեւացուցանել զպարտսն Դամասկոսի եւ
 արձակել զվարդապետսն, և 'ի տեղի պարտուց ընդունիլ
 ձուլեալ ոսկի և արծաթ փոխանակ դրամոց, տալ ինքեան
 տոկոսիւք դրամ և գտանել փոխանակազիր 'ի Կոստան-
 դինուպօլիս:

Եւ եզեւ 'ի դառնալ բանակին 'ի Դամասկոս, զիջեալ
 Կուսակալն յաղաչանս Հրէին շնորհեաց զ50 քսակն, և յանձն
 առ ընդունիլ արծաթ և ոսկի ըստ արժողութեան, և յանձն
 արար զայն գործ Պաղտատցի վաճառականաց տնօրինել, զի
 ինքն հանդերձեալ էր մեկնիլ յուխտազնացութիւն Մէլք-

քէի: Գտին փոխանակազիր 45,000 դահեկանի 'ի Կոստան-
 դինուպօլիս կնքով Պատրիարքին, ապա վարդապետքն
 ստորագրեալ առաքելցին զայն: Կուսակալն մեկնեցաւ 'ի
 Դամասկոսէ և սեղանաւորքն ընդ նմա ըստ սովորութեան
 մինչեւ 'ի Միւղէրիւզ, և վարդապետքն ելին 'ի Դամաս-
 կոսէ (յ2 Հոկտեմբերի): Իսկ Դիոնէսիոս ախտացեալ տեն-
 դիւ 'ի Դամասկոս, և հասեալ 'ի Նազարէթ կրկնեաց հի-
 ւանդութիւնն, և հազիւ հասեալ 'ի Ռէմէ՛ անկաւ 'ի մա-
 հիճս: Ըուեալ Թէոդորոսի առաքեաց զմանս՝ և ետ տա-
 նիլ զնա յերուսաղէմ:



Գ Լ Ո Ի Խ Լ Բ .

Բգեչին Աքքէի: Փոխանորդն Յունաց: Յովհաննէս Պատրիարքի ան-
 կուսն: Արքունին Խոճարեանին եւ Դատաւորին Երուսաղէմի: Հան-
 դերձապետ Արքայի: Նոր Դատաւոր Մուսայ Էֆէնտի:

ԲԻՆՇՆՆ Աքքէի որ Միւթեվէլլի էր տաճարին Ս. Յա-
 րութեան, իբրեւ լուաւ զոր ինչ էառ 'ի Հայոց Կուսակալն
 Դամասկոսի, խնդրէր և ինքն նոյնչափ դանձս:

Փոխանորդն Յունաց առաքեաց զմանս յիւրոցն 'ի վանս
 Հայոց և առէ՝ բաւական լիցի այսքան տարածայնութիւն
 'ի մէջ երկուց ազգաց՝ երթայք պատարագեցէք ըստ ա-
 ռաջին սովորութեան ձերոյ 'ի վերաց գերեզմանի Ս. Աս-
 տուածածնի յաւուր չորեքշաբաթի: այլ Հայք ետուն պա-
 տասխանի: Եթէ թոյլ տայք առնել մեզ որպէս դուքդ
 առնէք, զի տեղին ընկերովի է, երթիցուք, ապա թէ ոչ՝
 մնացէ: այլ նոքա խորշեալ 'ի բաժանորդ բառէն, յառաջ
 բերէին նախ քան զ50 ամս: զի այնպէս հրամայեալ է ա-
 սէին՝ Արքայի: Եւ 'ի չգիջանիլ այսմ Հայոց, առին զիր
 'ի Դատաւորէն և յայլազգեաց քաղաքին վասն Բեթղէճէ-
 մի, թէ Հայք բնաւ չունին իրաւունս 'ի վերայ եկեղեց-
 ւոյն այնորիկ ոչ պատարազի եւ ոչ այլ իրաց: Բայց Նա-
 խիպն եւ Միւթիթին ոչ կնքեցին զգիրն, չկամիւք ստե՛ն
 լինել սուտ վկայ: նմին իրի Յոյնք ամբաստան եղեն զսո-
 ցանէ՝ 'ի Կոստանդինուպօլիս և Նուրի Էֆէնտի, որ նրա-

տեալ էր յերուսաղէմ՝ և սպասէր անուշ զպատասխանիս գրոցն , զամենայն արարս նոցա գրեալ ծանուցանէր 'ի պատշաճաւոր տեղիս :

Յետ դառնալոյ Հրեայ սեղանաւորաց 'ի Միւղերիպոյ 'ի Գամասիոս , գրեցին առ թէոզորոս Պատրիարք վասն հաշուոյ դրամոց , զոր ոչ ժամանեցին աւարտել զայն ընդ վարդապետաց . գրեալ է նաև Կուսակալն , թէ զհաշիւն մեր կատարեցաք ընդ սեղանաւորաց մերոց և և զգումար պահանջիցն ամբողջ ընկալաք 'ի նոցանէ , այսուհետև հաշիւն ձեր ընդ նոսա է :

Երկոցունց գումարն , այսինքն Գանձապետին և Կուսակալին եղև 900 քսակ , որոյ հատուցումն եղև կարի դժուարին և տաժանելի : Ապա երկար բանիւք գրեաց թէոզորոս Պատրիարք առ փոխանորդ Պօղոս վարդապետն և առ Ազնաւորեան Կարապետ Ամիրայ և առ այլս . հասանել նոցա և օգնել և փրկել զինքն 'ի տառապանաց , որպէս է տեսանել 'ի նամականիս նորին , զորս աւելորդ էր երկրորդէն աստ (յ8 Հոկտեմբերի) : Գրեալ էր նաև թէոզորոս վասն Պօղոս վարդապետի և այլոց ոմանց երթալ 'ի Ս . Էջմիածին և արժանի լինիլ Առաքելական աստիճանի Եպիսկոպոսութեան , սակայն ընդդէմ կացին Ամիրայք այսմ . զի տակաւին չէր 'ի գլուխ ելեալ գործ Երուսաղէմի , և Պօղոս էր 'ի գլուխ գործոյն և թեւակից Իշխանաց , որոյ վասն այնպիսի զատեցին տարաժամ մեկնիլ նորա 'ի քաղաքէն , և գրեցին առ Պատրիարքն . զի զինի խաղաղութեամբ աւարտելոյ զգործն , երթիցեն 'ի Ս . Էջմիածին , և թէոզորոս հաճութեամբ ընկալաւ զխոհական խորհուրդս նոցա : Զայսուսիկ այսպէս ծանուցեալ վերստին դարձցուք 'ի կարգ Պատմութեանս :

Յովհաննէս Պատրիարք Կոստանդինուպօլսոյ էր կարի յոյք և անձնեայ՝ մինչ չգորել շարժիլ 'ի տեղաօջի իւրմէ առանց օգնականի , և յառաւել զօրանալ ծանրութիւն մարմնոյն , նստէր յԱթոս 'ի ժամ Ս . Պատարազի ընթեռնուլ զերկար աղօթս և կատարել զՍ . Խորհուրդն . տեսեալ բազմաց տարօրինակ գործս նորին , հատան 'ի արտունջ . այլ նա ոչ կամէր անտալ , և մանաւանդ ասէր , թէ հեղինակ Պատարազին 'ի Ս . Վերնատան բազմեալ աւանդեաց

զայն Խորհուրդ : Եւ եւս 'ի համարձակիլ ոմանց՝ , գանկատէր զնոցանէ իրբև գանիրաւէ , որպէս փոխանորդն Երուսաղէմի Պօղոս վարդապետ ասէր՝ թէ չեն իրաւունք նրատելով պատարագելն . այլ նա ասէր միթէ ոչ գիտեմ ըզկանոս : Սակայն ընդ տկարութեան մարմնոյն՝ տկարացեալ էր և Պատրիարքական իշխանութիւնն , և չէր ոք որ երկնչէր 'ի նմանէ . թէպէտև զայս ամենայն հասուցանէին յունկն նորա , բայց նա անհոգացեալ ասէր . զի՞ փոյթ է այլոց զկառավարութենէ իմմէ , միթէ չունիմ իշխանութիւն առնել զոր կամիմս : Իսկ 'ի գործս զյայտունիսն միայն հարցանէր զլիսաւորաց ազգին , և զգաղտնիսն ինքն միայն 'ի ծածուկ կատարէր , և 'ի հրապարակիւն չգիտել ձեւանայր . նմին իրի բազումք ցրտացեալ էին 'ի սիրոյ նորա , և գործք Պատրիարքութեան այնպիսի յամենայն տեղիս , և տաղտկացեալ գլխաւորք ազգին :

Եւ 'ի ժամանակիս յայսմիկ Փոխանորդն Երուսաղէմի կամէր տալ զհաշիւն իւր ազգին՝ զի բազումք բամբասէին զնա թէ զարդիւնն Երուսաղէմի և տաժառակել Ամիրայից , մանաւանդ թէ ծախեաց զայն փոխան սարսուց Ազնաւորեան Բեհհայ Կարապետ Ամիրայի , և այնպէս բամբասէին զվեճ բարերարն Երուսաղէմի զայրն բարեզալտ :

Սակայն գործ Երուսաղէմի չեւ էր աւարտեալ , որոյ վասն մնայր հաշիւն : Իսկ 'ի սաստկանալ բամբասանաց , ստիպեաց զԱմիրայս Պօղոս՝ և առաջի եղ նոցա զՏումար հաշուոց և նոքա խոստացան տեսանել զայն բազմութեամբ ('ի Վ Սեպտեմբերի) : Եւ 'ի նմին աւուր եկին ըստ խոստմանց իւրեանց , ընդ որս էին և գլխաւորք արհեստաւորաց . տեսեալ Պատրիարքին և Փոխանորդի նորին զժողովիւն այնքան խուռն բազմութեան՝ զարմանային , զի ոչ գիտէին ինչ : Ոմանք 'ի գլխաւորաց առեալ զՊատրիարքն մուծին 'ի փոքր սենեակն և ստիպէին զնա գրել զհրաժարական իւր , և նորա ոչ մտտուցեալ ունին բանից նոցա , զպատճառն հարցանէր , և նոքա ստիպէին կամ հրաժարիլ և կամ տալ պատասխանի . զի դնացեալ 'ի Գուռն կատարեցնէր զոր կամէին . տեսեալ նորա թէ ոչ կարէ կալ ընդդէմ նոցա՝ յանձն առ կատարել զկամս ազգին , և ինդրեաց 'ի նոցանէ շփոարել զինքն յաքսոր և չթողուլ

յանկեան ուրեք անխնամ և անդարման, զի ընդ տկարութեան մարմնոյ իւրոյ, ունէր նաեւ աղքատութիւնն: Ամիրայք խոստացան տալ յիւրաքանչիւր ամիսս 250 դահեկան, վճարել զամենայն պարտս նորին, և հանգիստ նստուցանել զինքն 'ի վանքն Իւսկիւտարու, և չհատուցանել վիշտս ինչ ինքեան և իւրոցն: Յետ այնորիկ յանձն արարին նմա ընտրել զոր Պատրիարք 'ի տեղի իւր զո և կամեցի, և նա ընտրեաց զՏաթեւացի Մելիքեան զԱբրահամ Եպիսկոպոս, որ էր յայնժամ 'ի Ս. Ուոչ եկեղեցին Իւսկիւտարու, և առաքեալ զմանս արծին զնա և բազմեցուցին առ Պատրիարքին, և նա լու 'ի լու բազմաց յանձն արար նմա օրհնութեամբ զԻլխանութիւն Պատրիարքութեան, և նստուցեալ 'ի տեղի իւր խոնարհեցոյց զգլուխն, և ամենեքեան ուրախութեամբ մատեան 'ի համբոյր աջոյ նորին, և կոչեցեալ զԱտենադպիրն ետուն գրել 'ի Դուռն զառաջնոյն հրաժարիլն և զերկրորդին ընտրութիւնն, և կնքեալ զայն առաքեցին 'ի ձեռն Փոխանորդ Պօղոս վարդապետին եւ երկուց աշխարհականաց:

Ապա յանձն արարին Ամիրայք զնոր Պատրիարքն Փոխանորդին Երուսաղէմի՝ պահել զնա առ իւր մինչեւ ըզգեցցի վերարկու պատուոյ: Եւ յերեկոյն զնաց Աբրահամ ընդ Փոխանորդին առ Յովհաննէս, և զինի ուրախութեան, ետ ընծայս առաջինն յաջորդին իւրոյ պատուական գորգ մի, զմրուխտ ազնիւ մատանի Չաքարեայ Պատրիարքի և զերկոսին գաւառանս իւր և խնդրեաց անդորր և հանդիստ պահել զինքն և զսպասաւորս իւր մինչ 'ի վախճան: Եւ զինի 5 աւուրց զնացին հրաւիրանօք 'ի Դուռն մեծաւ բազմութեամբ Եկեղեցականք եւ աշխարհականք մեծահանգէս փառօք, և 'ի հասանիլն 'ի Դուռն Փաշային մուծին զնա յԱղջոթաբն, ուր էր Տեղապահն անդ զղեցուցին վերարկու պատուոյ Պատրիարքին, Աստուածատուր և Կարապետ Եպիսկոպոսաց, Երուսաղէմի Պօղոս և Սահակ, և Ս. Կարապետի Փոխանորդ Վարդապետաց, և Գարու Քեահեայսի Գէորդայ ըստ սովորութեան ժամանակին, և անտի գնացին առ Քեահեայ Պէյն, որ 'ի պատիւ նոցին ետ բերել խնկանոց և վարդի ջուր, զի աւուրք ծովապահութեան էին, և ապա չոքան առ Բէլզ Էֆէնտին:

և առ Չալուչ Պաշին, և իջեալ անտի 'ի դաւիթն անտին պատրաստեալ նժոյգս ոսկխանձս և զարդարեալ ծանրագին ոսկեթեւ ծածկութիւ, յորս աշտանակեցին Պատրիարքն, և այնորիկ որք ունէին զվերարկու պատուոյ, և ոմանք յերեւելի Վարդապետաց և յաշխարհականաց, եւ գնացին շքեղ փառօք 'ի Պատրիարքարան, ուր ընկալան զնոսս դասք Եկեղեցականաց մեծաւ հանդիսիւ զարդարեալ զգեատուք ըստ իւրաքանչիւր աստիճանի, ուր խընեալ էին անթիւ բազմութիւն արանց և կանանց, եւ Պատրիարքն մտեալ Եկեղեցին Օրհնեաց զժողովուրդն և արծակեաց: Եւ 'ի վաղիւն որ էր շաբաթ, բերեալ հանդիսիւ նստուցին զնա յԱթոս Պատրիարքութեան, և նախորդն չոքաւ 'ի վանքն Իւսկիւտարու իւրովքն հանդերձ, և Ամիրայք պատուէր ետուն Փոխանորդին Երուսաղէմի չխնայել ինչ 'ի նմանէ, և ամենեքեան զօհացեալ փառս ետուն Աստուծոյ զի առանց խռովութեան կատարեցաւ այս փոխութիւն Պատրիարքի:

Իսկ Դատաւորն Երուսաղէմի տակաւին կացեալ 'ի յամառութեան իւրում ստիպէր զՀայս առնուլ Իլամ վասն Ծննդեան և Աստուածածնի, և առաքել առ Տէրութիւնն այլ Հայք ոչ առին յանձն խորհրդով նուրեաց, եւ սպասելին առնուլ զպատասխանիս գրեանց: Հասին 'ի Կոստանդինուպոլիս գրեանք Թէոդորոս Պատրիարքի, նուրի Էֆէնտեայ, Դիոնէսիոս և Սարգիս վարդապետաց, զորս գրեցին 'ի Դամասկոսէ: Դուռն բարուք ծանեալ զանցս Երուսաղէմի և Դամասկոսի 'ի գրոց նուրեայ, և խնդրեցին ըզգրեանս Հայոց, եւ Պօղոս վարդապետ մատոյց զնոսս 'ի նոցանէ եւս առաւել պարզ և բացայայտ երեւեցաւ խընդիրն, և եհաս մինչեւ յունկն Արքայի եւ մերկապարանոց յայտնեցաւ դաւածանութիւն Ոսծաքեանին, եւ բարկացեալ Արքայի հրամայեաց գլխատել զնա, այլ հազիւ զերծաւ նա 'ի միջնորդելոյ ուրումն, եւ դատապարտեցաւ յաքսոր յԱնարայ: Գրեցաւ հրովարտակ եւ այլ կարեւոր գրեանք 'ի Իրանէ, եւ առաքեցաւ յատուկ սուրհանդակաւ (յ30 Սեպտեմբերի) աքսորել զԴատաւորն Երուսաղէմի գրեցաւ նաեւ առ Կուսակալն Դամասկոսի և առաքեցաւ այլ սուրհանդակաւ գործադրել զհրովարտակն:

Արքայի անանց նուազեցուցանելոյ եւ նշանակելոյ մի ան-
 դամ, զայսոսիկ ասէ Պօղոս վարդապետ 'ի նամակի իւ-
 բուսմ, եւ ինքնին լուայ 'ի բերանոյ մեծամեծաց Տէրու-
 թեանն: Եւ զլիաւորք ազգին, որք ժողովեալ էին 'ի սե-
 նեակ Լօնճայի, ետուն գրել փոխանորդին յերուսաղէմ,
 թէ յընդգիմանալ հակառակորդաց, չէ պարտ այլ եւս
 մաքառիլ ընդ նոսա, եւ առաւել քան զչափն թափիլ 'ի
 դրամոց, այլ 'ի ձեռն սուրհանդակի փութապէս ծանու-
 ցանել պարագայիւք, զի թարգմանեալ զգիրան տացեն
 Արքայի, եւ վասն առաւել ազդեցութեան՝ տացեն գրել
 նաեւ Նուրի Էֆէնտիայ:

Մինչդեռ Թէոդորոս Պատրիարք տատանեալ կայր 'ի
 խորհուրդս իւրովքն հանդերձ վասն անյաջող ելլց իրաց,
 ահա եհաս յերուսաղէմ Նուիրակապետն Արքայի հրովար-
 տակաւ ('ի 26 Հոկտեմբեր) ուղղեալ առ Բաղաքապետն
 Երուսաղէմի Ազաիւլ Գէրիմ Աղա, յորում յետ այլոց բա-
 նից ասէր. որովհետեւ Մուսաննըֆ Դատաւորն Երուսա-
 ղէմի այլ և այլ մեկնութիւնս տուեալ բանից կայսերա-
 կան հրովարտակին հակառակ եկաց նմին եւ ոչ կամեցաւ
 գործադրել զնա, որոյ վասն աքսորեացի 'ի Կիպրոս կղզին:

Ահ պատեաց զԲաղաքապետն և դողայր, զի համախոհ
 էր Դատաւորին, եւ կոծէին զանձինս իւրեանց. զի ընդ-
 դէմ կացին հրամանի Արքային: Չաչի հարան նաեւ Յոյնք
 և կուսակիցք նոցին՝ այլազգիք, եւ բարեք ծանեան թէ
 Սուլթան Մահմուտ Բ. ինքնին կացեալ է 'ի գլուխ գոր-
 ծոյն, եւ Դատաւորն սրտաւ հանել 'ի վաճառ զկարասիս
 իւր եւ 'ի չքմեղս լեալ ասէր՝ թէ զինակիր Արքային պա-
 տուիրեաց ինձ սրաշտպան լինիլ Յուսնաց, և չթողուլ Հայոց
 յափշտակել տեղի ինչ 'ի ձեռաց նոցին, որոյ վասն առա-
 քեցայ աստ. զի չեւ էր հասեալ ժամանակ դատաւորու-
 թեան իմոյ: Բայց Բաղաքապետն յորդորէր զՆուիրակա-
 պետն չաճապարել. գուցէ Արքայն փութացուցէ ասէ
 զգիր ազատութեան նորին 'ի ձեռն միջնորդաց, մանա-
 շանդ զինակիրն: Այլ նա ասէր. յետ տալոյ ինձ զգիրս
 'ի Իրանէ, պատուիրեաց զինակիրն փութանակի հանել
 զնա յերուսաղէմ: զի Խօճաքեանն արդեաւ 'ի բանտ և
 դատի, եւ վրէժխնդիր են սակս անկատար թողոյ նորա

զգործն, և պահանջեն զհամար գումարացն առեալ 'ի Յու-
 նաց. և ապա երթալ 'ի տեղի աքսորանաց և նորոգել զամ-
 բոցս յընչից իւրոց, և այս եւս 'ի միջնորդելոյ ոմանց, ա-
 պա թէ ոչ զլիապարտ էր նա: Ի բանից աստի կրկնա-
 պատկեցան երկիւղ Բաղաքապետին. զի ինքն չըջեալ էր
 զվիտս նորին 'ի կողմն Յուսնաց: Եւ մինչ դանդաղէր Դա-
 տաւորն ելանել 'ի քաղաքէն, հասին անդ երկու սուր-
 հանդակք եւս, եւ հանդերձակիր Արքայի (Չուխտար)
 և ընդ նոսա միարան Սարգիսն, բերեալ գիրս առ Նուրի
 Էֆէնտի և առ Պատրիարքն եւ հրամանաւ Արքայի կար-
 գեցաւ Դատաւոր Երուսաղէմի 'ի տեղի աքսորելոյն նախ-
 կին Բարտուղար դատարանի Մուսայ Էֆէնտի:

Այսոս այս էր 'ի քաղաքէն Երուսաղէմի եւ Դպրապետ
 դատարանի (1806), և դժտեալ ընդ Միւֆթի քաղաքին
 տարագրեցաւ 'ի Կոստանդինուպօլիս իբր ամս 10, և եմուտ
 անդ յայլ և այլ պաշտօնս, մինչեւ լինիլ Բարտուղար բա-
 նակի, և լեալ սիրելի յաչս Տիւրքի Չատէ մեծի Դեհպե-
 տին, ակն ունէր խնամալ նորին լինիլ Դատաւոր Երու-
 սաղէմի. 'ի մեռանիլ հակառակորդին իւրոյ, առաւել եւս
 ջան ետ յայն: Սա յառաջագոյն բարեկամ էր Հայոց, այլ
 վասն խռովութեան իրիք թշնամացեալ ընդ նոսա բազում
 վեատուք՝ յարեցաւ 'ի Յոյնս, եւ եղեւ առիթ նորոգելոյ
 զհին հրովարտակս նոցա հակառակ Հայոց: Եւ ապա ետ
 առնուլ նոցա զհրովարտակսն 1717-18 թուականաւ, ո-
 րով Յոյնք մերժել փութային խապտ զՀայս յերուսաղէմէ:
 Եւ յետ անցանելոյ ժամանակաց (1813) Սուլթան Մահ-
 մուտ խնդրեաց 'ի Դեհպեաէն տալ բերել յերուսաղէմէ
 զԵնչիս Ապու Սէօյիւան, ժառանգել զօրհնութիւն նորա,
 և նա առաքեաց զայս Մուսայ, բերել զնա անտի. բայց
 'ի մեկնիլ նորա 'ի մայրաքաղաքէն՝ Յոյնք ծանրաբէին ըն-
 ծայիւք և տրօք որոսցին զնա 'ի կողմն իւրեանց, որպէս
 գրէ ականատես Դիոնիսիոս վարդապետ: Եւ հասեալ նո-
 րա յերուսաղէմ զնաց 'ի տաճարն Ս. Յարութեան, ուր
 'ի նկատի էստ զշինուածան. տեղիքն Յուսնաց փառաւոր,
 եւ Հայոցն խաթարեալ: Եւ Թէոդորոս Պատրիարք պա-
 տուեալ զնա ընծայիւք հրաւիրեաց դալ 'ի վանս, և նորա
 եկեալ հաշտեցաւ ընդ նմա. Պատրիարքն աղաչէր զնա

արդարութեամբ խօսիլ 'ի կոստանդինուպօլիս, և նա երդ-
մամբ հաստատէր չառնել թշնամութիւն ինչ, այլ բարիս
եւ ապա առեալ զՆիսիս մեկնեցաւ յերուսաղէմէ, և 'ի հա-
սանիլ նորա 'ի թագաւորեալ քաղաքն, Գիոնէսիոս վար-
դապետ, որ տակաւին էր անդ, գնաց առ նա ընծայիւք
'ի կողմանէ Փոխանորդին: Եւ զինի բանից ասէ ցլարդա-
պետն, թէպէտ հրովարտակն ձեր ել, եւ ունին գնալ
Գործակալք յերուսաղէմ, սակայն գործ ձեր չկատարի,
մինչեւ ոչ եղէց եւ դատաւոր քաղաքին. եւ թէ՛ սիրտ
իմ ոչ բաժանի 'ի Յունաց. այլ արարից ձեզ և թոյլտուութե-
թիւն ինչ վասն սիրոյ Պատրիարքին եւ ստէպ աղաչանաց
նորին: Էսա զդատաւորութիւնն 'ի միջնորդելոյ Շէյխին,
որ և մեռաւ անդ, և եկեալ յերուսաղէմ նստէր 'ի տան
Իւրում, սպասելով լրման ժամանակի նախորդին իւրոյ:

Տեսցուք արդ թէ զինչ ունի գործել սա 'ի դատաւոր-
ութեան իւրում:

Յեա այնորիկ ընթերցան զգիրս Փոխանորդին, յորս
մի առ մի պատմէր զամենայն անցս Դրան. թէ սրպէս
հրամայեաց Արքայ պատուիրել նոր Դատաւորին գործակ-
ցութեամբ Նուրի Էֆէնտեայ կատարել զգործն Հայոց,
և թէ սրպէս կոչեցին 'ի ժողով նախարարաց զգործակա-
տարն Կուսակալին Դամասկոսի եւ յանդիմանեցին զնա
վասն անուղղայ գործոց Բդեշխին, և սաստիկ հրովարտակ
առ նոյն Կուսակալ՝ այլովքն հանդերձ: Գրեալ էր նաեւ
Դենպետն մեծ առ Մուսայ Էֆէնտի, ուր ասէր՝ գրեմ
առ քեզ հրամանաւ Արքայի կատարել զգործն արդարու-
թեամբ ընդ Նուրի Էֆէնտեայ, սրպէս ցուցանէ քեզ հրո-
վարտակն, և եթէ դու եւս հակառակեսցիս ըստ նախոր-
դին քում, մի կարծեր թէ միայն յաքսորս դատապարտիս:
Նոյնպէս գրեալ էին և մեծամեծք Դրան և Զէքի Էֆէնտի
առ Նուրի, զի զմտաւ ամեալ զվախճանն՝ արթնութեամբ
կատարեսցեն զգործն: Հանդիսիւ ընթերցեալ զգիր Դա-
տաւորութեան Մուսայի՝ հաստատեցին զնա յիշխանու-
թեան իւրում ('ի 29 Հոկտեմբերի): Իսկ Ջուսատարն Ե-
մուտ առ Դատաւորն եւ ասէ՝ Դենպետն զայլ ոք ունէր
կացուցանել 'ի տեղի աքսորելոյն, այլ զԻջեալ նորա 'ի
խնդիրս Հայոց զքեզ կացոյց, սոյնպէս և գրեալ էր Փո-

խանորդն: Նուիրակապետն խնդրէր 'ի նախկին Դատաւո-
րէն զվարձ ծառայութեան իւրոյ, եւ նա ոչ կամէր՝ իբր
աղքատ և գիտնական, և 'ի բազմանալ բանից և երթեւե-
կելոյ 'ի վանս Հայոց, Քաղաքապետն 'ի մէջ մտեալ՝ էսա
զմի մասն 'ի Հայոց և զմնացեալն 'ի Յունաց և արձակեաց
զնա: Իսկ նախկին Դատաւորն Մուսանըֆ ձեռամբ Իզդ-
րապետի Դատարանի խնդրէր 'ի Հայոց զառաջին խոստա-
ցեալ գումարն ըստ մուրհակին եւ նոքա առաջի եղեալ
զարարս նորին և զմեծամեծ վնասն, դարձուցին զնա յետս
ունայն, և պահանջէին 'ի նմանէ զոր առեալ էր յառաջա-
գոյն. և 'ի յայտնել նորա զխնդիրն նոր Դատաւորին, կո-
չեալ զՀայս ցուցանէ զմուրհակն և պահանջէ 'ի նոցանէ
զամբողջ գումարն, և յընդդէմ դառնալն Հայոց բազմա-
ցան բանք յերկուց կողմանց, եւ ապա զիջեալ 'ի կամս
նոր Դատաւորին ետուն նմա 10,000 դահեկան և առին
'ի նմանէ զմուրհակն, եւ Նուիրակապետն առեալ զնա
տարաւ 'ի Կիպրոս յաքսորս Այսպէս վտանգեցաւ Դատա-
ւորն Երուսաղէմի Մուսանըֆ յաղթեալ 'ի կրից եւ 'ի
կամակոր բռնութենէ իւրմէ:

Գ Լ Ո Ւ Խ Լ Գ .

Գործ նոր Դատաւորին՝ յառնութիւն և ազահութիւն նորին: Երկար
զէ՛ ընդ Հայոց և բանք Նուրի Էֆէնտեայ: Գալուստ նոր հրովարտակի:
Ընթերցուեալ նորին յեկեղեցին Բեթղեհէմի:

ՅԱՆՏԱՆԵՆ 'ի գլուխ պաշտօնի իւրոյ նորոյ Դատա-
ւորի մատեան առ նա Յոյնք իբրեւ նախածանօթ բարեկամ
իւրեանց, և սկսան որսալ զմիտս նորին և խոստանալ նմա
աւելի քան 200 քսակս դրամոց. զի պատճառանօք երկա-
րեսցէ զգործն, մինչեւ մարթոսցին գտանել հնարս կամ
'ի կոստանդինուպօլսոյ եւ կամ 'ի Կուսակալէն, յուչ աս-
նելով նմա զառաջին բարերարութիւնս իւրեանց. ապա
թէ ոչ՝ տալ տարագրել զինքն յանդարձ յօտարութիւն,
սրպէս Հայք ետուն աքսորել զնախորդն իւր: Սակայն

գիտաւորութիւն Դատաւորին էր իրաւախոհ՝ առնել զերկուս ազգս, և նովաւ կատարել զհրաման Արքային: Գնացին և Հայք առ Նուրի էֆէնտի, առ Դատաւորն եւ առ Քաղաքագեան եւ յորդորէին զնոսա սկիզբն առնել գործոյն: Դատաւորն միայն բանիւ յուսադրէր զՀայս, ամենայն ինչ կատարի ասելով՝ այլ սիրտ նորա էր ընդ Յունաց: Եւ զինի աւուրց ինչ կոչեաց առ ինքն զգլխաւորս Հայոց և Յունաց (ի 6 Նոյեմբերի), ուր եղեն բազմադիմի բանք՝ ի վերայ խնդրոյն: Հայք յեցեալ էին ի բառն բաժանորդ, Յոյնք անհնարին վարկանէին զայն, եւ ազաւանն չունիմք գիր ի կոստանդինուպօլսոյ, և թէ՛ բաժանորդք եմք վանաց Ս. Յակոբայ. և թէ՛ շիք յատուկ հրովարտակ ի Դրանէ վասն այսր, եւ թէ՛ Դենպետն չէ՛ ձեռքնէս այսպիսի գործոց, և այլ սոցին նման ծանր բանք՝ կամեալ երկեղուկս առնել զՀայս և զԴատաւորն: Թէպէտ եւ Հայք ետուն նոցա զարժանաւոր պատասխանիս, այլ Դատաւորն յորդորէր զնոսա միաբանիլ սիրով ըստ օրինի քրիստոնէից եւ հնազանդիլ Թագաւորին: զի հաւատով քրիստոնէայք և հպատակ Արքային էք ասէ՛ միաբանեցէք սիրով: մինդ ի ձէնջ տացէ փոքր ինչ եւ միւսդ այնու շատասցի, և այլ բանք: Իբրեւ չերեւեցաւ նշոյլ ինչ հաճութեան յերկուց կողմանց, ասէ՛ ես գոյով այլազգի՝ յորդորեմ՝ զքրիստոնէայսք միաբանիլ եւ բառնալ զխոսովութիւնն ի միջոյ, եւ չվատնել ընդունայն զինչս ձեր, ապա թէ՛ ոչ, առաւել կամիմք զխոսովութիւնն ձեր: զի շահ բազում է մեզ անտի, որովհետեւ ոչ կամիք լսել բանից իմոց, քաւեալ եմ ես: Իսկ Նուրի և Ջուխատարն ի հեռուստ գիտէին, թէ զինչ կամի առնել Դատաւորն: Թուի թէ վերստին հարկ լինի մեզ գրել ի Դուռն և ըստ պատել պատասխանոյ: Եւ զնացեալ Ջուխատարին ասէցնա՝ ընդէ՛ր երկարես և ոչ սկիզբն առնես գործոյն: զի առաքիչքն իմ սպասեն պատասխանոյ և սուրհանդակքն աստ են: Եւ նա ասէ կամիմ՝ հաճութեամբ երկուց ազգաց վճարել զգործն, զի մի վերստին ճանճրացուցեն զԱրքայ և զպարագայս նորին. և նա յառաջ երեք զբան հրովարտակին և զբառն երկուց ազգաց. եւ զիա՛րդ հաճութիւն որոնես աստ, և թէ՛ չէ՛ գրեալ վերստին դատել և հաճու-

թիւն տանալ: Տեսեալ Հայոց եւ բարոք իմացեալ թէ՛ գա եւս կալու զճանապարհ նախորդին իւրոյ, ասեն յայտնասէս, կամ՝ անթերի կատարեալ զգործն, կամ՝ աուր պատասխանի, զի զրեցուք առ որ հարկն է:

Եւ նա ասէ՛ կատարեմ զհրաման Արքայի, բայց զոր ինչ գրեալ է վայն առնեմ՝ տամ զբանալիս Մենդեան և Աստուածածնի, բայց կանթեղ, պատկեր կախել և կատարել զօրէնս ոչ հրամայեմ. ասեն Հոյք՝ նախորդն քո վասն այդոցիկ բանից զնայ յաքսորս, եթէ՛ ի նոյն չէր մարթ կատարել զօրէնս մեր, ընդէ՛ր աշխատ արարաք զՏէրութիւնն զամս և ի լսել զդատաստանս երկուց ազգաց, եւ վասն է՛ր ջնջեցաւ հրովարտակն ԱՂԳԷ. Աստ ի մէջ բերին զիմաստ հրովարտակին մի առ մի, և եթէ՛ ի հրովարտակին Հայոց պատարաք պատկեր և կանթեղ չեն գրեալ, նոյնպէս և ի Յունացն, և եթէ՛ Յոյնք ունէին զայնս, Հայք ևս ունէին, բայց ժամանակ առ ժամանակ յազմահարեալ զնոսա ատելութեամբ և մախանօք՝ բարձին զայն, այլ այն ամենայն էանց, այժմ՝ ամենայն ինչ հաւասար Յունաց պարսէ լինիլ. ասա բացատրեն զոմանս ի բառից հրովարտակին, ըստ օրինաց իւրեանց կատարել զՏէսս և չլինիլ խափան իրերաց. թէպէտեւ Դատաւորն երկնչիլ ձեւանայր ի սրոյ Թագաւորին, և առաջի աչաց ունէր զգատապարտութիւն նախորդին իւրոյ, բայց սիրտ նորա յարեալ էր ի գանձս Յունաց, նմին իրի իրաւախոհ բառն կրկնէր միշտ:

Յոյնք խնդրէին երկամեսայ միջոց ժամանակի բերել հրովարտակ արքունուսա առ ի խափանել զխնդիրն Հայոց. սակայն միտք նոցա էր սպասել զարձի կուսակալին յուխտազնացութենէ իւրմէ: Ասղա կոչեալ Դատաւորին առանձին զՅոյնս ասէր՝ Հայք ըստ հրամանի Արքային ունին իրաւունս լինիլ ձեզ հաւասար ի Բեթղեհէ՛մ և յԱստուածածին, այլ ի սէր ձեր փութամ սակաւ իրօք հաճեցուցանել զնոսա. նոյնպէս կոչեալ զՀայս ասէր՝ թէ՛ Յոյնք բնաւ ոչ հաճին ձեռն մտել ձեզ ի տեղիսն յայնտիկ, այլ ես վատտակիմ փոքու իւրք մասնակից առնել զձեզ, զի կատարեսցին կամք ձերս: Այսպէս խորամանկութեամբ կամէր որսալ զերկուսին կողմն ի շահ անձին իւրոյ: Նուրի էֆէնտի և Ջուխատարն թէ և զիտէին զերթեւեկութիւն

Հայոց և Յունաց առ Դատաւորն , բայց չգիտէին ինչ՝ եւ լռութեամբ 'ի զննին կային եւ վշտացեալ իմն էին 'ի նմանէ , զի չյայտնէր ինչ նոցա : Հայք յորդորէին զԴատաւորն կոչել երբեմն զՆուրի Էֆէնտի 'ի խորհուրդ , զի սխաշտօնեայ է և ըստ գրեւոյ Իննպետին գործակից նմա : Իսկ նա ասէր , իմ գոլով Երուսաղէմացի՝ գիտեմ զորպիսութիւն երկրիս և զհանգամանս երկուց ազգաց . նախ՝ կարգաւորեցից զամենայն ինչ ըստ եղանակին , եւ ապա ազգ արարեալ նմա սկիզբն արարից գործոյն : Այլ իրբեւ դանկատ ասացին Հայք ցնուրի թէ ընդէ՛ր երկարէ նա զգործն . ասէ՛ երկայնամիտ լեռուք տեսանել թէ զի՞նչ Գատաւորն և քաղաքացիք ունին առնել , այնուհետեւ կամ սկիզբն առնեմք գործոյն , կամ դրեմք 'ի կոստանդիստուպօլիս , կամ երթամք անդ , զամենայն ինչ մի օտ մի պատմել Տէրութեան , կամ Տէրութիւնն զմեզ աքսորէ , և կամ հզօր զօրութեամբ վերստին դառնամք այսր : Առ այս 'ի կասկածի եղեն Հայք՝ զի մի ծանրացի գործն , և հանդիպեցին ցամանս Արքայի՝ որպէս առաջինքն : Զի թէպէտ դրեալ էր Փոխանորդն ծանուցանել զհակառակողն , բայց 'ի վերջոյ յաւելոյր վարիլ խոհեմութեամբ , զի յայս նուազ եւս չեւանել գործոյն 'ի գլուխ՝ ունէր ծանրանալ : Ապա յորդորանօք Հայոց դնաց Զուխատարն առ Դատաւորն հարցանել զգործոյն , զի պատուէր ունիմք ասէր զինի չորից աւուրց դարձուցանել զսուրհանդակսն , և այս իններորդ օր է չտեսաք նշան ինչ : Իսկ նա շողաքորդ բանիւք ամուքեալ զմիտս նորա՝ արձակէ խաղաղութեամբ յինքեանէ , և կոչեալ առանձին զմին 'ի ժողովրդացն Հայոց զԻէորդ Պոտուռեան՝ պատմէ զանցս Զուխատարին , և յայտ առնէ զինդիր իւր , և նորա եկեալ պատմէ Պատրիարքին : Եւ 'ի վաղիւն Հայք իրր յանդէտս զնացին առ նա (յ8 նոյեմբերի) և 'ի լինիլ երկար բանից՝ դարձեալ առաջի ետ նոցա զինդիր իւր , և 'ի վերայ այսր տարապայման երկարէր զխօսս իւր , և 'ի վերջոյ ասէ յայտնապէս 300 քսակ միայն ինքեան : Այլ նոքա չաւին յանձն , զի 'ի լնել Պատրիարքին և Ծերուռեաց վշտանան , և անպատճառ գրեալ ծանուցանեն 'ի Դուռն . և 'ի յառաջ րեւել նորին զմտրճակ նախորդին իւրոյ , ասեն՝ եթէ կամիս

լինիլ նման նմա՝ խոստանամք , բայց վախճան նորա ուր եհաս՝ ձեզ թողու՛մք խնաստասիրել , և ճանաչել զՎալթան Սահմուտ : Ես ոչ առնեմ ասէ ըստ նախորդին իմոյ՝ զի նա յիմարութեամբ իւրով էանց անդ քան զչափ , ոչ վխտացեալն կատարեաց և ոչ զպահանջն էառ 'ի ձէնջ , և 'ի վերջոյ վտանգեցաւ , այլ ես 'ի գլուխ տարեալ զգործն առնում զինչս ձեր եւ օտմ պատասխանի հարցանողաց : միայն մի յայտնէք զգումարն , զի մի այլք ազահեցին , և նոքա ասեն՝ զիւրին արտասանին բանք այլ կարի դժուարին է տալ պատասխանի յիւրում տեղուջ , մանաւանդ զի ոչ կամիս կատարել զգործն հաւասար , այլ զբոյոսիկ ծանուցու՛մք Ծերուռեաց եւ Պատրիարքին , եւ դուք մի վշտացուցանէք զՆուրի : Իոքք կատարեցէք ասէ զգործն իմ : Զիւրին է որսալ զկամս նորա , այլ արժան է ձեզ երթալ առ նա և ասել թէ միտք Դատաւորին է 'ի կողմն Յուռաց , և 'ի պահանջելն մեր զբաժանորդութիւն հաւասար Յունաց , վարանի 'ի միտս իւր՝ թէ եկեղեցին է 'ի ձեռս Յունաց եւ Տէրութիւնն չէ գրեալ յայտնապէս վասն իրաց ձերոց , և կամ բառնալ զՅուռացն . վասն որոց հարկ է միանգամ խորհիլ ընդ Դատաւորին և կատարել զգործն :

Եւ նոքա զնացին առ Նուրի և պատմեցին նմա ըստ բանիցս այսոցիկ , բայց գտին զնա վշտացեալ 'ի նմանէ սակս չյայտնելոյ և չխօսելոյ ինչ զգործոյն . և ցուցանէր գրել 'ի կոստանդիստուպօլիս եւ կամ գնալ անդր : Եւ 'ի կարի թախանձելն Հայոց , յանձն առ երթալ առ նա և խօսիլ : Բայց 'ի կարծիս անկեալ ասէր . զի՞նչ ինչ խօսիք 'ի գնալն ձեր առ նա . մի գուցէ պահանջէ 'ի ձէնջ զյուրով դրամս . եւ ձեր ոչ կարացեալ յանձն առնուլ այսպէս տատանի գործն : Եւ նոցա չհամարձակեալ զստոյքն պատմել , ասեն՝ միթէ մարթ ինչ իցէ համարձակիլ յայդ պտիճան , որ ետես զվտանդ նախորդին իւրոյ , սակայն միտք նորա է իրաւախոհ առնել զմեզ . եւ երբեմն 'ի բանս իւր յայտնէ երթալ 'ի Բեթղէհէմ 'ի քննութիւն :

Դարձ արարեալ անտի պատմեցին զայս ամենայն Պատրիարքին և Ծերուռեաց , և խորհուրդք ամենեցուն 'ի մի կայացան , չտալ ինչ նախ քան զկատարումն գործոյն , զի

երկեան 'ի Թագաւորէն և 'ի նախատանայ ազգին և Եւ առաքեցին զԳէորդ Պատուո առ Դատաւորն , և յայտ արարին նմա զհրաժարումն իւրեանց 'ի գործոյ : Եւ նա պատուիրեաց նմա երթալ ասել , առանց ինչ առնելոյ ինիմ ձեռնամուխ 'ի գործն . և և ի թէ ոչ հաճեսցեն զկամս իմ , նուազեցուցանեմ քան զոր խոստացայ առնել յառաջագոյն , և այնպէս կնճուեցից զխնդիրն որ յաւիտեանս ոչ ոք կարացէ մաքրել և կարգաւորել . և եթէ 'ի սմին ժամանակի պատահեսցի խոտութիւն ինչ , չլինիմ երբէք միջամուխ , և դուք երբէք չունիք դատնել հանգիստ . և այլ սոցին նման բանք սպառնալեաց : Լուեալ վարդապետաց զայտոսիկ վերստին զնացին առ նա , և փոքր ինչ հանգարտեցին զմիտս նորա , և զբուսման սրտանջեալ նուազեցուցին . բայց նա չկամէր առնուլ ինչ առաւել քան զոր պահանջէրն , և այն իբր յանդորոթիւն Հայոց , զի մի իսպառ վշտացեալ Յունաց յարուսցեն ազմուկ խոտութեան և մշտնջենաւոր տեւեցէ այն , և զկնի այլոց բանից ամօքեցին զմիտս նորա , և և յանձն առին շատանալ առ ժամն խոստմամբ նորին և և մեկնեցան : Եւ ապա ըստ ազգ արարելոյ նորին դարձեալ գնացին առ նա (Նոյեմբեր 8) , ուր էին Նուրի Էֆէնտի և Ջուխատարն , և և ծանեան 'ի կերպարանաց նոցին թէ գժտեալ են ընդ միմեանս : Ասէ Դատաւորն՝ երբ ասացի ձեզ երթալ 'ի քննութիւն Բեթղէհէմի , զի ամբաստանեալ էք զինէն առ եղբայրն իմ . և և նորա վշտացեալ յանդիմանէ զիս , և և նոքա ասեն . եղեն այդպիսի բանք , երթալ անդ և բարեք քննել զտեղիս արդարութեամբ՝ տալ զբաժինս Հայոց , Նուրի Էֆէնտի ասէ՝ այսքան ժամանակ չծանուցանես ինչ ինձ , և զերկոսին ազգսն լուեալսն կոչեալ առ քեզ աղաչանօք եւ իրաւախնութեամբ կամիս զգործն կատարել , և զԲեթղէհէմ 'ի քննութիւն առնուլ , զոր չէ գրեալ Արքայի . և և եթէ միայն քեզ յանձն արարին զգործս Թագաւորն և Դեմետրն , կատարեալ ըստ կամաց բոց . զի յառաջագոյն կարգեցայ հրովարտակաւ Փոխանորդ Մուվելլայի և յայտ նուազ գործակից քեզ . ուստի հարկ անհրաժեշտ համարիմ ըստ սրտանոյս իմանալ զամենայն ինչ . զի պատասխանի տաց որոց հարցանենն զիս :

Դատաւորն պաշարեալ սկսաւ շիտիլ . որպէս կամիք այնպէս արասցուք : Ընդէ 'ր վշտացուցանեմք զիրեարս վասն գործոց կետալուրաց , Նուրի ասէ՝ գործս չէ կետալուրի , այլ Թագաւորի , և չէ արժան նուաստացուցանել զհրաման Արքայի . զի անեսայք զօրինակն , և և եթէ են տակաւին ցանկացողք , իջցեն յասպարէզ . և և եթէ կամիս գիտել զճշմարիտն , չէ հարկ երթալ 'ի Բեթղէհէմ , և և կամ հաւանութեամբ նոցին գործ կատարել , այլ իրեւ Դատաւոր նստեալ աստ՝ Ժողովոյ վճուեցուք զհրաման Արքային և աւարտեցուք զգործն . և և եթէ 'ի հաճութիւնս Յունաց ակնարկես , զայն դու գիտես , և և եթէ կրօնաւորք նոցին բռնաւորք իցեն , պարտ է ծանուցանել Արքայի : Դատաւորն ասէ՝ քաւ լիցի , Յոյնք ոչինչ ունին ասել , այլ կամիմ զի հաշտեցին ընդ միմեանս , զի վէճք սոցա ոչ վերջանան . ուրեմն 'ի վաղիւ խնդրեսցուք 'ի Ժողովի զբանալի հիւսիսոցին դրան և և յանձն արասցուք Հայոց , և և տացուք հրաման վասն ուխտի Այրին ըստ հրովարտակին : Հայք ասեն , յառաջագոյն պաշտօնեայք Տէրութեան կամէին գնալ յուխտ 'ի Բեթղէհէմ , և և 'ի վերադարձի իւրեանց հանդիսիլ 'ի Բեթղէհէմ , այլ իրեւ լուան թէ խռոտայոյզ Քեանհայ Փոխարքային Եգիպտոսի Մէհէմմէտ Ալեայ , 'ի դրամանէ Յունաց Ժողովեալ զբնակիչս գիւղին պատուիրեալ է նոցա 'ի սկսանիլ գործակալաց 'ի գործ , ազազակ բանալ , թէ Հայք ոչ ունին իրաւունս ոչ եկեղեցոյն և ոչ Այրին , և և եթէ բռնասցին նոքա , ընդդէմ կալ զինու և և աներկիւզ պատերազմիլ , և և ապա յասել Դատաւորին , թէ Նուրի Էֆէնտի եթող զքնաւն , զի մի 'ի պատճառս իւր լիցի խոտութիւն ինչ , Նուրի Էֆէնտի՝ ես ոչ երկնչիմ յերթալոյ , սակայն կարելի է Յունաց պատրաստել զգիւղականս և յարուցանել վէճս և աւելի վնիլ ազմկի մեծի և ճայթման զինուց . մեք թերեւս գանակոծեալ փախուցեալ ասրեսցուք , և և քանիք ոմանք անկցին 'ի Հայոց , և և ոչս ամենայն հասանիցի յականջս Տէրութեան , և 'ի գնալն մեր անդ չգիտեմ թէ զինչ պատասխանի տացուք : զի առ Յոյնս մարդասպանութիւնն ոչինչ է , որպէս 'ի շինութեան տաճարին Ս . Յարութեան այնքան իղբամոց մահուան առիթ կղեն , Յրուեցաւ Ժողովի :

Դատաւորն կոչեալ զԲէորդ Պատու առանձին յանցաւոր դատէ զՀայս, և դառնայ յառաջին խոստմանէ իւրմէ չտալ Հայոց այնքան ինչ, և չգնալ 'ի Բեթղէհէմ, եւ նա տայ նմա պատշաճաւոր պատասխանի՝ յայտ առնելով զինքն նահաւանութիւն իւր, և զթեւարկելն Յունաց. եւ ինքն կարէր խոհեմութեամբ չտալ տեղի խափութեան 'ի Բեթղէհէմ, այլովքն հանդերձ: Ապա յորդորէ զնա Դատաւորն զի հնարեցէ առաքել առ ինքն զՆուրի, զի հաճութեամբ նորին եղիցի դնալն, և Հայք բազում թախանձանօք հաճեցուցին զնա, երթալ և դառնալ անվնաս երաշխաւորութեամբ դատաւորին, և սպա խորհրդակցեալ ընդ միմեանս որոշեցին գնալ, և Հայք սկսան պատրաստել զհարկաւորեալն: Կուեալ զայսսիկ Յունաց դիմեցին առ Քաղաքապետն եւ աղաչէին զնա յայս նուազ եւս ձեռնառլ լինիլ ինքեանց և խափանել զգործն, որպէս արարեալ էր յառաջագոյն, մինչ ջղալուստ կուսակալին եւ պատասխանի թղթոց իւրեանց 'ի կոստանդինուպօլսոյ. զի առանց հրովարտակի ասէին, միայն դրով Գենպետին չէ հնար լուծանել զայսպիսի խնդիրս: Եւ նա ասէ՝ Գենպետն Արքայի գրեալ է առ Դատաւորն և առ Միւլիլայն կատարել զամենայն ինչ օրինօք Շէրիի, միթէ չիցէ՞ մեզ հրովարտակ սակա քարտման Դատաւորին և Սօճաքեանին, ուստի ոչ կարեմ լինիլ ձեռնամուխ երկնչիմ 'ի թագաւորէն, և եթէ Դատաւորն կոչեցէ 'ի ժողով անյապաղ գնամ: Եւ անտի չորքան առ Դատաւորն եւ մեղադիր լինէին նմա թէ զի՞նչ գործ գործեցեր ընդ մեզ, կործանեցեր զտուն Յունաց. լու էր մեռանիլ քան տեսնել զայսպիսի օրս, օտար դատաւոր օք ախոյեան եկաց Հայոց և խափանեաց զգործադրութիւն հրովարտակին, իսկ դու երուսաղէմացի եւ բարեկամ մեզ՝ առանց հրովարտակին արկեր զմեզ 'ի տագնապ տառապանաց. բարւոք խորհեաց եւ 'ի միա առ զոր առնեալ, և օպա զոր ունիս կրել, համբերեա մինչ ջղալուստ Բղեշխին եւ պատասխանի գրոց. եթէ սակաւ իցէ խոստումն, յաւելումք 'ի նոյն: Դատաւորն ասէ. չէ հնար այժմ լինել, եթէ 1000 քտակ եւս տայցէք, զի Գենպետն հրամանաւ թագաւորին գրեալ է կատարել զգործն գործակցութեամբ Մուլիլային, սակայն չըրկեմ զձեզ, այլ բարե-

կամութեամբ ասեմ լուել, զի տեսի զնախատինս նախորդին խնոյ, եւ անտի գնացին առ խախառաղլուխն Հրէից Աղբիանուպօլսոյ, որ 'ի նոյն աւուրս եկեալ էր յուխտ յերուսաղէմ, զիս առաքեցին առ Նուրի իբրեւ միջնորդ, որ էր նախածանօթ նորին, եւ խոստացան տալ նմա 200 քտակ, միայն անպիտ լինել 'ի գործն, որպէս Դատաւորն: Եւ նորա կշտամբեալ զբարեկամ իւր եհան արաաքս, զի առիթ լինէր անկանելոյ յաչաց թագաւորին և անոր տելոյ պատուոյն և լինիլ պատժապարտ իսկ: Եւ մինչդեռ այսպէս իւրաքանչիւր օք տագնապէր 'ի խորհուրդս իւր ոմն այսպէս և ոմն այնպէս. եհաս թղթարեւն 'ի Գառնա-կոսէ ('ի 12 Նոյեմբերի), եւ Քաղաքապետն կոչեալ ըզ-թարգմանն Հայոց. յայտ արար նմա զգալուստ զօրաւոր հրովարտակին վասն Հայոց. նամականիք 'ի Գենպետէն, 'ի Քայմազամ Բղեշխին կոստանդինուպօլսոյ առ կուսա-կալն եւ 'ի նորին իսկ Գործակատարէ, յորս խստագոյնս պատուիրէին, 'ի հասանիլ հրովարտակին անթերի կատարել զամենայն գրեալն. զի ցտուցեալ է Արքայի թէ զիւրդ մինչեւ ցայժմ հրաման նորին մնաց անկատար, կարծելով թէ դառնայ Արքայ 'ի բանից իւրոց: Այսոքիկ գրեանք հասեալ 'ի Գամակոս առ Տեղապահն և նորա մնացեալ գալտեան Բղեշխին, եւ աճապարեալ գրեաց հրաման առ Դատաւորն և առ Քաղաքապետն Երուսաղէմի՝ վութացուցեալ զնոսա 'ի գործ, զի մի այլ իմն մրտիկ յարեցէ 'ի կողմանէ Արքայի: Եւ նորա եկեալ պատմեաց զայս ամենայն Պատրիարքին և միարանաց, և նոցա լցեալ անպատմելի ուրախութեամբ՝ փառս ետուն Աստուծոյ, օրհնեցին զԱրքայ եւ զերախտաւոր բարերարս ազգին. եւ 'ի ծանուցանելն զայս Նուրի Էֆէնտեայ, ասէ՝ լուոյ նախ քան զձեզ, եւ սպասեմ կոչման Դատաւորին, որ և հրաւիրեալ զնաց ուրախութեամբ՝ արկեալ զկապուտագոյն կաշիկն 'ի նշան աստիճանի պատուոյն: Եւ գործեալ անտի պատմեաց Հայոց զգորութիւն հրովարտակին սմա միայն ասէ սպասէի համբերութեամբ, և ակն ունէի անպատճառ գալտեան նորին, որպէս ոմն 'ի մտերմեաց իմոց ազգ արարեալ էր ինձ, այժմ ուրախութեամբ երթամ 'ի Բեթղէհէմ:

Յետ այնորիկ սող արարին Հայք Դատաւորին 'ի ձեռն Գէորգ Պատուոց թէ ոչ հաճիմք առաջին խոստմանդ , զի բաց 'ի հրովարտակին և այլոց գրոց , գրեալ են նաեւ Փո- նորդ և գլխաւորք ազգին մերոյ . լինել հաւատար բաժա- նորդ ընդ Յունաց 'ի Բեթղէհէմ և Եւստուածածին ըստ մասաց հրովարտակաց , զի այնպէս հրամայեալ է Արքայի շինել փոքու իւրք նուազ 'ի Յունաց 'ի նոյն անդիս , և զընդգիմացողսն փութով ծանուցանել 'ի Կոստանդինու- պօլիս : Եւ նա ասէ՝ պուսեւ քան զխոստացեալն իմ ոչ տամ , և եթէ ստիպեալ անպատճառ պահանջեն , յայնժամ մեկուսացեալ 'ի բաց որոշիմ . եթէ պատահեսցի արգելք ինչ 'ի Կոստանդ Յունաց կամ 'ի Կուսակալէն և յայլոց : Սովա- տայր իմանալ թէ՛ Յոյնք ոչ ունին դադարիլ 'ի յուզելոյ գլխաւորութիւն . նմին իրի յակամայս լռեցին Հայք , զի մի զայրացի Նուրի Էֆէնտի և վերստին գրեսցէ 'ի Կոստան- գինուպօլիս և գործն երկարեսցի : Ապա զինի աւուրց ազգ- արար Դատաւորն գլխաւորացն Հայոց , Լատինաց և Յունաց երթալ 'ի Բեթղէհէմ . Լատինք փակեալ 'ի ներքս յահէ ժանտախալ՝ առաքեցին միայն զԹարգմանն իւրեանց . իսկ Յոյնք հրաժարեցան երկիցս և երկցս՝ այլ 'ի պատուի- բնոց և 'ի յորդորելոյ Դատաւորին յանձն առին դեալ , որք էին 1 Եպիսկոպոս , 2 Վարդապետ , գանձապահն Մեարո- փանոս և Թարգման Սախարեայն : Թէ ոչ որոն Պատրիարք առաքեաց զփոխանորդ Ստեփան եպիսկոպոս , զՄարկոս Եպիսկոպոս Եւդոկեացի , զնախկին փոխանորդ ձերունի Կիրակոս վարդապետն Մարաշցի , լուսարար Սիմէոն և Դիանէսիոս Վարդապետք , Թարգման Աւետիս՝ Պատուոցն Գէորգ և այլք . գնացին և այլազգիք : Դատաւորն Մուսայ Էֆէնտի Սալիտի , Նուրի Էֆէնտի , Քաղաքանկեան Ապ- տիւլ Գէրիմ , Եէնիչերի Աղասի , Միւֆթի Թահրի Էֆէն- տի , Նախիպ Օմար Էֆէնտի և այլք 'ի մեծամեծաց քաղա- քին , 'ի Կոստանդինուպօլսոյ , և 'ի Դամասկոսէ եկեալ Մարտիրոս սպասաւորք և զօրք իւրեանց , և ամենքեան իրրեւ անձինք 300 : Ի հասանիլ սոցա 'ի Բեթղէհէմ , ընդ առաջ ելին 3 ազգք ինկօք և մսնեղինօք , և տարեալ բազմեցուցին 'ի մէջ մեծի եկեղեցւոյն : Զինի պատուոյ և մեծարանաց , 'ի բաց եզին զԵսափայտան , և հրամայեցին

բազմիլ գլխաւորաց երկոց ազգաց : Ետ Դատաւորն զհրո- վարտակն ցնուրի Էֆէնտի ընթեռնուլ զայն 'ի լուր ամե- նեցուն : Եւ նորա բացեալ գրերոն իւր ասէ՝ ընթերցան առաջին Սաթթի Շէրիֆք և արձանագրեցան 'ի Դատարա- նի , որոց պատճէնքն են առ մեզ . այժմ հարկ է ընթեռ- նուլ ունիդիր լինիլ և ուշադրութեամբ 'ի միտ առնուլ զբան նոր հրովարտակիս , զոր շնորհեալ է բարերար Ար- քայն . և սկիզբն արարեալ ընթերցաւ , և զարմացեալ ա- մենեցուն ընդ ոճս հրովարտակին , բարիս մայթեցին Ար- քայի , և զոր ինչ հրամայեալ է՝ հարկ է կատարել ասէին : Զորոյ զԹարգմանութիւնն գիցուք 'ի ստորեւ :

Գ Լ Ո Ւ Խ Լ Դ .

Թարգմանութիւն երկրորդ հրովարտակին : Որչառն գրանց և եկեղեց- տն Հայոց : Վիճորմանութիւն ընդ դատաւորն վան բաժանորդութեան Այրին : Կախու մն կանթեզոց Հայոց :

ՈՒՂԵՍԱ առ Կուսակալն Դամասկոսի Սիւլէյման Փա- շայ , առ Դատաւորն Երուսաղէմի , առ Նուրի Էֆէնտի Մուլէլլայ , առ չորս գլխաւոր Կրօնապետս , առ Քաղա- քապետն , և առ այլս : Ի հասանիլ Կայսերական հրովար- տակիս՝ գիտութիւն լիցի , բարեյիշատակ նախնին իմ Սուլ- թան Սէլիմ առաջին , 'ի տիրել իւրում յազմանակաւ քա- ղաքին Երուսաղէմի , տուեալ է որիչ որիչ Հայոց և Յու- նաց Կայսերական հրովարտակ (Սաթթի Շէրիֆ) վասն ուխտի տաճարին Ս . Յարութեան , որոց պարտ և արժան էր , զգուշութեամբ վարիլ նոքօք և չառնել ինչ հակառակ նոցին . սակայն ժամանակ առ ժամանակ 'ի պատահիլ խը- աւօլութեանց 'ի մէջ երկուց ազգաց սակս նոյն տաճարի , տուեալ են հրովարտակք երկուց կողմանց հակառակ իմաս- տիւք : Եւ 'ի հրդեհիլ տաճարին՝ վերստին անկեալ է խը- աւօլութիւն 'ի մէջ նոցին , որոյ վասն յառաջին նուազի կազմեցաւ Ժողով Կայսերական հրամանաւ , յորում էին

Դեհպետան մեծ Տխրրի Չառն, նախարարք և այլք: րոյց յայնժամ ոչ լուծաւ խնդիրն և ոչ բարձաւ խոսովութիւնն երկուց ազգաց: Եւ յերկրորդում նուազի կազմեցաւ ժողով մեծ ՚ի Դեհպետութեան Օմար Սուլթանի Էֆէնտեայ, յորում էին մեծամեծք Տէրութեանն, դասք գիտնականաց, և Երեսփոխանք Հայոց և Յունաց, յառաջ բերեալ զհրովարտակն Սէլիմայ Արքայի: որպէս Յոյնք զբաշխագիրն Օմարայ: Արդ՝ երկուքին հրովարտակքն Սէլիմայ, տուեալ Հայոց և Յունաց, հինն ընտրեցան, յորս բացառայտ գրեալ են երկուց ազգաց ըստ օրինաց իւրեանց՝ ընկերութեամբ կատարել զուխտս ՚ի տաճարին Ս. Յարութեան, պայմանաւ առաջնութեան Պատրիարքին Յունաց: և արտաքոյ նորին եղեալ տեղեաց, որոց անուանքն եւս բացորոշ գրեալ են ՚ի նոյն հրովարտակն, առանց կռուոյ անկախութեամբ տիրել: երկաքանչիւր ազգք ՚ի ժողովին ընկալան զհրովարտակս միմեանց: Աին ՚ի խնդրոց խոսութեան էր սեփնական տեղիքն ՚ի Ս. Յարութիւն, որք դարձեալ յակննէ յանուանէ բացայայտ գրեալ են ՚ի հրովարտակս երկաքանչիւրոց, որք եւ հաճեցան անկախութեամբ տիրել սեփնական բնակութեանց իւրեանց, որպէս տիրեալ են ՚ի ժամանակս Սէլիմայ և անդր: Եւ երկրորդ խնդիրն էր Հայկէք, Ալթիք և Ասորիք, որք ՚ի սկզբանէ անտի սահմանեալ են լինիլ համազգային և հետեւող ազգին Հայոց, և Յոյնք ընդգէմ Կայսերական հրամանի հակառակեալ թէ մեզ են հետեւողք: Սորա բացակայ գտլով ՚ի ժողովոյն՝ ծանուցաւ երկուց ազգաց, գրել առ Գաթաւորն Երուսաղէմի քննել անք և ստուգել, զի որպէս էին նորա յառաջագոյն, այնպէս եղիցին և առ յապոյն: Եւ վերջինն ՚ի խնդրոց՝ բաժանորդ և սեփնական տեղիքն ՚ի Ս. Յարութիւն, որ նախ քան զայս հրեհհեալ էր, զբաժանորդ տեղիան՝ ընկերութեամբ, և զսեփնական տեղիս անկախութեամբ շինել և նորոգել: Սակայն չունի ոք իրաւունս միջամուխ լինիլ ՚ի խնդիրս շինութեան, զի այն պատկանի միայն Կայսերական մեծութեանս: զի ըստ ներկայ Շէրիի օրինաց համաձայն յառաջին ձեւոյն, առ որ կամիմ ՚ի հպատակոց Տէրութեանս՝ նմա յանձն առնեմ զայն: վասն այսր չունի ոք իրաւունս ամբողջան լինելոյ:

և ՚ի ամին նուազի զհրաման ընդհանուր նորոգութեան ետու Յունաց, չտիրելոյ՝ չգրուելոյ՝ չյափշտակելոյ պայմանաւ գտեղիս իւրաքանչիւր ազգաց: ըստ զօրութեան հրովարտակացն Սէլիմայ ընկերովի տեղիան ընկերութեամբ, և զսեփնական բնակութիւնս՝ անկախութեամբ ժամանակել: և վերջապէս ծանուցաւ երկուց կողմանց վարիլ ըստ տրուամադրութեան նոցին: Եւ նորա յանձն առեալ ընկալան, որով վերջացաւ ինպառ վէճն և խոսովութիւնն: և Գաթաւորքն Իլամ արարեալ մատուցին առ Թագաւորութիւնն և գրեցաւ հրովարտակ (Խաթիթի Շէրիֆ) երկուց ազգաց՝ յորս բովանդակեցան իմաստք Իլամին և հրովարտակացն Սէլիմայ ոճովք իւրեանց՝ և զհանգամանս դատին, ՚ի հաստատութիւն նորին: Եւ արձանագրեցան ՚ի Գիււանս և ՚ի Գատարանս, և սակս գործադրութեանցն նշանակեցան ՚ի Քլուսս նոցունց: Սակայն հարկ էր քննել զսեփնական տեղիս Հայոց՝ թէ որքան ծախս լեալ իցէ վասն շինութեան ձեռամբ Ոսթիկանի, Մուվլլայի և ձարտարապետի, ծանուցանել զճշմարիտս աստ: զհրովարտակն արձանագրել ՚ի Գատարանի տեղւոյն և իոյթ տանել գործադրութեան, և վարիլ ըստ տրամադրութեան նորին, և վասն այսոցիկ իրաց Կայսերական հրամանաւ և ակնարկութեամբ մեծի Դեհպետին որոշեցան Մուստաֆա Բաշխ Ոսթիկան (մուպաշիր): Մէհէմէտ Գալֆայ ձարտարապետ եւ առաքեցան յերուսաղէմ առնել ըստ մտաց հրովարտակին, եւ իւրաքանչիւրոց զգուշութեամբ հոգ տանիլ գործադրութեան հրովարտակին Հայոց:

Ձի թէպէտ նուիրական պարտաւորութիւն էր ամենեցուն չմխիլ յայնպիսի գործս, որք արտաքոյ են իշխանութեան իւրեանց, եւ հեռի մնալ պաշտպան և տէր լինելոյ միոյ կողման: զի Բեթվեհէմ եւ գերեզմանն Ս. Աստուածածնի բացայայտ գրեալ է ՚ի հրովարտակս Սէլիմայ, այլ Գաթաւորն Երուսաղէմի ազահութեամբ իւրով զմի կողմն պաշտպանելոյ ջանիւք, խոսովութիւն հանեալ է վասն Բեթվեհէմի և գերեզմանի Ս. Աստուածածնի, և առիթ առեալ հակառակ իմաստիւք գրեալ զարձանագրութիւնս Հէօճէթից, զորս Գաթաւորքն Երուսաղէմի ժամանակ առ ժամանակ ստեւալ են երկուց ազգաց: Չոճ և

զգրութիւն Կայսերական հրովարտական, զորս ետնւ յայժ նուազ Հոյոց եւ Յունաց 'ի հաստատութիւն հրովարտական Սէլիմայ, կամակորելով և զիմաստս նոցին շարաչտոր մեկնելով, անփոյթ եղեալ են զգործադրութենէ նոցին, որպէս եհաս յայս անգամ յականջս իմ. և զի Կայսերական կամքս իմ էր բան առ բան գործադրել զհրովարտական, զորս ետու 'ի հաստատութիւն հրովարտական Սէլիմայ, սակայն պաշտպանել միոյ կողման և հակառակիլ իմաստից հրովարտական գործ իմն է ընդդէմ Շէրիի օրինաց եւ Կայսերական կամանցս: Այլ 'ի մասին Բեթղէհէմի և գերեզմանի Ս. Աստուածածնի, ըստ պահանջման Շէրիի օրինաց երկու աղքբ բաժանորդ լինելոյ եւ այսուհետեւ ինսպան բառնալոյ զխոռովութիւնն, սուեան Կայսերական հրովարտակիք. և յաղաքս վարելոյ ըստ գորութեան նոցին՝ յատկապէս Կայսերական զիւանկս գրեալ առաքեցաւ այն հրովարտակս:

Արդ՝ դուք որ Վէզիր, Դատաւոր, Մուզելայց եւ այլ ոմանք էք, Կայսերական հրամանս է, ջնջել և բառնալ 'ի դատարանէն Երուսաղէմի գարձանագրութիւնս հակառակ իմաստիւք գրեալ Հէօճճէթից, զորս սուեալ են Դատաւորք վան աղահուութեան իւրեանց: Չտալ հակառակ մեկնութիւնս հրովարտակաց, եւ չթիւրել զարձարադոյն իմաստս նոցին, որք գրեցան համաձայն մտաց հրովարտական Սէլիմայ եւ չտալ կարեւորութիւն խոռովութեանց պատահելոյ յերկուց կողմանց, իսկ 'ի մասին Բեթղէհէմի և գերեզմանի Ս. Աստուածածնի ըստ պահանջման Շէրիի օրինաց՝ երկու աղքբ բաժանորդ լիցին, չտալով համարձակութիւն խոռովութեան վասն սոցին իրաց, Կայսերական կամքս այս է՝ միաբանութեամբ ջանալ եւ փոյթ տանիլ ըստ առ բառ գործադրութեան հրովարտակաց. չմիտել 'ի կողմն աղահուութեան, չսիրել կաշառս և չլինել առիթ յարուցանելոյ նորանոր խոռովութեանց, պաշտպան և տէր լինելով միոյ կողման: Եւ եթէ փոքր ինչ շարժումն եւս եղիցի հակառակ հրովարտակին այնմիկ, այնպէս գիտասջիք թէ համարձակողաց և հրամայողաց անտարակոյս պատիժ և պատուհաս պատրաստեալ են, այլ առնել որպէս գրեցաւ, և զհրովարտակսն մշտնջենաւոր բառ առ բառ

դնել 'ի գործադրութեան, և զգուշանալ 'ի հակառակէն և զընդդէմն գործելոյ, օրոյ վասն գրեցաւ Կայսերական հրովարտակս, 'ի հասանիլ սորա եւ այն. 'ի 10 Շէվվալ ամսոյ. 1778:

Յետ ընթեռնելոյ զհրովարտակն՝ եհարց Դատաւորն քր. Յոյնս. ո՞ր է հիւսիսային դուռն Այրին և բանալի նորին, նոքա ցուցին զայն, բայց զբանալին ոչ. գարձեալ ստէ՝ 'ի հրովարտակին դուռն և բանալի նորին գրի եւ Այրն ըստ անորդ երկուց աղքաց, եւ դուք տիրեալ էք երկց գրանց եկեղեցւոյն եւ բանալեաց նոցին, Հայք ուստի՞ մտցեն եւ ելցեն յԱյրն. զի ըստ օրինի սրտա է ցուցանել նոցա ճանապարհ. վասն որոյ տուք զի բանալի հիւսիսային գրան և միւսն մտացէ առ ձեզ: Հայք ոչ առին յանձն, այլ խնդրէին զայն դուռ միայն սեփհականել ինքեանց. բայց Դատաւորն լռեցոյց զնոսա, և նոքա դարձինքեանց. բայց Դատաւորն լռեցոյց զնոսա, և նոքա դարձեալ պնդէին, թէ եկեղեցին ոչ է սեփհական Յունաց. այլ գիւղին Բեթղէհէմի եւ միջնորմն այն նորաստանն՝ սակս անկարգութեան Ֆէլլահից, և չիք յիշատակութիւն նորին 'ի հրովարտակս երկուց աղքա. կամ սարտ է բառնորին 'ի հրովարտակս սեփհականել Հայոց: Դատաւորն ոչ մատուցեալ ունին բանից նոցա, ստէ ցՅոյնս բերել զբանալիս գրան, և նոքա ասեն՝ մի է բանալի նորին, և յարտաբուստ չունի տեղի բանալոյ. Հրամայեաց Դատաւորն բառնալ զայն. Յոյնք ոչ ունէին զայլ փականս, այլ Հայք յառաջագոյն պատրաստեալ էին զայն և հիւսն, քակեցին զչինն և բեւեռեցին զնորն երկու բանալիօք, եւ բացին յարտաբուստ տեղի բանալոյ և փակելոյ, եւ բերեալ զերկուսին բանալիսն եգին առաջի Դատաւորին. և նորա առեալ զմին ետ ցփոխանորդն Յունաց եւ զմիւսն ցփոխանորդն Հայոց Ստեփան եպիսկոպոս, պատուիրելով վարել իբրեւ եղբայր և օրհնել զԱրքայ, Եհաս ծամ ճաշելոյ՝ յետս կացին Յոյնք. այլ Հայք պատրաստեալ էին զամենայն ինչ:

Ձյնի կերակրոյ մինչ շրջէին 'ի սիւնաղարդ գաւթի եկեղեցւոյն, մատուցեալ Հայք առ Դատաւորն ասեն վասն փայտեայ միջնադրան, կամ իսպառ բառնալ զիսականս նորա, և կամ տալ զի բանալի ըստ Յունաց. զի 'ի փակել

զարտաքին երկաթեայ դռուն, զայն ևս աղիսէին յետուստ, որով խափանէր ճանապարհ Հայոց յԱյրն. Գատաւորն կամէր տալ զվի բանալի նորին, այլ Յոյնք խոտտացան թողուլ զայն բաց, ընդ այս թէ և հաճեցան Գատաւորք, այլ Հայք ստիպէին խօստ բառնալ զիրազին, ընդդէմ կացին Յոյնք. այլ 'ի պնդելն Հայոց, հրամայեաց Գատաւորն և քակեցին զայն, եւ մնաց այնպէս. խնդրեցին Հայք զբանալի արտաքին երկաթեայ դրան, և բաժանորդութեամբ աւել ածել 'ի սրնազարդ դաւթին. սակայն 'ի զօրանալ աղաղակին Յունաց, եթող զայնս դատաւորն. եւ ապա մտին ամենեքեան 'ի հիւսիսոյն կողմն եկեղեցւոյն, ուր էին խորանք երկու, եհարց դատաւորն, որոյն են խորանքս այսոքիկ, յառաջեցին Յոյնք և ասեն. մին Դպիթոց և միւսն Ասորոց, բայց Հայք երկիցս 'ի տարւոջ եկեալ կատարեն սատ զօրէնս իւրեանց, եհարց դատաւորն ցկատինս և նոքա ասեն թէ երկօքին սեղանքն եւս Հայոց են, Ասէ՛ Գատաւորն. խորանքս Հայոց են, զի Դպիթիք և Ասորիք հետեւող են Հայոց, և ոչ եթէ Հայք նոցա, ուրեմն բարձրցեն Յոյնք զզատակերս և դիցեն Հայք և կատարեցեն զօրէնս իւրեանց. Այլ Հայք ասէին, ոչ միայն զզատակերս խորանացն բառնալ, այլ և զորմոցն, զի սկսեալ 'ի հիւսիսային դրանէ մինչ ցդռուն Այրին լցեալ էին պատկերօք: Աս այս բազմացան աղաղակք Յունաց և Աւետիս թարգմանն առաւել ևս բարձրացոյց զձայն իւր, ոչ միայն զպատկերս, այլ և զկանթեղս, և միանգամայն անխօսիւ զձեռս իւրեանց 'ի սեղողջս յայմանէ, ապա թէ ոչ չմերձենամք 'ի խորանն և ծանուցանեմք Արքայի. բաւական լիցի զոր կրեցաք 'ի սոցանէ մինչև ցայժմ իբրեւ դերի. Գատաւորն, ընդէ՛ր աղաղակէք, այսուհետեւ չունիք խնդրել թողութս 'ի Յունաց, այլ միշտ համարձակ կատարել զօրէնս ձեր. Քաղաքապետն որ միշտ 'ի կողմն Յունաց էր, ասէ, իսկզբանէ անտի վշտացեալ է սիրտ Հայոց, զի յայրման և 'ի շինութեան տաճարին Յոյնք տիրաբար խորխոսային 'ի վերայ Հայոց, այժմ եհաս սոցա կարգ եւ ժամանակ, Նուրի էֆէնտի ասէ ցթարգմանն, հազիւ զերծաք 'ի մոլեգին աղաղակէ Մուսաննրֆ Գատաւորին, այժմ դմ՞ ըսկըսար, թէպէտ առանձին քաջալերէր չթուլանալ, Գատա-

ւորն, երկօքեանքդ քրիստոնեայ և հաւատակից էք, չէինչ վնաս 'ի պատկերաց ում և լիցի. համարձակեալ աստի Յունաց ասեն՝ ահա ըստ հրամանի ձեր՝ ակամայ օրմք զխորանսն, բայց սոքա եղեալ են 'ի մտի տիրել նմա. յատակին և չըջապատ որմոցն. Նուրի, եթէ թողումք 'ի կամս ձեր չտայք մատնաշափ տեղի, այլ ըստ հրամանի Արքային և հաստատ որոշման, տեղիս այս Հայոց է՝ եթէ 'ի վերայ խորանի կանգնեալ կատարեցեն զօրէնս, ճշմարիտ են բանք ձեր, իսկ եթէ 'ի վերայ յատակի եւ ժողովուրդքն զինի, յայնժամ ամենայն իրօք յատակն եւս Հայոց լինի, Յոյնք յանձնարինս մտեալ ասեն՝ եթէ այդպէս է՝ ուրեմն բաժանորդ եղիցի տեղին այն, որպէս դռուն եղև. ձայնակից էր սմին և Գատաւորն. իսկ Հայք աղաղակէին թէ անմարթ է այդմ լինիլ, և 'ի բազմանալ աղաղակաց երկուց կողմանց, Գատաւորն լռեցոյց զնոսա և ասէ՝ Դպիթիք և Ասորիք ունին յատուկ սեղանս յեկեղեցին Բեթղէհէմի, իսկ Հայք եւ ոչ քայլ մի ոտին. զնոյն ասէին եւ այլազգիքն. եւ թերի թողեալ զինդ իրն՝ իջին բազմութեամբ յԱյրն. եհարց Գատաւորն ցՀայս, ունի՞ք աստ կանթեղս և աշտանակս, նոքա ասեն՝ ունէ՛ք յառաջագոյն, որպէս տեսանի 'ի հրովարտակս և 'ի դիրս Գատարանի, այլ այժմ և ոչ մի ինչ, հողոց եհան Գատաւորն և եհարց ցՅոյնս, դուք և Հայք Քրիստոնեայ էք, ասեն այո, լինի՞ վնաս քրիստոնէութեան ձերում եթէ Հայք ևս ունիցին աստ քանի մի կանթեղս, լռեցին Յոյնք, և 'ի ստիպել Գատաւորին՝ ասեն որ մինչև ցայժմ չէ լեալ, այժմ նորաստձման ինչ չլինի, և բանք բաղում, ոչ ինչ ասացեալ ելին բազմութեամբ 'ի վեր եւ բազմեցան. Գատաւորն յետ խորհեց ընդ Նուրի էֆէնտեայ առանձին՝ ասէ, Հայք եւս կանխեցեն ճ կանթեղս յԱյրին, և վերջացի խնդիրն. Բարձրացոյց թարգման Աւետիս զձայն իւր և լռեցոյց զամենեւեան և սկսաւ յառաջ լերել զգատն կոստանդինուպոլսոյ՝ եղձանիլ հրովարտակին, զիմաստս երկուց հրովարտակաց՝ զբառն բաժանորդ. այլովն հանդերձ, և 'ի վերջոյ ասէր՝ երկնչիմք 'ի թագաւորէն, զի տեսաք զպատիժ հակառակողաց հրովարտակին եւ չարաշար մեկնողաց զիմաստս նորին, և 'ի սոյն նուագի եւս սպառնացեալ է Արքայ պատիժս այնպի-

սեանց, որպէս ընթերցայք եւ լուսյք, ուրեմն արդարութեամբ գործադրեցէք զբառն բաժանորդ, ապա թէ ոչ՝ չհամարձակիմք հաւանիլ Վոքու իրաց, զի յայտնապէս պատճառ լինիք բողոք բառնալոյ առ Տէրութիւնն և ձանձրացուցանելոյ զնա: Սրտմտեալ Գառաւորին գոչէր, ոչ կարեմ լուծանել զխնդիրս ձեր, գրեցից առ Տէրութիւնն զի ի բաց արասցէ յինէն զգործս: զի պաշտօնն իմ էր տալ զբանալի հիւսիսային դրան և զուխտս Այլին բաժանորդ առնել երկուց աղղաց, որպէս և արարի իսկ, և դարձեալ առեմ ՚ի լուր ամենեցուն ըստ մտաց հրովարտակին Այլիմայ, և երկուց հրովարտակաց Մահմուտայ՝ երկու աղղք բաժանորդ էք Այլին և հիւսիսային դրան: Հայք, զբաժանորդ բառն իմանամք ՚ի բաժանորդ տեղիս ընդ Յունաց կատարել զօրէնս մեր պատարագօք, կանթեղօք և այլ եկեղեցական սպասուք, որպէս եւ գրեալ է ՚ի կատարել զօրէնս չլինել արգել միմեանց, դուք այժմ հակառակ հրամանի արգելուք կատարել զօրէնս մեր, և այսպիսի բանիք համարձակութիւն տալ երեւիք Յունաց, որոյ վասն եւս գրեալ է: Դատաւորն՝ զիս եւս յանցաւոր դատէք, որպէս հրամայեցից զոր էք գրեալ Թագաւորն, պատարագ կանթեղ պատկեր, միթէ քահանայ կեալուրաց իցեմ գիտել զհանգամանս օրինաց ձերոց և հրամայել, զի ոչ ներեն օրէնք մեր գիտել զայն, զոր դուք պատարագն անուանէք, եւ հրաման տալ, այլ որպէս գիտէք զօրէնս ձեր այնպէս արարէք: Հայք ոչ երբէք կամէին խաղաղիլ, այլ ստիպէին ասել թէ զոր ինչ ունին Յոյնք զնոյն արասցեն և Հայք: Եւ նորա վարանեալ ՚ի միտս իւր ստէր՝ ոչ է գրեալ Թագաւորին խախտել զօրէնս Յունաց, և հաստատել զՀայոց, Հայք՝ ոչ այդպէս, այլ Հայք յամենայն պարագայս ըստ Յունաց կատարեցեն զօրէնս: Դատաւորն, որպէս կամիք այնպէս արարէք, գիջամտեմք: Հայք՝ ոչ այդպէս, այլ պարտ է հրամայել ձեզ բերանով, հրամայեցաք ասէ վասն ուխտին ձերոյ, զի զոր ինչ Յոյնք և Հայք առնէին յառաջագոյն այնպէս արասցեն:

Հայք՝ ունէաք յառաջագոյն գտովորութիւն պատարագելոյ, բայց այժմ Յոյնք արգելուն. զի՞նչ արարից ասէ. զի Յոյնք սկզբանէ մինչեւ ցայժմ ունին զամենայն ինչ, այլ

վասն Հայոց միայն ուխտ գրեն: Հայք՝ եթէ այդպէս իցէ ո՞ւր դիցուք զհրաման Արքային, թէ ժամանակ առ ժամանակ ՚ի պատահիլ խառնութեանց հակառակ իմաստիւք հրաման տուեալ են, այլ վարեցին ըստ հրովարտակացն զոր ՚ի սոյն նուագի ետու երկուց աղղաց. զի եթէ մի են հրովարտակք երկուցունց, աւելորդ են այդպիսի բանք, և ոչ գտանեն տեղի ՚ի լսելիս մեր. զի զոր ինչ կատարեն Յոյնք ըստ օրինաց իւրեանց, զնոյն և Հայք կատարեցեն: Չանձրացուցիք զմեզ ասէ, զի շնչասպառ պարտասեցաք, այլ բանք ձեր ոչ սպառեցան: Հեռացան Վոքու ինչ Հայք և Յոյնք, Դատաւորն և Մուղլլայն սկսան խորհիլ, ապա կոչեալ զՅոյնս խօսեցաւ յունկանէ, և յորդորէր զՀայս հնազանդիլ: Սակայն Հայք ասացին, ոչ ինչ օգտին աղաչանք, զի այս հրաման Արքային է և գործ աղղային, մեք իրբեւ երեսփոխանք նոցին, զոր ինչ պարտն է զայն խօսիմք, և ոչ երբէք բաժանիմք ՚ի բաժանորդ բառէն. եթէ կատարէք ըստ հրամանի Արքային՝ բարի՛ եւ եթէ ոչ՝ որպէս գիտէք այնպէս արարէք: Ապա ասէ ցնորի էֆէնտի, սքա երկուքեան չունին տալ երբէք հաճութիւն, ելեալ կարգադրեսցուք, եթէ հաճին՝ բարի, իսկ եթէ ոչ՝ ինքեանք գիտասցեն: Եւ եկեալ առաջի խորանին Հայոց, խօսէր ընդ նոսա բարկութեամբ, և ՚ի չտալ նոցա տեղի չղրքորդ բանից նորին, կոչեաց առ ինքն զԻէորդ Պտտու, և սկսան կազել ընդ միմեանս վասն բառնալոյ անտի բզպատկերս Յունաց եւ կախելոյ կանթեղս յԱյլն. Եւ զկնի բանից և վիճմանց՝ իջին ամենեքեան յԱյլն. յայնժամ ասէ Դատաւորն՝ ահա ետու ձեզ հրաման կախելոյ զտասն կանթեղս, զի բաժանորդ էք ընդ Յունաց, գջորսն ՚ի վերայ Ծննդեան տեղոյն և զվեցն յառաստաղէ Այլին ՚ի պատշաճաւոր տեղիս և յաղաղակելն Հայոց թէ անմարթ է մեզ պակաս ինչ ունիլ՝ քան զոր ունին Յոյնք, Դատաւորն մեղմով աղաչէր զնոսա շատանալ նոքօք, ապա հարեալ բեւեռս կախեցին զջորս կանթեղս ՚ի վերայ Ծննդեան տեղոյն ՚ի սխառս մանկացելոյն Յիսուսի և ՚ի պատիւ աղղին Հայոց:

Իրբեւ կամեցան կախել զվի կանթեղ ՚ի վերայ աստիճանաց հիւսիսային դրան, ընդդէմ կացեալ Լատինաց ա-

սեն՝ Յոյնք և Լատինք բաժանորդ են դրանս այսմիկ, եթէ Յոյնք թողուն կախել զմի կանթեղ 'ի վերայ աստիճանաց հարաւային դրան, թողումք սպա և մեք. ընդ այս յօժար էին Հայք. այլ Դատաւորն դառնացաւ յոյժ՝ թէ հարաւային դուռն միայն Յունաց սեփհական է, և Հայք չունին անդ իրաւունս. իսկ հիւսիսայինն Հայոց և Յունաց բաժանորդ դրեալ է: Զօրացեալ Յունաց 'ի բանից աստի՝ ընդդէմ՝ զինեցան Հայոց, և ոչ թողին մերձենալ 'ի նոյն տեղի, նոյնպէս և Լատինք 'ի միւս կողմն: Սաստեաց Դատաւորն Լատինաց, թէ 'ի մասինս յայսմիկ չճանաչեմ զձեզ, զի երկրքին ազգք բաժանորդ են Այրին և հիւսիսային դրան, Հայք չունին մասնակցութիւն ինչ հարաւայնոյն: Եւ սկսան կռուիլ երեք ազգք 'ի մէջ Այրին. Լատինք ասէին՝ մեք և Յոյնք 'ի բազում ժամանակաց հետք բաժանորդութեամբ եւ հաստատուն պայմանաւ ունիմք զայս տեղի մինչեւ ցայսօր. իսկ Հայք որ բաժանորդ եղեն ընդ Յունաց, պարտ է առնուլ զմի մասն Յունաց և տալ Հայոց. զի երկրքեան մի օրինակ լիցին բաժանորդ, և Լատինք միայնակ երկոցունց. յուսալով թէ Հայք տիրեն միոյ բաժնին Յունաց, և ինքեանց փնաս ինչ ոչ հասանէ, բայց վերսկալ 'ի յուսոյ անտի թշնամացան ընդ Հայս, որ յառաջագոյն իբր բարեկամ էին: Վերստին զայրացեալ Դատաւորին 'ի վերայ Լատինաց, հրաման ետ Հայոց ըստ պատշաճի յարմարիլ և կախել զկանթեղսն, և ինքն ել 'ի վեր. ելին և Հայք զինի նորա աղաղակաւ, դուք հրամայէք ասեն կախել զկանթեղս, Լատինք և Յոյնք ընդդէմ կացեալ արգելուն. մնացեալ եմք տարակուսեալ թէ՛ ո՞րպիսի դատաստան իցէ այս, զպատկերս եւ զկանթեղս Յունաց ոչ տայք բառնալ 'ի հիւսիսային կողմանէ եկեղեցոյն, զի եթէ Յոյնք կամին բաժանորդ լինել մասին այնորիկ, Հայք եւս կամին իրաւամբ բաժանորդ լինել բոլոր եկեղեցոյն. մեք հաճեցաք տասն կանթեղաց Այրին, զմեզ լուցուցիք բաժանորդ էք ասելով՝ զայն եւս չթողուն այժմ, զի ոչ միայն պատկերս, կանթեղս և վարագոյրս ունիմք կախել անդ, այլ և դնել 'ի խորանն զպատարազի, և մի աշտանակ 'ի յատակն՝ որպէս Լատինք և Յոյնք եղեալ են: Կոչեաց Դատաւորն զՅոյնս եւ ասէ ցնոսս քաղցրու-

թեամբ՝ 'ի սէր Աստուծոյ բարձէք զպատկերս և զկանթեղս ձեր որ 'ի կողմն Հայոց, եւ նոքա բարձին ցնոսա տրտմութեամբ, և Հայք եդին 'ի տեղիս նոցա սիսեալ 'ի դրանէ եկեղեցոյն մինչեւ 'ի դուռն Այրին, և յերկոսին սեղանսն, և կախեցին զկանթեղս՝ ըստ թուոյն՝ զորս բարձին Յոյնք. իբրեւ իջին յԱյրն կախել զկանթեղսն 'ի մէջ կանթեղաց երկուց ազգաց 'ի մի շար յարեւելից յարեւմուտս. չգտին անդ բեւեռ, եւ ցնորն հարկանելոյ արգելին Լատինք, և յորոնելն գտին յաջմէ եւ յահեկէ շար կանթեղացն, բայց Լատինք դարձեալ արգելին 'ի հարաւային կողմանէ, զի առաջի Մարոյ տեղոյն էր, եւ զինի բազմադիմի բանից կախեցին զվեց կանթեղսն, եդին եւ աշտանակ մի 'ի կարգս աշտանակաց Լատինաց և Յունաց, և 2 պատկերս յաջմէ և յահեկէ խորանին, այլ 'ի բարձրացուցանել Յունաց զձայնս իւրեանց, Դատաւորն արգել զՀայս, զի խնդրէին կախել նաեւ զվարագոյրս, սպա կախեցին զմի կանթեղ ըստ Յունաց առաջի դրան Այրին, խնդրեցին և բաժանորդ լինիլ վարագուրին որ 'ի վերայ դրան, այլ Դատաւորն արգել Յետ այնորիկ եկեալ կացին առաջի պաշտօնէից լուծութեամբ. Դատաւորն ասէ՝ զնացէք կենցաղաւարեցէք իբրեւ եղբայր եւ օրհնեցէք զԱրքայ: Օրհնեցին Հայք զԱրքայն, զորդիս նորին, և զաշխատաւորս, սպա ասէ՝ զնացէք ընդէ՞ր կայք. Հայք ասեն՝ ո՞ր երթիցուք՝ Թագաւորն բաժանորդութեամբ ետ մեզ զԱյրն, և դուք թերի թողիք ամենայն իրօք, բայց յուսամք շնորհիւ Արքայի և ձեր կատարեցին, այլ ո՞րպէս պարտ է առնել զգործ պատարագին. յերից մասանց եկեղեցոյն մի մասն տուաւ ձեզ 'ի սեփհականութիւն գիտութեամբ այլազգեաց և վիսյութեամբ երկուց ազգաց, խորանօք, պատկերօք և ամենայն սպասուք, և այսուհետեւ չունի ոք լինիլ միջամուլս յայն տեղի, յամենայն ժամ կատարեցէք զաղօթս և զպատարագս ձեր. Հայք խնդրէին հրամայել զպատարագն Այրին եւ յայտնապէս պատուիրել Յունաց զի մի լինիցին խոչ:

Դատաւորն ասէ՝ այս երիցս եղև զի կրկնէք, Այրն բաժանորդ է 'ի մէջ երկոցունցք ըստ օրինաց ձերոց ծիսից մի լինիք արգելք միմեանց. Յոյնք ասացեն բերանովք

Բեթղեհէմ. Երբեմն յորդորէր շատանալ փոքու իւրիք, և երբեմն սպառնայր առաջի եղեալ զպագայն՝ թէ խանգարեմ զամենայն գործս ձեր, յորդոր լինէր նաև Յունաց, ունիլ Հայոց իրաւունս, և զինքն ցուցանէր իրբեւ պաշտպան նոցին և աշխատաւոր, սակաւուք գո՛չ առնել զՀայս՝ և պահել զյարգ մեծութեան Յունաց, և այլ այսպիսի բանք սնտոիք: Նուրի էֆէնտի կոչեաց զնա առ իւր 'ի ձեռն Զուխատարի և բարկութեամբ ասէ ցնա, եթէ ժողովեալ զՔրիստոնեայս առանձին կամիս հոգալ զգործն, չէ պարտ մնալ մեզ աստ. միթէ գրեալ իցէ Տէրութիւնն ժողովել զերկուս ազգս և աղաչանօք գործ վճարել, արժա՞ն իցէ Դատաւորի երթալ յոտս Քրիստոնէից և աղաչել, միթէ քե՞զ միայն յանձն եղև այս գործ, ո՛չ ապաքէն Քաղաքապետն և բոլոր այլազգիք աստ են, և ունին իրաւունս վերահաս լինել բովանդակ գործոյն, այլովքն հանդերձ: Զանամ ասէ տալ եզրակացութիւն ինչ գործոյն առանց խռովութեան, և ապա յանդիման կացուցանել քեզ զբովանդակութիւն նորին: Նուրի՛ զի՞նչ արդեօք իցէ ջանք քո և բովանդակութիւն գործոյն, հրամանաւ Յունաց տալ սակաւ ինչ Հայոց և հակառակիլ հրամանի Արքային, կարծեմ թէ մոռացեալ իցէ քո զԴատապարտութիւն ՄուսաննըՔ Դատաւորին, և լուեաց:

Ապա դարձուցեալ զբանս իւր առ Քրիստոնեայս ասէ, հրամանաւ բարերար տեառն իմոյ Արքայի երկու ազգքդ բաժանորդ էք 'ի տեղու՞ յայսմիկ ամենայն պարագայիւք. երթայք խորհեցարուք առանձին, եւ ապա եկեալ պատմեցէք մեզ. 'ի բաց հանէք 'ի մտաց ձերոց զայն ամենայն զոր եղեալ էք, զի ըստ հրովարտակին պարտ է կատարիլ ամենայն իրաց. Յոյնք տակաւին կացեալ նկատէին յերեսս Դատաւորին, և նա ահնարկէր կատարել զհրամանն, այլ նոքա յամառեալ ասէին, երթալ խորհիլ ընդ ձերունիս վանաց, որոց ետ պատասխանի Նուրի, գլխաւորք ազգին ձերոյ ետուն հաւանութիւն 'ի դատին Կոստանդինուպոլսոյ լինիլ այսպէս, և դուք իրբեւ անձինք երեւելիք եկեալ էք աստ 'ի կողմանէ վանաց, ուրեմն վախճան տուք բանից ձերոց, դարձեալ նշան ետ Դատաւորն, և դնացին գլխաւորք երկուց ազգաց յետ կոյս գերեզմանին: Զկին բազում

բանից և վիճմանց, տեսեալ Յունաց թէ անհնարին է շատանալ Հայոց փոքու իւրիք, այլ յեցեալ կան 'ի բանս հրովարտակին և 'ի բառն բաժանորդ, յանձն առին լինել հաւասար ընկեր ընդ Հայոց ամենայն իրօք 'ի նոյն տեղի որպէս հրամայեալ էր Արքայի: Յետ այնորիկ սկիզբն արարին յերկաթի արտաքին դրանէ մինչ 'ի գերեզմանն և 'ի շրջագատս նորին եւ յայլ տեղիս, բաժանեցին զամենայն ինչ հաւասարութեամբ, և եկեալ պատմեցին Դատաւորաց թէ կատարեցաւ ամենայն ինչ բաց 'ի պատարագէն, եւ թողին զայն խօսիլ 'ի վերայ այնր յայլում պահու, և մեկնեալ անտի գնաց իւրաքանչիւր ոք 'ի տեղի իւր: Եւ յաւուրն չորեքշաբաթու ըստ առաջին սովորութեան պատարագեցին Հայք 'ի վերայ Գերեզմանին Ս. Աստուածածնի ('ի 19 Նոյեմբերի) եւ զինի Պատարագին կախեցին կանթեզս, ջահս, պատկերս, վարագոյրս և զայլ ամենայն սպասեկեղեցւոյ հաւասար Յունաց թէ յեկեղեցին և թէ 'ի Գերեզմանն, զթիւս և զորքանութիւնս նոցին, տես 'ի պատմութիւնս Դիոնէսիոս վարդապետի ձեռագիր, երես 19: Իսկ Գերեզմանքն Յովակիմայ և Աննայի ծնողացն Ս. Աստուածածնի, որ էր 'ի միջնատեղի աստիճանաց յարեւելս. անկաւ 'ի բաժնին Յունաց, յոր յաւուր տօնի սրբոցն Հայք առնէին նախատօնակ եւ պատարագ հրամանաւ Յունաց, այժմ բարձաւ այս սովորութիւն 'ի տհաճութենէ Յունաց: Եղին պայման աւելածութեան, մի շաբաթ Յոյնք եւ մի Հայք. գնացին դարձեալ Հայք և Յոյնք յատեան Դատաւորին, ուր էին Նուրի էֆէնտի, Քաղաքապետն եւ այլք, և 'ի լինել բանից վասն պատարագին Հայոց, ասացին Դատաւորք երթալ երկուց ազգաց 'ի միասին խորհիլ և անօրինել:

Յառանձնանալ գլխաւորաց երկուց կողմանց, Յոյնք ասէին բառնալ և կամ բաժանորդ առնել զուղղածիք շրջթայն 'ի հարաւոյ 'ի հիւսիս առաջի դրան գերեզմանի Ս. Աստուածածնի, յորոյ վերոյ էին 3 կանթեզք Հայոց, և կամ կախել փոքր շարան տախտակի առաջի խորանին Հայոց. և բառնալ զկամարածեւ շարանն որ առաջի խորանին, եւ կախել 'ի կարգի չորից շարանաց հաւասար Յունաց, ընդ այս հաճեցան Հայք: Եւ ապա բան արկեալ խօսեցան

դարձան յետս, և զինի նոցա եկեալ միարանաց պատմեցին 'ի Պատրիարքարանն զբանակուրն իւրեանց ընդ Յոյնս, և Թէոդորոս Պատրիարք ժողովեաց զգլխաւոր միարանս և զունսս յուխտաւորաց, և Դիոնէսիոս ծանոց նոցա ըզհանգամանս գործոյն, եւ յորդորեաց ուղղել զմիտս հասարակաց. նոյնպէս և 'ի վազիւն յատենի եկեղեցւոյ, թէ պարտ է օրհնել զԱրքայ և զբարերարս ազգին, չտալ տեղի խոսովութեան, և սիրով վարիլ ընդ Յոյնս՝ այլովքն հանգերձալուեալ Յունաց զայսպիսի տարադէպ գործս Հայոց, 'ի նմին աւուր մնացին ոմանք յուխտաւորաց նոցին յԱստուածածին զինի պատարադին. զի եթէ Հայք ձեռնարկեացեն լուցանել զշարանն զայն՝ խորտակեցեն և յարուսցեն իբրև սպիտակեան, իսկ ոմանք յուխտաւորաց Հայոց դարանեալ 'ի ճանապարհի՝ սպասէին Դիոնէսիոսի վտանգել զնա, եւ կամ փնասել յեկեղեցւոյ անդ, իրրեւ ոչ հասին խորհրդոց իւրեանց՝ ժողովեցան 'ի գաւիթ եկեղեցւոյն Ս. Յակոբոց 'ի ստորեւոյ անդգաստից ոմանց, և յարուցին աղմուկ մեծ, և աղաղակէին խառնածայն՝ Դիոնէսիոս կործանեաց զազգն, ըստ հաճոյլից իւրոց բառնալ կամի զշարանն, գերի արար զմեզ Յունաց, և այսպէս անընելի հայհոյութեամբ դիմել կամէին 'ի Պատրիարքարան. հասեալ Փոխանորդին եւ Թարգմանին հազիւ կարացին ցրուել զխուժանն, եւ զինի անցանելոյ սուղինչ միջոցի՝ յանկարծ վերստին կուտեցան անդ բազմութեամբ, և սկսան նախատական բանիւք աղաղակել և խնդրել տալ զԴիոնէսիոս 'ի ձեռս նոցա. զի իրրեւ պահաւորութիւն ազգին յօշել զնա անդամ անդամ, զի աւետալ զկաշառս 'ի Յունաց կորոյս զիրաւունս ազգին աւետին, և այսպէս այր զարամբ ելանելով խուժէին և գոչէին, որոց պարագլուխ էր Իւսիլուտարցի Պելլեոսի կոչեցեալ քահանայի սարկաւազ որդին, և միարանք երկընչէին գուցէ լուեալ այլազգեաց, բացցեն դուռն մեծի սուգանաց. վասն որոյ աղաչանօք լուցուցեալ ցրուեցին զնոսս 'ի տեղիս իւրեանց, եւ վաղ քաջ ընդ առաւօտն ժողովեալ նոցա 'ի մի վայր՝ խորհեցան չթողուլ զգործն. ոմանք գնացին յԱստուածածին յուզել խոսովութիւն անդ, եւ իրրեւ ոչ կարացին, դիմեցին 'ի վանքն, եւ կամէին խաժել 'ի Պատրիարքարանն, և չհանդուրժեալ Թէոդորոսի

սաստեաց նոցա 'ի պատուհանէ անտի, և հրամայեաց զրել զանուանս ստահակաց և ցուցանել կառավարութեան, եւ հասեալ Թարգմանն վերստին ցրուեաց զնոսս, եւ զորդի քահանային արքորեաց եէնիչէրի Աղասին, եւ Թէոդորոս Պատրիարք կազմեաց ժողով մեծ 'ի միարանաց և յուխտաւորաց՝ հարցանել ցխուժանն՝ թէ զի՞նչ կամիցին, եւ նոքա այլ և այլ բանիւք զմիմեանս մեղադրէին, եւ հանգարտեալ ցրուեցան. իսկ Դիոնէսիոս վարդապետ որ 'ի դրի հարեալ է զայսոսիկ՝ զանուանս գլխաւոր խոսվչաց չէ կամեցեալ յայտնել, այլ թողեալ է յայտնիլ 'ի Տիեզերական ատենին եւ ինքն կամէր հրաժարիլ 'ի գործոյն, այլ 'ի յորդորանաց ոմանց՝ վերստին յանձն առ վաստակիլ 'ի վառս Աստուծոյ և 'ի պատիւ ազգին Հայոց, Թէոդորոս Պատրիարք զրեաց պատասխանի թղթոյն Պօղոս վարդապետի, յորում ասէ՝ Թարգման Աւետիան վաստակի 'ի ժողովս Դատարանի, 'ի Ս. Յարութիւն ընդ Փոխանորդին և ընդ Դիոնէսիոս վարդապետին, այլ վասն դատաստանական գործոց՝ մեկնութեան և բացատրութեան բառից և իմաստից հրովարտակաց, և առանձին երթեւեկութիւն առ Դատաւորս Դիոնէսիոս վարդապետն կատարէ՝ հաճութեամբ Խորհրդականաց, զօրով տեղեակ ամենայն եղևուլութեան. եւ Գէորգ Պոտուս առաւել քան զմեզ վաստակէր 'ի պատշաճաւոր գործս:

Ո՛վ արդեօք առ նախանձու զայլ և այլ ցուցեալ է սիրոյդ՝ միթէ Դիոնէսիոս զիսոս անձին իւրոյ խնդրելով, այլոց չմիջամտել ստացեալ է. զի նա զնիհարութիւն եւ զտկարութիւն անձին իւրոյ 'ի բաց եղեալ, անդադար գնայր 'ի հարկաւորեալ տեղիս և վաստակէր, թէպէտ ցաւեղեւ նմա, այլ չհանեալ 'ի վեր. վաստակեցաւ եւ վաստակի, մինչեւ գործն 'ի գլուխ ելցէ: Ոմանք յաշարկոտք 'ի խորհրդակցաց մերոց 'ի գրոյդ նիւթ եւ զօրութիւն առեալ, յարուցին աղմուկս և շիտթ 'ի վերայ նորա, մինչեւ յայտնի աղաղակել թէ կաշառեալ 'ի Յունաց արար նենդութիւն ազգին և հայրենի ժառանգութեան, տուք 'ի ձեռս յօշել զնա. Թարգմանն միայն ձեռնամուխ լիցի գործոյն. զայս ասէին, որք զԴիոնէսիոս ոչ ճանաչէին, որպէս յետոյ խոստովան եղեն. առաջնորդ ամբոխին աք-

սորեցաւ, թէ եւ կոյնն երկուք ոմանք ընդ նմա, իսկ 'ի միտարանայն գրգռէջք նոցին Լուսարարեան Սարգիսն եւ Կարապետն ձեր էին: Սարգիսն գտեալ զհամարձակութիւն զկարապետն յանկոյց յինքն՝ զի եթէ 'ի գիշերին յայնմիկ ելեալ էր արտաքս ձայնն, լինէր վտանգ և տուգանք: Թէպէտ հանդարտեցաւ խռովութիւնն, բայց եւ ոմանք որք շիտթեն զպարզամիտս, իրրու թէ՛ յամենայն օր յԱտուածածին և 'ի Մնուեղ պատարագելն է անտանելի, մաքաւելով ընդգէմ հրովարտակին և բանից Դատաւորաց: Եւ գլխաւոր նիւթ խռովութեան էր կարգադրութիւն շարանի, որպէս եղև յարմարութեամբ, Սյուպէս օրէնդիրք բազումք եղև յազգի եւ 'ի միարանութեան մերում, զծէսս երուսաղէմի փոխել ջանան: Տես սիրելի, եթէ հնարն գտանիցի աշխատեցէք մի օր մեզ և մի օր Յունաց պատարագել յԱտուածածին և 'ի Ս. Մնուեղ, թէպէտ անհնարին ասացին մեզ Գործակալքն:

Փողովեցան դարձեալ 'ի դատարան գլխաւորք Հայոց և Յունաց, ուր էին Նուրի Էֆէնտի, Քաղաքապետն եւ մեծամեծք քաղաքին 'ի լուծանել զխնդիրն պատարագելոց Հայոց յԱյրին Մնուեղեան, և բանս արկեալ Դատաւորին հարցանէր վասն կարգաւորութեան գործոց Ս. Ատուածածնի. և 'ի վնիլ փոխադարձ բանից 'ի մէջ Հայոց և Յունաց վասն շարանին, վերջապէս Հայք կտուն հաւանութիւն կախել Յունաց անդ զմի շարան եւս, թէպէտեւ Լոյս հանող Պետրոս եպիսկոպոս նոցին քամահրելով զբանս Հայոց յանդգնաբար խօսէր, թէ սոքա հիւր են մեզ, որպէս ասացեալ էին 'ի մեծի դատին՝ ոյլ Դատաւորն կըշտամբեաց զնա մեղմով իմն չխօսիլ զանպատեհս, այլ վարիլ սիրով: Յետ այնորիկ Նուրի Էֆէնտի վերատին ընթերցաւ զնոր հրովարտակն Հայոց, բառ առ բառ մեկնելով եւ թարգմանելով զիմաստս նորին, և զգիտաւորութիւն Սրբայի. և յաւարարին ասէ՛ լուսնք արդեօք, զի երկուքին ազգք բաժանորդ էք 'ի Բեթղեհէմ և յԱտուածածին առանց ընդդիմանալոյ միմեանց: զի զոր ինչ առնէ մին, զնոյն առնել պարտ է և միւսոյն՝ երթայք խորհեցարուք և խօսեցարուք 'ի միջի ձերում զպարտաւստաշան, եւ ասպ ծանուցէք մեզ: Յոյք ոչ կամեցան գնալ, այլ

Պետրոս եպիսկոպոս նոցին սկսաւ զանպատեհս խօսիլ ընդդէմ հրովարտակին Գործակալաց և Հայոց իսկ, զորս Սախարեայն իրրու անօգուտ ոչ թարգմանեաց, այլ միայն թէ ուխտին անարգել բաժանորդ են, եւ թէ եղին անդ կանթեղս և սրատկերս, և առին զմի մասն եկեղեցւոյն երկու խորանօք, ուր կատարեցեն զօրէնս իւրեանց: այլ վասն պատարագելոյ յԱյրին չունիմք երբէք հաւանութիւն: իսկ եթէ դուք հրաման տայք՝ չկարեմք ասել ինչ: Որոց ետուն պատասխանի Դատաւորք. դուք եւս կարէք կատարել զուխտս ձեր: զի հրովարտակ երկոցունցք մի են և Տէրութիւնն ոչ է գրեալ մեզ հաճեցուցանել զձեզ եւ ոչ համարձակիմք վերստին դատել զձեզ: զի 'ի մեծի դատին հաւանութեամբ երկուց կողմանց ամենայն ինչ վճարեալ է, ոչ վճիռ և ոչ հրաման կարեմք տալ: այլ ջանամք ըստ սրտաշանի սաշտօնի մերում գործադրել զհրաման Սրբայի, և արդարութեամբ կատարել զամենայն ինչ: Ձի զոր ինչ եղեալ էք 'ի միտս ձեր, թողէք 'ի բաց՝ այլ ծանիր զոր այժմս ընթերցաք, իսկ եթէ ունիք զայլ ինչ բանս, ասացէք: զի Նուրի Էֆէնտի այլ ոչ եւս սպասէ աստ՝ զի ձանձրացեալ է, և Տէրութիւնն սպասէ պատասխանոյ: մի այլ եւս յամառիք 'ի բանս ձեր: զի ըստ իրաւանց բաժանորդութեան չունիք ընդդիմանալ միմեանց, որովհետեւ քրիստոնեայ էք: դիտեմք ըստ վճուոյ մեծի 'ի ենպետին՝ 'ի բաժանորդ տեղիս զոր ինչ առնէ մին, զնոյն ունի առնել եւ միւսն: Հայք պնդէին 'ի վաղու սկիզբն առնել պատարագելոյ յԱյրին, զի զրով ազգ արացեն Յոյք տեսչին իւրեանց չընդդիմանալ: Նոքա առանց պատասխանի տալոյ մեկնեցան անտի արամութեամբ: դարձ արարեալ Հայոց պատմեցին զամենայնն Մերունեաց, եւ առաքեցին 'ի Բեթղեհէմ՝ զկիւմիւշխանեցի ծերունի Ստեփաննոս վարդապետն. և զինի գիշերային ժամերգութեան և պատարագին Յունաց՝ զարդարեցին զխորանն որ 'ի վերայ Մնուեղեան տեղոյն Փրկչին մերոյ, եւ մատոյց Ստեփաննոս վարդապետ զառաջին փրկադործ պատարագն վասն փրկութեան հոգւոյ կենդանեաց և ննջեցելոց օրհնեալ ազգիս Հայոց (1813. 'ի 25 Նոյեմբերի):

Սակայն Լատինք ոչ կամեցան մնալ զինի Հայոց, զի

անմիջապէս պատարագէին նոքա զկնի Յունաց, ուստի ոչ կամեցան խախտել զսովորութիւնս իւրեանց, որոյ վասն եղեն ոչ սակաւ բանք և վէճք 'ի մէջ երկից ազգաց, և 'ի վերջոյ յանձն առին Հայք մնալ զկնի պատարագին Լատինաց: Իսկ վասն խորանի Մենդեան տեղւոյն սահմանեցին ընդ Յոյնս այոպէս: Յունաց՝ զկնի պատարագին իւրեանց բառնալ 'ի խորանէ անտի զպատկերս և զաշտանակս և չքթողուլ ինչ անդ, և դնել զնոյնս Հայոց, նոյնպէս և Հայոց՝ զկնի պատարագին բառնալ զամենայնն անտի, և մնալ խորանին զտիւ և զքիշեր առանց պատկերի եւ աշտանակի: Եւ յետ այնորիկ կարգաւորեցին զթերի մնացեալ զիրս 'ի Ս. Աստուածածին հաճութեամբ միմեանց և հանդարտեցան: Յետ կատարելոյ զգործ բաժանորդութեան Բեթղէհէմի եւ Աստուածածնի՝ մնայր մաքրել զկնճիւռն Տաճարին Ս. Յարութեան:

Սակայն Դատաւորն դանդաղէր զայլ և այլ պատճառելով, և Մուվէլլայն ասէր մինչև ոչ արձանագրեցի հրովարտակն 'ի Դատարանի, ոչ մտանեմ ասէր անդ. Ջուխատարն և Սուրհանդակն Հայոց փութացին դատնալ 'ի Կատանդինուպոլիս:

Գ Լ Ո Ւ Խ Լ Զ.

Կարգաւորութիւն սեփական իրաւանց Հայոց Ի Ս. Յարութիւն: Յովհէտակեալ և պակաս շինեալ տեղիքն: Աջահութիւն այլազեաց Երուսաղէթի և Դատաւորին: Խառնութիւն Յունաց Աստուածածին: Բունութիւն Քաղաքապետին: Խառնութիւն 'ի Բեթղէհէմ:

ՅեՏ այսր ամենայնի հազիւ ուրեմն յորդորեցին Հայք զԴատաւորն և զՄուվէլլայն և ժողովեցան 'ի Ս. Յարութիւն (1813. 'ի 1 Դեկտեմբեր), եկին և դիտաւորք Հայոց և Յունաց, եհարց Դատաւորն, զի՞նչ է վէճն ձեր աստ: Հայք ետուն պատասխանի, ըստ հրովարտակին Սէլիմայ յատկացուցանել մեզ զվերին եւ զստորին կողմն 'ի ներքս մեծի դրանս: Յոյնք ասեն չունիք անդ իրաւունս՝ զի տե-

զին այն որ գրեալ ասէք՝ եկեղեցին ձեր է, իսկ զոր այժմըդ ցուցանէք, այն եկեղեցի մեր է, եւ անուն եկեղեցւոյն ձերոյ չէ գրեալ, ուրեմն դատարկեցէք զեկեղեցին ձեր, Հայք ասեն՝ գործ հրամայելոյ և զեկեղեցի դատարկելոյ՝ է Տէրութեան, և ոչ վայել իսկ է բերանոց ձերոց, զի եկեղեցին այն յատկացեալ է մեզ, եւ ներքին կողմն դրան, որպէս 'ի ժամանակս քննութեան դուք ցուցիք ըզսեփական տեղիս մեր, մանաւանդ չիք անուանք 'ի գիրս ըստու՞մ տեղեաց, որոց տիրեալ էք այժմ: Եւ Նուրի էֆէնտի հանեալ ընթերցաւ զհրովարտակն դատին, եւ ելեալ գնացին 'ի դուռն, և հաստատեցաւ վերին և ստորին կողմն 'ի ներքս մեծի դրան լինել Հայոց: Բայց Դատաւորն առաջադրէր լինել բաժանորդ երկից ազգաց, զի որպէս Լատինք և Յոյնք շարաթաւ ասել ածէին անդ, նոյնպէս մի շարաթ եւս ածցեն Հայք: Լատինք և Յոյնք ոչ կամէին թողուլ զշարաթս իւրեանց, մանաւանդ Յոյնք պնդէին թէ մասնաշափ տեղի չտամք աստի Հայոց: Հայք ասեն՝ զայս տեղի Արքայն Սէլիմ յատկացուցեալ է մեզ, այլք անիրաւութեամբ յափշտակեալ են զայն, և այժմ հաստատեցաւ Կայսերական հրովարտակաւ, բայց ոչ կարեմք տիրել եւ դուք Դատաւորքդ ոչ առնէք իրաւունս, որոշեցէք ըստ օրինաց Շէրիի և Կայսերական հրովարտակին, յետոյ խօսիմք զպատշաճն ընդ երկոսին ազգսդ: Այլ Յոյնք գովեալ մակեալ աղաղակէին թէ յիշատակութիւն անգամ չունին Հայք յերուսաղէմ 'ի ժամանակս Օսմարայ և Սէլիմայ, այժմ համարձակին զդուռն յափշտակել, ուրեմն այսուհետեւ պարտ է մեկնիլ աստի Դատաւորն պնդէր լինել բաժանորդ, և նոքա բացասէին, ուստի խնդիրն մնաց անորոշ: Յետ այնորիկ առաջի եղին Հայք զԻնդիլը ջրհորոյն, որ գրեալ է 'ի հրովարտակին Սէլիմայ, զի Յոյնք տիրապետեալ էին այնմ պարազայիւք, այժմ խնդրէին Հայք դարձուցանել զայն յինքեանս, և դնել զըրահան գործին: Առայս սրտմտեալ Յունաց ասին, եթէ Հայք տիրեցեն ջրհորոյն, անհնարին է մեզ այնուհետեւ ըմպել ջուր անտի: Դատաւորն պնդէր անպատճառ բաժանորդ լինել 'ի մէջ երկից ազգաց, թէպէտ Հայք ընդդիմացան, բայց խնդիրն մնաց անկատար: Դարձեալ խնդրեցին Հայք իրաւամբք

բաժանորդու թեան կայացանել Ղուսարար 'ի վերայ Գե-
 բեզմանին Գրխտոսի, որպէս Յոյնք, Դատաւորն անհը-
 նարին վարկաւ զայն խնդիր, զի Յոյնք վասն այնր ու-
 նէին Սահակ Երեմի, և չեղեւ Ասացին Հոյք վասն տե-
 զեաց ոմանց, զորս խառնեալ էին Յոյնք 'ի տեղիս իւր-
 եանց, և վասն փայտակերտ վերնատան կանանց եւ սե-
 որմովք: Այլ Դատաւորքն ասացին թէ արտաքոյ իշխա-
 նութեան մերոյ են այդպիսի խնդիրք, որպէս դրեալ է
 'ի հրովարտակին, որ և մնաց անկատար, մինչ չհամարձա-
 կել իբրև եւս տալ: Սակայն զոր ինչ խօսեցան Յոյնք 'ի
 ժողովի անտ ընդդէմ Տէրութեան եւ հրովարտակին չհա-
 մարձակութիւն ասցր նոցա, 'ի հարցանել վերստին Դա-
 տաւորաց' թէ այլ եւս զի՞նչ ունիք: Հոյք ասացին, ըն-
 դէ՞ր է ձեզ հարցանել եւ մեզ տալ պատասխանի ընդու-
 նայն, զի ոչ զանխնայն տեղիս և ոչ զբաժանորդս հաս-
 տատեցիք և ետուք մեզ, և եթէ կամիր ձեզ ակնարկու-
 թիւն ինչ 'ի վերայ եկեղեցոյն մերոյ 'ի վերնատան, հրա-
 մայեցէք: Ելին անդ բազմութեամբ և ուշի ուշով զննեալ
 զամենայն տեղիս ծանեան զվնասն, եւ զարմացեալ ընդ
 անխիղճ անգթութիւնս Յունաց շարժէին զգլուխս իւր-
 եանց, մոնաւանդ Դատաւորն, զի դիտէր զառաջին դիրս
 տեղոյն, այլ չէին ձեռնհաս արնել ինչ, այլ միայն հրա-
 մանաւ եւ վերակացութեամբ նոցին շինեցին Հոյք զխաչ-
 կալս երկուց խորանաց, եւ զերկաթի վանձակս դասուց,
 և զհամառօտ խաչկալս Յովսէփ Արեմաթացոյ և Հանդերձ
 բաժանման խորանաց, և այն ամենայն մնաց անկատար,
 ոչ պահարան և ոչ դարան:

Ահաւասիկ այլայլեալ և յախշտակեալ տեղիքն 'ի Յու-
 նաց, Մատուռն Ադամայ 'ի ներքոյ Գողգոթայի, ուր էին
 գերեզմանք կատին Թադաւորաց, կամարաւ ծածկեալ
 2 կանգուն երկարեցին, և զսնեակ տեսին Յունաց անդ
 1 կանգուն 'ի լայն և 2 յերկայն ընդարձակեցին: Արտաքոյ
 սորին 'ի ներքոյ սեղանատան Հոյքոյ մի սրճարան արարին,
 եւ զտեղի աղբւսին 'ի յետուստ մեծի դրան, շինեցին
 քարեայ աստիճան ելանել 'ի տարածման տեղին նոյնպէս

'ի վերայ գերեզմանի Թադաւորաց, ելանել անտի 'ի Գող-
 գոթայ. զառաջին աստիճանս խախտեալ արարին ջրմուղ:
 ԶԳողգոթայն և զՏարածման տեղին երկարեցին 2 կանգուն
 դէպ 'ի Պատանատեղն, և 'ի մէջ սորա բացին կրկին դրու-
 նս: զսնեակս Գողգոթային խառնեալ ընդ կոչնակատեղ-
 ոյն՝ երկար դարսս արարին, և 'ի մէջ սորա բացին կրկին
 դրուս: Ի ներքս զէին սեղանատունն նորոգեցին և զմի
 սնեակ շինեցին, նոյնպէս և զվերին յարկս սոցին յարդա-
 րեցին՝ ընդարձակեցին զՓոխանորդարանն առեալ տեղի
 'ի Դպթոց. մերձ 'ի խորանն Փոռչ պսակի բացին մի դուռն:
 Փոռչ պսակի, Դուռնկիանոսի և Հանդերձ բաժանման խո-
 րանաց վանդակս (տրապիզին) քարեայ արարին, զի յա-
 ռաջողոյն փայտեայ էր. զսեղանն Հանդերձ բաժանման
 այլանդակ շինեցին. 'ի մէջ Դուռնկիանոսի և Հանդերձ բա-
 ժանման խորանաց բացին դուռն, եւ 'ի վիճակէ Դպթոց
 գողացեալ տեղի 1 խուց արարին, և զգրուսն դանձատան
 որ էր 'ի կողմն Բանտին, փոխեցին մերձ 'ի Դուռնկիանոսի
 խորանն. զմի ժասն Բանտին կամարաւ հաղորդեցին մերձ
 'ի Դուռնկիանոսն, 2 կանգուն բարձր. 'ի վերայ սորա 2 մեծ
 սնեակ. զկամարն կոչնակատեղոյն 1 կանգուն երկարե-
 ցին 'ի կողմն Փոռչ պսակի. և զտաճարն իւրեանց յերկայ-
 նութեան յերկուց կողմանց և 'ի լայնութեան 1 կանգուն
 ընդարձակեցին, և կողմնակի գերկոսին պարիսպսն կրկնակի
 բարձրացուցին, և զյետինն 1 կանգուն, և 'ի տեղի եր-
 կաթի վանդակաց 'ի կողմն Գերեզմանին 'ի քարէ շինեցին
 բարձր քան զառաջին. զխաչկալն կրկնապատիկ բարձր, և
 զայլ տեղիսն տաճարին գեղեցկութեամբ զարդարեցին:
 Ի շրջապատս կաթուղիէին երկաթեայ վանդակս արարին,
 նոյնպէս 'ի շրջապատս տաճարին իւրեանց կրկնակի զՍուրբ
 Գերեզմանն յերկայն 2, 'ի լայն 1, և 'ի բարձր 2, զիւրք
 կաթուղիէն կրկին բարձր. զՍ. Գերեզմանն ցած, և 'ի
 տեղի առաջին պատկերի՝ մարմարիտն երեւոյթ ինչ կանդ-
 նեցին, և 'ի թաղնէ անուանեալ տեղին փոքր կաթուղիէ
 12 մարմարիտն սեամբ, և մասն ինչ 'ի կեդրոնի ուր կանդ-
 նեալ էր Հրեշտակն, որ այժմ ասի Հրեշտակի վէժ. զքոլոր
 կերտեալ հին քարինս Գերեզմանին ներքոյ և արտաքոյ
 բարձրին, և զմեծ գմբէթն քան զառաջինն բարձրացուցին,

գըրջապատ սիւնս 'ի վերուստ մինչ 'ի վայր հասարակ քարիւ հաստ շինեցին, զսենեակ Սարկաւազին Հայոց անյայտ արարին. զտեղիս 'ի նոյն շար կրկին և երեքկին ընդարձակեցին. զսենեակ երկորդ Տեսչի նոցին, որ առ Իւզարերից սեղանին. 'ի կամարի սենեկացն Հայոց տեղ առեալ 'ի վայր և 'ի վեր պատշգամօք մեծացուցին, և 'ի վիճակէ Դպրոց առեալ 2 կանդուն լայնեցին զտեղի այլազգի դռնապանաց. զսենեակն Տեսչին Հայոց հաստ որմովք շինեցին իրրեւ այր քարափոր՝ մթին և խոնաւ միով պատուհանաւ, զկրկնաշարկ սենեակս Եազուպ Աղային՝ որ 'ի վերայ նորա՝ մի յարկ արարին մթին, զՊատրիարքարանն և զսենեակս վարդապետաց ոչ շինեցին, զիէս սեղանատան և սրճարանին որմով որոշեալ խանդարեցին, միայն 2 փոքրիկ տեղի թողին 'ի վայր և 'ի վեր առաջի մեծի պատուհանին այլանդակ սանդխօք, և 'ի միջոց սեղանատան և սրճարանի 1 կանդուն առին 'ի կողմն իւրեանց, խանդարեցին զերիս պատարագամատոց սեղանս, զառաջին տեղի խորանին Երաշխաւոր Ս. Աստուածածնի որմով պատեցին 'ի վերուստ մինչ 'ի վայր՝ թողեալ դուռն գնալ 'ի սեղանատուն, և և առաջի դրան զտեղի խորանին որոշեցին. և 'ի վերայ աստիճանաց Վերնատան մինչ 'ի սահման ջրմղին՝ կանանց փոքրիկ վերնատուն յորինեցին, և այլ ամենայն նեղ և անձուկ, և և զԻւզարերից սեղանն ոչնչացուցին սեամբ, որոց տեղն այժմ չերեւի, և և զորմն մերձ 'ի սենեակ Տեսչին Հայոց՝ յորոյ վերայ է պատկեր Յարութեան՝ կէս կանդուն յառաջ բերին, և զերկոսին սենեակսն որ 'ի վերայ կամարին ոչ շինեցին: Զտեղիս Լատինաց ըստ առաջնոցն քարամբ շինեցին, և յետուստ կողմանէ Երգեհոնին մինչ 'ի սահմանս Յովսէփ Արեմաթացւոյն կրկնայարկ արարին իբր տեղի կանանց, և կանանց հին վերնատանն Հայոց կէս բուլբուլակ շրջանակաւ, որ հայէր 'ի վերայ Գերեզմանին՝ խանդարեցին իսպառ, Ահա այսպէս իբրու թէ աւարտեցան խնդիրք երեց տեղեաց, Մենդեան, Աստուածածնի, և և Ս. Յարութեան:

Իսկ այլազգիք Երուսաղէ մի բռնացեալ 'ի վերայ Հայոց պահանջէին տուրս փոխարէն աշխատութեան իւրեանց, որոց թէպէտ և տուեալ էին 'ի սկզբան գործոյն, սակայն ոյժմ

դարձեալ պահանջէին, և ազահութիւն Դատաւորին էր անտանելի, որոց շահեալ զմիտս լուցուցին. և թէ ոգորոս Պատրիարք դանկատանօք գրէ զսոցանէ 'ի նամակի իւրում՝ առ զլիւսաւորս աղբին 'ի Կոստանդինուպօլիս: Բայց Քաղաքապետն յետս դարձոյց զվարդեւս նորին, եղեալ 'ի մտի շարիս հասուցանել Հայոց, որպէս պարճանօք խօսէր 'ի ժողովս 'ի գրգիւտ ատելութեան Յունաց: Իսկ միարանք և ուխտաւորք նոցին, յայտնապէս զինեալ ընդդէմ Հայոց՝ անդադար անարգէին զնոսա անպատշաճ բանիւք, և և թէ՛ երկամեսայ ժամանակս միայն ունիք առնել ըստ կամաց ձերոց: Եւ յայսպիսի նախատանայ դադարեցան Հայ ժողովուրդք գնալ 'ի Ս. Աստուածածին, թէպէտեւ Հայ կղերք յորդորէին զնոսա, լինիլ զգաստ և մի կալ հակառակ շարին: Եւ 'ի տօնի անարատ յղութեան Ս. Կուսին երկարեցաւ պատարաքն Յունաց՝ մինչեւ ճանճրանալ Հայոց արտաքս, և իրրեւ իջին յեկեղեցին՝ կին ոմն անդգամ ձայն երարձ և և սկսաւ անպատեհ բանիւք նախատել զագգն, մինչև յերբ ոչ դադարիք ասէ 'ի դալայսր, զի 'ի մերձ ժամանակիս ունիմք արտաքսել զձեզ աստի. և և ժայթքէր անպատկառ զայլ խօսս, և և յասել ոմանց 'ի նոցանէ թէ պարտ է դանել զՀայս և խայտառակել: Զմիւսնացի ուխտաւորք ծանօթ լեզուի նոցա՝ ասեն, ո՞րպէս կարէք գանել: 'ի գրգուիլ և և բազմանալ բանից, պատրաստեցան հարկանել զիրեարս, մի ոմն յուխտաւորացն Հայոց, ասէ՝ 'ի բաց թողէք զիմն, զի խրատեալ է, և և նոցա առեալ զնացին: Ի նմին աւուր Քաղաքապետն կոչեալ զԹարգմանն Հայոց, տայ պատմել կնոջն զեղեալսն 'ի Ս. Աստուածածին՝ թէ ոմն 'ի վարդապետացն Հայոց եհար զիս բռնցի. եհարց Քաղաքապետն, թէ ճանաչո՞ւ զայրն՝ որ եհար ըզքեզ, և նա ասէ՝ երկայնահասակ և և նորամորուս, և այր կնոջն ընդ նմա վիայէր. ցասուցեալ Քաղաքապետին իբր յանցաւոր դտեալ զՀայս, յանդիմանէ զԹարգմանն, իբր անպատեհ կրօնաւորական կարգի առնել զայդպիսի իրս, և ստիպէ 'ի վաղիւ տանել առ նա զվարդապետն զի եթէ ծանեաւ ասէ՝ կինն և հաստատեաց 'ի վերայ նորա, յայնժամ և եթէ ոչ՝ զկինն անդգամ պատեցից, և երանի թէ մեր վարդապետն լինէր ըստ նշան տալի կնոջ:

(Դիոնիսիոս) : Եւ երեւալ Թարգմանին պատմեաց խորհրդաբանաց, և նորա ծանուցին զիրս Դատաւորին և Նուրի Էֆէնտեայ . և ՚ի ստիպել Քաղաքապետին, գնացին Հայք բազմութեամբ անձինք իբրև 30 . և նորա կոչեալ զկիին, ցուցանել ասէ զհարկանողն, և նորա հայեցեալ ասէ, չէ ՚ի միջի սոցա, եւ Յոյնք ջանացին վկայութեամբ հաստատել զբան կնոջ, թէ պէտեւ Հայք պատմեցին զարարս լիտի կնոջ . բայց Քաղաքապետն ոչ անսացեալ բանից նոցա ասէ՝ 2 վկայիւք կախի մի ոք, ահա ամբաստանողն և վկայքքն, չունիմ պէտս սյլոց վկայից, անպատճառ տուք ՚ի ձեռս իմ զվարդապետն զայն . չհանդուրժեալ Հայոց, աղաղակ բարձին, լուեալ իսկ է մեր ասեն՝ զդարանն զոր գործեն ոմանք՝ և կինս այս եղև գործի չարութեան նոցին, և վասն միջ անցումի աղարտեցեր զպատիւ վանաց, առաթուր հարէր զիրօնաւորս, թերեւս այսուհետեւ այլ իմն տարօրինակ ամբաստանութիւն յարուցեն ՚ի վերայ մեր . ուստի չէ արժան մեզ այսուհետեւ մնալ ՚ի քաղաքիս յայսմիկ, առեալ գիր ՚ի Դատաւորէն փութացուք մեկնիլ աստի : Եւ ելեալ անտի գնացին առ Դատաւորն, և նա յղեաց զպատաւոր իւր և զկիին արամբ, այլ վկայքն փախեան ՚ի ճանապարհի . Դատաւորն հարցեալ տեղեկացաւ ամենայն հանգամանաց գործոյն, և ասալ խրատեաց զկիին ամօք բանիւք՝ թէ չէ արժան առն քրիստոնէի եւ ուխտաւորի գործել զայդպիսիս՝ եւ դիմել ՚ի դրունս, և եթէ պատահեսցի եւս, պարտ է դիմել առ գլխաւորս վանաց, և այլ յորդորական բանիւք հանգարտեալ արձակեաց զնա : Իսկ Հայք ամբաստան եղեն զանպատշաճ գործոց Քաղաքապետին և խնդրէին գիր մեկնիլ յերուսաղէմէ . զի գնախատինս զայս ՚ի դրդմանէ Յունաց արար, և թերեւս արացէ . Դատաւորն բարեյորդոր բանիւք հանգարտեաց զՀայս եւ դարձոյց զնոսս ՚ի վանս իւրեանց, եւ առաքեաց զմի ոմն յիւրոց ասել ցՔաղաքապետն՝ թէ Պատրիարքունք քրիստոնէից հրովարտակաւ Արքայի ունին իշխանութիւն կառավարել զմիաբանս և զուխտաւորս իւրեանց, և որոց չիցեն ձեռնհաս՝ առաքել առ Դատաւորն եւ նորա անօրինել ըստ օրինաց զգործն : Կոչեաց նաեւ զՄէհէմէտ ոմն հաւատարիմ նորին, փախուցեալ յերե-

սաց Փոխարքային Նգիւտոսի, որ էր այր ժանտադործ և խռովայոյզ, եւ պատուիրեաց նմա ասել ցՔաղաքապետն զաղարիլ յայնպիսի գործոց և սիրով հաշտիլ ընդ Հայս . բայց նա ըստ բնարոյս բարուց իւրոց առաւել յուզեաց զսուզութիւնն, և Հայք նկրտէին խալառ հերքել յինքեանց զբռնութիւն Քաղաքապետին . եւ այսպէս երկար խռովութեամբ և ատելութեամբ հակառակեալ հաշտեցան ասալ միջնորդութեամբ Դատաւորին : Յետ այնորիկ կոչեաց զՔաղաքապետն և զՆուրի Էֆէնտի եւ զգլխաւորս երկուց ազգաց և պատուիրեաց նոցա զսպել զստահակն, և զանհնազանդան մատնել Դատաւորին եւ Քաղաքական իշխանութեան, եւ այլ բանք երկար . թէ պէտեւ Քաղաքապետն կախեմ կտրեմ ասէր, այլ Նուրի Էֆէնտի նըրբախօս բանիւք յորդորէր զերկոսին կողմանս հնազանդիլ կամաց Արքայի և հրամանաց նորին . եւ ասալ ցրտեցան յիւրաքանչիւր տեղիս : Իսկ փոխանորդ Ստեփաննոս ետլխաւորս պատուիրեաց ժողովրդոց յատենի եկեղեցոյ դադարիլ այնուհետեւ ՚ի վիճելոյ եւ ՚ի խօսելոյ ընդ Յոյնս . այլ լուութեամբ գոհանալ զԱստուծոյ եւ օրհնել զԱրքայ, և եթէ պատահեսցի ինչ՝ ազգ առնել Փոխանորդին : Զնոյն խոստացան և Յոյնք պատուիրել ուխտաւորաց իւրեանց :

Հայք սակս կախելոյ զպատկերն ՚ի խորանն Ծննդեան տեղւոյն, հարին զմի բեւեռ, որպէս արարեալ էին Յոյնք, այլ նորա չառեալ յանձն, սկսան խօսիլ բանս զկծանաց, թէ յորմէ՞ առիք հրաման, չունիք իրաւունս առնել զայդպիսի իրս, զի տեղին մեր է, և դուք իբրև հիւր կատարեցէք զպաշտօնն ձեր և ելէք արտաքս, իսկ Հայք ասէին թէ տեղն Թագաւորին է և մեք բաժանորդ ընդ ձեզ . եւ ՚ի բազմանալ բանից, եհաս խնդիրն առ Դատաւորն, չեւ եւս լուծեալ խնդրոյս, յարեաւ այլ իմն շիտթ անդ՝ զի մի ոմն ՚ի միաբանացն Հայոց աւել ամէր առաջի դրան վանաց՝ Յոյնք ՚ի վերայ հասեալ արդեւին զայն և զաւելն փչրեցին . բաղմացաւ վէճն յերկուց կողմանց, Հայք ազգ արարին Դատաւորին, և նորա կոչեալ զԹարգմանն Յունաց, յանդիմանեաց զնա վասն բեւեռին, և առաջի արար զիրաւունս բաժանորդութեան, և պատուիրեաց չածել աւել ՚ի դուռն վանացն Հայոց՝ վարիլ սիրով և խաղաղութեամբ, եւ ՚ի

վաղիւն Յոյնք եկեալ աւելն զայն տեղի, եւ Հայք ընդդէմանան, եւ ոմանք 'ի գիւղականաց վիայնն թէ տեղին Հայոց է. լուեալ զայստիկ միարանք գնացին առ Դատաւորն կարգաւորել զիրոն, ահա եհաս նամակ 'ի տեսչէն Բեթղէնէմի եւ գուժկան, եւ Պօղոս վարդապետ ոմն վրաւորեալ յերեսս, զի աւել ամելն դռնապանին Հայոց 'ի տեղին յայն, հասեալ Յունաց սկսան դանակոծել զնա, լուեալ միարանաց փութացին ազատել զայն 'ի ձեռաց նոցա, Յոյնք հարին զնոսս եւս եւ զՊօղոս վրաւորեցին, եւ զի մի երեւեցին իրրեւ յանցաւոր, անասարեալ հարին զկոչնակն հասանել գիւղականաց յօգնութիւն, որպէս թէ Հայք հուր եղեալ են յեկեղեցին Մենդեան. եւ նոցա ընթացեալ խոնեցան անդ բազմութեամբ զինուք եւ բրօք, եւ Տեսուչ նոցին գոչէր. հարկանել զՀայս 'ի սուր սուսերի եւ մի երկնչիլ. 'ի սաստկանալ խռովութեան եւ 'ի խառնիլ ընդ միմեանս գիւղականաց, զի ոմանք 'ի նոցանէ 'ի կողմն Հայոց էին, Հայք մոռին 'ի ներքս եւ փակեցին զդուռն, եւ ցրուեցան ամենեքեան:

Դատաւորն պատուիրեաց թարգմանին Յունաց դադարիլ յայնպիսի անպատեհ գործոց, եւ չաւելել գտեղին զայն, եւ 'ի վաղիւ գալ ծերունեաց եւ վախճան տալ խռովութեանց, Գնացին Հայք եւ Յոյնք առ Դատաւորն, ուր էր եւ Նուրի Էֆէնտի, եւ 'ի լինել բանից 'ի վերայ այս խնդրոյ, Յոյնք բարկութեամբ եւ յանդգնութեամբ ետուն պատասխանի, գիւրին է մեզ իսպառ թողուլ զեկեղեցին Բեթղէնէմի, այլ զտեղին զայն ոչ երբէք, զի յաւուր յորում առաք զբանալի արտաքին դրան 'ի ձեռաց Լատինաց, տիրեալ եմք բովանդակ եկեղեցւոյն, զի թէպէտ յայսմ նուազի ասացեալ է թագաւորն վասն Այրին լինել բաժանորդ, այլ վասն այլոց տեղեաց չունի ոք իրաւունս, թէպէտ Հայք յառաջ բերէին թէ յառաջ քան 30 ամս աւել ամէաք յայն տեղի, բայց ոչ ոք էր որ լնէր. եւ 'ի բողոքելն առ Դատաւորս ասնել իրաւունս, նոքա ասնն թէ 'ի հրովարտակս եւ 'ի գիրս մեր չիք ինչ գրեալ վասն այդպիսեաց, իրաւախոհ լերուք 'ի միջի ձերում, այլ այսքան գիտեմք, զի Յոյնք չունին իրաւունս աւել ամելոյ առաջի դրան Հայոց, բայց որովհետեւ Յոյնք ընդդէմացեալ չթողումք ասնն,

դուք եւս մի յարուցանէք վէճս սակս դոյզն իրաց, միայն աւել ամելով տեղն չգրաւի: Տեսեալ Հայոց թէ չիք օգուտ ինչ 'ի խօսելոյ, մեկնեցան անտի 'ի տեղիս իւրեանց:

Գ Լ Ո Ւ Խ Լ Է .

Մեկնիլ Նուրի Էֆէնտայ յԵրուսաղէմ: Բգեշին Միգմի: Լատինք: Խաչկալք Մենդեան եւ կարգաւորութիւն Պատարագի: Հանդէս Հայոց 'ի Մնուռք: Ատելութիւն Լատինաց եւ վէճ վասն ճանապարհի նոցին: Գնալ 'ի Բեթղէնէմ վասն կարգադրութեան նորին խնդրց:

Մ ՈՒՎԷԼԱՍՅ ՎԷՔԻԼԻ ՄԷՀԷՄԷՆ Նուրի Էֆէնտի զինի աշաւուրջ հսկողութեամբ եւ հաւատարմութեամբ կատարելոյ զպաշտօն իւր, սլատրաստեցաւ 'ի չուր, եւ քաղաքավար խոհեմութեամբ առաջի առնէր Հայոց զվարձ ծառայութեան իւրոյ, իրրեւ ստիպեցին նոքա ինքն որոշել զայն, նա ըստ խոհեմութեան իւրոյ առնէր պատասխանի, զոր ինչ սահմանեցէ Տէրութիւնն, եւ որքան արժան համարիք դուք եւ գլխաւորք ազգին ձերոյ՝ զայն առնում, եւ միաբանք հաճեալ ընդ բանս նորա, գրեցին առ գլխաւորս ազգին տնօրինել զայն քաղցրութեամբ եւ սիրով եւ Փոխանորդին հատուցանել անթերի, միայն ետուն յԵրուսաղէմ 5000 դահեկան վասն ծախուց ճանապարհի, բաց յուսեղեաց եւ ըմպելեաց, ընծայից եւ այլ ամենայն պիտոյից, զորս հոգացին Հայք յԵրուսաղէմ ամիսս 8, եւ օրս 8, ետուն նաեւ զվարձս սպասաւորաց նորին ըստ որոշման իւրոյ: Գրեցին եւ գիր առ ամենայն ազգայինս կոստանդինուպօլսոյ, համառօտ իմն պատմելով 'ի սկզբանէ գործոյն մինչև ցաւարտումն նորին. եւ թէ ո'րպէս Նուրի Էֆէնտի հնազանդութեամբ հրամանի Արքային՝ համբերութեամբ եւ հաւատարմութեամբ կատարեաց զգործն, զորմէ գոհունակութիւն եւ շնորհակալութիւն մեծ յայտնելով. յայս գիր ձեռնարկեալ կնքեցին ինքն թէոգորոս Պատրիարք, Եպիսկոպոսունք եւ վարդապետք անձինք 27, եւ ետուն 'ի ձեռս նորա իրրեւ վկայ հաւատարմութեան իւրոյ, (1813. 'ի 28 Դեկտեմբերի): Եւ

այսպէս սիրով և խաղաղութեամբ մեկնեցաւ Նուրի Էֆէն-
տի Իւրովքն հանդերձ 'ի Յուպէ՝ նաւել անտի 'ի Կոստան-
դինուպօլիս . բայց զիլամն և զՀէօճճէթն զորս շարագրեաց
'ի միասին ընդ Դատաւորին համաձայն մտաց առաջին եւ
երկրորդ հրովարտակաց, միայն զիլամն արար 2 օրինակ,
զմին առաքեաց առ Կուսակալն Դամասկոսի, և զմիւսն ընդ
սուրհանդակին 'ի Կոստանդինուպօլիս, և զՀէօճճէթն էստ
ընդ իւր ցուցանել 'ի պատշաճաւոր տեղիս . իբրեւ խընդ-
րեցին Հայք զպատճէնս նոցին, ոչ ետ, ասելով թէ չէ ձեզ
հարկաւոր : (Երանի թէ տուեալ էր) :

Իսկ Թէոդորոս Պատրիարք գրեաց առ Փոխանորդ Պօ-
ղոս վարդապետն, զի խորհրդով ազգայնոց ջանասցին հը-
նարս դտանել կանգնելոյ լուսարարին Հայոց փոփոխակի
ընդ լուսարարին Յունաց 'ի Գերեզմանն Քրիստոսի, զի
յճրուսաղէմ անկարելի եղև տունել զայն :

Բդեչին Սիդոնի որ նստէր յԱսկաղոն, Միւթէվէլի
դբան տաճարին Ս . Յարութեան պահանջէր դուժարս 'ի
Հայոց հաբասար Կուսակալին Դամասկոսի, եւ Փոխանորդ
նորին որ նստէր 'ի Յուպէ՝ խնդրէր 25,000 դահեկան, և
վասն սոցին կային վարանեալ Հայք, զի մի շարիս հասուս-
ցեն ուխտաւորաց և գոյից վանաց, որպէս արարին 'ի Զմիւս-
նիոյ և յեգիպտոսէ եկեալ բեռանց, զի զինի 30 աւուրց
հազիւ հարացին ազատիլ 'ի ձեռաց նոցա . Յոյնք արդեւ
եալ էին հրամանաւ Կուսակալին զնուազարանն Լատինաց
'ի Ս . Յարութեան, և 'ի սոյն աւուրս 'ի միջնորդելոյ Դա-
տաւորին, հրուիրեցին նուազել զայն և սիրով միարանել
ընդ ինքեանս 'ի վաս Հայոց, զի Լատինք մինչեւ ցայ՝
վայր իբրեւ թէ սիրով վարէին ընդ Հայս, այլ յորժամ շա-
հեցան Հայք դբաւունս բաժանորդութեան 'ի Ս . Տեղիս,
վշտացան յոյժ, զի նոքա ճոխացեալ պանծային յԵւրո-
պական Տէրութիւնս, և սյնուէս ոչ կարացին վերստին թա-
փել 'ի ձեռաց Յունաց զեկեղեցին Բեթղեհէմի և Ս . Աս-
տուածածնի, թէպէտեւ յաջողեցան առնուլ հրովարտակ
'ի Մոսթան Մահմուտէ, այլ ոչ կարացին առնել ինչ . նը-
մին իրի թէ առ նախանձու և թէ առ վշտի օրտոյց իւրեանց,
մանաւանդ հակամէտ 'ի գրգռութիւնս Յունաց, սկսան
հակառակիլ վասն ժամանակի Պատարաբին 'ի Բեթղեհէմ,

Թէպէտ և Հայք ջանացին միշտ հաստատուն պահել զվա-
ղէմի բարեկամութիւնս իւրեանց, եւ բազում անգամ 'ի
կարեւոր իրս և 'ի դէպս ձեռնառու և օգնական եղեն նոցա
մտացեալ զնեղութիւնս իւրեանց, բայց նոքա վաղ ընդ
փոյթ մտանային զնոս, եւ բազում անգամ խօսեցան
ընդ ձրա Մանուէլ Փոխանորդի նոցին և եդին պայմանս .
բայց միարանք Մննդեան անլող լեալ բանից նորին, ոչ
ընկալան, և պնդէին պատարագել Հայոց զինի Լատինաց .
և եղև 'ի բաղմանալ վիճմանց՝ հարկ եղև զնալ յերկուց
կողմանց 'ի Բեթղեհէմ և կարգաւորել զխնդիրն, որ եւ
Յոյնք յանձն առին կէս ժամ յառաջ կանխել, և որոշեցաւ
խնդիրն պայմանագրով 'ի վաս Հայոց :

Թէոդորոս Պատրիարք ետ դրել զհամալուծութիւն
պատմութեան անցից Ս . Տեղեաց, և առաքել առ Եփրեմ
Կաթուղիկոս 'ի Ս . Էջմիածին գիտութեամբ Ամիրայից ո-
մանց . զի եթէ արժան դատեցէ, տացէ թարգմանել զայն
'ի Ռուս բարբառ, առաքել 'ի պատշաճաւոր տեղիս, ի-
մանալ թէ Հայք ոչ ինչ առին 'ի ձեռաց Յունաց, այլ
քրիստոնէաբար հաւասար եղեն 'ի բաժանորդ տեղիս,
(1813 . 'ի 29 Դեկտեմբերի) :

Զկնի տիրելոյ Հայոց հիւսիսային մասին եկեղեցւոյն
Բեթղեհէմի՝ բաց յայլոց կարեւոր իրաց արժան էր առ
ժամն կանգնել խաչկալս երկուց խորանաց, կազմել դա-
րանս և պահարանս 'ի պահպանութիւն եկեղեցական զար-
դուց, որպէս հրաման տուեալ էին յառաջագոյն Դատա-
ւորք . այլ յորժամ պատրաստեալ զպահարանն եդին 'ի
կողմն յարեւմտից 'ի կամարածեւ յարմն, 'ի տեղի նախկին
դրան եկեղեցւոյ, զայն տեսեալ Յունաց դիմեցին առ
Դատաւորն, թէ Հայք առանց հրամանի շինեցին սենեակ
յեկեղեցւոյ անդ : Եւ նորս կոչեալ զՀայս խօսի ընդ նոսս
յեկեղեցւոյ անդ, և ստիպէ փութանակի բառնալ զայն անտի
և փակել գոնդին՝ երկուցեալ 'ի բնակչաց երկրին և 'ի մե-
ծամեծաց Տէրութեան . թէպէտ Հայք ասէին թէ ոչ է
այն սենեակ՝ այլ պահարան սակս եկեղեցական զարդուց,
և առաքել զմի ոք յիւրոց և իմանալ զստոյգն, և տակա-
ւին փեղեք նորս ոչ էին ազուցեալ, և այլ բաղմադիմի
բանք . այլ նա ոչ ինչ անսայր բանից նոցա, զնոյն ասէր

և Քաղաքապետն, այլ բնկալաւ զարժանաւոր պատասխանին. և զկնի աւուրց ինչ հազիւ ուրեմն ցածուցին զխորտութիւն Դատաւորին և շինեալ աւարտեցին զպահարանն և կանգնեցին զխաչկալ խորանաց, (1814. յ2 Յունվարի): Գնացին Փոխանորդն Հայոց և ոմանք 'ի վարդապետաց 'ի վանս Յունաց. զկնի բանից և շնորհաւորութեան նոր տարւոյ, խօսեցան վասն խռովութեան գիւղականաց Բեթղեհէմի և Քաղաքապետի, զի զտուգանս նոցին պահանջէր յերկց վանաց: Գնալ Հայոց 'ի Բեթղեհէմ հանդիսիւ յաւուր տօնի Մենդեան, զի Յոյնք ոչ գնացին. բառնալ ըզնոր վարագոյրն 'ի սեղանոյ Մենդեան, զոր եղեալ էին Յոյնք, և չսահմանել անդ նորանոր իրս, և 'ի ժամ պատարագին զոր ինչ կամըցեն դիցեն՝ և ապա բարձցն զամենայնս. բառնալ 'ի խորանէ՛ անտի զթեւ վանդակն, և զանպետ աստիճան պատկերին. Յոյնք խոստացան բառնալ թէպէտ մինչեւ ցայժմ կայ մնայ վանդակն, և 'ի ժամանակս մեր յաւելին փականս 'ի վերայ նորա. եղին սլախման չլիճել միարանաց 'ի Բեթղեհէմ, այլ զամենայն ինչ ազգ առնել յերուսաղէմ: Ի տօնի Մենդեան Հայոց ըստ առաջին սովորութեան Հայոց մուտ և ել առնել յերկուց դրանց Այրին 'ի Քափօրին և 'ի վերաբերման, Յոյնք ոչ հաճեցան, զի յառաջագոյն 'ի տարւոջ երկիցս միայն երթային Հայք անդ, իսկ այժմ մշտնջենաւորեցին, և երկուցեալ թէ 'ի պատճառս ուխտաւորաց և 'ի պատիւ Պատրիարքին՝ մի լիցի սովորութիւն, ուստի միանգամ 'ի տարւոջ առնել խոստացան, (յետոյ զայն եւս խափանեցին): Աւել աճել առաջի դրան Հայոց՝ ոչ կամեցան Յոյնք, կարգաւորեցին զժամանակ պատարագելոյ, պատարագել Յունաց զկնի «Փառք 'ի բարձունս» Հայոց, նոյնպէս և Լատինաց:

Զի թէպէտ Թէոդորոս Պատրիարք ոչ գնաց 'ի Բեթղեհէմ 'ի տօնի Մենդեան վասն խռովութեան գիւղականաց և Քաղաքապետին՝ որպէս գրեցաք, այլ առաքեաց զպաշտօնեայս ընդ ուխտաւորաց: Եւ 'ի նմին գիշերի կախեցին Հայք լսպտերս 'ի սրտուհանէ՛ առաջի դրան 'ի լուսաւորել զտեղին, Յոյնք ընդդիմացեալ բարձին զայն երիցս և 'ի չորրորդին խորտակեցին, և դատաստան առ Դատաւորին, հակառակիլ Յունաց բանից և յորդորանաց նորին:

Հայք վերստին կախեցին զլսպտերն և ցրուեցան գիւղականք որք պատրաստեալ էին 'ի կախ. ընդ այս զայրացեալ Յունաց՝ արգելին զՀայոս ելանել և մտանել յերկուց դրանց Այրին, բայց նոքա կատարեալ զպաշտօնս դարձան յերուսաղէմ: Յոյնք առ նախանձու առեւլութեամբ վարէին ընդ Հայս՝ և խնդրէին գտանել զառիթս խռովութեան և պատրաստ մինչեւ ցհեղուլ զարիւնս, զի բացցի դուռն դնել բարուրանս 'ի վերայ Հայոց. սակայն նոյն իսկ գիւղական Յէլլահը այսպանէին զնոսա, չյուսալ Դատաւորին և յայլազգիս երուսաղէմի. զի ոչ կարեն կալ նոքա ընդդէմ հրամանի մեծի Արքային: Իսկ Թէոդորոս Պատրիարք գտեալ զմիջոց հաշտութեան գիւղականաց ընդ Քաղաքապետին, գնաց բազմութեամբ ուխտաւորաց և միարանաց 'ի Ս. Մնուկ. յաւուր տօնի Անուանակոչութեան Տեառն ('ի 12 Յունվարի), որոյ ուղեկից եղեւ Քաղաքապետն բազմութեամբ զօրաց. գլխաւորք և Եէյսք գիւղին ընդ առաջ էին նմա ամբոսիւ զինուք և երկվարօք, եւ ուրախութեամբ մուծին գնա 'ի Բեթղեհէմ, յերեկոյ եւ յառաւօտ փառօք կատարեցին զհանդէս Տօնին: Թէոդորոս ինքն մատոյց զՍ. Պատարագն 'ի վերայ Մենդեան տեղոյն ջերմեռանդ փախաբանօք 'ի փրկութիւն հոգւոց կենդանեաց և ննջեցելոց ազգին: Եւ 'ի գիշերին յայնմիկ Յոյնք փակեալ էին զհարաւային դուռն Այրին ըստ հրամանի Փոխանորդին իւրեանց, բայց Քարգմանն նոցին եկեալ յերուսաղէմէ՛ ետ բանալ զնա, և ստիպէր բառնալ զզարգս խորանին որ յԱյրին, այլ ոչ անսացին նմա Հայք, և մնաց յերեկոյէ՛ մինչեւ ցժամ պատարագի նոցին, թէպէտեւ եղեւ գժտութիւն և բանք 'ի մէջ երկուց ազգաց եւ Հայք ըստ վաղէմի սովորութեան իւրեանց 'ի ժամ պատարագին ելեալ Քափօրիւ 'ի հիւսիսային դրանէ Այրին, և անցեալ 'ի միջոյ մեծի եկեղեցւոյն դարձեալ լիջին յԱյրն 'ի հարաւային դրանէ, նոյնպէս և 'ի վերաբերման և յայլ ժամանակս. և այսպէս փառաւորութեամբ կատարեալ զհանդէս տօնին, դարձան ուրախութեամբ յերուսաղէմ: Իսկ բազումք 'ի գիւղականաց Բեթղեհէմի Յոյնք և Լատինք յայտնապէս խնդրէին լինել Հայ և յաւելուլ 'ի ժողովուրդ նոցա, որոյ վասն նախանձեալ Յունաց ասէին. թէ Քաղա-

ւորն միայն զԱյրն բաժանորդ ասաց, իսկ Հայք տիրեցին միոյ մասին եկեղեցւոյն. բայց ՚ի մերձ ժամանակի ըստ զօրութեան հրովարտակին, որով առաք զայն ՚ի ձեռաց Լատինաց, արտաքսեմք նաեւ անտի զՀայս. զայս և Գաւաւորն ծանուցանէր ծածկապէս լուեալ ՚ի զխաւարացն Յունաց: Զայսուսիկ գրէ Թէոդորոս ՚ի Կոստանդինուպօլիս և պատուիրէ արթուն լինիլ, եւ եթէ հնար իցէ առնուլ նոր հրովարտակ. զի յերկաթեայ դրանէ մինչեւ ցԱյրն լինել բաժանորդ, որպէս գրի յերկրորդ հրովարտակին: Յոյնք յառաջագոյն զարդարեալ էին կանթեղօք զսլանազարդ գաւիթն եկեղեցւոյն, եւ ՚ի ժամանակս բաժանորդութեան Գատաւորն ոչ եթող Հայոց կախել կանթեղօք և վարագոյրս հաւասար Յունաց, որով այժմ բռնացեալ արգելին նաեւ զկանթեղն ՚ի վերայ դրան վանաց:

Զինի մեկնելոյ Նուրի Էֆէնտեայ յերուսաղէմէ, բռնացան այլազգիք ՚ի վերայ Հայոց և պահանջէին ՚ի նոցանէ զգուճարս դրամոց, որոց պարագլուխ էր դռնապանն Ս. Յարութեան, որպէս թէ զնոյն տաճար ինքեանք շնորհեալ են Հայոց, և յայտնապէս ասէին. թէ պէտեւ Թագաւորն ետ ձեզ հրովարտակ, սակայն Տէր երկրին մեք եմք: Զայս ամենայն դրեալ ծանոյց Թէոդորոս առ գլխաւորս ազգին ՚ի Կոստանդինուպօլիս, և խնդրէր դատնել հնարս ազատութեան. զի եթէ ասէ գիտէաք թէ ոչ բարկանայ Տէրութիւնն և չարգելուն զմեզ փոխառուք, թողեալ դամենայն ՚ի բաց ելանէաք աստի, (՚ի 24 Յունվարի): Փոխանորդ Պօղոս վարդապետն ըմբռնեալ ՚ի ժանտախտէ՝ ազատեցաւ ՚ի ձեռն դարմանի բժշկաց:

Հայք ՚ի սկզբան անդ ոչ կամեցան թշնամանալ նաեւ ընդ Լատինս, և լուեցին յորժամ ընդդէմ կացին նոքա ՚ի կախել զի կանթեղ ՚ի վերայ աստիճանաց հիւսիսային դրան Այրին, և տեղի ետուն քրտմնջանաց նոցին վասն պատարագին, եւ եդին պայման կատարել զայն զինի նոցին առանց խռովութեան: Եւ ոչ կամէին ցրտանալ ՚ի բարեկամութենէ, զոր ունէին յառուրց անտի այրելոյ Ս. Յարութեան. նոքա եւս վշտացեալ էին ՚ի Յունաց վասն բազմազգիքի վնասուցն զոր կրեցին. զի ՚ի շինութեան տաճարին այլայլեցին զձեւ Գերեզմանին, և խափանեցին զսա-

տարազն նոցա, միայն պատարագէին ՚ի վերայ Հրեշտակի վիմին ամիսս 8. եւ դեղերեալ ՚ի դրունս մեծամեծաց բազումս աշխատ եղեն, մինչեւ առին հրովարտակ արքունուստ. բայց ոչ որպէս կամէինն, միայն զԳերեզմանն կարացին մտանել և պատարագել:

Իսկ ՚ի ամին ժամանակի ՚ի բաց թողեալ զառաջին բարեկամութիւնն դարձան յատելութիւն, գրգռէին նաեւ ըզՅոյնս ընդդէմ Հայոց, վասն զի ՚ի տարածել Հայոց զքրիստոսն յատակս եկեղեցւոյն Բեթղեհէմի, ցուցին նոցա ճանապարհ յետուստ կողմանէ, և առ այն չյօժարէին բնաւ, զի մի լիցին ընդ իշխանութեամբ Հայոց, եւ բռնազատէին զնոսա բառնալ զայն և բանալ զճանապարհն, և այսպէս մալալով եւ քրտմնջելով անցանէին ժամանակս ինչ, եւ զի Փոխանորդ նոցին Պրա Մանուէլ ունէր բարեկամութիւն ընդ Թէոդորոս Պատրիարքի, զի բազում անգամ գաեալ էր դրամական օգնութիւն ՚ի նմանէ, եւ եղև ՚ի մեկնիլ նորա յեգիպտոս ՚ի խնդիր դրամոց, զի էին ՚ի մեծի նեղութեան. միաբանք նոցին ՚ի Բեթղեհէմ սկսան յուզել զիսիւ: Գնացին առ Լատինս Լուսարար Սիմէոն վարդապետ և Դիոնիսիոս՝ խօսիլ ընդ նոսա ՚ի վերայ այսր խընդրոյ, բայց Փոխանորդ նոցին սկսաւ վարիլ ընդ նոսա խըրոխտ բարկութեամբ և սրտմտութեամբ և խնդրել զհրովարտակն տեսանել թէ զինչ իցէ գրեալ ՚ի նմա, և թէ Լատինք պայմանաւ վարին ընդ Յոյնս ՚ի Բեթղեհէմ. և հիւսիսային դռան Այրին իցէ սեփհական նոցա, զոր Հայք իւրացուցին պատկերաւ եւ կանթեղիւ, եւ զճանապարհն խափանեցին, և այլ սոցին նման բանք: Տեսեալ վարդապետաց զմեծարանութիւնս նոցին, ասեն՝ գտանել զհրովարտակն ՚ի Դատարանի և ընթեռնուլ զայն, եւ գնալ ՚ի Բեթղեհէմ և տնօրինել զխնդիրն, այլ նա պնդէր բանալ զճանապարհն, Հայք ոչ ընկալեալ զխնդիր նորին մեկնեցան անտի, և աղք արարին Դատարարին, իսկ ՚ի Բեթղեհէմ Տեսուչ և Լուսարար նոցին ժողովեալ զգիւղական զիւնեալ Ֆիլազոս բռնութեամբ և կռուով բառնան զսփոսոցն, եւ եղեգամբ չափեալ ցուցանեն թողուլ զայնքան տեղի բաց, զի ՚ի Թափօրս և ՚ի Պատարագի 3 Բազանայք ՚ի մի կարգ երթիցեն յԱյրն, եւ այս ճանապարհ լինէր առաջի

Գլխահարկ միաբանացն Հայոց եւ ժողովրդոցն երբե-
 սաղէմի յառաջագոյն սահմանեալ էր տալ 1348 դահեկան,
 իսկ ՚ի քանի ամաց հետէ Կուսակալք Դամասկոսի պահան-
 ջէին եւ առնուին 12416 դահեկան . չկարացեալ տանել
 զծանրութիւնն զայն, ետուն նորոգել զհրովարտակն հար-
 կին բաժանել զթուղթս ըստ առաջին սովորութեան մի-
 արբանաց եւ ժողովրդոց եւ ըստ մարդաթուի ժողովել ըջ
 հարկն, զայս հրովարտակ ցուցեալ Քաղաքապետին աղա-
 չեցին առնել ըստ հրամանի Արքային . իսկ նա ոչ կարա-
 ցեալ առնել ինչ՝ գրեաց ՚ի Դամասկոս, նոյնպէս եւ Հայք,
 առաքելով զպատճէն հրովարտակին . այլ Կուսակալն ոչ
 ընկալեալ զբանս հրովարտակին, գրեաց հրաման սաստիկ
 առ Քաղաքապետն անպատճառ առնուլ զսահմանեալ դու-
 մարն . եւ նորա բանացեալ ՚ի վերայ Հայոց էառ զայն ան-
 թերի, էառ նաեւ 650 դահեկան ծախս թղթարերի : Պատ-
 ճառ այսմ զի հարկահանք ոչ բաժանէին զթուղթսն ՚ի գիւ-
 ղորայս Պաղեատինոյ, յորս բնակին Լատինք եւ Յոյնք, եւ
 ՚ի Հայոց եւ ոչ մի ոք՝ եւ զյաւելեալ թուղթսն արկանէին
 ՚ի վերայ երից վանօրէից, Յոյնք եւ Լատինք ոչ կրէին
 փասս անտի . զի ժողովէին ՚ի ժողովրդոց իւրեանց, բայց
 Հայք փասսէին, որոյ վասն գրեցին ՚ի Կաստանդնուպոլիս
 բառնալ զծանրութիւնն զայն :

Գ Լ Ո Ւ Խ Լ Ը .

Հրամանագիրք Կուսակալին Դամասկոսի : Պահանջ եւ բռնութիւն նորին :
 Նենգութիւն Քաղաքապետն խորհրդով Յունաց : Ստիպումն Կուսա-
 կալին խանգարել զգործս Հայոց :

Ի ԲԵՐԵՆ գարձաւ Կուսակալն ՚ի Դամասկոս յուխա-
 գնացաւթենէ իւրմէ, գրեաց առ Քաղաքապետն եւ առ Դա-
 տաւորն երուսաղէմի հարկեցուցիչ բանիւ գրել եւ ծանու-
 ցանել ինքեան զոր միանգամ արտրեալ էին յերուսաղէմ
 ՚ի բացակայութեան իւրում :

Այսօրիկ գրեանք ընթերցան ՚ի ժողովի այլազգեաց,
 եւ Քաղաքապետն ստիպէր զԴատաւորն կատարել զհրաման
 Բդեշխին . եւ ՚ի չառնուլ նորա յանձն՝ ցրուի ժողովն :

Եւ ապա կոչեալ առանձին զՀայս ցուցանէ նոցա ըզ-
 զիրն, եւ զարժանաւոր պատասխան նորին : Ի վաղիւ անդ
 կոչեաց զնոսա Քաղաքապետն եւ ընթերցաւ առաջի նոցա
 զգիր Կուսակալին, եւ խնդրեաց զտուժար կանթեղաց,
 պատկերաց, շինուածոց եւ այլոց իրաց, որք եղեն յերիս
 տեղիս : Հայք ետուն պատասխանի՝ չիք մեր արարեալ նո-
 րասահման ինչ՝ այլ որ ինչ միանգամ եղեն հրամանաւ
 Արքայի եւ ՚ի ձեռն պաշտօնէից եւ ձեր եղեն եւ կատարե-
 ցան, եւ գրեցաւ իլւժ եւ Հէօճէթ եւ առաքեցան ՚ի պա-
 շաճաւոր տեղիս թէ՛ ըստ հրովարտակին Սէլիմայ երկու
 աղգք բաժանորդ են ՚ի նոյն տեղիս, զամենայն ինչ դուք
 արարիք՝ որպէս գիտէք, այնպէս գրեցէք՝ զի մեք ՚ի սեյի-
 հական տեղիս մեր՝ անկախ, եւ ՚ի բաժանորդս՝ բաժանորդ
 եմք, զի եթէ է ոք դատախազ ինքն յայտնապէս խօսես-
 ցի, զի աւելի ինչ ոչ եմք արարեալ՝ եւ եղեալքն հրամա-
 նաւ ձեր եղեն : Եւ սենեակն Բեթղէճէմի, որպէս գրեալ է
 Կուսակալն, ոչ է այն սենեակ, այլ սահարան ՚ի սլահպա-
 նութիւն անթոց, եւ այն եւս դարձեալ գիտութեամբ
 ձեր, այլ զտուժար կանթեղաց եւ այլոց իրաց ոչ կարեմք
 տալ, զի Արքունի գրեանք ոչ յայտնեն զայդպիսի ինչ :
 Իսկ Քաղաքապետն ստիպէր զնոսա ասել որ ինչ եղեն
 ՚ի ժամանակի բաժանորդութեան, եւ զայնուսիկ համարեցի
 նորասահման իրս, եւ որսացեալ բան ինչ ՚ի բերանոյ նո-
 ցին՝ արկցէ զնոսա յորոգայթ իւր, եւ այնպէս պատասխանի
 արասցէ Կուսակալին : Այլ նոքա միշտ զնոյն բան երկրոր-
 դեցին, հրամանաւ Արքայի ՚ի բաժանորդ տեղիս հաւա-
 սար լինել Յունաց . իսկ որ գրեալ եցոյց Բդեշխին հա-
 ւաստեաւ զթիւ պատկերաց եւ այլոց իրաց՝ իբր նորասահ-
 ման՝ նա վկայեցցէ եւ ամբեցցէ զնա : Ընդ այս շառագու-
 նէին երեսք Քաղաքապետին, եւ ինքն երգնոյր թէ չէ
 գրեալ ինչ : Իբրեւ ոչ կարաց որսալ բան ինչ ՚ի բերանոյ
 նոցա, սկսաւ թախանձել զԴատաւորն եւ զմեծամեծս այ-
 լազգեաց գրել իլւժ եւ հանրագիր վասն եղելոց, զի մի
 ինքն ստախօս երեւեցցի : Դատաւորն զայս միայն առնէր

պատասխանի. ըստ հրամանի Արքային զխոտթեամբ ամենեցունցս և օրինօք դատարանի երկու ազգք բաժանորդ եղեն. գրեցան Իւճ և Հեճճէ՛՛՛ և առաքեցան առ Տէրութիւնն և ՚ի Դամասկոս, բաց յայցանէ ոչ ինչ դիտեմ և ոչ ինչ գրեմ. Եւ ապա կոչեալ առանձին զմտտիկան Բղեշ-խին՝ պատուիրէ նմա չքրքրել զինդերն՝ զի Սուլթան Մահմուտ ինքնին վերահայու լեալ է գործոյս. որպէս աքտորեաց զնախորդն իմ ՚ի Մավուսայ, և ես երկնչիմ գործել հակառակ հրամանի նորին. զի եթէ երկու ազգք ռահս աւելի և պակաս իրաց ունին դատս ինչ, զայն եւս լսեմք և զստոյգն գրեմք կուսակալին, այժմ՝ ոչ ամբաստանող և ոչ նորասահման իր ինչ տեսանի. Ի սոյն միտս գրեաց նաև առ Կուսակալն, այլ չեղեւ յայտնի թէ զի՞նչ գրեաց Քաղաքապետն. Սակայն Դատաւորն կոչեաց առանձին ըզ-Յոյնս և առաջի եդ. զօգուտ և զվնաս գանկատաւոր լինելոյն նոցա առ Բղեշխն. և նոքա մեծաւ երդմամբ հաստատելին թէ չէին գրեալ բան ինչ՝ զի չէր օգուտ, հանաւանդ չէին մոռացեալ զդառնութիւն նորին՝ զոր ճաշակեցին յառաջին նուագին. զիա՞րդ փութացին միւստանգամ անկանել ՚ի ծուղակս նորա, թէպէտ կամեցին զտուգանելն Հայոց այլ ինքեանք առաւել քան զնոսա վնասէին, այսպիսի բանիւք թագուցին զնենդութիւնս իւրեանց, (՚ի 21 Փետրվարի):

Թէպէտ և գրեաց յայնժամ Դատաւորն պատշաճաւոր պատասխանի գրոց կուսակալին, այլ նա ոչ հանդարտեալ վերստին գրեաց առ մեծամեծս քաղաքին եւ առ Դատաւորն, ընդ որս էր եւ Տուհար (՚ի 10 Մարտի): Կոչեաց Դատաւորն զՓոխանորդն և զԹարգմանն, զԴիոնէսիոս եւ զՊոտուռեան Գէորգ և ընթերցաւ առաջի նոցա զգրեանսըն, յոր ասէր՝ իստովութիւնք քրիստոնէից վասն եկեղեցեաց և Ս. Տեղեաց երոստողէմի ձանձրացուցին զԹագաւորն ՚ի լսել զդատաստանս նոցա. զի ոչ կամէին շատանալ բնականին, սորին վասն Կուսակալք Դամասկոսի ըզգուշութեամբ արգելեալ էին զնոսա չառնել ինչ ըստ կամաց իւրեանց, որպէս եւ մեք առնէաք. այլ յուղեւորիլ մերում ՚ի Մէքքէ, Հայք պատեհ առ ի՞նչ գտեալ եւ յազահութենէ ոմանց համարձակութիւնս առեալ, սահմա-

նեալ են նորանոր շինուածս՝ պատկերս եւ կանթեղս ՚ի Ս. Յարութիւն, ՚ի Բեթղէհէմ և յԱստուածածին, որպէս սուրմարաւ եւ տոյգք քննութեամբ ցուցանեն մեզ: Արդ՝ այն ամենայն զորս արարին, բարձցի և քակեցի օրինօք դատարանի. ապա թէ ոչ՝ պարտաւորին եւ վնասին մեծապէս՝ որք հրաման տան և հակառակին հրամանի մերում: Յայտնապէս ծանուցաւ որ զտուհարն զայն գրեալ են Յոյնք մանրամասն՝ և գրով իւրեանց յղեալ առ նա ՚ի ձեռն Քաղաքապետին, Եհարց Դատաւորն յՅոյնս՝ զի թերեւս զխոտթեամբ և յօժարութեամբ նոցին եղեալ իցէ այն ամենայն, բայց նոքա դարձեալ յուրատտ եկին, և այնպիսի ձեւ ետուն բանից թէ՛ գործ նոցին տեսանի յԱրքունիս: Յետ այնորիկ ասէ ցՀայս, չիք իմ արարեալ նորասահման ինչ, այլ ըստ հրովարտակի Արքային և զխոտթեամբ առ մենեցուն երկու ազգք բաժանորդ եղեն. և թէ՛ չունիմ այժմ հրաման յԱրքայէ քննել զայնս, քակել և կամ այլ ինչ գործել. հարկ է ստասել հասանելոյ Մուվիլային ՚ի կոստանդինուպոլիս եւ ընդունելոյ զգրեանս. իսկ եթէ Բղեշխն կամի բռնութեամբ գործել, ոչ կարեմ ընդդէմ կալ, թէեւ կարեմ առնել ըստ հրամանի նորին և զամենայն գրեանս առաքել առ Տէրութիւնն, սակայն ըստ օրինաց որքան կարեմ արդելում մինչեւ ծանուցանել ձեզ ՚ի կոստանդինուպոլիս, և բերել գիր հրամանի, զի ՚ի յաջորդել այլ Դատաւորի գորով անտեղեակ իրացս այսոցիկ, հանդիպիք նեղութեանց և վնասուց, Եւ ետ նոցա զպատճենս գրոց կուսակալին առաքել առ որ տնին է, և մեկնեցան անտի. Չինի երկուց առուրց գնացին Հայք առ Քաղաքապետն ըստ խնդրելոյ նորին, եւ ընթերցաւ առաջի նոցա զգրեանս կուսակալին, եւ ՚ի լինել բանից ՚ի վերայ այսր խնդրոյ, Հայք ետուն պատասխանի կուսակալն յառաջագոյն գրեալ էր թէ՛ 20 կանթեղ յԱստուածածին, 1 սենեակ ՚ի Բեթղէհէմ, և 1 խորան ՚ի Ս. Յարութիւն նոր սահմանեալ է, և խնդրէր ծանուցանել ինքեան թէ՛ ո՞ր ազգ ՚ի քրիստոնէից արարեալ իցէ զայն, և դուք յայնժամ ո՞րպիսի եղանակաւ ետուք պատասխանի, չէ մեզ յայտ. իսկ այժմ զամենայն ինչ սուրմարաւ յայտ արարեալ ասէ՛ թէ Հայք ՚ի բացակայութեան իմում պատեհ փամանակ գտեալ՝

Ժողովուրդը քարին մասնաւոր այս հանգամանքէն տարուելով՝ երեւակայեց որ կատաղի սողուն մը յանկարծ դուրս ելած է քարերէն այն պահուն՝ երբ եկեղեցիին քանդիչները գործի սկսան: ԺԻ-ԺԷ դար այս զրոյցը շարունակուած է ուխտաւորներու պատմութիւններուն մէջ անկարեւոր տարբերակներով: Greffin Affagart կը կարծէ թէ Երուսաղէմի մէկ մզկիթին շինութեան համար էր որ այս քանդումին ձեռնարկուեցաւ: Ահա անոր խօսքերը. «Պատին մէջ կային գեղեցիկ մարմարներ, այնպէս որ Սուլթանը տեսնելով այս քարերուն գեղեցիկութիւնը՝ հրամայեց որ անոնք հանուելին և Երուսաղէմ տարուին իր մզկիթին շինութեան համար որ կը կառուցուէր իր պալատին մօտ: Գործածաւորները երբ Սուլթանին ներկայութեան գործի ըսկըսան, խոշոր օձ մը դուրս ելաւ իր կոկորդէն կրակ ժայթքելով, և որ մեծ ուժգնութեամբ մը կը ցնցէր պատերը ու կը կտորաէր մարմարեայ քարերը, և օձը կ'այրէր այն ամէնը՝ որոնց վրայէն կը քալէր: Կը ըստ պաննէր ներկաներէն շատերը, ուրիշներ ալ կը փախչէին խելագար և զգայազիրի: Այս դէպքէն յետոյ ոչ ոք համարձակեցաւ եկեղեցիին մօտենալ, որ կը մնայ մինչև այսօր»: Այս զրոյցը կը պատմեն նաև Bureh (էջ 79), Fabri (էջ 475), Jean Poloner (էջ 248) (B. S. N. էջ 180-191):

ե) Յովնաննէս Տուեցին և Բերդնէմի եկեղեցիին պատկերները. — ԺԳ. դարուն Յովհաննէս եպօ. Տուեցին ուխտի կ'երթայ Բեթղեհէմի Ս. Ծննդեան վանքը եւ անոր կը պատահի հետեւեալ դէպքը զոր այսպէս կը պատմէ. «Երբ Ս. Բեթղեհէմ ուխտի գացի, տեսայ որ Ս. Առաքելոց պատկերները հոն՝ եկեղեցիին պարիս-

պին վրայ նկարուած եւ թշմամիները անարգութեան համար անոնց աչքերը փորած էին: Շատ տրամեցայ, աղօթեցի Ս. Առաքելոց և աղաչեցի որ ինձ յայտնեն թէ իրենց հաճո՞յ է ամէն տեղ իրենց պատկերը նկարել. երբ Երուսաղէմ դարձայ, նոյն գիշերը տեսիլքի մը մէջ տեսայ երկու փառաւոր մարդեր որ ինձի կուգային և ես անոնց առջևն ելլելով ըսի թէ ո՞վ էք դուք Աստուծոյ սուրբեր: Ու անոնք ըսին, Պետրոս և Յովհաննէս, դուն էիր որ մեզի աղաչեցիր որպէսզի քրիստոնեաներուն՝ մեզ ձեռքերպելու կամ նկարելու մասին մեր կամքը յայտնենք. այդ բանը մեզի բնաւ հաճոյ չէ, ձանձրացած ենք և տեղ տեղ ալ կը յայտնենք, բայց մտիկ չեն ըներ մեզի» (Վար. էջ 201-4^(*)):

Եկեղեցիին աւանդութիւնները աւարտելով այժմ պիտի գրենք բուն իսկ Բեթղեհէմի մէջ գտնուած աւանդութիւնները. իսկ Ս. Աստուածածնի մայր տաճարին հիմնարկութեան պատմութեան և Սաչակիրներու կողմէ կատարուած զարգարանքներուն, որմանկարներուն և մողայիքներուն նկարագրութիւնը տեսնել շ. Վ. Ե. (էջ 217-248):

ը) Բառասնից այրը. — Վանքէն դուրս, եկեղեցիին հարաւային կողմը կայ անկանոն ձևով այր մը՝ ուրկէ կ'իջնեն 13 աստիճան սանդուղէ մը: Արաբացիք զայն կը կոչեն Մաղարեղ կս սիրքի Մարիաւ որ շատ հին սրբավայր մըն է, ամէն քրիստոնեայ հա-

(*) 1500-1524 եղևովիս ընգորինակուած Ոսկեփորիկ-հաւաքածոյի մը յիշատակագրութեան (Տե՛ս Տաշեան ցուցակ, էջ 485) կը հասկցուի թէ Բեթղեհէմի սամարիւն մէջ կը գտնուին «Ծ. սիւն մարմարեայ եւ մի սիւն խաչ նկարեալ ձեռամբ Լուսաւորչին Գրիգորի, գոր Լուսաւորչի սիւն կոչեն»:

կանաօցի այնու Բդեշին, արասցէ որպէս և կամի : Զայս ամենայն դէպս գրեաց Թէոդորոս Պատրիարք երկար բանիք առ Քրիստոսոս աղբին 'ի Կոստանդինուպօլիս, և խորհրդէր գտանել հնարս ազատութեան, եւ թախել զինքն 'ի բունութենէ Կոստակալին և 'ի դաւաճանութենէ Գաղաքապետին ('ի 17 Մարտի) : Կոստակալն Սիդոնի Սիւլէյման Փաշա Մարտիէն զիրան տաճարին Ս. Յարութեան, խնդրէր յառաջագոյն զմեծ գումարս 'ի Հայոց, որու մ խոստացեալ էին տալ մինչեւ 40,000 դահեկան, և նորա շէր հաճեալ, այլ 'ի սմին ժամանակի գրեաց առ Թէոդորոս չպահանջել ինչ, զի բնութի վնասութիւնն նորին 'ի գուր շարժեցաւ, և հրամայեաց յետս գարծուցանել 40,000 դահեկանն, զոր առեալ էր Յոպպէի Մէհմէմէտ աղայն, որ և արար իսկ, և ինքն ետ 30,000 դահեկան և էառ փոխանակադիր հատուցանել Փոխանորդին 'ի Կոստանդինուպօլիս : Գրեաց Թէոդորոս Պատրիարք առ Փոխանորդն առնուլ հրաման յԱրքայէ եւ առաքել տաղձ եւ զայլ կարեւոր պէտս եւ զգործաւորս վասն շինութեան թերի մնացեալ տեղեացն Հայոց 'ի Ս. Յարութիւն, զի գործաւորքն որք եկեալ էին յառաջագոյն ընդ Ալթամ Գալթայի մեկնեցան, զորոց զժախն հողաց նա ինքն Թէոդորոս, և պատրաստեաց թախել վարագոյրս կախել ըստ առաջնոյն 'ի սեփհարան տեղիս Հայոց 'ի վերայ սեանց 'ի Ս. Յարութիւն, այլ Յայնք ընդդէմ կացեալ արդելին զայն, և մնաց խոսիանեալ մինչեւ ցայսօր : Խնդրեաց նաև զտառմու թիւնն անցիցն որք անցին յառուրս իւր 'ի Կոստանդինուպօլիս, զոր գրեալ էր անդ Փոխանորդ Պօղոս վարդապետն, որպէս եւ Գիոնէսիոս քանցս Երուսաղէմի : զի միաւորեալ զերկոտեանն տացէ տպագրել : Սակայն գլորուածք Պօղոսի չերեւին 'ի միջի, այլ միայն որ գրեցաւ յերուսաղէմ, յորմէ քաղեալ եղաք 'ի կարգ պատմութեանս, զոյգ ընդ նմին ունեւրով և զնամակահիս Թէոդորոսի : Սակայն առանձին գրեալ և համատեղեալ գրեցին վասն բաժանորդութեան Բեթղեհէմի բարձաւ 'ի միջոյ Աթոռոյն 'ի ձեռն անհաւատարիմ ունեց :

Գ Լ Ո Ւ Խ Լ Թ .

Ս. քորուսի Մուսայ Գատուորին : Ընդգիմու թիւն Լատիսոց վասն Զոստայրի : Պահանջ Գաղաքապետին : Քեանեաց Կոստակալն և բունութիւն նորին : Բողոք Հայոց վրոն այն :

Մ ՈՒՍԱՅ ԷՓէնտի Սախտի յորժամ կարգեցաւ Գատուոր Երուսաղէմի փոխանակ Մուսանըֆի աքսորեաց, յանձն եղև նմա կատարել զգործս Հայոց ըստ հրամանի Արքային : Նուրի Էֆէնտի 'ի դէպս ինչ վատեցեալ 'ի նմանէ, մի՛ զի միշտ 'ի կողմն Յունաց հակեալ էր, երկրորդ՝ ոչ կամեցաւ յայտնել նմա զգաղանիս իւր, և այնպէս խէթ 'ի սրտի մեկնեցաւ յերուսաղէմէ : Հայք 'ի Կոստանդինուպօլիս ամբաստան լինէին զնմանէ՝ թէ զոմանս 'ի գործոց անտես արար և զոմանս թերի եթող, և Նախիպ քաղաքին թշնամացեալ ընդ նմա՝ շարափօս լինէր 'ի Կոստանդինուպօլիս 'ի ձեռն Բիլիսցի Օսման Էֆէնտեաց որուք : Պօղոս վարդապետ գրէր անտի յերուսաղէմ շեարիլ 'ի բան նորին և չանկանիլ սարապարտ 'ի տուգանս, զի անպատճառ ունէր շարժիլ աշտանակ նորա յերուսաղէմէ : Բայց գրեանք մեծի Դեհպետին և այլոց մեծամեծաց հաստատելին լինիլ նորա Փոխանորդ Գատուորի նոր տարւոյ, և պահանջէին 'ի նմանէ 55,000 դահեկան փութանակի առաքել իրր ծախս : Ընթերցեալ Գատուորին զայստիկ գրեանս, կոչեաց զոմանս 'ի Հայոց և ասէ՝ Իշխանութիւնն այս յօգուտ ձեր է՝ զի Գատուորն գորով անտեղեակ հանգամանաց գործոյն, եւ թեւադրութեամբ անտեղեակ հանգամանաց գործոյն, եւ տաքնապել, զի ոչ կարէ ընդդէմ կալ բունութեան Կոստակալին, ուստի պարա է ձեզ յանձն առնուլ վճարել փոխանակադրով զգումարն զայն 'ի թագաւորեալ քաղաքին եւ ես աստ սակաւ առ սակաւ հաշուեցից զայն փոխարէն պարգեաց եւ այլոց սրոց և գործոց՝ զորս ունին Գատուորք 'ի ձէնջ : զի եթէ ոչ հաճիք՝ աղբ արարից Յունաց, զի նոքա յօժարութեամբ ընդունին, յայնժամ պարտաւորիմ գործել 'ի նպատտ նոցա և 'ի վնաս ձեզ :

Միաբանք Հայոց տարակուսեալէին 'ի վերայ այր խնդրոյ , զի գիր Փոխանորդին իբր ստոյգ յաղբերէ յուսադրէր զնոսա , գրեանք այլազգեաց յայլ իմն եղանակ շրջէին զբանն : Ձկնի երկար խորհելոյ յանձն առին , եւ գրեցին առ Փոխանորդն ցուցանել զգիր Դատաւորին 'ի պատշաճաւոր տեղիս և 'ի պահանջել հարկին հատուցանել զգումարն . չեւ եւս առեալ սոցա զպատասխանին գրեանց , եհաս յերուսաղէմ 'նուիրակապետն հրովարտակաւ Արքայի ('ի 18 Յուներիս) , յորում գրէր . Դատաւորն Երուսաղէմի Մուսայ էֆէնտի , արտաքոյ կամաց եւ հաճութեան իմոյ գտեալ յանարժան գործս , և 'ի պատիժ նորին ազգարարութեամբ մեծի Դենպետին աքսորեսցի 'ի կղզին Ստանքիոյ . լուեալ զայս Դատաւորին պատրաստեցաւ 'ի չու , և առաքեաց զհաւատարիմ իւր 'ի Ջանս Հայոց չհոգալ ինչ վասն իւր , զի գիտէր զպատճառ աքսորման իւրոյ որ էր Կուսակալն Դամասկոսի , զի ոչ կատարեաց զհրաման նորին , եւ ոչ գրեաց իլամ որպէս պահանջէրն , որոյ վասն բարութեան եղեալ ամբաստանեալ է զնա 'ի Դուռն , եւ Տէրութիւնն 'ի շնորհս նորին այնպէս արարեալ . ապա թէ ոչ պարտ էր բացայայտ գրել 'ի հրովարտակին զպատճառ աքսորմանն , որպէս նախորդի նորին , եւ թէ զկնի մեկնելոյ իւրոյ ունէր ահացուցանել Բղեչին զՀայս , այլ չերկնչիլ երբէք 'ի նմանէ , զի ամենայն ինչ հրամանաւ Արքայի և գիտութեամբ մեծամեծաց եղեալ է . զի 'ի հասանիլ իմ 'ի տեղի աքսորանացս , ցուցից զամենայն ինչ Տէրութեան 'ի ձեռն մեծի Դենպետին և այլոց բարերարաց իմոց : Սակայն Հայք միշտ առաջի աչաց ունէին զգիր Փոխանորդին , զթշնամութիւն Օսմանայ և Նուրեայ և այլոց եւ վարանէին 'ի միտս , զի 'ի հեռանալ սորա՝ թշնամիք ժամ գտեալ յարիցեն 'ի վերայ նոցա , որպէս ակներեւ տեսանէին . զի իւրաքանչիւր ոք սկսաւ ըստ հաճոյից իւրոց խօսիլ և առնել , մանաւանդ Բաղաքապետն և Յոյնք . զի եթէ իմացեալ էր նորա թէ 'ի կողմանէ Հայոց լեալ է աքսորումն իւր , գործէր բազում չարիս և մնասս :

Ապա կարգեաց 'ի տեղի իւր փոխանորդ գիպրապետն Դատարանի , զի ոչ էին բարձեալ 'ի նմանէ զպատիւ Դատաւորութեան , զի էր նա այր յիմար և դիւարաղյս . սաստ-

կադոյնս պատուիրեալ նմա և որդւոց նորին , զի մի երկուցեալ 'ի Բղեչիւն և կամ խաբեալ 'ի կաշառաց այլոց , այլազգ իմն գործեսցեն , գրել կամ կնքել վասն գործոց Հայոց , զի մի յետոյ Թագաւորն հատեալ զգլուխս անձէտ արասցէ զինքեանս :

Եւ ապա մեկնեցաւ ընդ Ոստիկանին 'ի Յոպպէ , որոյ ծախոց ձեռնտու եղեն Հայք ըստ խնդրանաց նորին , գնալ անտի 'ի տեղի աքսորման իւրոյ ('ի 21 Յուներիս) : Եւ մինչդեռ Դատաւորն նստեալ էր 'ի Յոպպէ՝ եհաս գիր 'ի Կուսակալէն , և ընդ նմա պատճէն հրովարտակին առ Բաղաքապետն՝ յորում փութացուցանէր տարադրել յերուսաղէմէ գիտաւորն , և եթէ պատճառանօք երկարեսցէ զժամանակն , կապանօք առաքեսցէ զնա 'ի տեղի իւր : Եւ զկնի աւուրց ինչ իբրեւ տեսին Բաղաքապետն և զինակիր Կուսակալին թէ Դատաւորն նստեալ էր 'ի Յոպպէ , յարմարեցին զայլ իմն բան , իբր 'ի դիմաց Կուսակալին , ըմբռնել զնա և կապանօք առաքել 'ի Դամասկոս , զի գիտացից ասէ թէ՛ յո՞ յուսացեալ է , բայց ոչ կարէին հանել զնա անտի բռնութեամբ : զի Յոպպէ չէր ընդ իշխանութեամբ նոցին , եւ ետուն բերել զորդի դպրապետին , որ զնացեալ էր ընդ նմա , և իբրեւ սոլառնացան նմա , արար պատասխանի՝ թէ նա վաղ մեկնեցաւ 'ի քաղաքէ անտի , և ես մնացի ընդունել զնոր Դատաւորն և ուղեկից լինիլ նմա , որպէս սովորութիւն է :

Իսկ Լատին կղերք ոչ հանդարտեալ վերստին յուզեցին զխառնութիւն 'ի Բեթղեհէմ վասն ճանապարհին (յ8 Յունիսի) . զի պնդէին անցանել 'ի վերայ սփռոցացն Հայոց՝ նաեւ Ֆէլլահ ժողովրդոց , մինչեւ անհանգիստ առնել զկրօնաւորս 'ի ժամերգութեան՝ հարկանել զնոսա , կործանել զգրքակալն և անցանել 'ի միջոյ նոցին : Հայք յերուսաղէմ երկոյս անգամ ազգ արարին Փոխանորդի նոցին զպլել զստահական , և չթողուլ սերմանել խռովութիւն 'ի մէջ երկուց ազգաց , այլ նոքա իբր յանգէտս , մերթ խոստանային գրել՝ զի մնասցէ այնպէս մինչեւ ցնոր տնօրէնութիւն , և մերթ չկամէին ելանել արտաքս յերկիւղէ ժանտախտին , սակայն միտրանք նոցին 'ի Բեթղեհէմ ոչ դադարէին 'ի թշնամանելոյ զՀայս , սուտ և յար-

մարտիան կոչելով զհրովարտակն Արքայի • և 'ի սաստկա- նալ վիճմանց՝ Լատինք դիմեցին առ Դատաւորն , յանցա- ւոր ցուցեալ զՀայս իբրու թէ արգելուլ կամին զճանա- պարհ նոցին • ցուցանելով զհին հրովարտակս իւրեանց , և ապա յաւելին զվեճութիւնս կանթեղացն Հայոց յԱյրին , զսփոօցն անդ 'ի ժամ պատարազի , զհիւսիսային դուռն եւ զպատկերն 'ի վերայ նորա , եւ թէ յառաջագոյն չէր սիրոց , այժմ արեալ Հայոց եկեղեցւոյն՝ խախտնցին ըջ ճանապարհն , և այլ սոցին նման բանք • սրոց Դատաւորն արար պատասխանի՝ չունիլ իրաւունս և ոչ միոյ իւրիք 'ի նոցանէ՝ զի հրովարտակ նոցին էր հին , այլ վասն ճանա- պարհին խոտոացաւ նոցա կոչել զՀայս և տնօրինել , զի ակն ունէր անուր ինչ 'ի նոցանէ • ապա կոչեալ զՀայս մեղադիր լինէր նոցա , թէ ընդէ՞ր ոչ ազդ արարին ին- քեան զհակառակութիւնս Լատինաց , ասլա յորդորէր ըջ նոսա սիրով վճարել զգործն , զի Բդեշխն ատելութեամբ էր ընդ Հայս • զի մի 'ի բողոքել Լատինաց քաջալերութիւն գտեալ արկցէ զնոսա 'ի տուգանս , այժմ՝ պարտ է ատէր խօսիլ միայն վասն ճանապարհին , մինչեւ դարձցի Բդեշխն 'ի տեղի իւր , և ապա զամենայն ինչ յօգուտ ձեր կար- դաւորեցից :

Ակամայ կամօք խոնարհեցան Հայք ընդ այս՝ յահէ Բդեշխին , զի մի բազմասցին թշնամիք • Լատինք յուսա- ցեալ էին 'ի բանս Դատաւորին , եւ նա ակն ունէր իւրոց իրաւանց • և այսպէս յերերիլ գործոյն՝ տարադրեցաւ Դա- տաւորն , որպէս գրեցաք • Լատինք վերստին յուղեցին զկախն 'ի Բեթղեհէմ , զինեալ զՅէլլաճ ժողովուրդս բար- ձին և 'ի բաց ընկեցին զսփոօցն՝ և հարեալ զմիաբանս ան- ցին 'ի միջոյ նոցա • լուեալ զայս միաբանացն Հայոց յե- բուսաղէմ , ազդ արարին Լատինաց • բայց նոքա բարկա- ցեալ չետուն պատասխանի , ուստի հարկ եղեւ դիմել առ Քաղաքապետն , զի մի հեղցի արին և կամ վնաս ինչ գործեցի՞ եւ բացցի դուռն տուգանաց , Քաղաքապետն կամեցաւ պատժել զմիաբանս Լատինաց Բեթղեհէմի , այլ Հայք ոչ ետուն թոյլ • զի վնաս մեծ լինէր այն ինքեանց 'ի կողմանէ Բդեշխին , այլ պատուիրել զվնասորաց նոցին յերուսաղէմ • Եւ եղեւ 'ի խօսիլ նորա ընդ թարգմանի նո-

ցին՝ խոստանայ բերել զհրովարտակս • այլ նա խորհէր կոչել 'ի միասին զերկու ազգսն և խաղաղութեամբ վճա- րել զիրանս • Ասկայն անդէն անդ և հաս գուժական 'ի Բեթ- ղեհէմէ՝ թէ Լատինք սաստկացուցին զվէճն և անարդեցին զԹագաւորն եւ զԴատաւորն , և դառն լուտանօք վարե- ցան ընդ Հայս • Լուեալ Քաղաքապետին զայսոսիկ՝ գրեաց աս քրիստոնեայս և առ այլազգիս Բեթղեհէմի շիշխել ու- մեք նեղել զՀայս՝ և բառնալ ինչ յեկեղեցւոյ անտի թե- ւադրութեամբ այլոց , որք կարգաւորեալ են հրամանաւ Արքայի , և անհնազանդից սպառնալիք պատժոյ • Իբրեւ եկն Թարգմանն Լատինաց , յանդիմանեաց զնա վասն ան- կարգութեանցն , և սպառնայր գրել և ծանուցանել Բե- ղեշխին զյանդգնութիւնս և զանհնազանդութիւնս նոցա , և կամ մնալ խնդրոյն 'ի վերայ առաջի պայմանին , մինչեւ ինքնին երթիցէ անդ և կարգաւորեսցէ : Զի յորժամ եկե- ղեցին այն գիտութեամբ ամենեցուն և ձեր յանձն եղեւ Հայոց , ընդէ՞ր ոչ ասացիք ինչ • եւ ոչ շատացեալ ճանա- պարհին սահմանելոյ , այլ իմն ճանապարհ կամիք որոշել այժմ ըստ կամաց ձերոց և անցանել անտի Յէլլաճ ժողո- վրդովք , և թէ որով իշխանութեամբ գործէք զայդ խօ- սելով զայլ և այլ բանս ընդդէմ Տէրութեան , եւ Թարգ- մանն չկարացեալ ասել ինչ՝ մատոց նմա զերկուս հրո- վարտակս • առաջին գրեալ 'ի Թուին Հիւրէթի 1108 յո- բում պատմէ զվէճս Յուճաց ընդ Լատինաց վասն կանթե- ղաց և պատկերաց Բեթղեհէմի եկեղեցւոյն , և սուտ հա- նէ զգաշնադիրն Օմարայ , որ 'ի ձեռս Յուճաց , եւ երկ- րորդն 1170 յորում պատուիրէ չլինել ումեք ձեռնամուխ տեղեաց Լատինաց , Որոց պատասխանին արարին Հայք չլինիլ 'ի նոսա յիշատակութիւն ճանապարհին այնորիկ • և մին հրովարտակաց հին , յորում ժամանակի եկեղեցին Բեթղեհէմի էր 'ի ձեռս Լատինաց , յորոց աւին Յոյնք , և 'ի վերջոյ ըստ հրովարտակին Սէլլմայ բաժանորդ եղեն ընդ նոսա Հայք , այլ մեք ասեն չեմք քննող հրովարտա- կաց , և ոչ ունիմք վէճս ընդ ումեք , միայն Լատինք պատ- ճառանօք մի հակառակեացին մեզ • Քաղաքապետն յօժար էր յառաջագոյն զնալ 'ի Բեթղեհէմ , այլ 'ի վերջոյ մնալ ասէր մինչ ցգալուստ նոր Դատաւորի • զի օրինօք վճա-

րեսցի ամենայն ինչ, և մեկնեցան իւրաքանչիւր 'ի տեղի իւր :

Ապա Քաղաքապետն առաքեաց 'ի Բեթղեհէմ՝ զԳանձապետ իւր զՄուսղաֆա . գնացին և 'ի Հայոց Գիտնէսիոս և Եւդոկիացի Կարապետ Վարդապետք , եւ 'ի Լատինաց մեծ Տեսուչն եւ այլք : Եւ ժողովեալ յեկեղեցին Եհարց Գանձապետն ցլատինս զսլատնա խոսովութեան իւրեանց , և նորա ցուցին զպատկերն 'ի վերայ դրան նոցին 'ի ներքուստ , և զճանապարհն 'ի միջոյ եկեղեցւոյն . Գանձապետն ցուցանէր չուենել իրաւունս Լատինաց . զի Հայք որոշեալ էին զճանապարհ ժողովրդոց և եկեղեցականաց նոցին չանցանել 'ի վերայ սփռոցացն Հայոց , եւ պատուիրէր մնալ այնպէս մինչ ցգալուստ նոր Գատաւորի , այլ Լատինք պնդէին՝ հասարակութեամբ անցանել 'ի միջոյ նոցին , թէ եւ իցեն 'ի Պատարագի , եւ բռնադատէին բառնալ զսփռոցն զի յատկացի ճանապարհն , և խնդրէին դիր 'ի Քաղաքապետէն որ ինքն արգելեալ իցէ զԼատինս 'ի տեղեղջէ յայնմանէ : զի պարտաւոր ցուցնեն զնա իբր խափանիչ օրինաց նոցին , այլ Գանձապետն ոչ ընկալաւ զբանս նոցա . զի ոչ էր եկեալ սահմանել և դրել ինչ , այլ տեսանել եւ պատուիրել դադարիլ 'ի հակառակութենէ :

Յետ այնորիկ իջին յՍ.յրն , և Լատինք խօսէին զմեծութենէ եւ զցածութենէ կանթեղացն եւ զսփռոցէն Հայոց , և Լուսարարն Յունաց ասէ՝ թէ եկեղեցին Հայոց ունի սովորութիւն արեւել 'ի ժամ պատարագի և ասլա բառնալ , նոյնպէս և Գանձապետն ասէր՝ չուենել իրաւունս խօսելոյ 'ի վերայ պաշտամանց իւրաքանչիւր ազգի : Սակայն Լատինք լռեցին 'ի վերայ այսոցիկ իրաց և չուենէին ինչ ասել , և վասն ճանապարհին ոչ երբէք յանձն առին լռել , և ոչ անսային բանից Գանձապետին , եւ հնազանդիլ կարգադրութեան Հայոց , այլ անարգել անցանել անտի ժողովրդոց իւրեանց . զայս ասացեալ մտին 'ի վասն իւրեանց , իսկ Գանձապետն ելեալ արտաքս ժողովեաց զգլխաւորս գիւղին և ընթերցաւ առաջի նոցա զհրաման Քաղաքապետին , և նոցա հնազանդեալ խոստացան չանցանել 'ի վերայ սփռոցացն Հայոց թէ և Լատինք բռնի ձգեսցեն զինքեանս : Եւ ասլա կոչեցին Լատինք առանձին զԳանձապետն և տարեալ յեկեղե-

ցին տան նմա թուել զկանթեղս և զսլատկերս և զայլ իրս Հայոց , և նորա եկեալ պատմէ վարդապետաց զոր արարին Լատինք , բայց զոր ինչ խօսեալ էին 'ի միջի իւրեանց , զայն ոչ եհան 'ի վեր : Թէպէտ և Հայք մեղադրեցին զնա . թէ չէր օրէն ինքնարեւարար և առանց գիտութեան նոցին , միայն բանիւ Լատինաց թուել զարդս եկեղեցւոյն Հայոց , և ասլա դարձ արարին յերուսաղէմ , (յՁ Յուլիսի) : Լատինք յամառեալ 'ի բանս իւրեանց ոչ անսացին բանից Քաղաքապետին և փոխանակի Գատաւորին , և դարձեալ ըստ առաջնոյն սկսան յանդգնութեամբ վարիլ ընդ Հայս , խթել զկարգաւորս , կործանել զգրդակալն և անցանել 'ի միջոյ նոցա , և 'ի տաճարին Ս . Յարութեան աւելածել 'ի սեփական տեղիս Հայոց :

Քաղաքապետն խնդրէր դրամ 'ի Հայոց իբր օգնութիւն զի պատուիրեալ էր նմա Կուսակալն պատրաստել տիկոջրոյ վասն ճանապարհի ուխտագնացութեան : Եւ 'ի բացասելն Հայոց՝ 'ի մէջ բերէր զխոսովութիւնն Բեթղեհէմի՝ թէ որպէս դադարեցոյց զաղմուկս Ֆելլաչաց , եւ ազատեաց զինքեանս 'ի տուգանաց , և իբրեւ այնու ոչ կարաց շահիլ ինչ , դրեաց գիր յորդորական առ Թէոդորոս Պատրիարք , և յուսադրէր զնա չհողալ ինչ վասն Լատինաց , եւ թէ՛ յանդիմանեալ իցէ զթարգման նոցին , եւ պատուիրեալ չյուզել զխոսովութիւնն , և թէ՛ չիք խտիր 'ի մէջ մեր և ձեր , զի որպէս հոգամ զհանգիստն ձեր , պարտիք հոգալ և դուք զմերն և այլ սոցին նման բանք : Եւ իբրեւ ոչ կարաց որով և իցէ իւրեք թակարդել զնոսս , առաքեաց զԳանձապետն և խնդրէր գոնէ առ նուազն տալ 10,000 դահեկան , և այն և խնդրէր գոնէ առ նուազն տալ 10,000 դահեկան , և այն իբր բարութիւն մեծ : Տեսեալ Հայոց թէ ոչ կարեն զերթիւր բարութիւն մեծ , ետուն սակաւ ինչ , այլ նա յեաս ծանիլ 'ի ձեռաց նորա , ետուն սակաւ ինչ , այլ նա յեաս զարձոյց զայն , և 'ի սաստել Աւետիս թարգմանին , լռեաց : Դարձոյց զայն , և 'ի սաստել վարդապետ բաղում գանկատանս գրէ զսանէս Գիտնէսիոս վարդապետ բաղում գանկատանս գրէ զսանէս զայնմանէ , այլ 'ի պատմել զբովանդակ գործս նորա , ամփոփէ զբրիչ իւր :

Կուսակալն Գամասիոսի 'ի ամին ամի ոչ եւ յայցելութիւն դաւառաց , որպէս օրէն էր , այլ փոխանակ իւր առաքեաց զԲեաչեայ Իսլրահիմ աղա . նորա հասեալ զօրօք նստաւ 'ի քաղաքն նային : Լուեալ գլխաւորացն այլազգեաց զնա-

ցին առ նա , և 'ի կարգս բանից յառաջ բերեալ զՀայս ա-
սէր , թէ զի՞նչ գործեն գոքս յերուսաղէմ , և յո՞ յուսա-
ցեալ են , զի երկիցս գրեաց կուսակալն քակել և բառնալ
զիրսն , զոր սահմանեցին , նոքա անստատ գտեալ հրամա-
նին՝ յուսացան 'ի Գատաւորն Մուսայ , որ դատապարտեալ
չոքաւ յաքսորս , այլ 'ի մտանել խնում յերուսաղէմ՝ քակեալ
աւերեցից զայն ամենայն և կատարեցից զհրաման տեառն
խնոյ : Եւ նոցա զարհուրեալ 'ի բանից նորա ոչ կարացին
տալ պատասխանի որպէս արժան էր , միայն խոստացան
ճանուցանել զայն ամենայն ծերունեացն Հայոց . և Իպրա-
հիմ յանձն արար նոցա լինել միջնորդ եւ անօրինել ինչ :
Եւ նոցա գարձ արարեալ անտի պատմեցին Պատրիարքին
և Ծերունեաց զճանրացասում լինելն Բղեշխին , և զսպառ-
նալիս փոխանակի նորին , եւ ստիպէին զնոսա գրել աղա-
չանս և առաքել զոմն 'ի վարդապետաց առ 'ի հաշտ առնել
զերեաս նորա : Սակայն Հայք առ ոչ ինչ համարեցան զբ-
պառնալիս նորա , զի ամենայն ինչ հրամանաւ Արքայի ,
հրապարակաւ և գիտութեամբ ամենեցուն եղեալ էր , նմին
իրի անտես արարին զբանս նոցա , զի եթէ դուք այլազ
գիբք ասեն ոչ կամիք ասել զճշմարտութիւնն , մեք ոչ
երբէք երկնչիմք , այլ զամենայն գրեալ ճանուցանեմք Ար-
քայի և պաշտօնէից նորին : Տեսեալ այլազգեաց զհաստա-
տուն միտս Հայոց , երկեան , դուցէ եւ ինքեանց պատա-
հեցի ինչ՝ որոյ վասն սկսան յորդորել զՀայս գրել առ
փոխանակ Բղեշխին և շահիլ զմիտս նորա սնտուրք , զի ոչ
կարէ ասեն շիւղ ինչ խախտել յեղիւց : Ապա 'ի սաղբերոյ
Հայոց ինքեանք գրեցին առ նա , թէ զբանս ձեր յայտնե-
ցաք Ծերունեաց , ամենայն ինչ հրամանաւ Արքայի լեալ
ասեն , այժմ որպէս վայելէ մեծութեան ձերում այնպէս
արարէք , և թէ՛ սոքա հպատակ են Օսմանեան Պետութեան ,
'ի տուրս և 'ի հարկս առ Բղեշխն ոչ երբէք կասեալ յետս ,
և այլ սոցին նման բանք . գրեաց և ինքն Թէոդորոս Պատ-
րիարք զիր ողջունի , և 'ի վերջոյ յաւել ասել՝ զլմաւորք
քաղաքիս գրեցին առ ձեզ վասն խնդրոյն մերոյ , յուսամք
վայելել զբարի պարգեւս բարեկամութեան ձերոյ : Ասա-
քեցին զայսոսիկ գրեանս , այլ զպատասխանինն ոչ ընկա-
լան : Թէոդորոս Պատրիարք յառաջագոյն գրեալ էր առ

Փոխանորդ Պողոս վարդապետն և առ իշխանաւորս ազգին
զբնութենէ և զանհանգիստ նեղութենէ և զճանր հար-
կապահանջութենէ կուսակալին Գամասկոսի , և զնեղամիտ
չարութենէ Բաղաքապետին Երուսաղէմի հանգամանօք ,
որպէս գրեցաք , և նոքա ճանուցեալ էին 'ի պատշաճաւոր
տեղիս , և պաշտօնեայք Դրան իսկապէս գիտէին թէ քաղցր
ակնարկութեամբ հայի Արքայ 'ի վերայ Հայոց : Եւ 'ի ժո-
ղովի կոչեալ զգործակատար կուսակալին պատուիրեցին
նմա գրել առ տէր իւր , դադարիլ յանպատեհ գործոց ,
որ ընդդէմ է իրաւանց և կամաց Արքայի , և թէ հասարա-
կութիւն Հայոց կացեալ յոտին պատրաստ են մատուցանել
առ Արքայ զիր աղաչանաց , այլ պաշտօնեայք Տէրութեան
յուսադրեալ դադարեցուցին զնոսա , եւ թէ փութանակի
առաքել զտումարն , զոր ինչ առեալ է 'ի Հայոց յերկուց
ամաց հետէ , զի խնդրէ Արքայ տեսանել զայն , և թէ չը-
նեղել զՀայս Երուսաղէմի : Չայս ամենայն ականատես գրէ
Պողոս վարդապետ առ Թէոդորոս Պատրիարք , և ինքն եւս
խնդրեաց զտումարն զոր ինչ առեալ էին կուսակալքն Գա-
մասկոսի և Բաղաքապետն Երուսաղէմի և այլք , թէ կա-
նոնեալ և թէ անկանոն , նոյնպէս եւ զտումար նախորդ
Բղեշխից , զի սահմանեցի միջասահման ինչ : Եւ նորա
պատրաստեալ զայնս առաքեաց առ նա ('ի 23 Յուլիսի) :
Իսկ փոխանակ Բղեշխին նստեալ 'ի Նային ժողովէր ըզ-
սահմանեալ հարկս , և 'ի պահանջել նորա շո-ւրի և զայլ
աւելորդ իրս , ընդդէմ կացին նմա լեռնականք Սամարիոյ
զինուք , և սկսան պատերազմիլ ընդ նմա :

Եւ ընդ զայն

Գ Լ Ո Ւ Խ Խ .

Գաղաւստ նոր Դատաւորին : Վէճ Լատինաց 'ի Ս . Յարութիւն : Երկ/ցս
Ժողով 'ի գաղաւստանի : Վրդօվուն Լատինաց : Փոխանակ Բզեչխին Իդ-
րաչիմ' աղա : Բունութիւն Լատինաց :

ԵՂԱՍ նոր Դատաւորն Երուսաղէմի Միւֆթի Չատէ
Մուսաբաֆա Բաղի էտտին Էֆէնտի 'ի Յոպպէ , ծանօթ
Բիւժիշեան Միքայել Ամիրայի , որոյ պատուիրեալ էր սի-
րով վարիլ ընդ Հայս : Սա 'ի սկզբան ոչ կամեցաւ գնալ՝ այլ
'ի տեղի իւր փոխանորդ կարգել խնդրէր զՆուրի Էֆէնտի ,
և յետոյ գրեթէ բունի առաքեցին հրամանաւ Արքայի ըստ
կարգի իշխանութեան իւրոյ :

Քաղաքապետն կոչեալ զորդի Դպրապետի դատարա-
նին , որ պատրաստ էր գնալ 'ի Յոպպէ յընդունելութիւն
Դատաւորին , բանասրկութեամբ պատուիրէ նմա ասել
ցԴատաւորն՝ հաւատարիմ՝ մնալ Բզեչխին , եւ համախոհ
իւր . և կեալ անդորրութեամբ և մի խոտորիլ զհետ չաւ-
ղաց Մուսայ Դատաւորին . սաչեալ նմա առաջին որս ըզ-
խնդիր Բեթղեհէմի , որ 'ի մէջ Հայոց եւ Լատինաց , այ-
լովքն հանդերձ :

Թէպէտ գրեալ էր առ նա , այլ պատուիրէր բերանացի
եւս պատմել նմա : Իսկ այրն որ ուսաւ զգաղտնիս նորա ,
եկեալ առանձին 'ի վանս Հայոց պատմեաց Մերունեաց
զբանս նորա եւ լուեալ զարժանաւոր պատասխանիս խա-
ղաղութեամբ մեկնեցաւ անտի :

Եւ հասեալ 'ի Յոպպէ՝ գրեաց առ Թէոդորոս Պատրի-
արք Թէ նախ քան զխօսիլն իւր , Դատաւորն զգուշացու-
ցեալ է զինքն չխօսիլ ինչ վասն խնդրոյ Հայոց . զի լուեալ
էր զամենայն ինչ 'ի Նուրի Էֆէնտեայ , և Թէ Արքայն և
մեծամեծք Դրան խնամով վարին ընդ Հայս : Ապա ելեալ
անտի Դատաւորին եմուտ յերուսաղէմ՝ հանդիսիւ ըստ սո-
վորութեան ժամանակին ('ի 22 Յուլիսի) :

Զեւ եւս մաքրեալ զխնդիրն Բեթղեհէմի՝ Լատինք յա-
րուցին զայլ իմն վէճ տարորինակ 'ի Ս . Յարութիւն . զի

սկսան աւել անել 'ի ներքոյ սեան , յորոյ վերայ է խաչե-
լութեան մեծ պատկերն Հայոց՝ հանդէպ Գերեզմանին .
'ի հարցանել միտքանաց զպատճառն՝ ցուցանեն զհրաման
մեծաւորի իւրեանց . և իրբեւ ոչ կարացին արդելուլ ըզ-
նոսա անտի՝ գնացին մաքրել զդուռն Գերեզմանին եւ
զվարդոյրս նոցա , ընդ որ ցատուցեալ Լատինաց՝ անին
սանդուխս և մաքրեցին զսինն 'ի վերուստ մինչ 'ի վայր ,
եւ յընդգիմանալն Հայոց՝ սղառնացան նոցա բրօք , բայց
նոքա չունէին զայնպիսի հրաման 'ի մեծաւորն իւրեանց ,
և խոնարհեցին զգլուխս եւ մանչեալ մեկնեցան 'ի տեղ-
ւոջէ անտի , Հայք համբերութեամբ տանէին այսոցիկ ,
զի աւարտեցի գործ Բեթղեհէմի , բայց և այնպէս ազգ-
արարին Դատաւորին առանձին , և նա քաջալերէր զնոսա
չերկնչիլ , այլ համբերել սակաւ ինչ . և 'ի դիչերին յայն-
միկ դարձեալ գնացին առ նա Դիոնէսիոս եւ կարապետ
վարդապետք , կարգաւ սրտմել զխնդիրն եւ խելամուտ
առնել զնա , և չխարիլ 'ի բանս Քաղաքապետին : Եւ նա
յորդարեաց զնոսա չհոգալ , զի պատուէր ունիմ ասէր 'ի
մեծամեծաց Տէրութեան տալ հաստատութիւն գործոց
Նուրեայ և հոգամ զգործս ձեր , բայց ծածկարար ազգ-
արարէք ինձ : Լատինք ոչ դադարէին 'ի յանդընութենէ
իւրեանց 'ի Բեթղեհէմ և 'ի Ս . Յարութիւն , և խորհրդով
Քաղաքապետին բողոք բարձին զՀայոց վասն Խաչելութեան
պատկերին , և նա իրր յանդէտս առաքեաց զՓանճապետ
իւր առ Հայս զանց առնել զխնդրովն՝ ցուցանելով զբողոքն
Լատինաց , և թէ նոքա ոչ են իրբեւ զՀայս լսող բանից ,
այլ ըրիրտ եւ յանդուգն . ուստի պարտ է դադարիլ 'ի
խնդրոյն մինչեւ զասանել զհնարն : Հայք արարին նմա
պատասխանի՝ թէ սինն այն սեփական է Հայոց , որպէս
յայտ առնեն պատկերն և կանթեղքն , նոյնպէս մաքրել
և սրբելն , Լատինք երբէք չունին իրաւունս ձեռն մխել
'ի նա , զի նոքա դիտմամբ յարուցին զայս խնդիր և խառ-
նեցին ընդ խնդրոյն Բեթղեհէմի , զի 'ի դատաստանի գոնէ
զմին չահեցցին , բայց և այս յայտնի լիցի . Լատինք ոչ կարէին
յանչափս ձկտիլ , և թէ ոչ էին լեալ նոցա զօրավիգ զլիա-
ւորք քաղաքին : Եւ 'ի պատմելն զայսոսիկ պատգամաւորին՝
նա ասէ՝ Լատինք ասեն՝ թէ յայնժամ խարեաց զմեզ Մու-

ույց Դատաւորն , այլ այժմ ոչ թողումք . և ապա բողոք բարձին առ Քաղաքապետն՝ չմաքրել զսիւսն ոչ Հայք եւ ոչ Լատինք , եւ խնդրեաց բերել 'ի վաղիւ զվաւերական գրեանս վասն այնր տեղւոյ և դատ վարել ընդ Լատինաց : Հայք ընդգէմ կացին բանից Քաղաքապետին , զի չէր օրէն յայնժամ թողուլ զԴատաւորն , և դատիւ առաջի քաղաքական իշխանութեան . դուցէ զայրացեալ Դատաւորին ամբաստան լիցի առ Տէրութիւնն , և լինիցի վնաս երկուց կողմանց : Եւ 'ի գիշերին յայնմիկ Հայք գնացեալ պատմեցին Դատաւորին զպատգամս Քաղաքապետին : Եւ 'ի վաղիւ անդ կազմեցաւ ժողով մեծ , ուր էր և Քաղաքապետն . կոչեցան անդ Հայք և Լատինք՝ 'ի գիրս զոր մատուցին Լատինք՝ ոչ դտաւ յիշատակութիւն ինչ վասն սեանն , այլ միայն դմբեթն եւ կամարն մեծ . իսկ 'ի գիրս Հայոց յիշատակէր սիւսն , պատկերն և կանթեղքն՝ այլովքն հանդերձ , որով պարտաւորեցան Լատինք (յ30 Յուլիսի) : Բայց 'ի սաղրեւոյ Քաղաքապետին ոչ խսպառ որոշեցաւ խնդիրն , մինչեւ վերստին կազմեցաւ ժողով (յ3 Օգոստոսի) յորում սահմանեցաւ սիւսն Ս . Յարութեան և ճանապարհ եկեղեցւոյն Բեթղէհէմի գոլ իրաւունք Հայոց . զայրացեալ ընդ այս Լատինաց սկսան խօսիլ բանս անպատեհս զժողովոյն , եւ սպառնային նոցա չարիս 'ի Թագաւորէն և 'ի Կուսակալէն , և մեկնեցան անտի : Եւ ժողովն պատուիրեաց երկուց վանաց յարգել զլճիո ժողովոյն և ըստ այնմ վարիլ : Հայք առին զերկուս Հէօճճէթս 'ի մի օրինակ ստորագրութեամբ այլազգեաց . բայց Դատաւորն կատկածէր 'ի Քաղաքապետէն և 'ի Լատինաց , զի մի չարախօս լիցին առ Կուսակալն և առ Գեոսպանն Քաղղիոյ 'ի Կոստանդինուպոլիս : Եւ ապա առին 'ի նմանէ զայլ իմն գիր , զի մի Լատինք ժողովրդովք իւրեանց անցանիցեն 'ի վերայ սրբաօրացն Հայոց , և ըստ մտաց նորին գիր մի եւս 'ի Քաղաքապետէն :

Սակայն Լատինք անսաստ գտեալ հրամանին վերտոին մաքրեցին զսիւսն . Հայք բողոք բարձեալ առ Քաղաքապետն եւ առ Դատաւորն , բացայայտ ասէին լինել նոցա համախոհ Լատինաց՝ եւ դատաստանք նոցին առ երեսս . բողոքել առ Տէրութիւնն և յայտ յանդիման կացուցանել

զթիւրելն նոցա զիրաւունս , ապա թէ ոչ՝ աստեւ Լատինաց չմաքրենալ 'ի սիւսն յայն , եւ հրապարակաւ ընթեւնուլ զգրեանս 'ի Բեթղէհէմ , զոր ետուն : Եւ 'ի սպասուիրել նոցա , Լատինք լուեցին առ ժամն , եւ ապա գնացեալ առ Քաղաքապետն աղաչէին զնա չգնալ 'ի Բեթղէհէմ եւ ոչ արդեւուլ զսիւսն . այլ նորա անկարելի վարկուցեալ զիրան արձակէ զնոսա , իսկ Հայք բազմութեամբ այլազգեաց գնացին 'ի Բեթղէհէմ , կոչեցին եւ զԼատինս , բայց նոքա ոչ երեւեցան 'ի միջի . և նոքա ընթերցան զգրեանս առաջի մեծի և սոքոս : Եւ սպասուիրեցին նոցա առնել ըստ հրամանին . թէպէտ նոքա հնազանդէին , այլ զոր ինչ ուսուցանէին Լատինք , զայն առնէին . զի խորհրդով Քաղաքապետին և գիտութեամբ Բգեշխին գործէին : Եւ ապա դարձան անտի յերուսաղէմ :

Սակայն Լատինք յազգմանէ Քաղաքապետին գրեցին գիր բողոքոյ առ Դատաւորն , և առաքեցին զայն 'ի ձեռն Թարգմանին և Խոստովանահօր , որ էր 'ի նմին պահու 'ի տուն Նախիպին և Միւֆթեայ , և մատուցեալ զգիրն ասեն . Եթէ էիր 'ի դատարանն , կրօնաւորք բազմութեամբ ունէին դալ առ քեզ , այլ ըստ որում հրաւիրեալ 'ի առն նրա և մեկնեցան : Տանուտեարք տեսեալ զնա 'ի տիրութեան , թէպէտ եւ սփոփեցին և հանգուցին զնա անդ , բայց աննինջ եւ անհանգիստ , և 'ի ժամու աղօթից ելեալ զայն անտի գնաց 'ի դատարան , և կոչեալ զԻսնէսիոս վարդապետ պատմէ նմա զամենայն անցս գիշերին , եւ ցուցանէ զգիր Լատինաց , պարսաւելով զանհեթեթ բանս և զչարժապետն նոցա . եւ 'ի կարգս բանից ասէ՝ զի՞ իոյթ էր ինձ գալ յայս քաղաք եւ վասն Հայոցք անկանիլ յորոգայթ . դուք ոչ կարէք հոգալ զամենայն պէտս իմ , որով զօրացեալ գործեցից զմեծամեծս յօգուտ ձեզ և ոչ 'ի ձեռաց Լատինաց ազատել , ուստի հարկ լինի դասնալ 'ի կողմն Լատինաց՝ զի մի վտանգեցայց : Իսկ վարդապետն մեղմով իմն առաջի եղ նմա զհրովարտակ Արքային , զկատարումն

գործոց 'ի ձեռն պաշտօնայն նորին, գրեալ իլամ և Հէօճ-
 ճէթ, որով տեղեկացան Սրբայ և պաշտօնեայք նորին ա-
 մենայն հանգամանաց գործոյն, և 'ի վերջոյ 'ի հաստատու-
 թիւն նոցին՝ զդումարելն ժողով նորին ինքեան և զտալն
 զերկուս Հէօճճէթս, որոց մին առաքեցաւ 'ի կոստանդու-
 նուպօլիս միւսանդամ տեսանել Տէրութեան, դարձեալ
 գիր, և և համաձայն նմին հրաման Քաղաքապետին վասն
 Բեթղեհէմի. և զնամակն զոր գրեաց առ Դենպետն. այ-
 սոքիկ չե՞ն բաւական մեղ ասէ՞ մարտնչիլ ընդ քեզ յա-
 տենի Տէրութեան, դա՛րձ յոր կողմն եւ կամիս: Դատա-
 ւորն փոխեալ զեղանակ բանից իւրոց ասէ. ընդ խաղս ա-
 սացի, սակայն և զիս մի թողուք անմխիթար:

Լատինք չոքան առ Քաղաքապետն, ուր ժողովեալ էին
 Դատաւորն և գլխաւորք քաղաքին, և նախատական բա-
 նիւք անարգեցին զնոսա, առաւել յանդգնելով ընդդէմ
 Քաղաքապետին եւ յաւելին ասել՝ միւսանդամ կազմեցէք
 ժողով 'ի դատապարտութիւն Լատինաց: Չի դաւադրու-
 թեամբ Քաղաքապետին որսացեալ էին զոմանս յայլադ-
 դեաց, և խոստացեալ ցրել զառաջին վճիռն: Սակայն Դա-
 տաւորն խորադէտ ծանուցեալ զխորհուրդս նոցա, կեր-
 պիւ իւրք դարձոյց զնոսա յետս, և անարգութիւն համա-
 րեալ ինքեանց գրեալ ծանուցին կուսակալին զյանդգնու-
 թիւնս Լատինաց: Այլ նոքա բացեալ զդուռն տաճարին
 Ս. Յարութեան հանին արտաքս զմիտարանս իւրեանց, և և
 կնքեցին զդուռն եկեղեցւոյն, և թողին անդ միայն զեր-
 կուս սպասաւորս, և համբաւեցին 'ի քաղաքին թէ Լատինք
 մեկին յերուսաղեմէ, զի Հայք ախրեսցեն տեղեաց նոցին,
 'ի բերկրութիւն այլազգի կուսակցաց նոցին, և պատրաստ
 լիցին տալ պատասխանի Տէրութեան և Կեսպանին: Բայց
 ոչ ոք հարցանէր 'ի նոցանէ թէ զինչ գործէք:

Եւ յերեկոյին 'ի բանալ Հայոց զդուռն Տաճարին, մու-
 ճին 'ի ներքս զերկուս կարգաւորս իբր պահպան կնքոյ
 դրանն: Եւ 'ի նմին երեկոյի աճին յերուսաղէմ զբազմաթիւ
 լեռնականս հարեալ 'ի շղթայս, զորս առաքեալ էր փոխա-
 նակ Բղեշխին Իպրահիմ 'ի կողմանց Սամարիոյ 'ի յաղթա-
 նակիլ իւրում 'ի պատերազմին:

Դատաւորն և այլազգիք մինչ ժողովեալ էին յապարանս

Քաղաքապետին յընթրիս, թարգմանն Լատինաց դիմեաց,
 անդ և սխաւ կազէլ ընդ նոսա, սպառնացեալ զմեծամեծս,
 երեալ 'ի մտի զերկուս իրս, կամ բարկացեալ նոցա յարու-
 ցեն կուս, և կամ ջնջեցեն զառաջին վճիռն, բայց նոքա
 լուռ և եթ կային, և նորա առաւել զայրացեալ էլ անտի
 և դնաց, և 'ի ձեռն երկրորդին իւրոյ առաքեաց զփականս
 Լատին վանաց, և նորա ընկեցեալ առաջի Դատաւորին ա-
 սէ, ծերունիք Լատինաց առաքեցին զոսոս առ քեզ, զի
 ինքեանք ունին մեկնիլ աստի 'ի վաղիւ, զի չէ օրէն այ-
 սուհեաւ մնալ նոցա արտ, և եթէ էիք 'ի Դատարանն,
 ամենեքեան ունին գալ առ քեզ: Դատաւորն ոչ ընկալ-
 եալ զնոսա, ասէր՝ տալ ց՝ Քաղաքապետն, զի 'ի տուն նորա
 էր, միթէ չեղե՞ւ ժամանակ ասէ՞ գտանել զիս 'ի տեղուջ
 իմում, այլ լրտեսեալ զճանապարհս իմ յարուցանէք վէճս
 'ի տունս այլոց, զի անպատճառ դիտութեամբ եւ զօրու-
 թեամբ հրաւիրողաց գործին այսոքիկ: Ընդոստուցեալ
 Քաղաքապետին ասէ՞ քաւ լիցի տէր իմ, զի կրօնաւորք
 սոցա յամառ և կամակոր են և գործեն զայսպիսի անար-
 ժանս. իբրեւ ետես Թարգմանն թէ չմերձենայ Դատաւորն՝
 եթող անդ զփականս և մեկնեցաւ, և նոքա առաքեալ ըն-
 կեցին 'ի տուն նորա:

Եւ 'ի վաղիւ անդ յաւելին Լատինք զյանդգնութիւնս
 իւրեանց անպատեհ բանիւք, եթէ Հայք և Յոյնք ասեն՝
 ետուն աքսորել զմէն մի Դատաւորս 'ի պատճառս կրօնոյ
 իւրեանց, այլ Լատինք ոչ միայն զԴատաւորն, այլ և ըզ-
 Միւսթիթին, զնախիպն և զայլ բազումս տացեն տարագրել
 աստի: Չհանդուրժեալ այլ եւս այլազգեաց այսպիսի մե-
 ծարանութեանց, գրեցին զերկուս հանրադիրս յայտնի
 պատմելով 'ի նմա զյոյզս եւ զլուսովութիւնս Լատին կրօ-
 նաւորաց, զմեծարանութիւնս նոցին և զսպառնալիս աք-
 սորանաց, զխնդիր Բեթղեհէմի և Ս. Յարութեան, այլով-
 քըն հանդերձ, և ետուն կնքել ամենայն զգլխաւորաց քա-
 ղաքին, ընդ որս և Քաղաքապետին, և Դատաւորն առան-
 ձին գրեաց առ Դենպետն մեծ, զմի օրինակն առաքեցին
 'ի Դամասկոս, և զմիւսն 'ի կոստանդինուպօլիս ('ի 20 Օ-
 գոստոսի):

Իսկ փոխանակ Բղեշխին Երկթուղեան Իպրահիմ Փա-

չայ նուաճեալ զլեռնական ասպտամբս 'ի կողմանս Սամարիոյ, 'ի նմին աւուր եհաս յերուսաղէմ և բանակեցաւ արտաքոյ քաղաքին, յաւուրս ծոմապահութեան նոցին, եւ զգերեալսն արգել կասանօք 'ի բերդն: Գնացին առ նա յայցելութիւն ըստ սոփորութեան Փոխանորդք և թարգմանք երկց ազգաց, և նորա սիրով ընկալեալ դարձոյց ըզնոսա 'ի տեղիս իւրեանց, եւ զինի աւուրց ինչ կոչեաց առ ինքն զԱւետիս թարգմանն Հայոց, և եղ առաջի նորա զառաջին սպառնալիս եւ զբարկութիւն Կուսակալին վասն չանսալոյ հրամանաց նորին, և այժմ քանդել եւ աւերել զգործս Ծննդեան և Ս. Աստուածածնի, Հայք կրեցին բազմադիմի տառապանս վասն այսր, զի 'ի դերեւ ելին յաւարական բանք Փոխանորդին և Գլխաւորաց ազգին, զի բռնաւորն չունէր երբէք երկիր ինչ և կամ ակնառութիւն յումեքէ: նմին իրի երթային և գային առ նա միաբանք 'ի գիշերի և 'ի տունջեան, և զինի բազում պաշտանաց ետուն նմա և սակս հաշտութեան Բղեշխին և Քաղաքապետին դահեկանս 145,000 և հաղիւ զերծան 'ի ձեռաց նորա: Մինչեւ ցաստ Ս. Յարութեան Ս. Աստուածածնի, և Բեթղեհէմի բովանդակ ծախուց գումարն եհաս 899,566 դահեկան միայն յերուսաղէմ, բաց 'ի ծախուց սրք եղին 'ի ձեռն Փոխանորդին Կոստանդինուպօլսոյ, այլ մեք թողեալ զայսոսիկ տեսցուք թէ զինչ գործեցին Լատինք 'ի Բեթղեհէմ:

Լատին կղերք ոչ երբէք յանձն առին դադարիլ 'ի խուսովութենէ և յատելութենէ ընդդէմ Հայոց, արհամարեալ զպատուէր Դատաւորին աներկիւղ և համարձակ դործէին զամենայն ինչ, զի յետ մեկնելոյ փոխանակի Բղեշխին յերուսաղէմէ՝ յարուցին զայլ իմն խնդիր նոր 'ի Բեթղեհէմ. սկսան աւել ածել 'ի ճանապարհն որ 'ի մէջ եկեղեցւոյն: Հայք զնացին առ Դատաւորն, կոչեաց նաեւ զՅոյնս, այլ նոքա հրաժարեցան 'ի կռուոյ անտի. և ինքն յայտնապէս ասէր ցբազմականս թէ՛ կամք Լատինաց ոչ միայն վասն աւելածութեան և ճանապարհին է, այլ վասն ամենայնի, զի եթէ այսօր հրաման տացուք աւելելոյ, վաղիւն ստիպեն բառնալ զկանթեղս, սակայն պատուէր ունիմ 'ի Կոստանդինուպօլսոյ ոչ եղծանել ինչ 'ի սահմանեցոցն Մուզէլա-

յին, և յառաջագոյն գրեցաւ Արշ և Իւս ան Տէրութիւնն, եւ այժմ ոչ կարեմ սահմանել նորոգոյն ինչ ('ի 21 Աւայտեմբերի): Լատինք ոչ խրատու Դատաւորին անսային և ոչ զալստեան հրամանին համբերէին. արգելին զաւել ածելն Հայոց յԱյրին Ծննդեան, զոր սահմանեալ էին յաւուր բաժանորդութեան. և մինչ պատաղեալ էին Հայք զաղմբկաւ սորա 'ի դատարանն, ժողովեալ նոցա զՅէլլահս Բեթղեհէմի ստիպէին զնոսա բռնի անցանել 'ի վերայ սիւսոցացն Հայոց: Դատաւորք յորդորէին զՀայս թողուլ Լատինաց անցանել ժողովրդովք 'ի տեղընջէ անտի, լսել առ ժամանակ մի մինչեւ դադարիլ խուսովութեան, խոնարհեցան Հայք 'ի բանս նոցա և ջանային հաշտիլ ընդ Լատինս, այլ նոքա յսացեալ 'ի սրտէ ոչ երբէք մերձենային, և առեալ զմանս 'ի Դատաւորէն եւ 'ի Քաղաքապետէն գնացին 'ի Ս. Յարութիւն և խօսէին վասն սեան եւ խաչելութեան պատկերին, այլ Հայք ընդդէմ կացին, եւ մնաց խնդիրն որպէս և էրն: Եկին 'ի սոյն աւուրս յերուսաղէմ երկրքին Փոխանորդք նոցին՝ Կղեմէնթ 'ի Դամասկոսէ և ՅրաՄանուէլ յԵփրատոսէ, որ իբր բարեկամ էր Հայոց, բայց ոչ կարէին մերձենալ առ նոսա ըստ առաջնոյն յերկիրդէ միաբանաց նոցին:

Եւ զինի աւուրց ինչ յաւելին Լատինք և զայլ իմն խըժժութեան ('ի 28 Նոյեմբերի): Զի յերեկոյի կիրակէի նըստեալ եկեղեցականացն Հայոց յեկեղեցւոյ ընթեռնուին զՅայտաւուրն, ոմանք 'ի Լատինաց եկեալ ստիպէին զնոսա յառնել, զի եկեղեցականք նոցին հանդիսիւ ունէին անցանել անտի, և նոցա ցուցեալ զճանապարհն ասէին բաւական լինել նովաւ. սրտմտեալ ընդ այս Լատինաց՝ ժողովեցին անդ զՅէլլահս և խափանեցին զժամերդութիւնն Հայոց և սկսան կողել ընդ նոսա: Եւ Փոխանորդ նոցին կորոյց և սկսան կողել ընդ նոսա: Մէհմէտ Շախտուր ասաղեալ զուր այլազգւոյ ուրուք Մէհմէտ Շախտուր ասացեալ, որ դիտաւ անդ 'ի նմին ժամանակի՝ յարձակեցաւ 'ի վերայ Հայոց, և քաջալերէր զՅէլլահս և սսէր. հարէք մի երկնչիք, և խառնեցան երկրքին կողմն և հարկանէին զմիմեանս, եւ վիրաւորեալ Տիրաւորեալ Տիրաւորեալ զարեւնն՝ խոյս ետուն անտի՝ և ազդ արարին Տեսչի իւրեանց, վիրա-

ւորքն հասին յերուսաղէմ՝ արիւնաթաթաւ . առին զնոսս
 Փոխանորդ և Թարգմանն զնացին՝ ի դատարան, ընդ որս էին
 և բազումք յուխտաւորաց . և եղև անդ աղմուկ և ձայն
 խռովութեան՝ իբրև ետեսԴատաւորն՝ թէ ոչ կարէ հանդար-
 տել զնոսս, փութանակի կոչեաց զՔաղաքատեան և զայլս
 յայլազգեաց . ձայն աղաղակին Հայոց բարձրանայր, դատ
 արարէք ընդ մեզ և ընդ Լատինս . եկին ՚ի նմին ժամու և
 Լատինք և Ջանային պարտաւոր կացուցանել զՀայս, որ-
 պէս թէ Հայք զխումամբ յաւելեալ են զթիւս միաբանաց
 Բեթղէհէմի և պատրաստեալ ՚ի կուր ընդ Լատինս . Աւե-
 տիս Թարգման կալեալ զձեռանէ Յարութիւն վարդապե-
 տի ճրագաւ ցուցանէր նոցա զարիւնաթաթաւ զերեսս նո-
 րա և զայլոց . զայն տեսեալ Լատինաց կարկեցան, մանա-
 շանդ Յրա Մանուէլ թոթափէր ձեռս իւր, եւ այլք ու-
 բանային զարարս իւրեանց . իսկ Աւետիք և այլք գոչէին
 առնել իրաւունս՝ զի եթէ ոչ էր տուեալ ձեր զգորու-
 թիւնդ, Լատինք ոչ կարէին առնել ինչ . և ապա յարձա-
 կեցան ՚ի վերայ Քաղաքապետին, որ լուծեամբ նստէր
 անդ, և կշտամբէին զնա հարկանելով յերեսս նորա զդա-
 ւաճանութիւնն եւ զխարդախութիւն նորին, և նա չառ-
 նէր ինչ պատասխանի . խառնաձայն իմն հնչէր աղաղակն
 ՚ի դատարանի և ոչ լինէր լսելի բարբառ իւրաքանչիւրոց .
 ոմանք յորդորէին լսել . Դատաւորն կանգնեալ յոտին դո-
 չէր՝ լսեցէք նստարուք՝ ՚ի վազիւ տեսանի դատաստան
 ձեր . այլ Հայք ասէին, եթէ ՚ի սոյն ժամու ոչ տեսանի,
 վազիւ յայլ իմն եղանակ դառնայ դատն : Տեսեալ Լատի-
 նաց թէ ոչ դոյ ազատութիւն՝ իբր փախստեայ խոյս ետուն
 ՚ի դատարանէ, և Դատաւորն հրամայեաց քննել զվերա-
 ւորս Հայոց : Յարութիւն վարդապետ վերաւորեալ ՚ի յոնս
 և ՚ի քիթս հարուածովք դաւազանի և արիւն հոսէր ՚ի բե-
 րանոյն . Ռափայել վարդապետ վերաւորեալ ՚ի գանկէ յետ
 կոյս ականջաց . Սաչատուր վարդապետ ՚ի ձախոյ ձեռին :
 Սոստացաւ Դատաւորն ՚ի վազիւ ժողովով քննել զխնդիրն
 և արձակեաց զնոսս : Արար ժողով ըստ խոստման իւրոյ,
 գնացին Հայք և սպասեցին ցմեծ ժամս զալստեան Լատի-
 նաց, երկիցս հրաւիրեաց զնոսս Դատաւորն եւ ոչ եկին .
 զի ասէին թէ բաւական է երեկեան խայտառակութիւնն,

այժմ ոչ դամբ . դարձեալ հրաւիրեաց զնոսս Դատաւորն,
 թէ չեղև ինչ խայտառակութիւն և չլինի . առէն դա-
 դարին պատմական բանք ՚ի ինչ սիոս վարդապետի : Այլ
 Դատաւորն ՚ի ժողովի անդ արար քննութիւն մանրամասն
 ամենայն իրաւունցն Հայոց թէ վասն սեան Ս . Յարութեան,
 և թէ վասն բաժանորդութեան Բեթղէհէմի, վասն ար-
 դիւելոյ զաւելն Հայոց յԱյրէ անտի ըստ արամադրու-
 թեան Կայսերական հրովարտակաց և գործադրութեանց
 նոցին ՚ի ձեռն պաշտօնէից և ըստ վկայելոյ բազմութեան
 այլազգեաց, և դրեալ ծանոյց ՚ի Դուռն զի հրովարտա-
 կաւ բարձցի ընդգիմութիւն և ատելութիւն Լատինաց,
 1749 ՚ի 1 . Զիւնիսճէ, (1814) : Դոտին Լատինք զայլ իմն
 առիթ ատելութեան, զի փակեալ աղիւսեցին զհիւսիսային
 պղնձի դուռն Այրին Մննդեան, որ յատկացեալ էր Հայոց,
 զի մի իջցեն յԱյրն կատարել զպաշտամունս իւրեանց :
 Եւ զինի պատուիրելոյ Դատաւորին եւ բանալոյ զգուռն,
 գրեաց առ Տէրութիւնն և վասն այսր, որպէս ծանուցեալ
 էին Հայք, զի հրամանաւ Արքայի մնացէ բաց դուռն մըշ-
 աքնջինաւոր ՚ի դիւրութիւն Հայոց, (յ՞ . Զիւնիսճէի) :

Կոտորած ժանտախտի ՚ի կողմանս Զմիւռնիոյ և Ագրի-
 անուպօլսոյ (՚ի 18 Մայիսի) : Կայսերք Ռուսիոյ և Գերմա-
 նիոյ և զօրապետն Անգլիոյ եւ այլք կալան զնաբովոն
 Պօնաբարդ և քըսորեցին զնա ՚ի կղզին Ս . Հեղինէ, ան-
 ջատեալ ՚ի նմանէ զլին և զորդին իւր, և եդին յաթոս
 Թագաւորութեան Դաղլիոյ զԼուի 187, եւ ՚ի Կոստանդի-
 նուպօլիս ՚ի Պէյ օղլու բարձին զգինադրոյժ նորին ՚ի պա-
 լատէ Դեսպանին Դաղլիոյ, և ՚ի տեղի նորա եդին զնշան
 նոր Թագաւորին մեծ հանդիսիւ եւ ուրախութեամբ,
 (1814 . յ7 Մայիսի) :

Գ Լ Ո Ւ Խ Խ Ա .

Յովհաննէս Եպիսկոպոս Կարբեցի : Դարձ Պօղոսի Եջմիածնէ : Գժտու-
թիւն ազգին : Միաբանութիւն և խորհուրդ վասն Աթուոյն Երուսա-
ղէմի : Հրուէր Վարդապետաց ոմանց ՚ի Թագաւորեալ քաղաքն : Ընա-
րութիւն Պօղոսի ՚ի Պատրիարք Կոստանդինուպօլսոյ : Վախճան Թէոդօ-
րոս Պատրիարքի : Ազգային ժողով ՚ի Կոստանդինուպօլսոյ : Կուսակալ
Դամասկոսի և Քաղաքապետ Երուսաղէմի :

ՅՈՎՀԱՆՆԵՍ Եպիսկոպոս Կարբեցի հրամանաւ Եփրեմ
Կաթուղիկոսին Եջմիածնի, կարեւոր և ազդօղուտ գրեամբք
եկն եհաս ՚ի կողմանս Եւգոկիոյ, ուր իմացեալ զիտոխոսու-
թիւն Պատրիարքին Կոստանդինուպօլսոյ՝ գնաց ՚ի Կիսա-
րեա, և անտի գրեալ ծանոյց ոմանց ՚ի գլխաւորաց ազգին
զգալուստ իւր, և նոքա գրեցին առ նա մնալ ՚ի Կիսարեա,
և յայտ առնել ինքեանց թէ վասն որոց իրաց եկեալ իցէ :
Եւ նորա գրեալ եցոյց նոցա զխնդիր իւր, եւ էին այսո-
քիկ, « 1°. Ի սենեակն Լօնճայի յատկացուցանել զոք յազ-
գէն գործակատար Եջմիածնի . 2°. Ընտրել զարս Երիս ժո-
ղովել և տնօրինել զարդիւնս և զծախս Եջմիածնի, և այլ
ամենայն վանօրէից, բաց յԵրուսաղէմէ, և զյաւելեալն պա-
հել զգուշութեամբ . 3°. Մասնաւոր վանօրէից կառավա-
րիւ արդեամբք թէմի իւրեանց, և մի ելանել և շրջիլ յայլ
տեղիս և խնդրել նախստս . 4°. Ձերկուս յաջորդս պահել
Կաթուղիկոսին Եջմիածնի՝ զի ՚ի վախճանել նորին, վիճա-
կաւ ընտրեսցի մին և օճցի ՚ի Կաթուղիկոս ամենայն Հայոց .
5°. Տարագրիլ կանոնական բանից Դանիէլի Կաթուղիկոսի,
զոր գրեալ է յարգելանս Մարաղայի վասն բարեկարգու-
թեան Աթուոյն Եջմիածնի . 6°. Ի կաթուղիկոսական պէ-
րաթն Օսմանեան տալ յիշատակել և զանուն Սինոդին, որ-
պէս յիշեալ է ՚ի հրովարտակս Ռուսաց և Պարսից . 7°. Ե-
պիսկոպոսունք սակաւ լիցին ՚ի մէջ ազգին, բաց Եջմիածնէ
եւ յԵրուսաղէմէ, զի մի ձեռնադրութեամբ նոցին ելցեն
անարժանք ՚ի կարգ Քահանայութեան . 8°. Ժողովարարք մի
շրջեսցին առանց կոնդակի Կաթուղիկոսին և Պատրիարքին
Կոստանդինուպօլսոյ, և մի շրջեսցուսցեն ընդ ինքեանս զմա-
սունս սրբոց . 9°. Ձձեռնադրել առաջնորդաց քահանայ ՚ի

վիճակս առաւել քան զբաւականն, զի մի Թախաւոսցին
վասն աւուրն սարենի . 10°. Բանալ վարժարան ՚ի Կոստան-
դինուպօլսոյ յանուն Ս . Եջմիածնի եւ ծախիւք նորին ՚ի
դաստիարակութիւն ազգային մանկանց, Զայսոսիկ 16 դը-
լուսս բանից և զայլ կարեւոր խնդիրս, զորս խոստանայր
Յովհաննէս Եպիսկոպոս ծանուցանել ազգին ՚ի գալտեան
իւրում : Իսկ Գլխաւորք ազգին սահմանեցին ՚ի ժողովի
Պատրիարքարանի չյուզել այժմ զայդպիսի խնդիրս, և չը-
պահանջել հրովարտակ ՚ի դրանէ վասն Կաթուղիկոսին, զի
չէր ժամանակ, և գրել առ Յովհաննէս Եպիսկոպոս դառ-
նալ անդրէն Եջմիածին : Ի ժողովի աստ խօսեցաւ Պօղոս
վարդապետ վասն այցելութեան Երուսաղէմի, այլ չեղե-
ինչ համաձայնութիւն, (1814) :

Պօղոս վարդապետ Փոխանորդ Երուսաղէմի գնաց Եջմի-
ածին և ձեռնադրեցաւ Եպիսկոպոս Եփրեմ Կաթուղիկոսէ,
և ՚ի դառնալ իւրում անտի ՚ի Կոստանդինուպօլսոյ, ետէս զի
տարածեալ էր ցաւ Ս . Աթուոյն ՚ի մէջ ազգին, և սկսաւ այ-
նուհետեւ հետեւիլ վասն այցելութեան նորա, բայց չեղե-
ինչ օգուտ, զի յառաջագոյն խոյս տուեալ էր ինքն Եջմի-
ածին ՚ի պատճառս խառվութեան Ամիրայից սակս ոչինչ ի-
րաց . զի մի առիթ համարեսցեն զինքն, թէ պէտ ոմանք ՚ի նո-
ցանէ ուխտեալ էին ոչ ուտել և ոչ ըմպել մինչեւ սպանցեն
զՊօղոս, և այժմ դարձեալ եզիտ զնոսա ՚ի նոյն կիրս վա-
րակեալ, զի զնա համարէին արմատ դառնութեան և չա-
ռաւիղ ատելութեան վերընծիւղեալ ՚ի մէջ ազգին, թէ պէտ
անազան ուրեմն ՚ի միտ առին զտարածայն կարծիս իւր-
եանց : Զանայր Պօղոս ածել զնոսա ՚ի մի միաբանութիւն
սիրոյ, և շլինէր հնար, որպէս ուսաւ զպատճառն ՚ի նոցա-
նէ, զի համբաւ իմն հանեալ էին զՔեահեայ Ամիրայէն և
չարաչար բամբասէին զնա իբր անհաւատարիմ Տէրութեան
և բարեկամ Ռուսաց, եւ զՊատրիարքն նախարար նորին,
զայս արարին զի բարձցեն զնա ՚ի միջոյ, կամ ընկեսցեն ՚ի
սպառուոյ բարեկամօք և ծանօթիւք նորին, այլ վրիպեցան
՚ի յուսոյ իւրեանց : Եւ Արրահամ Պատրիարք Մէլիքեան
զհետ մտեալ էր հանել արքունուստ հրովարտակ վասն
Եփրեմ Կաթուղիկոսի, բայց և սչ այն յաջողեցաւ, զի սչ
ոք համարձակէր խորհիլ եւ կամ խօսիլ ՚ի վերայ այնր :

Հաստատեցին Սինոդ, և այն եւս մնաց անգործագրելի : Պօղոս Եպիսկոպոս ազաչէր զՊատրիարքն խորհիլ ընդ գԷԸ խաւորս ազգին վասն Աթոռոյն Երուսաղէմի, այլ նորա ոչ մատուցեալ ունին՝ զնոյն ինքն զՊօղոս ասէր պատճառաւ երման Աթոռոյն, և ՚ի հարցանել նորա զվասն էրն . առաջ՝ ընդէ՞ր առաքեցեր աստի զԻսնէսիոս վարդապետ, ո՞ր զիտէ որքան կաշառս տուեալ ես և տալ ետուր . Պօղոս ասէ՝ ազգն յղեաց զնա՝ եւ ամենեքեան գիտէին զգնալ նորա, բայց ոչ ինչ ասացին յայնժամ, ո՞ւմ վասն է՞ր տըւեալ եմ զկաշառն՝ եթէ այնու եղանակաւ յղեալ եմ զնա, չգիտեմ զպատճառն, յորմէ երեւի թէ նա անդ գողանայ և ես աստ, և ընկերութեամբ բաժանեմք զինչս Աթոռոյն, զի եթէ ետու զկաշառս՝ յայտ է թէ ճարտարապետին և Գեազեայ Ամիրայի տուեալ եմ . զի հրամանաւ նոցա զնաց նա յԵրուսաղէմ, և նոքա էին խորհրդակից Աթոռոյն . այս անցք անցին ՚ի Պատրիարքարանի յերեկոյի Բուն բարեկենդանի յետ ընթրեաց . զայս ամենայն ծանոց նոցա Պօղոս և այլոց եւս . և չվատեալ երբէք զեղերէր հանապազ ՚ի դրունս մեծամեծաց գտանել զհնարս ազատութեան Աթոռոյն, և թեթեւոցանել զծանր լուծ կեղեքիչ բռնաւորաց, մինչ պատրաստիլ տալ զիր աղաչանաց առ Տէրութիւնն և այսպէս յամենայն ուրեք պատմէր զվտանդ Աթոռոյն՝ եւ պարտատեարք պաշարեալ զնա պահանջէին զբրամս, և նա ոչ գիտէր թէ ուստի հատուցէ, և ոմանք մեղադրէին զնա իբրեւ զշռայլս և զանխոհեմս : Ազաչէր Պօղոս զմեծամեծս արձակել զինքն ՚ի պաշտօնէն յայնմանէ, զի լուս էր ինձ ասէր մեռանիլ՝ քան տեսանել զԱթոռն յայնպիսի նսեմութեան, այլ նոքա ոչ լսէին, զի անմխարան էին . առաջի եղ նոցա զնալ յԵրուսաղէմ և եթէ ոչ հաճին՝ յեջմիածին, հրաժարիլ ՚ի պաշտօնէն՝ փակել զՓոլսանորդարանն եւ տալ զբանալին ժողովրդոց . սակայն երկնչէր ՚ի հասարակութենէ, զի ամենայն ոք հառաչէր ՚ի վերայ թշուառութեան Երուսաղէմի և էջմիածնի . նմին իրի թողեալ զամենայնն ՚ի բաց՝ զհետ եղև միաբանել զգլխաւորս ազգին, զի գոնէ սատարութեամբ նոցին մարթասցի սանձել զբռնութիւն Կուսակալին Դամասկոսի, որպէս սկիզբն եղև ժողովելոյ նոցա ՚ի տուն ճարտարապե-

տին ՚ի կատարել զնաւակաւորս նորակառոյց տան նորին, (1815 . յ5 Ապրիլի) :

Նարոյէոն Պօնաբարդ զերծեալ յարգելանոցէ իւրմէ զօրաժողով եղև գիմել ՚ի վերայ Գերմանիոյ ջնջել և բառնալ զայն ՚ի միջոյ, Պապն Հռոմայ փախուցեալ զերծաւ իւրովքն հանդերձ, տրտունջ աւովկաց և սպանալիք իսպառ կործանելոյ զՊապութիւնն . նոյն ճայն հնչէր ՚ի կողպառ կործանելոյ զՊապութիւնն նոցին ըմբոստացեալ էին ընդդէմ եկեղեցական իշխանութեան : Գերմանք, Ռուսք և այլ դաշնաւորք գումարին ընդդէմ Պօնաբարդին (՚ի 1 Մայիսի) :

Զիջեալ գլխաւորաց ազգին ՚ի թախանձանս Պօղոսի՝ գումարեցան ՚ի Պատրիարքարան (յ7 Յունիսի) խորհիլ վասն ազատութեան Աթոռոյն Երուսաղէմի . կոչեցին անդ զՊօղոս Եպիսկոպոս և զՄկրտիչ վարդապետ, և զկնի բաղմադիմի բանից ասեն՝ չէ պարտ տալ զայդքան դրամս Կուսակալին, թէպէտ նա խնդրէ և չգիտէ ասել բաւ որպէս սովորութիւն է նոցա . այլ ընդդիմանալ և ոչ տալ առաւել քան զսահմանեալն, յանձն առնուլ զտառապանս և զբռնութիւնս նորին, տազնապիլ, նեղիլ եւ չարչարիլ համբերութեամբ մինչեւ ցմահ ՚ի սէր Ս . Տեղեաց . և ՚ի լսել զայն ամենայն ազգին համարձակեցին բողոք բառնալ առ Արքայ եւ գտանել զհնարն ազատութեան Աթոռոյն . ո՞վ կարէ բառնալ զայդքան ծանրութիւն պարտուց, որ զսողոս անգամ լքանէ : Կուսակալք չկարեն այդքան խստութեամբ տագնապել զվանականս, եթէ տեսանիցեն ՚ի նոսա զարիւթիւն ոգւոյ . զի եթէ ունին տացեն ըստ կամաց իւրեանց, և եթէ ոչ, ուստի՞ և ընդէ՞ր տան . ո՞չ սաղաքէն տոկոսարարք լեռնակուտակ յորվութիւն պարտուց գուշակութիւն է կործանման, և կարեվէր խոցեալէ սիրտ ազգին ՚ի վերայ այսպիսի թշուառութեան Աթոռոյն . զի տեսանեն զնա վիրաւորեալ յողից մինչեւ ցգլուխ և չիք ՚ի նմա առողջութիւն : Եւ առ զայրոյթ սրտից իւրեանց զկծեցուցիչ բանիւք նախատէին զՓոլսանորդն եղեալ զնա նպատակ բանից, իբրեւ սրեալ սլաքաց, այլ միտք ամենեցուն խոկայր զիրկութիւն Աթոռոյն . և ապա սահմանեցին վարիլ այսպիսի եղանակաւ : Ի դալտեան Կու-

սակալին տալ միայն զսահմանեալն, որք էին սահմանափակելու, սահմանափակելու, սահմանափակելու սահմանեալ. 4000 դահեկան իբր ծախս 'ի չորս նուազս տարւոյն, և էրաֆէյէ 1375 դահեկան, որ եհտս յաւուրս ձէզար Փաշայի 25,000. գոնէ այսուհետեւ զտոյն գումար հատուցանել. իսկ 'ի բազմանալ վիճմանց եւ նեղութեանց, ազգ արասցեն 'ի կոստանդինուպոլիս. զի նորա գտցեն զհնարն, ապա պատուիրեցին փութով ժամանել 'ի մայրաքաղաքն Մարկոս և Յարութիւն եպիսկոպոսաց և թարգման Աւետիսին, գրել առ Սիմէոն, Դիոնիսիոս եւ կարապետ վարդապետս, որք գնացեալ էին յէջմիածին, զի զինի ձեռնադրութեան նոցին յապտիճան Եպիսկոպոսութեան տնայարեսցեն դառնալ 'ի թագաւորեալ քաղաքն, նոյնպէս առ Գարրիէլ եպիսկոպոս Նուիրակն Զմիւռնիոյ, եւ առ Մկրտիչ եպիսկոպոս Նուիրակն Տփլիսու, թողեալ զգործս իւրեանց փութասցեն անդ. զի գլխաւորք ազգին խորհեցին ընդ նոսա իբր երեւելի գործակալս Աթոռոյն, և անօրինեացեն զօգուտ նորին. բերել յերուսաղէմէ զտումարս պարտուց, զի առաջի ամենեցուն բացցին վէրք տանն, զի մարթասցին հնարել զօրեղ սպեղանիս: Սկիզբն խորհրդոյն կամեցան հրաւիրել զնոյն ինքն զԹէոդորոս Պատրիարք, այլ հայեցեալ յայլիս ձեռութեան նորին ինայեցին 'ի նա, և զի մի վտանգ ինչ դիպեացի 'ի պարտատեարց անպատուել զնա իբր փախըտական. այլ բաւական համարեցին կոչել զԵօթն եպիսկոպոսուհն և զԹարգմանն, և զոր ինչ սահմանեացեն 'ի խորհրդեան, լիցի ընդունելի ամենեցուն:

- Զայս ամենայն դրեալ ծանոյց Պօղոս եպիսկոպոս առ Թէոդորոս Պատրիարք, և յորդորէր զնա փութանակի հանել 'ի ճանապարհ զվարդապետս եւ մի ընդդիմանալ կամաց ազգին, զի մի յետս կացցեն, յայնժամ չլինի օգնութիւն յուստեքէ, որով լինի վտանգն չարաչար և խորտակումն մեծ. ոչ Պատրիարքն եւ ոչ Ամիրայք գրեցին զիր առ Թէոդորոս, զի տակաւին տիրէր երկպառակութիւն 'ի միջի նոցա. և ոմանք իսկ չկամէին յուզել զնեղիրն Երուսաղէմի, այլ ակամայ կամօք զիջան յայս խորհուրդ (1815. յ9 Յունիսի):

Իսկ երեքին վարդապետքն հասեալ յէջմիածին ձեռ:

նադրեցան Եպիսկոպոս յեփրեմ Կաթուղիկոսէ: Այլ Աբրահամ Պատրիարք և Փոխանորդ Պօղոս եպիսկոպոս խորհրդով ազգին գրեցին առ Կաթուղիկոսն, պահել զԴիոնիսիոս եպիսկոպոս անդ յէջմիածին 'ի խնամս իւր, մինչեւ կազմեցի ժողով 'ի կոստանդինուպոլիս վասն օգտի Աթոռոյն Երուսաղէմի, և ապա սահմանեցի գնալ նորա յերուսաղէմ. իսկ Սիմէոն և կարապետ եպիսկոպոսուհք մեկնեցան անտի (յ9 Սեպտեմբերի) և հասեալ 'ի Կարին դէմ եղին գնալ ուղղակի յերուսաղէմ. լուեալ զայս Պօղոսի գրեաց 'ի Բերկա, 'ի հասանիլ գրոյն առանց զայլ և այլ խորհելոյ դարձուցեն զընթացս իւրեանց 'ի կոստանդինուպոլիս, և մի բամբասեցին իբրեւ զանհնազանդս, ապա թէ ոչ՝ բռնադատին գալ յերուսաղէմէ: Փարրիէլ եպիսկոպոս յանձն արարեալ զպաշտօն Նուիրակութեան Զմիւռնիոյ Յակոբ վարդապետի՝ գնաց յերուսաղէմ վարել զպաշտօն Փոխանորդութեան. զի նախորդ նորին Ստեփաննոս եպիսկոպոս Եւդոկիացի, Առ կոչեցեալ վախճանեալ էր 1815. 'ի 19 Մայիսի: Մկրտիչ եպիսկոպոս մեղրիկ ոչ կամեցաւ մեկնիլ 'ի Տփլիսիս եւ երթալ 'ի կոչն, պատճառելով զգործ Նուիրակութեան իւրոյ. և յերուսաղէմ Մարկոս և Յարութիւն եպիսկոպոսուհք ոչ կամեցան գնալ. և կամ Թէոդորոս Պատրիարք ոչ եթող զնոսա, այլ առաքեցին միայն զԹարգման Աւետիսն. և նորա հասեալ անդ անկաւ 'ի մահիճս ծանր հիւանդութեամբ, եւ չգըտեալ դարման 'ի բժշկաց՝ վախճանեցաւ:

Պօղոս եպիսկոպոս ընկալեալ զտումար պարտուց Աթոռոյն զոր բերեալ էր թարգմանն, խնդրէր նաեւ զտումար եկամտից և եկեղեցական զարդուց, յուցանել ազգին 'ի դէպ ժամանակի, և զայրանայր 'ի վերայ այնոցիկ որք արհամարհեցին զհրաւէր նորին և ոչ կամեցան գնալ 'ի քաղաք անդր, որոց վասն ստիպմամբ և բազում յորդորանօք և երբեմն եւս սպառնալեօք գրեաց երկար առ Թէոդորոս փութանակի առաքել զնոսա առ 'ի անօրինել նոքօք զօգուտ Աթոռոյն: Յայսպիսի ծանրատաղտուկ գործս և 'ի խնդիրս ընկեցին 'ի Պատրիարքութենէ զԱբրահամ եպիսկոպոս Մէլիքեան, և 'ի տեղի նորա ընտրեցին զՓոխանորդըն Երուսաղէմի զԱդրիանուպոլսեցի Պօղոս Աբրեւսիսկո:

պոսն, (1815. 'ի 1 Դեկտեմբերի): Սա հետեւեցաւ հանել 'ի Իրանէ զհրովարտակն Եփրեմ Կաթուղիկոսին Էջմիածնի, այլ զժուարանայր, զի յաւուրս նախորդին իւրոյ կնճուեալ էր խնդիրն: Վասն բռնութեան Կուսակալին Դամասկոսի յառաջագոյն մատուցին գիր աղաչանաց 'ի Դուռն Փաշայի, այլ օգտեցան և ոչ ինչ, և ապա մատուցին առ Արքայ, և 'ի սոյն աւուրս գտաւ 'ի դիւանս արձանագրութիւն հին հրովարտակին վասն այնր տրոց, և սկսան հետեւիլ կարգաւորել զայն գործ: Պօղոս Պատրիարք կամեցաւ դարձուցանել զառաջնորդութիւն Կիպրոսի 'ի վերայ Երուսաղէմի, որոյ և զհրովարտակն էաւ, և խոստանայր օրինադրել և տալ միշտ յիշել 'ի Պէրաթն Պատրիարքաց Երուսաղէմի, որպէս յառաջագոյն Յովակիմ Պատրիարք խնդրեալ էր 'ի Չաքարիայ Պատրիարքէ Կաղզվանցոյ, գրելով առ Սարգիս փոխանորդ իւր 'ի Կոստանդինուպօլիս:

Ակնցի, Կարնեցի և Վանեցի ուխտաւորք դարձ արարեալ յԵրուսաղէմէ 'ի հայրենիս իւրեանց, հասին 'ի կողմանս Մեղիտնոյ Հայոց յափշտակեցան 'ի Ռշուա կոչեցեալ Քիւրացցէնէ, ընդ որս էր և Թորոս վարդապետ Նուիրակ Ակնայ, որոց մնասքն հաշուեցան 48,000 դահեկան, (1817):

Այլազգիք Սիոնի ճանապարհ արարեալ էին 'ի վանաց Ս. Հրեշտակապետի, յորոց հասանէր չարիք և վնաս մայրապետաց և միաբանաց, Հայք քննութեամբ և Արքունի հրովարտակաւ եղին փականս միոյ դրան և աղխէին զայն, և յաւուրս Թէոդորոսի վերստին սկսան այլազգիք անցանել անտի և ստիպէին թողուլ բաց զԴուռն զայն, այլ Թէոդորոս ետ նորոգել զհրովարտակն եւ արգել օրինօք Դատարանի զբռնութիւնս նոցա: Դարձեալ վէճ Յունաց ընդ Հայոց վասն երից հետեւակաց, որք են Հապէշք, Դըպթիք եւ Ատրիք: և ի լինել քննութեան 'ի Դատարանի ընթերցան զվաւերական գրեանս Հայոց, և արգելին ըզՅոյն 'ի հակառակութենէ, և Դատաւորն գրեալ ծանոյց 'ի Դուռն, (1817):

Իսկ Թէոդորոս Պատրիարք Երուսաղէմի, որ տարաւ բազմադիմի վշտաց և համբեր դառն նեղութեանց և տառապանաց իւրոյ անբարի ժամանակին, հասեալ 'ի բարեօք ծերութիւն, ալեւորեալ լի աւուրքք, հանգեաւ խաղաղու-

թեամբ 'ի Քրիստոս (1818) 'ի 22 Օգոստոսի, վարեալ զիշխանութիւն Պատրիարքութեան, յետ ընարութեան իւրոյ ամս 18 և յետ նասելոյ յԱթոռն ամս 16, զորոյ զմարմինն թաղեցին պատուով 'ի վանս Ս. Փրկչի 'ի կարգս Պատրիարքաց: և և յետ այնորիկ ժողովեալ եպիսկոպոսաց և վարդապետաց Աթոռոյն՝ գրեցին զիր հանրական առ Իշխանաւորս ազգին և առ Պօղոս պատրիարք, և թախանձանօք խնդրէին զնոյն ինքն զՊօղոս գալ նստիլ յԱթոռ Պատրիարքութեան Երուսաղէմի, և կառավարել զմիաբանութիւնն հայրական սիրով, զի բազում էին երախտիք նորին 'ի վերայ Աթոռոյն, լեալ պատճառ աղատութեան, շինութեան և պայծառութեան: և և ապա յաւելուն ասել, զի եթէ Պօղոս զանկարելութիւն ցուցեալ հրաժարեցի, և կամ ազգընդ կամիցի մեկնիլ նորին 'ի Կոստանդինուպօլսոյ, փոյթ մեծ կալցին՝ զի մի օք արտաքուստ օտարական եկեալ գահակալեաց, որ 'ի նախնեաց անտի և 'ի Կարապետ Կաթուղիկոսէ նզովիւք արգելեալ է, և լինել պատճառ կործանման Աթոռոյն և ցրուելոյ միաբանութեան, և լինիլ առակ նշաւակի փռնօր օտար ազգաց, այլ մի միայն 'ի միաբանութենէ և յերեւելի յեպիսկոպոսաց Աթոռոյն զո և կամիցին ընտրել խոստանային ամենեքեան որդիական հպատակութեամբ հնազանդիլ նմա: և և թէ՛ մի լիցի իրբեւ զառաջինն միացուցանել զՊատրիարքութիւնն Երուսաղէմի ընդ Կոստանդինուպօլսոյ, որ նոյնպէս արգելեալ է, և և որք ախորժեան և պատճառ լինին, հաղորդ են նզովից և առիթ կործանման Աթոռոյն: և և թէ՛ գրել յամենայն վիճակս, զի մի 'ի պատճառս վախճանի Պատրիարքին արգելցեն զնուիրակունս 'ի սղաշածնէ իւրեանց յայսուիկ գիրս ստորագրեալ կնքեցին 8 Եպիսկոպոսունք, 27 վարդապետք, և 17 աշխատաւոր միաբանք, բաց 'ի սարկաւազաց և 'ի դպրաց: 'ի սոյն միտս գրեցին նաեւ առ Փոխանորդն Երուսաղէմի Յակոբ վարդապետ: Քանզի 'ի կենդանութեան Թէոդորոս Պատրիարքի ոմանք յանզգաստից բամբասեալ էին զնա յականջս ազգին, իբր սլահեալ առ իւր զմեծ դումարս դրամոց: նմին իրի Խորհրդական Եպիսկոպոսունք զինի 8 աւուրք թաղման նորին, բացին զգանձարանն Պատրիարքարանին՝ զոր կնքեալ էին նախքան զաւանդումն հոգւոյ

նորին եւ 'ի հաշիւ արկեալ զանձնական դրոսն նորին , դոսն 80,000 դահեկան , զորս ժողովեալ էր 'ի դպրութենէ իւրմէ : մինչեւ յվախճան իւր , զորս եղին յարկն հասարակաց , և դարձեալ կնքեցին զՊատրիարքարանն , թողեալ զիահն և զկարասին իւրաքանչիւր 'ի տեղով իւրում :

Գումարեցաւ ժողով մեծ ազգային 'ի Մայր Եկեղեցին կաստանդինուպոլսոյ , ուր ընթերցան հանրագրութիւնք միարանաց Երուսաղէմի , որք վասն ընտրութեան նորոյ Պատրիարքի , ('ի 20 Սեպտեմբերի) : Եւ 'ի ժողովի աստ թողեալ զինչիւր Պատրիարքութեան , նախ՝ ընտրեցին 'ի միարանութենէ զարժանաւոր անձինս լինիլ Խորհրդական , որք էին՝ Գարրիէլ Եպիսկոպոս Փոխանորդ , Մեղրիկ Մկրտիչ Եպիսկոպոս Լուսարար , Եղիա Եպիսկոպոս Գարսաւա ընկալ և Աւագ Թարգման . նախկին Լուսարար Սիմէոն Եպիսկոպոս , (զսա ընկեցեալ էր Պողոս 'ի պաշտօնէ) . Կարապետ Եպիսկոպոս Ճառաճի , Մինաս Եպիսկոպոս Մոմար շէն , Կիրակոս Եպիսկոպոս Երուսաղէմացի . Յերունի Սանտիաննոս վարդապետ , և գրեցին եօթն կանոնական բանս , յաւելեալ 'ի վերայ 12 կանոնական բանից վասն բարեւոք կառավարութեան Աթոռոյն , և բազմակնիք գիր մահաւորական , եւ ընտրեցին զՓոխանորդն Երուսաղէմի զՅակոբ վարդապետ իբր Փոխանորդ 'ի կողմանէ ազգին , եղեալ 'ի տեղի նորա զՄարկոս Եպիսկոպոս : Մեկնեցաւ Յակոբ այսոքիւկ դրեամբ 'ի մայրաքաղաքէ անտի ('ի 1 Հոկտեմբերի) եւ հասեալ յԱքքէ՝ կատարեաց անդ զգործն ընդ Կուսակալին և եհաս յԵրուսաղէմ (1819 . 'ի 13 Յունվարի) : Եւ յետ երկուց աւուրց բացեալ զգրեանս ընթերցաւ առաջի ամենեցուն , որոշեաց զԽորհրդարանն և հաստատեաց զազգընտիր Խորհրդականս , և ամենեքեան հնազանդեալ հաճութեամբ ընկալան զհրաման ազգին , և սկսան սիրով ե յօժարութեամբ հոգալ զՍ . Աթոռն . եւ 'ի նմին ամի վճարեցին 663,000 դահեկանս 'ի պարտուց : Եհարց Յակոբ վարդապետ վասն ընչից հանգուցեալ Պատրիարքին , որպէս պատուիրեալ էին նմա ազգայինք . և Խորհրդականք պատմեցին նմա մի ըստ միով՝ որպէս արարեալ էին զորմէ գրեցաք : Յետ կարգաւորելոյ զայսոսիկ՝ գրեաց թա-

խանձանօք Յակոբ վարդապետ առ գլխաւորս ազգին՝ ընտրել զարժանաւոր ոք Պատրիարք Աթոռոյն , զի մի իսպառ նախատեսցի ազգն առաջի օտարաց , որպէս թէ չիցէ ոք արժանաւոր այնմ պատուոյ : Նախ քան զայս Լանիւք եւ աշխատութեամբ գլխաւորաց ազգին Արքունի հրովարտակաւ թեթեւացեալ էր բռնութիւն եւ հարկապահանջութիւն Կուսակալին Դամասկոսի , եւ սահմանեալ էր տալ իւրաքանչիւր ամի միայն 4000 դահեկանս . զայն տեսեալ Կուսակալին եւ Քաղաքապետին Երուսաղէմի՝ հնարիւք պատճառս որոնէին կողոպտել զՀայս . զի 'ի նախընթաց ամի 'ի պատճառս կուուր իմիք Յունաց ընդ Լատինաց՝ առաքեաց Ոստիկանս և մասնեաց զնոսս 'ի տուգանս , եւ ոչ գտեալ պատճառս՝ զնոյն առնել եւ Հայոց . նախկին Քաղաքապետն Երուսաղէմի ետ քակել 'ի գիշերի զչորս քարինս 'ի պարսպէ Ս . Փրկչի վանաց , Հայք բողոքեցին առ Դատաւորն եւ առ նա ինքն , և հրամանաւ նոցին եղին զքարինս 'ի տեղիս իւրեանց . զայս լուեալ Կուսակալին գրեաց յԵրուսաղէմ , թէ առանց հրամանի իմոյ չինեալ են զայն , որոյ վասն խնդրէր զգումարս դրամոց , և սպառնայր քակել զպարսպս . նեղեալ Հայոց ետուն 25,000 դահեկան և հազիւ զերծան 'ի ձեռաց նոցա :

Ի ամին ամի հանդերձեալ էր Բդեշխն ինքնին ելանել և ժողովել զհարկս երկրին , և զի Յոյնք և Լատինք ակնուռնէին առաջի նորա դատիլ վասն հակառակութեանց իւրեանց , նմին իրի եւ Հայք անկեալ էին 'ի կասկածանս , գուցէ հնարիւք և 'ի նոսա արկցէ զձեռն , որպէս արարեալ էր յառաջագոյն . ուստի աճապարեալ Խորհրդականաց գըրեցին առ Պատրիարքն և առ գլխաւորս ազգին առնուլ զերկուս յանձնարարական գիրս , զմին առաքել առ Բդեշխըն և զմիւսն յղել առ Խորհրդականս , զի 'ի գալատեան նորին մատուցեն զայն , զի մի նեղեացէ զնոսս ընդդէմ Կայսերական հրամանին , և թերեւս ասլրեսցին 'ի հնարից նորին :

Իսկ նոր Քաղաքապետն Երուսաղէմի 'ի շրջանի 7 ամսոց առեալ էր միայն 'ի Հայոց 14,000 դահեկան , երբեմն ընծայ և երբեմն պատիւ . սոցին վասն աղաչէին զնոսա չառ-

ներ զանց, զի մի սակաւ առ սակաւ ելցէ յառաջին աս-
տիճանն : Գրեցին նոյնպէս և առ Գեահեայ Կարապետ Ամի-
րայ լինել ձեռնառու, ('ի 22 Փետրվարի) :

Գ Լ Ո Ւ Խ Խ Բ .

Ասեղծութիւն Լատինաց 'ի Բեթղեհէմ : Փակուան զրան Լատինաց :
Հակառակութիւն Յունաց ՍԱՅԻՆ Ծննդեան և Գոան եկեղեցւոյն :
Նշխարեաց դուռն և աստատկանած թիւ 'ի վերայ նորա : Ընտրութիւն
Պարբիւն Եպիսկոպոսի ՍԹՈՆ Նրուսողէմի : Գերեզմանասուն Ներ-
տրականաց : Չանք Լատինաց վասն գրան :

Ն ԱՄԱՐՁԱԿՈՒԹԻՒՆ զտեալ Լատին կղերաց առնելին
ըստ յօժարութեան իւրեանց . յեկեղեցին Բեթղեհէմի . զի
յաւուր միում յանկարծ զեղեալ 'ի ներքս, կալեալ զսրբի-
ւոցն Հայոց ընկեցին 'ի բաց, և խանգարեալ զժամերգու-
թիւնն, իջին ՍԱՅԻՆ, և երբեմն ժողովեալ զԺնէլլահն գիւ-
ղին զարս և զկանայս և զմանկտիս և խառնիճաղանձ բազ-
մութեամբ անցանելին անտի, և զոր միանգամ գտանելին
'ի ճանապարհին առաթուր կրիսէին և կամ բարձեալ ընկե-
նուն 'ի բաց . և 'ի պատահիլ միաբանաց և ուխտաւորաց
տապալելին զնոսա, և այլ սոցին նման անարգանօք զգուէին
զՀայս . և 'ի բողոքել նոցա առ Դատաւորն, գրեալ յայտ
արար նա 'ի Դուռն զնեղութիւնս Հայոց, զոր կրէին յե-
րեօաց Լատինաց, որպէս գրեալ էին զայնմանէ նախորդք
իւր, և չէր լեալ օգուտ ինչ :

Ի սմին ամի Կուսակալն Դամասկոսի Սաւլէ՛՛ Փաշա ինք-
նին ևլ յայցելութիւն զաւառին, և ևհաս յերուսողէմ .
և 'ի զնալ իւր 'ի Քեբրոն յուխտ 'ի գերեզման Հայր Արրա-
համու, հանդիպեցաւ 'ի Բեթղեհէմ, կատարել զուխտս
'ի տեղի Ծննդեան Քրիստոսի, և ևտեսալ զանվայելուչ
ճանապարհն Լատինաց 'ի մէջ եկեղեցւոյն, ևհարց ցՀայս,
և նոքա յայտ արարին նմա թէ որպէս սահմանեցաւ 'ի սկզբ-
բան զնալ Լատինաց յետուստ կողմանէ, և թէ որքան չա-
րիս և ևնեղութիւնս հասուցին Հայոց՝ մինչև վերաւորել
զեկեղեցականս, զանհնազանդ և զըմբոստ բարս նոցա, այ-

լովքն հանդերձս Կուսակալն խոտացաւ 'ի վերադարձին
իւրում աննել դատաստան, և քննել զայն օրիօք դատա-
րանիս Իբրեւ դարձաւ 'ի Քեբրոնէ 'ի բանակն, կազմեցաւ
ժողով 'ի վրան Գեահեայ Պէյին, ուր էին Դատաւորն և և
զլնաւորք այլազգեաց երուսողէմի . կոչեցին անդ զՀայս
և զԼատինս, և յետ բազմադիմի բանից և աստեթեանց յեր-
կուց կողմանց, հարցին Դատաւորք ցԼատինս, թէ ունի՞ն
Արքունի հրովարտակ վասն բացման դրան այնորիկ, թէ-
պէտ ասէին ունել, բայց ոչ կարացին բերել, զի ոչ ու-
նէին . տեսեալ Դատաւորաց թէ առանց Արքունի հրամա-
նի բացեալ է դուռն և ևլալ պատճառ խոսովութեան 'ի
մէջ երկուց ազգաց, հատին վճիւզ զի Հէօճճէթի Շէրիով
փակեցցի դուռն քարանփք, և Լատինք մտցեն և ելցեն
'ի յանկացեալ դրանէ իւրեանց որ 'ի մէջ Այրին, մինչև
եկեցէ Արքունի հրովարտակն, և Կուսակալն առաքեաց
զՔաղաքապետն երուսողէմի և Դատաւորն, զԳեահեայն
իւր ընդ Հայոց 'ի Բեթղեհէմ . հասեալ անդ մտին յեկե-
ղեցին, խնդրեցին զբանալի դրան 'ի Լատինաց . իբրեւ ոչ
ետուն նոքա պատճառելով զպատճառս՝ քակեալ հանին
զդուռն 'ի տեղւոջէ իւրմէ, և տարեալ ընկեցին զնա 'ի
վանս նոցին, և արկեալ քարինս հիւսեցին զտեղի դրան
և ծեփեցին յերկուց կողմանց, (1819 . 'ի 16 Ապրիլի) յա-
ւուր նոր Կիւրակէի՝ և դարձան յերուսողէմ . Իսկ Կուսա-
կալն առեալ զիւրամ Դատաւորին և ևզանրադիրս այլազ-
գեաց՝ առաքեաց 'ի Կոստանդինուպոլիս առ գործակատար
իւր, զի ըստ մտաց նոցին շնորհեցցի Հայոց հրովարտակ
արքունուստ և ևՍորհրդականք վանաց Ս . Յակոբայ գը-
րեալ յայտ արարին առ Պօղոս Պատրիարք և առ Իշխանա-
ւորս ազգին, զոր միանգամ արար Կուսակալն, և մեծա-
հայց սրադատանօք աղաչէին զնոսա հոգ տանել վասն հը-
րովարտակին և ևիութացուցանել զնա յերուսողէմ . զի փա-
կեալ մնացէ դուռն, և մի թշնամիք կանխեալ այլ և այլ
բանիւք ծանուցեն զայն 'ի Դուռն : Իսկ Կուսակալն յոր-
ժամ դարձաւ 'ի Դամասկոս՝ գրեաց առ Դատաւորն երու-
սողէմի, զի ըստ որոշման ժողովոյն փակեալ մնացէ դուռն
մինչ 'ի գալուստ հրովարտակին . զայս գիր առեալ Յակոբ
վարդապետի գլխեաց առ Բգեչիսն Աքբէի Սիւլէյման Փա-

չայ, որում եւ գրեալ էր Պօղոս Պատրիարք վասն այնր խնդրոյ, և էառ 'ի նմանէ եւս գիր առ մեծամեծս Երուսաղէմի հաստատուն պահել զվճիռն, որ տուաւ վասն դժբախտ Բեթղեհէմի հրամանաւ Կուսակալին Դամասկոսի:

Հակառակութիւնք Յունաց անվերջանալի էին 'ի Բեթղեհէմ, զի կամէին խախտել զպատարազն Հայոց յԱյլէն Ծննդեան Քրիստոսի և արտաքսել յեկեղեցւոյ անտի, բառնալով զկանթեղս, զպատկերս և զայլ եկեղեցական սպասս, և 'ի բողոքելն Հայոց առ Դատաւորն, և 'ի ցուցանել նոցա զամենայն գրեանս վասն այնր, կոչեալ զնոսա պատուիրեաց չհակառակիլ ընդդէմ Կայսերական հրամանին և բաղմաթիւ գրեանց, և շարունցանել վէճս ընդ Հայոց, և 'ի հաստատութիւն բանից նորին ինքն եւս գրեաց գիր, և Հայք առաքեցին զայն աղերսադրով առ Կուսակալն Սալէհ Փաշայ, և նա գրեաց առ Դատաւորս Երուսաղէմի բառնալ զհակառակութիւնն Յունաց և լինիլ պաշտպան իրաւանցն Հայոց, որք սահմանեալ են արքունի հրովարտակաւ, լինիլ բաժանորդ եկեղեցւոյն Բեթղեհէմի եւ գերեզմանին Ս. Աստուածածնի: Ի վերայ այսորիկ լեւալ Յունաց ժամանակս ինչ, դարձեալ յարուցին խռովութիւն մեծ, զի բովանդակ եկեղեցին Բեթղեհէմի սեփհական Յունաց առէին, եւ 'ի սաստել Դատաւորաց՝ դարձեալ լեւեցին, եւ զկնի միոյ տարւոյ վերստին խռովութիւն մեծ, զի կամէին փականս դնել 'ի վերայ փայտեայ դրան եկեղեցւոյն, որ 'ի սիննազարդ գաւթին, և զի չէին հաճեալ ընդ կարգադրութիւն նուրի էֆէնտեայ, որ լեալ էր Արքունի հրովարտակաւ և գիտութեամբ ամենեցուն, և այսպէս օրքան զօր զայրանայր խռովութիւնն, և այն յաւէտ 'ի փոփոխել Դատաւորաց քաղաքին: Իսկ Հայք դարձեալ զիմեցին առ Դատաւորն, և մատուցեալ զգրեանս ամբաստան եղեն զանիրաւութենէ Յունաց, եւ 'ի հարցանել նորա ցայլազգիս, ետուն պատասխանի, թէ սիննազարդ գաւթի եկեղեցւոյն Բեթղեհէմի բաժանորդութեամբ է երից ազգաց, և Հիւսիսային կողմն յատկացեալ Հայոց, և Գերեզման Ս. Կուսին բաժանորդ 'ի մէջ Հայոց եւ Յունաց: Արգել Դատաւորն զՅոյնս չխախտանել զճանապարհն և չվիճել վասն եկեղեցւոյն և այլոց իրաց: Եւ 'ի փոխել Դատաւորին դարձեալ ատե-

լութիւն Յունաց վասն սոցին իրաց, և Հայք բազում վնասիւք պաշտպանեցին զիրաւունս իւրեանց, (1820-21): Յոյնք յաւելին յարուցանել զայլ իմն վէճ, զի բանալի արտաքին երկաթեայ դրան եկեղեցւոյն Բեթղեհէմի գտլով 'ի ձեռս նոցա, 'ի գնալ անդ ուխտաւորացն Հայոց, տային սպասել առաջի դրան, և հուսկ ուրեմն բանային զդուռն թշնամանելով զնոսա: Եւ ապա հնարեցին զայլ իմն նենգութիւն, շինեցին 'ի վերայ երկաթեայ դրան տախտակամած քիւ (սաչազ), պատճառելով զգորս արքունի, որպէս թէ 'ի նստիլ նոցա առաջի դրան պատասպարեցին յարեւոյ եւ յանձրեւէ, այլ Հայք ամբաստան եղեն զնմանէ, թէ գողք և աւաղակք ելեալ անտի մտանեն 'ի վանս նոցա, և զկնի քննութեան ետուն քակել զայն (1819. 'ի 20 Փետրվարի), եւ քարամբք յարդարեցին զյատակ արտաքին գաւթի եկեղեցւոյն սակաւ ինչ իբր բաժին Հայոց, հաւասարութեամբ պարսպի վանաց, և այն եւս բազում խռովութեամբ և վիճամբք, զի Յոյնք կամէին զբովանդակն յարդարել, որպէս և արարին իսկ ('ի 23 Նոյեմբերի):

Արդ՝ իշխանաւորք ազգին եւ Պատրիարքն հանգարտեալ 'ի վտանգաւոր հոգոյ, զի զբաղեալ էին վասն ազատութեան Տ. Կիրակոս Կաթողիկոսին տանն Կիլիկիոյ, որ արդիլեալ էր անդ 'ի Կոստանդինուպոլիս Արքունի հրամանաւ: Ապա յորդորանօք Պօղոս Պատրիարքի գումարեցան 'ի Պատրիարքարան ('ի 12 Յուլիսի) կարգաւորել զԼեդիր Երուսաղէմի: Նախ անպատշաճ վարկան զընտրութիւն Պօղոսի 'ի Պատրիարքութիւն Աթոռոյն Երուսաղէմի, զի կարի պիտոյ էր նա ինքեանց, և չէր արժան թողուլ նմա զայն Աթոռ, և համակամ հաճութեամբ ընտրեցին զԵփեմիդայի Գարրիէլ եպիսկոպոս, որ յայնժամ Փոխանորդ էր յԵրուսաղէմ, եւ գրեցին առ նա գիր շնորհաւորութեան, ծանուցանելով նմա զընտրութիւն իւր, յոր ասորադրեցին անձինք 17 և պատուիրեցին նմա հաստատուն պահել զՍորհրդակալանս և զկանոնադրութիւնն, զոր ազգսիին հաստատեալ էին յաւուրս Թէոդորոսի: Պահել առ իւր իբր օգնական զՅակոբ վարդապետ Լիւսիբացի մինչ 'ի Չատիկ, զոր առաքեալ էին իբրեւ Փոխանորդ 'ի կողմանէ իւրեանց, մինչեւ պարզեցի խնդիրն Բեթղեհէմի, և ապա տալ վա-

կայական գնալ յԷջմիածին, եւ ձեռնարեալ Եպիսկոպոս
 քարծցի անդրէն 'ի Կոստանդինուպօլիս : Իսկ զԱնդրէաս
 վարդապետն, որ երբոր զՊատրիարքական հրովարտակն,
 պահել առ իւր զաւուրս 20, և յետ կատարելոյ զուխտս,
 դարձուցանել զնա անդրէն 'ի Կոստանդինուպօլիս : Այս
 նամակ Ամիրայից և Արքունի հրովարտակն և նա յերուսա-
 ղէմ 'ի ձեռն Անդրէաս վարդապետի (1819. 'ի 6 Օգոստոսի),
 և նստաւ Գարրիէլ Եպիսկոպոս յԱթոս Պատրիարքութեան
 Երուսաղէմի, և դրեաց զիւր շնորհակալութեան և հնազան-
 դութեան առ ազգն, և թախանձանօք խնդրէր առաքել
 զհրովարտակն դրան Բեթղէհէմի (յ3 Սեպտեմբերի) մեծ
 յուսով ակնկալեալ սպանէին միարանք դաւրտեան հրովար-
 տակին վասն փակեալ դրան նախ քան զդաւրտող Կուսա-
 կային, այլ 'ի զուր և ընդունայն եղեն այնչափ ջանք և աշ-
 խատութիւնք նոցին, որ մեծամեծ ծախիւք կրկին անգամ
 առին Իլամ և հանրագիր յայլազգեաց, և առաքեցին 'ի
 Կոստանդինուպօլիս, զի թերեւս հնարս գացեն, այլ չե-
 ղու ինչ :

Իբրեւ և նա Կուսակալն յերուսաղէմ (յ3 Ապրիլի)՝
 եւ ոչ եզրա զհրովարտակն, սակ' նախորդն իմ ընդդէմ
 իրաւանց և սակա ազահութեան իւրոյ փակեալ է զայն
 դուռն՝ և սպանայր բանալ 'ի նախատինս Հայոց . զի Լա-
 տինք խոստացեալ էին տալ նմա 75,000 դահեկան, այլ
 նա ոչ առ յանձն, և ետ դիր Հայոց զի փակեալ մնացէ
 դուռն, և Գատաւորն Իլամ առ Տէրութիւնն, զոր և ա-
 ռաքեցին 'ի Կոստանդինուպօլիս ընդ Յակոբ վարդա-
 պետին :

Ի հասանիլ Կուսակալին՝ Յոյնք մեծամեծ ընծայիւք դի-
 մեցին յոտս նորա, և հաճեալ զկամս նորին առին հրաման
 'ի գիշերի . զի յամենայն տեղիս նոցա լիցի առաջնութիւնն,
 այսինքն 'ի Ս . Յարութիւն, յԱստուածածին և 'ի Բեթղէ-
 հէմ, նախ Յունաց կատարել զպաշտամունս իւրեանց եւ
 ապա Հայոց . լուեալ զայս վարդապետաց, մատուցին առ
 նա գիր բողոքոյ, և յանդիման եղեն երկոքին ազգք ա-
 ռաջի նորա 'ի դատապտան . Յոյնք մատուցին զհրովար-
 տակն ՎՄԼ, նոյնպէս և Հայք զերկուս հրովարտակն 'ի նոյն
 թուականի, եւ առնն՝ եթէ ըստ հրամանի Արքային լիցի

հաւասար բաժանորդ . Եկեղեցին Բեթղէհէմի, պարս է մը-
 նալ զկնի նոցա, իսկ եթէ ոչ՝ 'ի յատկացեալ տեղիս մեր
 կատարեմք զպաշտամունս մեր, այլ Կուսակալն ասէր,
 զոր միանգամ ետու, ոչ առնում յետս, զի առաջնութիւնն
 Յունաց է ամենայն ուրեք, եւ 'ի նոյն գիշերի մեկնեցաւ
 յերուսաղէմէ . եւ Հայք չոքան առ Գատաւորն եւ յայտ
 արարին նմա զվնասակար դատաստանս Բեթղէմի եւ ա-
 ռին 'ի նմանէ Իլամ և հանրագիր յայլազգեաց, և առա-
 քեցին 'ի Կոստանդինուպօլիս, և զկատարեալն լուել 'ի բե-
 րանոյ Յակոբ Եպիսկոպոսի :

Իսկ 'ի Կոստանդինուպօլիս դիպաւ գործ աղետալի, զի
 վրդովեալ իմն էր անդ հասարակութիւն Հայոց, զի մատ-
 նութեամբ ուրացեալ սարկաւազի ումեմն ըմբռնեցան ո-
 մանք 'ի գլխաւորայն Հայոց և եղան 'ի բանտի, որք էին
 Գարաբեւհեաց Աբրահամ, Արտիարեան Մկրտիչ, Կելիւքեան
 պապա Պօղոս, որպէս թէ գիտութեամբ սոցա լեալ իցէ
 աղմուկն (1820. 'ի 26 Օգոստոսի) : Եւ դարձեալ մատու-
 թեամբ նոյն ուրացելոյ արքունի զինուորք և Ոստիկանք
 ելին 'ի ճանապարհ երթալ 'ի Կարին, որոնել և ըմբռնել ըզ-
 Յովհաննէս և զԲարսեղ վարդապետս Էջմիածնի . եւ հասեալ
 խնդրակայ 'ի Եւլլու Խան կոչեցեալ տեղին, կալան զՏ . Կիրա-
 կոս Կաթուղիկոսն Սոյ հանդերձ Յովհաննէս Եպիսկոպոսիւ
 և Գրիգոր վարդապետիւ նորին, որ այն ինչ մեկնեալ էին
 'ի մայրաքաղաքէն գնալ 'ի տեղիս Իւրեանց, և բռնութեամբ
 ածին 'ի Կոստանդինուպօլիս (յ8 Սեպտեմբերի), և զկնի
 10 աւուրք հազիւ կարացին ազատել զնա Պատրիարքն և
 Գլխաւորք աղգին, և առեալ հրաման առաքեցին յԱթոս
 իւր 'ի Սիս : Եւ 'ի նմին աւուր 'ի 18 Սեպտեմբերի, օրն շա-
 բաթ, ժամ 11, մինչ ժողովուրդն էր յեկեղեցին յերեկոյի
 պաշտաման, բերեալ դահճաց զՄագայեան ծերունազորդ
 Մարտիրոս, ըստ ոմանց Գրիգոր Ամիրայն հրամանաւ Արքայի
 գլխատեցին առաջի դրան Մայր Եկեղեցւոյ, որ անպարտն
 էր 'ի չարեաց, սորա յիշատակն է ծանրագին վարագոյրն
 'ի խորանի Գլխաղբի, Կախեցան 'ի Պարմազ գարու դէմ
 յանդիման միմեանց երկոքին ուրացեալքն, Սարկաւազն
 և մանկահասակ Ազարեանցն : Տէլի Պաղտասար և Թաւուզ-
 ճի օղլու (եղբայր Երեմեա Եպիսկոպոսի), գլխատեցան 'ի

Մամաթիւս : Կեսարացի Բարուճճի օղլու , եւ ոմն ալեւոր , որ զտեսարակն շուրջ ածեալ 'ի քաղաքին ամբոխ յարուցեալ է , գլխատեցան 'ի Տիբիւի թաշ , 3 Ամիրայք եւ 2 Եպիսկոպոսունք հանեալ 'ի բանաէ դասապարտեցան յաքսորս ('ի 19 Աեպտեմբերի) . անկաւ ահ մեծ 'ի վերայ ազգին Հայոց 'ի թագաւորեալ քաղաքի անդ , զի ոչ կարէին առնել ինչ , ոչ Պատրիարքն եւ ոչ իշխանաւորք , զի սիրտ Արքայի ծանրացեալ էր 'ի վերայ նոցա (1820) :

Յոյնք յափշտակեցին զդերեզմանատեղիս Նեսդորականաց եւ Վրաց , զորս յառաջագոյն գնեալ էին Հայք յայլադ գեաց 'յանհետանալ նոցին յերուսաղէմէ , փոխանորդն Հայոց Եղիա Եպիսկոպոս դեգերէր 'ի դրունս այլադգեաց : Յոյնք դիմեցին առ Կուսակալն Դամասկոսի Տէրվիշ Փաշայ , եւ ամրաստան եղեն զազգէն Հայոց թէ՛ քակեալ զնախնի սահման գերեզմանատանց , տիրեալ իցեն միոյ մասին գերեզմանատան նոցին , հակառակ դաշանց եւ պայմանացն : Իսկ Կուսակալն գրեաց առ Դատաւորս Երուսաղէմի , բառնալ զխոռովութիւնն , քննել զտեղին եւ ծանուցանել ինքեան , Եղիա Եպիսկոպոս թէ՛ պէտ էառ գիր 'ի Քաղաքապետէն Երուսաղէմի մնալ մասին այնմիկ 'ի ձեռս Հայոց ըստ տրամադրութեան Հէօճճէթի Դատարանի , այլ չեղեւ ինչ օգուտ , զի Յոյնք տիրեցին տեղւոյն եւ եղին նոր սահման (1821) :

Իսկ Գարրիէլ Պատրիարք գրեաց առ Փոխանորդ Մարկոս Եպիսկոպոս 'ի Կոստանդինուպոլիս , յանձն առնել ըզպաշտօն փոխանորդութեան Յակոբ Եպիսկոպոսի Լիւսդրացւոց , որպէս յորդորեալ էր զնա նախ քան զմեկնին յերուսաղէմէ , զի գուցէ դադարեցին Յոյնք ասէր 'ի չարութեանց իւրեանց , այլ նա ոչ ընկալեալ զայն , դարձոյց յետըս զիոնդակն առանց խախտելոյ զկնիք նորին , եւ գրեաց առ Գարրիէլ աալ զայն պաշտօն Յարութիւն վարդապետի Եգեսացւոյ , աշակերտի Մարկոս Եպիսկոպոսի , որպէս եւ եղեւ իսկ : Եւ զկնի աւուրց ինչ մեկնեցաւ ինքն անտի 'ի քաղաք իւր 'ի Լիւսդրա : Գարրիէլ Պատրիարք քանիցս գրով ստիպեաց զնա գալ յԱթոսն , իսկ նա այլ եւ այլ պատճառանօք դեգերէր 'ի Կողմանս յայնտիկ , յերկիւղէ ճանապարհին եւ 'ի պակասութենէ ծախուց , եւ Գլխաւորք

աղդին նախ գրեցին առ նա երթալ յերուսաղէմ , եւ յետոյ աղդ արարին նմա մնալ 'ի տեղի իւր ուր եւ է , եւ մի երթալ յերուսաղէմ , եւ նա առաքեաց 'ի ձեռն հաւատարմի զթղթեանս , զհրովարտակս վասն խարածի եւ վասն աքսորանաց Եղիա Եպիսկոպոսի , եւ ինքն արգելաւ անդ վասն ապստամբութեան Յունաց եւ խռովութեան աշխարհի , եւ սպասէր հրամանի Պատրիարքին , եւ յետ առաքելոյ ընդ այլ թղթեանս եւ զպատճէնս գրոց Ամիրայից , ասէ՛ 'ի ժամանել գրոց ըստ պատշաճին անօրինեւ , զի անպուստ եւ կարդախ սպստամբքն լուիցեն , իմասցին եւ ծանիցեն թէ մարդիկ են յաշխարհի : սատեա միոյն , զի այլքն երկիցեն , եւ ոչ ոք կարէ կալ հակառակ յԱստուծոյ պարգեւեալ իշխանութեանդ :

Գարրիէլ Պատրիարք գրեաց կոնդակ յորդորական բանիւ առ ժողովուրդս Եգիպտոսի , եւ առաքեաց 'ի ձեռն Յակոբ վարդապետի , յորում պատուիրէր հայրական խըրատիւք հնազանդիլ առաջնորդի իւրեանց Սահակ վարդապետի իբրեւ իւրոյ փոխանորդի , եւ յանձն առնել նմա զհասոյթս եկեղեցւոյ եւ զայլ իրաւունս առաջնորդի . եւ տալ առատ նուէրս եւ ողորմութիւնս Յակոբ վարդապետին իբրեւ օգնութիւն 'ի նեղութեան Աթոսոյն , չարհել առ իւրեանս զպանդուխտ քահանայս , զի զրոփանդակ հոգեւոր պէտս նոցին խոստանայր ընուլ յԱթոսոյն , (1821 . յ8 Նոյեմբերի) :

Տեսեալ Լատինաց թէ յետ անցանելոյ երկուց ամաց Հայք ոչ կարացին բերել զհրովարտակն վասն փակման դրան , բողոք բարձին առ Կուսակալն Տէրվիշ Փաշա , եւ խնդրէին բանալ զգուռն , եւ նա դրեաց առ Դատաւորս Երուսաղէմի , ելանել 'ի քննութիւն տեղւոյն , եւ ստուգել զխնդիրն ամենայն պարագայիւք եւ ծանուցանել ինքեան , որ եւ արարին իսկ , սակայն չեղեւ անտի օգուտ ինչ Լատինաց :



Գ Լ Ո Ւ Խ Խ Գ .

Աքոր Եղև Եպիսկոպոսի : Գերիւ նաւուն ուխտաւորաց և Յովնաննս վարդապետի : Չաչրութ ամիրայից : Հրովարտակ Արքայի վանն կաթմայիկ Հայոց . ժողով 'ի Մայր ևհեղեցին , ընտրութիւն նոր խորհրդականաց Երուսաղէմի : Խմբագրութիւն կանոնական բանից :

Ի ՀԱՄԱՆԻԼ Հրովարտակի Արքային յերուսաղէմ, Գորրիէլ Պատրիարք առաքեաց զԵղիա Եպիսկոպոս ընդ Պոլսոցի Յակոբ վարդապետի 'ի Կեսարիա, Եղիա յաքսոր, և Յակոբ 'ի նուիրակ, յանձն արարեալ նմա զհրովարտակն պատուիրելով առանձին, 'ի հասանիլ նոցա 'ի Կեսարիա տալ զայն Սանտանոս Եպիսկոպոսի առաջնորդի տեղոյն 'ի դործադրութիւն, Սոքա նաւեալ հասին 'ի Տարսոն Կիլիկիեցոց, ուր դժտեցաւ Եղիա ընդ Յակոբայ, նախատելով զնա բազմադիմի բանիւք՝ և մնաց ինքն անգէն 'ի քաղաքին, և Յակոբ մեկնեալ 'ի նմանէ գնաց 'ի Կեսարիա, և եղիա զժողովուրդն 'ի տառապանս յերեօաց հարկապահանջութեան և 'ի սաստիկ սովու՝ յորմէ մեռանէին բազումք, և եղեչխ երկրին ցասուցեալ ընդ Աւետիս Եպիսկոպոսի վանաւոր վանաց Ս. Կարապետի՝ կամէր կործանել զնոր շինուածս վանաց, և զլխաւորք ազգին մոռացեալ զնեղութիւնս իւրեանց, ետուն նմա 25,000 դահեկան տուգանս և զերծան 'ի ձեռաց նորա : Տիւզեան Կարապետ, Յակոբ և Պօղոս չեղեպիք, որք աքսորեալ էին 'ի վանս Ս. Կարապետին, տեսեալ զՅակոբ վարդապետ մխիթարեցան, և հարցանէին զլիճակէ Աթոռոյն, զողջունէ Պատրիարքին և զմիաբանութեան, և խոստացան առնել բարիս զինի աղատութեան իւրեանց, (1821. 'ի Նոյեմբերի) : Իսկ Եղիա Եպիսկոպոս նստեալ 'ի Տարսոն քաղաքի գրեաց բազում անգամ 'ի Կոստանդինուպօլիս առ Պօղոս Պատրիարք, և թախանձանօք աղաչէր զնա ազատել զինքն յաքսորանաց, խոստանայր հրաժարիլ 'ի միաբանութենէ Աթոռոյն, և խնդրէր վիճակ առաջնորդական, և Պօղոս դրեաց առ նա գալ 'ի Կոստանդինուպօլիս, և նորա ընկերացեալ ընդ Գրիգոր Գալֆայի, այն ինչ ազատելոյ յաքսորանաց, զնային

'ի Կեսարիա և անտի 'ի Կոստանդինուպօլիս ('ի 25 Մայիսի), և 'ի ճանապարհին խօսեցաւ Եղիա Գրիգորի բազում ինչ, քամահրելով և բարեւով զանհմուտ և զանխոհեմ կառավարութիւնս Գորրիէլ Պատրիարքի, միշտ արդարացուցանելով զինքն, և նորա գորով անտեղեակ բարոց և բնաւորութեան նորին, զորմէ գրեալ էր Գորրիէլ Պատրիարք առ ազգայինս Կոստանդինուպօլսոյ, փոքու իմն հաւանէր բանից նորա, և 'ի հասանիլ 'ի մայրաքաղաքն Գրիգոր Գալֆա մեղադրէր զՊատրիարքն, և Եղիա չարախօս լինէր զնմանէ առ Ամիրայս, և Պօղոս Պատրիարք առաքեաց զնա 'ի վանս Իւսկիւտարու հանդարտիլ անդ ժամանակս ինչ և ապրիլ ծախիւք իւրովք :

Յովնաննէս վարդապետ Զմիւռնացի հիւրընկալ, զինի տօնի Պատեքին բազմութեամբ ուխտաւորաց մեկնեցաւ 'ի Յոպպէ քաղաքէ ('ի 27 Ապրիլի) և նաւեալ անտի հասին անփրաս 'ի Կղզին Հոռոսոս, և արգելան անդ առուրս 40. զի ասլատամբեալ էին Յոյնք, և էր խռովութիւն և երկիրդ մեծ 'ի ծովու 'ի սպառիլ դրամոց և 'ի կարօտիլ ամենեցուն ծախուց և սարեհնից, էառ Յովնաննէս վարդապետ մուրհակաւ յայլազգի Իսլրահիմ անուռն նաւապետէ 11,000 դահեկան, և բաժանեաց ուխտաւորաց ըստ իւրաքանչիւր պիտոյից . և մեկնեալ անտի գտին ճանապարհ 'ի ցամաքէ արք իբրեւ 400 հասին խաղաղութեամբ 'ի Կոստանդինուպօլիս : Իսկ Յովնաննէս վարդապետ նախ քան զմեկնիլ իւր անտի՝ ետ գրեռինս վանաց և զ50 ուխտաւորս 'ի նաւ ինչ Աւստրիոյ, և 'ի մեկնիլ անտի նաւապետին զինի առուրց հասին 'ի վերայ նորա ծովասպատակք Յունաց, առին զնաւն և կողոպտեցին որ ինչ 'ի նմա, և գերի վարեցին զարս 16 յազգէ Հայոց 'ի Չամլճայ կղզին . և ետուն գիր ինչ 'ի ձեռս նաւապետին և արձակեցին, ի հասանիլ նորա 'ի Կոստանդինուպօլիս, բողբ բարձին Հայք առ Տէրութիւնն և առ Դեսպանն Աւստրիոյ և խընդրէին 'ի նմանէ զինչս և զարս . և 'ի բազմանալ բանից և վիճմանց յանձն առ Դեսպանն թերեւ զայնս, և խնդրեաց 'ի նոցանէ զտուժար ընչից և արանց . և նոքա ետուն՝ որ էր 88,072 դահեկան . գրեաց առ Հիւսպտոսն Զմիւռնիոյ գլտանել զնաւն կորուսեալ . զայս գիր առեալ Հայոց հրա-

մանաւ Տէրութեան և յանձնարարական թղթովք առաքեցին զՅովհաննէս վարդապետ ցամաքաւ 'ի Զմիւռնիս 'ի հասանիլ նորա անդ և ընթեռնուլ Հիւսպատտին զգրեանս, եհան 'ի ճանապարհ զերկուս նաւս մին մեծ և միւսն փոքր, և Յովհաննէս վարդապետ 'ի նմա ('ի 11 Յովիսի), և զնացին քէսլ 'ի կղզիս Յունաց 'ի խնդիր գերեւոց և ընչից:

Իսկ 'ի Կոստանդինուպօլիս համրուեալ էր 'ի մէջ հասարակաց թէ Գարրիէլ Պատրիարք առաքեալ է յԵգիպտոս զերկուս վարդապետս վասն կարեաց Աթոսոյն, եւ առնուլ 'ի Կուսակալէ երկրին տոկոսիւք 2000 քսակս արծաթոյ յանուն Երուսաղէմի լուեալ էր զայս և Գրիգոր Գալթայ 'ի Կեսարիա, զնոյն հաստատելին և նամականիք Եգիպտոսի գրեալ առ ոմանս յԱմիրայից և 'ի սաստկանալ շնչմանց՝ զայրացան յոյժ Ամիրայք, և կոչեցին զՓոխանորդ Յարութիւն վարդապետն, եւ նորա գոլով անտեղեակ իրացն, մնաց անպատասխանի առաջի նոցա. եւ նոքա կշտամբէին զնա, թէ զի՞նչ կամիք ստնել՝ առանց խորհելոյ զվախճանն, կամի՞ք արկանել զազգն ողջոյն 'ի վտանգ մեծ, զի 'ի պատահիլ փոփոխութեան Կուսակալի երկրին՝ ո՞չապաքէն ազգն սյրի և տոչորի 'ի Տէրութենէ, և կամ զայս եւս փակեալ դրան Բեթղէհէմի՞ նմանեցուցանէք, որ առանց հարցանելոյ արարիք, և այլ սոցին նըման բանք: Արդարեւ կրեցին և կրէին զպէսպէս նախատինս 'ի Իրանէ՞ վասն դրան այնորիկ 'ի խնդրել նոցա հրովարտակ վասն այնր. զի Լատինք և Դեսպանն Գաղղիոյ ընդքէմ զինեալ էին՝ և Դուռն ոչ կամէր լսել զրանս Հայոց, այլ 'ի ստիպելն՝ ասացին դատաստանաւ վճարել զիրան, Հայք ոչ առին յանձն՝ զի դատ նորին վճարեալ էր յերուսաղէմ, այլ ներքին միտք նախարարաց էր երկարել զրանն եւ շահիլ յերկուս կողմանց, որպէս արարին 'ի դատին Յունաց:

Ապա ստիպելին Ամիրայք զՅարութիւն վարդապետ հարկեցուցելչ բանիւ գրել յերուսաղէմ և իմանալ զստուգութիւն խնդրոյն, Խնդրեցին նաեւ զպատասխան մահսերական գրոյն իւրեանց, զոր չեւ եւս էին ընկալեալ, զտուժար պարտուց Աթոսոյն, զհաշիւս ելից և մտից, յորէ յորմէ նստաւ Գարրիէլ յԱթոս Պատրիարքութեան, ան-

յապաղ առաքել. գրեաց զայս ամենայն Փոխանորդն և և առաքեաց յերուսաղէմ: Խախանեցաւ ծովային ճանապարհորդութիւն յապտամբութենէ Յունաց, և արգելան ուխտաւորք դնալ յերուսաղէմ (1822):

Յակոր Եպիսկոպոս Լիւսիւրացի (Աքէհէր) եկն յերուսաղէմ, և կացեալ անդ զաւուրս ինչ մեկնեցաւ անտի՝ և Գարրիէլ Պատրիարք ծանոյց զայս Փոխանորդին 'ի Կոստանդինուպօլիս:

Ի զայրանալ խռովութեանցն Հայոց Կաթողիկ անուանելոց 'ի մայրաքաղաքի անդ, Սուլթան Մահմետ Արքայ առաքեաց հրովարտակ առ Պօղոս Պատրիարք Հայոց, անհետ առնել 'ի քաղաքէն զԿաթողիկ քահանայս, չպատարագել նոցա 'ի տունս, եւ հնազանդիլ ամենեցուն Պատրիարքին Հայոց, և զանհնազանդսն ծանուցանել 'ի Դուռն՝ զի պատժեսցին, ինչք եւ ստացուածք նոցին գրաւեսցին յարքունիս: Եւ նորա կոչեալ զգլխաւորս երկուց կազմանց արար ժողով մեծահանգէս, ուր ընթերցաւ առաջի ամենեցուն հրովարտակն Արքայի, և զիկի ճոխ ատենաբանութեան Պօղոսի, ամենեքեան հնազանդեալ ընկալան զգաւանութիւն եկեղեցւոյն Հայոց, եւ ձեռն արկին 'ի գիրն զոր պատրաստեալ էր Պօղոս. զնոյն արարին և հասարակութիւնք նոցին. արարեցան Տ քահանայք, և 11 եկին 'ի հնազանդութիւն, և այլքն հանդարտեցան 'ի տեղիս իւրեանց: Ետ ժողովել Արքայ զամենայն եկեղեցական ըսպասս և զգրեսասս, որք դասն 'ի տունս նոցա և առաքեաց առ Պատրիարքն Հայոց, պատուիրեալ նմա առնուլ 'ի նոցանէ 1000 քսակս արծաթոյ և առաքել առ ինքն, և նա կատարեաց զհրաման նորա: Զայս արար Արքայ վասն Տիւղեան գերդաստանին, որք էին 'ի բանտի առ Պօստանձի Պաշին, և կանայք նոցա 'ի Պատրիարքարանն. վաճառեաց Արքայ զտունս և զբնակութիւնս նոցին, և գրաւեաց զամենայն ինչս և ստացուածս և մերկացոյց յամենայնէ՝ 'ի պատճառս սոցա երկարեցաւ գործ Բեթղէհէմի դրան:

Իսկ Գարրիէլ Պատրիարք առաքեաց զտուժար հաշուոյ Աթոսոյն 'ի ձեռն Փոխանորդին իւրոյ Զմիւռնացի Յարութիւն վարդապետի, որ էր այր անհանձար եւ ստանց զպրութեան, գրեալ գիր առ իւրաքանչիւր Ամիրայս:

և նորա հասեալ անդ թէսլետե բաժանեաց զգիրս նոցա, այլ ոչ ընկալաւ որոշ պատասխանիս և յաճախէր ստէպ առ Կեկեկեան Պօղոս, և Պատրիարքն այլ և այլ բանիւք հայեցուցանէր զնա 'ի դումարումն աղբային ժողովոյ :

Յառաջագոյն ըստ հրաւիրելոյ Իշխանաւորաց ազգին զնացեալ էին 'ի Կոստանդինուպօլիս եղիա, Կիրակոս եւ Դիոնէսիոս Եպիսկոպոսունք, ուր էր և Զմիւռնացի Յարութիւն վարդապետն, և 'ի դումարիլ աղբային ժողովոյն ընտրեցին զեօթն Խորհրդականս Աթոռոյն եւ վասն դիւրութեան և բարեք կառավարութեան Աթոռոյն, խմբագրեալ էր յառաջագոյն Պօղոս Պատրիարք կանոնական բանս գիտութեամբ ազգայնոց, և 'ի մատուցանել զայն յատեան, ամենեքեան հաճեալ ընդ իմաստս նորին և ձեռն արկեալ կնքեցին, զորոյ զպատճէնն ունիմք զնեւ 'ի ստորեւ : Եւ ապա խորհրդով գրով և կանոնական բանիւք դարձուցին զԽորհրդականս յԵրուսաղէմ, ծանուցանել զմիտս նոցա միաբանաց վասն օգտի Աթոռոյն : Եւ նոցա հասեալ յԻկոնիոն հիւանդացան ոմանք 'ի նոցանէ, եւ մնացին անդ մինչեւ դտին զառողջութիւնն : Իսկ զՅարութիւն վարդապետ եւ զայլս առաքեցին ընդ կարապանին 'ի Կամակոս, սպասել նոցա անդ, զի 'ի միասին մտցեն յԵրուսաղէմ ըստ պատուիրելոյ Ամիրայից : Եւ անտի աղբ արարին միաբանաց շխարիլ 'ի տիրողաց երկրին, և չվատնել յում պէտս զբարամս, սակա առնլոյ զբրեանս, զի չէին ինչ օգուտ, այլ սպասել գալտեան նոցին (Սեպտեմբեր 15) : Եւ յետ այնորիկ չորեքին խորհրդականքս այսոքիկ մտին խաղաղութեամբ յԵրուսաղէմ, և որքան կարելի էր խոնարհութիւն ցուցեալ ընկալեալ եղեն 'ի Պատրիարքէն և 'ի միաբանութենէ, որ և յետոյ բազում ինչ գրեցին առ ազգապետս : Եւ յետ ընթեանլոյ 'ի ժողովի միաբանաց զգիրս ազգին եւ Պատրիարքին, մատուցին նաեւ զկանոնագիրն որ ունէր օրինակ զայս :

Որովհետեւ հոգեւոյս նախնիք մեր իրրեւ յատուկ հոգեւոր պարտաւորութիւն իմն համարելով յԱստուծոյ ինքեանց անօրինեալ և պատուիրեալ ջանային 'ի չինութիւն և 'ի պայծառութիւն քրիստոսական փրկագործ տեղեաց, և տիեզերական Աթոռոյն Երուսաղէմի և 'ի բարեկարգու-

թիւն նորին միաբանութեան, եւ առ բարեք եւ անջնաս կառավարութիւն նորին Ս. Գահին որոշին զոմանս բանագէտ եւ գործունեայ անձինս խորհրդաւոր թուով զեօթն Խորհրդականս, որպէս և մեք քանի ամօք յառաջ յաւուրս Տեառն Թէոդորոսի բազմամեայ միաբանի եւ մեծախատակ Պատրիարքի կարգեալ հաստատեցաք, որով ոչ սակաւ օգուտ մեծի Աթոռոյն և ուրախութիւն ազգին եւ հանդարտութիւն մեզ երեւէր : Բայց յետ վասնձանի նորին Սրբազնութեան՝ ոմանք 'ի կառավարչաց հանգուցեալ, և ոմանք յախորժակս իւրեանց սրտին բերեալ, և Սրբազան Պատրիարքին եւս եւ ոչ զմի 'ի նոցանէ համարեալ, և այսպէս տարաձայնութեամբ և հակառակելով միմեանց՝ խանգարեցաւ խորհրդականութիւնն, և ամենայն ոք ըստ դատողութեան մտաց իւրոց և ախորժակաց՝ յանօգուտս վատնէր և միսէր 'ի դիզումն պարտուց և յաւելումն վաշխից : Եւ մինչ ըստ ներկայականի իրր տիեզերական սասանութեանց զնացք ուխտաւորաց խափանեցան, և հեռաւորք չկարացին և չկարեն իսկ և ոչ սակաւուք սրօք ինչ օգնել առ այժմ (ըստ որում ամենայն ոք ծանրացաւ 'ի պարտս), ուստի և Ս. Աթոռն առաւել եւս բեռնաւորեցաւ պարտուք և տոկոսի մախլոյն : Եւ առ այս իրր 'ի բուժ ախտից դժուարափարստից, զայս մի ինչ գտաք, այս ինքն ընտրել և սրտել զեօթն անձինս անձնադիրս և իրր կարողս 'ի կառավարութիւն Ս. Տանն եւ միաբանութեան նորին, եւս և հարկաւորապէս զընդդէմ կացողս բունի պահանջողաց գլխաւորաց և հասարակաց : Զորս և յանուանէ ըստ կարգի նշանագրեալ կարգեցաք և հաստատեցաք մեք հոգածու և հոգաբարձուքս, և յանձնեցաք նոցա զամենայն կերպ կառավարութիւնս Սրբոյ Տանն ըստ հոգեւորին և ըստ մարմնաւորին, ըստ արտաքնոյն և ըստ ներքնոյն, ըստ եկամտից և ըստ ծախուց և ամենայն ըստ ամենայնի : Եւ վճուեցաք եւս, թէ Սրբազան Պատրիարքն ձեռնամուխ չլինիլ 'ի գործս նոցա, զի մի ապա պատճառ վնասուց եւ անկարգութեանց գու դատեսցի : Եւ յայս միտ սահմանեալ կանոնեցաք զհարկաւորսն 'ի մշտնջենաւոր գործաւնութիւն եօթն Խորհրդականաց՝ և արձանագրեցաք այսպէս :

1°. Խորհրդարանն անուամբ տեղի մի յատկացուցանել, յորում միշտ հաւաքեալ եօթն Խորհրդականաց՝ բարեմբառութեամբ խորհիլ, անօրինել եւ կարգաւորել զօգտակարան Սրբոյ Տանն՝ ըստ ներքնոյն եւ ըստ արտաքնոյն, ըստ հոգեւորին և ըստ մարմնաւորին, ըստ եկամտից և ըստ ծախուց. այլ և ընտրել զարժանաւորս 'ի միաբանութիւն և յեկեղեցականութիւն 'ի դպրութենէ: ցատիճան եպիսկոպոսութեան. 'ի ներքս և յարտաքս գործակալութեան՝ և այլոց ամենից, զի յայսմ հետէ 'ի նոցանէ՝ այսինքն յեօթն Խորհրդականաց ունի ազգն հարցանել և որոնել և գիտել զամենայն կերպ կառավարութիւն Սրբոյ Աթոռոյն:

Իսկ Սրբազան Պատրիարքն միայն յիւրապատկանան հոգատար լիցի և կատարեսցէ, այսինքն՝ յորժամ Խորհրդականք ընտրեսցեն զքե 'ի միաբանութիւն 'ի գործակալութիւն, 'ի նուիրակութիւն, յատիճան և այլն, զպահպանիչն ասել և զկոնդակսն կնքել:

2°. Ի Խորհրդարանի անդ զիցի օրօշն արկզն արդեանց երեք կերպ բանալեօք, և իւրաքանչիւր առ մի 'ի Խորհրդականաց մնացէ, և եօթն Խորհրդականք 'ի միասին եկեալ բացցեն և փակեսցեն, և զեզեալ և հանեալ դրաման 'ի տուժար անցուցեն:

3°. Ի Խորհրդարան անդր նստցի Խորհրդական գրագիրըն, և որոց ինչ վէճ կամ խնդիր լիցի 'ի միաբանից՝ յուխտաւորաց և 'ի քաղաքացի ժողովրդոց՝ 'ի Խորհրդարանն գիմեսցեն (և ոչ այլուր), և զխնդիրն 'ի գիր առեալ՝ 'ի ժողովիլ Խորհրդականաց՝ բարեօք քննութեամբ արասցեն զիրաւունս զրկելոյն, եւ վճուեսցեն զդատն 'ի բուժ ախտացելոյն:

4°. Ի մէջ Ս. Աթոռոյն եղեալ արքունական Խաթիթի Շէրիֆք և Ֆերմանք և սէնէտք ձեռամբ Խորհրդականաց ըստ իւրաքանչիւրոց սէնէդից մտաց համառօտ ծանօթութեամբք յատուկ նովիրայիւ 'ի տուժար անցուցեալ՝ 'ի Խորհրդարան անդր պահեսցեն զգուշութեամբ 'ի ներքոյ երից փականաց և կնքոց Խորհրդականաց:

5°. Եթէ վասն սաստիկ հարկաւորութեան Ս. Աթոռոյն գէպ լիցի փոխ դրամ աւնուլ՝ Խորհրդականք գտցեն, եւ

մուհակն անպատճառ Խորհրդական գրագիրի գրովն լիցի, և Ս. Պատրիարքն կնքեսցէ. նոյնպէս և փոլիցայք գրեանքն լիցին, բայց յատուկ օղջունագիր նոցա կնքով Խորհրդականաց լիցի:

6°. Եթէ ըստ եկեղեցականութեան և եթէ ըստ քրքձազդեցութեան կամ լիցի ոք միաբանիլ, և կամ Մերունեաց և գործակալաց պիտոյանայցէ սպասաւոր, գիտութեամբ Խորհրդականաց լիցի ընտրութիւն նոցա. մի ընկալցին 'ի միաբանութիւն զստահակն և զարբեցողս, և մի զանտօրուս պատանխահանցեն 'ի դաս, զի այնպիսիք առիթ են աւերման կարգաց Ս. Տանն, և անուան բոլոր միաբանութեան. այլ զայնպիսիսն մերժել և արտահալածել զայժմեանսն, և յառաջակայէն զգուշանալ:

7°. Զանգէտս, զանկիրթս, զանփորձս և զանուղղայս մի կոչել յաստիճան և 'ի գործակալութիւն, եւ մի բնաւ հանել 'ի վիճակս յԱռաջնորդութիւն և 'ի նուիրակութիւն, զի նոցին այնպիսեաց անուղղայ գնացիւքն, և բունի անկանոն տիրելով և իշխելովն և անչափ սահանջելովն զգործ ժողովուրդք վիճակաց, և ցրտանան 'ի սիրոյ Ս. Աթոռոյն և եկեղեցականաց, եւ յառաջանայ վնաս մեծ յարդիւնս, և գայթակղութիւն 'ի հաւատս: Այլ պարտ է նուիրակաց սիրաշահս լինել եւ համեղախօս և քաղցրաբարող: զի մի ինքեանք այնքան աշխատեսցին 'ի պահանջելն, որքան տուողքն 'ի սէր նոցին վառեալ փութացին 'ի տալ յօժարութեամբ և փափաքանօք:

8°. Նուիրակունք 'ի վճարել գործոց իւրեանց գնացեսլ 'ի Ս. Աթոռն ամենայն հարազատութեամբ և մտերմութեամբ տացեն զհաշիւ արդեանց և ծախուց յանուանէ տուժարիւ 'ի ներկայութեան Խորհրդականաց. մի լիցի խորել և իւրացուցանել ինչ 'ի գոյլից որք տուեալ լինին նոցա 'ի ժողովրդոց թէ յայտնի և թէ 'ի ծածուկ յանուն Ս. Տեղեաց և Մեծի Աթոռոյն, մտարերելով զԱնանիայն և զՍափիրայն և զանցս նոցին, այլ ըստ իրաւանց շատ լիցի նոցա ժամուցն իւրեանց և զաւաղանապտուղն: Եւ այսպէս հարազատութեամբ գործակատարքն վարձատրեսցին յԱստուծոյ և ըստ արժանեաց պատուեսցին 'ի միաբանութեան, և յառաջեսցեն յայլ եւս մեծ գործակատարութիւն: Իսկ

եթէ զիւրեանցն նախագափա համարելով ժխտեցեն ,
և 'ի Ս. Տունն չխնայեսցեն , սրտոթեցին և յանարդս դա-
սեսցին , և զայնսխիսն անստատառ առանց ակնառութեան
միաբան կնքով նշանագրեսցեն Սորհրդականքն , և ցուցցեն
մեզ զի գիտասցուք և մեք , և ըստ արժանոյն վարձատուր
լիցուք : Սոյն կարգ եղիցի և ամենայն Ռէյիլաց վանօրէից
ներքնոց և արտաքնոց :

9°. Նուիրակութեան մեծ կոնդակն՝ Ս. Աթոռոյն եւ
Պատրիարքի կնքովն լիցի (ըստ նախնեաց) , բայց յիշեցի
'ի կոնդակին թէ (խորհրդով և միակամ ընտրութեամբ
Սրբոյ Աթոռոյս եօթն Սորհրդական անուանեալ եղ-
բարց՝ առաքեցաւ այս անուն Նուիրակն) , եւ բաց յայն-
մանէ նոքին իսկ Սորհրդականքն տացեն 'ի ձեռս Նուի-
րակաց կնքով եւ ստորագրութեամբ իւրեանց զիր իմն .
յանուն Աւաջնորդաց իւրաքանչիւր վիճակաց և Քահանա-
ւոյն և Իշխանաց յատկապէս յիշելով համառօտ զնեղութիւն
Ս. Տանն , և յորդորելով 'ի հոգատարութիւն Նուիրակին
և յարդիւնաւորութիւն տրոց և այլն : Նոյնպէս և
Պատրիարքն ուրոյն ուրոյն գրով և կնքով իւրով գրեսցէ
յանձնարարութիւն և 'ի սէր թէ 'ի մեծն Պօլս , եւ թէ
յայլ ամենայն տեղիս :

10°. Յանուն Ս. Աթոռոյն իւղագին և մոմագին , եկաւ
հասաւ , օրհնութիւն կոնդակաց անուանեալ զողորմու-
թիւնան ուխտաւորք մատուցեն Սրբազան Պատրիարքին ,
և նա յանուանէ արձանագրեսցէ 'ի տումար և 'ի ժամանա-
կին ըստ տումարին յանձնեցէ Սորհրդականաց 'ի հաշիւ
Ս. Աթոռոյն : Իսկ յանուն Ս. Յարութեան տաճարին , Գե-
րեզմանին Քրիստոսի եկեալքն և եղեալքն՝ նորին Ռէյիլին
տացեն , և նա օրհնութեան զիր տացէ ըստ սովորութեան .
և յետ Ս. Չատկին ընդ այլ արդեանց տացէ զհաշիւն Սոր-
հրդականաց : Նոյնպէս և յանուն ժամարարաց եկեալ եւ
եղեալ քառասնից և յիշէք և ժամուց սրտարագի ողոր-
մութեան 'ի տումար առեալ տացէ զիր օրհնութեան և
զկնի Ս. Չատկին բաժանեցէ ժամարար վարդապետաց
և սարկաւազաց առանց զրկողութեան արժանաւոր մշա-
կաց գիտութեամբ Սորհրդականաց :

11°. 'ի ժամանակի դարպասի ողորմութեան , Սորհր-
դականք և Մերունիք սպարտին դտանիլ . և Սորհրդական
գրագիրն անպատճառ գրեսցէ զանուանս ուխտաւորաց և
զտուրս նոցա ըստ որքանութեան յատուկ տումարաւ . և
'ի տալ ուխտաւորաց զգրամն նշանագրեսցէ միշտ և Գար-
պասճին և Ս. Յարութեան Ռէյիլն և ձառածին առանձին
մի ինչ առցեն առանց Սորհրդականաց եւ գրագրին գի-
տութեան եւ գրութեան , և այնպէս տումարքն սրարտին
երկու լինիլ . և յետ Չատկին յատկապէս 'ի մայր տումարն
արձանագրել յանուանէ և ըստ գումարիցն յիրատ գրել :

Բայց և յաւուր եկեալ դարպասական և իւղագին զը-
րամքն քահով կնքեալ յամենայն երեկոյցի յօրթայի ողն-
տուկն դիցեն անպատճառ նշանագրութեամբ որքանու-
թեան և տեսակին : Եւ որքան հնար է սիրով և յորդորե-
լով զուխտաւորան ջանացեն Ս. Հարքն շահել և յօժարե-
ցուցանել 'ի տուրս , որ առաւել արդիւնաւոր լինել երե-
ւի : զի ըստ է սիրով զսիրտ ժողովրդոց գրաւել , քան
բռնութեամբ :

12°. 'ի մէջ Ս. Եկեղեցւոյ եղեալ ամենայն կերպ անօթք
եւ թախըմք ձեռամբ Սորհրդականաց 'ի տումար առեալ
յանձնեցեն Աւագ Լուսարարին , և մին 'ի տումարաց կաց-
ցէ 'ի խորհրդարանին , և հետ զհետէ եկեալ յիշատակիքն
յերկուս տումարս եւս արձանացին : Նոյնպէս և Ջուխա-
տան և Մաղազայի և Մոմատան և գրքատան և ամենայն
եկեղեցեաց լիցի անպատճառ :

Եւս և մեռեալ միաբանից և անժառանգ ուխտաւորաց
ինչք և գրամք Սորհրդականք կալցեն , եւ գրեսցեն յար-
դիւնս ըստ սովորութեան Ս. Աթոռոյն :

13°. Թէ մէջիլ թէ Ջուխածի թէ Թերճիման և թէ ով
ոք և իցէ 'ի գլխաւոր գործակալաց եւ հասարակաց , բաց
'ի յատկացեալ կանոնական տրոց , մի իշխեսցէ ինքնագլուխ
տալ ինչ կամ առնուլ կամ գործել , և թէ չիցեն տեղեակ
կամ գիտակ եօթն Սորհրդականք . նոյնպէս և ինքեանք
իսկ Սորհրդականք մի՛ համարձակեսցին վասն ինչ եւ իցէ
պատճառաց 'ի տուրս չափազանցս առ Փաշայս և առ Մոլ-
լայս և առ ո՞ր և իցէ բռնաւորս , մինչչեւ իցեն ծանուցեալ
մեզ :

14°. Եթէ ոք 'ի Խորհրդականաց ընդդէմ օգտի Սուրբ Աթոռոյն և հախառակ կամաց ազգին զերկրպանակութիւնս և ատելութիւնս կամիցի արկանել 'ի մէջ Խորհրդական եղբարց, և կողմնապահութեամբ իմս միայն զօգուան անձին իւրոյ և իւրայնոցն ջանասցի յառաջացուցանել, զայնպիսին (ըստ Աւետարանական բանին) յետ երկիցս և երիցս սիրով խորատելոյ եղբարց, 'ի չգալն յուղղութիւն, անպատճառ բարեմիտ միւս Խորհրդականքն հանեալ 'ի պաշտօնէն, և զարժանաւորն կարգեալ 'ի տեղի նորա, ծանուցեն աստ մեզ:

15°. Յաղաքս Աթոռոյն հարկաւոր գործոց Մատենայի մի ոք 'ի Խորհրդականաց առանձին գրեացէ 'ի Պօլիս առ մեզ հասարակ, կամ առ մի ոք 'ի մէնջ, կամ առ բարեկամս և ծանօթս և ազգականս իւր, այլ միակամ խորհրդով եօթանեքին կնքնվ իւրեանց և ստորագրութեամբ զմի միայն գիր գրեացեն, և զպատասխանին 'ի մէնջ առցեն մերս գրով և կնքով 'ի ձեռն տեղւոյս Վեքիլին Ս. Աթոռոյդ, ապա թէ ոչ՝ անընդունակ լիցի և դատեսցի:

16°. Ըստ սովորութեան նախնեաց՝ Պատրիարքն միակամութեամբ Խորհրդականաց ժողով արասցէ 'ի տարին երկիցս յատեան Ս. Եկեղեցւոյն, ուր ըստ աստիճանաց իւրաքանչիւր դասուց միարանութեան սիրով և ահայնուցիչ բանիւք խրատ եւ պատուէր տացէ, լինել համատու, պարկեշտու, ուսումնասէրս, պաշտօնասէրս, կարգապաշտըս, սպասաւորս սրբութեանց տեղեաց ըստ կարգի եւ աստիճանի, և մի՛ լինել ծոյլ, պղերգ, գինեմուլ, կուտարար ընդ եղբարս և ընդ սելատաւորս, և ընդ այլ ազգս (և եթէ 'ի նոցանէ դրդիցի ինչ խոնովութիւն կուտառիթ, ցուցցեն և ծանուցցեն իսկոյն Խորհրդարանին): մի լինել պճնասէր, անվայել հանդերձիւք մի շրջիլ 'ի սենեակս ուխտաւորաց եւ 'ի տունս Բաղաքացւոց, մի անուղղայ գնացիւք իւրեանց և անպատեհ խօսիւք դայթակղեցուցանել զպարզամիտս, մի գրել առ իւրեանցսն և առ այլս զայն, որ չէ անկ ինքեանց և այլն: Այլ սիրով և յօժարութեամբ հնազանդիլ Ս. Աթոռոյն և աթոռական վերակացուաց, այսինքն Ս. Պատրիարքին եւ անձնադիր Խորհրդականաց, զոհութեամբ ընթրել յառաւօտ և յերեկոյ 'ի սեղանատան միարանու-

թեամբ, (եթէ չլցեն ոմանց կարեւոր արգելք գործոց կամ հիւանդութեանց): Եւ այսպէս սիրով Աստուծոյ դուրսն ի բարեկարգութեամբ ցուցեալ և վայելեալ 'ի տես մերայնոց և օտարաց, լիցին պատճառ փառաւորելոյ զԱստուած, և դովութեան ինքեանց, և ամենայն կերպիւ օգտի Ս. Աթոռոյն:

Եւ որ կարեւորն է և գլուխ ամենայն աստուածաճանոց գործոց և յօգուտ հողւոց 'ի փրկութիւն և Ս. Տեղեաց 'ի պայծառութիւն, և Ս. Աթոռոյն 'ի շինութիւն, եւ սէր, և ողջոյն ազգին յուրախութիւն և 'ի պարծանս, Ս. Պատրիարքն, և 'ի մէնջ արդ նշանադրեալ և կարգեալ եօթն Խորհրդականք և Մերունի Ս. Հարք, զմէր և զխաղաղութիւն բարեմտութեամբ ընդ միմեանս ունեւով, ջանասցին զհասարակութիւնսն միարանութեան եւ զուխտաւորսն, իրրեւ զեղբայր եւ զորդի շահել և համոզել 'ի բարեկարգութիւն և 'ի հնազանդութիւն, և զմեզ եւ զազգս բոլոր կենդանեօք եւ ննջեցելովք յիշատակել մաքուր աղօթիւք 'ի սրբութեան փրկաւէտ տեղիս Բրիտանոսի Աստուծոյ մերոյ՝ որոյ եմք յետին ծառայք:

- Պօղոս Արքեպիսկոպոս Պատրիարք Կոստանդնուպօլսոյ և Կարապետ Ազնաւորեան:
- Յովհաննէս Մահտեսի Արխատակիսեան:
- Մահտեսի Յակօբ Լաթիֆեան:
- Ճարտարապետ Գրիգոր:
- Մահտեսի Աբրահամ:
- Վառօդապետեան Վառօդապետ Սիմոն:
- Մկրտիչ Արփիարիս:
- Յարութիւն Նորատունկեան:
- Յարութիւն Արզումանեան:
- Ճանիկ Մահտեսի Սիմոնեան:
- Գրիգոր Մահտեսի Գրիգորեան:
- Խաչատուր Մարտիրոսեան:
- Մկրտիչ Աշնանեան:
- Պօղոս Մորգարեան:
- Մահտեսի Պօղոս Կելկեւեան:
- Բարունակ Մատինեան:
- Պետրոս Յովհաննէսեան:

Մահտեսի Յարութիւն Մահտեսի Ղուկասեան :
 Մահտեսի Մարտիրոս Պաղտասարեան :
 Յամի Տեառն 1823, և Հայոց ՌՄՀԲ, 'ի 11 Օգոստոսի :
 յԱրքայապետին Կոստանդինուպօլիս :

Իսկ Յարութիւն վարդապետ եղեոխոյ, որ 'ի սմին ժամանակի վարէր զպաշտօն Փոխանորդութեան Աթոռոյն Երուսաղէմի 'ի Կոստանդինուպօլիս, առաքեաց զհրովարտակն 'ի ձեռն Կարապետի ուրուք, որոյ զբազում գրամն առեալ էր 'ի ճանապարհի պարտօք յանուն Երուսաղէմի, և յաւուրսն յայնոսիկ Քաղաքապետն Երուսաղէմի պահանջէր 1800 դահեկան նորասահման տուրս վասն պատրաստելոյ ծուխ Կուսակալին. Հայք ընդդէմ կացեալ ոչ ետուն, և առաքեցին զհրովարտակն հանդերձ աղերսագրով և այլ յանձնարարական թղթովք առ Կուսակալն 'ի ձեռն Յակոբ վարդապետի, զի առցէ զիր 'ի նմանէ ըստ մտաց հրովարտակին, չպահանջել ինչ այլազգեաց անունել քան ըզսահմանեալն :

Գ Լ Ո Ւ Խ Խ Գ .

Հրաժարական Պօղոսի : Ընտրութիւն Կարապետի 'ի Պատրիարք : Կանոնական բանք նորին : Բանութիւն Քաղաքապետին : Ազտուլած Փաշայ Աքբէի : Գնալ Գարբէլ Պատրիարքի 'ի Կոստանդինուպօլիս հրամանաւ աղջին և Տէրութեան :

ՊՕՂՈՍ Պատրիարք Կոստանդինուպօլոսոյ դումարեաց ազգային ժողով մեծ 'ի Պատրիարքարանն (1823. 'ի 18 Հոկտեմբերի) . եւ առաջի ամենեցուն ինքնակամ յօժարութեամբ հրաժարեցաւ 'ի պաշտօնէ Պատրիարքութեան, պատճառելով զտկարութիւն անձին իւրոյ . թէպէտ եւ Ամիրայք յորդորեցին զնա չթողուլ զայն պաշտօն, այլ նա մատոյց նոցա զգիր հրաժարման իւրոյ և նոքա յանձն արարին նմա ծանուցանել զխնդիրն մեծի Վէզիրին : Եւ 'ի վաղիւ անդ յղեաց զհրաժարականն 'ի Դուռն, եւ նախարարք մատուցին զայն Արքայի, և նա դարձոյց վերստին

տա նոցա, իստիւ պատուիրեալ՝ ճշդիւ քննել զպատճառ հրաժարման նորին, գիտել և իմանալ զյաջորդն, թէ ո՞րպիսի ոք իցէ, և թէ ունի՞ զձիրս առաջնոյն 'ի կառավարել զժողովուրդն : Կոչեցին նախարարք զՊօղոս 'ի Դուռն ('ի 24 Հոկտեմբերի), և նա ել 'ի ճանապարհ հետի. և իմացեալ նոցա հասուցին նմա 'ի ճանապարհի երկվար զարդարեալ, և նախապէս զնա տարան 'ի Դուռն, և 'ի հարցանել նախարարաց զպատճառս հրաժարման իւրոյ, նա յառաջ երեր միայն զտկարութիւն անձին իւրոյ : նոքա բազմադիմի բանիւք թախանձէին և յորդորէին զնա չթողուլ զիշխանութիւնն զայն, յայտնապէս գոհանալով զխոհեմութենէ և զբարեք կառավարութենէ, և զճանօթութենէ բարուց Արքայի, իսկ նա համեղ և արդահատական բանիւք յօժարեցոյց զսիրտս նոցա Ապա հարցին զյաջորդէ նորին, և նա արար պատասխանի թէ՛ է մին 'ի ձեռնաստեն աշակերտաց իմոց . եւ դարձաւ անտի չքով 'ի Պատրիարքարանն, և կազմեաց տեան մեծ 'ի Մայր Եկեղեցին, և համակամ խորհրդով ընտրեցին յԱթոռ Պատրիարքութեան զԿարապետ Եպիսկոպոս Ամասիոյ, միաբան Երուսաղէմի և Նուիրակի Աթաբեկսանու . և Պօղոս յետ ասելոյ զՊահպանիչն՝ կալեալ զձեռանէ նորին կացոյց յԱթոռն, ետ զգաւազանն 'ի ձեռս, ազոյց զմատանին 'ի մատն՝ և արկ զիւրեանն 'ի թիկունս նորին՝ և շնորհաւորեալ մեկնեցաւ :

Եւ 'ի վաղիւ անդ ('ի 27 Հոկտեմբերի) գնաց Կարապետ 'ի Դուռն և զգեցաւ վերարկու պատուոյ ըստ սովորութեան, և մեծահանգէս իսառօք դարձաւ յեկեղեցին : Իսկ Պօղոս Եպիսկոպոս կամօք Արքային և Ամիրայից գնացեալ նստաւ 'ի վանս Իսկիւտարու :

Սեւերէկցի Պետրոս անուռն ոմն Արեղայ՝ խաբէյութեամբ ձեւացեալ Եպիսկոպոս ձեռնադրեալ էր զՏ Գահանայս յերզնկայ քաղաքի՝ խարտափրկակութեամբ յիմարեալ եւ թմբրեալ Առաջնորդի տեղւոյն, զոր լուեալ Կարապետ Պատրիարքի 'ի Կոստանդինուպօլիս եւ ստուգեալ 'ի հանդիսի քննութեան 'ի բերանոյ նորին խաբէքայի՝ ելոյժ 'ի կարգէն՝ և ընդ բանիւ արարեալ սահմանեաց ապալտարանս և արգել զնա 'ի վանս ինչ, եւ յետ այնորիկ խորհրդով բարձրատիճան եկեղեցականաց՝ գրեաց առ սմեհայն

Վիճակաւոր Առաջնորդս զկանոնական բանս 6 զլրոցն 'ի գգուշութիւն նոցին և 'ի բարեկարգութիւն եկեղեցւոյ, որք համառօտին այսպէս:

1°. Ժառանգաւորք եկեղեցւոյ առանց ստոյգ վկայական գրոց՝ մի ընկալցին 'ի կարգս եկեղեցականաց սեր և իցէ:

2°. Եպիսկոպոսունք ձեռնադրեսցեն միայն զնուիրեալս 'ի վիճակէ իւրեանց, և զեկեալն յարտօքուստ մի ձեռնադրեսցեն առանց մահսերական գրոց:

3°. Առաւել քան զբաւականն եկեղեցեաց մի ձեռնադրեսցեն զոք 'ի Քահանայ՝ զի մի 'ի պատճառս շահութափառեսցին այսր անդր իրրեւ մուրացիկ 'ի նախատինս Սուրբ Կարգին:

4°. Մի ձեռնադրեսցեն զկուսակրօն Սարկաւագ կամ Աբեղոյ՝ զորս ոչ կարեն շահել և պահել առ իւրեանս:

5°. Առանց ստոյգ քննութեան և վկայականի մի տացեն պատկել զպանդուխտս:

6°. Յամենայն տեղիս 'ի վիճակի իւրեանց փոյթ կալցին հաստատել զպրոցս 'ի կրթութիւն մանկանց եկեղեցւոյ, (1824. 'ի 10 Յուլիսի):

Մարկոս վարդապետ Նուիրակ Աթաբերտանու՝ առաքեաց 'ի Կոստանդինուպօլիս արկղս 10, յորս էին 3 մեծ քահ. 6 մեծ աշտանակ. 8 մեծ կանթեղ. 200 փոքր, և այլ աշտանակք եւ սպասք եկեղեցւոյ, ամենեքեան պղնձեայ և արծաթազօծ, և 230 բիւրեղ կանթեղ, զորս պատուիրէր փութով հասուցանել յերուսաղէմ. տակայն ամենեքեան այրեցան 'ի մեծի հրդէհին 'ի Կոստանդինուպօլիս: Հաշտութիւն Օսմանցւոց ընդ Ռուսաց:

Քաղաքապետն Երուսաղէմի Իսմայիլ Պէյ՝ հրամանաւ Կուսակալին Գամասիոսի առնոյր չորիցս 'ի տարւոջ յերկց վանաց 1300 դահեկան իրր զին ծխախտախ. Հայք յեցեալ 'ի զօրութիւն հրովարտակին ոչ ետուն՝ կրեալ նախատինս և արհամարհանս. Քաղաքապետն առաքեաց զինեալ զօրականս, պատուիրեալ նոցա չելանել 'ի վանաց մինչեւ առցեն զբրամն. այլ զօրութեամբ հրովարտակին և 'ի ձեռն նախախնայ հազիւ կարացին զերծանիլ 'ի տրոց անախ եւ ետուն ջնջել զպին 'ի սոււմարէն, զի և մի այլ եւս սրահան-

ջեսցեն. այլ զինի աւուրց ինչ զանազան պատճառանօք խնդրէր ընուլ զազահութիւն իւր, որպէս և միւս ազգաց:

Եւ իսպառ ընդդիմանալն Հայոց՝ ետ քակել 'ի գիշերի զքարինս 'ի պարսպէ վանաց Ս. Փրկչի, և 'ի վաղիւ գնաց բազմութեամբ 'ի քննութիւն, հրապուրէր և զԴատաւոր քաղաքին՝ և 'ի չանտալ նորա բանից Քաղաքապետին՝ կուչեաց զՓոխանորդն Հայոց և սպառնայր բառնալ զքարինս 'ի գերեզմանաց եւ հանել զոսկերս մեռելոց. որպէս թէ արտաքս և լեալ իցեն 'ի սեփհական սահմանացն, եւ թէ մերձ 'ի գերեզմանն Բաղասի թաղեալ իցեն զմեռեալս, և առ այս ջանոյր գրգռել զայլազգիս Սիոնի, այլ ննքա վկայեցին թէ այսոքիկ տեղիք 'ի բազում ժամանակաց անախ են 'ի ձեռս ազգին Հայոց վաւերական գրովք, յորմէ եւս չչահեալ ինչ դարձաւ յետս ունայն եւ ամօթալի: Ապա հրապուրէր միշտ զԴատաւորն լինիլ կուսակից ինքեան 'ի կեղեքել զՀայս, այլ նա ոչ տայր տեղի բանից նորա, եւ ոչ թողոյր առնուլ ինչ յանիրաւի, մինչեւ անկեալ յիշխանութենէ գնաց յերուսաղէմ:

Յետ նորա Իսպահնիւ Աղա ոսն եկն 'ի Գամասիոսէ Քաղաքապետ Երուսաղէմի: Առ զառաջինն պահանջէր 'ի Հայոց 10,000 դահեկան, և յանկանիլ յիշխանութենէ Կուսակալին՝ լուեաց առ ժամն, եւ տեղապահ նորին գրեաց առ սա Իսպահնիւ ժողովել զմնացեալ հարկս յԱրաբացւոց, և ընդ նորոգիլ իշխանութեան իւրոյ, գրեաց 'ի վանս Հայոց տալ 12,500 դահեկան իրր փոխ, որո զփորձն առեալ գիտէին, թէ փոխն ինչ ունի դառնալ յետոյ: Հայք ոչ ետուն, եւ աղաչեցին չտալ նեղութիւն վասն այսպիսեաց, զի Արքայն տուեալ էր հրովարտակ՝ գիտելով զաղքատութիւնս նոցա և զնուազութիւն արդեանց:

Զայրացեալ ընդ այս Քաղաքապետին կարգեաց Ոստիկան զոմն 'ի հաղարապետաց և խնդրէր 7300 դահեկան: Եւ Եղիա եպիսկոպոս տարեալ եցոյց զհրովարտակն Արքայի, և յայտ արար զչքաւորութիւն միաբանաց, և եթէ հնար իցէ 440,000 եւս փոխանակադրով հասուցանել 'ի Կոստանդինուպօլիս, եւ նորա ոչ անսացեալ, ստիպեաց զՓոխանորդն անպատճառ հատուցանել զբրամն. Եղիա խնդրեաց ժամանակ խորհիլ ընդ Պատրիարքին և ընդ Խորհրդականս:

Պրեզին Խորհրդականք առ Կարապետ Պատրիարք յոր-
դոր լինիլ ուխտաւորաց գնալ յերուսաղէմ: զի 'ի նուա-
ղիւ նոցա 'ի դառն ժամանակին յայնմիկ, առաւել ծան-
րանայր պարտքն 'ի վերայ Աթոռոյն:

Ի սմին ամի եկեալ էր յԵզրիպտոսէ յերուսաղէմ յուխտ
Խաչէր աղա, հայր Ալեքսան աղայի, և տեսեալ զորդոմեւի
վիճակ Աթոռոյն, յայտ արար Խորհրդականաց, թէ են
կալուածք երուսաղէմի յԵզրիպտոս տունք իբր 38, և թէ
վաճառեացին նոքա Վաքֆէ օրինօք, բերէ 200 քսակս դրա-
մոց, և թէ պատրաստ են ոմանք յազգայնոց տեղւոյն գնել
զայնս, որով դիւրութիւն լինի վճարելոյ զպարտս Աթոռոյն:
և նոքա ծանուցին զայս առ Ամիրոյս. գրել ըստ արժան-
ւոյն առ իշխանաւորս յԵզրիպտոս, այլ որպէս երեւի այս
խորհուրդ մնաց ասպարդիւն:

Յայսպիսի տառապանս և 'ի նեղութիւնս Խորհրդակա-
նաց, Գարբիէլ Պատրիարք ոչ երբէք եցոյց նոցա գոհու-
թիւն ինչ, այլ գաղտ 'ի նոցանէ գրեաց բանս զանկատա-
նաց առ ազգայինս 'ի Կոստանդինուպօլիս 'ի ձեռն Կարա-
պետին այնմիկ, զորմէ գրեցաք. խնայեալ զայն Խորհրդա-
կանաց, գրեցին և ինքեանք, յայտ առնելով թէ որպիսի
ոք իցէ նա, որպէս բարոք գիտէին զայն ազգայինք, եւ
գոհունակութիւն զմիտրանութենէ:

Դիոնէսիոս Էպիսկոպոս՝ մին յազգընտիր Խորհրդակա-
նաց, և Խորհրդական գրագիր, ետ գհաշիւն իւր (1824.
'ի Յ Փետրվարի), և 'ի 29 ինքնակամ ել յԱթոռոյն և մեկ-
նեցաւ գնալ 'ի Կոստանդինուպօլիս, զոր և ծանուցին Խոր-
հրդականք Պատրիարքին և Ամիրայից:

Ի հասանիլ ազգընտիր Խորհրդականաց յերուսաղէմ կա-
նոնադրութեամբ նոցին, ոչ որպէս յուսայինն կարացին լի-
նել ձեռնամուխ 'ի գործ կառավարութեան Աթոռոյն, զի
բազում անգամ արգել և խոչ լինէին նոցա Գարբիէլեանք,
և ելք իրացն մնայր անյաջող, ուստի հարկեցան գրել եր-
կիցս առ իշխանաւորս ազգին, զի հնարս զացեն բառնալ
յԱթոռոյ առ ժամանակ ինչ զգահակալ նորին, զի թերեւս
կարասցեն անարգել հոգալ զկարիս նորին, և նոցա զիջեալ
'ի կամս Խորհրդականաց՝ բազում դժուարութեամբ կատա-
րեցին զինդիր նոցա. մանաւանդ տեսեալ զժշտառութիւն

Աթոռոյն եւ զծանրութիւն պարտուց, ուստի յազգային
ժողովի սահմանեցին լինել ծայրագոյն կառավարիչ երու-
սաղէմի նախին Պատրիարք Կոստանդինուպօլսոյ Պօղոս
Արք եպիսկոպոսի, և գնալ անդ Արքունի հրովարտակաւ
ընդ Մարիոս եպիսկոպոսի, բառնալ յԱթոռոյն զԳարբիէլ
Պատրիարք եւ տանել 'ի Կոստանդինուպօլիս. այս աւե-
տեաց լուր զոր գրեաց Կարապետ Պատրիարք յերուսաղէմ,
ուրախացոյց յոյժ զմիտրանս, և անհամբեր հագաւ սպա-
սէին գալտեան նորս:

Ապա ծանուցեալ զմտորն Արքայի՝ հանին հրովարտակ,
և Ոստիկան Ահմէտ Աղա. գրեցան թուղթ յանձնարական
'ի Դամասկոս և յերուսաղէմ ըստ մտաց հրովարտակին, և
առ այլ և այլ անձինս 'ի տեղեկութիւն, գրեաց և Կարա-
պետ Պատրիարք առ համօրէն միտրանական դասս, յորում
յետ յայտ առնելոյ զդառնութիւն ժամանակին, զպակասու-
թիւն ուխտաւորաց, զառաւելութիւն պարտուց և տոկոս-
եաց, զպաշարիւն Աթոռոյն 'ի պէս պէս նեղութեանց և
ձախորդութեանց, առէ՝ « Ուստի անչափ և անսպառ նե-
ղութեան Ս. Աթոռոյն ոչ տոկաւով սիրտ ազգասէր Ամի-
րայից, բազմիցս 'ի խոյզ և 'ի խնդիր ելանէին մեծահան-
դէս ժողովով հանդերձ արհեստաւորօք դտանել զեր բա-
րելաւութեան, որ եւ ըստ բերման ժամանակիս յօգուտ
Ս. Աթոռոյն յարմար դատեցին զԳարբիէլ Պատրիարք Ս.
Եղբայրն մեր կօչել 'ի Կոստանդինուպօլիս, խորհիլ 'ի միա-
սին դտանել գհնարս դիւրութեան, և յաջատութիւն պար-
տուց. թէ պէտ և գրով ազգին և եթ հարելի էր հրաւիրել
զնա աստ, սակայն 'ի ճանապարհի ոչ կարէր հանդիստ ժա-
մանել 'ի խառնակութենէ կողմանց, 'ի Ղաֆար, և այլ ան-
կանտն տրոց, ըստ մեծութեան անուան իւրոյ, վասն որոց
արժան դատեցաւ առնուլ հրովարտակ, եւ Տէրութիւնն
յօժարութեամբ ետ զայն, և առաքեցաւ ընդ Արքունի առն
'ի կողմանէ ազգին իբր հրաւիրակ Ագրիանուպօլսեցի Մը-
կըրտիչ վարդապետս Արդարեւ հրաւէրս տարօրինակ եւ
չէ պատահեալ ցարդ. բայց եղանակն ստիպեաց առնել
արտաքոյ օրինաց, զի ս'ր սիրտ կարէ տոկաւ, յորժամ զԱ-
թոռն յայս մեծավիշտ տաղնապի տեսանէ, մեք և օրհնեալ
ազգն մեր գոլով հեռի անձամբ և միջոցաւ, հաշիմք 'ի տա-

ապանս վշտաց , քանի՞ արդեօք միաբանս եղայրու թիւն ձեր , զոր աչօք տեսանէք զիսեղծ և զըզորմելի կեանս ձեր , և թէպէտ 'ի վերայ այր ցառոց յաւելաք և զցառ ելանելոյ Ս . Հօր ձեր և մեր եղբոր յԱթոռոյն , սակայն մի բերելցէք 'ի միտս ձեր մնալ իրր սրբ առանց Պատրիարքի , զի գալ նորին ոչ է հրաժարիլ յիշխանութենէ , այլ խորհիլ ընդ ազգին զկարեւորսն եւ զբարին տնօրինել : Արպէս պատահեալ է առաջին Պատրիարքաց , զի յազազակել նոցա առ ազգն , արձակեցան 'ի լծոյ տառապանաց : Մի լիցի ոմանց միաբանաց զայլ և այլ խորհուրդս ածել զմտաւ , և տալ մբտացածին մեկնութիւնս տնօրէնութեանս և կամաց աղբին , և կամ չյօժարիլ զալստեան նորին , զի վերջինն չար լինի քան զառաջինն , և ազգն այնուհետեւ չյիշէ զանուն Աթոռոյն , և յետս կասի 'ի դործոց և յօգտակար տնօրէնութենէ նորին : Արք ցանկացողք էք շինութեանս եւ պայծառութեանս Աթոռոյդ . ուրեմն խնդրեմք սիրով եւ քաղցրութեամբ ճանապարհորդ առնել զՍրբազանն ըստ հրամանի Տէրութեանս և Աղբին , եւ դուք կանխել արթնութեամբ 'ի պաշտօն Աթոռոյն , և անլուծանելի սիրով միանալ ընդ ազգընտիր Խորհրդականս , որք հարկադրեալ են զամենայն կառավարութիւնս բարեօք դնել 'ի դործ ըստ ազգային կանոնադրութեանց , և հպատակ կալ նոցին սիրով և յօժարութեամբ , որոց և ձեզ միանդամայն յետ սակաւ աւուրց ունին առաքել առ ձեզ զնախկին Պատրիարք Պօղոս և ձերունազարդ Մարկոս Արք Եպիսկոպոսունս 'ի Ս . Աթոռն միսիթարիլ զձեզ մինչեւ դարձցի առ ձեզ հովիւն ձեր , (1824 . 'ի 23 Յունիսի) :

Գրեաց եւ առ Խորհրդականս քաջալեր բանիւք արիանալ և զօրանալ ընդդէմ դառնութեան ժամանակին , եւ իրբեւ բազմամաստակ հոգեւոր մշակս դործել յայդի Տեառն զօրութեանց . ապա յայտ առնէ նոցա զտնօրէնութիւն ազգին , տանել Արքունի հրովարտակաւ դիարբիել Պատրիարք 'ի կոստանդինուպօլիս . զի և ինքեանք սիրով եւ խաղաղութեամբ ճանապարհորդեցցեն զնա , և փոյթ կալցին զի մի ծագեցի դժտութիւնս եւ վրդալու մն ինչ , որպէս եւ 'գրեալ էր առ նոյն ինքն Գարբիէլ աներկմիտ խնդութեամբ ելանել 'ի քաղաքէն , և յանձնել Խորհրդա-

կանաց զինիք կոնդակաց , եւ զայլ անձնական գոյս թողուլ 'ի Ս . Աթոռն ընդ բանալեաւ . տեսալ ընդ իւր միայն զհարկաւորեալսն՝ չկնքել զՊատրիարքարանն , այլ միայն փակել և զբանալի նորին դնել 'ի զանձարան եկեղեցոյ 'ի ձեռն Լուսարարի . և 'ի ծառայութիւն 'ի ճանապարհի առնուլ միայն զԴաւիթ վարդապետ իւր եւ զայլ ոմն . զի ազգայինք առաւել քան զայս յարմար սպեղանի ոչ կարացին տնօրինել , ուստի 'մի ոք հակառակեցի եւ կամ խափանեցէ զեւանել նորին յԱթոռոյ՝ պատճառելով զպատճառս , զի մինչեւ ոչ ելցէ նա 'ի քաղաքէն , դառնութիւնք հարկապահանջ բռնաւորաց ոչ դադարին , որով հանդիպի Աթոռն մեծամեծ փաստուց և պարտուց անվճար : Եւ 'ի խոժոռիլ պարտատեարց և կամ 'ի պահանջել զառնելիս իւրեանց 'ի Պատրիարքէն՝ յանձն առնուլ Խորհրդականաց զայն՝ թէ պարտքն Աթոռոյն է և մեր . զայս ամենայն գրեանս յանձն արարեալ Ոստիկանին և Մկրտիչ վարդապետին առաքեցին յերուսաղէմ : Եւ ճանապարհ արարեալ սոցա հասին անփաստ յերուսաղէմ (ԵՅ Օգոստոսի) . և 'ի նմին աւուր իջին 'ի Դատարան և ետուն կոչել անդ ըզԳարբիէլ Պատրիարքն հանդերձ Ծերօք և Խորհրդականօք , ուր ընթերցան առաջի բազմութեան զհրովարտակն Արքայի , եւ յանձն առ Գարբիէլ հնազանդիլ հրամանի Արքայի , եւ Աղբին , ապա ել 'ի ճանապարհ ունելով ընդ իւր զՄուսայիլին և զարս 4 դնալ 'ի կոստանդինուպօլիս ('ի 19 Օգոստոսի) : Եւ զինի ամսօրեայ ժամանակի ըստ յորդորանաց զլսաւորաց ազգին , և խնդրանաց Աթոռայնոց զիմեաց Պօղոս Եպիսկոպոս միայն 'ի Ս . Երուսաղէմ ընդ ուխտաւորաց . զիտեւ քննել , և զննել լուեւայն զկարեւոր պարագայս Աթոռոյն տեղւոյն և ժամանակին , և ըստ այնմ հողալ զհարկաւորսն , և մնալ անդ որքան ախորժիցէ . և յեւանել նորին մի դուցէ ոք բռնադատեցէ մնալ . զի քաջ զիտէր նա խորհիլ զօգուտ Աթոռոյն եւ զհարկաւորսն տնօրինել , այնպէս Պօղոս ել 'ի կոստանդինուպօլսոյ եւ Գարբիէլ յերուսաղէմ :

Եհաս Պօղոս յերուսաղէմ ('ի 4 Նոյեմբերի) , արար ժողով յեկեղեցի Ս . Յակոբայ ('ի 16 Նոյեմբերի) : մեկնեցաւ Երթալ յեղիպոսու Բեթղեհէմի ճանապարհաւ ('ի 14 Դեկ-

տեմբերի) առեալ ընդ իւր զՄուրատ արա, զԳարրիէլ վարդապետ, զՍարկաւազն իւր և զվարդան:

Գ Լ ՈՒ Խ Խ Ե .

Պարտատեարք: Լատինք: Բռնութիւն Քաղաքապետին: Կամականիք Դիմնէսիոսի և պահանջ նորին: Յակօք վարդապետ: Հարկապահանջութիւն Կուսակալին: Տառապանք Խորհրդականաց: Գախուսա նոցա Ի Բեբրոն: և դարձ նոցին անգրէն յԱթոսն:

ՅԵՏ մեկնելոյ Գարրիէլ Պատրիարքի յԵրուսաղէմ՝ սպրտատեարք անկեալ ՚ի կասկածանս սկսան վիշտս հասուցանել միաբանաց, որպէս թէ հանեալ անուն սնանկութեան, այլ ոչ եւս ունին հատուցանել զտոկոսիս դժբախտ, որոյ վասն խնդրէին և զմայր գուժարն և առանց գրաւի ոչ ոք հաւատայր տալ նոցա դրամ. աստի կըրկնապատկեցան տառապանք Խորհրդականաց, մանաւանդ յորժամ փոխանակագիրք յետս դառնային ՚ի Կոստանդինուպօլսոյ:

Լատին կղերք ոչ երբէք դադարեալ էին յաշխատութենէ յօրէ յայնմանէ փակելոյ դրան Բեթղէհէմի, և ՚ի սոյն աւուրս չորս նուիրակունք նոցին դարձան յԵրուսաղէմ մեծաւ հարստութեամբ բերեալ գանձս ոսկւոյ և արծաթոյ, և զհետ մտեալ էին փրկովել զԴատաւորն և զայլ ազգիս քաղաքին՝ առնուլ Իլամ և հանրագիր խոստումք դրամոց. զայս առիթ առեալ նոցա սկսան ծանրանալ ՚ի վերայ Հայոց (ցուցանել կամելով զանկոպար ագահութիւնս իւրեանց, այլ նոքա երբեմն զհրովարտակն վասն ւորոց յառաջ բերէին, և երբեմն զբանս պալատականաց՝ չտալ ումեք զիրս ինչ):

Բազում անգամ գրեցին Խորհրդականք առ Իշխանաւորս ազգին զանխնայ կեղեքումն Քաղաքապետացն Երուսաղէմի, որք մի քան զմի գերազանց գտան ՚ի բռնութիւնս, և բազմադիմի հնարիւք ջանային կողոպտել զՀայս: Այլ քան զամենեւին առաւել եղեւ Իմաստիլ Պէյն՝ եղբայր Կուսակալին Դամասկոսի, կուսակից ունելով ինքեան զՆախիպ

Օմարն, ՚ի միջոցի 5 ամոց էառ ՚ի նոցանէ առաւել քան 40,000 դահեկանս աւելորդ դրամ, երբեմն հնարագիտութեամբ կուսակցին իւրոցն զայլազգիս քաղաքին յարուցանէր ՚ի վերայ նոցա, և զրպարտութեամբ վարէր ՚ի դատաստան, որպէս արար վասն պարտիզի փոխանորդին, և յարոյց զայլ ոմն թէ ՚ի 40 ամաց հետէ զկանոնական ընծայս Խանքէի շիցէ առեալ, որոյ վասն իրր ՚ի պաշտպանութիւն Հայոց, առնոյր ինքն ադահութեամբ. նոյնպէս և Նախիպն և այլք, և երբեմն կալեալ զհայազգի ժողովուրդս քաղաքին մասնէր ՚ի չարաչար դանս և ՚ի բանասուզս ամենայն համբերութեամբ տանէին՝ և սպասէին յուսով դալատեան Բղեշխին, թէ նա աւելի ինչ ոչ առնու, ըստ հրովարտակի Արքային, եւ զնոյն պատուիրէ Քաղաքապետին:

Դիմնէսիոս եպիսկոպոս Կարապետեան, որ մեկնեցաւ յԱթոսոյն գնալ ՚ի Կոստանդինուպօլսիս, որպէս գրեցաք ՚ի վեր անդր, այլ խտորեալ նորա ՚ի ճանապարհէ իւրմէ գնաց ՚ի Սիդոն, այն է Սայտայ, և զինի աւուրց ինչ եգիտ ՚ի Պերութ գեթակոբ եպիսկոպոսն Լիւսիթրացի, որ արդէն մեկնեալ էր յԱթոսոյն. սոքա որոշեալ անջատեցան յեկեղեցւոյն Հայոց, և յարեցան ՚ի կրօնս զոր սահմանեալ էր Լուտեր Մարինոս, և ամուսնացան երկրքեանն: Դիմնէսիոս ընկալաւ զփոխ հիւպատոսութիւն Նախուլիթանի Տէրութեան ՚ի Սայտայ, և Յակոբ Բրիտանիոյ, որ և արարին հանդէս մեծ յաւուր հաստատութեան ՚ի պաշտօնի իւրեանց, ուր պատահեցաւ և Գրիգոր եպիսկոպոս Սայ, որ գնայր յԵրուսաղէմ: Իսկ յետոյ Դիմնէսիոս գրեաց անտի առ Խորհրդականս Աթոսոյն իբր արդարացուցանել կամելով զինքն, ուր ասէ՝ « Զկամելով մեր զմնաս Ս. Աթոսոյք, աճապարեցաք ելանել այտի, և զի մի ումեք ՚ի ձէնջ վտանգ ինչ յառաջացի ՚ի պատճառս մեր՝ ցուցանելով զարարս ոմանց յարգոյիցդ՝ մեծաշուք ազգապետաց կազմութեանց զայդ Խորհրդականութիւն՝ արգել տուաք մեզ ՚ի գըղաց զայդ Խորհրդականութիւնս, և ոչ եւս յօժարեցաք զրով նալոյ ՚ի Կոստանդինուպօլսիս, և ոչ եւս յօժարեցաք զրով ծանուցանել ցնոսա. ըստ որում չէր մեր բարք, որպէս ոմանք առնեն և որպէս դուք եւ յոյժ բազումք վիայնն: Իսկ եթէ սրբութիւն ձեր ՚ի վերստին հաստատեն զնոյն

եօթն թիւ խառնելով ընդ ձեզ զՊատրիարքն 'ի վնաս նորին սրբազնութեան և 'ի ձեր հանդատութիւն . դրեցէք ինչ զոր կամիք զվէնջ 'ի Կոստանդինուպօլիս ըստ հաճոյից ձերոց , դուք գիտաօջիք , միայն թէ բառնալ 'ի միջոյ զխարդական և զխարդախտական ըստ ներքնոյն և ըստ արտաքնոյն գործադրութեան . թէպէտ ինքն միշտ ջանայ դաղել եւ երդմամբ զինքն արդարացուցանել : Միթէ չգիտէի՞ , միթէ ո՞չ գիտացի որ գործեցաւն եւ որ գործեւոցն էր , եթէ մնայի յայդր , բայց սարտաւոր լիցի որ եղև պատճառ նորին համարձակութեան : Շատ քաջութիւն Աթոռայնոցդ մեծաց եւ փոքունց , եթէ յայտնէտէ անվնաս և հանդարտ մնայցէք , որքան երկօքին դոքա ըստ առաջնոյն վարեացին , զորոց երբեմն ճաշակեցաք զպտուղ եւ արդ իսկ : Զայսքանս վասն այնորիկ գրեցի առ եղբայրութիւն ձեր , զի և դուք վկայիցէք թէ գիտեմ եւ լուեմ » : Եւ ապա թախանձանօք խնդրէ զ10,000 դահեկանն զոր պայմանաւ տուեալ էր յառաջագոյն Աթոռոյն , առնուել զչա՛ նորին 'ի տարին 1000 դահեկան , և զինի մահուան իւրոյ մայր գումարն մնալ Ս . Աթոռոյն . այժմ խնդրէր միայն զ10 տարեկան շա՛ 10,000 դահեկան , և զմայր գումարն թողոյր դարձեալ ըստ կտակին իւրոյ Աթոռոյն , և աղաչէր սիրով կատարել զայս խնդիր իւր , զի մի վերըստին ծագեացի ատելութիւն , և ինքն խոստանայր կատարել զգործ Աթոռոյն եթէ ծանուցեն :

Գրեաց և առ Կիրակոս եպիսկոպոս մտերիմ բարեկամ իւր , և խնդրէր առաքել զգոյս իւր զոր թողեալ էր յԵրուսաղէմ , 'ի Կիպրոս , 'ի Զմիւռին և 'ի Կոստանդինուպօլիս , յորոց զոմանս ընկալեալ էր ինքն 'ի Պերութ ընդ գոյից նորին (1824 . 'ի 1 Ապրիլի) : Գրեաց առ նա Կիրակոս եպիսկոպոս զիւր յանդիմանութեան և մեղադրանաց , որում պատասխանէ այսպէս . « Աստուած և զքեզ ազատեսցէ յանել որոգայթէդ . ոչ ուրացայ զհաւատս , ոչ փոփոխեցի զկրօնս , ոչ 'ի բաց թողի զկարգս , ոչ լքի զաստիճանս , ոչ արհամարեցի զվէքիւութիւն Տէրութեանն քրիստոնէի . այլ սովիմբ պաշտօնիս վէքիւութեան քրիստոնէի Մեծի Տէրութեան նախորթանու առաւել համարձակութեամբ պաշտեմ և յարգեմ զամենայնն . երանի որ ոչ գայթակ-

ղեսցի յիս , այլ առուել եւս հաստատեսցի 'ի հաւատս փառաւորելով զԱստուած » :

Ոչ սնտոի պատճառանօք և ոչ տղայական մտօք ելաք յայտի . մեծախորհուրդ խոհեմութեամբ մտաբերեա եւ մի մեղանչեր մեղադրելով ինձ . 'ի մէջ երկայայրի սրոյ եթող զիս որ եթողն , եւ յետ ոչ բազմաց ինչ աւուրց տարածամ մահուամբ երեւէր ինձ ելանել յաշխարհէ , յորմէ վնաս մեծ ազգին և Աթոռոյն : Լաւ չլինէր 'ի դնաւոյ իմ 'ի Կոստանդինուպօլիս . զի քանի մի անձանց կամ տունն բնակութեան եւ կամ հողւոյն : Ինձ արարի և ոչ այլոց՝ զոր արարի : Եւ ապա գանկատ զնշիւս եպիսկոպոսէ : Զեպիսկոպոսական թագն և զվականս եթող յԱթոռն 'ի յիշատակ հողւոյ Զմիւռնացի հանգուցեալ էք իղեան Յարութիւն Աղայի :

Դարձեալ խնդիր դրամոց ('ի 23 Ապրիլի) , և 'ի սմին մեղադրէ զԿիրակոս եպիսկոպոս , իրբեւ Խորհրդական գերազիր , որ յառաջագոյն ինքն էր , « Արժան էր և ձեզ զայլ իմն վկայել ընդ Ս . Գահակալին և Տ . Եղիայի , որ գրողն էիր գրոյն . այլ է բարեկամութիւն , ազգականութիւն , ընկերութիւն և եղբայրութիւն , և այլ է ըստ իրաւանց վկայութիւն կամ դատողութիւն . թէպէտ և դու բարկացեալ ես և խռովեալ յինէն , բայց դարձեալ հաշտեսցիս և ուրախ լիցիս ընդ արարս իմ , զոր ոչ վայրապար արարի . եղև , որ եղևն » : Միթէ իրաւունք են միոյ հօր որդւոց ոմանց յղեանալ հարիւրաւորօք և ոմանց անինչ ելանել , մեք եթէ չիցեմք տէր 10,000 դահեկանի , միւռոյն ուստի՞ են այնքան քսակք . եթէ կարելի է աղաչեմք յօր յառաջ զձայնս մեր կտրել վճարելով զոտանս հազարն ցՅուլիս վերջ , յետ այնորիկ եւ ձայնք մեր հանտանին յականջաց ձերոց (յ3 Յուլիսի) :

Թէպէտ արարք մեր խոչ երեւին ազգին , մանաւանդ ծանօթից և սրտակից եղբարց եւ կարեւոր բարեկամաց , այլ նոքին ըստ իւրեանց կամաց միայն դատեն , Յուռնացն դեգերելով . զհաւատ Երրորդութեան , զեկեղեցի , զկրօն , զկարգ չեմ ուրացեալ և ոչ 'ի Ֆրանկութիւն փոխարկեալ , բայց եթէ զգլխահարկի թուղթն 'ի Կաթիկոս փոխարկեալ , և զսեւաղղեստութիւնն 'ի պոյճառս , եւ զօղաշտօն

Երկրորդ տարեկան և Թամանակ մի լեռնուցեալ, որպէս եւ յայդր, զի զինչ պատիւ Եպիսկոպոսին: Եւ յետ այլոց բանից ասէ, եթէ Տէր կամեցի գտեալ զմիմեանս արտաքոյ Երուսաղէմիդ համբուրեացուք եւ ցաւակցեացուք, ոչ եթէ իշխանութեան և փառաց ցանկանալով ձեռն արկի յայս պաշտօն, այլ միայն գիտացի թէ ՚ի մէջ այլոց ազգաց կարեմք Աստուծով երեւիլ և անուանիլ, եւս եւ ազատ մնալ ՚ի Եփեսոս ազգին և ՚ի նենգապատիր խարդախանաց սուտ եղբարց, Յետ և այլ բազում դանկատանաց դարձեալ խնդրէ զ10,000 դահեկանն, այր ՚ի պատասխանի դրեն Խորհրդականք, առաքել նախ զմուրհակն եւ ապա առնուլ զգրամն. թէպէտ նա զայրացաւ առ այս, զի ընդդէմ էր օրինաց, բայց առաքեաց զայն ՚ի Յոպլէ առ Թարգմանն Անգղոյ առնուլ զգրամն ՚ի Տեսչէ տեղւոյն և ապա զմուրհակն: Եւ զի ինքն յորդորմամբ ոմանց եղեալ էր ՚ի մտի հրաժարիլ ՚ի պաշտօնէ իւրմէ և մեկնիլ անտի, առաւել վստահացեալ ՚ի գիրս նոցա՝ դնաց ՚ի Պերութ եւ ձեռնառուութեամբ բարեկամաց իւրոց յաջողեցաւ թողուլ զպաշտօնն զայն: Անա ընկալաւ գիր յերուսաղէմէ հակառակ առաջին գրութեան, խոստանային հատուցանել նմա առ յամէ 1800 դահեկան շահ դրամոց նորին, եւ հրաւիրէին զինքն գալ մնալ յերուսաղէմ. և Յակոբ եպիսկոպոս յառաջագոյն գրեալ էր առ Խորհրդականս հատուցանել զգումարն յազատութիւն երկուց կողմանց, զի դադարեացին բանք և գրութիւնք, եւ խոստացեալ էր պահել առ իւր զԻրոնէսինոս շահիւ նոյն դրամոյ, այլ ՚ի չ՛յաջողիլ գործոյն արար Իրոնէսինոս պատասխանի, տեսեալ թէ այլ և այլ սլատճառանօք երկարեն զժամանակն, միթէ ես միացն էի թշնամի Գարրիէլ Պատրիարքին, միթէ ի՞նձ ընդդիմացաւ, այլ որ արարն տացէ զպատասխանին, շնորհակալ եմ զհրաւիրմանէ ձերմէ զմեզ, բայց գիտե՛ք, թէ ոչ կարեմ գալ և մնալ յերուսաղէմ որով կերպիւր և իցէ, միթէ հնար իցէ մարդոյ յանձուկ յորովայն մօր իւրոյ մտանել եւ մեռանիլ, չէ այդ մահ վասն Աստուծոյ արքայութեան և հաւատոյ, այլ յիմարաբար կրել զմիշտս ՚ի պարտատեարց, բռնապահանջ յանողորմից, և յազգէն, և յազգաց և ՚ի սուտ եղբարց, որոց կատարածն յուսահատու-

թիւն է: Ի հասանիլ դրոյս հասուցէք զ10,000 և զանցեալ Յամեայն՝ ՚ի Յոպլէ՝ և առէք զձեռագիրն, և յայնմ հետէ կացջիք բարեաւ և խաղաղութեամբ: Իսկ եթէ դարձեալ ժխտէք բանից ձերոց զայլ և այս գրելով և գործելով, ես անպարտ եմ, դուք սաջիք պատասխանի որում պէտք է (1824. ՚ի 15 Սեպտեմբերի):

Եւ ՚ի սոյն առուրս Պօլոցի Յակոբ վարդապետ կատարեալ զգործ նուիրակութեան՝ դարձ արար ՚ի հոստանդինուպօլոսոյ, և հասեալ ՚ի Կիպրոս եթող անդ գրեռինս, որք էին կապերտք և շալք և այլ ինչ յիշատակ Աթոռոյն, և դնացեալ ՚ի Պերութ յարեցաւ առ Լիւսիբացին Յակոբ, եւ ետ նշանա ամուսնութեան, եւ դարձ արար ՚ի Կիպրոս յափշտակել զբեռինս, այլ գործակատար Աթոռոյն Սիմոն սղա ոչ ետ զայնս՝ ըստ ազգարարութեան Խորհրդականաց Աթոռոյն:

Նհատ հուսակալն Դամասկոսի մեծաւ զօրութեամբ յերուսաղէմ, կալաւ զտեսուչն Յուսայ Ս. Եղիայի վանաց և զոմանս ՚ի ժողովրդոցն Լատինաց, եւ մատնեաց զնոսա ՚ի դանս մինչեւ ցարաւումն շնչոց նոցին, և երկաթի կապանօք արգել ՚ի բանտի, որպէս թէ զինչս ոմանց փախստից նօք արգել ՚ի Գրեգորի պահեալ իցեն առ իւրեանս, որոյ Բեթղեհէմի Ֆէլլահից պահեալ իցեն առ իւրեանս, որոյ վասն 65,000 ՚ի Յուսայ եւ 40,000 դահեկան ՚ի Լատինաց տուգանս էաւ, ՚ի Հրէից 100,000, թող զայլազգիս Երուսաղէմի, յոմանց Յ, եւ յոմանց 10,000 դահեկան: Յետ ամենեցուն ձեռն արկ ՚ի Հայս, և չգտեալ բնաւ տեղի ինչ յանցանաց եւ զրպարտութեան, զայս միայն տաջի եդ թէ ՚ի ժամանակի յայսպիսի սղութեան եկեալ իմ այսչափ բազմութեամբ զօրաց եւ ծանր ծախիւք, արարէք ինձ զաւելի պատիւ և ծառայութիւն ինչ:

Հայք միջնորդ կալեալ զոմանս աղաչէին զնա ներել յայտ առնելով զաղքատութիւնս իւրեանց, այլ նա բնաւ ոչ անսայր. ապա տարեալ ցուցին զհրովարտակն, և նորա ցատուցեալ ասէ՝ գիտեմ զհրաման թագաւորին, և ընդդէմ այնմ չգործեմ ինչ. ահա զիրոնոնաւոր Ռպապիէն ՚ի 40,000 դահեկանէ աւելի ոչ առնում. այլ միթէ ծանր ՚ի՞նչ թուր ձեզ առնել ծառայութիւն ինչ, և սկսաւ անացուցիչ բանիւք ստառնալ. միթէ ո՞չ կարէի գտանել յանցանս ինչ

'ի վերայ ձեր, և յետ կիսամահ առնելոյ զձեզ դանիք, բռնութեամբ առնուլ զկրկնատափին և առաքեաց զնոսա 'ի վրան Քեահեային, ուր մնացին յարգեւանս յառաւօտէ մինչեւ ցերեկոյ: Ապա խնդրեցին իմանալ զկամս Բդեշխին, ասէ ցնոսա Քեահեայն 150,000 դահեկան խնդրէ 'ի ձէնջ. մինչեւ ոչ խոտանայք ոչ կարէք ելանել աստի: Ապա բազում պաղատանօք եւ միջնորդութեամբ ոմանց հայազգի սպասաւորաց Բդեշխին, մինչեւ ցկէս գիշեր հազիւ կարացին հաճեցուցանել զնա մինչ ց 40,000, և զերծան անտի: Յառաւօտեան կանուխ պաշարեցին Ոստիկանք զդուռն վանաց, մին խնդրէր դրով 40,000 ապրիլէն. 4422 դահեկան 30 վարայ Բեթղեհէմի Հայոց բաժին ապրիլէն. 4500 դահեկան 3 անգամ Բդեշխին ծուխ պատրաստելոյ ապրիլ, զոր յառաջագոյն արգիլեալ էին. այժմ սա բռնութեամբ ա'ն: Իսկ միւսն պահանջէր 40,000 դահեկան իւրօրէն. 4000 Քեահեային. 3000 եղբոր Բըդեշխին. 3000 Քիւլէր էմինին. 1000 Գանձապետին. 2000 յանուն Գատաւորին, բայց ոչ ետ նմա եւ ոչ դանկ մի: Այսպէս աւուրս 6 շրջէին Ոստիկանք 'ի մէջ վանաց, խըստիւ և բռնութեամբ պահանջէին, խորտակեալ զբրունս սենեկաց մտանէին 'ի ներքս. միտանք շարացեալ վճարել զայնքան դուարն, թագուցեալ էին 'ի սենեակս, և հնարս խնդրէին գոնէ զմի իրօտանակադրով հատուցանել 'ի Կոստանդինուպոլիս, այլ Ոստիկանք որում և դիպէին՝ կալեալ գանձին և հայհոյէին: Տեսեալ Խորհրդականաց թէ թագստեամբ չվճարի ինչ, ժողովեցին զբրամս որչամբ և կարացին, և ետուն բազում վնասուք, զի զմահմուտիէ ոսկին ետուն 27 1/2, որ արժէր 35 դահեկան. նոյնպէս եւ զայլսն. 41,865 արամ ձուլեալ արծաթ, և 4 փարայ հաշուելով գորամն: Իրրեւ դիւրացաւ այս վճարումն, դարձեալ բռնութեամբ էաւ 3600 դահեկան վասն երկուց Ոստիկանաց, 2000 դահեկան յանուն զահրէճի, 500 մի ժամացոյց 350 մի մատանի, 300 մի սետէֆքեարի արկղիկ Քեահեային, 350 մի ժամացոյց Բդեշխի որդւոյն, և այլոց և այլոց, որոց ամբողջ դուարն եհաս 128,000. և ոչ մնաց դրամ հոգալ զպէտս միտանաց եւ տալ զտոկոսիս, եւ չունէին ակնկալութիւն առնուլ մորհակաւ: Եւ յետ մեկնելոյ

Բդեշխին՝ նոր Քաղաքապետն Երուսաղէմի կալեալ զոմանս 'ի բնակչաց քաղաքին առանց յանցանաց մատնէր 'ի գանս եւ 'ի բանտս, եւ պահանջէր 'ի նոցանէ զճանր տուգանս: Ուստի Խորհրդականք Աթոռոյն զայս հնարս միայն գտին. ճանապարհ ետուն 25 միտան վարդապետաց, արկաւազաց և այլոց՝ զնալ յո՞ և կամիցին, և ոմանց եւս պատուէր ետուն զնալ 'ի Ռէմէ և 'ի Յոպպէ և մնալ անդ 'ի վանս: Ապա զամենայն եկեղեցական անօթս, բաց 'ի հասարակ կարեւորաց, ժողովեալ տուարաւ երբին 'ի գանձարան տաճարի Ս. Յակոբայ, եւ զդուռն վակեալ քարամբ և կրիւ անցայտ արարին, և թողին բաւական պարէնս մնացեալ միտանաց եւ 2000 դահեկան, զոր առին յուխտաւորէ ումեմնէ, եւ ետուն ժամ որհնող Իսահակ վարդապետին, և ընդ առաւօտն կանխեալ ելին 'ի վանաց չորս Խորհրդականքն, որք էին Մկրտիչ, Եղիա, Կարապետ և Կիրակոս եպիսկոպոսունք (1825՝ 'ի 11 Ապրիլի), և խոյս ետուն 'ի Քեհրոն, պատուիրեալ միտանաց չբանալ այլ եւս զմեծ դուռն վանաց: Լուեալ մեծամեծաց քաղաքին զիսխուստ նոցա՝ կալեալ զայլազգի դանապան վանաց գան հարեալ երբին կապանօք 'ի բանտ 'ի բերդն, և առաքեցին զկնի նոցա 50 զօրական դարձուցանել զնոսա յետուս, այլ նոցա ոչ կարացեալ հասանիլ դարձան ունայն յետս: Քաղաքապետն եւ նոր նախիպն առաքեցին դրով զբերդապահ քաղաքին և հրաւիրեցին զնոսա դառնալ յերուսաղէմ. այլ մեծ Շէյխն տեղոյն, առ որ սպաստանեալ էին, ոչ եթող տանել զնոսա: Խորհէին զնալ անտի յեգիպտոս եւ մնալ անդ ժամանակս ինչ մինչեւ հասցէ օգնութիւն իշխանաւորաց: Յուսամբ ասէ նամակագիրն թէ վասն այսորիկ ոչ մեղադիր լինիք մեզ, քանզի ոչ կարէաք մնալ 'ի Ս. Աթոռն և ընդդիմանալ այնչափ ծանր հարկապահանջութեանց: Զի ամ յամէ բաց յեկեալ արդեանց՝ վեց եօթն հարիւր քսակ պարտքն յաւելաւ վասն հարկաց և շահուց պարտատեարց: Որպէս եւ յայժմ ամի զկնի բովանդակ արդեանց և ձուլեալ արծաթոց և այլ վաճառեալ իրաց, 600 քսակ յաւելեալ է պարտքն: Մանաւանդ զի այլ եւս մեծ վտանգի 'ի տուգանաց դուռն բացեալ լինէր, եթէ մնայաք ասէ 'ի Ս. Աթոռն: Քանդի կալեալ Բդեշխին

զեղրայր Ապուղօշ Իսրայէլի՝ կապանօք տարաւ ընդ իւր 'ի Դամասկոս , և սահանջէր 'ի նմանէ հարիւրաւոր քսակս և սորա թողուլ : Եւ եղեւ յիջանել 280 ուխտաւորացն Հայոց յերուսաղէմէ 'ի Ռեմիէ , ընդ առաջ ելեալ Ապուղօշն՝ կալաւ 'ի նոցանէ 29 երեւելի անձինս և եդ 'ի բանտի , և զայլս առաքեաց 'ի Ռեմիէ . սպա գրեաց առ Խորհրդակաւորսն , թէ՛ տուք բերել զեղրայրն իմ , եւ ես արձակեցից զուխաւորսն : Եթէ՛ ձեռնամուխ լինէին , առաջի կայր նոցա դոնէ՛ հատուցանել 50,000 դահեկանս , վասն որոյ թողին այնպէս . ուխտաւորք մնացին 'ի չարչարանս , և այլքն 'ի դաշտն Ռեմիէի անտանելի խղճութեամբ սպասէին : Պօղոս եպիսկոպոս 'ի գնալն յեգիպտոս ականատեսս է այսմ թշուառութեան ուխտաւորաց , այլ ոչ ձեռնհաս : Ապա յաւեւին խնդրել 'ի Պատրիարքէն և յազգապետաց հասանիլ 'ի թիկունս օգնականութեան Ս . Աթոռոյն , բողբել առ Տէրութիւնն , և յետս սահանջել զաւելի առեալ դժբաժնս 'ի գործակատարէ նորին , և զօրաւոր հրովարտակաւ չափ եւ կոպար դնել հարկաց Բդեշխին եւ Դատաւորին , և բառնալ զանկանոն սահանջս այլազգեաց , և հոգալ վասն թեթեւութեան պարտուց , եւ կամ ի սպառ բառնալ զտոկոսիս , որով լիցի հնար բանալ վերստին զդուռն վանաց և մնալ միարանաց : Զայս նամակ զրեցին 'ի Քերթնէ առ Կարապետ Պատրիարք և առ Գլխաւորս աղբին 'ի Կոստանդինուպօլիս , եւ ընդ նմին առաքեցին զցուցակ արոց գրեալ յականէ յանուանէ , եւ խնդրեցին զպատասխանիս թղթոց առաքել յեգիպտոս , և խորհէին յղել առ նոսա զմի ոմն յինքեանց պատմել զամենայն ինչ բերածով : Ի հասանիլ այսոցիկ նամակաց , ետ թարգմանել Պատրիարքն զամենայն անկանոն գործս Բդեշխին եւ զտառապանս միարանաց և ժողովրդոց , յետս սահանջելով զաւելորդ դրամն զոր էառ Կուսակալն , այլովքն հանդերձ , եւ մատոյց 'ի Դուռն :

Իսկ այլազգիք Երուսաղէմի գնացեալ զինի եպիսկոպոսաց 'ի Քերթոն բռնադատէին զնոսա դառնալ տնդրէն յերուսաղէմ , եւ 'ի չանսալ նոցա , երդմամբ դաշինս հաստատէին՝ այնուհետեւ չնեղել զնոսա և չսահանջել ինչ , և 'ի դէպ ժամանակի լինել օգնական , և այսպէս յորդո-

րեալ զնոսա անին յերուսաղէմ . ըստ ոչ կացին 'ի պայմանի ուխտի իւրեանց , եւ բռնացեալ խնդրէին զխանուաւորս եւ զանկանոնս , եւ նոքա կային 'ի չբաւորութեան : Եւ Պօղոս եպիսկոպոս , որ էր յԱղէքսանդրեա , գրեաց յերուսաղէմ և հարցանէր զօրպիսութենէ վանաց և զգալտենէ Բդեշխին : Իսկ սոքա հանին 'ի ճանապարհ ըզկիրակոս եպիսկոպոս (յ8 Մայիսի) գնալ 'ի Կոստանդինուպօլիս և պատմել զանցն Բդեշխին և զտառապանս իւրեանց յերեսաց այլազգեաց և պարտատեարց , որպէս եւ գրեալ էին յառաջագոյն . առաքեցին ընդ նմա և զցուցակ միաբանաց՝ տեսանել թէ՛ զո՞ք 'ի նոցանէ արժան իցէ պահել : Եւ եղեւ 'ի դադարիլ տոկոսեաց պարտուց , յարեան պարտատեարք 'ի վերայ վանաց , և միաբանք փախուցեալ թագչէին սենեակ 'ի սենեկէ , և 'ի պատահիլ Փոխանորդին կալեալ զնա գանիւք եւ խոշտանգանօք վարէին 'ի գատաստան , և 'ի ճանապարհի պատահեալ ոմանց 'ի բարեկամաց միջնորդ լեալ աղաչանօք թափէին զնա 'ի ձեռաց նոցա , իսկ ոմանք 'ի միաբանաց անզգաստ և անխորհուրդ՝ պեղէին կարիս 'ի կորուստ անձանց իւրեանց , հրապօրեւով գայլաբնայն 'ի կորուստ բանից Խորհրդականաց , զի լաղբիս , թէ՛ մի հաւատայք բանից Խորհրդականաց , զի նոքա միայն կարող են վճարել զտոկոսիս և պահել զվանս , և այլ այսպիսի անասելի բանք , զորս չէ արժան դրողմել 'ի գիր , որոյ վասն արտաքսեալ 'ի վանաց առաքեցան 'ի Ռեմիէ , Չհանդուրժեալ Խորհրդականաց՝ խորհեցան խոյս տալ յերուսաղէմէ և փակել առ ժամանակ մի զդուռն վանաց , որպէս պատրաստեալ զպաշար ճանապարհի առաքեցին 'ի Բեթղէնէմ . գնացին Կարապետ եպիսկոպոս և Յակոբ վարդապետ , և մնային գալտեան այլոց , այլ հասեալ առ նոսա գիր Կարապետ Պատրիարքի՝ արգել զնոսա 'ի խորհրդոցն , թէպէտ և Պօղոս եպիսկոպոս յորդորեալ էր բազմիցս գրով ասանել վշտաց և չթողուլ զԱթոռն , այլ սոքա արարին պատասխանի թէ՛ համբերեմք մի ամիս եւս , այնուհետեւ չէ հնար մնալ , զի լուեալ էին զսպառնալիս Բդեշխին Դամասկոսի . եթէ նորոգեսցի ասելի իշխանութիւն իմ , զի իսխանորդն կատինաց եւ զիրօնաւորս Հայոց հանդերձեք իւրեանց հանից 'ի փայտ 'ի գրուս վանաց , եւ 'ի սոյն առուրս ոմանք 'ի պարտատեարց բռնութեամբ

առին զբանայի դրան Ս. Աստուածածնի 'ի ձեռաց Լուսա-
րարին, և Երզնգականք անկեալ 'ի դրունս այլազգեաց
հազիւ կարացին դարձուցանել զայն յետս, և էին 'ի կաս-
կածի վասն այլ Ս. Տեղեաց և Կալուածոց, (1823. 'ի 19
Հոկտեմբերի):

Գ Լ Ո Ւ Խ Խ Զ .

Առաջնորդ Եզիպտոսի Կրակոս : Ներքին Խոռոչներն վանաց : Նուր-
բակունք Եթովպոս : Հողեառն Լաւոյիկեայ : Անկուսն Եղև Եպի-
կոպոսի : Խնդիր առաջնորդութեան Եթովպոս :

ԻԲԻԲԻ ԵՀԱՍ ԿԻՐԱԿՈՍ ԵՎԻՍԿՈՍՈՍ 'ի Կոստանդինու-
պօլիս սակս պատմելոյ ազգին զաղէաս Երուսաղէմի, որ-
պէս գրեցաք, որոշեցաւ լինիլ Առաջնորդ Եզիպտոսի. կո-
չեցին և զՊաքարեայ վարդապետ Կոբեցի 'ի Նուիրակու-
թենէ, և Եղին Փոխանորդ Աթոռոյն 'ի Կոստանդինու-
պօլիս և ԶՅարութիւն վարդապետ Եղեսիոյ առաքեցին
Առաջնորդ 'ի Չմիւսին քաղաք : Հասեալ Կիրակոսի յԵզիպ-
տոս 'ի վիճակ իւր, առ 'ի անբասիր կացուցանելոյ զանձն
յամենայնէ՝ ըստ օրինադրութեան Պօղոս Եպիսկոսոսի՝ ծայ-
րագոյն կառավարչի Աթոռոյն և կամեցողութեամբ աղքա-
պետաց, ձեռն արկ բարեկարգ տնտեսութեամբ կառավա-
րել զԵկեղեցին. ընտրեաց զԵրիս անձինս յԵրեւելեաց քա-
ղաքին խորհրդական և հոգաբարձու առաջնորդական գոր-
ծոց, զԱրեւելից Պօղոս վարդապետ փոխանորդ, զոմն հա-
ւատարիմ Եկեղեցական, սահմանեաց արկղ արդեանց և
տումար ելից և մտից. վերատեսուչ զսրբոցի և հիւանդա-
նոցի, և զայլ բարեկարգութիւնս, ըստ տանելոյ տեղոյն
և ժամանակին. յաւել զվարձս տանց, զարկղն և զտումարն
պահեաց առ իւր և զբանային ետ ցՓոխանորդ իւր : Սա-
կայն Աթոռն Երուսաղէմի ոչ երբէք եղիտ զխաղաղութիւն,
զի բաց յարտաքին թշնամեաց, յարուցեալ էր և ներքին
ընտանի երկպառակութիւն 'ի մէջ միաբանաց. զի նեն-
գաւոր և դաւաճան լեալ ատէին և թշնամանէին զմի-

մեանս : Քանզի Եղիա Եպիսկոսոս՝ որ Փոխանորդ էր Աթո-
ռոյն, պատճառ եղեւ մեծաւ մասամբ ազատամբութեան
քաղաքացի այլազգեաց և տիրելոյ ամրոցին, և 'ի գուշա-
կել իւրում թէ՛ գան հասանեն զօրք 'ի Տէրութենէ 'ի վե-
րայ քաղաքին, ելից երկիւղիւ զսիրտ Կարապետ Եպիսկո-
սոսի և խորհրդական գրագիր Յակոբ վարդապետի և ա-
ռաքեաց զնոսս 'ի Բեթղեհէմ (Հոկտեմբեր) որպէս գրե-
ցաք 'ի վեր, և ինքն սկսաւ մարտնչիլ ընդ Լուսարար
Մկրտիչ Եպիսկոսոսի, կամ բանալ զգանձարան Եկեղեցւոյն
և տալ ինքեան որ ինչ 'ի նմա ոսկի և արծաթ, զի տացէ
պահանջողաց, և կամ ելեալ դնասցեն 'ի Բեթղեհէմ ա-
պաստանիլ անդ ընդ ապաստմբ գիւղականս, ապա թէ՛ ոչ՝
մատնեմ ասէ զքեզ յայտնապէս պարտատեարց և բռնա-
ւորաց, թէ՛ 'ի ձեռս սորա են բազմագումար գանձք ոսկ-
ւոյ և արծաթոյ և տկանց պատուականաց՝ զորս թագու-
ցեալ ոչ տայ : Անճարացեալ Երուսնոյն յակամայ կամն
ընկերացաւ նմա և դնացին 'ի Բեթղեհէմ. Չմիւսնացի Յա-
րութիւն վարդապետն թաքեաւ 'ի վանս Յունաց ամիսս Չ-
Չանդրցի թարգման Յակոբ, Արեւելցի Գէորգ, Երկար Կա-
րապետ, Բարդուղիմէոս և Միքայէլ վարդապետք փախեան
'ի Ռէմէ և 'ի Յոպպէ, զորոց գրէր Եղիա առ ազգայինս
Կոստանդինուպօլոսի իբր ստահակս և արտաքսեալս 'ի վա-
նաց, և մնացեալքն անօրինակ անկարգութեամբ վարէին՝
լեալ աւուրն մէն մի իշխող հասարակաց :

Քաղաքսպետն որ նոր հասեալ էր յԵրուսաղէմ 'ի Կոս-
տանդինուպօլոսոյ՝ գրեաց հրամանագիր և առաքեաց 'ի
ձեռն սարսաւորին իւրոյ առ Փոխանորդն Եղիա՝ զի եկես-
ցէ յԱթոռն, և նորա առեալ զգիրն պատուեաց առաջի
գրաբերին, և բազում հայհոյութեամբ դարձոց զնա յետս.
Գարձեալ գրեաց առ նա Դպրապետ դատարանի, զի եկես-
ցէ՝ ապա թէ՛ ոչ՝ 'ի վախճանի չարագոյն եւս լինի. իսկ նա
նոյն օրինակ անարգութեամբ դարձոց զսպասաւոր նորին :
Ի վերայ այսորիկ ժողովեալ սարտատեարց դիմեցին 'ի դա-
տարան, և իւրաքանչիւր ոք բողոք բարձեալ գոչէր՝ թէ
միաբանք Հայոց առին զայսքան դրամս մեր, այժմ զԷԼ
խաւորք նոցին փախուցեալ են 'ի քաղաքէս և զտոկոսիս
դրամոց մերոց ոչ հատուցանեն, կամ առեալ 'ի նոցանէ

տուք զգրամս մեր, և և կամ հրաման՝ երթալ կողովուել զվանս նոցա և տիրել տանց և ստացուածոց, և իւրաքանչիւր ոք բաժանել ըստ իւրոց առնելեաց որ ինչ և անկանիցի: Իպրապետ դատարանի ելեալ ընդ առաջ նոցա ստէ՝ ես երայխաւոր եմ ազգին Հայոց, համբերեցէք մինչեւ ամիսս չորս, զի գրեցից Պատրիարքաց և մեծամեծաց նոցին՝ ՚ի Կոստանդինուպօլիս, և թէ նոքա ոչ հատուցեն ձեզ զպարտս իւրեանց՝ ես հատուցից լիովն փոխանակ նոցա, և այսպէս դարձոյց զնոսս յետս: Եւ ապա ժողովեալ գլխաւորք և դատաւորք քաղաքին խորհեցան ՚ի միասին ՚ի վերայ վառթարութեան Փոխանորդին Հայոց՝ որ յայս վե՛ճակ թշուառութեան հասոյց զվանքն, և սահմանեցին ՚ի ժողովի անդ գրել ՚ի Կոստանդինուպօլիս, զի կարգեսցեն զայլ ոք Փոխանորդ, և արգելցեն զեղիս մտանելոյ ՚ի վանս: Կոչեցին յայն ատեան և զմանս ՚ի վարդապետաց և ասեն, մեք զեղիայն ոչ ընդունիմք և ոչ այլ եւս կամիմք գալ նորս և մտանել ՚ի վանս, դուք զի՛նչ ասէք: զի այսպիսի և այնպիսի ոք է նա: նոքա ետուն պատասխանի՝ թէ չունիմք ինչ ասել, այլ հրամանաց եւ կամաց ձերոց հնազանդ եմք, որպէս կամիք և առնէք՝ հաճոյ է մեզ: ապա ասացին երթալ գրել առ գլխաւորս ազգին և ծանուցանել նոցա զամենայն գործս եղիայի՝ շնորհեալ նոցա ամիսս չորս, գրեցին նաեւ ինքեանք: գրեանք երկոցունց կողմանց՝ յատուկ սուրհանդակաւ առաքեցան ՚ի Կոստանդինուպօլիս ՚ի վերայ Աքքէի, (՚ի 27 Նոյեմբերի): Իսկ նոր Դատաւոր քաղաքին եկեալ զեգերէր ՚ի Դամասկոս, ՚ի Յուպէ և ՚ի Ռեմիէ վասն ապստամբութեան քաղաքացւոց, և ապա ել յԵրուսաղէմ (՚ի 23 Դեկտեմբերի): Ելին ընդ նմա եւ վարդապետքն՝ որ խոյս տուեալ էին յԵրուսաղէմէ: Եւ և Յարութիւն վարդապետ ՚ի վանացն Յունաց: Ապա հրամանաւ Դատաւորին և զլիաւորաց օմանց այլազգեաց կարգեցան կառավարիչ գործոց Աթուոյն Զմիւռնացի Յարութիւն և Զանդրցի Յակոբ վարդապետ՝ մինչ ՚ի գալուստ պատասխանոյ գրեանց ՚ի գլխաւորաց ազգին: Այս յայսպիսի անարդութիւն հասեալ էր յայնժամ Աթուն Երուսաղէմի, (1826. ՚ի 22 Յունվարի):

Միալիճցի Յակոբ և Զմիւռնացի Ստեփաննոս վարդա-

պետք՝ 2 այլ ընկերօք ելին յԵրուսաղէմէ դնալ յաշխարհն Եթովպացւոց, իբր գտանել օգնութիւն Աթուոյն: և իբրեւ հասին ՚ի Քերթոն, զի ճանապարհ Ապուղօլի և Կաղայու խափանեալ էր, կալան գնոսա Շէյխք տեղոյն եւ արգելին՝ և առեալ ՚ի նոցանէ 180 դահեկան՝ արձակեցին: և նոցա ընկերացեալ ուղտապանաց հասին ՚ի Սիվջիլ և անտի նաւեցին ՚ի Ճիտտէ: տաղնադեցան անդ ՚ի սատիկ ջերմութենէ կլիմայի երկրին եւ ՚ի նուազութենէ հացի, եւ անտի նաւեալ հասին ՚ի նուազանդիսան Մասուայ՝ զինի երկոց ամսոց ծախեալ ըռեալս 400, եւ կարօտեալ դրամոց վաճառեցին ՚ի կէս գին զերկու մասանիս և զմի ժամացոյց, 300 ըռեալ, և անտի դէ՛մ եգին դնալ ՚ի սահմանս Հապէշաց, ուտելով զալիւր Բե՛ճ անուն խոտոյ, սեաւ և ժահահոտ: Տեսուչ վարդապետն Հապէշաց՝ Ապտիւլ Մէսիհ, որ նստէր յԵրուսաղէմ, գրեաց յեգիպտոս առ Պատրիարքն Ղպթոց, թէ գնացին աստի ոմանք ՚ի վարդապետաց Հայոց յԵթովպիս յափշտակել զիշխանութիւն ձեր և զվիճակ՝ և աքսորել զեպիսկոպոսն որ անդ, և իբրու թէ իշխանք երկրին գրեալ իցեն յԵրուսաղէմ առ Հայր և խնդրեալ ՚ի նոցանէ զառաջնորդ, չընդունիլ այնուհետեւ զոք ՚ի Ղպթոց: Պատրիարքն փութանակի ազդ արար զիրոն եպիսկոպոսի տեղոյն, որոյ անունն էր Գէորդ, և տառուիբեաց նմա ըմբռնել զվարդապետան, չորչարանօք և ըլինօք դարձուցանել յետս: զայս ամենայն յետոյ պատմեաց վարդապետաց Թարգման եպիսկոպոսին Միքայէլ անուն: Եպիսկոպոսն առաքեաց ՚ի սահմանադլուխն զարս երիս, եւ կտեալ զնոսս կոտլեցին երկաթի կապանօք եւ թողին անդ ՚ի լեռուն, յեա քառասուն աւուրց լուեալ իշխանին Ստուայի ազատեաց զնոսս և տարաւ ՚ի քաղաք իւր կողովտեալ զինչս նոցա, բաց ՚ի հանդերձից, զոր ըզիւր կողովտեալ զինչս նոցա, բաց ՚ի հանդերձից, զոր ըզիւր գեցեալ էին: Ետ ընթեռնուլ զկոնդակ նոցա, և իմացեալ ծանեալ թէ յոր դորժ եկեալ էին, և պահեաց զնոսս խը՛ծանեալ թէ յոր դորժ եկեալ էին, և պահեաց զնոսս իւր նամօք առ իւր, և տայր նոցա մի եզ ՚ի կերակուր բաւա նամօք առ իւր, և տայր նոցա մի եզ ՚ի կերակուր բաւա, և իւր, Լուեալ զայս եպիսկոպոսին կատաղեցաւ իսպառ, և ելեալ դնաց առ իշխանն, և ինդրէր զվարդապետան տալ ՚ի ձեռն իւր զի կուրացուցէ զայս նոցա, եւ նա ոչ է առ

յանձն, ապա շնորհեաց նմա մուրհակաւ և յեակարիւ 500
 գիւղս 'ի կալուածոց իւրոց, որոց տարեկան շահն էր 1200
 քսակ ըստ վկայեւոյ թարգմանին, տարադրել զվարդապե-
 տրս կապանօք 'ի սահմանաց անտի, եւ զինչս նոցա տալ
 ինքեան. զիւրաւ զիջաւ ի խլսանն 'ի բանս եպիսկոպոսին,
 մերկացուցին զնոսա և ետուն 'ի ձեռս չորից զինուորաց,
 տուեալ ըսեալս 50 'ի պէտս ճանապարհի, եւ զինի 48 ա-
 ւուրց հասին 'ի Մասուայ, ընդ ի խլսանութեամբ Եգիպտո-
 սի, և քաղաքապետն առեալ զնոսա 'ի ձեռաց զինուորաց
 պահեաց առ իւր զաւուրս 20 կերակրելով և միթարելով,
 և տուեալ ըսեալս 10 առաքեաց զնոսա 'ի ձիտտէ. Գրիգոր
 և Ստեփան սպասաւորք նոցին հիւանդացեալ մնացին յե-
 թովսիա, եւ նաւեալ անտի հասին 'ի լեառն Սինա, եւ
 ապա ուղտօք յեգիպտոս, զոր բնկալեալ Կիրակոս Եպիս-
 կոպոսի Առաջնորդի տեղւոյն, ետ դարմանել զհիւանդու-
 թիւնս նոցա բժշկեաց և միթարեաց. զայս ամենայն հա-
 մառօտիւ զրէ 'ի նամակի իւրում նա ինքն Յակոբ վար-
 դապետ առ Պօղոս եպիսկոպոս, և յաւելու թէ անպատ-
 մելի են չարչարանքն զոր կրեցաք յեթովսիա (1826. 'ի
 1 Մայիսի): Յակոբ վարդապետ զինի աւուրց ինչ վսիս-
 ճանեցաւ աղետալի մահուամբ անդ յեգիպտոս զիպուածով
 իւրիք:

Բղեշխն Լաւորիկեայ յետ երկուց ամաց բռնացեալ 'ի
 վերայ հոգեատան Հայոց՝ եղեալ էր զօրս, և հոգեւոր Տե-
 սուչն ոչ կարացեալ տոկալ բռնութեանց և աղաղակի նո-
 ցին փակեալ զեկեղեցին խոյս ետ անտի, և ոմանք 'ի ժո-
 ղովորոց տեղւոյն մնացեալ անմիթար ցրուեցան, և մը-
 նային քանի մի աղքատք, իսկ զօրքն քակեալ հանէին
 զմարմարիոն քարինս զերկաթս եւ զայլ կազմածս տանն
 և վաճառէին, և ոչ ոք ի շէր նոցա ասել ինչ, և 'ի նմին
 ամի եկեալ ուխտաւորաց իջեւանեցան աստ և անդ և հան-
 դիպեցան բազում վնասուց և նեղութեանց. տեսեալ զայ-
 ստիկ Մկրտիչ և Մելքոն, որք էին անդ սեղանաւորք,
 մանաւանդ թէ օր քան զօր աւերի և քանդի հոգեւորունս,
 զրեալ աղղ արարին 'ի Կոստանդինուպօլիս. և Կարապետ
 Պատրիարք մտաոյց զիր 'ի Դուռն, զի հրովարտակաւ եւ-
 ցեն անտի զօրքն, և Բղեշխք կողմանցն այնոցիկ մի իշխել

միւսանդամ մոծանել անդ զօրս, զի պատճառ եղեն ա-
 ւերման տեղւոյն եւ ցրուելոյ ժողովրդոց, (1826. 'ի 21
 Յուլիսի):

Տեսեալ երկց Եպիսկոպոսաց թէ անպատասխանի մնա-
 ցին նամականիք իւրեանց յԱզգապետաց և 'ի Պատրիար-
 քաց, և ինքեանք տաղնապէին 'ի տանջանս և 'ի նեղու-
 թիւնս յերեսաց պարտաւեարց և պահանջողաց, առաքե-
 թիւնս յերեսաց պարտաւեարց և պահանջողաց, առաքե-
 ցին 'ի Կոստանդինուպօլիս զԽորհրդական զրազիր Յակոբ
 վարդապետ՝ ծանուցանել զայստիկ, և միաբանք երկպա-
 ւակեալ ոչ մերձենային աս նոսա, թէպէտեւ հրաւիրէին
 զնոսա 'ի խորհուրդ:

Իսկ վանք Ս. Յակոբայ տատանէր 'ի միջի խառվու-
 թեանց իբրեւ նաւ վարեալ 'ի մրրկէ, և այն յաւէտ յան-
 միտարնութենէ և յերկայառակութենէ գլխաւորաց. գլուխ
 չարեաց և վրդովիչ ամենեցուն ցուցանեն դու Եղիա ե-
 պիսկոպոս՝ որ փոխանորդն էր: Այլ իբրեւ հասին զրեանք
 այլազգեաց և միաբանաց 'ի Կոստանդինուպօլիս, որպէս
 զրեցաք, և ընթերցեալ ծանեան զմիտս նոցա, կոչեաց առ
 ինքն Գաբրիէլ Պատրիարք զոմանս յայլազգեաց Երուսա-
 ղէմի որք էին անդ, եւ պատուիրեաց նոցա գրել յերու-
 ղէմի որք էին անդ՝ թէ ինքն հաստատեալ է 'ի Պատ-
 րիարքութեան Երուսաղէմի և զԵղիա հանեալ 'ի պաշտօնէ
 փոխանորդութեան, և 'ի մօտոյ ունի կարգել զայլ ոք 'ի
 տեղի նորոս: Երեքին Խորհրդական պարտս փոխանակազը-
 լով հատուցանել անդ, իսկ Գաբրիէլ Պատրիարք դարձոյց
 զնա յետս, և գրեաց առ Խորհրդականս, թէ ներքին եւ
 արտաքին դործք Աթուոյն և Փոխանորդութիւն Կոստան-
 դինուպօլոյ ինձ յանձն է, եւ պատուիրէ նոցա զի եթէ
 յաւելցին առաքել զփոխանակազիրս՝ դարձուցանէ յետս,
 որպէս եւ արարնս իբրեւ հասին զրեանքն յերուսա-
 ղէմ, ժողովեցան պարտաւեարք 'ի վերայ Խորհրդակա-
 նաց և նախատակոծ բանիւք սյպանէին և հայհոյէին ըզ-
 նոսա, որպէս է տեսանել 'ի բազմաթիւ նամականիս նո-
 ցին, զոր գրեցին 'ի Կոստանդինուպօլիս, և պահանջին
 զկրկնապատիկս դրամոց սակս յետս դարձուցանելոյ ըզ-
 մուրհակսն. և ոմանք 'ի սլարտաւեարց տարեալ մատու-

ցին զպարտամուրհակն առ Դատարն, և նա արձանա-
 դըրէր զթիւ գումարաց և 'ի վերջոյ պահանջէր 'ի Հայոց
 զ10,000 դահեկանս իբր տասանորդ. ապա յաւելեալ 'ի
 վերայ նորա զայլ և այլ պահանջս՝ եհաս գումարն 18,000,
 յաւելին եւ միւս այլազգիք 'ի վերայ նորա 18,000 եւս,
 եղև գումարն 36,000, որոյ վասն ետուն Սորհրդականք
 փոխանակազիր հատուցանել 'ի Կոստանդինուպօլիս, և ե-
 թէ յետս դարձցի, եղիցի գումարն 70,000, և այլազգիք
 'ի վաճառ հանեալ զխալուածս Հայոց առցեն զգրամս իւ-
 բեանց, Յետ այնորիկ ժողովեալ այլազգեաց 'ի դատարան՝
 ընթերցան զգիր ազգականաց իւրեանց եւ հռչակեցին 'ի
 քաղաքին թէ՛՝ Եղիա եպիսկոպոս Հայոց, որ վնասակար էր
 քաղաքին եւ վնասց, անկեալ է 'ի փոխանորդութենէ՝
 զայս լուեալ Եղիայի տիրեցաւ յոյժ յոյժ, և գրեաց բազում
 անգամ առ Պատրիարքն և առ ազգապետս զհրաժարումն
 իւր 'ի պաշտօնէ, յորս յառաջ բերեալ զտառապանս եւ
 զնեղութիւնս իւր, իբր պաշտպան Աթոռոյն, և կուսակիցք
 Գարրիէլի՝ կործանիչք, և ապա մեղադիր լինի, թէ այսքան
 դրութեանցս և ոչ միոյ պատասխանի արժանի եղէ՝ այլ
 անկումն իմ լուայ յայլազգեաց ոմանց, որ կողոպտիչ են Ա-
 թոռոյն, և այլ սոցին նման երկար բանք. և 'ի վերջոյ աղաչ-
 շտարադրել զինքն յԱթոռոյ, այլ հեռացեալ յամենայն
 դորձոց իբրեւ զմի 'ի միարանաց կացցէ աղօթաւոր 'ի սե-
 նեկի իւրումս Ապա Մկրտիչ և Կարապետ եպիսկոպոսունք
 թերեւս 'ի սագրերոյ բանից Եղիայի, որպէս երեւի, ժող-
 վեալ զմիտարանս վանաց հրաժարեցան և նոքա 'ի գործոց,
 և այնպէս գրեցին 'ի Կոստանդինուպօլիս թախանձելով
 զնոսա՝ ընտրել զայլ 'ի տեղի իւրեանց, և կամ տէր լինիլ
 վանաց և բառնալ զժանրութիւն նորին, բաւական համար-
 ելով զվիշտս և զնախատինս զոր կրեցին 'ի սէր Ս. Աթո-
 ռոյն և ազգին, և թէ՛՝ յետս դարձուցանէք զփոխանակա-
 գիրն ասեն՝ ցուցէք զտեղի դրամոց, և այլ այսպիսի բանք
 լցեալ 'ի նամականիս նոցա, ('ի 25 Օգոստոսի):

Իսկ 'ի Կոստանդինուպօլիս Պատրիարքունք և Ազգա-
 պետք ոչ կարացին առ ժամն պատասխանի առնել նամա-
 կաց նոցին, զի զրազեալ էին ամենեքեան վասն բարեկար-
 գութեան Աթոռոյն և ազատութեան 'ի պարտուց, և 'ի

վերայ այսր ամենայնի եհաս սուգ մեծ և տարածամ տըխ-
 րութիւն 'ի վերայ ազգին, զի անկաւ հրդեհ 'ի մայրա-
 քաղաքի անդ եւ յաճիւն դատեաց զրազմութիւ տունս
 Հայոց՝ այրեցան նաեւ Մայր Եկեղեցին, Պատրիարքարանն
 և Փոխանորդարանն Երուսաղէմի, որով անկան Պատրիար-
 քունք և զլիաւորք ազգին 'ի տարակուսանս, որպէս պա-
 տահեալ էր յաւուրս Գրիգորի Շղթայակրի և Յովհաննու
 Կոլոտի, զի առաջի կայր նոցա հոգալ զրազմութիւ զաղ-
 քատս ժողովրդեան, որք իսպաւ մերկացեալ էին յամե-
 նայն գոյլոց:

Կիրակոս Եպիսկոպոս գրեաց առ Փոխանորդ Զաքարիա
 վարդապետ՝ հանել հրովարտակ արքունուստ վասն Առաջ-
 նորդութեան Եգիպտոսի, ոչ վասն իւր, այլ վասն անազոյ
 ժամանակին, զի արձանագրութիւն ինչ գացի 'ի դիւանն,
 զի ինքն հանգիստ էր շնորհիւ Փոխ Արքային Մէհէմէտ
 Ալեայ. թէպէտ նա ետ պատրաստել աղերսազիր 'ի Գու-
 սըն, զորոյ զարտձէնն ընթերցեալ իսկ եմ, թէ մին 'ի
 վիճակաց Երուսաղէմի է Եգիպտոս, այլ յետոյ յոր եղա-
 նակ շրջեցաւ ինդիրն չէ յայտ:

Հուսկ ուրեմն ժամ պարսպոյ դտեալ խորհրդով և կա-
 մօք ազգին գրեցին Պատրիարքունք Գարրիէլ, Կարապետ
 և Պօղոս առ Սորհրդականս Աթոռոյն և առ նոյն ինքն Եղիա
 եպիսկոպոս ('ի 11 Օգոստոսի) թէ դադարեալ է նա այ-
 նուհեաեւ 'ի պաշտօնէ իւրմէ. յանձնել զամենայն իրս փո-
 խանորդութեան Սորհրդականաց, և գնալ յԵւրոպիա եւ
 կամ 'ի Կեսարիա, և մնալ անդ. զայստիկ գրեանս բերեալ
 մատուցին անձամբ նախիպն և Դպրապետն, եւ ընթեր-
 ցեալ Եղիայի եցոյց ուրախութիւն մեծ, եւ գոհութիւն
 զազգէն, որ ազատեաց զինքն 'ի վշտաց, եւ յանձն էառ
 գնալ 'ի սահմանեալ տեղիս, որպէս և ինքն յայտ առնէր
 'ի գրի իւրում առ Ազգապետս. ապա յանձն արար զինիք
 'ի խորհրդարանն և զբանալի փոխանորդարանին, և զա-
 փոխանորդութեան և զբանալի փոխանորդարանին, և զա-
 մարք, հրովարտակք, մուրհակք և այլ սոցին նման իրք՝ էին
 'ի խորհրդարանն (յ30 Հոկտեմբերի). եւ ապա գրեաց 'ի
 թղթի զեւ և զմուտ երկոց ամաց Աթոռոյն 'ի ժամանակս իշ-
 խանութեան իւրոյ, և ետ կնքել զայն Սորհրդականաց և

պահեաց առ իւր . և զինի աւուրց ինչ ելլ և գնաց 'ի Բեթղեհէմ առեալ ընդ իւր զՅովհաննէս արեղայն, զկարասեա սարկաւառ և զՅարութիւն սպասաւորն . և անտի նոքօք հանդերձ դէմ եղեալ գնաց յեգիպտոս, ('ի 21 Հովտեմբերի) :

Եհնիշէրիք Երուսաղէմի 'ի ժամանակէ հետէ աստամբեալ և տիրեալ էին ամրոցի քաղաքին, և ծանրացեալ յոյժ 'ի վերայ բնակչաց իշխելին նոցա և և դատելին զըստաստան . իսկ Ասպուրլահ Փաշայ, որ նստէր յԱքքէ, հրամանաւ Թագաւորին առաքեաց 'ի վերայ նոցա զՔեահեաց իւր բազմութեամբ զօրաց, և պաշարեցաւ քաղաքն, և տեւեաց պատերազմն աւուրս իբրեւ 15, այլ քաղաքին և բնակչաց չեղեւ ինչ վնաս, զի մարտն ընդ ամրոցին էր, յոր ձգէին արաքուստ զհրանօթա Չօրավարն զըսնամիտ թողեալ զմարտն կոչեաց առ ինքն զվեծամեծս քաղաքին և 'ի ձեռն նոցա նուաճեաց զպատամբան և տիրեաց բերդին, և զգլխաւորս նոցա առաքեաց առ Բդեշան, և նորա պատուեալ զնսա զարձոյց վերստին յերուսաղէմ : այլ նոքա անկեալ 'ի կասկածանս բազումք 'ի նոցանէ խոյս ետուն անտի 'ի Քերթն և յեգիպտոս : Եւ զօրավարն յանձն արարեալ զբերդն Քաղաքապետին, որ կարդեալ էր 'ի Կուսակալէն Դամասկոսի, դարձ արար անդրէն յԱքքէ : Նուազութիւն հացի յերուսաղէմ, չափ ցորենոյ (36 օքա) վաճառէր 60 դահեկանի, և և այն հազուադիւս, նոյնպէս իմս և զայլ վաճառս, (1826 . 'ի 25 Հովտեմբերի) :

Պատմեցաք յառաջագոյն համառօտիւ զանցս Յակօբ վարդապետի և ընկերաց նորին, ուղեւորելոց յԵթովպիա . զինի վերագարձի նոցին, և կին անտի յամենանն Սեպտեմբերի անձինք 2, մին քրիստոնէայ Գէորդ անուն, և միւսն մահմետական հաճի Մէհէմէտ գրով Թաղաւորի իրեանց առ մեծազօր փոխարքայն Եգիպտոսի Մէհէմէտ Ալի, թէ յառաջ քան զայս վարդապետ ոմն յաղգէ Հայոց կամելով գալ 'ի մեր Տէրութիւն, անկեալ է 'ի ձեռս աստամբելոյ 'ի մէնջ Բդեշիին Ատպալու, և 'ի մէնջ արքայեալ Ղալթոց եպիսկոպոսին, զոր անարգութեամբ արտաքսեալ են անտի : Կասն որոյ խնդրեմք 'ի ձէնջ կամ զնոյն վարդապետ կամ զայլ ոմն 'ի Հայոց աղգէ անպատճառ առաքեսցես

առ մեզ . զի ձանձրացեալ է մեր յանկարգութենէ Ղալթոց եպիսկոպոսաց, արաքսեցաք զայն 'ի մերմէ Տէրութենէ : Եւ արդ ըստ օրինաց մերոց կարօտ եմք յոյժ եպիսկոպոսի միոյ յաղգէ Հայոց, զի մեծ հարկաւորութիւն ունի մեզ : Իբրեւ ել փոխարքայն յեգիպտոս յԱղէքսանգրիայ հրաման արար զլիաւորաց Հայոց գտանել զոմն և առաքել անդ . և 'ի ծանուցանել նոցա զայս կիրակոս եպիսկոպոսի առաջնորդի տեղոյն, նա յանձն առ յօժարութեամբ գնալ անդ . այլ նոքա ոչ կամեցան թողուլ զնա, որպէս և փոխարքայն չէր տուեալ հրաման մեկնելոյ նորա անտի : Ապա խորհեցէր տուեալ հրաման մեկնելոյ նորա անտի : Ապա խորհեցան առաքել զՊօղոս վարդապետ Կեսարացի, որ նստէր անդ իբրեւ ամիրս : 'ի Սիւ ձեռնադրել եպիսկոպոս եւ գնալ յԵթովպիա : Եւ 'ի նոյն աւուրս հասեալ էր յԵգիպտոս Եղիա եպիսկոպոս իւրովքն հանդերձ . և 'ի ծանուցանել նմա զխնդիրն, 'ի սկզբան յանձն առ յօժարութեամբ զնալ ծախիւք իւրովք . բայց սպա լուեալ յոմանց զբոլոսրութիւն ձանաղարհաց և զաղքատութիւն երկրին՝ յետս եկաց : Եւ Փոխարքայն վերստին հարկեցուցիչ բանիւ հրապետն և կամ զայլ ոք՝ առաքել 'ի Սիւ ձեռնադրել եպիսկոպոս և կամ զայլ ոք՝ առաքել 'ի Սիւ ձեռնադրել եպիսկոպոս և գնալ յԵգիպտոս : Քանզի Եօթն ամաց հետէ աղգն կոպոս և գնալ յԵգիպտոս : Քանզի Եօթն ամաց հետէ աղգն Հայկչաց մնացեալ էին առանց եպիսկոպոսի, և զայն ըստ պատէին յաղգէն Հայոց օժանել զԹագաւոր նոցա և ձեռնադրել զնուիրեալն . գրեցին վասն այսր առ Պատրիարքունս 'ի Կոստանդինուպօլիս, որպէս և կիրակոս եպիսկոպոս առ Զաքարիա վարդապետ, զի ական ունէր չահիլ վիպոս առ Զաքարիա վարդապետ, միայն պարս է ասէր՝ եպիսկոպոսին մնալ անդ ամս երկուս, և յետ այնորիկ առաքել զայլ ոք, ցուցանէ նաեւ զըլիւրութիւն ձանապարհին . զաւուրս երկուս 'ի Սըլվելի, անտի նաեւ 'ի Ճիւտէ և սպա 'ի Սափաքին հանդէպ Ճիւտէի . և յետ 15 աւուրց ցամաքային ձանապարհաւ 'ի Կէօնտէր Թագաւորական մայրաքաղաք Հայկչաց :

Եղիա եպիսկոպոս մնացեալ յԵգիպտոս զաւուրս իբրեւ

26 էջ յԱղէքսանդրիա նաւել 'ի կոստանդինուպօլիս : Իսկ
 Կիրակոս եպիսկոպոս ձեռնտուութեամբ ազգայնոց արդիւ-
 նաւորէր զկալուածս բարեկարգ կառաւորութեամբ, և 'ի
 նմին ամի առաքեաց յերուսաղէմ պարէնս 5,300 դահեկա-
 նի, և ունէր առ իւր պատրաստ 14,000 դահեկան, զի
 յորժամ այցելութիւն գտցէ Աթոն, առաքեացէ զայն .
 (1827 . 'ի 27 Յունվարի) :

Այլ վասն եպիսկոպոսին երթալոյ յԵթովպիա, զոր գը-
 րեցին վասն Աբրահամ վարդապետի, ընկալան պատասխա-
 նի թէ Գարրիէլ Պատրիարք՝ պատուիրեալ էր նոցա, թէ
 'ի կարգել նուիրակունս ծանուցանել ինքեան, և չէին կա-
 րող առանց հարցանելոյ նմա առաքել զոր յեպիսկոպոսու-
 թիւն . այսպիսեաւ խախտեցաւ խնդիրն : Իսկ հրաւիրակի-
 քըն՝ Քրիստոնեայն գնաց յերուսաղէմ մնալ անդ 'ի վասն
 Հայոց, և այլազգին դարձաւ յերկիր իւր : Եւ 'ի սոյն ա-
 ռուրս եկեալ էր յԵթովպոս Շամ Դարապուլըւսցի ոմն Յոյն
 Հռոմէական, կեցեալ յԵթովպիա զամս 19, և պատմեաց
 Կիրակոս եպիսկոպոսի՝ թէ երեւելի մեծ Վէզիր նոցա, զոր
 Հայր Մարիամ կոչէին, նա էր որ ջանաց և առաքեաց
 յԵթովպոս գիրս և հրաւիրակս, և այրն այն վախճանեալ,
 և հակառակորդը նորա այլ Բդեշխը Հապէշաց 'ի սուր մա-
 չեալ զընտանիս և զզաւակունս նորա, տիրեցին երկրի նո-
 րին, ուստի չէր պատշաճ առ ժամն գնալ ումեք անդ, այլ
 նախ գրել առ Թագաւորն, եթէ հաճեցի, ապա առա-
 քել . և Կիրակոս եպիսկոպոս ետ գրել առ Թագաւորն 'ի
 բարբառ արարացւոց, պատմելով 'ի նմա զանցս Յակոբ
 վարդապետի և զմնասիլ նորա անձամբ և ընչիւք . զպատ-
 ճառ տարագրելոյ անտի եպիսկոպոսին Ղպթոց : Բանզի
 եպիսկոպոսունք որք գնային անդ, ըստ ամենայնի հետե-
 ւելով կամաց նոցա՝ ըստ սովորութեան նոցին կատարէին
 զամենայն եկեղեցական ծէսս . իսկ վերջինս այս կամեցեալ
 է փոփոխել ինչ ինչ և եւ նոր ծէսս մուծանել յեկեղեցիս
 նոցա, և 'ի ջընդունելն Հապէշաց՝ բանադէր զնոսա, և
 Հապէշք վառեալ բարկութեամբ հանդերձ Թագաւորան
 կամեցեալ են իսպառ 'ի բաց կալ 'ի քրիստոնէական սուրբ
 հաւատոյ և պաշտել զկուռս, այլ ոմանք 'ի խոհեմագունից
 նոցին այսուիկ շիջուցանեն զբոբոք բարկութեան նոցա :

զի բովանդակ եկեղեցականք Հապէշաց բիւրաւոր անձինք,
 ամենեքեան նըզմս կարդան 'ի վերայ եպիսկոպոսին Ղըպ-
 թոց և աքսորին զնա 'ի Թագաւորական քաղաքէն : Եւ նո-
 րա եկեալ յԱտվա քաղաք 'ի սահմանս Հապէշաց, Բդեշխ
 նորին ինքնիշխան և ապստամբ 'ի Թագաւորէն, ընդունի
 զեպիսկոպոսն և պահէ առ իւր : Բայց ռամիկ դասն ժո-
 Ղովորեան օր քան զօր 'ի քաղաքաց քաղաքաց առա-
 քէին զհարիւրաւոր անձինս առ այն բանադրեալ ե-
 պիսկոպոս ձեռնադրել 'ի կարգ քահանայութեան : զի
 ասնն թէ 'ի բովանդակ Թագաւորութեան Հապէշաց են
 եկեղեցիք աւելի քան 40,000, և գտանի յիւրաքան-
 չիւր եկեղեցի գոնէ 70-80 քահանայ, ոչ այնչափ 'ի հար-
 կաւորութիւն քահանայագործութեան, այլ առ 'ի վա-
 յելել զեկամուտս եկեղեցեաց, զի իւրաքանչիւր եկեղե-
 ցիք և վանօրայք, ունին բաւական եկամուտս կերակրելոյ
 զբազմաթիւ անձինս, և տան եպիսկոպոսին զարդիւնս 120
 քաղաքաց, այլ թէ որչափ ինչ կարէ լինել չէ յայտ, միայն
 եթէ գնացողն իբրեւ Հապէշ վարեացի հանդերձիւք և կե-
 րակրով, բազում ինչ յաւելանայ, զի բաց յարդեանց 120
 քաղաքաց, մեծամեծ անձինք արք և կանայք բերեն առ
 եպիսկոպոսն զկոտորակս ոսկույ 'ի խնդիր օրհնութեան :

Գ Լ Ո Ի Խ Խ Ե .

Վ ի իսկ Աթոնոյն Երուսաղէմ : Պարտատեարք : Յակոբ և Դիոնիսիոս :
 Տառապանք միաբանաց 'ի զօրաց Կուսակալն : Յովնանէս վարդապետ
 Զմիւռնացի : Նեղութիւն և գժուարութիւն վասն Եւամի Գատաւորին
 ըստ հրովարտակի Արքային : Մտիք Եւամին : Մեկնիլ Յովնանու 'ի Կու-
 տանդինուպօլիս :

Այժմ ԿՈՍ եպիսկոպոս առաքեաց առ Պօղոս եպիսկո-
 պոս յարդեանց կալուածոց 4000 ռուպիէ ոսկի՝ թէպէտ և
 դժտեցան ընդ այն իշխանաւորք տեղւոյն, զի Պօղոս եպիս-
 կոպոս յառաջագոյն պատուիրեալ էր նոցա չառաքել ինչ
 յերուսաղէմ, մինչեւ արդեամբ բազմացին կալուածք

Աթոռոյն , այլ կիրակոս շինեաց զմիտս նոցա , զի ծախեալ էր 10,000 դահեկան 'ի վերայ կալուածոց , եւ զմի տուն գնեալ 'ի նոյն չափ գումար , եւ արժան իսկ էր օգնել Աթոռոյն յայնպիսի նեղութեան :

Պատրաստութիւն պատերազմի յնդիպտոս , հաւաքումն բաղմադումար գանձուց , բնակիչք երկրին հասին 'ի յեւոյն չքաւորութիւն , արկան 'ի բանտ եւ 'ի կապանս օմանք եւ 'ի Հայոց , որք պարտաւորք էին յառաջագոյն :

Չանխորհուրդ կառավարութիւնս երկոց խորհրդակաւնաց Աթոռոյն բաղմոք բամբասէին այսր անդր , զի իւրաքանչիւրն ըստ վաղէմի սովորութեան իւրեանց մտեալ 'ի սենեակս բուժանէին զանձինս , իսկ միաբանք մնացեալ զուրկ յամենայնէ , եւ կարօտ չափաւոր հացի եւ կերակրոյ թէսլետ ինքեանք զայլ եւ այլ բանիւք երկար գրէին զնեղութիւնս իւրեանց 'ի Կոստանդինուպօլիս , որպէս տեսցի արդ (1827 'ի 11 Մարտի) :

Արդ Գաբրիէլ Պատրիարք 'ի Կոստանդինուպօլիս ձանձրացեալ 'ի յաճախելոյ փոխանակադրոց ' որք հասանէին յերուսաղէմէ մի զկնի միոյ , հրաժարեցաւ յիշխանութեանէ Պատրիարքութեան , եւ 'ի հրաւիրել զազգայնոց յայն պաշտօն զՊօղոս եպիսկոպոս , ոչ առ նա յանձն , բուեական համարելով զրովանդակ կառավարութիւն Աթոռոյն , որ ընկալեալ էր զայն ոչեւտ եւ ծայրագոյն կոտորել անուամբ , յորմէ չեգիտ ընդունելութիւն հրաժարումն Գաբրիէլի :

Ապա խորհրդով Գլխաւորաց ազգին գրեաց Չաքարիա վարդապետ յերուսաղէմ առ խորհրդականս , շահել եւ յանդորու կալ զմիաբանս , չտալ զտոկոսիս պարտուց , այլ յօրէ յօր ձգելով երկարել : Առաքել զհաչիւ ելլոց եւ մտից Աթոռոյն երկուց ամաց , ծանուցանել զարդիւնս նուիրակաց , եւ զայլ կարեւոր իրս : Որոց մի առ մի գրեցին պատասխանի խորհրդականք , նուազութիւն հացի , դառնութիւն ժամանակին ոչ տային թոյլ շահել զմիաբանս ըստ արժանոյն , այլ միայն իբրեւ զաղքատս , եւ զդրամն նոցա ինքեանք առեալ էին մուրհակաւ , պարտատեարց հատեալ էր համբերութիւն : Թէպէտ յառաջագոյն գրեալ էր Գաբրիէլ Պատրիարք առ Գալրապետն դատարանի յորդորել զնոսա 'ի համբերութիւն , այլ նոքա ոչ անտային , եւ 'ի սոյն

աւուրս բաղումք 'ի հրէից եւ յայլազգեաց՝ զիմեցին առ Դատաւորն . Թէպէտ նա սաստեաց նոցա , այլ 'ի լրման ժամանակի իւրոյ էառ 'ի Հայոց փոխանակադիր 17,200 դահեկանի՝ հատուցանել 'ի Կոստանդինուպօլիս . իբրեւ եկն նոր Դատաւորն , վերստին յարեան պարտատեարք , եւ զի յօժար էր նա 'ի լուել զդատաստանս նոցա , եւ 'ի լուեցուցանել զնա եւ զԲաղաքապետն՝ զիմեցին պարտատեարք 'ի դուռն վանաց որդւոյք եւ ընտանեօք՝ մանաւանդ հըրէայք , եւ մտեալ 'ի գաւթի եկեղեցւոյն եւ 'ի սենեակս միաբանաց աղաղակէին եւ նախատանօք խնդրէին զառնելիս անգամ , մինչեւ անճարացեալ միաբանաց ելին արտաքս անգամ , մինչեւ անճարացեալ միաբանաց ելին արտաքս անգամ , եւ 'ի ձեռն իջալսամագլխի նոցին դարաղաչէին զնոսա , եւ 'ի ձեռն իջալսամագլխի նոցին դարաձուցին 'ի տեղիս իւրեանց , եւ 'ի յառնել այլոց պարտաձուցին 'ի տեղիս իւրեանց , եւ 'ի յառնել այլոց պարտաձուցանել զհրդեհ բարկութեան նոցին 'ի ձեռն Դատաւորին , եւ այլ սյսպիսի խառն 'ի խուռն տագնապ եւ յուսարեկ նեղութիւն , զորոց երկար գրեն : Գրեցին եւ վասն հաշուոց եւ արդեանց նուիրակաց՝ եւ այլոց իրաց : Ոմանք յերեւելեաց ուխտաւորաց տարւոյն , որք եկեալ էին յայլ եւ յայլ քաղաքաց , տեսեալ զԱթոռն առանց զլիւց եւ գահակալի , զԹշուառութիւնս միաբանաց , զբանութիւնս զըժնեայ պարտատեարց , միաբանեալ ցաւ 'ի սիրտ գրեցին զիր բաղմակինք 'ի Կոստանդինուպօլիս առ գլխաւորս ազգին , եւ աղաչանօք թախանձէին զնոսա դարձուցանել առ վայր մի զաչս իւրեանց յերուսաղէմ , բառնալ զնախատինս ազգին , եւ այցելութեամբ դարմանել զվէրս նորա , զի մի առաւել զայրացի անհոգութեամբ :

Լիւսաքրացի Յակոբ եպիսկոպոս՝ որ նստէր 'ի Սիւրոն փոխհիւսպտոս Անգղիոյ , 'ի սոյն ամի ա՛ռ գիր 'ի Բիւելլից Դամասկոսի եւ Աքքէի , եւ առաքեաց Ոստիկանս յերուսաղէմ եւ խնդրէր 'ի խորհրդականաց զտոկոսիս 50,000 դաղէմ եւ խնդրէր 'ի խորհրդականս կամէր 'ի գլուխ հեկանի առնելեաց իւրոց , եւ Ոստիկանն կամէր 'ի գլուխ տանել զայս գործ 'ի ձեռն Դատաւորին՝ այլ խնայեալ անել զայս գործ 'ի ձեռն Դատաւորին՝ այլ խնայեալ չայց 'ի բարեկամաց , ծանուցին նա զաղքատութիւն վանաց , եւ որսալով զմիտս Ոստիկանին դարձուցին ունայն յեսս . այլ յետոյ իմացան զի Յակոբ պատրաստէր զայլ

որ հզօրագոյն քան զառաջինն :
 Յառաջնում ամի Քեանկայ Բղեշխին Դամասկոսի եկն
 մինչ 'ի Սամարիա , և Դիոնէսիոս Եպիսկոպոս ընդ նմա ,
 եւ լուեալ զապստամբութիւն Նէնիչէրեաց Երուսաղէմի ,
 ոչ կամեցաւ գնալ անդ , այլ առաքեաց զսեղանաւոր իւր
 յազգէ Հայոց՝ ժողովել զհարկ երկրին : Սմա պատուիրեալ
 էր Դիոնէսիոս վասն առնելեաց իւրոց , և 'ի լինել բանից՝
 պատմեալ էր Նղիա Եպիսկոպոս զԴիոնէսիոսէ և զազբա-
 տութենէ վանաց , և նորա դրեալ առ Քեանկայն , և նա
 այնպէս մեկնեցաւ յայնժամ 'ի տեղի իւր : Իսկ 'ի ամին
 ամի եկեալ յերուսաղէմ իջեւանեցաւ 'ի վանս Յունաց , և
 դրեաց անտի զերկուս գիրս առ Խորհրդականս Աթոռոյն ,
 յորս առաջի դնէր նոցա դալ 'ի վանս և դէմ յանդիման
 խօսիլ ընդ նոսա , յայտ արարեալ 36 ամեայ զաշխատու-
 թիւնս իւր , և խնդրէր զ10,000 դահեկանն ամբողջ տոկո-
 սիւք , և զծախսն անցելոյ ամին , որոյ ետուն պատասխա-
 նի՝ չմտանել 'ի վանս 'ի գայթակղութիւն ժողովրդոց , և
 վասն առնելեաց իւրոց սպասել զալտեան Մայրադոյն կա-
 ռավարչի Աթոռոյն , զի ինքեանք չէին ձեռնհաս տալ ու-
 մեք պարտս կամ տոկոսիս . այլ 'ի հասանիլ բանակի Բը-
 դեշխին Դամասկոսի լուեաց առ ժամն :

Կուսական Դամասկոսի գրեալ էր առ մեծամեծս բա-
 նակին , 'ի հասանել նոցա յերուսաղէմ , սահանջել յիւրա-
 քանչիւր վանաց 60,000 դահեկանս իբր նպաստ . Լատինք
 և Յոյնք հոգացին զգործս իւրեանց . Հայք դուրով 'ի չքա-
 ւորութեան՝ առաջի Եղին զհրովարտակն , այլ նոքա ոչ
 ընկալան զայն . զի որպէս յառաջագոյն առեալ էր Մուս-
 դաֆա Փաշայ , նոյնպէս և այժմ սահանջէին , թէպէտեւ
 Հայք ասէին թէ զայն յետս առին 'ի Կոստանդինուպօլիս .
 այլ նոքա ասէին , այժմ մեք առնումք , ապա դուք յետս
 առէք անդ : Եւ զինի տօնի Զատիկին առաքեցին 'ի վանս
 30 Մղրպի զօրս , և զի աւուրքն ծոմապահութեան էին
 նոցա , յերեկոյին դիմեալ 'ի խոհանոցն կալան զխոհա-
 րարն , և սկսան խոշտանդելով սահանջել 'ի նմանէ զհա-
 մադամ կերակուրս , և ելեալ անտի հարկանէին զբրուսս
 սենեկաց . եւ զորս միանգամ գտանէին՝ գան մահու լու-
 ծանէին 'ի վերայ նորս , նախատելով և հայճոյելով , յան-

կարդու թենէ աստի խառնածայն աղաղակն հնչէր զԷլեւրն
 ողջոյն : Եւ իբրեւ յանձն առին միաբանք տալ զոր պա-
 ճանջէինն , եհաս այլ իմն հրաման 'ի Բղեշխէն , և խընդ-
 րէին յուխտաւորացն Հայոց զ10,000 դահեկան գլխահարկ ,
 որ խափանեալ էր յառաջագոյն , և իբրեւ մատուցին ըզ-
 հրովարտակն նորին , զայն եւս ոչ ընկալան , և 'ի սադրե-
 ւոյ այլազգեաց յանձն առին վճարել և զայն , բայց զամե-
 նեանն փոխանակադրով 'ի Կոստանդինուպօլիս . իսկ եթէ
 ոչ հաճեցի ընդ այն Բղեշխն , տարեալ ընկեցեն 'ի դա-
 տարան զիսականս վանաց և ինքեանք մեկնեցին յերու-
 սաղէմ . ահա այս է ասեն վիճակ մեր նամակագիրքն ,
 (1827 . 'ի 21 Մարտի . յ8 Ապրիլի) :

Տաղտկացեալ էին երեք Խորհրդականք Աթոռոյն յերե-
 սաց բռնաւորաց և սարսափեարց և զրելոյ 'ի Կոստան-
 դինուպօլիս , և խնդրելոյ այցելութիւն և օգնութիւն , և
 ոչ գտանելոյ . առաւել տազնապէին յորժամ յետս դառ-
 նային փոխանակադիրք պարտուց . կամէին փակել խալաւ
 զբուսն վանաց եւ խոյս տալ անտի խմբովին , բայց զայն
 եւս ոչ կարէին , զի ընդդէմ դառնային նոցա այլազգիք
 և պարտատեարք : Զայրանային 'ի վերայ փոխանորդ Զա-
 քարիա վարդապետի՝ և մեղադրէին զնա , որպէս թէ ըզ-
 տառապանս իւրեանց ոչ յայտնէր գլխաւորաց ազգին .
 զի թերեւս ոմանք 'ի նոցանէ 'ի դուր շարժեցին 'ի վե-
 րայ Աթոռոյն և մի լիցի կործանումն չար . այլ միայն ինքն
 ընթերցեալ զնամականիս նոցին՝ և ըստ անորժակաց իւրոց
 գրէ զպատասխանիս , ուստի յայս նուազ 'եւս ասեն յետս
 դարձցին փոլիցայքն . դադարեացին գրութիւնք մեր առ
 քեզ : Գրեցուք առ բեռնակիրս , առ աղքատս և առ այլ
 աշխատաւորս ազգին մայրաքաղաքիդ , եւ այլ և այլ քա-
 ղաքս . զի նոքա ծանուցեն քեզ զարժանն : Յետ այնորիկ
 դրեցին դարձեալ զչարիս զօրաց զոր գործեցին 'ի վանս ,
 սակս 6000 դահեկանի Դաֆարի Ս . Յարութեան , թէ որ-
 պէս յարձակեցան 'ի սենեակ թարգմանին և չգտեալ զնա
 անդ՝ ելին 'ի Խորհրդարանն , խորտակել զբուսն , զքարչել
 երկրորդ թարգմանին այսր և անդր սակս դարմանի երկ-
 վարաց , տապարաւ հարկանել զերկաթեայ դրուսս եկե-
 ղեցւոյ , զի աւարի սուցեն զայն , խոշտանդել զլուսարարն ,

ցրուիլ արեղաթաղն, մտանել 'ի սենեակ Ծերունի Ստեփաննոս վարդապետի, դանակոծել զգրադիր վարդապետն, հարկանել զգեանի զվերակացու վանաց և պահանջել 'ի նըմանէ քաղաքայ, և այսպէս զմանս արտակէին և զայլս նախատէին և հայհոյէին, և համարձակ շրջելով 'ի մէջ վանաց բաղխէին զգրուես սենեկաց լախտի և տապարաւ, և այն միայն վասն 6000 դահեկանի, զորմէ գրեցաք 'ի վերջոյ 'ի նեղ մտեալ Սորհրդականաց կողովոցն զմիաբանս, բայց ոչ դուժմարեցաւ այն 100 դահեկան և յուսահատեալ խնդրէին զմահ և ոչ գտանէին. զայս ամենայն դառն արտասուօք նկարագրեն 'ի նամակի իւրեանց առ Փոխանորդն, զի հնարս գտցէ աղատելոյ 'ի տառապանաց: Յետ ամենեցուն ետուն 31,000 դահեկան, և 30,000 եւս խոստացան փոխանակադրով հատուցանել 'ի կոստանդինուպոլիս. 40,000 սահմանեալ տարեկան տուրքն, 16,000 ձեռքէ քաղաք, 6000 Ս. Յարութեան Ղափարն: Ապա 'ի սաստկանալ այսպիսի տարօրինակ բռնութեանց և հարկապահանջ նեղութեանց և տիրելոյ անկարգութեանց սրբոտատեարց, մինչեւ գալ նստիլ 'ի դուռն եկեղեցւոյ Հրէից և այլազգեաց, և խօսիլ բանս անպատեհս զորս ոչ տանին լելիք, և պաշարել զգրուես սենեկաց Սորհրդականաց եւ այլոց, 'ի խնդրել զառնելիս և զտոկոսիս նոցին:

Ժողովեալ ընդհանուր միաբանաց մինչեւ ցդունապանն եւ ցաւեղածուն գրեցին զիր բաղմակնիք երկար բանիւք առ Պատրիարքունս, առ ազգապետս և առ ամենայն գըլխաւորս արհեստաւորաց 'ի կոստանդինուպոլիս, յորում յետ յայտ առնելոյ զազգի ազգի նեղութիւնս և զչարչարանս իւրեանց, արտասուախառն սպառնաւոր կողկողէին եւ աղաչէին հասանիլ յօգնութիւն, բառնալ 'ի թիկանց զլուծ ծանրութեան պարտուց, ազատիլ 'ի ձեռաց կեղեքիչ բռնաւորաց և 'ի նեղչաց, մանաւանդ 'ի ձեռաց նախիպ Օմար էֆէնտեայ, որ գլուխն էր ամենայն չարեաց. հնարիչ աղետից, բանսարկու և թելադրիչ ամենեցուն 'ի չարիս, և հաշտ ակամբ հայիլ 'ի սուրբ տունն, և մի թողուլ առնել կոխան ռոից օտար թշնամեաց. բաւական համարել զտառապանս զոր կրեցին և կրեն, և զմրուր դառնութեան զոր քամեցին. եւ այլ սոցին նման մորմաքիչ

բանք, զոր երկար լինի մի առ մի 'ի մէջ բերել աստ, (1827. 'ի 22 Յունիսի):

Սաստիկ կոտորած ժանտախտի 'ի Կարին և 'ի սահմանս նորա, մինչեւ 'ի միում աւուր մեռանիլ միայն յազգէ Հայց 60-70 անձանց, թող զայլակրօսս:

Կարապետ և Պօղոս Պատրիարքունք յանձնարարական գրովք իւրեանց սուրհանդակաւ առաքեցին յՅովնատոս զՅովհաննէս վարդապետ Զմիւռնացի սակս կարեւոր գործոյ, եւ նորա պատահեալ 'ի ճանապարհի ուխտաւորացն Հայոց 33 անձանց արգիլեալ 'ի տեղին Խնկոչեցեալ, եւ քահանայ մի բանտարկեալ 'ի Պուլտուր. եւ առեալ 'ի նոցանէ Դատաւորն և Հիւսէին Պէյ 1780 դահեկան տուգանս և արձակեալ, որպէս թէ ուխտաւորք 'ի ճանապարհի իջեւանեալ իցեն 'ի մզկիթն այլազգեաց, որ է աւերակ և կարաւանատեղի հասարակաց. Յովհաննէս վարդապետ արգել զսուրհանդակն ժամ մի և միսիթարեաց զնոռս, գրեաց զդէպսն պարագայիւք առ Զաքարիա վարդապետ, զի յետս պահանջեացեն զայն տուգանս զոր առեալ էին յանիրաւի. եւ ապա նաեւալ յԱտալիայէ եհաս յՅովնատոս ('ի 22 Սեպտեմբերի): Եւ զի խնդրեալ էին Պատրիարքունք յերեւելեաց տեղւոյն լինիլ ձեռնտու պարտուց Աթուոյն, որպէս պատուիրեալ էր նոցա Պօղոս եպիսկոպոս յառաջագոյն 'ի դնալն իւր անդ. այլ նոքա ասէին՝ յորժամ սկիզբն արացեն յԱմիրայից կոստանդինուպոլոյ, յայնժամ և մեք օգնեմք. այլ այժմ պատաղեալ է իւրաքանչիւր օք 'ի գործըս իւր, և այսպէս յետս կացին 'ի խոստմանց իւրեանց: Իսկ կիրակոս եպիսկոպոս միջնորդութեամբ բժշկապետ ծիվանիայ առ յանձնարարական գիր 'ի Մէհմէմէա Ալեայ փոխ արքայէն Յովնատոսի առ Դատաւորն երուսաղէմի. զի ըստ հրովարտակի Արքային և խնդրանաց ազգին տացէ Իլամ՝ բաժնիւ (թագախո) վճարելոյ զպարտս Աթուոյն, և Յովհաննէս վարդապետ սուեալ զգիրն դարձ արար անտի եւ եհաս յերուսաղէմ (յՅ Հոկտեմբերի). եւ մասոյց Սորհրդականաց զգիրս Պատրիարքաց. և նոցա ընթերցեալ միաբանութեամբ ուրախ եղեն յոյժ. զի սահմանեալ էին 'ի բաժինս վերածել զպարտոսն. եւ 'ի վաղիւն կոչեցին ըզԴպրապետ դատարանի և մատուցին նմա զգիրս Պատրի-

արքայ, և նորա ուրախութեամբ ընկալեալ ընթերցաւ զովեաց զհրովարտակն և զգրեանս Դատաւորին, խոստացեալ կատարումն տալ զործոյն, և մեկնեցաւ:

Եւ 'ի վաղիւ անդր՝ ըստ ազդարարելոյ նորին չոքան 'ի Դատարան և մատուցին զգրեանս Դատաւորին, և նորա ընթերցեալ համբուրեաց զհրովարտակն, և յանձն առ սիրով կատարել զհրաման Արքային, և զինի բանից մեկնեցան անտի: Յետոյ եկեալ Դարապետին 'ի վանս խնդրէր հաճել զկամս Դատաւորին, և Յովհաննէս վարդապետ ետ նմա 3000 դահեկան. և յորդորեաց զնա կատարել զգործն. զի Պատրիարքունք և ազգապետք 'ի քէն պահանջեն ասէր զայս գործ: Սակայն միտք Դատաւորին հայէր 100,000 դահեկանի, և սոքա ոչ կարէին տալ աւելի քան 40,000: Քաղաքապետն լուեալ զգալուստ Յովհաննու և զգնալ նորին 'ի դատարան, դժուարեցաւ, և կոչեալ զԹարգմանն յանդիմանէ զնա, և յետ երկուց աւուրց ըստ խնդրոյ նորին գնաց առ նա Յովհաննէս վարդապետ, և 'ի մեղադիր լինել նորա թէ ընդէ՞ր ոչ եկիր առ իս, զի ես եմ տէր երկրին, արար նմա պատասխանի, թէ ճարտարապետ Արքայի Գրիգոր Դաւթայ տարաւ զիս առ Եպարքոսն, և նորա տուեալ զիսկեալ գրեանս պատուիրեաց գնալ յերուսաղէմ և մատուցանել առ Դատաւորն, և առնուլ 'ի նմանէ զպատասխանն, և ինձ պարտ էր կատարել զհրամանն նորին, այլ 'ի կոչելը փոյթ եկի առ քեզ: Քաղաքապետն յայտ արար զգրելն իւր առ Բդեշխն զգալուտենէ նորին, եւ պատուիրեաց Դատաւորին չտալ Իլամ մինչեւ եկեսցէ պատասխան գրոյն: Յելս Հոկտեմբերի եհաս Ոստիկան ոք տանն արամիք 'ի Դամասկոսէ, պատուէր առ Դատաւորն չտալ Իլամ Հայոց մինչ ցգալուստ Բդեշխին, կամք Քաղաքապետին էր իջեւանել նոցա 'ի վտնս Հայոց, այլ արդել Դատաւորն: Եւ զինի աւուրց եկն եհաս Կուսակալն յերուսաղէմ ըստ սովորութեան ('ի Յ Դեկտեմբերի): Եւ յետ առնելոյ զառհմանեալ հարկս իւր, մատեան առ նա Յովհաննէս վարդապետ և այլք, և առաջի եդին նմա զգործ հրովարտակին վասն Իլամի և պարտուց, և ետուն նմա 25,000 դահեկան, եւ 2 Ժամացոյց 'ի ձեռն Արապկերցի Դուկաս աղայի յազգէ Հայոց, սեղանաւորի նորին, 2500 և մի մա-

տանի Բեահէայի նորին, մնացեալ 'ի Մինաս եպիսկոպոսէ այն ինչ հանգուցելոյ, 5500 վարձ Ոստիկանին եկելոյ: Բդեշխն պատուէր ետ առանձին չտալ Դատաւորին աւելի քան 40,000 դահեկանս: Եւ յետ այնորիկ արար ժողով մեծ Բդեշխն 'ի պալատի Քաղաքապետին, կոչեաց զՅովհաննէս վարդապետն եւ զայլս, եւ ետ ընթեռնուլ զհրովարտակն Արքայի 'ի լուր ամենեցուն, ապա եհարց, թէ ունի՞ք զայդչափ պարտս. նախ քան զպատասխանել Յովհաննու, յառաջեաց Դատաւորն և ասէ՝ պարտք սոցա հրուսեալ ասէ Դատաւորն, զպարտս եթէ ոչ որչեսցուք Իլամեալ ասէ Դատաւորն, զպարտս եթէ ոչ որչեսցուք Իլամեալ ասէ Դատաւորն, զպարտս եթէ ոչ կարեն համատուցանել. բարւոք է ասէ՝ արարէք Իլամ, և բազմականքն գրեացեն զիր բազմակնիք, և այրս այս ելեալ երթիցէ 'ի տեղի իւր, և ցրուեցաւ ժողովն ('ի 26 Դեկտեմբերի): Դարձ արարեալ Դատաւորին 'ի տեղի իւր, ձայն եհան 'ի քաղաքին 50,000 դահեկանի. Հայք ծածկարար ազգ արարին Բդեշխին, և խոստացան տալ նմա 15,000, և նա քանիցս ազգ արար նմա 'ի ձեռն հաւատարմին իւրոյ չնեղել զՀայս, զի Թաղաւորն զթացեալ 'ի թշուառ վիճակ սոցա, տուեալ է հրովարտակ, պարտ է և մեզ դթութեամբ վարիլ ընդ նոսա, զի հպատակ են Արքայի. և լուեալ նորա զայս՝ դիմեաց առ Բդեշխն, և անկեալ առաջի նորա պաշտի, թէ այր մի տառապեալ և աղքատ եմ ես, տունն իմ հրկիզեալ է, և յետ քառասնամեայ աշխատութեանս հազիւ հասեալ եմ յիշխանութիւնս յայս, խնայեալ յիս. և նա դարձեալ յորդորէր զնա ունին գնել բանից իւրոց, զի մի լուեալ Արքայի պատուհասեցէ զինքն: Եւ նորա մեկնեալ անտի արձակեաց զԴարապետն 'ի վանս Հայոց և պահանջէր զնոյն գումար, առաջի եդեալ զտասանորդս պարտուց, և նոքա արարին պատասխանի, եթէ դիմեսցին առ նա պարտատեարք առնել գատաստան, ունի իրաւունս տասանորդի, ապա թէ ոչ, միայն զծախս Իլամի կարէ խնդրել 'ի մէնջ:

Իբրեւ ծանուցին զայս Բդեշխին, զայրացաւ յոյժ, եւ գրեաց զիր հրամանի չնեղել պարտատեարք զՀայս, և կո-

չեալ առ ինքն զնոր Քաղաքապետն՝ պատուիրեաց նմա չը-
 շինել ունկնդիր բանից, որք մատուցանեն զպարտամուր-
 չակա, եւ ցՀայս ասէ, գրեցից ՚ի Դուռն թէ Դատաւորն
 յետ վճռոյ ժողովոյն ոչ կամեցաւ տալ զիւրան: Եւ յաւուր
 միում չոքան Կարապետ Եպիսկոպոս եւ Յովհաննէս վար-
 դապետ ՚ի տուն նախիպին, ուր էր Դատաւորն, զի միջնոր-
 դութեամբ նորին որդեցեան զնա տալ զիւրան, եւ սկիզբն
 արարեալ բանից, խօսէին. սրամտեալ նորա սկսաւ նախա-
 տել զնոսա անպատեհ բանիւք, եւ ընթացեալ արտաքս
 բոկոտն երթալ վակել զդատարանն, զի ոչ երկնչիմ ասէր
 ՚ի Բգեշխէն եւ ոչ ունկնդիր լինիմ բանից նորա: Սակայն
 այլազգիք որդեանօք դարձուցին զնա յետս, եւ վարդա-
 պետքն մեկնեցան անտի:

Եւ ՚ի սոյն աւուրս, մինչդեռ Բդեշխն յերուսաղէմ էր,
 եհաս անդ և Լիւսորացին Յակոբ, և մատուցեալ զիր ա-
 ղաչանաց խնդրէր ՚ի Հայոց զառնելիս իւր և զերկից ամաց
 տոկոսին նորին, և ապա յաւելոյր ասել, թէ անիրաւու-
 թեամբ խնդրեն դոքս զիւր վասն պարտուց իւրեանց,
 զի ՚ի վասն դոցա ձեռամբ իմով եղեալ և կնքեալ եմ զինչս
 աւելի քան զ10,000 քսակի, և զայլ բաջաղանս: Ետ կոչել
 Բդեշխն և զՅովհաննէս վարդապետ, կոչեաց և զՅակոբ,
 և իբրեւ եհարց թէ զինչ խնդրես, յայտարար թէ 50,000
 դահեկան զառնելիս իւր՝ առաջի եղեալ դրեանս 5, որք
 էին անդորրադիրք Պօղոս և Գարրիէլ Պատրիարքաց. զայն
 տեսեալ Յովհաննու կշտամբեաց զնա, թէ այս ատեան
 Վէզիրի է և ոչ խանութ փէրէզակի թոթափել զանպէտ
 թղթեանս, և ՚ի սաստել Բդեշխին՝ ժողովեալ զայնս եհան
 զմուրհակն բազմակնիք. և ՚ի բազմանալ բանից յերկուց
 կողմանց, եհան զնա Բդեշխն յատենէ իւրմէ՝ պատուիրեալ
 նմա սպասել ժամանակի բաժնի, և ապա ասէ ցՅովհաննէս
 վարդապետ, թէ Յոյնք վասն այսպիսեաց առին հրովար-
 տակ արքունուստ, եթէ ոք թողեալ զհայրենի կրօնս եւ
 յարեացի յայլ, ինքն գլխատի եւ ինչք նորա յարքունիս
 գրաւին:

Եւ յետ այնորիկ առեալ Բդեշխին ընդ իւր զՅովհան-
 նէս վարտապետ դարձ արար ՚ի Դամասկոս (յ31 Դեկտեմ-
 բերի): Զկնի մեկնելոյ Բդեշխին զհետ եղեն Խորհրդա-

կանք առնուլ զիւրան ՚ի Դատաւորէն, բայց նա յամաւեալ
 ՚ի բանս իւր ոչ զիջանէր ՚ի խնդիր նոցա, թեւակից ունե-
 լով ինքեան զնախիպն: Բդեշխն և Յովհաննէս վարդապետ
 ստիպէին ՚ի Դամասկոսէ առնուլ զայն զիր, զի հրովար-
 տակն ուղղեալ էր միայն առ Դատաւորն, և այլազգիք ՚ի
 մէջ մտեալ յորդորէին զԽորհրդականս շահել զմիտս Դա-
 տաւորին, զի եթէ ՚ի ծախուց միոյ Իւրմի այսքան խորչիք
 ասեն, զի՞ դորժէք յառնել պարտատեարց և բողոքել առ
 Դատաւորն, մանաւանդ զերժ մնայք ՚ի տոկոսից մինչեւ
 ցամս 8. իսկ եթէ ոչ անայք բանից մերոց, դրեմք ՚ի
 Դուռն և ծանուցանեմք թէ Հայք ոչ միայն չունին այդ-
 քան պարտս, այլ նա և մթերեալ դանձա ոսկոյ և արծա-
 թոյ և ականց պատուականաց ՚ի փակեալ Պատրիարքարանն.
 յայնժամ լինի յետինն չար քան զառաջինն: Ապա միջնոր-
 դութեամբ Դպրապետին հաճեցուցին զԴատաւորն՝ տալով
 նմա 27,500 դահեկան, և այլազգեաց 15,000, թող զՔա-
 ղաքապետն և զՆախիպն, և առին զիւրան, և յետ այնմ՝
 խորհրդով Դպրապետին գրեցին Հայք առ Դեմապետն մեծ
 ՚ի Կոստանդինուպօլիս, թէ չէր արժան Դատաւորին վասն
 միոյ թղթոյ առնուլ զայսքան դրամս յայսպիսի տարակու-
 սելի նեղութեան մերում. զայսոսիկ գրեանս առաքեցին
 ՚ի ձեռն միարանի ուրուք ՚ի Դամասկոս առ Յովհաննէս
 վարդապետ տանել ՚ի Կոստանդինուպօլիս:

Գ Լ Ո Ի Խ Ի Ը .

Ապրտամբութիւն Գիւղականաց Բեթղէհէմի: Գարրիէլ պատրիարք
 առաքի ՚ի Զմիւռին: Հրովարտակ վասն պարտուց: Պարտատեարք, նե-
 ղութիւն Խորհրդականաց, հասանիլ Պօղոս և Եպիսկոպոսի յերուսաղէմ:
 Այլազգիք բաղաբին: Ակիցն վճարման պարտուց:

Մ ԿՈՒՍՍԱԿՍԻՆ Դամասկոսի նախ քան զմեկնիլ իւր յե-
 բուսաղէմէ՝ սահմանեալ էր հարկս Բեթղէհէմ զիւրի 45
 քսակս արծաթոյ, եւ կոչեալ առ ինքն զՔաղաքապետն
 պատուիրեաց նմա առաջի գլխաւորաց վանօրէից, առնուլ

զգուճարն զայն 'ի գիւղականաց և չթողուլ պահանջել ինչ 'ի վանականաց, և գրեաց վասն այսր հրաման, և նորա կալեալ զարս 8 'ի քրիստոնէից և 'ի տաճկաց Բեթղէհէմի և եդ 'ի տուն նախիպին իբր 'ի պատանդ մինչեւ հատուցեն զհարկն: Իսկ նոքա զկնի տօնի Ծննդեան բունացան 'ի վերայ երկց վանաց որ անդ, և ստիպէին զնոսա հատուցանել զհարկն, և 'ի բացասել նոցա՝ լցան բազմութեամբ նախ 'ի վանս Լատինաց և խափանեցին զպաշտամունս և զպատարագս նոցա, նեղէին և չարչարէին. կամեցան միայն չիլ՝ այլ ոչ կարէին, զի փակեալ էին զճանապարհս, և չըբտեալ զայլ հնարս ետուն 13 քսակս և զերծան 'ի ձեռաց նոցա: Անտի խոժեցին 'ի վանս Յունաց, և կալեալ զերիս գիւղացի քահանայս արկին 'ի բանտ, զորս թողեալ էին միաբանք սակս պաշտաման եկեղեցւոյ եւ ինքեանք միախուցեալք: Եւ ապա եկեալ բազմութեամբ մտին 'ի վանս Հայոց, եւ կալեալ զՏեսուչն տագնապուս պահանջէին 'ի նոանէ զ13 քսակն, և նա խոստացաւ երթալ բերել զայն յերուսաղէմէ, և այնպէս զերծաւ 'ի ձեռաց նոցա: Իբրեւ տեսին թէ ոչ դարձաւ նա 'ի քաղաքէն և ոչ եկաց 'ի խոստման իւրում, կալան զԼուսարար Պետրոս վարդապետն և մատնեցին 'ի գանս և 'ի չարչարանս. խափանեցին զժամերգութիւն և զպատարագն, և ժողովեալ զամենայն միաբանս եդին 'ի միում սենեկի, և լուցին անդ հուր, զի շնչասպառ մեռցին 'ի ծխոյ անտի, եւ ինքեանք մտեալ յեկեղեցին կողոպտեցին զսպասս նորա, ապա խորտակեցին զգուռն սենեկի Տեսչին և զդարանս որ անդ՝ և յափըշտակեալ զոր միանգամ գտին անդ և ելեալ գնացին: Իբրեւ լուան զեղեալն Խորհրդականք յերուսաղէմ՝ չոքան պատմեցին Քաղաքապետին, եւ նա արար պատասխանի թէ արտաքոյ պարսպի քաղաքին չկարեմ իշխել, ձեզ պարտ է հոգալ զգործս ձեր. ապա խոստացան հատուցանել զ13 քսակն զկնի 40 աւուրց, եւ գրեալ ծանուցին զիրան Կուսակալին, թէ այնչափ համարձակութիւն գիւղականաց 'ի նախիպէն էր՝ որ միաբանեալ էր քնդ Քաղաքապետին:

Ի սոյն աւուրս յորդ անձրեաց քակեալ էր որմն պարտիզի իմիք, և 'ի շինելն զայն Հայոց առանց չաղախի, կա-

լեալ Քաղաքապետին զճարտարապետն և զորմնադիրս եդ 'ի բանտի, և առեալ 1500 դահեկան տուգանս 'ի Հայոց՝ արձակեաց զնոսա, որոյ վասն առաքեցին 'ի Դամասկոս զերկուս հրամանագիրս 'ի նորոգել, մին վասն Յորդանանու, և մյուսն վասն վերանորոգութեան, (1828. 'ի 1 Փետրովարի):

Ի հասանիլ թղթոց յերուսաղէմէ առ Յովհաննէս վարդապետ 'ի Դամասկոս, դարձ արար անտի 'ի Կոստանդինուպօլիս, և ըստ զօրութեան Իլամի Դատաւորին Երուսաղէմի տուաւ հրովարտակ 'ի Դրանէ վճարել բաժնիւ զպարտս Աթոռոյն 'ի միջոցի 8 ամաց. ապա խորհրդով գլխաւորաց աղբին առաքեցաւ Գաբրիէլ Պատրիարք 'ի Չմիւռին, ժողովել անդ եւ 'ի վիճակս նորա զկամաւոր տուրս աղբին 'ի նպատտ պարտուցն Երուսաղէմի, և նորա հասեալ անդ ձեռնադրեաց զՔահանայս 8 ('ի 20 Յունիսի), և յետ սակաւու սկիզբն արար գործոյն. անտի առաքեաց զվիսայնական Չաքարիա վարդապետի լինել Եպիսկոպոս, եւ Ծարագոյն կառավարչի Աթոռոյն Պողոս Եպիսկոպոսի երթալ յերուսաղէմ: Ապա գրեցին Կարապետ և Պողոս Պատրիարքունք յորդորական բանիւք առ ամենայն վիճակաւոր Առաջնորդս քաղաքաց, եւ առ նոյն ինքն Եփրեմ Կաթողիկոս էջմիածնի խրատել Աւետարանական և հոգեւոր բանիւք զժողովուրդս, եւ հաւտքել յիւրաքանչիւր անձնէ զերկուս և զերիս դահեկանս մինչեւ ցութն ամ, 'ի նպատտ վճարման պարտուց Աթոռոյն: Չնոյն գրեալ էին եւ առ Կարնոյ Առաջնորդ Կարապետ Եպիսկոպոսն, յորմէ ընկալան պատասխանի, թէ 'ի գիւղօրայս վիճակի նորին յամենայն տեղիս լցեալ էին Արքունի զօրք, և բընակիչք Կարնոյ քաղաքին առհասարակ թողեալ զամենայն գործս իւրեանց պարապեալ էին 'ի պաշտպանութիւն քաղաքին բրեւով խրամ 'ի չըջապատս նորս վասն պատերազմին Օսմանցւոց ընդդէմ Ռուսաց. սակայն խոստանայր 'ի գիւղող փամու հոսանել յօգնութիւն Աթոռոյն 'ի սէր Ս. Տեղեաց:

Իսկ յերուսաղէմ Խորհրդականք Աթոռոյն կային 'ի մեծի տառասպանս, զի Կուսակալն Դամասկոսի դրդեալ 'ի պարտատեւրց ստէպ ստէպ դրէր հրամանագիրս առ Քա-

ղաքապետն և առ մեծամեծս, և առաքէր Ոստիկանս, զի տացեն վճարել Հայոց զսլարտս բաժնիւ ըստ հրամանի Արքային և առցեն զտասանորդս, և եթէ ընդ դիմացին՝ գըրեացեն դէր բազմակնիք՝ զի առաքեացէ՝ ի Դուռն. իբրեւ ոչ առին յանձն Սորհրդականք և ոչ մատուցին ունին յորդորական բանին նոցին, առաքեցին զՈստիկանս հանդերձ զօրականօք ՚ի վասն, և նոցա եկեալ սկսան տալ աղբի աղբի նեղութիւնս և չարչարանս մտեալ ՚ի սենեակս միաբանաց, և իշխողք քաղաքին աննորդանօք և նախատանօք տանէին և բերէին զՍորհրդականս ՚ի դատարան, եւ լուեալ պարտատեարց խուռն բազմութեամբ զեղան լցան ՚ի գաւիթ եկեղեցւոյն, դոչունն և աղաղակ, արհամարհանք և բանք նախատանաց անասելի. տեսեալ Քաղաքապետին և Դատաւորին թէ այսու եւս չվաճարի ինչ, կազմեցին ժողով մեծ եւ կոչեցին անդ զՍորհրդականս, ընթերցան ՚ի լուր ամենեցուն զհրամանս Բդեշխին, և ասա սկսան բռնադատել զնոսա վասն պարտուց, և իբրեւ տեսին թէ չիք հնար՝ արտաքսեցին զնոսա յատենէ անտի, և գրեցին առ Բդեշխն զիր բազմակնիք, որպէս խնդրեալն էր. եւ հրեայք իսկ բերեալ էին հրովարտակ բաժնիւ պահանջել զառնելիս իւրեանց, Բայց սպասէին գալտեան նորոյ Դատաւորի, և այսպէս մնացեալ միարանաց ՚ի յետին տառապանս լային և կոծէին զանձինս իւրեանց, փախչել ոչ կարէին, զի պահէին զճանապարհս նոցա զաիւ և զգիշեր, այլ միայն թաղչիլ ՚ի սենեակս, և թարգման Մուրատ դողդոջուն շրթամբ կակաչէր զանհեղեղ սրտասխանիս իշխողաց, եւ վառէր զնոսա ՚ի բարկութիւն կացուցանել զինուորս ՚ի դուռն վանաց. Ասա ՚ի միում նուազի արիացեալ Սորհրդականաց չղքան ՚ի Դատարան և ՚ի ժողովի սյուղղեաց ետուն սրտասխանի, թէ չեն ինքեանք տեսք Աթոռոյն, այլ Պատրիարքունք և Աղբապետք, և թէ չունին դրամս ՚ի վճարումն սլարտուց, և նոքա ոչ առաքեցին ՚ի Կոստանդինուպօլսոյ, և ՚ի Տէրութենէ ոչ եկն կրկին հրաման վասն սյնըր, և ասա ծախեալ իբր 10,000 դահեկանս առին գիր ՚ի նոցանէ, և ինքեանք եւս գրեալ առաքեցին ՚ի թագաւորեալ քաղաքն, և այսպէս զերծան առ ժամս ՚ի ձեռաց նոցա, այլ ոչ էին յապահովի, զի իշխողք երկրին պահան-

ջէին հարկս Աէֆէր փոխէ անուամբ, եւ վասն տարեկան Էլիսահարկի ՚ի նեղ լծեալ էին զնոսա կարգեալ զՈստիկանս ՚ի դուռն վանաց:

Ի սին ժամանակի Լատին կղերաց գտեալ պատեհ առ իթ, մանաւանդ թէ դրդեալ յայլազգեաց իսկ, յարուցանէին խռովութիւնս ՚ի տաճարին Ս. Յարութեան, աւել ամելով ՚ի բաժին տեղիս Հայոց, եւ ՚ի միում նուազի ՚ի հարցանել նոցա Լուսարարին, թէ ընդէ՞ր աւելէք զսեփեհական տեղիս մեր, հարին զնա չարաչար և անկաւ իբրեւ մեռեալ, և բացեալ զդուռն հանին արտաքս (1828 ՚ի 21 Սեպտեմբերի): Քանզի Լատինք ոչ միայն ընդդիմանալին Հայոց, այլ նաեւ Յունաց, զի ջանային գրաւել ԲԴ Սուրբ Տեղիս:

Թէպէտ յառաջագոյն գրեալ էին առ միճակաւոր առաջնորդս փութով առաքել ՚ի Կոստանդինուպօլիս առ Չաքարիա վարդապետ զնպատաս զոր հաւաքէին ՚ի ժողովրդոց, այլ յետոյ անօրէնութեամբ ազգային ժողովոյ և գրով Կարապետ Պատրիարքի արժան համարեցին առաքել ՚ի քաղաքս քաղաքս զՅովհաննէս վարդապետ Զմիւռնացի, ժողովել և ընդունիլ ՚ի նոցանէ զհաւաքեալ նպատաս և զարդիւնս գանձանակաց և փութով հասուցանել առ Չաքարիա վարդապետ:

Իսկ Պօղոս եպիսկոպոս ծայրագոյն կառավարիչ Աթոռոյն՝ ինքնին անձամբ շրջեցաւ յամենայն եկեղեցիս Կոստանդինուպօլսոյ, խրատելով և յորդորելով զժողովուրդն հոգեշահ բանիւք եւ ընդունելով զկամաւոր նուէրս նոցին յազատութիւն Աթոռոյն, չնայելով զնեղութիւնս դառնալիշտ ժամանակին, և ասա ել ՚ի թագաւորեալ քաղաքէն վիշտ ժամանակին, և ասա ել ՚ի թագաւորեալ քաղաքէն (՚ի 19 Սեպտեմբերի) եւ եհաս յեղիպոտոս (՚ի 28 Հոկտեմբերի), ուր սիրայորդոր բանիւք շարժեաց զսիրտ ժողովրդոց ՚ի գութ սիրով եւ յօժարութեամբ նոցին ժողովեաց զորդորութիւնս եւ զկամաւոր նուէրս նոցին ՚ի փրովեաց զորդորութիւնս եւ զկամաւոր նուէրս նոցին ՚ի փրովեաց և այլ գումարս արդեանց, որ եղեւ 49,043 դահեկան, և մատոյց նմա նաեւ զերիս մատանիս և զմի տուփ ոսկի եւ զմի մուշտակ իբր 6000 դահեկանի տալ ՚ի տեղի սպարուց,

զի ոչ ունէր անձնական դրամ. դիտուեմ Պօղոսի էր առնել սմին նման ամենայն միաբանից, բայց նոքա յառաջագոյն մերկացեալ էին, բայց յոմանց: Մինչեւ ցայսօր ոմանք ստուծեամբ յերկրեն թէ Պօղոս բացեալ իցէ զսենեակս միաբանաց և դատարիկեալ զնոսա, և այս ասեն յաւէտ 'ի նպաստ ընչաքաղց ագահութեան և անխիղճ բռնաւորութեան իւրեանց. զի այրն հաւատարիմ երբէք չէ արարեալ զայդպիսի տարօրինակ գործս: Եւ զի կարի դժուարին երեւէր 'ի սմին ժամանակի ազատութիւն Աթոռոյն, զի յամենայն կողմանց հնչէին ձայն պատերազմաց, հարկապահանջութեանց, տառապանաց և նեղութեանց, և չլինէր յաջողութիւն գնալ ուխտաւորաց յերուսաղէմ: Պօղոս եպիսկոպոս մինչդէռ էր յեղիպոսս՝ կամեցաւ տանել ընդ իւր զնիրակոս եպիսկոպոս 'ի Ս. Աթոռն իբր օգնական ինքեան, այլ ժողովուրդ տեղւոյն ոչ թողին զայն, եւ նա մեկնեցաւ անտի իւրովքն հանդերձ ('ի 13 նոյեմբերի), և եհաս յերուսաղէմ (1828. յ3 Դեկտեմբերի) և ետես զի պաշարեալ էր բոց նեղութեան եւ տառապանաց, և առ տաղնապ սրտին և 'ի տաժանմանց երկար ճանապարհաց, անկաւ խօթ 'ի մահիւն. եկին առ նա Գլխաւորք քաղաքին և խնդրէին 'ի նմանէ ընծայս, կարծելով զնա Պատրիարք երուսաղէմի, և իբրեւ ծանեան թէ չէ՝ դարձուցին զբանս իւրեանց, թէ երբեմն լեալ է Պատրիարք 'ի Թագաւորեալ քաղաքի. ապա ասէ՝ չունիմ ինչ տալ ձեզ, եթէ վասն իմ են բանք ձեր, ելանեմ յերուսաղէմէ: Ապա առաքեաց զհրովարտակն ընդ կարապետ եպիսկոպոսի 'ի Դամասկոս առ կուսակալն՝ բերել անտի զիր հրամանի: Եւ նորա սիրով ընկալեալ զնա եցոյց գութ եւ խնամ, եւ գրեաց առ Քաղաքապետն և առ դատաւորն երուսաղէմի ըստ մտաց հրովարտակին (Պոյրո-լէ), և խոստացաւ լինիլ ձեռնտու 'ի գործս Աթոռոյն, եթէ դոցին հաւատարիմ 'ի բանս իւրեանց, զի կարի ատելի էր նմա ստախոսութիւն, այսինքն, զի մի յետս դարձցի փոխանագիր նորին 'ի կուտանդինուպօլոս, զի զհարկ տարւոյն այնորիկ սահմանեալ էին անդ վճարել, և սոքա թախանձանօք գրեցին առ Զաքարիա վարդապետ լինել արթուն և զգոյշ, եւ հայկազն Յովհաննէս. որ էր առ Բդեշխին 'ի Դամասկոս ձեռնտու

եղև յամենայնի 'ի գործս Աթոռոյն, եւ խոստացաւ եւս, և կարապետ եպիսկոպոս դարձաւ յերուսաղէմ գրով Բդեշխին, (1828. 'ի 26 Դեկտեմբերի):

Ի հասանիլ Պօղոսի՝ Սորհրդականք սիրով և հոգւով կապեցան ընդ նմա և վաստակէին 'ի գործն յառաջակայ. միաբանք զուարճացեալ թէ և յաղքատութեան եւ զուրկ 'ի մարմնաւոր մխիթարութենէ, այլ շնորհ մեծ համարէին լինել Պօղոսի հայր և տեսուչ ինքեանց, և ոմանք ինքնայօժար կամօք մատուցին առ նա զմուրհակս և զպահեստի դրամս, և բազում ինչ աղատեցին յեկեղեցական զարդուց: Սակայն Պօղոս և Սորհրդականք իւր կային 'ի տարակուսի, զի այլազգիք քաղաքին անդադար մաշէին զսեամս դրան, ինչդրեւով պարգեւս և աւայտս, թէ դու Պատրիարք ես. և իբրեւ հաւանեցոյց զնոսա թէ չէ՝ ապա ասեն թէ մեծ ոմն ես և համբաւուոր, չաղատիս 'ի ձեռաց մերոց, և նորա տաղտկացեալ յերեսաց նոցա, ետ պատրաստել զանկողին իւր 'ի Սորհրդարանի, և 'ի գալ առ նա ումեք բրնձութեամբ, ձեռանայր հիւանդ մինչև կարծել իւրոցն թէ արդարեւ հիւանդ է: ԶԳրիգոր և զԵրեմիա վարդապետս կարգեաց ժողովել տումարաւ զարծաթեղէնս յեկեղեցեաց 'ի հալեւ, ('ի 19 Դեկտեմբերի):

Եւ ինքն սկիզբն արար հատուցանել բաժնիւ զպարսս Աթոռոյն, բայց անտանելի նեղութեամբ. զի պարտատեարք իբրեւ զմեղու խուռն ամբոխիւ կուտեցան 'ի գլուխ նորա, ոմանք հաճեցան մտանել ընդ բաժնիւ և ոմանք ոչ առին յանձն, և դրամն զոր բերեալ էր ընդ իւր, առ ինչ այնքան պարտուց, որոյ վասն ձեռնարկ խորտակել զոսկեղէն և զարծաթեղէն անօթս եկեղեցւոյ, այլ այնոքիկ ևս չէին բաւական (1829. 'ի 10 Յունվարի): Առաքեաց յեղիպոսս զպղնձեղէնս և զայլ կարասիս վաճառել 'ի ձեռն կիրակոսի եպիսկոպոսի, յորոց գոյացան իբր 20,000 դահեկան:

Գ Լ Ո Ւ Խ Խ Թ .

Հրովարտակ զբան Բեթղեզէմի : Ինչոր Գարբէլ պարտաբրի : Եղև
Եպիսկոպոս : Կրտսեան Եպիսկոպոս . առաջին բաժին պարտուց : Սորս
դուժին հրովարտակին վասն Գերեզմանին Քրիստոսի : Պատարարել
Հայոց 'ի վերայ Գերեզմանին Քրիստոսի : Հեօճճէթ վասն հաւատար
բաժանորդութեան :

ԶԳՈՒՄԻՆ Բեթղեզէմի 'ի մէջ եկեղեցւոյն , զոր ետ
փակել Կուսակալն Դամասկոսի Սալէհ Փաշայ օրինօք Շէ-
րիի , եւ արգել զճանապարհն Լատինաց 'ի միջոյ եկե-
ղեցւոյն , եւ պատուիրեաց յայնժամ բերել հրովարտակ
յԱրքայէ վասն հաստատութեան գործոյն , որպէս գրեցաք :
Հայք մինչեւ ցայսվայր ոչ կարացին առնուլ զայն հրո-
վարտակ յԱրքայէ : 'ի փոփոխիլ Կուսակալաց Դամասկոսի
եւ Դատարաց Երուսաղէմի ամ յամէ՝ պարտաւորեալ էին
Հայք ծախիւք եւ աշխատութեամբ տալ նորոգել զհրա-
մանս նախորդաց նոցին , եւ Դատարօք Երուսաղէմի հապի-
ուրեմն հաճէին 5000 դահէկանաւ կնքել եւ հաստատել
զայն Հեօճճէթ , եւ երբեմն սակս ապահովեան իւրեանց ,
իբր 'ի շնորհս Լատինաց սպառնային բանալ զդուռն զայն ,
որով նեղէին եւ կեղեքէին զիրօնաւորս Հայոց :

Եւ վասն թաղման ննջեցելոց քրիստոնէից յիւրաքան-
չիւրէ առնուին 3 դահէկան , եւ 'ի բոլորիլ չրջանի տար-
ւոյն 5000 դահէկան : Եւ սակս արձանագրելոյ 'ի դատա-
րանի զհրովարտակս եւ զայլ հրամանս , սրահանջէին զվեճ
գումարս գրամոց , որ սահմանեալ էր տալ միայն 100 դա-
հէկան : Չարքարի վարդապետ սակս խափանելոյ զայսպիսի
անկարգութիւնս եւ զբռնութիւնս ժամանակին՝ էտ հրո-
վարտակ արքունուստ (Սալէի Շէրէթ) 1732 'ի 10 Զիլլատէ
ամսոյ , եւ առաքեաց զայն յերուսաղէմ , զի փակեալ մնացէ
դուռն Բեթղեզէմի , եւ բարձցին տարտապայման սրահանջք
Դատարարաց :

Գրեցին միաբանք Աթոռոյն առ հասարակ գիր բազ-
մակնիք առ Պատրիարքն եւ առ Եշխանաւորս աղբին 'ի Կոս-
տանդինուպօլիս , եւ աղաչանօք խնդրէին վերստին դար-

ճուցանել յԱթոռն զԳարբիէլ Պատրիարք 'ի մտիթարու-
թիւն ինքեանց եւ 'ի սփոյմանս ծերութեան նորին . զի
չէր արժան թողուլ զԱթոռն առանց Գահակալի եւ զմիա-
բանութիւնն առանց Գլխոյ , ('ի 13 Մայիսի) : Թէպէտ եւ
ինքն Պողոս Եպիսկոպոս ձեռնարկեալ եւ կնքեալ էր զայն
գիր , այլ յետոյ առանձին գրեաց առ Չարքարիս վարդա-
պետ , ուր ասէ՝ Թէպէտ ցանկաւք բարեկարգութեան Ա-
թոռոյն , այլ առանց Պատրիարքի ոչ յաջողի եւ ոչ հաստա-
տի , ուստի արժան է տալ նմա հրաման դառնալ յԱթոռն ,
որպէս գրեցին միաբանք , զի չէր արժան անհոգութեամբ
'ի բաց թողուլ զբարեկարգութիւն միաբանաց . եւ յուսայր
նա դիւրաւ ստանալ զայն 'ի գալստեան նորին , եթէ մը-
նայր անչարժ 'ի խոստմունս իւր , որպէս խոստացեալ էր
'ի Կոստանդինուպօլիս , մինչ էրն ընդ Պողոսի , եւ մի լիցի
զինի գալստեան իւրոյ ժխտել եւ վարիլ ներհակօքն , որոյ
վասն սարտ էր վերստին պատուիրել նմա Ամիրայից , զի
զամենայն գործս կառավարութեան Աթոռոյն համակամ
հաճութեամբ Խորհրդականաց վարել , եւ մի պատրիլ իրբեւ
զտղայ ըստ առաջնոյն 'ի փառասիրութեան կենցաղոյս . ապա
պատուիրէ ցուցանել ազգապետաց զայս գիր եւ զմիաբա-
նացն , եւ յանձն առնել 'ի կամս նոցա զանօրէնութիւնն
ըստ վայելչութեան յօգուտ Ա. Աթոռոյն : Ի վերայ այսր
խնդրոյ տնօրինեցին աղբայիւք , զի Գարբիէլ Եպիսկոպոս
Պատրիարքական շքով եւ Զմիւռնիոյ առաջնորդութեան իշ-
խանութեամբ նստիլ անդ ուրախութեամբ եւ հանգարտու-
թեամբ ժամանակ ինչ , եւ Յարութիւն վարդապետի տեղ-
ւոյն երթալ Առաջնորդ 'ի Պրուսայ եւ 'ի Կուտինայ , (1829 .
'ի 1 Յուլիսի) :

Կուսակալն Դամասկոսի Օսման Փաշայ ըստ Արքունի հրո-
վարտակին կալու 'ի Դամասկոս զձ կաթոլիկ քահանայս ,
Տ . Յովհաննէս , Տ . Յովսէփ 'ի Գաղատիոյ , Տ . Պետրոս
'ի Կարնոյ եւ Տ . Գարբիէլ 'ի Տիգրանակերտէ , եւ կապանօք
աքորեաց զնոսա 'ի Շամ Թարսպուլուս , եւ Յովհաննէս
վարդապետ առաջնորդ տեղւոյն կրեաց ստատ 'ի Բղերխէն
վասն անտեղեակ դուր զնոցանէ ('ի 13 Յունիսի) :

Իսկ Եղիա Եպիսկոպոս որ դեղերէր 'ի Կոստանդինու-
պօլիս խնամօք եւ պաշտպանութեամբ հսկեւոր հօր իւրոյ

Մարկոս եպիսկոպոսի, մեկնեալ անտի եհաս յԱտանա քաղաք Կիլիկիոյ ունելով ընդ իւր զպատճէն հրովարտակին զաֆարու, և ձեռնտուութեամբ իշխանաց քաղաքին և գրով ֆաղաքապետին տայ արձանագրել զայն ՚ի պատշաճաւոր տեղիս ծախիւք ժողովրդոց: Եւ անտի յղեաց զբեռինս իւր ՚ի Յոպպէ, գրեալ առ Խորհրդականս զնալ ՚ի Դամասկոս եւ անտի դառնալ յԵրուսաղէմ, զի ունէր խորհուրդ ինչ յայտնել նոցա, և անտի դիմեալ ՚ի Բերիա, աշխատ եղև վասն բարձման Ղաֆարի ուխտաւորաց ՚ի կողմանցն և էառ Իլամս 7, եւ ապա ժողովեալ զազգայինս տեղւոյն բանս արկ յականջս նոցա, որպէս թէ տնօրէնութեամբ ազգապետաց թագաւորեալ քաղաքին ՚ի վաճառ հանել զամենայն կալուածս Աթոռոյն որ անդ, զորմէ միաբանք Աթոռոյն եւ Պողոս եպիսկոպոս չունէին տեղեկութիւն, այլ միայն Ջաքարիա վարդապետ և Գլխաւորք ազգին, զոր և լուեալ յետոյ Պողոսի և Խորհրդականաց հաճեցան. սակայն տեսեալ զթշուառ վիճակս քաղաքացեաց յերեսաց ծանր հարկապահանջութեանց, յորմէ մեկնէին բազումք, եթող զայն խորհուրդ և գնաց ՚ի Դամասկոս և անտի յերուսաղէմ: Լուեալ զայս Կիրակոսի եւ Ջաքարիա զայրանային յոյժ, զի մին գրէր ՚ի գալստեան Եղիայի՝ պարտ է Պողոսի ելանել արտաքս, գրով անտեղեակ բարուց և բնաւորութեանց նորին, և միւսն գրէր առ Պողոս, «Արտասուօք աղբրսեմք չեւանել Աթոռոյն, այլ եթէ տկարութիւնն ստիպէ՝ զԿիրակոս եպիսկոպոսն բեր և նմա յանձնեա զկառավարութիւնն, զի օգնական լիցի. զնոյն գրեաց և առ Կիրակոս եպիսկոպոս երթալ յԱթոռն, իսկ եթէ սխալիս ասէ՝ վերստին բերել զԵղիա յԱթոռն, պատճառ լինիս կործանման նորին, իսկ եթէ վասն առնելեաց իւրոց խնդրէ գալ յԱթոռն, նախ առաքեսցէ զմուրհակոսն ՚ի նշան հաւատարմութեան իւրոց, եւ ինքն մնացցէ ժամանակս ինչ ՚ի Սիւս, որպէս խնդրէր երբեմն. ծերունի Մարկոս եպիսկոպոսն տակաւին հակառակութեան ոգւով նստեալ ՚ի վանս Իսսիկուտարու պաշտպանել կամի զիւրան»: Իսկ Կիրակոս եպիսկոպոս գեփամակ լինէր գնալ յԱթոռն, պատճառելով զտճանութիւն ժողովրդոց տեղւոյն, որպէս տեսեալ էր Պողոս եպիսկոպոս յառաջագոյն, և եթէ մեկնէր անտի ընդդէմ կամաց նոցին,

ընդունայն լինէր վաստակ և աշխատութիւն նորին վասն բարեկարգութեան տեղւոյն եւ կալուածոց Աթոռոյն, եւ չէր դիւրին ազատիլ ՚ի ձեռաց պարտատեարց, և զալուստ նորին չէր ինչ օգուտ Աթոռոյն, գիտելով զբորս հնազունից. զի եթէ Պողոս տկարանայր ՚ի նուաճել եւ ՚ի բարեկարգութիւն ածել զնոսա, և պատճառանօք ելանել խորհէր յԱթոռոյն, ուր մնայր նմա, որ ըստ ամենայնի արհամարեալ էր յաջս նոցա և վատթար քան զամենեսին ֆաղաքացի անուամբ, թող զի Եղիա եպիսկոպոս որ եկեալ էր յԱթոռն ըստ գրութեան Պողոսի, չի թողըր ումեք ձեռնամուխ լինել զործոց Աթոռոյն: Ուստի աղաչանօք թախանձէր զՋաքարիա մտերիմ իւր չխորհիլ զայսպիսիս և շատիպել գնալ յԱթոռն, եթէ իբրեւ հասարակ միաբան և անգործ ծերունի, յօժարութեամբ յանձն առնու երթալ յերուսաղէմ և լինել ՚ի կարգս աղօթաւորաց, ի վերջոյ առանձին թղթով աղաչէ զնա չթախանձել զինքն գործով իւրք գնալ յԱթոռն, և արկանել ՚ի ներքոյ անաանելի լծոյ, առաւել քան զկարողութիւն իւր, գուցէ զանհնազանդութեան անուն ծառանգեալ իսպառ ՚ի բաց կացցէ ՚ի միաբանութենէ, և այլ սոցին նման բանք: Այս ամենայն միտք եւ գրուածք ծանօթ էին Պողոսի, բայց սիրով ընկալաւ զԵղիա, զի հանդարտութեամբ վարէր, և կարգեաց զնա նուիրակ Զմիւռնիոյ վիճակին, եւ պատրաստէր ելանել ՚ի ճանապարհ. զի եթէ ասէ այսու եղանակաւ վարի Եղիա, բարի է, իսկ եթէ փոխեալ զբարս իւր մարտիւ վարեսցի, յայնժամ հարկ լինի հակառակօքն դիմադիր լինել նմա:

Ասացուք և վասն պարտուցն, թէ զինչ արար Պողոս եպիսկոպոս զինի գալստեան իւրոյ յԱթոռն. զառաջին բաժինս պարտուց վճարեաց Պողոս բազում նեղութեամբ և տառապանօք.

148,321 Դահեկան բաժնիւ (թագսիտ):

248,257 Առանց բաժնի զի բռնաւորք էին:

108,315 » Փոխանակագրով վճարեալ ՚ի Կոստանդինուպոլիս: 604,893 Այս է առաջին բաժինն՝ և վասն երկրորդին վարանէր միշտ Պողոս ՚ի միտս իւր, թէ ո՞րպիսի եղանակաւ ՚ի իլուխ տարցէ զայն. զի առ նուազն 600 քսակ արծաթոյ պէտս ունէր, և ինքն դատարկացեալ էր ՚ի դը-

րամոց, եւ ՚ի միւս կողմանէ տաղակացեալ և զզուեալ էր ՚ի բռնութենէ այլազգեաց, և կոչէր զերուսաղէմ ասաբէյզ ագահաց և զրիողաց, և կամք իւրաքանչիւրոց՝ օրէնք, և բռնութիւն զիրաւունս ոչ ճանաչէ, և թէ ուր բռնութիւն՝ անդ չիք արդարութիւն, զի չէր հանգիստ գտնէ ժամ մի ինքեան և կառավարչաց Աթոռոյն յերեսաց կեղեքչաց՝ ոչ ազաչանաց լսէին, ոչ աղքատութեան ողորմէին, չգիտէին զայլ ինչ, բայց միայն խնդրել զարդեւս որո՞ւմ չէր կէտ և սահման, զի զոր կամէին՝ զայն խնդրէին. եթէ ընդդէմանային՝ բանային դրուես մեծամեծ վնասուց յայտնի և ծածուկ՝ յորոց վերայ զարմանայր Պօղոս՝ զի ոչ գիտէր, բայց ետես և ուսաւ. երանի թէ ասէ՝ յառաջագոյն ուսանէի, զի թերեւս ոչ անկանէի յայս վիշտ անտանելի։ Եւ զի զինի ամսոյ ինչ պիտոյ էր նմա 258, 255 դահեկան միայն վասն երկրորդ բաժնի պարտուց, թող զայլս որք ոչ կամէին մտանել ընդ բաժնիւ, և ՚ի կոտանդ ինուպօլ սոյ չեղև ինչ օգնութիւն, որպէս խոստացեալն էին, եւ Յովնանէս վարդապետ ոչ ինչ առաքեաց յերուսաղէմ զոր ժողովեաց ՚ի վիճակաց. և ՚ի չքաւորութենէ յաճախէին փոխցայք ՚ի վերայ Փոխանորդին՝ յորոց բազմացան նեղութիւնք և տրտունչք յերկուց կողմանց, զի փոխանակ չահելոյ՝ առաջի կայր նոցա վնաս մեծ, նմին իրի ստիպէին զազգայինս գրել առ Առաջնորդս վիճակաց հասուցտնել դրամ. և Չաքարիա վարդապետի ժողովել ՚ի կոտանդ ինուպօլիս. զի եթէ ոչ կամէին տալ ազգայինք մէն մի դըրամ ՚ի անարին վասն պարտուց երուսաղէմի, զի՞նչ կարէին առնել որք բարձին զայն ծանր լուծ ՚ի թիկունս իւրեանց այսպիսի անօրինակ խռովեալ ժամանակի. զի աղաղակ և արտուճ Առաջնորդաց և ժողովրդոց առհասարակ զերկինս գրաւէին ՚ի դառնութենէ ժամանակին։ Այլ յուսացեալ ՚ի խնամս և ՚ի գթութիւնս հոգեսէր ժողովրդոցն Հայոց, առաքեցին յերուսաղէմէ վարդապետս ՚ի կողմանս Գաղատիոյ, Եղովկոյ և յայլ քաղաքս՝ և յաշխարհն կիլիկիոյ, գրեալ գիր աղաչանաց և յորդորանաց հօգալ վասն երկրորդ բաժնիս։ Սակայն ոմանք ՚ի պարտուց էին տեսակ ընդ տեսակի՝ որոց տուեալ շահն անցեալ էր քան զմայր զուժարն, եւ եթէ այնպիսեաց չիցէ փոխեալ մուրհակն՝

տուեալ շահն համարեսցի փոխան մայր դրամոց, իսկ եթէ տուեալ իցէ տուեալ շահն քան զմայր զուժարն՝ յետս դարձցի տուեալ շահն։ Վասն այսպիսեաց տուեալ էին վճիռ ՚ի Դենպետէն, և Իլամ ՚ի Գատաւորէն, և բնտ մտաց նոցին խնդրէին հանել հրովարտակ արքունուստ։

Փոխանորդ Աթոռոյն երուսաղէմի Չաքարիա վարդապետ ջանիւք և աշխատութեամբ Բիշմիլեան Մեծապատիւ եւ հոգեսէր Միլբայէլ Ամիրայի նորոգեաց զհրովարտակն վասն պատարագելոյ Հայոց ՚ի վերայ Գերեզմանին Քրիստոսի. զայս հրովարտակ առեալ էր Եղիազար Կաթողիկոս ՚ի ժամանակս իշխանութեան իւրոյ յերուսաղէմ՝ զորմէ գրեալ եմք յառաջագոյն։ Եւ առաքեաց փութանակի զօրինակս նորին յեղիպտոս առ Կիրակոս Եպիսկոպոս հասուցանել յերուսաղէմ ՚ի ցնծութիւն Պօղոսի և միարանաց, գրեալ թուղթ աղաչանաց և աւետեաց. զի մի ՚ի հակառակելոց օտար ազգաց և ՚ի ծանրութենէ պարտուց վիրաւորեսցի, և մի երբէք տրամիլ թէ չէր ժամանակ այսպիսի իրաց. ահա օր ընդունելի և ժամանակ փրկութեան, զի Աստուած է որ յաջողէ զամենայն յամենայնի, որում կըրկնեսցի ծունր գոհութեան և երկրպագութեան, որ արժանի արար զազգն այսպիսի երկնապարգեւ շնորհաց, մի երկընչիլ տարապարտ ահարկութեան և խորխտանաց հակառակորդաց, զի ՚ի զուր եւ ոչ ինչ են շնորհիւ մեծազօր Արքային և հաւատարիմ նախարարաց նորին, և ոչ կարեն կալ հակառակ մեղ. զի ժամ իսկ է քաջութեամբ պատահելոյ խոհեմութեամբ և բուսութեամբ զգործն կատարելոյ։

Գրեաց և Կիրակոս Եպիսկոպոս յեղիպտոսէ ընդ հրովարտակին բանս ուրախութեան և աւետեաց, որոյ սիրտն անսլատում ուրախութեամբ զուարճացեալ և բերկրեալ էր, և աղաչէր զՊօղոս չելանել յԱթոռոյն՝ առաջի եղեալ նորա զանրաւ վնասն և զանդարմանելի վտանքն և կորուսանելոյ զհամբաւ իւրս Իսկ Չաքարիա վարդապետ առեալ էր զայլ եւս երկուս հրովարտակս սակս այլոց կարեւոր իրաց, եւ զյանձնարարական գրեանս վասն ներկայ խնդրոյն ՚ի Քայմազամ Փաշայէ առ Կոնստակալն Դամասկոսի, առ Դատաւորն և Քաղաքապետն Երուսաղէմի. նոյնպէս և ՚ի մեծէ Դենպետէն և ՚ի Սեղանաւորէ նորին, և ՚ի Քեահեաց Պեյլէն

մասկոսէ, և կազմեցաւ ժողով մեծ 'ի դատարանն, ուր էին Բազաբապետն, Դատաւորն և ամենայն Գլխաւորք այլադ գեաց, հրաւիրեցան Յոյնք և Լատինք, գնացին և 'ի Հայոց Պօղոս, Մկրտիչ, Կարապետ և Եղիա եպիսկոպոսունք, Արարահամ եւ Յակոբ վարդապետք, թարգման Մուրատ, եւ Խանտամեան ոսկերիչ Մարգար, ընթերցան 'ի լուր ամենեցուն գհրովարտակն Արքայի, և գհրամանագիրս Բռեչխից Դամասկոսի և Աքքէի Ռազուսի և Ապրուլուհ Փաշայից, և Դատաւորն յայտ արար ամենեցուն զիմաստս զրոց, ապա խնդրեցին Հայք կարգաւորել զխնդիրն 'ի տեղուջ իւրում, և ելեալ անտի բազմութեամբ գնացին 'ի Տաճարն Ս. Յարութեան, և բազմեցան հանդիսիւ առաջի Դրան Գերեզմանին, և 'ի լինիլ բանից բաժանորդութեան՝ հակառակեցան բազմօք Յոյնք եւ Լատինք, բայց Դատաւորն պնդէր անթերի կատարել գհրաման Արքայի. Լատինք մատուցին հրովարտակ ինչ, զի նովաւ մաքառեսցին, բայց գտաւ 'ի նմա թէ Գերեզմանն և ոչ միոյ ազգի սեփական է, ապա սկսան Հայք կարգաւ գնել զամենայն սգաաս հաւասար Յունաց եւ Լատինաց, 2 զոյգ աշտանակ մեծ եւ միջակ 'ի Դուռն Գերեզմանին, և մի սլատկեր յորմն Հրեշտակի վիմն, և Գերեզմանն Քրիստոսի երեք բաժին եղև, որոց մի մասն Հայոց, մի պատկեր և վեց աշտանակ, և յաւելին կախել 7 Կանթեղս 'ի վերայ Գերեզմանին Քրիստոսի, որով եղև 13 հաւասար երկուց աղբաց, յատակս 'ի փոքր զըմբեթն, 'ի ճակատն եւ 'ի շրջապատս Գերեզմանին ամենայն պարագայիք զարդարել հաւասար Յունաց եւ Լատինաց կանթեղօք, աշտանակօք և այլ ամենայն զարդօք յաւուրս յատկացեալ տօնից. սահմանեցաւ մի շարաթ եւս Հայոց լուանալ եւ մաքրել զԳերեզմանն և զըջապատս նորին եւ տարածել պատաս, նոյնպէս եւ 'ի Պատնատեղին. 'ի մէջ գիշերի նախ պատարագել Յունաց ժամ 1¹/₂, և զինի նոցա անմիջապէս Հայք, եւ ապա յարշալուսին Լատինք. եւ 'ի ժամ պատարագին հարկանել կոչնակ, զնել Աթոռ տարածել սիւռոցս, և 'ի շրջանի տարւոյն յաւուրս հանդիսաւոր տօնից բանալ զԴուռն Տաճարին 3 անգամ ըստ նմանութեան երկուց աղբաց, եւ զայլ հանգամանս հաւասար ընկերութեան, տես 'ի Հէօճճէթն և 'ի հրովարտակն Ար-

քայի. Հայք խնդրեցին 'ի բանալ Դրան Տաճարին կանդնել 'ի Գերեզմանն Լուսարարին Հայոց, և եթէ ընդ Յունաց լինի, երկու Լուսարարք 'ի միասին կանդնեսցին, այլ Յոյնք ընդգէմ կացին այսմ, զի յատուկ հրովարտակ ունէին կանդնել Լուսարարի նոցա 'ի Գերեզմանն պահպան անուամբ՝ պահել զքարինս նորին, զի մի Լատինք դողացեալ փոխադրեսցեն զնոսս յեւրոպա, որոյ վասն զայս խնդիր թողին յետոյ, բայց լուեւեայն ետուն Իլամ զի եւ Լուսարարն Հայոց կանդնեսցի ըստ Լուսարարին Յունաց. բայց ոչ ել հրովարտակ վասն այնր, եւ յետ այնորիկ գրեաց Դատաւորն Հէօճճէթ, յոր ձեռնարկեալ կնքեցին ամենեքեան և Իլամ, եւ ետուն հրաման սրապարագելոյ Հայոց 'ի վերայ Գերեզմանին Քրիստոսի:

Ապա միաբանք Հայոց յետ կարգաւորելոյ զամենայն ինչ եւ զարդարելոյ զԳերեզմանն, գնացին բազմութեամբ ուխտաւորաց և քաղաքայի ժողովրդոց 'ի տաճարն Ս. Յարութեան, և յետ անարտելոյ պատարագին Յունաց, մատեան Հայք, զարդարեցին սգաասք զԳերեզմանն, և մեծահանգէս փառօք մատոյց զանմահ, եւ զիրկազործ պատարագն Ագրիանուպօլսեցի Պօղոս Արք Եպիսկոպոսն՝ ծայրագոյն կառավարիչ Ս. Սիմոնոյն (1829. յ 2 Սեպտեմբերի, երկու շարթի գիշեր, ժամ 7). յիշելով զննջեցեալ և ըզկենդանիս օրհնեալ ազգին Հայոց. եւ եղին յիշատակարան մշտնջենաւոր յանուն Բիշմիշեան Միքայէլ և Պէղճեան Յարութիւն Ամիրայից, որպէս խնդրեալ էր Չաքարիս վարդապետ, և եղև ուրախութիւն մեծ եւ անսպասելի ցնծութիւն Հայոց, օրհնեցին զմեծ բարերարն ազգին ըզՍուլթան Մահմուտ Աքքոյ և զկայսերապետն որդես նորին և զնախարարս և զիշխանաւորս ազգին, որք անխոջ Զանիւք և Ջերմեանդ սիրով հոգարարծու լեալ՝ աշխատեցան վասն այսպիսի երկնապարգեւ բարութեան՝ պայծառացնցեալ զանուն և զպատիւ ազգին առաջի աշխարհի:

Իսկ Պօղոս եպիսկոպոս աւեսալ զգրեմանս Դատաւորին առաքեաց 'ի կոստանդինուպօլիս առ Չաքարիս վարդապետ, ըստ արամադրութեան նոցին խնդրել հրովարտակ յԱրքայէ, և յայտ առնել զլիսաւորաց ազգին զուրախութիւնս եւ զցնծութիւնս իւրեանց, որ 'ի տարածամ

և յանակնունելի պահու մխիթարեալ էին զազգն եւ զինքեանս, և զգոհունակութիւնս բոլոր միաբանաց հանդերձ օրհնութեամբ :

Երբեմն Լատին կղերք ամբաստան եղեն 'ի կարեւոր տեղիս զազգէն Հայոց, որպէս գրեցաք . այլ 'ի սոյն ժամանակի չհանդարտեալ՝ առաքեցին զմն 'ի Կոստանդինուպօլիս, եւ նոյն ինքն Տեսուչ վանաց նոցին հանդերձեցաւ զնալ անդ : զի հնարս գտցեն խափանել զգործն Հայոց, որպէս հակառակութեամբ իւրեանց առ ի իմ եղեն բազմադիմի վնասուց 'ի զալտեան հրովարտակին, զի նախատինս զիցեն Հայոց արտաքսելով 'ի Գերեզմանէն . և իրբեւ տեսին թէ չեհաս հրովարտակն ըստ մտաց Իլամին և Հէօճէթին, որպէս գրեցաւ յաւուրս բաժանորդութեան, սկըսան զեզերիլ 'ի դրունս այլազգեաց և ստիպէին զԳրասպետ դատարանին առնուլ Իլամ 'ի Գատաւորէն հակառակ Հայոց, զի դիւրաւ վարեցեն զնոսա արտաքս 'ի Գերեզմանէն, նաեւ զՅոյնս . և Հայք զահի հարեալ վարանէին թէ պէտ նա բացասէր և ընդդիմանայր նոցա, բայց առանձին ազդ արարեալ Հայոց, բանայր զդրունս մեծամեծ ծախուց, որպէս արարեալ էին երբեմն վասն դրան Բեթղեհէմի . և կարի դժուարին էր 'ի նեղ ժամանակին յայնմիկ լցուցանել զսնզուսպ աղահուծիւնս նոցա, որոյ վասն Պօղոս Եպիսկոպոս և Խորհրդականք բազում անգամ թախանձանօք գրեցին փութացուցանել զհրովարտակն . զի դադարեցին Լատինք 'ի խլրտելոյ, և ինքեանք աղափեսացին 'ի ձեռաց զրկողաց, և շնորհ Արքայի լիցի հաստատուն և անկորուստ մշտնջենաւոր : Լուեալ զայսոսիկ բանս իշխանաւորաց ազգին՝ պատուիրէին համբերել և սիրով դընալ ընդ օտարս, եւ զգուշանալ 'ի կռուոյ, թէ եւ Հայք չէին այնքան կռուասէր, որքան խաղաղասէր և համբերող . բայց դատաստանն տարօրինակ ըստ տեղեաց . զի մեծամեծք այլազգեաց զհետ էին գտանել միայն կռուան ոտից իւրեանց, եւ 'ի փոքր կայծէ յարուցանէին հրդեհ մեծ, թափել զքրիստոնեայս 'ի դրամոց 'ի յազուրդ իւրեանց . և Հայք զիտելով զայս ամենայն 'ի սէր Ս . Տեղեաց և ազգին համբերութեամբ տանէին ամենայնի :



Ատելութիւն Լատինաց : Լաճար տուրքն : Պարոն Մուրատ և յիշատակիք նորին : Խնդիր Գողգոթայի : Աբսոյր Զաքարիա վարդապետի . Փոխանորդ Յովնանէս վարդապետ . Ազգային Ժողով 'ի Կոստանդինուպօլիս : Խնդիր հաշուոց Ս . Աթուոյն ելց և մտց :

ՔԱՆՁԻ Լատինք նախ քան զժամանել հրովարտակին վասն պատարագի Գերեզմանին Գրիստոսի՝ այնպիսի անարդուութեամբ վարէին ընդ միաբանս Հայոց, մինչ ասել յայտնապէս չունել նոցա տեղի ինչ 'ի Ս . Յարութիւն, և այնպիսի բանք առաւել զայրանային 'ի ժամ աւելածութեան . և յաւուր միում այնքան գան հարին զժամարար վարդապետն եւ Տաղչոյն զհերս գլխոյ և մօրուաց նորին՝ մինչեւ ասել բազմաց թէ մեռաւ, զոր լուեալ Պօղոսի լուեաց իսպառ, թէ պէտ Բաղաքապետն եւ այլազգի դռնապանք գրգռէին զնա լինիլ ամբաստան եւ մտանել 'ի դատ, այլ նա արար պատասխանի թէ՛ չիք խոտովութիւն 'ի միջի մերում, բազում անգամ պատահեալ է այսպիսի դէպք, որոց համբերեալ են Հայք, այժմ Լատինք դադարեալ են սակաւ ինչ այնպիսի եղեոնութեանց . զի փոյթ միաբանացն Հայոց էր պաշտպանութիւն իրաւանց և ժառանգութեան ազգին՝ եւ ոչ յախտակելոյ զայլոցն, զի թմրութիւն եւ տարտամութիւն միշտ զկորուստ գուշակեն . նմին իրի արտատուօք գրէր Պօղոս առ Զաքարիա, իբր 'ի կաթասյ եռանդեան, զի վիշան 'ի վեր քան զկար մարդոյ էր, և եթէ չլինէր օգնութիւն, ընդունայն էր ճիգն երկուց կողմանց, զի ստացան զանուն պարծանաց և յամենայն ուրեք հըռչակեցաւ, և ուրախ եղեն ընդ երկնածիր պարգեւս Տեսուն : Ուրեմն պարտ էր ջանալ վասն հրովարտակին, զի մի ուրախութիւնն 'ի սուգ դարձցի . չեղեւ ինչ այլոց վնաս՝ զի զոր ինչ ունէին, զնոյն ունին դարձեալ անթերի . զի՞նչ վնաս եթէ Հայք ևս կատարեցեն զպաշտամունս իւրեանց, որք այնքան զծախս և զծանրութիւնս բառնային : Տրտունջ հատան ազգայինք՝ իբր թէ միաբանք դիտմամբ յարուցանեն զվէճս, և թէ՛ խարդախութիւն և անհամաձայնութիւն

տիրեալ է 'ի միջի նոցա . լուեալ զայստսիկ Պօղոսի՝ բարիս մաղթէր այնպիսեաց զի ոչ գիտէին զոր խօսէին, և քաջալերական բանիւք յորդորէր զՊաքարիս վարդապետ ինիւ անցողոգոց . եւ չվշտանալ 'ի բանից և 'ի գործոց ոմանց, այլ առանալ զսիրտ արիութեան, և եւ մի լքանիլ՝ զի գիտեմք ասէ՝ թէ ո՞ւմ ծառայեմք և վասն ո՞չր ճգնիմք . զի եթէ յուսաբեկ լինել հարկ էր, կարգն իմ է ասէ . այստէս երբեմն նա քաջալերէր զսա սովալ ամենայն վշտաց, և երբեմն սա զնա, զի տանջանք և նեղութիւնք որ վասն Ս. Տեղեաց և Ս. Աթուոյն էր՝ փառս համարէին ինքեանց . Ասա բազմիցս յորդորէր զնա զսահմանեալ տուրս մարդաթուի վասն հատուցման երկրորդ բաժնի պարտուց, զոր կիսով չափ վճարեալ էր . զի մի 'ի ժամանակին պաշարեացի 'ի նեղութեանց և 'ի զղուանաց պարտատեարց . զի չունէր ակնկալութիւն յուսանքէ՝ եւ գոյք եկեղեցւոյ և վանաց սպառեալ էին, ուստի հարկ էր ծանուցանել գլխաւորաց ազգին .

'ի գիմել ուխտաւորաց յերուսաղէմ՝ 'ի ճանապարհի տեղիս տեղիս բռնաւորք ոմանք պահանջէին և գրեթէ բունի կորզէին 'ի նոցանէ զԼաֆար անուանեալ տուրս, յորոց հասանէր ուխտաւորաց բազմադիմի միշտ և զրկանք՝ թէ պէտ բազում անգամ հանեալ էին հրովարտակ 'ի բառնալ զայսպիսի բռնապահանջ հարկս, այլ նոքա 'ի բազում տեղիս ոչ անսային հրամանին, որոյ վասն Պօղոս և Ջաքարիա բազում աշխատութեամբ հանին հրովարտակ արքունուստ և առաքեալ յամենայն քաղաքս և 'ի պատշաճաւոր տեղիս՝ ետուն զայն արձանագրել առեալ Իլամ 'ի Դատաւորաց, որով խալաւ բարձաւ Ղաֆար կոչեցեալ աւուրքն 'ի գիւրութիւն ուխտաւորաց, Բարձին նաեւ զ5000 դահեկան տուրքն զոր պահանջէին Դատաւորք Երուսաղէմի՝ 'ի լրման ժամանակի իւրեանց՝ իբր ծախս ճանապարհի իջանել 'ի Յոպպէ . Սովորութիւն էր Կուսակալին Դամասկոսի 'ի գաւտեան նորին յերուսաղէմ, և գլխաւոր այլազեկաց Երուսաղէմի առնուլ իւրաքանչիւր ամի 'ի վանօրէից ըզժանրագին ճրարս ազանելեաց, որպիսիք էին՝ մուշտակ, հանդերձեղէն, կոշիկ, մինչեւ ուել և զրդալ և զայլ կարասիս . և զայստսիկ վանականք տային բերել ամ յամէ

'ի Կոտանդիմուպօլոնոյ՝ և բաժանել նոցա . զի եթէ արատ ինչ տեսանէին 'ի նոցա, դարձուցանէին յնոս և խնդրէին զկրկնապատի գին նոցին . իսկ յորժամ փակեցան ծովային ճանապարհք յերեսաց սրտերազմաց և խռովութեանց ժամանակին՝ և դադարեցան նաք ուխտաւորաց, փոխանակ ընծայից առնուին դրամս, և 'ի բանալ ճանապարհաց վերստին դարձան յառնջին սովորութիւնս, և Պօղոս արգել զայս հրամանաւ Արքային, և ժամանակ ինչ 'ի տեղի ընծայից որ խափանեալ էր՝ ետ դրամս, և ապա տակաւ առ սակաւ նուազեցաւ և այն, այլ ոչ խալաւ բարձեալ անհեռ եղև .

Յաւուրց անտի Պատրիարքութեան Թէոդորոսի երեւելի հանդիսանայր յարարեութեամբ իւրով ընդ վանականս Զմիւռնացի Պ. Մուրատ Յարութիւնեան 'ի բնակչաց քաղաքին Երուսաղէմի . իսկ յետ մահուան Թէոդորոսի առաւել մտերմանայ ընդ Խորհրդականս Արքայ Աթուոյն և 'ի հարկաւորեալ դէպս իւրովք խորհրդովք ձեռնառ և օգնական լինի յամենայն կարեւոր գործս վանաց . մանաւանդ չնորհիւ հայրենակցին իւրոյ Պօղոս Պէյի եուստֆեան՝ հասանելով 'ի պաշտօն Հիւպատոսութեան Սարտինեայ և Նարտիթանի՝ և եւս ճոխացաւ ազդեցութեամբ և պատուով .

Պօղոս Պատրիարք Աբրիանուպօլսեցի, ըստ բնատուր չնորհաց իւրոց՝ գիտաց զբարեպաշտ ազգասիրութիւն Պ. Մուրատայ յօգուտ Ս. Աթուոյն 'ի կիր առնուլ և 'ի կենդանութեանն յաւերժական յիշատակօք և կտակաւ պանծալիս կացուցանել զանուն նորին . Այստքիկ են կրտակաւ աւանդեալքն 'ի Պ. Մուրատայ Սուրբ Աթուոյն, 1^o.—Տուն մի 'ի շրջապատս փոքրիկ գետնով, 'ի գիւղն Բեթղէհէմի . 2^o.—Մեծ պարտէզ մի արտաքոյ քաղաքին Յոպպէի դեղեցկակերտ տամբք, ջրհարովք, անկովք և ընդարձակ գետնով (՝) . 3^o.—Արտաքոյ քաղաքին Յոպպէի գերեզմանատունն Հայոց, նոյնպէս ընդարձակ պարտիզեաւ

(՝) Այս պարտէզ սակա արդիւնաւորեցոյ Զմիւռնացի Ս. Յովնանուն Պատրիարք Իսթրիպօ օրինօք փոխանակեաց Երուսաղէմ տանց և կրտակաց .

և ծառայողները . և՞ . Եւս մի տուն 'ի քաղաքին Յոսպէի , որ ցարդ քրակէ րան կոչի յօտարաց :

Իսկ աստուածասէր և բարեպաշտուհի համեստ տիկին նորին Հեղինէ , դուստր Պոտուսեան Գեորգեայ , ոչ ինչ ընդհատ երեւեցաւ յառաքինական շաւիղս բարեգործ լծակցին իւրոյ 'ի կենդանութեան իւրում , տալով շինել մշտնջենաւոր յիշատակ հոգւոց իւրեանց եւ նախնեացն 'ի տոճարն Ս . Յակոբայ մեծի Առաքելոյն , մարդարտայեա և դոճարազարդ . Եպիսկոպոսական պատուական թագն եւ վական , և մեծագին խաչն ձեռաց , և զայլ ձեռագործ աշխատութիւնս , սյլովքն հանդերձ , որոց յիշատակքն և կտակք միշտ և հանապազ օրհնութեամբ եղիցին :

Ի մին ժամանակի Քաղաքապետն կալաւ զերկուս Յէլլահն 'ի գեղջէ Ղազարոսի պատճառաւ իւրից և եդ 'ի բանտի , և 'ի գիշերին յայնմիկ գիւղականք նոցին քակեցին զորմն եկեղեցւոյն գերեզմանի Ս . Աստուածածնի 'ի ձորն Գեթսեմանի , և հանին անտի քարինս աւելի քան զ20 և խախտեցին 'ի տեղւոջն զդուռն երկաթի , այլ ոչ մտին 'ի ներքս , և այնպէս մեկնեցան անտի . և ընդ առաւօտն եղև քննութիւն , և Քաղաքապետն խոստանայր տալ շինել զոր քակեցին Յէլլահն , այլ յայտ է թէ քանի ծանրանալ ունէր նա վանօրէից . նմին իրի տաղտկացեալ Պօղոսի յերեսաց այսպիսեաց ասէր՝ թէ ոչ է արժան կալ մնալ անդ՝ ուր իշխողք ոչ կարեն 'ի գործ դնել զօրինաւոր իշխանութիւնս իւրեանց : Իսկ Փոխանորդ Չաքարիա վարդապետ զհետ պնդեալ էր որտի մտօք լինիլ բաժանորդ ընդ Յունաց 'ի Գողգոթայ 'ի տեղի Խաչելութեան Փրկչին , որոյ վասն խնդրէր յերուսաղէմէ զբաշնագիրն Սալահատտինի , զի 'ի ժամանակս նորին 'ի ձեռս Հայոց էր սրբավայրն այն . թէպէտ Պօղոս Եպիսկոպոս եցոյց նմա դիւրին ճանապարհ առանց այնր կատարել ըզգործն , զի Արքայն Մահմուտ ՎՃԿԹ ունին հրովարտակաւ բաժանորդութեամբ վայելել սահմանեալ էր զՍ . Տեղիս , այլ Չաքարիա յեցեալ 'ի բանս դաշնագրոյն՝ մատոյց գիր աղաչանաց առ Արքայ , և խնդրեաց տալ հրովարտակ հաւասար բաժանորդութեան Գողգոթայի տեղւոյն ընդ Յունաց , և 'ի պատճառէ իմեքէ բարկացեալ Արքայի հրամայ-

եաց տարադրել զՉաքարիա 'ի Կիպրոս կղզին յաքսորս :

Յովհաննէս վարդապետ Զմիւռնացի , որ շրջէր 'ի կողմանս Եալովայի սակս ժողովելոյ զսահմանեալ ողորմութիւնս ազգին , ետուն բերել զնա Իշխանաւորք և եդին 'ի տեղի Չաքարիա վարդապետի իր Փոխանորդ , և նա մեկնեցաւ 'ի Թաղաւորեալ քաղաքէ 'ի սահմանեալ տեղի (1830 . յ3 Մարտի) : Առաքեաց Պօղոս Եպիսկոպոս զՅակոբ վարդապետ Զանկրցի 'ի Շամ Թարապուլուս՝ որոնել անդ զձիթենիս Ս . Աթոռոյն , որ և նա էաւ տեղեկութիւն 'ի Լիւսիբացի Յակոբայ , և գիր յանձնարարական , այլ չհանցաւ ինչ՝ զի ախրեալ էին օտարք այնց ձիթենեաց , եւ տեղիքն անյայտ և կորուսեալ :

Մինչ բացան ճանապարհք ուխտաւորաց և ամ ըստ ամէ յաւելոյր թիւ նոցա , կարապետ Պատրիարք և Ամիրայք ժողովեցան 'ի Պատրիարքարանի ('ի 10 Հոկտեմբերի) , ուր գինի բազում բանից և վիճմանց 'ի վերայ ել և մտից Աթոռոյն՝ սահմանեցին 'ի ժողովի անդ գրել և խնդրել 'ի Պօղոս Արք Եպիսկոպոսէ զի փութացուցէ զսուսմար արդեանց եւ ծախուց Աթոռոյն ըստ ամենայն մասանց որոշ որոշ , զարդիւնս Ս . Յակոբայ , Ս . Յարութեան , արտաքին վանօրէից , Կոնդակադրամ , Նուիրակաց՝ 'ի վիճակս ժողովեալ ողորմութեանց սակս պարտուց , և ըզգիրնս 'ի գանձարանէ Աթոռոյն վաճառեալ իրաց , այլովքն հանդերձ , մի առ մի օրինակել 'ի մայր տումարէ . նոյնպէս և զծախուցն , որ ինչ տուեալ են Բդեշխին , Քաղաքապետին , Դատաւորին և այլոց , և որքան բաժնիւ պարտս վճարեալ են , և զայլ արտաքին և զներքին ծախս Աթոռոյն . զայս ամենայն գրել և հաստատել կնքով Պօղոս Եպիսկոպոսի և Խորհրդականաց , և առաքել 'ի ձեռն խոհեմ եւ հաւատարիմ վարդապետի ումմն , զի կարող լիցի տալ պատասխանի հարցմանց նոցին , և լուծանել զտարակուսելի խնդիրս , ըստ այսմ առնել և յիւրաքանչիւր տարիս զինի Զատիկին : Զի եթէ ազգին է ասեն Աթոռն և նոքա բառնան զճանրութիւն հոգոց նորին , արժան է գիտել զարդիւնս և զծախս և զայլ ամենայն պարագայս նորին , որոշեցաւ նաեւ 'ի ժողովի անդ պատուիրել զի այլ ևս մի առաքեսցեն Նուիրակունս յարտաքին գաւառս ,

մինչեւ տնօրինեացեն զարժանն եւ ծանուցեն ինքեանց, զի հանգիցեն ժողովուրդք սակաւ ինչ. յայս գիր ձեռնարկեալ կնքեցին նա ինքն Կարապետ Պատրիարք և 15 գրէխաւոր Ամիրայք, (1830. յ30 Հոկտեմբերի):

Գ Լ Ո Ւ Խ Ծ Ա .

Այս գրի զանազանք Ս. Յարութեան : Կալուածք փնօրեկց : Ասելութիւն Յունաց 'ի Բեթղէմ : Զարթոյս փորձուցեալ փոխաւոր յԵրուսաղէմ : Ուղեւորիկ նորին յԵրուսաղէմ : Բանախ երկաթեայ գրան Բեթղէմի : Երեսուցի Վերնատան : Արժարան : Տարան : Երկրաշարժ : այլոցն հանգեր :

Այս գրի զանազանք Տաճարին Ս. Յարութեան զվի փեղկն արտաքին դրան միայն բանային. զայս սահման եղեալ էր նա ինքն Սալահատտին 'ի նախադիմա Քրիստոնէից 'ի տիրել նորին Երուսաղէմի, որպէս ասեն 'ի ժամանակս ուխտաւորաց և յաւուրս հանդիսի Տօնից չմնային ժողովուրդք զերծ 'ի վտանգէ յեւանելն եւ 'ի մտանելն անդ՝ մանուսեղ կանայք և մանկունք, որոյ վասն Հայք եւ Յոյք ետուն գրել 'ի ձեռն Դատաւորի քաղաքին 'ի Գուսն, զի հրամանաւ Արքայի բացցեն երկու փեղկ դրան 'ի կարեւոր ժամանակս (1831) : Սակայն ոչ ժամանեաց այն հրաման : մինչեւ տիրեաց Պաղեստինոյ Փոխ Արքայն Եգիպտոսի Մէհէմէտ Ալի, և որդի նորա Իպրահիմ Փաշա ետ բանալ զայն : Սուլթան Մէլիմ աւաջին 'ի տիրելն Երուսաղէմի սահմանեալ էր, զի իւրաքանչիւր ուխտաւոր 'ի մտանելն 'ի Ս. Յարութեան տացէ մի փարայ այլադգի զանազանաց : խի ոմանք Արքունի գործակալաց հնարիւք հանեալ հրովարտակ յախշապեցին զպաշտօն զանազանութեան, և պահանջին աւելի քան զսահմանալն, եւ բռնացեալ 'ի վերայ վանօրեից՝ խնդրէին զպէս պէս պարգեւս, և բարձաւ այս 1078, 'ի 10 Մուհարրէմի հրովարտակու : Եւ յետ այսորիկ ընկալան զպաշտօն զանազանութեան վերատեսուչք կալուածոց Խասեքի Սուլթանի՝ և այլադգի գիտնականք որք ընթեւնուին զվարանն 'ի

մղկիթն Օմարայ վասն հորոյ Սուլթանին, և թողակս աւնուին յարդեանց զանապանութեան տաճարին : Սորա եւս եղծին զառաջին սահմանն, զի յիւրաքանչիւր յամիս խնդրէին 30 դահեկան, եւ 'ի տարեգլուխն գումար ինչ զին զգեատու և չուխայի, և յոչ տալն ոչ բանային ըզդուսն եւ տային Քրիստոնէից զպէս պէս նեղութիւնս : և այս եւս բարձաւ 1100 'ի Վէպիլէ վիլլէ հրովարտակու : Եւ 'ի սոյն աւուրս վերատին մուացեալ այլադգեաց զայն ամենայն, սկսան բռնանալ 'ի վերայ քրիստոնէից, եւ յաւուրս հանդիսից եկեալ բազմութեամբ նստին 'ի դուսն, եւ բաց 'ի սահմանեալ թողակաց պահանջին մեղրամոսն, և 'ի տօնի Զատիկին զմեծամեծ ընծայս եւ զայլ իրս, և այսպէս պատճառանօք ծանրանային 'ի վերայ քրիստոնէից, և 'ի ծանուցանել Թորհրդականաց գրէխաւորաց աղքին յաւուրս Ստեփաննոս Պատրիարքի՝ նորոգեցաւ հրովարտակն եւ բարձան անկարգութիւնք այլադգեաց սակաւ ինչ, 1178 :

Սուլթան Մահմուտ Արքայ խնդրեաց զտուճարս կալուածոց (վազֆ) ամենայն քրիստոնէից, ընդ որս և Հայոց և Երուսաղէմի, զի գործողութիւնք և դարձուածք նոցին լիցին 'ի ձեռն վերատեսչի կալուածոց Տէրութեան (Էվզաֆ նազրի), այլ 'ի խնդրանաց Պէղճեան Յարութիւն Ամիրայի և այլ գլխաւորաց աղքին վերատին չնորհեաց զայն Արքայ, այնու պայմանաւ զի 'ի տարուջ միանգամ քննեցին տուճարք կալուածոց 'ի Գուսն 'ի ձեռն վերատեսչին՝ այսպէս զերծան 'ի վտանգէ կալուածք եկեղեցեաց և վանօրեից, ընդ որս Հայոց և Երուսաղէմի (1832) 'ի 12 Փետրվարի : Տուաւ հրովարտակ արքունուստ ըստ մտաց Հէճճէթին և Իլամի Դատաւորին վասն հաւասար բաժանորդութեան և պատարագելոյ Հայոց 'ի վերայ Գերեզմանին Քրիստոսի 1170 'ի 10 Վէպիլէ վիլլէ ամսոյ, որով հանդարտեցան միտք Թորհրդականաց և միաբանաց, և բարձաւ իսպառ կազ և կոխ 'ի Տաճարէ անտի :

Այլ յեկեղեցին Բեթղէմի անպակաս էր ընդ Յունաց խառութիւնն և վէճն. զի 'ի ժամանակին յայնմիկ միաբանք Հայոց թէպէտեւ կրեցին զբազմադիմի չարչարանս և զնեղութիւնս 'ի նեղութիւնէ Դատաւորաց՝ զորոց եր-

կար գրեցաք, այլ իղձ ուրախութեան ոչ ևս ճանաչել նոցա բովանդակապէս զբարս Յունաց, և ոչ կարացին լի ու լի յագեցուցանել զագահութիւնս զրկողաց- զի Գառաւորք և աւագանիք քաղաքին յաւետ 'ի գանձս Յունաց հայելին քան յիրաւունս ազգի և հրամանի Արքային. նմին իրի յօրէ յայնմանէ ոչ պահեցան օրէնք և կարգ բաժանորդութեան, այլ անվերջանալի վէճ և խռովութիւն, որ տեւեաց և տեւէ ցարդ, զի այնքան բունացան Յոյնք 'ի վերայ Հայոց մինչեւ չթողուլ կախել վարագոյր 'ի խորանրս, և առնել զայլ կարեւոր իրս 'ի բաժնի իւրեանց, եւ չթողուլ բանալ զպատուհանս և աւել ածել, և 'ի սմին ամի գանեցին զլուսարարն Հայոց 'ի մաքրելն զեկեղեցին ըստ սովորութեան. ազգ արարին նոցա չլինիլ առիթ խռովութեան եւ վնասու, զի չէր աւելածութիւնն նորասահման ինչ. այլ նոքա մերժեցին թէ չլիք ձեր սովորութիւն աւել ածելոյ անդ. Հայք ծանուցին զիրսն Գարապետի դատարանի' և նա ծանոյց նոցա զիրաւունս բաժանորդութեան, այլ նոքա ոչ երբէք զիջան 'ի բանս նորա և ոչ կամէին զմաքրելն Հայոց զտեղին պայն, և սպառնալին գրել 'ի Կոստանդինուպոլիս:

Գարձեալ անտի Գարապետին քաջալերէր զՀայս աւել ածել և սրբել և առնել զամենայն ինչ որպէս եւ նոքա ըստ իրաւանց բաժանորդութեան. թէ պէտ կամէին Հայք իսպառ բառնալ զհետս խռովութեան օրինօք դատարանի, և 'ի լրումն ածել զթերի մնացեալն, սակայն բազում ծախուց և աշխատութեանց պէտս ունէր, վասն որոյ ծանուցին Աղգապետաց 'ի Կոստանդինուպոլիս վերատին առնուլ հրովարտակ վասն եկեղեցւոյն Բեթղեհէմի, զի ազատեցին 'ի բունութենէ Յունաց. և այս լինի յաւետ յորժամ իւրաքանչիւր դրանց լիցի զոյգ բանալի' մին Հայոց և մին Յունաց, և յեկեղեցին և յԱյրին հաւատար նոցա ունիլ կանթեզս, պատկերս և զայլ ամենայն զարդս, զի յայտնի լիցի թէ բաժանորդ են Հայք 'ի նոյն տեղօջ, ապա թէ ոչ յախտեանս տեւէ խռովութիւնն: Խնդրեցին հրովարտակ արքունուստ վասն նորոգութեան Ս. Յակոբայ, Ծննդեան և այլ վանօրէից. զի չէր հնար առանց հրամանի դնել քար 'ի վերայ քարի. մանաւանդ վասն չի-

ներլց և նորոգելոյ զբաժին տեղիս 'ի տաճարին Ս. Յարութեան, զի որպէս Տէրութիւնն յայնժամ Յունաց շնորհեաց զհրաման նորոգութեան, գուցէ և այժմ շնորհեացէ Հայոց ջանիւք Աղգապետաց, զի կարի նեղեալ էին 'ի բունութենէ Յունաց, առաւել 'ի տուգանաց, զի անմարթ էր բեւեռինչ հարկանել 'ի տեղի ուրեք. որպէս խորտակեցին ըզմարմարին քարն զոր եղին 'ի տեղի Ութաթախմանս Սուրբ Ատուածածնի 'ի յիշատակ 36 անձանց ծովամոյն եղելոց, (1832. 'ի 23 Օգոստոսի): Ի պրահիմ Փաշա որդի Մեհէմէտ Ալեայ Փոխարքային եգիպտոսի պաշարեաց զքաղաքն Աքքէ և ետ պատերազմ ընդ Ապաուլահ Փաշայի, և առեալ զքաղաքն եհաս մինչեւ 'ի կողմանս Կուտինայի:

Իսկ Զաքարիա վարդապետ եկեալ յԵրուսաղէմ կարգեցաւ Փոխանորդ Աթոռոյն:

Գարրիէլ Պատրիարք Երուսաղէմի որ նստէր տակաւին 'ի Զմիւռին քաղաք, գրեաց առանձին 'ի Կոստանդինուպոլիս առ Յարութիւն Ամիրայ Պէղճեան, խնդրելով 'ի նմանէ դարձուցանել զինքն յԵրուսաղէմ յԱթոռն, այլ նա խորհրդաբար արար նմա պատասխանի թէ՛ տնօրէնութիւն այդպիսի գործոց անկանի Պատրիարքին և ընդ հանուր ժողովոյ ազգին, և չէր օրէն անձամբ անձին տնօրինել զայդ. պիսի խնդիր առանց գիտութեան և հաւանութեան նոցին. ուստի պատուիրէ նմա գրել զերիս գիրս, որպէս գրեալ էր առ նա ծածկաբար, առ Պատրիարքն, առ ժողովս Ամիրայից և առ նոյն ինքն ծանիկ Ամիրայ, բացայայտ ծանուցանելով 'ի նոսին զխնդիր ճանապարհորդելոյ իւրոյ յԵրուսաղէմ, ոչինչ յիշատակելով զառաջին նամակէն. յայնժամ և մեք ասէ ջանասցոյք ըստ բարեխորհուրդ կամաց նոցին տնօրինել զբարին 'ի մխիթարութիւն եւ 'ի սփոփանս ձերութեան ձերոյ:

Ուղեւորեցան 'ի Ս. Էջմիածին Զաքարիա եւ Աբրահամ վարդապետք 'ի ձեռնադրիլ Եպիսկոպոս, և 'ի ճանապարհի պատահեցաւ Աբրահամու հիւանդութիւն կաթուածոյ, յորմէ ծանրացաւ լեզու նորա և խօսէր կապկապելով, և ոչ կարէր համարձակ շարժել զաջ ձեռն իւր. իրբեւ հասին յԷջմիածին, Յովհաննէս Կաթուղիկոս Կարբեցի, որ նստաւ յԱթոռ Հայրապետութեան Հայոց (1831), առաքեաց զնա

յերեւան առ հայազգի ճարտար բժիշկն 'ի դարմանել զնաւ Ապա ձեռնադրեաց զԶաքարիա վարդապետ մեծաւոր ք հանդիսե յաստիճան Եպիսկոպոսութեան յաւուր տօնի Պայծառակերպութեան Տեառն (1833. յ9 Յուլիսի), եւ պատուեաց զնա բաց կապոյտ ծաղկեայ փիւննաւ, և վերադարձոյց յԱթոռն Երուսաղէմի, խոստացեալ ձեռնադրել և զԱրարհամ յառողջանալն: Գրեալ էին առ նա Խորհրդապետ Աթոռոյն, յետ ձեռնադրելոյ զԱրարհամ առաքել 'ի Տիփլիսի 'ի գործ Նուիրակութեան, այլ Յովհաննէս Կաթողիկոս յայտ արար նոցա զգթուարութիւն գործոյն, զի առանց հրամանի Կուսակալին Վրաստանի ոչ էր կարելի, որպէս գիտէին զայն առաջին Նուիրակութեան Երուսաղէմի, որ միայն արտաքոյ վիճակի նորին շրջեցան, և անկարելի եղեւ նուիրակել 'ի քաղաքին, և Մինաս Եպիսկոպոս Նուիրակն էջմիածնի նստեալ անդ սպասէր վասն այսր գործոյ, եւ թէպէտ խոստանայր ցրել զգթուարութիւնն յօգուտ Ս. Աթոռոյն: Ընդ կոնդակին իւրոյ առաքեաց և զպատճէն երդմնագրի Զաքարիա Եպիսկոպոսի, յոր յաւելեալ են յետոյ զԱրի և զԱրթամար հակաբու և հակաբու բառս: Եւ Արարհամ վարդապետ ձեռնադրեցաւ ապա Եպիսկոպոս և և հասեալ յերուսաղէմ վսիճանեցաւ նովին հիւանդութեամբ:

Իպրահիմ Փաշա յետ տիրելոյ Գաղայի, Յոսպէի և այլոց տեղեաց՝ դէմ եղ ելանել յերուսաղէմ եւ հասեալ 'ի կիրճն, որ ըստ Արարացեոց ասի Պոպ էլ շոր, վտանդեցաւ յոյժ, զի կալեալ էին զայն Արարացիք, և կոտորեցան բազումք 'ի գօրաց նորս, և ապա ցրուեալ զնոսս եմուտ յերուսաղէմ: Յովհաննէս վարդապետ Փոխանորդ Աթոռոյն Երուսաղէմի 'ի Կոստանդինուպօլիս, ակնարկութեամբ Պէդճեան Յարութիւն, Բիշմիլեան Միքայէլ և Ճանիկ Ամիրայից՝ ձեռնարկ և շինեաց զՓոխանորդարանն անդ, որ ասի Տոն Երուսաղէմի տես ոտանաւոր յիշատակարանն անդ, որոյ սկիզբն է, « Յող գթութեան Փրկչին խնամոց »: Հաճութեամբ գլխաւորաց սզգին դարձաւ Գարբիէլ Պատրիարք յերուսաղէմ յԱթոռն իւր (1834. 'ի 19 Օգոստոսի):

Յոյնք ձգեցին կամար յեկեղեցին Բեթղեհէմի 'ի հիւսիսային կողմն 'ի վերայ խորանին Հայոց և կամէին շինել

'ի վերայ նորս սենեակ Լուսարարի, այլ Հայք ընդ դէմ կացեալ ետուն քակել և խախտել զայն ('ի 13 Դեկտեմբերի): Անկարելի եղեւ բառնալ զատուութիւնս Յունաց որ և իցէ եղանակաւ, քանզի բանալի արտաքին դրան եկեղեցւոյն Բեթղեհէմի գոլով 'ի ձեռս նոցա, ըստ ասոր ժեղոյ իւրեանց բանային և փակէին, և 'ի գալստեան ուխտաւորացն Հայոց հասուցանէին նոցա զպէսպէս նեղութիւնս և հանէին արմուկս Իսկ փոխանորդ Աթոռոյն Երուսաղէմի Զաքարիա Եպիսկոպոս դրեաց գեր աղաշանայ առ Փոխարքայն Եպիսկոպոսի Մէհէմէտ Ալի, եւ խնդրեաց 'ի նմանէ ըստ իրաւանց բաժանորդութեան, որ լեալ էր կայսերական հրովարտակաւ, տացի եւ մի բանալի դրան այնորիկ ազգին Հայոց. թէպէտ դրեաց նա առ Գաղաթորն Երուսաղէմի քննել զիրան, եթէ ստոյգ իցէ բաժանորդութիւնն Հայոց տեղոյն այնորիկ՝ տացի և մի բանալի եւս նոցա, բայց այս հրաման նորին ոչ գործադրեցաւ, 1849:

Հայք առին հրաման 'ի Փոխարքայէն Եպիսկոպոսի սակս ծեփելոյ դեկեղեցին Ս. Յակոբայ և շինելոյ գլխնատունն կանանց. թէպէտեւ լեալ էին յայնժամ այլազգիք Երուսաղէմի և չհամարձակէին սրահանջել ինչ, այլ 'ի զգուշութիւն ապագայ ժամանակի, խնդրեցին նաեւ հրովարտակ յԱրքայէ: Եւ Զաքարիա Եպիսկոպոս որ վերատեսուչն էր շինուածոց ('ի 1 Մայիսի) սկիզբն արար քակել զորմն եկեղեցւոյն և բանալ գմէջ կամարաց. ելին յորմոյ անտի մեծամեծ խաչքարք հայկական դրով, է՛ որ կանդուս և կէս բարձրութեամբ՝ և է՛ որ կխոնջ չափ նոցին, և 'ի կեղծոնի իւրաքանչիւրոց մխեալ հաստ բեւեւ պղնձեայ, 'ի նշան հին սովորութեան ազգին, որոց թուականն ոմանց 600 և ոմանց 602 թուին Հայոց:

Կիրակոս Եպիսկոպոս առաքեցաւ 'ի Յոսպէ ('ի 20 Յունիսի) որոշել զտեղի քառասնօրեայ զգուշութեան (քարանձի) 'ի պէտս ուխտաւորաց, որոչեցաւ տեղին սլարտեղն Սեղբոս Ամիրայի, զոր կտակեալ էր Աթոռոյն, և հրամանաւ Փոխարքային Եպիսկոպոսի շինեցաւ տեղին ծախիւք Ս. Աթոռոյն (1835): Ծինեալ աւարտեցաւ վերնատունն մեծամեծ պատուհանօք և 2 պատարագամատոյց սեղանաւ 'ի վերայ դաւթի մեծի տաճարին Ս. Յակոբայ, ծեփելոյ

պայծառացուցին զեկեղեցին ընդարձակելով զլուսամուտս նորին, ծածկեցին զպատուհանն ուղղահայեաց 'ի գլխմբ-
 թին, զի ապակեայ կանթեղք ծածկեալ էր յառաջագոյն, և իջանէր ջուր յանձրեւի. արարին փոքր գմբեթ 'ի վերայ նորա, և ընդարձակեցին զճ պատուհանս նորին, բարձրացուցին զկամարն ամպիոնին, շինեցին նաև զսենեակս Խորհրդակաճանց, որ կոչի Ս. Մկրտիչ Եւզ և քարու յատակեցին զարտաքին գաւթ վանաց, և նորոգեցին զայլ կարեւոր տեղիս: Բացին զպատուհանս ամենայն սենեկաց Բեթղեհէմի վանաց, և նորոգեցին զերկս սենեակս քայքայեալ 'ի շարժէն: Ծեփեալ սպիտակացուցին և զեկեղեցին Հրեշտակապետի, ընդարձակեցին զուտգ դուռն ըստ առաջին ձեւոյն, և զպատուհանս:

Ի բողոքել Չաքարիա Եպիսկոպոսի առ Փոխարքայն Եգիպտոսի վասն անկարգութեան այլազգի դռնապանաց Տաճարին Ս. Յարութեան անատոտեղջ հրամանի Արքային՝ գրեաց նա պատուէր առ Դատաւորն Երուսաղէմի, զի լինին դռնապանք միայն անձինք 3 մնալ մշտնջնանոր բանալեաց 'ի ձեռս նոցա: Վասն պատարագի 7¹/₂, ուխտի 2, յաւուրս հանդիսաւոր տօնից 39 դահեկան առնուլ 'ի քրիստոնէից և բանալ զդուռն: Ի ժամանակի բազմութեան բանալ զերկու փեղկս, բաց 'ի սահմանեալ իրաւանց չսահանջել 'ի վանօրէից պարգեսս և զայլ նորանոր իրս, և 'ի պատուի ունել զուխտաւորս քրիստոնէից:

Ի պատահիլ երկրաշարժի յերուսաղէմ խախտեցան բազում եկեղեցիք և այլ հոյակապ շինուածք. անկաւ և գլխմբեթն որ 'ի վերայ օսնատեղւոյն Համբարձման Տեառն մերոյ 'ի լեառն Զիթենեաց: Լատինք խնդրէին հրաման 'ի Դատաւորէն շինել զայն ըստ առաջին ձեւոյն, Հայք ունելով զվաւերական գրեանս վասն այնր տեղւոյ, ընդդէմ կացեալ նոցա Վանային ինքեանք շինել զայն, և մինչդեռ փիճէին երկու աղք. յարեան և Յոյնք եւ խնդրէին լինել բաժանորդ շինութեանն: Լատինք մատուցին 'ի ժողովի անդ Հէօճճէթ գրեալ 119. թուէն, յորում էր հրաման 'ի սարւոջ միանգամ պատարագել նոցա 'ի ներքոյ գմբեթին, զի այլ ֆրիստոնեայք պատարագէին 'ի գաւթի անդ 'ի ներքոյ վրանի 'ի վերայ իւրաքանչիւր սեղանի իւրոյ, և 'ի սաստ-

կանալ փիճմանց և հակառակութեանց՝ հրաման ետ Դատաւորն երկոյ աղքաց 'ի միասին շինել, և բաժանորդութեամբ վճարել զծախսն, և մնալ դարձեալ ըստ առաջին սովորութեան. թէպէտ Հայք ընդդիմացան բազմօք այսմ դատաստանի, զի կորուսին զառաջին իրաւունս իւրեանց, այլ անմարթ էր յայնժամ շրջել զմիտս Դատաւորին: Եւ զինի շինութեան գմբեթին տուաւ երկոյ աղքաց Հայոց, Յունաց Լատինաց մի մի բանալի, և Դատաւորն գրեաց գիր հաստատութեան և բարձաւ վէճն 170.:

Սյլ վասն նորոգութեան և շինութեան բաժնին Հայոց 'ի Տաճարին Ս. Յարութեան նեղեալ էին Հայք 'ի Յունաց, որպէս գրեցաք, զի զհրաման շինութեան ինքեան վերապահեալ էր Արքայ, և յառաջին նուագի Յունաց ետ զայն, որք ոչ շինեցին զտեղիս Հայոց, մանաւանդ թէ խանդարեցին և գողացան, և 'ի սին ժամանակի խնդրեցին Հայք զայն հրաման շնորհել ինքեանց, որոյ վասն տուաւ հրովարտակ 1729 թուին, զի զբաժանորդ տեղիս շինեացեն ընկերութեամբ և զսեփհական տեղիս անկախութեամբ:

Եւ վասն փակեալ դրան Բեթղեհէմի Դատաւորք Երուսաղէմի 'ի սաղրեւելյ Լատինաց պէսպէս մեկնութիւնս տային առաջին հրովարտակին իբր անցօր, և երբեմն սպառնային բանալ զդուռն, որով լինէր վնաս մեծ Հայոց, և 'ի ծանուցանել զայստիկ Արքայի, տուաւ վերստին հրովարտակ 1701 թուին 'ի հաստատութիւն առաջնոյն, զի մի բացցի դուռն այն. և վասն շինութեան Համբարձման տեղւոյն ըստ մտաց հին վաւերական գրոց եւ Իւլամի Դատաւորին Երուսաղէմի դարձեալ տուաւ հրովարտակ 1701 թուին. և 'ի հակառակիլ Լատինաց և Յունաց, դարձեալ ապին Հայք հրովարտակ 1707 թուին 'ի հաստատութիւն առաջնոյն: Չայստիկ հրովարտակս առեալ Յովհաննու վարդապետի սատարութեամբ Ստեփաննոս Պատրիարքի և գլխաւորաց աղքին առաքեաց յերուսաղէմ:

Եղիա Եպիսկոպոս Եւզակիացի մեկնեցաւ յԱթոսոյն, առեալ ընդ իւր Եւզակիացի Յակօբ և Յովհաննէս և Կիւսարացի Կարապետ վարդապետս, որք էին աշակերտք իւր, եւ 'ի ճաւելն 'ի Կոստանդինուպօլիս վախճանեցաւ 'ի ճանապարհի, և աշակերտք նորին թագեցին զնա 'ի կղզին

Միգրուզ 1835. 'ի ՏՆոյեմբերի. Յովհաննէս վարդապետ միայն գործաւ յԱթոռն, և յետ ժամանակաց ևս բերել զուսկերս Եղիայի և Թաղեաց 'ի գերեզմանատան Ս. Փրկչի, 1848. 'ի 4 Օգոստոսի:

Գ Լ Ո Ւ Յ Ծ Բ.

Առաջուն Արախոս Եպիսկոպոս 'ի Կոստանդնուպոլիս: Հիմարեւթիւն ձեւարանին: Գիր Ամիրայից առ Պօղոս Եպիսկոպոս: Պարտք Փոխանորդին: Խնդիր Ասորոց: Սկիզբն շինութեան Համբարձման և կեղեցոյն: Ընդգիտութիւն Յունաց և Լատինաց: Բացումն դրան Լատինաց 'ի Բեթղէնէմ: Զանր Հոյոց փանն շինուածոց Համբարձման: Հրովարտակք Լատինաց:

ՕԱՅՐԱԳՈՅՆ Գործակալ Աթոռոյն Երուսաղէմի Պօղոս Եպիսկոպոս յետ կատարելոյ դատն Ս. Պատեքին առաքեաց ընդ ուխտաւորս տարւոյն 'ի Կոստանդնուպոլիս զՏ. Կիրակոս Եպիսկոպոս՝ յաղագս կարեւոր գործոց Աթոռոյն, յանձն արարեալ նմա դուռմար արդեանց և ծախուց վանաց, զորս բազում անգամ թախանձանօք խնդրեալ էին Ամիրայք, զինի իսպառ աղատելոյ Աթոռոյն 'ի պարտուց, և բարեկարգելոյ զվիճակ միարանութեան: Ե՛հա Կիրակոս 'ի Թաղաւորեալ քաղաքն, և զորս 'ի համբաւոյ լուեալն էր իսկապէս ետես աչօք իւրոյք զպայծաութիւն եկեղեցեաց, զբարեկարգութիւն դպրոցաց և զխոհական կառավարութիւնն նոցա, զհոգ և զխնամածութիւն հիւանդաց, աղքատաց և այլոց, որք շինեալ և հաստատեալ էին ազգասէր Չանիւք և աշխատութեամբ բարենախանձ ազգապետաց, ուրախ եղեւ յոյժ:

Եւ քանզի իշխանաւորք ազգին երկնէին հանապաղ 'ի միտս իւրեանց և փափաքանօք տենջային հաստատել ազգային ուսումնարան մեծ 'ի դաստիարակութիւն մանկըտոցն, զի մի յաճարեացն առ օտարս, և փոխանակ վարդապետութեան հայրենի եկեղեցոյ, ուսանիցեն զբաւանութիւն օտարին և զայլ և այլ սովորութիւնս նոցին, որ 'ի սմին ժամանակի սկսեալ էր տարածանիլ, և յարդիւնս

ածել զայս խորհուրդ փրկարար՝ դուռմարեցան ամենեքեան առ Ստեփան Պատրիարք ('ի 26 Օգոստոսի, 1836), ուր գտաւ Կիրակոս Եպիսկոպոս և Փոխանորդ Յովհաննէս վարդապետն: Եւ 'ի ժողովի աստ հաճութեամբ ամենեցուն սահմանեցաւ կառուցանել զուսումնարանն յԵսկիւտար՝ 'ի տեղի խարխալեալ վանաց Երուսաղէմի, ուսանիլ մանկանց նախ զգարութիւն հայրենի լեզուի և զգաւանութիւն եկեղեցոյն Հայաստանեայց, և ապա մարդիլ յայլ և այլ լեզուս և 'ի կարեւոր գիտութիւնս օտար ազգաց:

Չափ Ուսումնարանին սահմանեցաւ լինել 2500 կանգուն քառակուսի՝ կրկնայարկ եւ բազմասենեակ ամենայն պիտոյիք: զրոյմանդակ ծախս տարեկան պիտոյից Ուսումնարանին յանձն առին Իշխանաւորք ինքեանք հոգալ, բայց զինութեան ծախսն հանել յԵրուսաղէմէ, և յայլ երեւելի վանորէից և յԱռաջնորդաց ըստ իւրաքանչիւր կարի, և զհակառակոյն դատեացեն իրբեւ սխերիմ թշնամի գիտութեան, և ընկեացեն յԱթոռոյ՝ առաքելով զայլ ոք 'ի տեղի նոցա:

Ապա խնդրեցին նախ յԵրուսաղէմէ՝ 'ի ձեռն Փոխանորդին 200,000 դահեկան, և առաքեցաւ Փոխանակագիրն յԵղիպոսոս առ երեւելի վաճառական Ստեփանն Չիչինեան, զի 'ի լրանալ պայմանաժամին, անթերի սուցէ զգումարն յԱթոռոյն: Եւ յետ ամենայնի գրեցին Իշխանաւորք զիր բազմակնիք առ Պօղոս Եպիսկոպոս յԵրուսաղէմ վասն այսր խնդրոյ, գրեցին նաև առանձին առանձին Ստեփան Պատրիարք, Կիրակոս Եպիսկոպոս և Փոխանորդ Յովհաննէս վարդապետ, յորս ազաչանօք և բարեսէր մտօք յորդոր լինէին յարդել զորչումն Ազգապետաց, և վաղ ընդ փոյթ վճարել զգումարն 'ի պայմանեալ ժամանակին 'ի սէր ազգին և 'ի յառաջադիմութիւն մանկանց եկեղեցոյ: Եւ զի առաւել ևս ջերմացին սիրոք Ամիրայից 'ի վերայ Աթոռոյն՝ լինիլ խնամակալ, որ 'ի ձեռս նոցին կատարեցան և կատարին ամենայն գործք և խնդիրք նորին: Գրիգոր և Յովհաննէս ճարտարապետք, թէպէտ և էին 'ի ժողովի աստ և և կնքեալ զգիրն, այլ առանձին մտերմաբար իմն գրեցին առ Պօղոս, զարթուցանել զմիտս նորին 'ի գործադրութիւն խնդրոյն, յաշ անեալ զբանս նորին, որ ասացեալ էր եր-

բնմն յաւուրս փոխանորդութեան իւրոյ 'ի խնճոյս 'ի սուրն ճարտարապետին 'ի Լանկայ, թէ 'ի լինել այնպիսի չահաւէտ Ուսուցմարանի՝ խոստացեալ էր ինքնին անձամբ կալ պաշտպան նմին , և չխնայել բնաւ ոչ 'ի սուրս դրամոց և ոչ 'ի քրտուն աշխատութեան . ահա ասեն , եհաս ժամանակ լինել այնմ , և նպաստաւորութեամբ ձերով կանգնել յօտին , եթէ կայ անչէջ 'ի սրտի քում բոց տեւչանացն այնորիկ : Եւ զկնի սուղ աւուրց սկիզբն արարին բանալ զհիմունս Ուսուցմարանին յիւսկիւտար 'ի տեղին որ կոչէր վանք Երուսաղէմի ('ի 18 Սեպտեմբերի) :

Ի սմին ժամանակի Յովհաննէս վարդապետ Զմիւռնացի՝ որ վարէր զպաշտօն Փոխանորդութեան Երուսաղէմի 'ի Կոստանդինուպօլիս , անկեալ էր ընդ պարտօք աւելի քան զ100,000 դահեկանի , զորոյ զտոկոսն վճարէր ամ ըստ ամէ . զայն տեսեալ Կիրակոս Եպիսկոպոսի՝ աղաչէր զՊօղոս բառնալ զայն լուծ 'ի պարանոցէ նորին , զի վնաս մեծ էր այն Աթոռոյն , զի զի՞նչ օգուտ այնքան հոգ և աշխատութիւն 'ի վճարումն պարտուց , մինչդեռ աստ ամէ՝ արմատ ձգեալ ամէ և զօրանայ օր ըստ օրէ . և 'ի վերջոյ աղաչէ վճարել զպարտան , թերեւս յետոյ բարեւոք տնօրէնութիւն ինչ արացեն Ամիրայք վասն կառավարութեան Փոխանորդարանին Երուսաղէմի :

Սուրբան Մահմուտ Արքայ՝ յորժամ ետ հրովարտակ Կաթօլիկ անուանեալ ժողովրդոց , գրեալ էր 'ի նմին Ասորւոց լինիլ հետեւակ Պապականաց . զայն լուեալ Կաթօլիկոսին Ասորւոց՝ որ նստէր 'ի Տիգրանակերտ , գրեաց գիր աղաչանաց բաղմակնիք առ Տէրութիւնն և առաքեաց 'ի Կոստանդինուպօլիս առ Պատրիարքն Հայոց , յորում յայտ առնէր թէ ինքեանք լեալ են կրօնակից և հետեւող աղգին Հայոց 'ի վաղ ժամանակաց , որպէս յայտնի տեսանի 'ի հրովարտակս Պատրիարքաց Երուսաղէմի , բայց Կաթօլիկիք գոլով հակառակ ինքեանց՝ ստութեամբ խարեալ են զԴուռն և առեալ հրովարտակ , զինիլ նովաւ ընդդէմ Ասորւոց և որսալ զժողովուրդն 'ի հնազանդութիւն Հռոմայ եկեղեցւոյն , և այս այպանելի ստութիւն յայտնի գոլով ամենեցուն՝ խնդրէր ջնջել զարձանագրութիւնս հրովարտակին այնմիկ՝ և շնորհել նոր հրաման ըստ առաջնոյն , և

աղաւել զաղքաւ ազգն Ասորւոց 'ի բռնութենէ նոցին : Եւ 'ի Դամասկոս զօրացեալ Պապականաց արկեալ էին 'ի բանտ զԵպիսկոպոսունս Ասորւոց , և յազգ առնել Պօղոսի Եպիսկոպոսի՝ գրեաց 'ի Կոստանդինուպօլիս վասն աղատութեան նոցին : Ի հասանիլ այսոցիկ թղթոց , գրեաց և ինքն Ստեփաննոս Պատրիարք և յայտ արար զվնդիրս 'ի Դուռն եղեալ 'ի նմին եւ զաղերսագիրն Կաթօլիկոսին Ասորւոց , եւ էսաւ նոր հրովարտակ վասն աղատութեան նոցին :

Ճարակումն ժանտախտին 'ի Կոստանդինուպօլիս և 'ի սահմանս նորա :

Զայսու ժամանակաւ անկեալ էր Երուսաղէմ ընդ իշխանութեամբ Եգիպտական կառավարութեան , ուստի զառաջին հրովարտակն շինութեան Համբարձման տեղւոյն առաքեցաւ առ Փոխ Արքայն Եգիպտոսի Մէհէմէտ Ալի Փաշայ , և նա յետ վաւերելոյ զայն՝ գրեաց և ինքն հրաման առ Դատաւորս Երուսաղէմի , զի անարգել գործադրեցեն զհրամանն : Ի հասանիլ թղթոյն եղև ժողով 'ի դատարանին Երուսաղէմի , ուր էին կղերք Հայոց , Յունաց և Լատինաց , և ընթերցան 'ի լուր ամենեցուն զհրովարտակն և զհրաման Փոխ Արքային , և հրաման ետուն Հայոց սկիզբն առնել շինութեան , և առեալ զվիականս տեղւոյն 'ի ձեռաց Յունաց և Լատինաց և ետուն ցՀայս , և պատուիրեցին չհակառակիլ նոցա : Իսկ Պօղոս Եպիսկոպոս կացոյց վերատեսուչ 'ի վերայ գործոյն զԴաղատացի Իսահակ վարդապետ Տ . Գրիգորեան , որ վարէր յայնժամ ըզպաշտօն թարգմանութեան Աթոռոյն , եւ էր ինքն այր բանիբուն և ճարտար 'ի խօսս և սիրելի ամենեցուն : Եւ նորա սկիզբն արարեալ շինութեան , նախ մաքուր քարամբք ետ յատակել զըովանդակ դաւիթ Համբարձման եկեղեցւոյն 'ի ջրձապարս գմբէթին . ետ փորել ջրամբար մեծ 'ի կողմն հիւսիսոյ՝ որ և չինեալ աւարտեցին . նորագեցին զհին փոքր ջրամբարն 'ի հարաւ , և զգմբէթն Համբարձման ներքոյ և արտաքոյ . ապա զարդարեցին ջահլւք և լապտերօք և ամենայն եկեղեցական սպասուք , կանգնեցին սեղան պատարագի 'ի վերայ չորից մարմարին սեանց , և եգին երկիւղիլ դրունս ամուր փակաղափօք և

նգօք, եւ զառաջին պատարագն Փոխանորդ Եւգոկիացի կարապետ Եպիսկոպոսն եւ սահմանեցաւ այնուհետեւ 'ի հինգշարթի եւ 'ի կիրակիէ առուրս անխափան պատարագել 'ի ներքոյ գմբեթին 'ի վերայ այնր սեղանոյ ('ի 17 Յուլիսի - 1836) : Մինչեւ ցայս վայր զօրութեամբ առաջին հրովարտակին : Եւ 'ի ժամանակ երկրորդին եւ յընթեանու 'ի դատարանի ըստ առաջնոյն, քակեցին զարտաքին դուռն գաւթի, եւ շինեալ բարձրացուցին, եղեալ 'ի նմա դուռնս երկաթապատ, եւ 'ի վերայ բարաւորի նորին հայեցի վերտառութիւն - եւ 'ի դրանէ աստի մինչեւ 'ի դուռն գմբեթին՝ ձեղուն տախտակամած 'ի պատասպարումն ժողովրդոց յարեւէ եւ յանձրեւէ 'ի ժամ պաշտաման : Եւ 'ի ներքս 'ի գաւթի անդ շինեցին մի սենեակ կրկնայարկ 'ի պէտս Լուսարարի եւ կարասեաց, եւ քարեայ սանդուխտ վերելից երկաթի յենարանաւ : Իսկ արտաքոյ պարսպի եկեղեցւոյն կառուցին սենեակ մեծ 'ի պէտս առանոց, զորոյ տեղին յառաջագոյն գնեալ էր Եփրեմ վարդապետ 'ի գիւղականաց, եւ բացին դուռնս երկուս, մին 'ի գաւթի եկեղեցւոյն եւ միւսն 'ի փողոցի : Եւ 'ի վերայ նորս սենեակս երկուս, որոց պատուհանքն հայէին յարեւմուտս դէպ 'ի քաղաքն Երուսաղէմ, եւ զայլ կարեւոր տեղիս ըստ պատշաճին, եւ 'ի վերայ իւրաքանչիւր շինուածոց լինէր քննութիւն 'ի դատարանէ տուեալ Հէօճճէթս :

Չեւ եւս աւարտեալ այսոցիկ շինուածոց՝ առաքեցին Հայք զառաջին եւ զերկրորդ Հէօճճէթս շինութեան 'ի Կոստանդինուպօլիս՝ ստիպեալ յընդդիմութենէ Լատինաց, առնու 'ի Դրանէ եւ զերրորդ հրովարտակ : Այլ 'ի մատուցանել զայնս 'ի Դուռն գիտութեամբ գլխաւորաց ազգին եւ աղերսագրով Ստեփաննոս Պատրիարքի, դարձաւ յետս, զի յերկուս տեղիս՝ հաւասար Արքայի պատուանունս տուեալ էին Փոխարքային Եղիպտոսի, որոյ վասն Համարձակէին մատուցանել զայն առ Արքայ, որ սովոր էր զայնպիսի դրեանս ինքնին ընթեանու, այլ փոխանակ նոցին խնդրէին Իլամ 'ի նոյն Դատաւորէ ըստ մտաց Հէօճճէթի երկրորդի :

Ի շխանաւորք ազգին առեալ էին յառաջագոյն հրովարտակ յԱրքայէ \ԲԾ\ թուին վասն նորոգութեան եկեղեց

ւոյն Բեթղէհէմի, եւ կամէին սկիզբն առնել շինութեան անդ, նաեւ 'ի Տաճարին Ս. Յարութեան, զորոյ հրամանն ունէին 'ի ձեռին, եւ կատարել զթերի մնացեալ սպասս եկեղեցւոյն Համբարձման . բայց Յոյնք յամենայնի հակառակ կացեալ ոչ տային թոյլ մերձենալ 'ի նոյն տեղիս . որսացեալ էին նաեւ 'ի կողմն իւրեանց զԴատաւորն եւ զմանս յայլազգեաց Երուսաղէմի : Յայսպիսի պարագայս պաշարեցան Հայք 'ի տարակուսանս յամենայն կողմանց, եւ ոչ կարէին գտանել զելլ հնարից, զի Լատինք ստիպէին քակել զշինուածս Համբարձման, եւ Յոյնք ընդդէմ գինէին Արքուեի հրովարտակաց, յոր սակս հարկ եղեւ Պօղոս Եպիսկոպոսի առաքել զԴաւիթ վարդապետ յԱզգասնդրիս կարեւոր դրեամբք առ Պօղոս Պէյ Երուսթեան, զի թերեւս մարթասցի հնարս գտանել եւ բառնալ զհակառակութիւնս երկուց ազգաց :

Սակայն չեւ եւս մեկնեալ Դաւիթ վարդապետի 'ի Յուպէ Գաղաքէ՝ լուաւ անդ 'ի Տեսչէ Լատինաց եւ յայլոց դրանալ փակեալ դրան Լատինաց 'ի Բեթղէհէմ, յորմէ գանգիտէր գնալ յԵղիպտոս, զի դուցէ կրեցից ասէ՝ անարգանս եւ պարսաւանս 'ի Բեթղէսէն եւ 'ի Պօղոս Պէյէն, այլ 'ի քաջալերելն զնա Պօղոս Եպիսկոպոսի, կալաւ զճանապարհ իւր :

Իսկ Դեսպանն Գաղղիոյ 'ի Կոստանդինուպօլիս անդադար թախանձէր զԴուռն վասն բացման դրան այնորիկ, որպէս թէ նեղութիւն մեծ լինէր Եւրոպական ուխտաւորաց եւ կղերաց նոցին, եւ Տէրութիւնն ունէր յայնժամ բարեկամութիւն ընդ Գաղղիացիս, եւ բարկացեալ իսկ էր 'ի վերայ Հայոց 'ի սկզբանէ անտի, զի առանց հրամանի նորին, միայն Հէօճճէթի շէրիով փակեցին զայն, որոյ վասն ետ հրաման բանալ զայն, չհայեցեալ յինչ եւ իցէ պատճառս եւ 'ի վնասս : Եւ ըստ այնմ գրեաց եւ Փոխարքայն Եղիպտոսի Մէհէմէտ Ալի առ Դատաւորս Երուսաղէմի՝ ընդ նմին առաքելով եւ զպատճէն հրամանագրոյն Արքայի : Յետ այնորիկ Գաղաքապետն, Դատաւորն եւ Գլխաւորք այլազգեաց, եւ Լատինք, եւ 'ի Հայոց Պօղոս Եպիսկոպոս եւ այլք, գնացին 'ի Բեթղէհէմ, եւ քակեալ բացին զփակեալ դուռն զայն եւ շինեալ ետուն զբանալի նորին 'ի ձեռս Լատինաց, եւ սահ-

մանեցաւ յօրէ յայնմանէ : մաքրել և աւել ածել զճանապարհն զայն 'ի դրանէ անտի մինչ 'ի դուռն Այրին, եւ վասն այսր բազում անգամ եղև վէճ և կռիւ արևանհեղ 'ի մէջ Լատինաց եւ Հայոց : Յետ կատարելոյ զայս ամենայն, գրեալ ծանուցին առ Փոխարքայն Եգիպտոսի ըզգործագրութիւն Արքունի հրամանին : Արդ՝ բացաւ դուռն Լատինաց ըստ առաջնոյն եւ դարձեալ եղև ոսնակոխ եկեղեցին Հայոց ('ի 20 Հոկտեմբերի, 1836) : Ոչինչ եղև և ապարդիւն մեծագումար ծախք և բազմադիմի աշխատութիւնք և տառապանք Հայոց :

Չայսմ հրամանագրէ՝ զոր էառ Դեսպանն Գաղղիոյ, չունէին տեղեկութիւն ոչ Ամիրայք և ոչ Փոխանորդն Երուսաղէմի, այլ զինի բացման դրան՝ յերուսաղէմէ լուան, և պատուէր ետուն միաբանաց շընդդիմանալ հրամանաց Արքայի որքան բանն պահանջէ :

Իսկ Դաւիթ վարդապետ հասեալ յԱղէքսանդրիա՝ մատոյց զգրեանս Պօղոս Պէյի, և նորա ընթերցեալ ծանեաւ զմիտս նոցին . ընկալաւ զԴաւիթ 'ի տուն իւր, և խոստացաւ աշխատիլ որքան կարելի է, և ապա ազգ արար Փոխարքային 'ի Գահիրէ եւ ընկալաւ անտի զպատասխանն, և պատրաստեաց զգրեանս առ նա . դրեաց և առ մտերիմ նորին և ներքին Խորհրդակից Սամի Պէյ, և առ Յարութիւն Պէյ Թարգման և Ստեփան Էֆէնտի, լինիլ ձեռնուու վարդապետին : Չեւ եւս մեկնեալ Դաւիթ յԱղէքսանդրեայ, եհաս առ նա զիր յերուսաղէմէ, յորում պատուիրէին ըզգրեանս վասն Համբարձման առաքել 'ի Կոստանդինուպօլիս, եւ յընթեռնուլն զայն առաջի Պէյին, վշտացաւ յոյժ ընդ գործս Դատաւորին եւ Յունաց, մանաւանդ թէ Լատինաց, որ գեկեղեցին Հայոց վերստին արարին ճանապարհ, այլ յուսադրէր զնա, զի թերեւս բարի լիցի վախճանն : Պաշտպանն Յունաց անդ յեգիպտոս էր Թօսիցա անուն ոմն մեծատուն, և Լատինաց՝ Հիւպատոսն Գաղղիոյ . սորք հակառակութեամբ զինեալ զբազում շարիս խօսէին զՀայոց :

Մինչդեռ Հայք դեգերէին 'ի դուռնս Այլազգեաց յերուսաղէմ, յեգիպտոս և 'ի Կոստանդինուպօլիս և ջանային հաստատուն պահել զչինուածս Համբարձման տեղոյն,

Դեսպանն Գաղղիոյ ստիպեալ 'ի Թախանձանաց Լատին կըղերց, մատոյց զիր ամբաստանութեան 'ի Դուռն զազգէն Հայոց վասն Համբարձման տեղոյն յեցեալ յիլամն, զոր տուեալ էր Էստէյիտ Ալի Դատաւորն Երուսաղէմի, յորում յիշէր և զհրովարտակն նոցին տուեալ 'ի Թուրին 1190 :

Թէպէտ և Հայք եւս ունէին զհին և զնոր վաւերական գրեանս, սակայն Դուռն ոչ կամէր դարձուցանել գրեանս յերկուց կողմանց, և մինչ այսպէս յերերի կայր խնդիրն, փութացոյց Դեսպանն զերկրորդ թուղթ իւր խիստ քան զառաջինն, և ստիպէր յանձնել զբովանդակ տեղին 'ի ձեռքս Լատին կղերց, և յաւել ասել թէ զարմանք են զի ոչ գործագրին նամականիք, միթէ Դեսպանն ինքնին եկեացէ : Թէպէտ և ծանեան Հայք հաւաստեաւ զհակառակութիւնս և զարիաջան աշխատութիւնս նորին առ այս գործ, սակայն ոչ երբէք լքան 'ի խորհրդոց իւրեանց, և վերջստին մատուցին զիր աղաչանաց 'ի Դուռն՝ առլ հրովարտակ 'ի հաստատութիւն առաջնոցն : Ուրտէին և Յոյք և կամէին 'ի ձեռս բերել մասն ինչ 'ի տեղոյն . զի դուռն յառաջագոյն ծանուցեալ էր նոցա : Յուսկ ուրեմն զիջաւ Տէրութիւնն 'ի խնդիր Դեսպանին և ետ հրովարտակ վասն Լատինաց 1707 Ձիլհիճճէ վերջ, և ընթերցաւ 'ի Դատարանն Երուսաղէմի առաջի բազմութեան Այլազգեաց և Գրիստունէից (յ7 Յունիսի, 1837), որոյ խմաստքն են «ի կործանիլ Գմբեթի Համբարձման տեղոյն յերկրաշարժէ, Հայք եւ Յոյք բաժանորդ եղևն 'ի շինութեան, զի Լատինք 'ի տարւոջ միանգամ 'ի ներքոյ նորին պատարագէին, և այլք 'ի դաւիթս 'ի վերայ իւրաքանչիւր սեղանոյ . եւ 'ի լինել խոտովութեան 'ի մէջ երկոց ազգաց վասն ծախուց շինութեան, Դատաւորն ետ Հէօճճէթ Լատինաց և զրկեաց զերկուս ազգս : Այլ յորժամ աւին Հայք հրովարտակ սակա շինութեան Տաճարին Ս. Յարութեան, կամեցան նովաւ յափըշտակել և զՀամբարձման տեղին՝ յոր կատարէին Լատինք զպաշտամունս ըստ Հէօճճէթի դատարանի . և Դեսպանն Գաղղիոյ խնդրեաց վերստին դարձուցանել զայն առ նոսա : Յարձանադիրս Արքունի դիւանին գտաւ հրովարտակ տուեալ Լատինաց զինի հրդեհհի Տաճարին Սուրբ Յարութեան, յաղաքս յափըշտակելոյ Յունաց զմատունս

ինչ 'ի տեղեաց նոցին . և 'ի ծանուցանելն զայս Դեսպանին Գաղղիոյ, հրաման եղև զարձուցանել 'ի վիճակն առաջին : Եւ Օսմանեան Պետութիւնն զօրով բարեկամ Գաղղիոյ, եղև հրաման՝ զի Լատին կղերք և ամենայն հետեւողք նոցին՝ յորմէ ազգէ և իցեն՝ անորգեւ կատարեցեն զուխոս իւրեանց, և խաղաղութեամբ բնակեցին 'ի ներքս Երուսաղէմի և արտաքոյ նորին, և յատկացեալ տեղիքն ըստ առաջնոցն մնացեն 'ի ձեռս նոցա . և ըստ հրովարտականցն ՎՊՆ : ՎՊՅ, եւ զաշնագրոյն չլինել ումեք հարկապահանջ . և 'ի պատճառս շինութեան և այլ առթիւ չհակառակիլ ուխտին և յատկացեալ բնակութեանց և տեղեաց նոցին, ըստ զօրութեան զաշնագրոյն և այլ հրովարտականց, եթէ նորոգեալ իցեն, զարձցին 'ի վիճակն առաջին, որոյ վասն տուեալէ հրովարտակ ՎՊՎՕ 'ի Վ Շապան ամսոյ, զարձեալ և 'ի նոյն թիւ 'ի Վ Ջիլիճճէ ամսոյ :

Եւ վասն չգործադրելոյ զնոսս՝ զարձեալ հրովարտակ ՎՊՎՎ 'ի հաստատութիւն նոցին, այսոքիկ արձանագրեալ կան վասն ուխտին և բնակութեան Լատինաց : Եւ յԵրուսաղէմէ ծանուցանեն թէ՛ Համբարձման դմբեթն, Սուրբ Յարութիւն և արտաքոյ նորին ուխտատեղի և բնակարանք նոցին . սակայն անուանք նոցա բացայայտ ոչ են գրեալ 'ի դիւանին . և Հէօճճէթն Երուսաղէմի չբտու համաձայն զաշնագրոյն, որոյ վասն անտես եղև : Եւ զրեցաւ վերստին հրովարտակ 'ի հաստատութիւն առաջնոց, զի 'ի պատճառս նորոգութեան Հայք և Յոյնք մի հակառակեցին ուխտին Լատինաց » : Առեալ էին Լատինք եւ զիր հրամանի 'ի Փոխարքայէն Եգիպտոսի համաձայն մբտաց հրովարտակին : Հայք ոչ երբէք ցուցին ընդդիմութիւն պատարագին Լատինաց, զոր 'ի տարեով միանգամ կատարելին 'ի ներքոյ դմբեթին . սակայն ոչ շատացեալ այնու, խնդրէին բառնալ իսպառ 'ի տեղումն անտի ըզսեղանն, զկանթեղս և զպատկերս և զայլ ամենայն զարգս, կործանել և անհետ առնել զբովանդակ շինուածս Հայոց, արտաքսել զնոսս անտի և թողուլ զտեղին 'ի վիճակն առաջին աւերակ, և զբանալին տալ 'ի ձեռս այլազգի Իճմէ տեղւոյն : Թէպէտեւ խնդիրք նոցին հակառակ էր Կայսերական հրամանին, այլ որսացեալ էին 'ի կողմն իւրեանց

զՔաղաքապետն և զոմանս յայլազգեաց, և կամէին բանի գործել զամենայն ինչ և վարել անտի զՀայս . բայց Գառաւոր քաղաքին ընդդէմ եկաց նոցա թէ՛ այսու հրամանաւ ոչ կարեմ առնել ինչ, միայն սխառութիւն Հայոց շարեւրուլ զսովորական կանոնս և զպատարազն ձեր, որպէս ոչ արգելին մինչեւ ցայսօր : Լատինք խնդրեցին զիր 'ի Գառաւորէն սակս շխատարելոյ զհրաման Արքայի, եւ նո զրեաց ըստ մտաց հրովարտակին մին՝ 'ի Գուռն Տէրութեան և միւսն առ Փոխարքայն Եգիպտոսի, յորս 'ի վերջոյ յաւելոյր թէ՛ Լատինք ցանկային և խնդրէին կործանել զբովանդակ շինուածս Հայոց և միայն ինքեանց սեփհականել զտեղին, այլ հայեցեալ 'ի զօրութիւն հրովարտակին՝ որ 'ի ձեռս նոցա, չհամարձակեցայ տալ կործանել զայնս, (ՎՊՅ յ Րէպիլ էվիլէ ամսոյ) :

Գ Լ Ո Ւ Խ Ծ Գ .

Գրեանք Գառաւորին տուեալ Հայոց : Բողք Լատինաց : Ի ժողովք բնութիւն խնդրոց երկուց ազգաց : Վաւերական թղթեանք Հայոց . զոր մատուցին 'ի ժողովն : Բարհուրդ Ամիրայից և Կանոնի նոցին առ Պօղոս Եգիպտոս վասն խնդրոց երկր :

ՏԵՍԵԱԼ Հայոց զմեծարանութիւնս և զխորխտանս Լատինաց՝ և զանհանգիստ աշխատութիւնս նոցին, առին Իլամ 'ի Գառաւորէն, յորում ետունս պատմել զբովանդակութիւն գործոյն 'ի սկզբանէ մինչեւ ցլխածան, յայտ առնելով եւ զընդդիմութիւնս Լատինաց, եւ առաքեցին զայն ընդ Սարկաւազ Սարգսի 'ի Կոստանդինուպոլիս 'ի վերայ Եգիպտոսի, և զՀէօճճէթն այլ ճանապարհաւ ընդ Սարկաւազ Յովսէփայ, զի հնարեցեն Գլխաւորք ազգին առնուլ հրովարտակ սակս անկործան մնալոյ շինուածոց, և իւրաքանչիւր ազգաց ըստ առաջին սովորութեան կատարել զազատամունս, զի 'ի կողմանէ Հայոց երբէք չէ լեալ ընդդիմութիւն՝ այլ յարգանք եւ սխալու :

Ձի եթէ անմարթ իցէ առնուլ հրովարտակ՝ հայեցեալ 'ի պարագայս ժամանակին, տացեն արձանագրել 'ի դիւանին զիւրմն և զՀէօճճէթն, զի մի տացեն հրովարտակ հակառակ Հայոց. քանզի Լատինք 'ի դատին ոչ հանին յերեւան զբաշնագիրն, յոր գրեալ է 'ի տարւոջ միանգամ պատարագել նոցա 'ի ներքոյ դմբեթին: Չայսոսիկ յոյզս և զխռովութիւնս թէեւ անցուցին Հայք առ ժամն՝ այլ ծանր եղեւ՝ եւ առաջի կայր նոցա այլ իմն մեծ աղմուկ և փոթորիկ 'ի կողմանէ Յունաց, ոչ միայն վասն Ս. Յարութեան և Մննդեան, այլ եւ վասն Համբարձման, զի շնչէին տալ քակել զսենեակսն, զորմէ տեսցուք յետոյ: Իրբեւ տեսին Լատինք թէ ոչ կարացին վճարել ինչ հրովարտակաւն, դիմեցին առ Փոխարքայն Եգիպտոսի, եւ խնդրեցին 'ի նմանէ կարգել պաշտօնեայս 'ի քննութիւն խնդրոց որ 'ի մէջ Հայոց և Լատինաց: Եւ նա գրեաց առ Կոստակալն Դամասկոսի՝ առաքել զոք յերուսաղէմ: Եւ 'ի դալստեան նորա կազմեցաւ ժողով 'ի դատարանի և արձանագրեցան բանք յերկուց կողմանց, զոր թարգմանեալ համառօտելով զիցուք աստանօր:

Նիստ Առաջին, 'ի ԿԿ Ռիպիլ ախքր ամսոյ, 1707:

Փոխանորդն և Վարդապետք Հայոց յանդիման եղեն Դատաւորաց եւ խնդրեցին 'ի նոցանէ ծանուցանել ինքեանց թէ՛ քանի են խնդիրք Լատինաց, տալ զպատճէնս հրամանագրոյն Գաւառապետին և պաշտօնական բողոքագրոյն, տեղեկանալ խնաստից նոցին և 'ի միտ առնուլ ըզլինդիրս, և ըստ այնմ պատրաստել զվաւերական գրեանս և զպատասխանիս արձանագրել ըստ իւրաքանչիւր կարգի: Դատաւորք ասեն, խնդիրք Լատինաց են այսօրիկ, Գերեզմանն Քրիստոսի և դահլիճն առաջի նորա, մեծ եւ փոքր կապարապատ դմբեթն, Պատանատեղին Քրիստոսի, գերեզմանն Ս. Աստուածածնի ընդ եկեղեցւոյն. Այրն Մննդեան Քրիստոսի և Մսուրն՝ և բանալիք երկոց դրանց և մեծ եկեղեցին. փակեալ դուռն Լատինաց. շինութիւնք Համբարձման տեղւոյն 'ի լեռն Ձիթենեաց՝ այլովքն հանդերձ, եթէ ունիք վասն սոցին հրովարտակս, Հէօճճէթս

և զայլ թուղթս՝ մատուցէք այսր, զի ընթերցեալ քննեցին, և ըստ պատշաճին արձանագրեցին. լուեալ զայսօսիկ Հայոց՝ մեկնեցան անտի: Եւ 'ի վաղիւ անդր յանդիման լեալ տեսնին մի առ մի ետուն պատասխանի որ ունէր օրինակ զայս:

1°. — Գերեզմանն Քրիստոսի իւր սարօք բաժանորդութեամբ էր 'ի մէջ Հայոց և Յունաց՝ զօրութեամբ դաշնագրոյն Օմարայ և Սալահատինի, և հրովարտակաց Սէլիմայ և այլոց առաջին թագաւորաց, և Սուլթանացն Եգիպտոսի. Լատինք յետ ժամանակաց եղեն բաժանորդ նոցա, և այսօր է 'ի ձեռս երկոց ազգաց՝ ըստ հրովարտակաց Մահմուտայ Արքայի:

2°. — Պատանատեղին Քրիստոսի, դարձեալ զօրութեամբ նոյն դրոց սեփհական էր ազգին Հայոց. Յոյնք և Լատինք զկնի ժամանակաց եղեն բաժանորդ նմին հրովարտակաւ, և այսօր է ընդ հսկողութեամբ երկոց ազգաց:

3°. — Գերեզմանն Ս. Աստուածածնի, զօրութեամբ դաշնագրոց եւ հրովարտակաց 'ի Սէլիմայ մինչեւ ցՄահմուտ Արքայ, ընկերութեամբ է 'ի մէջ Հայոց եւ Յունաց. Լատինք չունին անդ իրաւունս, և 'ի հրովարտակի նոցին չերեւի յիշատակութիւն ինչ, եւ այսօր չունին հաղորդութիւն տեղւոյն այնորիկ:

4°. — Այրն Բեթղեհէմի ընկերութեամբ է 'ի մէջ Յունաց և Հայոց՝ զոր հաստատեն բազմաթիւ վաւերական գրեանքիսկ Մսուրն սեփհական էր ազգին Հայոց, և ունիմք վասն այնր վաւերեալ թղթեանս, բայց Լատինք նենդութեամբ յալիւտակեցին զայն 'ի ձեռաց Հայոց, այժմ պահանջեմք զիրաւունս մեր. այսօր բաժանորդ են Այրին Հայք և Յոյնք, և Մսուրն 'ի ձեռս Լատինաց, և հիւսիսային դուռն յատկացեալ Հայոց:

5°. — Եկեղեցին Բեթղեհէմի՝ յերկաթեայ դրանէ մինչեւ 'ի աեղին Մննդեան ընկերութեամբ է Հայոց եւ Յունաց, որպէս հաստատեն զայս բազմաթիւ հրովարտակք և Հէօճճէթք դատարանի. Լատինք չունին անդ իրաւունս, թէ և ամբաստանեցին քանիցս՝ այլ ոչ եղեն լսելի:

6°. — Փակեալ դուռն 'ի հիւսիսային կողմն եկեղեցւոյն սեփհական է Հայոց. Լատինք յառաջագոյն դուռեալ պա-

տե՛հ ժամանակ բացեալ են զայն առանց հրամանի , եւ 'ի պատճառս ճանապարհին այնորիկ յարուցին բազմադիմի խռովութիւնս ընդ Հայս , եւ 'ի միում նուազի վիրաւորեցին զվարդապետս , եւ 'ի դատաստանին առաջի կոռակալին Դամասկոսի , Դատաւորին եւ այլազգեաց Երուսաղէմի՝ ոչ կարացին մատուցանել զիր վասն այնր . եւ համարեալ զայն նորասահման ինչ յիակեցաւ օրինօք դատարանի , եւ ըստ մտաց Հէօճճէթին ել հրովարտակ արքունուստ եւ վաւերեալ զայն Փոխարքային Եգիպտոսի՝ հրամայեաց ըզգործագրութիւն նորին :

7°.—Շինութիւնք եւ նորոգութիւնք Համբարձման տեղւոյն յատկացեալ են Հայոց , եւ Մահմուտ Արքայ տեսեալ զհրովարտակն Վ.Մ.թ.ութիւն , հրամայեաց նորոգել զայն , եւ ապա ետ հրովարտակ շինութեան եւ նորոգութեան , պատարագի եւ եկեղեցական զարգուց . եւ վասն սեփհակա՛նութեան տեղւոյն ունիմք զհին հրամանս :

8°.—Գողգոթայն տեղի Սաչեղութեան Քրիստոսի՝ սեփհական էր եւ ժառանգութիւն Հայոց ազգին , որպէս հաստատեն զպս դաշնագիրք եւ հրովարտակք Սուլթանաց Եգիպտոսի , իսկ ազգն Վրաց նենդութեամբ յափշտակեաց զայն 'ի ձեռաց Հայոց . եւ եղև բազմադիմի վէճ եւ դատաստան 'ի մէջ երկուց ազգաց , եւ 'ի վերջոյ հաստատեցաւ իրաւունք Հայոց , եւ եղաւ սլայման 'ի միջի՝ զի 'ի հակառակիլ վերստին Վրաց՝ անկցին ընդ տուգանօք : Սակայն Վիրք անաստեալ հրամանին եւ զօրութեամբ Թագաւորի իւրեանց՝ վերստին գրաւեցին զայն տեղի , եւ զինի ժամանակաց յափշտակեցին Լատինք զի մասն 'ի ձեռաց նոցա . եւ անհետանալ Վրաց յերուսաղէմէ՝ Յոյնք տիրեցին Գողգոթային . այլ բնականապէս ամբողջ Գողգոթայն է Հայոց . Յոյնք եւ Լատինք չունին անդ իրաւունս , այժմ պահանջեմք զայն : զի յաւուրս արդարութեան իշխանին մերոյ լիցի արդարութիւն եւ իրաւունք :

9°.—Այրն Գառաանից , որ եւ կոչի Այր կաթիլ , արտաքոյ զիւզին Բեթղէհէմի , որում բաժանորդ էին երեք ազգք եւ 'ի թուին ՎՎ. եղին անդ Լատինք զսպասս եկեղեցւոյ , եւ սահմանեցին նոր դուռն , եւ Դատաւորն յետ քննութեան ետ բառնալ զայնս եւ եխից զըուռն , թողեալ

զայն յառաջին վիճակին , եւ գրեաց Հէօճճէթս երկոց ազգաց հաւասար կատարել զուխոս իւրեանց : Այլ Լատինք յետ ժամանակի դարձեալ սահմանեցին զայն եկեղեցի առանց հրովարտակի , եւ արգելին անտի զՀայս եւ զՅոյնս . այժմ պահանջեմք ունել զբանալի եւ զնել սպասս եւ պատարագել անդ ըստ օրինակի նոցին :

10°.—Հայք ունէին վանս 'ի գիւղն Յովհաննու Ծնընդեան , յանցանել առուրց եւ ժամանակաց աւերեցաւ 'ի բարբարոսաց , եւ Հայք չկարացեալ նորոգել զայն թողին 'ի վիճակի իւրում : Եւ 'ի սմին ժամանակի Լատինք միջոց գտեալ տիրեցին այգեաց եւ ձիթենեաց մնացորդաց շինութեան եւ հնութեան վանաց . պնդեն եւ հակառակին թէ ընդ ժառանգութեամբ իւրեանց իցէ : Հայք վասն այնր տեղւոյն ունին հրովարտակս 'ի Սուլթանաց Եգիպտոսի , եւ ձերունի բնակիչք գիւղին վկայեն ցարդ վասն այնր՝ պահանջեմք զվանս մեր : Փակեցաւ ատեանն :

Նիստ Երրորդ , 'ի ՎՍ Բեպիլ պիւր ամսոյ :

Դատաւորք առնն . որովհետեւ խոստացան Հայք մատուցանել զվաւերական գրեանս վասն խնդրոց Լատինաց , զոր պահանջէին 'ի նոցանէ , Հայք յարուցին զերիս խընդիրս եւս ընդդէմ նոցա . այն է խնդիր Գողգոթայի , Այրին Գառաանից եւ վանաց Յովհաննու Ծնընդեան : Սակայն այժմ քննեսցին գրեանքն , որ վասն դատին Լատինաց եւ արձանագրեսցին յիւրաքանչիւր կարգի ըստ հրամանի Գաւառապետին եւ յետ այնորիկ քննեսցին երեքին խնդիրքն :

Հայք մատուցին ժողովոյն զչորս գաշնագիրս , որք էին մարդարէին Արարացւոց , Օմարոյ , Ալիս , եւ Սալահատունի , եւ հրովարտակս 20 յՕսմանեան թագաւորաց , գրեալ կարգաւ յիւրաքանչիւր ժամանակի , եւ 6 Հէօճճէթս դատարանի . սոքա միայն վասն Գերեզմանին Քրիստոսի , որոց իմաստքն արձանագրեցան . վասն Պատանատեղւոյն հրովարտակս 5 եւ Հէօճճէթս 8 . վասն գերեզմանի Ս : Ատուածածնի բաց 'ի հրովարտակացն՝ զորս գրեցաք , մատուցին նաեւ հրովարտակս 3 եւ Հէօճճէթս 4 . վասն Այրին Ծնընդեանն Քրիստոսի , բաց 'ի հրովարտակաց զորս

գրեցաք, առաջի եղին հրովարտակս 3, և Հէօճճէթս 8. վասն փակեալ դրան Լատինաց՝ հրովարտակս 2, և Հէօճճէթ 1. վասն Համարձման տեղւոյն շինութեան, հրովարտակս հին և նոր 3, և Հէօճճէթս հին 3. վասն Գողգոթայի՝ բաց ՚ի դաշնագրոց՝ հրովարտակս 3 ՚ի Սուլթանաց եգիպտոսի, մին թերի, և Հէօճճէթս 2. վասն Բաւանից այրին՝ Հէօճճէթ 1. վասն վանաց Յովհաննու ծընընդեան՝ հրովարտակս 2 ՚ի Սուլթանացն եգիպտոսի, Իսկ վասն Մորոյ տեղւոյն ասեն թէ՛ այն էր սեփնհականութիւն Հայոց՝ և գտեալ պատեհ ժամանակ հնարիւք յափշտակեցին զայն Լատինք. խորտակեցին զարկեղունս և զդարանս յԱյրի անդ, և յափշտակեցին զոր միանգամ գտին ՚ի նոսա, բարձին անտի և զկանթեղունս Հայոց, այժմ պահանջեալ զիրաւունս մեր, և և վասն այնր ունիմք հրովարտակ ՚ի Սուլթան Մուսթաֆայէ՛ և Հէօճճէթս 2, Չայտսիկ վաւերական գրեանս զորս մատուցին Հայք, զումանց իմաստս, և զումանս բառ առ բառ օրինակեցին յօրագրի անդ. փակեցաւ Ատեանն:

Այլ մինչդեռ տակաւին ՚ի Կոստանդինուպօլիս էր Կիրակոս Եպիսկոպոս, կոչեցին զնա ՚ի Նոր Խա՛ն ՚ի սենեակ Յովհաննէս աղայի, որ էր քուերորդի Բիշմիլեանի, ուր ժողովեալ էին միայն Բեահէայ ձանիկ, Բիշմիլեան Միքայէլ, և Երկանեան Յարութիւն Ամիրայք. և յառանձնութեան անդ տեսին զհաչոյ տումար ելից և մտից Սուրբ Աթոռոյն, զոր առաքեալ էր Պօղոս Եպիսկոպոս՝ և բարեք զխտորութեամբ ՚ի նկատի առեալ վերահասու եղեն ամենայնի, ուրախ եղեն յոյժ և և գովեցին զխոհական կառավարութիւն նորին: Ապա հարցին ցհիրակոս Եպիսկոպոս՝ թէ յի՞նչ միտս են զլիսուորք միարանաց և զի՞նչ կամին առնել զյաւելեալ դումարն: Եւ նա արար պատասխանի՝ յաջողութեամբ Տեառն յաւուրս ձեր ջանիւք նորին Սրբազնութեան ազատեցաւ Աթոռն ՚ի պարտուց՝ և յաւելաւ ինչ՝ այլ այսպիսի աւուրք յաջողութեան ոչ մնան միշտ. դուցէ՛ ՚ի պատահիլ պատերազմաց և այլ ձախորդութեանց, նուազեացի թիւ ուխտաւորաց՝ յայնժամ հարկ լինի ՚ի նեղութեան պահու ձեռն արկանել յայն դումար: Եւ յայտոսիկ երկուս ամս բազում տեղիք շինեցան յերու-

սաղէմ, ՚ի Յուպլէ և և ՚ի Դամասկոս, և տակաւին պէտս ունիմք բազում տեղեաց շինութեան և նորոգութեան: Այլ նոքա ետուն պատասխանի՝ ոչ բարեք թուի մեզ այնքան դրամոց մնալ անգործ յերուսաղէմ, հայեցեալ ՚ի փոխօխմունս և ՚ի պատահմունս աշխարհի, դուցէ՛ մատնեացի ՚ի ձեռս անխոհմաց ոմանց, որպէս երբեմն վասն փակման Բեթղեհէմի դրան վատնեցիք աւելի քան 200 քսակս դրամոց՝ զոր վերստին բացին: Ուստի մշտնջենաւոր մնալոյ այնց դրամոց կամիմք առնել անօրէնութիւն ինչ և և շահեցուցանել: Եւ զինի այսր խորհրդոյ դրեցին զիր առ Պօղոս Եպիսկոպոս յերուսաղէմ, և զի մի անկցի այս խորհուրդ ՚ի բերանս այլոց՝ զայն գիր ետուն գրել Կիրակոս Եպիսկոպոսի, որ ունէր օրինակ զայս:

« Ի բազմապատիկ փորձոյ ակն յայտնի տեսաւ և տեսանի՝ զի խոհական տնտեսութիւն կառավարչաց ծնող է օգտի հասարակութեան և աղբիւր յորդաւատ բարեաց, որով ոչ միայն զաւուրս իւրեանց կառավարութեան բարեջանիկս հանդերձեն, այլ և հողաբարձու գտեալ ապագայից, անմահ յիշատակ կանգնեն յաշխարհի, և յետոնցն իսկ լինին աւրիթ և սատար բարօրութեան: Այսպիսի խոհական տնտեսութեամբ գերազանց հանդիսացաւ սրբութիւն ձեր, զի սքանչելի իմն առաքինացեալ ՚ի բազմափորձ կառավարութեան և հասուն կատարելութեամբ Տերացեալ ՚ի նմին՝ քաջ գիտացեր զխանգարեալ կարգս Ս. Աթոռոյն բարեկարգել՝ զբազմադէզ պարտան հատուցանել չափաւորել զծախսն, և պաշտպանել զարդիւնս: Արդարեւ տնտեսութիւն սքանչելի՝ ոչ յառատութեան զեղխս վարեցար՝ զի մի և ՚ի ճշդութեան նկուն կացեալ մնացէ՛ Ս. Տունդ:

Որպէս ահա՛ դիտեալ մեր յառանձնութեան երեքին ստորագրեալքս զվեց ամեայ Ս. Աթոռոյդ արդեանց և ծախուց հաշիւն, զոր ընդ Կիրակոս Եպիսկոպոսի առաքեալ էիք, գովեցաք յոյժ զքոյդ գովելի աշխատասիրութեան արդիւնս, արդարեւ զանազանութիւն մեծ և բազում ՚ի մէջ առաջնոցն և վերջնոցս Ուստի և պարտաւորիմք երախտագէտ մտօք շնորհակալու լինել զխոհմագարդ տնտեսութեանդ, և մաղթել յամենաբարի Արարչէն զանգիւն կենացդ երկարութիւն և զհատուցումն բազմապատիկ ՚ի հան-

գատեան երկնային երանաւէտ կենաց: Այլ այս մի ինչ է՝ որ վրդովէ զօրրոս մեր, որպէս յուսամք թէ և զձեր խի նախադէտ միտող, և այն է փոփոխութիւն իրաց աշխարհիս - է երբեմն՝ զի ՚ի փոփոխիլ կառավարչաց՝ փոփոխին և կառավարութիւնքն, և ըստ ամենայնի ՚ի հակառակ կոյս շրջին, է երբեմն, զի որ բազում հոգաբարձութեամբ ժողովեալ գանձեցաւ, չուայլութեամբ վատնին յուսպէտս և յանօգուտս ՚ի ձեռն անխոհեմ կառավարչաց, է երբեմն, զի յապտամբութենէ եւ ՚ի վրդովմանէ երկրին, յաւարմատնին, որպէս եղեւ Տարոնոյ Ս. Ուելտին քանի ամօք յառաջ: Ուստի երկնչիմք, թէ ՚ի պատահիլ այսպիսեաց, այսքան մեծաջան աշխատութեան ձեր արդիւնք և մթերք զինի ձեր գուցէ այսպիսեաց ինչ դիպեցցին, և դարձեալ Ս. Տունդ հանդերձ միարանութեամբ տառապեցցի ՚ի կարօտութեան և ընդ պարտօք հեծեցցէ: Այլ քանզի մեք՝ որ ամենայնիւ խորհիմք և կամիմք զօգուտն Ս. Աթոռոյդ և գանդորրութիւն միարանութեան եթէ ՚ի ներկայիս եւ եթէ յապագայն, ընդ կիրակոս նպիսկոպոսի հարազատի Ս. Աթոռոյդ յաղազս ասպահութեան գումարեալ արդեանց՝ այսպէս խորհեցաք: Ձի զայն՝ զոր ատեաք ՚ի հաշուէգրի, և այն՝ որ յետ այնմ յայտ երկուս ամս յաւելաւ, և որ զինի այսորիկ ամ յամէ յաւելցի, զմեծ մասն այնց արդեանց, որով եղանակաւ և դիւրին իցէ՝ յայս կոյս փոխադրեացես, եւ զայն առ այն ոք հասուցիք՝ զոր կամիք և ընարէք յայս պէտս և եթ վերակացու, և մերով երիցս գիտութեամբ փակեալ եւ կնքեալ արկեղը գետեղեցցի ՚ի ներքին Քարուկիր Գանձատան Մայր եկեղեցոյս: Եւ որ ինչ հոգ և փոյթ իցէ անկորուստ մնալոյ այնր դրամաց, կամ շահեցուցանելոյ՝ գամենայնն խորհրդակցութեամբ ընդ վերակացուին առ ՚ի ձէնջ կարգելոյ յանձն առու եմք կատարել յօգուտ Ս. Աթոռոյդ և յանմահ յիշատակ սրբութեան ձերում: Իբր զի կամ շահարեք քարուկիր կալուած պայանէ ստանալ աստ կամ Իգմիւռին, կամ հին դրամ գանձեցցին, գնեցցին անդամանդեայ ակունք, որք միշտ յաճուիրն դնոյ և դրամաց բնաւորեալ են:

Ի տնտեսութիւն այսր ամենայնի հարկաւոր է աստ ոք ՚ի պատուաւոր հարազատ միաբանաց Ս. Տանդ, վասն որոյ

առ ժամս ոչ առաքեցաք զկիրակոս նպիսկոպոսն, զոր եթէ արժան համարիք՝ զնա կացուցիք աստ վերակացու գործոյն, և եթէ զայլ ոք արժանաւոր առաքէք, զնա առաքեալք ՚ի Ս. Աթոռդ: Զայս ամենայն ուղղ մտօք ծանուցեալ՝ մնամք առ ՚ի ձէնջ պատասխանոյ . ողջ լեր երկար կենօք:

Ի 20 Յունիսի, 1837. Ծ. Տ. Ծ. Տ. Ծ. Տ.
 Ի կոստանդի- Յարութիւն Միքայիլ Ճանիկ
 նուպօլիս: Երկարեան: Փիղմիլեան: Քեանեայ:

Գրեաց և ինքն կիրակոս առանձին թուղթ առ Պօղոս նպիսկոպոս, յորում յորդորէր զնա լինել համախոհ կամաց և խորհրդոց նոցին, զի չէր ինչ տեղի կասկածանայ . եւ յետ բազում բանից յաւելու ասել՝ « Գիտես Տէր իմ, եթէ չէաք տեսեալ զցուցակ գանձեալ դրամոց հոգելոյս Տ. Գրիգորի Եղթայակրի հայրապետին, ոչ իսպառ դիտեաք՝ զի չիք ուրեք յիշատակութիւն ինչ, այլ ո՞ւր մնաց այն դրամ, զի՞նչ եղեւ, առ ի՞նչ վատնեցաւ, ոչ ոք գիտէ . ապա գրէ կարգել զմին Միւթէվէլի Աթոռոյն՝ եւ զերկուսն նազր և վերակացու՝ տեսանել զհաշիւն և հոգալ զգործս Աթոռոյն: Այլ այս խորհուրդ՝ որպէս երեւի՝ ոչ նհաս յարդիւնս յայնժամ, զի բոցեալ էր դուռն խրսովութեան և հակառակութեան ՚ի մէջ ազգաց՝ և Պօղոս բազում դրամոց պէտս ունէր, եւ չէր հնար հանել զայն արտաքս:

Գ Լ Ո Ի Խ Ծ Դ .

Գիր մեծի մէջերին առ Գառուորն: Զնշումն երկոց հրովարտակոցն Հայոց: Հակառակութիւն Յունաց . բողբ նոցին առ Հիւսպտոսն Ռուսաց: Պատճեն թղթոց Հիւսպտոսին: Փոխորդային, Գառուապետին: Ժողով ՚ի գառարանի վասն քննութեան ինօրոց Հայոց և Յունաց:

ՅԵՏ ընթերցման հրովարտակին Լատինաց սակս Համբարձման տեղոյն, որպէս գրեցաք, գրեանք Դատաւորին հասին ՚ի Կոստանդինուպօլիս ՚ի ձեռն Սարկաւազաց, թէ

վան անիրաւ պահանջմանց Յունաց, և թէ վան հակա-
աակութեան Լատինաց, և համաձայն մտաց նոցին՝ գրեաց
և ինքն Ստեփաննոս Պատրիարք 'ի Դուռն, և աշխատու-
թեամբ Դիլաւորաց ազգին՝ Վէզիրն մեծ՝ 'ի շնորհս ար-
տաքին գործոց պաշտօնէին՝ գրեաց առ Դատաւորն Երու-
սաղէմի՝ չկործանել զչինուածս Հայոց՝ մինչեւ ելցէ հրո-
վարտակ, թէ եւ Լատինք ասէ՝ առին հրովարտակ սակս
ուխտին իւրեանց յԵրուսաղէմ եւ 'ի լեառն Ձիթենեաց,
սակայն զանազան մեկնութիւնս տուեալ այնմ, կամեցեալ
են քակել զսեփհական տեղիս Հայոց՝ և ինքեանք շինել,
եւ վանն սյար տուեալ են պայմանաժամս ամիսս երկուս 'ի
Փոխարքայէն Եգիպտոսի . եթէ ոչ ժամանեցէ՝ 'ի միջոցիս
յայսմիկ հրովարտակ յԱրքայէ՝ փոյթ կայցեն կատարել
զկամս ցանկութեան իւրեանց, Իսկ Պատրիարքն Հայոց՝
աստ 'ի մայրաքաղաքիս թախանձանօք խնդրեաց նոր հրո-
վարտակ 'ի հաստատութիւն առաջնոցն, և 'ի խափանումն
ընդ միշտ հակառակութեան Լատինաց, որպէս յայտ առնէ
Իլլամն ձերս Յարձանադիրս կայսերական Դիւանին թէպէտ
և գտանի տուեալ հրովարտակ Լատինաց, այլ ոչ նշմարի
'ի նմա կէտ ինչ սակս շինութեան տեղւոյն այնորիկ, այլ
անարդեւ կատարել զուխտս . և յակնարկեւն մեր յաղեր-
սագիրն, ակնհրեւ տեսանի թէ խնդիրն առիթ է մեծի
զրկանաց Հայոց, Ուստի հարկ եղեւ համեմատել ընդ ար-
ձանադրութիւնս և զպարտ ու պատշաճն գործադրել, և
զորինակ կայսերական հաւանութեան առ մեծութիւն ձեր
բացայայտ գրել, Ի հասանիլ գրոյս առ ձեզ՝ փութասջիք
խոհմութեամբ զկարեւորն գործադրել, 'ի ԼՂ Շէվվալ
ամսոյ՝ 1707:

Ի հասանիլ սյար նամակի մեծի Վէզիրին յԵրուսաղէմ՝
Լատինք լսեցին առ վայր մի, այլ ոչ կացին յետս խորհե-
լոյ և նիւթելոյ զչարիս: Իսկ Յոյնք որ մինչեւ ցայս վայր
յայտնի և ծածուկ հակառակէին Հայոց, և մեծամեծ Զա-
նիւք վաստակէին 'ի դրուսն մեծամեծաց, և երբեմն խը-
րոխտանօք արհամարհէին զՀայս, թէ տամք եղծանել
զհրովարտակս ձեր, եւ կործանեմք զչինուածսն, յետ
կարգաւորելոյ զամենայն ինչ՝ բողոք բարձին 'ի Դուռն
Պատրիարքունք և ժողով Մետրապոլտաց նոցին՝ և ետուն

ջնջել յԱրքունի Դիւանէ զարձանադրութիւնս երկց հրո-
վարտակացն Հայոց:

1^o.—Սակս նորոգութեան Տաճարին Ս. Յարութեան,
տուեալ 'ի թուին 1779:

2^o.—Վանն նորոգութեան եկեղեցւոյն Բեթղեհէմի, 1701:

3^o.—Վանն շինութեան Համբարձման տեղւոյն, 1707:
Եւ տուաւ նոր հրովարտակ վարիլ ըստ մտաց հրովարտա-
կացն տուեալ 'ի թուին՝ 1778, յորում յառաջ ըրելի իբր
պատճառ, թէ հրովարտակքն զոր գրեցաք 'ի վեր՝ տուեալ
են միայն 'ի խնդրոյ Պատրիարքին Հայոց, Սակայն զիտել
զիտացին թէ ծածկապէս ուժգին շնչելոյ հիւսիսային հող-
մոյ, փոթորիկեաց և սասանեցոյց զդուռն, և յայս եղանակ
չըջեաց զխնդիրն:

Եւ յետ այնորիկ՝ ըստ Իլլամի Դատաւորին Երուսաղէմի՝
զոր տուեալ էին Յոյնք, առին 'ի Դրանէ նոր հրովարտակ
'ի 10 Ձիլգատէ ամսոյ՝ 1707, ('ի 21 Փետրվարի . 1837),
եւ վերստին ինքեանց սեփհականեցին զընդհանուր շի-
նութիւնն Ս. Տեղեաց:

Յետ այնորիկ չորան Յոյնք առ Դատաւորն Երուսաղէմի
Համտուլլահ Էֆէնտի եւ ասեն . եթէ քակես զչինուածս
Համբարձման՝ և բառնաս զամենայն եկեղեցական սպասս,
եւ խափանես զպատարադն եւ զարարողութիւնս Հայոց՝
ըրեալ մատուցուք աստ զհրովարտակն Արքունի . իսկ
եթէ ոչ՝ դարձուցանեմք զայն առ Տէրութիւնն, և բողոք
բառնամք զքէն վասն ոչ գործադրելոյ զայն: Դատաւորն
ոչ ետ տեղի բանից նոցա, այլ վերստին գրեաց 'ի Դուռն
հրովարտակաւ հաստատել զիրաւունս Հայոց՝ զի անկոր-
ծան մնացեն շինուածքն: Սակայն Յոյնք սխալեալ ընդ
Դատաւորն՝ գրեցին զիր ամբաստանութեան զմանէ եւ
զազգէն Հայոց առ Հիւսպատոսն Ռուսաց, եւ առաքեցին
զայն յԱղէքսանդրիտ 'ի ձեռն պատգամաւորի, եւ միջ-
նորդութեամբ նորին խնդրեցին 'ի Փոխարքայէն Եգիպ-
տոսի՝ առնել քննութիւն ծանուցեալ խնդրոց, որպէս
տեսցի 'ի ստորեւ:

Ընթերցեալ Հիւսպատոսին զնամակ միաբանացն Յունաց,
գրեաց առ առեւնական Թարգման Պօղոս Պէյ օրինակ զայս .
« Ձգանկատանս միաբանացն Յունաց զԴատաւորէն Երու-

սաղէմի՝ յերեկեան դիշերի բերանացի պատմեցի նորին Բարձրութեան, և նա հրամայեաց գրով մատուցանել զայն : Ուստի հարկ եղև զերստին կոչել զպատգամաւորն Յունաց եւ հարցանել, ահաւաստի բանք նորին : Դատաւորն Երուսաղէմի սակս գործադրելոյ զհրովարտակն Արքայի՝ խնդրեաց ՚ի մէջ 100,000 դահեկան, թէ պէտ է յօժարեցաք տալ նմա 20,000 կանխիկ, և 10,000 փոխանակագրով հատուցանել ՚ի Կոստանդինուպօլիս, այլ նա ոչ կամեցաւ, և խնդիրն մնաց ՚ի վիճակի իւրում : Իսկ Հայք համարձակութիւն տուեալ յընթացից Դատաւորին, անցեալ զմեցին քան զչափն, զի ընդդէմ նախնական սովորութեան բացին դրունս յեկեղեցին Բեթղէհէմի եւ զարդարեցին պէսպէս պատկերօք, և ՚ի թոյլ տալոյ Դատաւորին՝ նորոգեցին զեկեղեցին Համբարձման, և յանդգնեցան առնել զքանի մի աւելորդ իրս, մինչ զեկեղեցին անգամ նորոգելոյ չունէին հրաման, այժմ շինեալ հաստատեցին մի նոր վանք, և դրաւեցին զբանալի տեղոյն, որ յատկացեալ էր Հայոց, Յունաց և Լատինաց : Եւ ՚ի հրամանագիրս Փոխարքային յայտնապէս յիշեալ է լեռն Չիթենեաց, և ջնջումն երկից հրովարտակացն Հայոց, և այս կարծիս տուեալ է. այսօրեկ են բանք պատգամաւորին : Յետ ճանաչելոյ մեծութեան ձերում զեղանակ գործոյն, հաճեցէք մատուցանել յոսս նորին Բարձրութեան : Արդ՝ խնդրեմք զպատիժ Դատաւորին, զմերժումըն Հայոց ՚ի տեղեացն այնոցիկ, յորս չունին իրաւունս, և զհաստատութիւն իրաւանցն Յունաց : Եւ որպէս զի մի յանդգնեցին միւսանգամ յայսպիսի խնդիրս, կարգեսցի Ոստիկան ՚ի քննութիւն դատին, և ՚ի նկատի ունել զտեղիս, որք կարօտ են շինութեան, և յայտնել զճշմարտութիւն իրին, զի վախճան լիցի այսողիսի վիճմանց և խօսակցութեանց, խոնարհ աղերսանօք և յարգանօք ծանուցանեմ նորին Բարձրութեան, ՚ի Վ Շէվիլալ ամսոյ 1404 : Պատճէն նամակի Փոխարքային գրեալ առ Գաւառապետն :

Զթարգմանութիւն նամակի Ռուսիոյ տէրութեան ընդհանուր Հիւմատոս Գուենիէմում բարեկամին մերոյ, ուղղեալ առ Թարգման Պէյն, սակս Դատաւորին Երուսաղէմի, եւ զպատճէն Կայսերական հրովարտակին ծրարեալ ՚ի ծոց հրամանագրոյս առաքեցի առ ձեզ, զի ընթերցեալ բարւո՞ք

տեղեկասլիք հանգամանաց գործոյն, զի խնդրեալ են լինել քննութեան ամբաստանեալ իրաց ՚ի տեղոջ իւրում : Ուստի առաքեցէք ՚ի կողմանէ ձերմէ զայր ոք հաւատարիմ և խոհեմ, քննել և ստուգել պարագայիւք զգործն, և իմանալ թէ ո՞րպիսի եղանակաւ լեալ իցէ հակառակութիւն հրովարտակին, զի կամիմ փոյթ մեծ ունել գործադրութեան նորին, Վ Շէվիլալ ամսոյ, 1404 :

Պատճէն նամակի Գաւառապետին գրեալ առ Միւֆթի և առ Բաղաքապետն Երուսաղէմի : Գրամատոյց մեծապատիւ Փոխանորդ և թիկնապա՛հ որդեակն մեր Հաֆըզ Ռէշիտ Էֆէնտի առաքեցաւ առ ձեզ՝ ընդ իւր ունելով զպատճէնս հրամանագրի Փոխարքային, Կայսերական հրովարտակին, և նամակի Հիւսպանոսին մատուցեալ առ Փոխարքայն, և հրամայեալ է նորին Բարձրութիւնն քննել յերուսաղէմ զդատոս Հայոց և Յունաց, որ ունի լինել ՚ի ձեռն որդեկին մերոյ և Միւֆթի Էֆէնտեայ՝ առաջի Փոխանորդաց երկուց ազգաց, եւ զինի աւարտելոյ քննութեանն՝ ըստ պահանջման օրինաց կնքել ամենեցուն զարձանագրութիւն և դարձուցանել այսր ընդ որդեկին մերոյ : Ի վերջ Զիլդատէ ամսոյ՝ 1404 :

Կազմեցաւ ժողով յապարանս Բաղաքապետին, որոյ անդամք էին՝ Մէհէմէտ Թահիր Էֆէնտի Միւֆթի քաղաքին, Մուստաֆա ազա Բաղաքապետ, Հաֆըզ Ռէշիտ Էֆէնտի՝ թիկնապա՛հ Գաւառապետին, Բիրիլլոս՝ Փոխանորդ՝ և Սոֆրոնիոս թարգման ՚ի կողմանէ Յունաց : Կարապետ Եպիսկոպոս Փոխանորդ, և Իսահակ վարդապետ Թարգման ՚ի կողմանէ Հայոց :

Նիստ Առաջին :

Նախ ընթերցան զնամականին, զոր գրեցաք, և սպասեհարց Ռէշիտ Էֆէնտի ցՀայս, իմացաք զվրոս ընթերցեալ գրոց, և թէ ջնջեցան երեքին հրովարտակք Հայոց, և ընդհանուր նորոգութիւնն տուաւ Յունաց, որպէս գրեալ է ՚ի հրովարտակին, ուրեմն զիս՞րդ համարձակեցայք շինել և նորոգել զծանուցեալ տեղիսն՝ ոչ հնազանդելով հրամանին, զպատճառս եւ զհանգամանս գործոց իւրաքանչիւր տեղոյ սլատմեցէք ճշդութեամբ :

Հայք ետուն պատասխանի .

1.—Չհրովարտակն , զոր ետուն բերել Յոյնք , ոչ է տե-
սեալ մեր , և ոչ ընթերցեալ 'ի Դատարանի , և մեր ոչ եր-
բէք հակառակ կացեալ եմք նմին , զի չէ օրէն հպատակ
ազգի անաստեւ հրամանի Տէրութեան , եթէ հարցցի ցը-
Գլխաւորս քաղաքին , յայանի լինի ճշմարտութիւնն եւ
ստութիւնն : Մին 'ի խնդրոց , զորմէ ամբաստանեն Յոյնք՝
է Տաճարն Ս . Յարութեան , ուր ոչ է լեալ նորոգութիւն
և զարդարանք :

2.— Եկեղեցին Բեթղէհէմի , Հիւսիսային կողմն յատ-
կացեալ Հայոց , և բաժանորդ Այրն , յայտոսիկ տեղին եւս
չէ լեալ նորոգութիւն ինչ՝ այլ թերի մնացեալ 'ի բաժա-
նորդութենէ , կախեալ եմք քանի մի պատկեր և կանթեղ՝
քննութեամբ Օմար Նասիպ նախկին Դատաւորի և այլազ-
գեաց քաղաքիս , և ոչ եղեւ ինչ 'ի ժամանակս Համտուը-
լահ Դատաւորի : Սուտ է և այն բողոքն Յունաց , թէ Հայք
դբունս բացին յեկեղեցին Բեթղէհէմի :

3.— Լեռնն Ձիթենեաց . յետ լրանալոյ խնդրոյն Բեթ-
ղէհէմի , տացուք պատասխանի եւ վասն այնր յիւրոսմ
տեղւոջ :

Փոխանորդն Յունաց՝

1.— Այս է պատճառն ոչ ընթեռնելոյ հրովարտակին մե-
րոյ 'ի դատարանի՝ ընթերցաւ յառաջագոյն հրովարտակն
Լատինաց վասն Համբարձման տեղւոյն , եւ Դատաւորն
խոստացաւ գործադրել զայն , ապա զիջեալ յաղաչանս
Հայոց՝ զանց արար զնովաւ . եթէ հարցցի ցգլխաւորս քա-
ղաքին՝ որք էին 'ի նմին ժողովի՝ յայանի ճշմարտութիւնն
եւ 'ի ժամանակ հրովարտակին մերոյ՝ կոչեալ զՔեթխուտայ
Էֆէնտի տուաք նմա ընթեռնուլ զայն , և նա ծանոյց Դա-
տաւորին զբովանդակութիւն նորին , յետ որոյ ետես եւ
Դպրապետն , նոյնպէս և նա յայտ արար նմա , բայց նա ոչ
ընկալաւ , միջնորդ կացուցաք զԱլի Միւհսին Էֆէնտի՝ չե-
ղեւ ինչ օգուտ , երկիրս զնացեալ առ Դատաւորն խընդ-
րեցաք զգործադրութիւն հրովարտակին , զստաջինն խընդ-
րեաց 200,000 դահեկան , և յերկրորդումն 100,000 . թէ-
պէտ խոստացաք տալ նմա 30,000 իբր ծախք Իլամի եւ
Հէօճէթի , այլ նա ոչ հաճեցաւ , և գործն մեր եղեւ այն .

պէս , որպէս գիտէաք զգործս Լատինաց , այժմ ծանիցեն
Հայք թէ յի՞նչ պատճառս ոչ ընթերցաւ հրովարտակն 'ի
դատարանի :

2.— Տաճարն Ս . Յարութեան՝ ուր ոչ է լեալ նորոգու-
թիւն , որպէս ասացին Հայք , և ոչ եմք բողոքեալ վասն
այնր , և 'ի նամակի Հիւսիսային չիք յիշատակութիւն :

3.— Եկեղեցին Բեթղէհէմի հիւսիսային կողմն սեփհա-
կան Հայոց , և բաժանորդ Այրն , յորս արդարեւ ոչ եղեւ
նորոգութիւն , սակայն Հայք զպատկերս եւ զկանթեղս
զորս կախեցին՝ պակասորդ ասեն 'ի բաժանորդութենէ ,
թէպէտ եղեն նոքա 'ի ձեռն նախկին Դատաւորի և գի-
տութեամբ այլազգեաց քաղաքիս , այլ ոչ որպէս սեփհա-
կան իրաւունք նոցա , զի տհաճութեամբ մեր եւ պաշտ-
պանութեամբ Դատաւորին եղեն . որպէս ծանեաւ յետոյ
առանց իրաւանց լինելն , և կոչեալ զերեւելիս քաղաքին
կամեցաւ խանգարել , այլ 'ի պատճառս բացակայութեան
Քաղաքապետին՝ մնաց այնպէս :

Բանալի Հիւսիսային դբան եկեղեցւոյն էր 'ի ձեռս Յու-
նաց , եւ 'ի ժամանակի ընկերութեան ետ Դատաւորն եւ
զմի բանալի Հայոց , և սրտուիրեաց այնպէս գործադրել
և նորասահման պատկեր և կանթեղ և այլն . եթէ իրաւամբ
էր , տուեալ լինէր յայնժամ Հայոց օրինաւոր Հէօճէթի՝
ի դատարանէ , և զի ոչ տուաւ , նշանակէ շունել իրաւունս
Յետ սահմանելոյ զայսոսիկ՝ ետուն բառնալ նաեւ զվարա-
գոյրն որ 'ի վերայ հիւսիսային դբան Այրին , և զխաչվարս
որ 'ի վերայ որմոյն կից նմին , և նորասահման իրքս , որք
ասեն Հայք թէ , բաժանորդութիւն մեր է , սուտ է , զի
բաժանորդութիւնն եղեւ 1777 թուին 'ի ձեռն Նուրի Է-
ֆէնտեայ և հաճութեամբ երկուց կողմանց , և տուաւ Հէօճ-
էթի՝ 'ի Դատարանէ երկոցուցս սակա բառնալոյ զխոսովու-
թիւնն : Ահա այսպէս է եղանակ բաժանորդութեան , թէ-
պէտ Հայք կախեցին զաւելորդ կանթեղս 1777 թուին ,
հակառակ սահմանի բաժանորդութեան , այլ յայնժամ տը-
ւաք բառնալ 'ի ձեռն Դատաւորին : Եթէ այսպէս է խնդիրն ,
սոքա ուստի՞ եղեն կատարեալ բաժանորդ , և ստացան զի-
րաւունս ընկերութեան , մինչդեռ որմքն և կապարապատ
ձեղունն հիւսիսայի կողման , մեր են , և այս հաստատեցաւ

Հէօճճէթիւ դատարանի 'ի ժամանակս քննութեան Միւն-
լիպ էֆէնտեայ, առաքեալ 'ի Փոխարքայէն Եգիպտոսի :
Եթէ Հայք սակս կատարեալ բաժանորդ լինելոյ եղեալ են
զայստիկ , ուրեմն խոստովանին զբաժանորդութիւնն ,
որ եղև հաճութեամբ երկուց կողմանց՝ ՎԱ թուին :

Կ°.— Չիք բացեալ գրուենք յեկեղեցին Բեթղեհէմի ար-
տաքոյ սովորութեան , յայսմ ճշմարիտ են բանք Հայոց , և
ոչ եմք գրեալ 'ի նամակին , այլ թէ կամին սեփականել
Հայք զբաժանորդ դուռն հիւսիսային նոր բանալեօք , և
այս վրիպակ Հիւստոսին է :

Ծ°.— Հայք ասացին թէ նորասահման իրքս յեկեղեցին
Բեթղեհէմի եղև յաւուրս նախկին Դատաւորի , և ոչ այժ-
մեան . արդարև այնպէս է , սա ետ Հէօճճէթս վասն Ձի-
թենեաց լերին , և արգել զգործադրութիւն հրովարտա-
կացն Հատինաց և Յունաց , և 'ի նամակին գրեալ էր , թէ
Հայք սալաւինեալ 'ի շնորհս Դատաւորին գտին յաջող ժա-
մանակս , այդ ոչ միայն վասն արդի Դատաւորին է , այլ
և վասն առաջնոյն , որ հակառակ հրովարտակին նորանոր
իրս սահմանել ետ Հայոց յեկեղեցին Բեթղեհէմի և 'ի լեա-
ւորն Ձիթենեաց : Հաճոյ Բէշիտ էֆէնտի ասէ , ծանեաք
զբանս Փոխանորդին Յունաց , զՀրովարտակն ձեր , որով
փութացեալ էք 'ի Դատատան , չյայտնել ձեր փութանակի
և ոչ տալ ընթեռնուլ զայն , հաստատէ զբանս Փոխանոր-
դին Հայոց , և 'ի ձեռն միջնորդի ծանուցանելն Դատաւ-
որին , զնոյն յայտ առնէ : Նոյնպէս և ամբաստանեալ իրքն
ոչ են լեալ յաւուրս Համուլլահ Դատաւորի , այլ նախոր-
դի նորին , և 'ի կողմանէ Հայոց չէ պատահեալ ինչ , և դուք
խնդիր մատուցեալ էք շինութեան և նորոգութեան , վասն
ո՞յր խոստացայք տալ Դատաւորին 30,000 դահեկան : Եւ
նորասահման իրքն Հայոց յեկեղեցին Բեթղեհէմի և յԱյ-
րին , հակառակ ասէք առաջին բաժանորդութեան , և 'ի
նմին ժամանակի լեալ է իրաւունք հաճութեամբ երկուց
կողմանց , և 'ի ժամանակէն յայնմանէ զոր ինչ ունէին եր-
կու ազգք , մնացեալ են 'ի վիճակի իւրեանց , և ոչ է լեալ
վէճ , և կամ աւելի եւ պակաս իրք , միայն 1704 թուի՞ն
պատահեցաւ չարագանցութիւնս այս :

Միւնլիպ էֆէնտի յորո՞ւմ ժամանակի , եւ վասն ո՞յր

պատճառի եկն , եւ զո՞ր տեղիս 'ի քննութիւն էառ , եւ
ո՞րպիսի եղև վախճան գործոյն : Եւ Համուլլահ Դատա-
ւորին վասն Ձիթենեաց լերին տուեալ Հէօճճէթքն 'ի հաս-
տատութիւն առաջնոյ Դատաւորի՞ն էին , եթէ 'ի ժամա-
նակս իւր վասն շինութեան եւ նորոգութեան տեղեաց
տուեալ են . այսոքիկ բացատրութեան սէտս ունին :

Փոխանորդն Յունաց .

1°.— Վասն այնորիկ խոստացաք տալ Դատաւորին 30,000
դահեկան՝ կործանել զշինուածս Հայոց , զի մեք շինեսցուք
զայն որպէս արժանն է , զի գործ շինութեան մեզ յանձն
եղեալ է , որովհետև ջնջեցան արձանադրութիւնք հրո-
վարտակացն Հայոց , իմաստիւք նոցին շինեալ իրքն խախա-
նեալ համարին , յոյր սակս խնդրեցաք զկործանումն նոցին :

2°.— Ի բաժանորդութեան Բեթղեհէմի 'ի ՎԱ թուակա-
նէ մինչև օր թուականն միակերպ ընթացեալ եմք , եւ
ոչ երբէք լեալ է հակառակութիւն ինչ սահմանի բաժա-
նորդութեան 'ի կողմանէ Հայոց , միայն 1777 թուին ա-
ւելորդ իրքն Հայոց խախանեցան 'ի ձեռն Դատաւորի :

3°.— Պատճառ գալտեան Միւնլիպ էֆէնտեայ , զի 'ի
1704 թուին խարխալեալ էր հիւսիսային որմն եկեղեցոյ
յատկացեալ Հայոց , և յաղաքս պատապարելոյ զայն շինե-
ցաք կէս կամար 'ի վերայ եկեղեցոյն Հայոց , և նոքա վի-
ճեալ ընդ մեզ , ետուն քակել զայն օրինօք Դատարանի :
Եւ 'ի ժամանակին յայնմիկ պատահեցաւ յեկեղեցին Բեթ-
ղեհէմի Աղէքսանդրիայ ընդհանուր Հիւստոսոն Ռուսաց
Գոնդըմիտիմ , և 'ի դառնալ նորա 'ի տեղի իւր՝ ծանու-
նուցեալ է Փոխարքային զհանդամանս գործոյն , և նա ա-
ռաքեաց զՄիւնլիպ էֆէնտի 'ի քննութիւն : Եւ եղև 'ի
հասանիլ նորա յերուսաղէմ , մատոյց 'ի քննութիւն զտե-
ղիսն առաջի Դատաւորին եւ այլազգեաց քաղաքիս , և 'ի
նմին ժամանակի հաստատեցաւ օրինօք թէ Հայոց եկեղե-
ցոյ կապարապատ ձեղունն , տանիսն և օդն , նորոգու-
թիւն կապարին , աւելածութիւնն , եւ հիւսիսային որմոց
մինչ 'ի կապարն լինել սեփական Յունաց . և վասն այսր
տուեաւ մեզ Հէօճճէթ 'ի Դատարանէ , այս էր պաշտօն
Միւնլիպ էֆէնտեայ :

Կ°.— Հէօճճէթքն Հայոց՝ որոց մին տուեալ է նախկին

Դատաւորն սակո նորոգութեան Ձիթենեաց լերին, և բզմիւան սակս չգործադրելոյ զհրովարտակն Լատինաց:

Փոխանորդն Հայոց, բողոք բառնան Յոյնք թէ կանթեղք և պատկերք որք կախեցան յեկեղեցին Բեթղեհէմի, իցէ լեալ միայն շնորհիւ Դատաւորին, և ոչ իրրեւ սեփհական իրաւունք Հայոց, և չէ տուեալ Հէօճճէթ 'ի Դատարանէ: Այլ սակայն վասն գործադրութեան բաժանորդութեան Հայոց՝ ոչ երբէք պակասեցան վէճք և խռովութիւնք 'ի կողմանէ Յունաց: Եւ 'ի 1794 թուին եղեալ արձանագրութիւնն մատուցաւ առ Փոխարքայն Եգիպտոսի, և նա գրեաց առ Դատաւորն Երուսաղէմի գործադրել զբաժանորդութիւնն ըստ մտաց հրովարտակին Հայոց: Եւ իրրեւ ընթերցաւ այն 'ի Դատարանի՝ Յոյնք վերստին յարողցին վէճս և խռովութիւնս, և եղև քննութիւն յերկուց կողմանց, եւ Դատաւորն առաքեաց զարձանագրութիւնս դատաստանին առ Փոխարքայն, և 'ի պատճառս խռովութեան պատերազմին անկարելի եղև ընդունիլ ըզպատասխան նորին իրրեւ զամ մի: Եւ 'ի կարգիլ Դատաւոր Երուսաղէմի Օմար Նասիպ Էֆէնտեայ 'ի 1797 թուին՝ մատուցաք նմա զհրամանագիր Փոխարքային, և ասպ խնդրեաց զհրովարտակն բաժանորդութեան, և և յետ ընթեռնոյ առաջի մեծամեծաց քաղաքիս եւ Յունաց՝ հաճութեամբ և հաւանութեամբ նոցին, կախեաց զկանթեղս և զպատկերս: Յոյնք ունէին յԱյրին Մենդեանն Քրիստոսի պատկերս 11, Հայք բողոքեցին ըստ իրաւանց բաժանորդութեան տալ ինքեանց զկէս նոցին, ընդ որ տհաճեալ կախել տալ կամեցան 'ի ներքոյ պատկերաց նոցին, այլ Հայք ոչ առին յանձն՝ և մնաց այնպէս:

Եւ պատճառ չտալոյ մեզ Հէօճճէթ 'ի Դատարանէ՝ զի ոչ կարացաք լցուցանել զթերին բաժանորդութեան, զի զմանս արար, և զայլս եթող, եւ մեք ոչ կամեցաք ընդունիլ զՀէօճճէթն, թէպէտ Դատաւորն քանիցս աղքարար մեզ առնուլ: Եւ իրրեւ մերձեցաւ ժամանակ մեկնելոյ նորա յերուսաղէմէ՝ կամեցաւ խանգարել զոր արար յեկեղեցոջ անդ, և Քաղաքապետն ոչ կամեցաւ երթալ 'ի կոչ նորա, այլ արար պատասխանի՝ թէ զիտութեամբ և հաւանութեամբ ամենեցուն եղեալ իրաց չկամիմ լինել

խախտարար: Հայք բաժանորդ էին հիւսիսային դրան Այրին՝ և հարկ էր տալ նոցա զմի բանալի նորին, այլ ոչ ևս, և դուռն արեւմտեան 'ի կողմն հիւսիսոյ յառաջագոյն սեփհական տուեալ էր մեզ, յետոյ կամօք և հաճութեամբ իւրով բաժանորդ արար՝ տուեալ երկաքանչիւրոյ մէնմի բանալի: յեկեղեցին Բեթղեհէմի չեն միայն 2 դուռնք, այլ՝ 10 'ի ներքս և յարտաքս, յորոց 2 'ի ձեռս Լատինաց, եւ այլոց տիրեալ են Յոյնք, և մի բանալի արեւմտեան դրան 'ի ձեռս Հայոց: Յոյնք ասեն թէ՝ իրաւունք բաժանորդութեան կատարեցաւ 'ի ժամանակս Նոբրի Էֆէնտեայ, սակայն չէ այդ ճշմարիտ: Թէպէտ 'ի թուականին յայնմիկ եղև կազմութիւն բաժանորդութեան հաճութեամբ երկուց կողմանց, այլ ոչ եղին բանք և քանակութիւնք պատկերաց և կանթեղաց, զի ոչ էր կարգեալ նա լինել Լուսարար, այլ գործադրիչ հրովարտակի բաժանորդութեան և բարձող խռովութեան, որպէս և 'ի Հէօճճէթին որ եղև 'ի ձեռն նորին՝ չիք թիւ և քանակութիւն կանթեղաց և պատկերաց: Նոբրի Էֆէնտի միով հրովարտակա երկուց տեղեաց բաժանորդ արար, եկեղեցոյն Բեթղեհէմի եւ գերեզմանի Ս: Աստուածածնի, զի որպէս գործադրեցաւ բաժանորդութիւնն գերեզմանի Ս: Աստուածածնի, նոյնպէս եղև և եկեղեցոյն Բեթղեհէմի, և հիւսիսային կողմն յատկացաւ Հայոց: զի որպէս Յոյնք 'ի յատկացեալ տեղիս իւրեանց ըստ պահանջման հարկին և ժամանակին յաւերուն և նուազեն զթիւս կանթեղաց և պատկերաց իւրեանց, հարկ է նոյնպէս առնել և Հայոց 'ի յատկացեալ տեղիս իւրեանց, զի 'ի ժամանակս արդարասէր Իշխանին մերոյ մի ոք լիցի արդեւ և խախտ, խեղամուտ լինել պարտ է 'ի վերայ պարագայիցս այսոցիկ՝ զի չէ արդարութիւն և վայելուչ մարդկութեան ընդ միւշտ վիճել Յունաց ընդ ազգին Հայոց:

Նիստ Երկրորդ:

Քաղաքապետն ասէ՝ որովհետեւ կախեալ իրքն յեկեղեցին Բեթղեհէմի ըստ տրամադրութեան հրամանագրոյն և հրովարտակին բաժանորդութեան եղեալ է 'ի ձեռն նախ-

կին Գատաւորի, որպէս ասացին Հայք, բերցեն աստ զայնոսիկ, զի ընթերցեալ մուծցի յարձանագրութիւնն :

Մատուցին Հայք զհրամանագիրն Փոխարքային, գրեալ 'ի ԿՕ Շապան ամսոյ ԿՉՕԿ, և զՀեօճէլն տուեալ երկուց աղբաց 'ի ժամանակս Նուրի Էֆէնտեայ, հիմնեալ 'ի վերայ հրովարտակի բաժանորդութեան : Միւֆթի Էֆէնտին ասէ՝ 'ի բաժանորդութեան Հեօճէլթին Նուրի Էֆէնտեայ չիբ ինչ պայման թուոյ և քանակութեան պատկերաց և կանխեղաց երկուց կողմանց, թէպէտ Բեթղէհէմի եւ Աստուածածնի բաժանորդութիւնն մի միայն լով բառէ բաղկացեալ է, այլ Հայք ասացին թէ բաժանորդութիւնն Բեթղէհէմի նման է բաժանորդութեան Ս. Աստուածածնի, եւ պահանջեն զի եղիցի եկեղեցին Բեթղէհէմի, որպէս լեալ է Աստուածածնին : Եւ ո՞րպէս լեալ իցէ բաժանորդութիւնն Աստուածածնի 'ի ՎԱ թուականէ մինչեւ ԾՂ թուականն, յաւելեալ իցէ անդ իր ինչ, թէ ըստ Բեթղէհէմի միակերպ ընթացեալ են, հարկ է բացատրել :

Փոխանորդն Հայոց ասէ, 'ի նախընթաց ժամանակս չէ լեալ անդ նոր ինչ յերկուց կողմանց, որ ինչ էր 'ի ժամանակս Նուրի Էֆէնտեայ, նոյն է և այժմ, և եթէ լեալ է, և այն առանց խռովութեան և հաճութեամբ երկուց կողմանց :

Փոխանորդն Յունաց, այնպէս է որպէս ասացին Հայք, եթէ լինէր նոր ինչ 'ի միոյ կողմանէ, 'ի հարկէ չլուեալ միւսոյ կողման, բողոքէր և դատն հասանէր 'ի դատարան : նայեցարուք յարձանագիրս, և հարցէք ցերեւելիս քաղաքին, եթէ գիտեն ինչ՝ պատմեցեն : Երբեմն դնին մոմ շուրջանակի կանխեղաց և բառնին, եւ այս չէ ինչ նորասահման և խափանիչ օրինաց բաժանորդութեան և առիթ վիճման : Փոխանորդն Հայոց, ոչ եղև միճ, և եթէ աւելի իր ինչ լեալ իցէ՝ առանց խռովութեան եւ հաճութեամբ երկուց կողմանց եղեալ է :

Միւֆթի Էֆէնտի, վկայեմ առ այս թէ ոչ եղև միճ և նորասահման ինչ յԱստուածածին, որպէս ասացին Հայք և Յոյք : Այլ Միւհսին Էֆէնտի հաստատեաց զբանս նորին :

Հաֆըզ Բաշիտ Էֆէնտին ընթերցաւ հրամանագիր Փոխարքային և Հեօճէլն բաժանորդութեան, և մուծաւ յար-

ձանաղ իրս : Թէպէտ և յայտնի եղեն բանք երկուց կողմանց սակս Ս. Աստուածածնի, սակայն Հայք 'ի նախընթաց նըստին ասացին թէ, 'ի ԿՉՕԿ թուին 'ի կախել պատկերաց և կանխեղաց յեկեղեցին Բեթղէհէմի, անդ էին և Յոյք և հաճութեամբ նոցա եղև, և 'ի դանկատանս Յունաց չերեւի հաճութիւն նոցին, և գործն լեալ է առաջի երեւելեաց քաղաքին, եւ 'ի նոցանէ աստ են Միւֆթի եւ Այլ Միւհսին Էֆէնտիք, պատմեցեն, որպէս տեսին եւ գիտան : Միւֆթի Էֆէնտի, 'ի թուին ԿՉՕԿ Հայք բերին հրովարտակ և ըստ գորութեան նորին ընդ Գատաւորի քաղաքիս գնացաք 'ի Բեթղէհէմ 'ի քննութիւն եկեղեցւոյն՝ զի նորոգեացեն Հայք : ընթերցաւ անդ հրովարտակն, եւ 'ի քննութեան պահու ծագեցաւ խռովութիւն 'ի մէջ երկուց աղբաց : Հայք մատուցին զհրովարտակն բաժանորդութեան 'ի ժամանակս Նուրի Էֆէնտեայ, այն եւս ընթերցաւ, Հայք յեցեալ 'ի գորութիւն հրովարտակին այնմիկ՝ խնդրեցին լինել կատարեալ բաժանորդ : քննեցաւ Այրն և Եկեղեցին : և 'ի կախելն զպատկերս և զկանխեղս թէպէտ անդ էին Հայք եւ Յոյք, սակայն Փոխանորդն Յունաց՝ ոմանց լուեաց և ոմանց հակառակեցաւ, և 'ի վերջոյ խռովեալ մեկնեցաւ անտի, և Գատաւորն կատարեաց զմնացեալն : ոչ բաւականացան Հայք այնու, եւ Գատաւորն աւելի իրաց ոչ ետ հրաման, և Հայք եւս ոչ հաճելով թողեալ գնացին՝ եւ գործն մնաց 'ի վիճակի իւրում : Այլ Միւհսին : Անդ էի եւ ես, այնպէս եղև որպէս պատմեաց Միւֆթին :

Գատաւորն դատարանի : Այնպէս եղև որպէս ասացին, ոչ հաճեցան երկուքին կողմն, եւ Գատաւորն արար Իլամ և առաքեաց առ Փոխարքայն Եգիպտոսի և խնդրեաց առաքել 'ի Կոստանդինուպոլիս, այլ յաղաքս ոչ սպասելոյ հրամանի Արքային՝ յետս դարձաւ Իլամն :

Հաֆըզ Բաշիտ Էֆէնտի : 'ի թուին ԿՉԶԹ հրամանագիր Փոխարքային ուղղեալ առ Գատաւորն Երուսաղէմի՝ ըստ բողոքելոյ Հայոց : յընթեռնուլն զայն 'ի դատարանի՝ հակառակութիւն լեալ է 'ի կողմանէ Յունաց, և Գատաւորն քննեալ զվէճն՝ Իլամ արարեալ մատուցեալ է առ Փոխարքայն, այլ պատահեալ 'ի ժամանակս պատերազմի՝

անկարելի լեալ է ընդունել զպատասխան նորին, որպէս պատմեցին Հայք յառաջագոյն. 'ի ժամանակին յայնմիկ որպէս եղև վէճն և ամբաստանութիւնն, և յի՞նչ միտս գրեցաւ մատուցեալ Իւսմն. եթէ ունիք զպատճէն նորին՝ մատուցէք, ապա թէ ոչ, ակնարկեսցի յարձանագրութիւն դատարանի և գրեսցի աստ:

Փոխանորդն Յունաց, ունիմք զպատճէն նորին վաւերեալ կնքով Դատաւորին, և յընթերցմանէ նորին իմանի հանգամանք դատին. եւ երկրորդ օրինակն վաւերեալ 'ի թուին 1400. 'ի Եհանայ Թէվֆիդ Էֆէնտի Դատաւորէն Երուսաղէմի:

Քաղաքապետն, ծանուցաւ իմաստ Իւսմին և ամբաստանութիւն Յունաց, և 'ի քննութենէ յայտնի երեւեցաւ թէ յեկեղեցին Բեթղեհէմի կանթեղք եւ պատկերք կախեալ են 'ի ձեռն Օմար Նասիպ Էֆէնտեայ 'ի թուին 1407: Որովհետեւ ոչ են նշանակեալ թիւք եւ քանակութիւնք նոցին, եթէ արժան իցէ մատուցէ աստ Փոխանորդն Յունաց զցոցակս նոցին, զորոց ինքն ամբաստան լինի: Փոխանորդն Յունաց, եթէ հաճոյ թուի ձեզ՝ ամենեքեան երթիցուք 'ի Բեթղեհէմ և անդ առաջի երկուց աղագ և պաշտօնէից քննեսցուք և ստուգեսցուք զամենայն ինչ, յայնժամ չմտայ ումեք ասել ինչ, հաճոյ թուեցաւ պաշտօնէից և Հայոց:

Ի թուին 1408 քնացին 'ի Բեթղեհէմ Պաշտօնեայք քննութեան, ընդ որս Հայք և Յոյնք, և հաճութեամբ ամենեցուն սկիզբն արարին քննութեան և արձանագրեցին, որք են.

Ի մէջ Այրին և 'ի վերայ Ծննդեան տեղւոյն պատրաստ գտեալ իրքն.

Կանքեղ:	Պատկեր:	
4	—	Լատինաց:
6	3	Յունաց:
4	—	Հայոց 'ի թուին 1428:
2	3	Դարձեալ Հայոց կախեալ 'ի թուին 1402:

Ի շրջապատս Այրին պատրաստ գտեալքն.

Պատկեր:

1	Լատինաց:
---	----------

Պատկեր:

6	Յունաց:
3	Հայոց 'ի թուին 1428:
3	Հայոց 'ի թուին 1402:

Ի խորանէ Ծննդեան տեղւոյն մինչև յարեւմտեան դուռն Լատինաց պատրաստ գտեալքն.

Կանքեղ:

9	Լատինաց:
11	Յունաց:

6 Հայոց 'ի թուին 4:

5 Հայոց 'ի թուին 04: Ի թուին 1428 հիւսիսային կողմն սեփհականեալ Հայոց յորում 'ի թուին 1402 կախեալ կանթեղաց թիւն:

3 Յանդիման դրան Այրին (այժմ 4 և 'ի միջի նսցա 1 փոքր շահ):

3 Հիւսիսային կողմն սեան (այժմ 6):

3 Հարաւային կողմն սեան (այժմ 6): Յաւելեալ 1842 յամին:

Այրին պատուով 'ի կողմն հիւսիսայ 'ի վերայ արեւմտեան բաժանորդ դրան պատրաստ գտեալքն.

2 Պատկեր 1 փոքր, 'ի թուին 1428 'ի ժամանակ բաժանորդութեան:

1 Կանթեղ 'ի թուին 1404 նոր կախուած:

2 Շղթայք շարան կանթեղաց մին 'ի հարաւ և միւսն յարեւելս, կախեալ 'ի թուին 1402, (ցարդ կայ մնաց անգործադրելի):

1 Վարադոյր առաջի խորանին Հայոց:

Ի վերայ հիւսիսային դրան Այրին ունէին Յոյնք ծածկոցս, և 'ի թուին 1404 խնդրեցին Հայք լինել բաժանորդ այնմ. և 'ի չկամիլն Յունաց, երարձ իսպառ Դատաւորն: Նոյնպէս եւ զխաջվարս Յունաց յորմոյ անտի կից դրան Այրին, ուր կախեալ են Հայք զերիս պատկերս, մին նոր և մեծ. երկրորդն 'ի ներքոյ խաջվարաց 'ի միջնատեղի որմոյն բարձրացեալ 'ի տեղի խաջվարաց հաւասար որմոյն, եւ երրորդն եղեալ է 'ի տեղի վարադուրին: Պաշտօնեայք քննութեան ասեն. նկարագրութիւն վիճին Յունաց ընդ Հայոց վասն եկեղեցւոյն Բեթղեհէմի, որպէս

յայտնի երեւի 'ի բովանդակութենէ արձանագրութեանս . զի յառաջագոյն բազում անգամ վէճս և խռովութիւնս յարուցեալ են 'ի միջի իւրեանց վասն եկեղեցոյն , Այրին Ծննդեան և դերեզմանի Ս . Աստուածածնի . և Օսմանեան Տէրութիւնն 'ի թուին 1771 առաքեալ է Դատաւորս եւ Ոստիկանս յերուսաղէմ և հրովարտակաւ բաժանորդ արարեալ զերկուս տեղիս՝ երկաքանչիւրոց տուեալ Հէօճէթս : Եւ 'ի նոյն թուականէ մինչեւ 1707 թիւն , զոր ինչ ունէր ոք՝ այնու շատացեալ է , և առանց հակառակելոյ միակերպ ընթացեալ են : Սակայն յեկեղեցին Բեթղէհէմի և յԱյրին եկեղեցական սպասք և զարդարանք Յունաց առաւել են քան զՀայոցն . եւ 'ի բաժանորդութեան Հէօճէթս ոչ են գրեալ յայնժամ բացորոշ եկեղեցական սպասս իւրաքանչիւր ազգաց . և մի միայն 'ի բաժանորդ բառէ բաղկացեալ : Կամեցեալ Հայոց հաւասար բաժանորդ լինել Յունաց , 'ի թուին 1707 'ի ձեռն Դատաւորին առաջի Բաղաքապետին և գլխաւորաց այլազգեաց քաղաքին կախեալ են ըզպատկերս և զխանութեղս , զորս գրեցաք 'ի վեր անդր :

Յայնժամ Յոյնք ոչ են տուեալ հաճութիւն , եւ Հայք ոչ են շատացեալ , թէ տակաւին ոչ եղև կատարեալ բաժանորդութիւն . և 'ի լինիլ գժտութեանս այսմիկ՝ Փոխանորդք երկուց ազգաց եւ ժողովականք թողեալ զգործն 'ի վիճակի իւրում մեկնեալ են անտի , և վասն այսր ոչ են տուեալ Հայոց Հէօճէթ 'ի դատարանէ : Եւ թէպէտ յետոյ կամեցեալ է Դատաւորն եղծանել զիրան զոր արար , այլ դադարեալ 'ի պաշտօնէ իւրմէ՝ մեկնեալ է անտի : Եւ 'ի քննութենէս յայտնանէ յայտնի եղև թէ գործն մնացեալ է այնպէս 'ի վիճակի իւրում . և ոչ են հակառակեալ Հայք հրովարտակին Յունաց , որ զինի պատահմանս ելեալ է : Նոյնպէս և գործն լեալ է 'ի ժամանակս Օմար Նասիպ Դատաւորին , և ոչ ամբաստանեալ Համտուլահ Դատաւորին , որ 'ի ժամանակի քննութեանս լրացաւ պայմանեալ ժամանակ նորին և մեկնեցաւ աստի : Այս է նկարագրութիւն դատին եկեղեցոյն Բեթղէհէմի :

Նիստ երրորդ :

Հաճըզ Բաշխտ էֆէնտի : Վերջացաւ քննութիւն դա-

տին և Բեթղէհէմի , հարկ է սկիզբն առնել քննութեան Ձիթենեաց լերին . որպէս խոտացան Հայք յառաջագոյն տալ զպատշաճաւոր պատասխանիս զմանէ , այժմ պատմեցնեն ճշգրութեամբ զչինուածոց եւ զնորասահման իրաց 'ի տեղու յայնմիկ :

Փոխանորդն Հայոց . վասն շինութեան և նորոգութեան լերին Ձիթենեաց՝ տուեալ է մեզ հրովարտակ արքունուստ 'ի թուին 01 և ապա 'ի հաստատութիւն նորին , վասն Ձիթենեաց լերին եւ ընդհանուր նորոգութեան Տաճարին Ս . Յարութեան 'ի ձեռն Հայոց , դարձեալ հրովարտակ 'ի թուին 07 , որ մին է ջնջեալ հրովարտակաց : Սակայն առաջինն ոչ է ջնջեալ , շինութիւնք և նորագութիւնք Ձիթենեաց լերին հիմնեալ են 'ի վերայ երկուց հրովարտակաց՝ և լեւալ հրամանաւ նախկին Դատաւորի և երեւելաց քաղաքիս , եւ այնուհետեւ ոչ ուրեք լեալ է շինութիւն և նորոգութիւն : Իսկ նոր հրովարտակն Յունաց՝ որ տրուեալ է յամենան Ձիլհիճէէ և 'ի թուին 07 և բովանդակէ զհարցումն նորոգելի տեղեաց , թուական նորին յետոյ է քան զթուական հրովարտակաց մերոց , որովք արարաք զչինութիւնն և զնորոգութիւնն , և չեմք հակառակ նոյնին հրովարտակի : Յոյնք ծանուցեալ են Հիւպատոսին Ռուսաց թէ՛ Հայք ոչ ունին հրաման շինութեան Ձիթենեաց լերին , և թէ՛ տեղին այն ուխտատեղի է Հայ , Յոյն և Կաթոլիք կրօնից , եւ թէ՛ զբանալի տեղոյն գրուեալ են Հայք . անտեղի են այսոքիկ՝ զի լեառն Ձիթենեաց , ոչ է յատկացեալ միայն երկուց ազգաց կատարել զուխտս , այլ համայն Գրիստոնէից . զի տեղի է Համբարձման Գրիստոսի յերկինս . և դուռն նորս ոչ երբէք վակեալ է , զի Գրիստոնեայք ըստ նախնի սովորութեանց կատարեն զուխտս և զպատարադս , որպէս Լատինք 'ի տարւոյ մի անգամ 'ի ներքոյ գմբեթին հրովարտակաւ , Յոյնք առանց հրովարտակի 'ի գաւթին երկիցս 'ի տարւոյ . Ոպթիք և Ասորիք ըստ սովորութեան , և ոչ ումեք ընդգլխացեալ են Հայք : Եւ ըստ մտաց հրովարտակին տուաւ մեզ Հէօճէթ 'ի դատարանէ , սակս պահպանութեան եկեղեցական սպասուց և յանդորութիւն Լուսարարաց՝ առնուլ զբանալին 'ի ձեռաց այլոց և մնալ 'ի ձեռս Հայոց . զի իւրաքանչիւր

ազգ ունի յերուսաղէմ զիւր սեփհական տեղիս , և վաւերական գրեանքն մեր յայտ առնեն թէ , լեառն Զիթենեաց սեփհական է Հայոց . եթէ Յոյնք ունին հրաման ինչ սակս այնր տեղւոյ՝ մատուցեն : Եկեղեցին Բեթղէնէմի բաժանորդութեամբ է երկուց աղգաց , և հարկ էր զմի բանալի արաքերն դրան ունիլ Հայոց իրրեւ սեփհական իրաւունք . բայց Յոյնք անիրաւութեամբ զլացան և ոչ կամեցան տալ զայն . այժմ զհետ մտեալ են առնուլ և զմի բանալի Զիթենեաց լերին՝ որ սեփհական է Հայոց , եւ այս-չէ իրաւունք :

Փոխանորդն Յունաց . Պատասխանիք Հայոց վասն Զիթենեաց լերին , և շինութիւնքն ըստ մտաց հրովարտակաց , և սեփհականութիւն տեղւոյն լինիլ Հայոց , 'ի հարկէ ոչ են ճշմարտութեամբ : զի լեառն այն 'ի վաղ ժամանակաց անտի բաժանորդ և ուխտատեղի է երկից աղգաց և Մահմետականաց եւս . զի նախ քան զքայքայիլ գմբեթի նորին 'ի շարժէ՝ բանալին էր 'ի ձեռս գիւղական այլաղգւոյ միոյ , և շինեցաւ համահաճ հաւանութեամբ երկից աղգաց՝ օրինօք Դատարանի և հաստատուն Հէօճճէթիւ , եւ տուաւ յայնժամ իւրաքանչիւրոց մէն մի բանալի , և մին եւս մնաց 'ի ձեռս այլաղգեաց . ոչ երբէք լինէր այսպիսի միաբանութիւն , եթէ տեղին լինէր մի միայն սեփհական աղգին Հայոց , և չէր հնար տալ իւրաքանչիւրոց բանալի , յետ այսպէս որոշելոյ զխնդիրն , Հայք 'ի Կոստանդինուպօլիս խաբէյութեամբ մատուցին աղերսագիր և առին հրովարտակ , և այն միայն էր վասն նորոգութեան և պատարագի , և ոչ նորահնար շինութիւնս սահմանել , որք են անխտակամած ձեղունն , նոր սենեակք , կախել պատկերս և կանթեղս , տարածել սփռոցս , և դնել աշտանակս , եւ մշտնջենաւոր թողուլ անդ , որ միայն 'ի ժամ պատարագին պարտ էր մնալ , այս ամենայն հռչակեալ է 'ի լեզուս հասարակութեան : Եւ այսոքիկ յորժամ քննեցան 'ի ժամանակս վէճին Լատինաց առաջի Բաղաքապետին և գլխաւորաց քաղաքին Ալէֆ կոչեցելոց , որոց մենաստանն կից է տեղւոյն՝ ձարտարապետին և Զիթենեաց լերին Շէյխին և այլոց . յայնժամ յայտնի եղեւ թէ Հայք ոչ են վարեալ ըստ մտաց հրովարտակացն , այլ արտաքոյ նոցին և նորա-

սահման : Որովհետեւ ջնջեալ է արձանագրութիւն հրովարտակին , խախտեալ է և զօրութիւն նորա , շինեալ և սահմանեալքն լինին առանց հրամանի , ուստի պարտ է քակել եւ դարձուցանել յառաջին գիրս : Այլ որ ասեն Հայք , թէ համեմատ հին հրովարտակին մերոյ լեալ է շինութիւնն , անտեղի է , զի 'ի նմա գրեալ է 'ի վերայ նախնի դրից : Եւ յայսքան դարուց 'ի վեր և ոչ 'ի միւս՝ ժամանակի լեառն Զիթենեաց լեալ է սեփհական աղգին Հայոց : Եւ տակաւին ասեն թէ բաց 'ի ջնջեալ հրովարտակէն , ունիմք այլ հրովարտակ սակս նորոգութեան . այլ զի ջնջեալ է արձանագրութիւն իսկական հրովարտակին , և վերջինն հիմնեալ է 'ի վերայ նորա , առաջինն որ ունի իսկապէս զօրութիւն , նա եւս ջնջեալ և անգործադրելի համարի : Ասեն դարձեալ թէ՝ ոչ երբէք փակեալ եմք զդուռն և արգելեալ զուխտաւորս , սակայն յառաջնում ամի ես ինքնին անձամբ գնացի ունելով ընդիս զմնս իշխանազուն Տէրութեան Ռուսաց՝ և դտաք փակեալ զդուռն , բաղխեցաք՝ և ոչ բացին . սպասեցաք անդ վայրկեանս 15 , և առանց ուխտի դարձաք յետս , և իշխանն բարկացեալ բողոք բարձեալ է : լուեալ է զայս և գիտէ Ալի Միւհսին էֆէնտի :

Փոխանորդն Հայոց . Անկաւ գմբեթն 'ի շարժէ , և 'ի ձեռն Դատաւորին նորոգեցաւ ծախիւք երկից աղգաց , և տուաւ իւրաքանչիւրոց մէն մի բանալի՝ որպէս ասացին Յոյնք : Սակայն յայնժամ ոչ ընկալան Հայք զառաջարկութիւնս Դատաւորին , և բողոք բարձեալ մատուցին զվաւերական գրեանս զոր ունէին՝ և նոքօք հաստատէին թէ՝ նորոգութիւն տեղւոյն միայն սեփհական է Հայոց , այլ Դատաւորն ոչ մատոյց ունկն բանից նոցա , և զրկեալ ըզՀայս , յառաջ վարեաց զհրաման իւր , և մեք ծանուցաք 'ի Դուռն Տէրութեան և խնդրեցաք զնորոգութիւն գրոց մերոց : գթացեալ Արքայի շնորհեաց հրովարտակ 'ի թուին 1701 յամսեանն Բէպիլ էֆէլի , և ըստ մտաց նորին եղեւ շինութիւնն , պատարագն և եկեղեցական սպասքն , և արձանագրութիւն նորին ոչ է ջնջեալ , այլ երկրորդին , որ ոչ միայն պարունակէ զգործ շինութեան Զիթենեաց լերին , այլ և զընդհանուր նորոգութիւն Տաճարին Ս . Յարութեան . որովհետեւ ջնջեցան հրովարտակք Տաճարին

այնմիկ՝ ջնջեցաւ ընդ նոսին և սա, այլ միայն վասն Տա-
ճարին իմացեալ լինի, և ոչ վասն լերին Զիթենեաց, զի
նորոգութիւն նորին սեփհական է Հայոց և այլք չունին
իրաւունս:

Հաճող Բաշիտ Էֆէնտի. Լուաք զբանս երկուց կող-
մանց, հայեցեալ ՚ի պատմութիւնս Հայոց, երեւի թէ նո-
րոգութիւն Զիթենեաց լերին ըստ մտաց հրովարտակին
որ օ՛ թուին, հրամանաւ Դատաւորին և Շէրիի Օրինաց,
և արձանագրութիւն նորին ոչ է ջնջեալ, այլ երկրորդին,
եւ այն ՚ի պատճառս պարունակութեան նորոգութեան
Տաճարին Ս. Յարութեան. իսկ Յոյնք պնդեն թէ առա-
ջին հրովարտակն եւս ջնջեալ համարի, զի երկրորդն ՚ի
վերայ նորա հիմնեալ է. աստի ծագեցաւ անհամաձայնու-
թիւն, զի մին պնդէ թէ ոչ է ջնջեալ, և միւսն զնորին
հակառակն: Եւ ՚ի հրովարտակս Յունաց յիշեալ է թէ օ՛—օ՛
թուականաւ Հայոց տուեալ երկց հրովարտակաց արձանա-
գրութիւնքն ջնջեալ են. յայս հայեցեալ երկուքին հրո-
վարտակքս այստքիկ ջնջեալ համարին եւ Փոխանորդք
հակառակութեամբ զմին թողուն և զմիւսն ջնջեն, և յան-
համաձայնութենէ նոցին խնդիրն եղեւ անխանայի, ուս-
տի հարկ է բացատրել:

Փոխանորդն Հայոց. Այստքիկ են ջնջեալ հրովարտակքն
՚ի թուին օ՛ Րէպիլ ախըր, սակս նորոգութեան Տաճարին
Ս. Յարութեան. օ՛ Րէպիլ ախըր, սակս նորոգութեան
եկեղեցւոյն Բեթղեհէմի. օ՛ Սէֆէր, սակս նորոգութեան
Զիթենեաց լերին. օ՛ թուականի հրովարտակին նորոգու-
թիւնն (թէ՛ճախ) ճառէ զընդհանուր նորոգութենէ Սուրբ
Յարութեան: Առաջին հրովարտակն սակս նորոգութեան
Զիթենեաց լերին՝ ոչ է ջնջեալ, և այս բացայայտ երեւի
՚ի հրովարտակն Յունաց. « թէպէտ ջնջեցան երեքին հրո-
վարտակքն Հայոց, այլ յարգեսցին հրովարտակք և հրա-
մանագիրք, որք են ՚ի ձեռս երկուց ազգաց »:

Յայտմանէ նորոգեալ համարին գրեանք մեր՝ զոր ու-
նիմք վասն նոյն տեղւոյ, և մատուցանեմք զայնս՝ զի ըն-
թերցեալ ծանխիք զողջամիտ պատմութիւնս մեր. ՚ի թը-
ւին Հիճրէթի՝ 973, 1022, 1023, 1201, ընդ ամենայն
հրովարտակք է: Եթէ ունին Յոյնք թուղթս ինչ՝ մատու-

ցեն, եթէ հարկ էր երկուց հրովարտակացն ՚ի միասին ջնջիլ,
որպէս պնդեն Յոյնք, Ս. Յարութեան հրովարտակն եւս
ջնջեալ է. յայնժամ պարտ էր ամբողջ և անեղծ համարիլ
զհրովարտակն Բեթղեհէմի, զի իւրաքանչիւր տեղւոյ մէն
մի հրովարտակ ջնջեալ է. ուստի անտեղի է հակառակու-
թիւնն Յունաց, թէ առաջին հրովարտակն եւս ջնջեալ է:

Փոխանորդն Յունաց. Հայեցեալ յիմաստս հրովարտա-
կին մերոյ բացայայտ ծանուցանէ թէ՛ վասն երկց տեղեաց
յորոց վերայ լեալ է խռովութիւնն, ջնջեալ են արձանա-
գրութիւնք երկց հրովարտակացն Հայոց, և ՚ի ձեռս նոցս
լեալ է հրովարտակս և, երեքն օ՛ թուականաւ վասն Տա-
ճարի Ս. Յարութեան, Բեթղեհէմի, և Զիթենեաց լերին,
և չորրորդն օ՛ թուին վասն Համարձման, որ հաւատա-
րիւմ և ՚ի վերայ առաջնոյն հիմնեալ հրովարտակն է, յայտ-
նի է թէ երկու հրաման միով իմաստիւք եղեալ է, եւ
վերջինս խափանէ զգորութիւն առաջնոյն. օրէնք աշ-
խարհի է, եթէ վասն միոյ խնդրոյ լիցի կրկին հրաման
թէ միոյն իսկն, և թէ միմեանց հակառակ լիցին, վերջին
հրամանն ՚ի պատուի է, և ըստ այնմ գործի. ուստի չէ-
հարկ վերստին կրկնել, բաւական է ջնջումն վերջին հրո-
վարտակին, որով ջնջեալ է և առաջինն: Յայտնի է ամե-
նեցուն թէ մինչեւ ՚ի թուականն 1707 և ոչ մի ժամանակ
լեառն Զիթենեաց սեփհական լեալ է Հայոց, և ոչ ուղիղ
համարի պատասխան նոցին, թէ ջնջումն երկրորդ հրո-
վարտակին Համարձման վասն բառի Ս. Յարութեան է,
և ոչ Զիթենեաց լերին. նախ ՚ի հրովարտակին մերոյ բա-
ցայայտ գրեալ է թէ՛ վասն Ս. Յարութեան, Բեթղեհէմի
և Զիթենեաց լերին, Հայոց տուեալ երեք հրովարտակքն
ջնջեալ են: Երկրորդ յեղծանիլ միոյ հրովարտակին, որ
բովանդակէ զերկուս գործս, կարելի է միոյն մնալ և միւ-
սոյն խափանիլ, որ հակառակ է օրինաց և իմաստուն մը-
տաց: Երրորդ՝ բովանդակ շինութիւնք լերին Զիթենեաց
հակառակ են հրովարտակաց, յորս յեցեալ են Հայք. զի
՚ի նոսին հրամայեալ է նորոգել ՚ի վերայ նախկին գրից,
և զի եղծեալ են հրովարտակքն, խափանեալ են և գորու-
թիւնք նոցին. քննեսցին Հիօճէթք նախկին Դատաւորի
և ՚ի նոցանէ յայտնի երեւի թէ հակառակեալ են Հայք

հրովարտական և 'ի պատճառս երկու իրացս այսոցիկ խա-
փանեալ են շինուածքն :

Արդ՝ խնդրեմք զի քակեսցին բովանդակ շինութիւնք
Հայոց , և տեղին դարձցի 'ի վիճակն առաջին , որպէս էր
նախ քան զթուականն 1707 :

Ընթերցան 2 հրովարտակքն եւ 3 Հէօճէթքն Հայոց
սակա շինութեան Զիթեհեաց լերին , և մուծան յարձանա-
դիրն :

Հաֆըզ Բաշխաէֆէնտի . Ծինութիւնք Զիթեհեաց լերին
հիմնեալ են 'ի վերայ երկուց հրովարտակաց . մին մշաբն-
ջենաւոր և միւսն 'ի հաստատութիւն նորին . և երկրքեանն
պարունակին զխնդիր նորոգութեան , ըստ խնդրանաց
Հայոց . նորոգել 'ի վերայ բնական դրից , եւ մի ոք ար-
գելուլ զպատարագս և զկանթեղս նոցա . տքա են իմաստք
հրովարտակաց , և 3 հատոր Հէօճէթք տուեալ 'ի Դատա-
ւորաց , առաջին՝ հիմնեալ 'ի վերայ առաջին հրովարտակին ,
յորում հրաման տայ Հայոց շինել սեղան 'ի ներքոյ զբո-
բեթին և դնել զսպաս նորին , և ունիլ զբանալի տեղոյն :
2 . և 3 . Հէօճէթքն հրաման տան սալել զյատակս դաւ-
թին , ծեփել զորմս , շինել ջրամբար 'ի կողմն հիւսիսոյ , և
նորոգել զհարաւայինն , շինել զարտաքին դուռն , և ձգել
անտի ձեղուն տախտակամած մինչ 'ի դուռն գմբեթին ,
շինել սենեակ լուսարարի : 4 . Ծինեալ են սենեակքս 'ի
վերայ ձիթահանին , զորոյ զտեղին դնեալ են 'ի գիւղա-
կանաց , հրամանաւ Դատաւորին՝ մի 'ի ներքոյ 2 դրամբ
և 2 մեծ և փոքր սենեակ 'ի վերայ նորա , և յետ աւար-
տելոյ զշինութիւնն տուեալ է շինգերորդ Հէօճէթն Համ-
տուլլահ Դատաւորն , և բացայայտ գրեալ է թէ , ոչ է վնա-
սակար ումեք : Սակայն Յոյնք բողոքեն թէ շինութիւնքն
ոչ են ըստ մտաց հրովարտակաց և Հէօճէթից , այլ նորա-
սահման և ինքնահետար , ուստի հարկ է բացայայտ որոշել ,
թէ ո՞ր 'ի նոցանէ համեմատ հրովարտակին է եւ ո՞յք ո-
մանք հրամանաւ Դատաւորին . զի երկրքին կողմն միաբա-
նին 'ի վերայ եղծման միոյ հրովարտակին և 'ի վերայ մի-
ոյն հակառակին , քննեցան իմաստք հրովարտակաց . եթէ
արդարեւ ըստ բողոքելոյ Յունաց ջնջեալ գոլով վերջինն ,
հարկ լինի՞ առաջնոյն եւս ջնջիլն , թէ ըստ ծանուցանելոյ

Հայոց անեղծ մնալ : Միւֆթի , Բաղասագեան և Գարա-
պետ դատարանի , 'ի ձեռն որոյ գրեալ են Հէօճէթքն ,
ընթերցցին զգրեանս և մանրամասն քննութեամբ որոշեալ
մաքրեսցեն շինութիւնք տեղոյն այնորիկ :

Միւֆթի Էֆէնտի . Երկրքին հրովարտակքն պարունա-
կեն զխնդիր շինութեան , պատարագելոյ եւ զկանթեղս
կախելոյ . վերջինն 'ի հաստատութիւն առաջնոյն է տար-
բեր թուականաւ և արձանագրութիւնն ջնջեալ . և 'ի մա-
սին շինութեան չուէի զօրութիւն . այլ բարւոք թուի
որոշել , թէ ո՞յք համաձայն հրովարտակին են , եւ ո՞յք
հրամանաւ Դատաւորին . հրովարտակք հրամայեն 'ի վերայ
նախկին դրից , ո՞ր տեղիքն 'ի վերայ նախնի հիման՝ և ո՞ր
տեղիքն արտաքոյ նորին են . որովհետեւ բողոքողք Յոյնք
են , նոցա պարտ է որոշել եւ պատմել . եթէ Հայք հաս-
տատեսցեն զնոսին , բարի , իսկ եթէ հակառակեսցին ,
ըստ մտաց հրովարտակաց վարիմք և համոզեմք զերկուսին
կողմն : Գարապետ դատարանի ասէ՝ երկրքին հրովարտակքն
Հայոց զխնդիր նորոգութեան պարունակեն , որպէս ասաց
Միւֆթին , և դորձ շինութեան յանձնեալ է Յունաց , ար-
գելեալ զՀայս , ուստի հարկ է ջնջեալ համարիլ զառաջին
հրովարտակն Հայոց , և եթէ չլինի եւս , չուէի զօրութիւն
վասն շինութեան : Սակայն նախ պատմեսցին Յոյնք զգործ
շինութեան , և յետ այնորիկ խօսեսցուք :

Փոխանորդն Յունաց . Աւելորդ և արտաքոյ Հէօճէթից
շինուածքն են այսոքիկ . երես արտաքին դրան երկաթա-
պատ լինիլն , և 'ի վերայ դրան այնորիկ 'ի ներքին կողմն
Հայկական արձանագրութիւնն . կանթեղք կախեալ 'ի
տախտակամածէ , պատկերն 'ի վերայ դրան գմբեթին ,
երկաթի ծորակաւ փոքր լուացարանն 'ի դաւթին . վերին
յարկն 'ի վերայ սենեկի լուսարարին եւ դուռն նորին ,
քարեայ սանդուխն երկաթի յենարանաւ . մի փոքր սրձա-
րան կից սենեկաց 'ի վերայ ձիթահանին , եւ ներքին մեծ
սենեկի արտաքին դուռն երկաթապատ . այսոքիկ շինուա-
ծովք ձեւացեալ է մի փոքր վանք . Տեսուչն եւ սպասա-
ւորքն յայտ առնեն զմշտնջենաւորութիւն նորին . և եթէ
քննեսցին , գիւրաւ յայտնի ճամարութիւնն , և ոչ է պարտ
մեզ քննել և որոշել զամենայնն մի ըստ միոջ , այլ պաշ-

տօնէից քննութեան պէտս ունի, եթէ արժան իցէ՝ քըն-
նեալ որոշեցնեն :

Փոխանորդն Հայոց . Շինուածքն 'ի գմբեթին և արտա-
քոյ նորին ամենեքեան դրեալ են 'ի հրովարտակա և հա-
մաձայն են Հէօճճէթից, այլ Յոյնք բողոքեն ընդդէմ նո-
ցին . երկաթն յերեսս արտաքին դրան չունի տարբե-
րութիւն 'ի փայտէ, բաւական է որ միայն դուռ է, և ամ-
բութիւն նորին է սակս պահպանութեան և զգուշութեան
ներքին կարասեաց : Հայկական արձանագրութիւնն ու-
սեալ եմք 'ի Յունաց . զի 'ի նորոգութեան տաճարին Ս . Յա-
րութեան լցին յամենայն ուխտատեղիս Յունական արձա-
նագրութեամբ . Հայոց երեք տող արձանագրութիւնն նո-
րոգութեան տեղոյն չունի վնաս ումեք, լուացարանն 'ի
պէտս ուխտաւորաց և այլոց է, քարեայ սանդուխքն սակս
եղանելոյ 'ի վերին սենեակս յակամայից շինեալ, կանթեղք
տախտակամած ձեղուան յիշեալ է 'ի հրովարտակին, պատ-
կերն 'ի վերայ դրան գմբեթին՝ մին 'ի սպասուց պատա-
րագին է . կրկնայարկ սենեակն լուսարարին, ներքինն
'ի պատարարել զկահն և զկարասիս, և և վերինն ննջարան
նորին : Սենեակքն 'ի վերայ ձիթահանին, արտաքոյ է
գաւթին և ոչ ումեք վնաս :

Յետ այնորիկ պաշտօնեայք և երեսփոխանք համահաձ
հաւանութեամբ 'ի միասին քննեցին զտեղիսն, բաղդատե-
լով ընդ հրովարտակա և ընդ Հէօճճէթս, և յերիս մասունս
որոշեցին :

Մասն Սուաղին՝ համաձայն հրովարտակի և Հէօճճէթից :

Հայք ունին հրաման պատարագելոյ 'ի ներքոյ գմբե-
թին եւ կատարել զպաշտամունս, ուստի հարկ է ունել
զսպասս : Սեղանն 'ի ներքոյ գմբեթին, կանթեղք, պատ-
կեր, աշտանակ, ախոց, սոքա անհրաժեշտ են 'ի ժամ
պատարագի ըստ օրինաց իւրեանց :

Նորոգութիւն արտաքին դրան, ծեփ որմոց գաւթին .
նորոգութիւն հին ջրամբարին 'ի կողմն հարաւոյ . սակի
յարգարել զգաւթին :

Մասն երկրորդ արտաքոյ հրովարտակին և համաձայն
Հէօճճէթից :

Սեփհականել Հայոց զբանալի արտաքին դրան . Սա-

դաշն տախտակամած ձեղունն, ներքնայարկ սենեակն
լուսարարի, ընդարձակումն արտաքին դրան 'ի բարձր և
'ի լայն, նոր ջրամբարն 'ի կողմն հիւսիսոյ, ներքնայարկ
սենեակն 'ի վերայ ձիթահանին կրկին դրամբք՝ մին յար-
տաքս և միւսն 'ի գաւթին, և 'ի վերայ նորա երկու սե-
նեակք :

Մասն երրորդ՝ արտաքոյ հրովարտակաց և Հէօճճէթից :

Երկաթապատ երեսն արտաքին դրան, Հայկական ար-
ձանագրութիւնն 'ի վերայ նորա, կանթեղք կախեալք 'ի
ձեղուանէ, մի սպակեր 'ի վերայ դրան գմբեթին, երկաթի
ծորակաւ վոքրիկ լուացարանն, վերնայարկ սենեակն լու-
սարարի, քարեայ սանդուխտն երկաթի յենարանաւ, եր-
կաթապատ երեսն արտաքին դրան սենեկի ձիթահանին :

Փոխանորդն Հայոց . Շինութիւնք և նորոգութիւնք
լերին Զիթենեաց թէպէտեւ բաժանեցաւ յերիս մասունս,
այլ Յոյնք 'ի պատասխանիս իւրեանց՝ յառաջ և զինի՝
միջտ պնդեցին թէ շինուածքն հակառակ են հրովարտակի
իւրեանց, և խնդրեցին զկործանումն նոցին . սակայն նոքա
կանխադոյն են քան զթուական հրովարտակին, որպէս
յայտնի եղեւ 'ի Հէօճճէթից . զի շինութիւնքն աւարտեալ
են 'ի թուին 1702 յամեանն Շապանի, և հրովարտակ
նոցին ելեալ է 'ի թուին 1707 յամեանն Զիլճիճճէթի, աստի
յայտնի երեւի թէ նոքա 5 ամեայ ժամանակաւ յառաջ ա-
ւարտեալ են քան զթուական հրովարտակի նոցին, որոյ
չեղեւ ընդդիմութիւն, և չիք ինչ յիշատակութիւն 'ի
նմին սակս քակելոյ և աւերելոյ եղեալ շինուածոց, այլ
քննութիւն տեղեաց որք կարօտ են նորոգութեանց . այ-
սուհետեւ նոցա յանձն եղեալ է շինութիւնն . բառք այ-
սուհետեւ՝ ոչ նշանակէ անցեալ և զներկայ ժամանակս,
այլ զպատռնին, ուստի յանիրաւի և հակառակ հրովար-
տակի նոցին է թախանձումն Յունաց զկործանումն շի-
նուածոց :

Որպէս այժմ Յոյնք, նոյնպէս և յառաջագոյն կատինք
'ի Դատարանի գնոյն սրահանջեցին . այլ 'ի ծանուցանելն
մեր 'ի Դուռն Տէրութեան, եկն հրամանագիր զի մնացեն
շինուածքն . ընթերցեալ մուծաւ յարձանագիրն և սոյն
հրամանագիր :

Փոխանորդն Յուենաց . Հայք օրինաւոր ոչ դատին ըզ-
պատասխանիս մեր , և թէ շինուածքն աւարտեալ են նախ
քան զթուական հրովարտակին . այլ զի մեզ յանձնեալ է
ընդհանուր նորոգութիւնն , որոյ վասն խնդրեմք զաւերումն
շինուածոց , որք ամբոխեալ կրիւք ասեն թէ հակառակ
վարին հրովարտակին , և զի յիշեալ է 'ի նմին թէ ջնջեցան
երեքին հրովարտակք Հայոց . բառք ջնջեալ՝ նշանակէ ի-
մաստիւք նոցին շինեալ իրաց խախտումն , և բառք այ-
սուհեաւեւ՝ եթէ միայն վասն ապառնի ժամանակի լինէր ,
չէր հարկ ջնջումն հրովարտակաց , այլ զի կան տակաւին
կանգուն շինուածքն , պարտ է կործանել . Հայք յեցեալ են
'ի բառն այսուհեաւեւ , և ոչ ակնարկեն 'ի ջնջումն հրովար-
տակաց իւրեանց , զի յորմէ խոսարեն՝ 'ի նոյն ըմբռնին .
Եւ հրամանագիրն վասն դատին Լատինաց է , եւ ոչ կարէ
խախտել զգործաբութիւնն հրովարտակին :

Հափքը Բաշխա Էֆէնտի . Բովանդակ շինութիւնք լերին
Ձիթենեաց՝ կանխագոյն է քան զթուական հրովարտակին
Յուենաց , և Հայք ասեն՝ թէ պէտեւ նորոգութիւնն յանձնեալ է
Յուենաց , այլ այն այսուհեաւեւ է , և ոչ վասն անցեալ և ներ-
կայ ժամանակաց : Յոյնք պնդեն թէ ջնջեալ են հրովար-
տակքն , խախտեալ են եւ շինուածքն , եւ թախանձեն
զկործանումն նոցին . այդ կարեալ է 'ի հրամանէ և 'ի կա-
մաց մեծի Տէրութեան , ուստի չէ հարկ երկուց կողմանց
կուտակութեամբ բառից վէճս յարուցանել 'ի կորուստ
ժամանակին : Յետ այսր՝ հարցումն ուղղեաց առ Փոխա-
նորդն Յուենաց և տէ , բացայայտ դրեալ է 'ի նամակին
զոր գրեցիք առ Հիւսպատոսն Ռուսաց , որ ազա մասուցաւ
յոսս նորին Բարձրութեան Փոխարքային Եգիպտոսի , թէ
վասն ոչ գործաբութեայ զհրովարտակն ձեր Համուլլահ
Դատաւորն Երուսաղէմի , սրտեհ ժամանակ գտեալ Հայոց
զարդարեցին զեկեղեցին Բեթղէհէմի և շինեցին վանս 'ի
լեառն Ձիթենեաց : Եւ 'ի քննութենէս յայսմանէ յայտնի
եղև թէ՛ բովանդակ իրքն լեալ են 'ի ժամանակս Օմար
Նասիպ Դատաւորի , եւ ամբաստանեալ Համուլլահ Դա-
տաւորն չունի ինչ տեղեկութիւն 'ի նոցանէ , եւ եղեալ
իրքն նախ քան զհրովարտակն ձեր է , յորում ոչ են ընդ-
դիմացեալ Հայք , և գործն Բեթղէհէմի բաղկանայ մի միայն

'ի զարդարանաց , և հրովարտակն ձեր պարունակէ զգործ
շինութեան , և ոչ մի իր ոք ունի յարարերութիւն ընդ
գործայն Բեթղէհէմի , միայն խնդիր ձեր այս է՝ որոյ ըզ-
հեա մտեալ էք , որովհետեւ ջնջեալ են հրովարտակք Հա-
յոց , նոցին խնամտիւք շինեալքն եւ խախտեալ են , ուստի
քակտեցին և աւերեցին , և տեղին դարձցի 'ի վիճակն
առաջին , և թէ կամք ձեր և տենչանք այս էր , ընդէ՞ր ոչ
այդպէս գրեցիք առ Հիւսպատոսն , այլ՝ այլ իմն եղանակաւ
ծանուցիք զգործն , պարտ է ծանուցանել զպատճառն՝ զի
արձանագրեցի :

Փոխանորդն Յուենաց ասէ . Բողոք և խիտկան պահանջք
մեր առ Հիւսպատոսն՝ համաձայն է պատմութեան մերում ,
որ արձանագրեցաւ . խի գանկատն զՀամուլլահ Դատա-
ւորէն՝ որ ոչ գործաբութաց զհրովարտակն մեր , այսինքն
ոչ կործանեաց զշինուածսն , և Հիւսպատոսն այնպէս խն-
ցեալ է թէ՛ բովանդակ եղեալ իրքն ձեռամբ նորին՝ և 'ի
չգործաբութեայ զհրովարտակն յաջողեալ է , եւ ինքն եւս
այնպէս գրեալ . Սակայն մեք 'ի նամակին գրեալ խնդրե-
ցաք զկործանումն շինուածոց , և դարձումն 'ի վիճակն ա-
ռաջին , եւ այժմ յայտնի եղև ճշմարտութիւնն առաջի
ձեր . և եղեալքն յեկեղեցին Բեթղէհէմի առանց հրովար-
տակի և Հէօճճէթի է , և միայն յեցեալ 'ի հրովարտակն
բաժանորդութեան արարեալ են . շինութիւնք լերին Ձի-
թենեաց հակառակ են հրովարտակաց , և նորք եւս ջնջեալ
զօրութիւնքն խախտեալ են , ուստի խնդրեմք զկործա-
նումն նոցին , և այսպէս գրեալ եմք առ Հիւսպատոսն , (1838) :

Չարձանագրութիւն դատաստանական վիճարանու-
թեանս թարգմանեալ 'ի Տաճիկ բարբառոյ եզաւ 'ի
կարգի պատմութեանն :

Գ Լ Ո Ւ Խ Ծ Ե .

Շաթր Զատե Արիֆի Էֆէնտի . քննութիւն և Իլամ նորա : Հրաբար-
տակ Լատինաց : Կործանումն շինուածոց Համբարձման տեղայն : Խաթ-
թի Հիւճայուն Արեւանէի : Գարբիէ Եզրակոպտ Եզրակոպտի : Պարբը
ձեւորանին Իւսկիւտարի : Մահ Գարբիէ Գարբիարբի : Հրաբար Ի
Մարիս : Յայտնութիւն Եւրոպաց Սրբոց Ի Կարբերդ :

ԱՐՁԱՆԱԳՐՈՒԹԻՒՆ քննութեանն, զոր գրեցաք 'ի վեր
անդր, ամբողջապէս առաքեցաւ յեզրիպտոս առ Փոխար-
քայն, եւ անտի առ Տէրութիւնն 'ի Կոստանդինուպօլիս :
Դուռն Օսմանեան յետ տեսանելոյ զայն, որոյնցաց վերըն-
տին առաքել զայլ ոք յերուսաղէմ տեսանել եւ բարեօք
իմանալ զհանդամանս իւրաքանչիւր տեղեաց, յորոց վերայ
վիճէին քրիստոնեայք, իսկ Դեսպանն Գաղղիոյ 'ի թախան-
ձեւոյ Յրանչիակեան կրօնաւորաց, ստիպէր զԴուռն ան-
պատճառ խնդրելով զկործանումն շինուածոց . գրեցաւ
Գաղղիոյն առ Դատաւորն Երուսաղէմի . յապաղել ըզ-
խնդիրն մինչ յորոշումն խնդրոյն, զորոյ պատճէնն տեսին
Հայք, Փոխանորդն Երուսաղէմի Յովհաննէս Եզրակոպտ,
գիտութեամբ գլխաւորաց աղբին՝ պատրաստեաց վերըն-
տին ի գիր աղաչանաց մատուցանել 'ի Դուռն, վասն բա-
ժանորդութեան Եկեղեցւոյն Բեթղէհէմի, 'ի մէջ բերելով
զիմաստս երկօքին հրովարտական Մահմուտայ Արքային,
առեալ 'ի թուին 1778, զորոյ մի պատճէնն առաքեալ էր
յերուսաղէմ առ Սորհրդականս :

Յետ այնորիկ առաքեցաւ 'ի Դրանէ իբր Ոստիկան Շաթր
Զատե Արիֆի Էֆէնտի, 'ի քննութիւն շինուածոցն Համ-
բարձման եւ այլոց տեղեաց (1838 . Օգոստոս) : Հասեալ
նորա յերուսաղէմ շրջեցաւ ինքն անձամբ և 'ի քննութիւն
էարկ զշինուածսն, եւ ստորագրեաց զայն աղօթատեղի
Իսլամաց (Մէսճիտ), և ըստ այնմ մտաց գրեաց Իլամ եւ
ետ ցլատինս յղել 'ի Կոստանդինուպօլիս : Ապա գնաց 'ի
Վեբրոն յուխտ 'ի գերեզման Հայր Արբահամու, և 'ի ճա-
նապարհին յանդիպեալ 'ի Բեթղէհէմ ետես և զԵկեղեցին,
ուր ժողովեալ էին Լատինք և Յոյնք և ջուցանէին նմա ըզ-

վաքր տեղին Հայոց . թէպէտ զասն անդ ոմանք և 'ի
Հայոց, և նորա բարեօք զննեալ 'ի նկատի էառ զամենայն
տեղիս Եկեղեցւոյն :

Եւ յաւուր տօնի Վարագայ Խաչի ('ի 25 Սեպտեմբերի)
զինի պատարագին Հայոց չնքաւ 'ի Ս . Յարութիւն, և ըբ-
ջեալ ետես զամենայն զտեղիս և տեղեկացեալ զիտաց թէ
ո՛ր տեղի որ ազգի սեփհական իցէ : Թէպէտ ոմանք 'ի հա-
կառակորդ այլազգեաց ազգ արարին նմա և թախանձանօք
խնդրեցին իսկ փակել զԴուռն Համբարձման և զնել զբա-
նալին 'ի դատարան, այլ նա ոչ կամեցաւ . " զայս բարիս
միայն վայելեցին Հայք : Եւ վասն այլ տեղեաց, յորոց վե-
րայ վիճէին քրիստոնեայք, որպէս ծանուցին նմա ոմանք
յայլազգեաց, բնաւ առարկայ ոչ երաց : Հայք նախ քան
զվճիւր նորին վասն Համբարձման, ցուցեալ էին նմա տե-
ղեկագիր ինչ, որոց ասացեալ էր գրել զիր աղաչանաց
առ ինքն և այնու խնդրել զգրեալսն . բայց Հայք ուշա-
բերեալ ոչ ինչ խնդրեցին 'ի նմանէ . մի դուրսէ Հանգիցէ
խնդիրն 'ի կնճիւռն անլուծանելի . թէպէտ յետ վճռոյն
մտաց ինքն 'ի քաղաքին աւուրս 15, և ապա մեկնեցաւ 'ի
Պերութ ('ի 26 Սեպտեմբերի) : Ի վերջոյ իմացան Հայք
թէ այրն գրեաց յիլամին կործանել զշինուածսն Համբարձ-
ման, յորոյ վերայ վշտացեալ սգային անմխիթար, զի
յու՛մ պէտս վատնեցան այնքան քսակք դրամոց, և ինք-
եանք ակն ունէին կրել զամօթ առաջի աշխարհի :

Եւ եղև 'ի ժամանել Իլամին 'ի Կոստանդինուպօլիս,
զոր գրեաց Շաթր Զատե, տուաւ հրովարտակ յԱրքայէ
ցլատինս, զի կործանեցին շինուածք Համբարձման տեղ-
ւոյն՝ ձանձրացեալ 'ի թախանձանաց Դեսպանին Գաղղիոյ
և Յրանչիակեան կրօնաւորաց, որոց ոչ սակաւ սատար եւ-
ղեն նաեւ Յոյնք . Փութով եհանս հրովարտակն յերուսա-
ղէմ, ժողովեցան գլխաւորք այլազգեաց առ Քաղաքապետն
Տիգրտար Աճմէտ աղա, ուր էր եւ Դատաւորն, Եկին անդ
բազմութեամբ Լատինք և Յոյնք . և յետ ընթեռնելոյ ըզ-
հրովարտակն, սահմանեցին զի անվթար կատարեսցի հրա-
ման Արքային . ապա ելեալ անտի իուռն բաղմութեամբ
Լատինք և Յոյնք, Եկեղեցականք, քրիստոնեայ ժողովուրդք
և գիւղական Ֆելլաչք գործի քանդման 'ի ձեռն զիմեցին

'ի լեառն Ձիթենեաց, և սկիզբն արարին քակել և աւերել զբովանդակ շինուածս, կործանեցին զսեղանն 'ի ներքոյ գմբեթին, և վաստակեալ զաւուրս երկուս հինն 'ի վեր տապալեցին սենեկաց և այլոց իրաց, և չթողին նշմարանք ինչ աւել թէ 'ի շինուածոց Հայոց է. լուսորար կարասպետն որ միայն գտաւ անդ 'ի Հայոց, հազիւ կարաց զերծուցանել զսպաստ եկեղեցոյն և զայլ կարասիս, և Դարձուցեալ զտեղին յաւեր և յապականութիւն՝ եկեալ անցանէին թմրկօք և պարուք իրրեւ յաղթանակաւ առաջի վանաց Ս. Յակոբայ 'ի նախատինս Հոյ կղերաց - այսպէս կործանեցին Լատինք և Յոյք զբովանդակ շինուածս Հայոց, զոր բազում աշխատութեամբ կառուցին 'ի լեառն Ձիթենեաց, ուր պատարագէին 'ի հինգչորթի և 'ի կիրակէ աւուրս 'ի մխիթարութիւն ժողովրդոց, և թողին զայն յառաջին աւերակ վիճակին ('ի 11 Սեպտեմբերի, 1839) Իսկ աւագ թարգման Սահակ վարդապետ, որ ինքն վերակացու շինութեան և պատասխանատու յամենայն դատաստանական քննութիւնս, չգտաւ 'ի վերջին ժողովի աստ. զի գնացեալ էր բերել զգործիս և զքարինս հողմաղացի, և եղև 'ի մտիլ նորա յերուսաղէմ՝ ետես 'ի հեռուս զի եւանէր և գիզանայր փոշի քանդման իբրեւ մրրիկ ծխոյ. սկսաւ լալ և կոծել զանձն իւր, զի ընդուանայն եղեն ջանք և վաստակք իւր, այլ անցեալ էր ժամանակն և ամենայն ինչ կատարեալ: Եւ յանցանել աւուրց՝ Գատաւորն և Քաղաքապետն ետուն շինել և կարկատել զդրունս և զայլ տեղիս ըստ առաջին գրից, և զժախսն առին յերկ վանաց: Յետ կործանելոյ զշինուածս Համբարձման տեղոյն Գաբրիէլ Պատրիարք Երուսաղէմի և Խորհրդական հարք, գրեցին 'ի Ս. Էջմիածին առ Յովհաննէս Կաթողիկոս Կարբեցի զամենայն հանգամանս գործոյն՝ մի առ մի պատմելով 'ի սկզբանէ մինչև ցլախճան, զի մի օտարազգիք բարուրանս եղեալ այլ և այլ բանիւք ամբաստանեցեն զմխարանութիւնս Հայոց, և այսպիսի եղանակաւ ծանուցեալ զճմարտութիւն անցիցն խնդրեցին 'ի նմանէ թուղթ մխիթարական:

Եւ զի Յովհաննէս Կաթողիկոս ամօք յառաջ գրեալ էր առ Խորհրդականս, հայրական սիրով յորդորելով և պա-

տուիրելով եղբայրական և քրիստոնէական սիրով վարիլ ընդ օտարազգի քրիստոնէայս, որում արժանավայել յարգանօք գրեալ էին պատասխան: Այս լուր կործանման շեւ էր հասեալ 'ի Կոստանդնուպօլիս, և գլխաւորք ազգին ջանային, այլ ոչ կարէին մերձեալ առ Նախարար Տէրութեան. զի ժամանակ խռովութեան և պատերազմաց էր, և մանաւանդ հասեալ վախճան կենաց Մահմուտայ Արքայի՝ մարմին նորա կայր անթաղ 'ի տան, որոյ վասն գրէ Փոխանորդն համբերել սակաւ ինչ, զի չէր հնար 'ի վերայ ադոյ առարկայ խնձոյց բանալ: Եւ այս 'ի 28 Հոկտեմբերի արարին մասնաւոր ժողով, թէ վասն Համբարձման և թէ վասն խնդրոյ Ասորոց, և որոշեցին Միքայէլ, Ճէզայրցի Մկրտիչ՝ և կեկեկեան Յարութիւն Ամիրայք խորհիլ 'ի միասին և խնդրել յարքունի Դիւանէ զպատճէն հրովարտակին՝ զոր ընկալեալ էին Լատինք, և թէ զացեն 'ի նմա օգտուէտ բանս ինչ, մատիցեն առ Նախարարս և առ ոմանս արքունեաց, որք կարողք են առնել որպէս և կամին. այլ 'ի հասանիլ նամակաց յերուսաղէմէ լեալ դադարեցին 'ի գործոյ:

Ինքնակալն Օսմանեան Պէտուութեան Սուլթան Ապտիւլ Մէճիտ Սան արար մեծահանդէս ժողով 'ի պալատն թօփ Գորու 'ի Կիւլանէ ասացեալ տեղին, ուր ինքն մեծազօր Արքայն 'ի վերին դատիկոնի հանդէպ լուսամտի բազմեալ 'ի գահոյս երեւեցաւ առաջի խուռն բազմութեան, ուր էին Սատրազամն և բոլոր Նախարարք Տէրութեան և Փաշայք հանդերձ զօրականօք, Շէյխ իւլ Իսլամն դասուք գիտնականաց, Կլխաւորք արհեստաւորաց, Դեսպանք Տէրութեանց, Պատրիարքունք քրիստոնէայ ազգաց, ընդ որս և Սախամազլուխն Հրէից, թող զայլ հասարակ ժողովուրդս. յաշխարհաժողով հանդիսի աստ արտաքին գործոց պաշտօնեայն ընթերցաւ 'ի լուր ամենեցուն զԿայսերական հրովարտակն (Խոթթի Հիւմայուն Հոկտեմբեր):

Առասցուք կարճ 'ի կարճոյ վասն Եգիպտոսի. զի 'ի ըսկըզբանէ անտի հոգեւոր տեսչութիւն Հոյ ժողովրդոց երկրին այնորիկ վիճակեալ էր Երուսաղէմի, որպէս յայտ առնէ զայս հրովարտակն Մարտիրոս Պատրիարքի՝ տուեալ 'ի Սուլթանաց Եգիպտոսի և զայլ և այլ պարագայս գոր-

ծոց այնք ժամանակի, զորս գրեցաք յիւրաքանչիւր կարգի, և զկնի տիրելոց Օսմանեաց տշխարհին այնորիկ, դարձեալ աստի գնային Առաջնորդք և Ժամաբար վարդապետք, որպէս ցուցանեն նամականիք և հաշուական տուժմարք նոցին, մինչ 'ի Կիրակոս եպիսկոպոս որ վարեաց զայն պաշտօն ամս իբր 10 ամենայն բարեկարգութեամբ, ջանիք և խաղաղութի մտօք յաջողեցաւ յաւելուլ զթիւ կալուածոց Ս. Աթոռայն և Եկեղեցւոյ տեղւոյն, զամանս գնեալ դրամօք, և զայլս բարեյորդոր խրատիւք ետ կըտակել իբրև նուէր հոգեւոր բարեպաշտ ժողովրդոց տեղւոյն և յորժամ հարկ եղև նմա հրաժարիլ 'ի նոյն առաջնորդական պաշտօնէ և վերստին դառնալ յերուսաղէմ 'ի Ս. Աթոռ, կարգեաց 'ի տեղի իւր իբր առաջնորդական Փոխանորդ Գերմանիկցի զԳարբիէլ վարդապետ ասլով նմա զիշխանութիւն Մայրադոյն վարդապետութեան՝ պատուիրելով զգուշութեամբ հովուել զժողովուրդ Տեառն, անխախտ պահել զսահմանեալ կարգադրութիւնն, արթնութեամբ հսկել կալուածոց և պաշտօնան կալ իրաւանց Ս. Աթոռայն իբրև որդի հարազատ նմին. և ամբստ ամէ առաքել զպէտս նորին 'ի գոյացեալ արդեանց կալուածոց, որպէս ասնէր ինքն: Այլ Գարբիէլ վարդապետ միայն բանիւ խոստացաւ առ ժամն կատարել զհրաման նորին, և յետ մեկնելոյ նորա՝ 'ի մոռացօնս արկ զամենայնս. զգացեալ Թոռայնոց զանուղղայ գնացս նորին, ազգ արարին նմա քանիցս ճանաչել զինքն և կասիլ 'ի վրասակար ընթացից իւրոց, ջրանալ դուռն խոռվութեան և սուրբ լինել մեծամեծ վրասուց, այլ նա ունչս արարեալ բանից նոցին՝ թեւադիր լինէր ժողովրդոց և յորդորէր իսկ յետս կալ 'ի խնամոց Աթոռայն, գրուել զկալուածս առ 'ի պէտս Եկեղեցւոյ և առաջնորդարանի տեղւոյն, Իմացեալ զայսոսիկ Պօղոս եպիսկոպոսի և Խորհրդակիանաց, զինի յորդորանաց հարկ եղև կոչել զնա յերուսաղէմ: Երբոստանալ նորին՝ առաքեցին անդ իբրև առաջնորդ զԴաւիթ վարդապետ Կարնեցի, որ և խրատական բանիւք յորդորէր զժողովուրդն հնազանդիլ տնօրէնութեան Աթոռայն, և 'ի բոց կալ 'ի Գարբիէլէ. զայն յայտ ասնէր և բանք նամակին Պօղոսի, ընդունիլ զԴաւիթ վարդապետ

զայն զգաստ և գիտնաւոր և զնա ճանաչել ինքեանց հովիւ հոգեւոր, որ զիտէր անտեսել զամենայն պէտս նոցին. այլ ժողովուրդն յուզեալ 'ի Գարբիէլէ ոչ կամէին թողուլ զԳարբիէլ և ընդունել զԴաւիթ, և ինքն Գարբիէլ անհնարին ասէր դառնալ յերուսաղէմ, զի եթէ առաւել ևս բռնացին 'ի վերայ իմ, առաջի կայ ինձ լինիլ կրօնավոխ՝ և կամ լինիլ դահիճ անձին. զայս ամենայն անցս իշխանաւորք տեղւոյն և Դաւիթ վարդապետ գրեցին յերուսաղէմ և ինքն ստիպեցաւ դառնալ յերուսաղէմ, և զԳարբիէլ թողուլ 'ի տեղի իւր:

Ի սորա աւուրս 'ի հրդեհին այրեցան ոմանք 'ի կալուածոց Աթոռայն, և յանհոգութենէ նորին տեղիք նոցին կուրեան՝ մնացեալ յաւերակի, այլք կարօտեալ նորոգութեանց՝ մնացին այնպէս, և ոմանք եւս փոփոխեալ սյուսլեցան: Ապա 'ի խնդրոց ազգապետաց տեղւոյն առաքեցաւ յերուսաղէմ 190.000 դահեկանս սակս նորոգելոյ զհրդեհեալ տունս. 'ի հասանիլ այսր գումարի 'ի ձեռն թէրոգորս վարդապետի և Սարկաւազ Յովսէփայ, զանց արարին զինդրօք նորոգութեան, և առաւել շահաբեր և օգտակար վարկանելով՝ գնեցին այնու յԱղէքսանդրիա տունս և և կից նմին պարտեզ ընդարձակ, որպէս յայտ ասնէ զայս նամակ նորին Գարբիէլ վարդապետի, և յետկար կալուածոյն (Հէօճճէթ) գրեցաւ յանուն աղքատաց վանաց Ս. Յակոբայ, կտակեալ Շէրիի օրինօք անփոփոխելի և անվաճառելի և գի մինչեւ ցայս վայր Ս. Սարգիս եկեղեցին Հայոց, որ 'ի խորշս Խաթի վանաց 'ի Գահիլէ, փոխանակեալ ընդ մատրան Խաթոց 'ի սնարս Գերեզմանին Գրիստոսի, 'ի Ս. Յարութիւն, որպէս ասի, և վերանորոգեալ յառաջնորդութեան Գրիգոր վարդապետի յամի Տեառն 1606, որպէս յայտ ասնէ արձանագրութիւն տեղւոյն, այս եկեղեցի կարի փոքր հնացեալ և խրթին, և անյարմար ժամանակին, ուստի Գարբիէլ վարդապետ ետ 'ի մտի հիմն արկանել նորոգ եկեղեցւոյ, և առ այս ձեռնարկութիւն պէտս ունէր բազմազումար դրամոց. ընդ նուէրս ժողովրդոց խառնեաց և զարդիւնս կալուածոց Աթոռայն, և 65.000 դահեկանս՝ ընդ այլ գոյից Սամուէլ վարդապետի վախճանելոյ 'ի Հնդիկո, Նուիրակի Ս. Աթոռ

ուոյն, և այնպիսի հնարութիւնք հիմնարկեալ կանգնեաց զայն եկեղեցի մեծ և վտառաւոր, և այսպիսի եղանակաւ խափանեցան արդիւնք կալուածոցն Երուսաղէմի, Եւ հուսկ ուրեմն 'ի կարի թախանձելոյ Զաքարիա Պատրիարքի առաքել գոնէ զհաշիւս նոցին, և նա յղեաց տանաձեւեց ելից և մտից զհաշուեալումարն, և դարձեալ պահանջ Աթոռոյն մնաց անդ: Բաց յեկեղեցեաց աստի՛ է և այլ եկեղեցի յանուն Ս. Մինասայ կառուցեալ 'ի գերեզմանատան: Եւ յետոյ էտա Գարրիէլ 'ի կառավարութենէ զմի մասն հոգաբարձոցն կոչեցեալ Գոճէլ Երօշ, ուր բնակեալ են յառաջադոյն գերեալքն Հայոց - էտա նաեւ 'ի Մէհէմէտ Ալի Փաշայէ՛ ընդարձակ գետին յԱղէքառնդրիս, և խառնեաց 'ի սարտէզն, որոյ Հէօճէթն գրեցաւ յանուն Ս. Յակոբայ: Եւ յետոյ առ 1000 արտավար (Ֆէտտէն) վարելահող 'ի կուսակալէն Եգիպտոսի վտան աղքատաց, մնացին անդ և կալուածք Գրիգորի և Պօղոս վարդապետաց: Յետ աւարտման շինութեան եկեղեցւոյն՝ ժողովուրդք վիճակին կամեցան վարձատրել և սրատուել զհողերս հովիւն իւրեանց - ուստի գրեցին յերուսաղէմ առ Պօղոս Եպիսկոպոս և Սորհրդական հարս՝ Պօղոս Պէյ Եռսուֆեան, Ալիքսան և Միքայէլ յարգելիք, և թախանձանօք խնդրէին 'ի նոցանէ տալ զթուղթ վայութեան Գարրիէլ վարդապետի, զի գընացեալ 'ի մայրաքաղաքն Սիս՝ ձեռնադրեցի Եպիսկոպոս, իսկ նոքա ոչ ընկալան առ ժամն զխնդիր նոցա, զի չէր ժամանակ նորա, մանաւանդ առաւել արդիւնաւոր քան զնա էին յԱթոռն արքարժանաւորք այնմ պատուոյ. Եւ երկնչէին մի գուցէ անկցի երկազառակութիւն 'ի մէջ միաբանաց, և երկրորդ զի Գարրիէլ միշտ ապստամբութեամբ վարէր ընդ Աթոռոյն, որոյ վասն առ 'ի շահել զսիրտ ժողովրդոց և իշխանաւորաց տեղոյն, գրեցին կոնդակ, յորում հրաման ապին իբրեւ Առաջնորդի ունել արթու և գաւազան և թագ Եպիսկոպոսի, այլ նոքա ոչ ընկալան զայն և ոչ զկոնդակն հանին յերեւան. զի զայդ ամենայն յառաջադոյն կիրակոս Եպիսկոպոս շնորհեալ էր նմա, և էինքն ունէր և կառարէր զամենայն անթերի, և այսպէս մերժելով մերժեցին զպատճառանս նոցա, և վերստին գրեցին երկիցս և երկուս և ստիպէին զնոսա վաղ ընդ փոյթ սուս-

քել զվիպական Գարրիէլի, զի զեկեղեցին զոր հիմնարկեալ կաւոյց՝ ինքն օճցէ ձեռամբ իւրով, զի հովիւ քաջ է և արթուն վասն ժողովրդոց Եգիպտոսի, և արժանի այնմ պատուոյ, թէ էւ գտանիցի 'ի նմա մասնաւոր ինչ թիրուծիւն, այլ մեզ յամենայնի ընդուների և արժանի է և քաջ արժանի, և զի հոչակեցաւ 'ի վիճակիս թէ Գարրիէլ ունի տարտնալ յաստիճան Եպիսկոպոսութեան, Եւ այլ սոցին նման բանք երկար, տես 'ի նամակակիս 1838-39, 1 Յունվար և 'ի 6 Հոկտեմբեր:

Ի վերայ այսր նամակաց զիջաւ Պօղոս Եպիսկոպոս 'ի թախանձանս նոցա, մանաւանդ ակնածէր 'ի Պօղոս Պէյէ. գրեաց առ նրա պատասխանի նամակաց և ընդ նմին առաքեաց զվիպականն Գարրիէլի, և նա ել 'ի ճանապարհ և զնաց 'ի Սիս և ձեռնադրեցաւ յաստիճան Եպիսկոպոսութեան 'ի Տ. Միքայէլ Կաթուղիկոսի 'ի ցեղէ Աջապահից, ('ի 15 Յունիսի, 1839). Եւ դարձաւ 'ի վիճակն իւր յԵգիպտոս, և վարեաց զիշխանութիւն իւր մինչ ցլտխճան կենաց իւրոց անկախ յԱթոռոյն երուսաղէմի, կոչելով զինքն Փաթրէթ. էտա նաեւ հրովարտակ յՕսմանեան Դրանէ միջնորդութեամբ Յակոբոս Պատրիարքի Կոստանդինուպոսոյ, սակս անկասկած վարելոյ զիշխանութիւն իւր: Եւ այսպիսի եղանակաւ որոշեցաւ Գարրիէլ յիրաւասութենէ Աթոռոյն երուսաղէմի և վախճանեալ թաղեցաւ 'ի մէջ եկեղեցւոյն, ուր յառաջադոյն պատրաստեալ էր զգերեզման իւր: Եւ զինի մահուան նորա ծագեցան վէճք մեծամեծք 'ի վերայ թէմական և կալուածական խնդրոց, զորս թողուիք արձանագրել յայլում տեղոջ և ժամանակի:

Ճեմարանն որ կառուցաւ յԵպիսկոպոս ծախիւք Ս. Աթոռոյն, որպէս գրեցաւ կանխագոյն, կամեցան իշխանաւորք ազգին, զի Աթոռն նպատուեցէ նաեւ օրական ծախուց նորին, ուստի խորհրդով սահմանեցին զի Փախանորդն երուսաղէմի անխափան վճարեցէ յիրաքանչիւր ամիս 10,000. Եւ 'ի տարին 60,000 դահեկան՝ և վասն այսր ժողովք Ամիրայից գրեցին առ միաբանութիւնս Աթոռոյն, և 'ի մասնաւորի ճարտարապետ Յովհաննէս Ամիրայ առ Պօղոս Եպիսկոպոս, տալ յարգել միաբանութեան զխորհուրդ Ամիրայից, և շահել զմիտս նոցա զի մի ընդդիմացին,

պատուիրել Փոխանորդին անյապաղ վճարել զսահմանեալ գումարն . իսկ Յովհաննէս Եպիսկոպոս գուշակելով զպապայ վտանգն , բազում անգամ զգուշաւոր բանիւք ազդարար Խորհրդականաց Աթոռոյն , աղաչանօք և կամ աղերսադրով անհետ առնել զգումարն զայն , և իսպառ բռնալ զլուծն զայն ծանր 'ի պարանոցէ Աթոռոյն . սակայն այսօրիկ բանք նորին ոչ միայն չեղեն լսելի , և ոչ եգիտ յաջողութիւն , այլ առաւել եւս ծանրացաւ . զի զկնի ժամանակի եհաս տարեկան տրոց գումարն 120,000 . զոր վճարէր Աթոռն ամ ըստ արիւնքի , և դժուարին եղև այնուհետեւ բառնալ զայն բեռն 'ի թիկանց միաբանութեան յանյաջողութենէ ժամանակին : Եւ մինչ այսպէս տարուերեալ ծիւղին Խորհրդականք 'ի վերայ այսր խնդրոյ , թէ որով եղանակաւ հնար իցէ ազատիլ յայդց պարտուց եհաս առ նոսա այլ իմն գիր 'ի գլխաւոր Ամիրոյն ումեմնէ՝ յոր թախանձէր զնոսա վճարել զմնացեալ պարտս շինութեան ձեմարանին , զորոյ զարտձէնն գիցուք աստանօր :

Բարձր կառավարիչ Արրոց Յակովբեանց Մեծի Աթոռոյ Աստուածարեալ Տ. Պօղոս Արք Եպիսկոպոս Ս. Հայր . և համապատակ և բազմարդիւն Խորհրդական Հարք :

Չանօրինակն մինչեւ ցայսօր ընդհամօրէն լրութիւն ազգիս , զձեմարանն յանուն Ս. Աթոռոյդ կանգնեալ յիւսկիւտար 'ի յաւերժական պարծանս զիտեմք ազգիս , եւ մասնաւորապէս՝ ձեզ , որ ըստ ամենայն գլխոց սատար կառուցման սորին ցուցայք և յառաջադիմութեանն : Յառաջադիմութիւն անստեղի՝ եթէ և աստի եւ անդր ձերդ սատարութիւն տեւեալ՝ ձեռնկալու եղիջիք . զի համօրէն ազգասիրացս տենչ ձեօք լցեալ՝ բովանդակ կալիք զյաղթանակ վարձուն հողեւորական : Ոչ ինչ է 'ի սրբութեանց ձերոց թաղուն . զի ծախուց յոլովից պէտք եղեն յորէ անտի հիմնարկութեան տեղւոյս մինչեւ ցայսօր . զայս խոհական դատողութիւն ձեր անշուշտ ցուցանէ : Իսկ զամենայն ծախուցն և զարդեանց՝ որ վասն շինութեան և եթ եղեն , զմանրամասին ստորագրութիւն տեսեալ 'ի թղթիդ զոր 'ի գրիս եղեալ առաքեմք առ ձեզ , ակներեւ տեսիք , եթէ որչափ ինչ պարտիք . դեռ եւս ծանրացեալ կան այսօր 'ի հաշուէ շինութեան :

Եւ որ հասոյթքն են՝ սահմանեալք 'ի Ս. Աթոռոյդ և 'ի ձեռնտուութենէ լրութեան ազգիս 'ի կոստանդինուպօլսոյ կամ արտաքուստ , հազիւ բաւեն յօր ըստ օրէն պիտոյս : Իսկ պարտիք շինութեան , եթէ վստահ 'ի հասոյթեան լինիցիմք ցայս վայր հայթայթեալս , յաւիտեան մնացն անվճարելիք : Եւ անմարթ է ծանրաբեռնել 'ի վերայ ազգիս և զայս բաժ 'ի վճար պարտուցն . որ ոչ դոյզն ինչ է , որպէս տումար հաշուին ակներեւ ցուցանէ զամենայն . քանզի տուրք ծանրացեալ են 'ի վերայ ազգիս և ծանրանային օր քան զօր . տուրք բազմատեսակք թէ 'ի քաղաքական սակի , և թէ յազգային , և այս եւս բաժին յաւելեալ յամենայնին վերայ . քանիչ զոյժ նոցա առ հասարակ , և զամենեցուն բերան բանայ 'ի տրտունջ ծանր , եւ ուսմանց հետեւութիւն ասելի յոյժ լինի այնուհետեւ առ մեծամեծս և առ փոքունս :

Առ այս խորհուրդ կալեալ ազգովին պատշաճ դատեցաւ , Սրբոյ Աթոռոյդ սեպհականել և զայս պարծանս ազատելոյ զձեմարանս 'ի պարտուց անտի շինութեան , որ այլազգ անվճարելի է : Վասն այսորիկ ձեռամբ Բարձր արժանապատիւ Փոխանորդի Ս. Աթոռոյդ Տ. Յովհաննու Արք Եպիսկոպոսի , դրամ գումարի պարտուցն երեք հարիւր եօթն հազար զուրօշ ընկալեալ եղև աստ ամբողջ 'ի Սինեօր Չիչինեա Բանտեա վաճառականէն , եւ տուա նմա թուղթ Փոլիցայի յանուն Ս. Աթոռոյդ , վճարելի առ եզրայր նորա Սինեօր Իստիֆանաքի Չիչինեա վաճառականն բնակեալ յԱղէքսանդրիա , երեսուն և մի աւուրքք յետաւսութեան Փոլիցային : Աներկբայ գիտեմք , զի որպէս առաջին ստարաղ գտայք գործոյս , ոչ ինչ վերջանայք 'ի ձեռնկալութենէ աստի : Ընկալիք և զստորագրութիւն մեր աստանօր 'ի ցոյց հաւանութեան մեր ամենեցուն ընդ պատշաճութիւն խորհրդոյդ : Ողջ լերուք յաւերժ կենօք 'ի փառս ազգիս , և 'ի պարծանս Ս. Աթոռոյդ , (յ30 Մայիս . 1839) :

Գարբիէլ Եպիսկոպոս Նիկովիդացին , Պատրիարք Ս. Աթոռոյն Նրսեսաղէմի՝ հասեալ 'ի բարուք ծերութիւն՝ վախճանեցաւ ('ի 25 Ապրիլի , 1840) և թաղեցաւ 'ի վանս Ս. Փրկչի 'ի կարգս Պատրիարքաց , կրելով զանուն Պատրիարգութեան եւ եթ զամս 21 , կացեալ 'ի վտարանդութեան

ի Կոստանդինուպօլիս եւ ՚ի Չմուռնիա զամս 10, եւ յետ
դարձին իւրոյ ՚ի Ս. Աթոռն՝ եկաց լուսթեամբ ՚ի սենեկի
իւրում մինչեւ ցմահ իւր, զի ծայրադոյն կառավարիչ Ա-
թուոյն էր Պօղոս Եպիսկոպոս :

1840 ՚ի 20 Յունիսի, ժամ 11 1/2, երկրաշարժ եւ հրա-
բու զի ՚ի Լեւոն Արարատ, քանզի յանկարծ դգրդեալ սա-
սանեցաւ երկիր, պատառեցաւ վանք Ս. Յակոբայ Մծբնայ
Հայրապետին, ուր էր բարեհամ աղբիւր նորին, կորեան
վանահայր Պետրոս վարդապետ եւ կրօնաւորք, եւ ՚ի լեւոնէն
Մասեաց ծխեալ հրաշունչ եւ ծծրախառն հուր, հոսեցաւ
մի թեւ լերին ձիւնախառն եւ ծածկեաց զգիւղն Ակոռի
հանդերձ բնակչօք եւ անասնօք, եւ կորեան անձինք 4500,
600 Բիւրսք վրանաբնակ 2000 ոչխարօք եւ գերծեալքն
էին 107 անձինք, որք գտան յայդիւ եւ յայլ տեղիս :
Ի 24 Յուլիսի, դարձեալ երկրաշարժ, յորմէ բազում տե-
ղիք աւերեցան յերեւան քաղաքի :

Գրիգոր վարդապետ Կոստանդինուպօլսեցի գտեալ ձե-
ռագիր Աւետարան ՚ի վանս Ս. Գէորգայ, որ կոչի Ղուլէ
Վանք ՚ի Սարբերդ, դրեալ ՈՂԷ (1248) ՚ի Հռոմկլա, յո-
րում գրեալ էր, առին այլազգիք զթագաւորութիւնն Բիւ-
զանդիոյ ՚ի ձեռաց Քրիստոնէից, վասն երկիւղի նոցին հո-
ղով ծածկեցաք զգերեզման Ս. Վկային Գէորգայ, որ ետ
մեզ Միքայէլ Եպիսկոպոս Առաջնորդ ուխտիս ընդ Մեքրոն
Ամիրայի, որ ՚ի ցեղէն Լեւոնի Թագաւորին Կիլիկիոյ, որ
յուզի անկեալ էր ՚ի մենաստանս Ղուլէու լուսք զի զՍ. Ե-
կեղեցիս մզկիթ արարին, գուցէ քահկեցեն զանգին դանձն
զոսկերս Ս. Գէորգայ, որ բազում փախաքանօք գտեալ
թաղեցաք 10 կրօնաւորքս յաջ կողմն մեծի խորանին եւ ՚ի
փոքրիկ մատրոն եղաք գերեզման նոր (ՉԿԳ) (1344) ընդ
հուզ այս ինչ քարի : Գրիգոր եւ Գէորգ վարդապետք բը-
բեալ զնշանակեալ տեղին գտին մի արկղ 2 թղաչափ, կըր-
կին պատեալ մոմպատ կտաւօք, եւ իրեւ բացին զարկղն
բուրեաց անտի հոտ անուշ, եւ գտին ՚ի նմա Մատուան սըր-
բոց կնքեալ մեծամեծ կնքով, եւ զանուանս Սրբոց գրեալ
՚ի մագաղաթի եւ պատեալ մոմպատ կտաւօք, եւ այլ մի վկայ
երեք սեաւ մեծամեծ կնքով, թէ սրբէս եկն եւ ո՞րպէս
եկաց անդ . (յ3 Յուլիսի, 1839) :

Չաւետարանն գրեալ է Չըմհիւծակցի Գէորգ Եպիսկո-
պոս վանահայր Ղուլէ վանաց, ուր անէ միաբանք վանաց
յերկիւղէ Լէնկ Թիմուրս փախուցեալ թագեան ՚ի ծով
դղեակ ՚ի Վանն Խարանշարու եւ ՚ի կարմիր վանս Ս. Կա-
րապետի, եւ յետոյ վերստին դարձան անդ, ապա դէպ զա-
գարակս եւ զհողս վանաց, եւ զայլ դէպս ժամանակին որք
երկար լինին գրեւ աստ : Կնիք ՚ի վերայ Ս. Միւռոնին,
Ներսէս կաթողիկոս (ՈՍԵ) (1166), Հեթում (ՈՂԷ) (1226),
Միքայէլ Եպիսկոպոս, եւ չորրորդն անընթեանի : Ի վերայ
մասանց Ս. Կիրակոսի, Կիրակոս Եպիսկոպոս Արապկերու,
Վկայականն, Ս. Կիրակոսի ճակատն է : Թումայ առաքելոյ,
կնիք Միքայէլ Եպիսկոպոսի (ՉԿ) (1253), Վկայական՝
Թովմայի փոքր աջ մասն է : Կնիքն ՚ի վերայ մասանց Ս. Թէ-
ոդորոսի անձանթ . Վկայականն, Ս. Թորոսի մասունքն է,
չէ յայտ թէ որ տեղւոյ : Կնիք Ս. Կորապետի մասանց,
ոչորմութեամբն Աստուծոյ Արքայ Հեթում (ՈՂԵ) (1226),
եւ միւսն Միքայէլ Եպիսկոպոսի, վկայականն, ոչորմու-
թեամբն Աստուծոյ որք ապագային վայելէք զթագաւորու-
թիւնս Հայոց ՚ի տանն Կիլիկիոյ, զգանձն զոր պարգեւեաց
Աստուած անարժանիս, յիշեսլիք զհայրն իմ Կոստանդին եւ
զեղբայրն իմ Պարոն Ամբասն եւ զսիրելի որդիս Լեւոնն եւ
զԹորոսն եւ զՌուբենն, եւ զլիողակիցս Չապել Թագուհին, որ
տառապանօք հողայ զաղքատս եւ զկրօնաւորս, եւ ես Արքայի
դանձուց պարգեւեցի Ս. Մասն դագաթան Կարապետին
Քրիստոսի : Եւ ետու պարգեւ մսիթարութեան ընդ կողակ-
ցոյս եւ դեռարոյս Պարոն Մեղքոնին Աստուած վայելում տա-
ցէ ամէն (ՉԲ) (1253), եւ այլ բեկորք ոսկերաց, եւ Ս. Գէ-
որգայ բոլոր մատունքն, եւ 13 սպիտակ մոմ հանդերձ խնկօք
եւ բամբակօք : Եւ զմեծ վկայականն կնքեալ են, Կիրակոս
եւ Միքայէլ Եպիսկոպոսաւնք, եւ Գէորգ քոս Եպիսկոպոս,
յորում գրեալ է . Արդ ոչորմութեամբն Աստուծոյ կառու-
ցաւ գերեզմանս Ս. Գէորգայ ձեռամբ ծառայ ծառայիցն
Աստուծոյ Միքայէլ Արք Եպիսկոպոսի, որ շնորհեաց անար-
ժանիս բարեպաշտ Պարոն Մեղքոն իշխանն, որ է ՚ի դան-
ձուց արքային Լեւոնի, եւ Հեթմոյ առեալ է պարգեւ ՚ի
ձեռաց Յունաց, որ ետ տեսի կնքով զմուրհակն եւ վկա-
յեմ, եւ հարիւր դահեկան պարգեւեաց ինձ որ նորոգեցի

զեկեղեցին , և փոխեցի յանուն Ս. Գէորգ , որ էր մաս վա-
նացս յիշատակ Մելքոն Ամիրայի թագաւորացն : Կայ եւս
յիշատակ Պարսն Մելքոնի եւ շիշ մի Ս. Իւզ , որ ներսիսի
Հոռովկայու Ս. Հայրապետի օրհնած Ս. Իւզն է , որ քայրն
Բ. Հեթմոյ փախոյց 'ի Հոռովկայէ , յորժամ Աշրաֆ Ամի-
րայն Եգիպտոսի կործանեաց զԿաթողիկոսարանն :

Ի սմին ժամանակի աւերեալ էին արտաքին սատիճանքն
գաւթի եկեղեցւոյն Ս. Աստուածածնի , և անկեալ էր որմն
արեւելեան . 'ի ծանուցանել Փոխանորդաց Դատաւորին՝
եղեւ քննութիւն , եւ ապա հրաման՝ և շինեցին զաստի-
ճանն Հայք եւ Յոյք ընկերութեամբ 'ի միասին . իսկ
արեւելեան որմն՝ մինչ ցնչանն , եւ անտի 'ի վեր կատինք
միացնակ , (յ30 Մարտի . 1840) :

Հայք և Յոյք 'ի միասին եղին 'ի տեղիս իւրեանց զեր-
կաթեայ փեղկս դրան եկեղեցւոյն Ս. Աստուածածնի , զոր
Արարացիք թշնամութեամբ 'ի գիշերի խլեալ արկին 'ի
վայր . այս եւս զկնի քննութեան և հրամանի Դատաւորին
եղեւ :



Գ Լ Ո Ւ Խ Ծ Ձ .

Տարութիւն Զարթիս եղիսկոսոսի : Խնդիր Հոյոց վանն եկեղեցւոյն
Բեթղէսեմի . քննութիւն նորին եւ Ս. Յարութեան , Կորոզութիւն
եկեղեցւոյն Բեթղէսեմի 'ի ձեռն Յունաց , Բողբ Հոյոց , Հրովարտակ
Արքային և կորգաւորութիւն խնդրոց :

Չկնի վախճանի Գարրիէլ Պատրիարքի՝ Ծայրագոյն
կառավարիչ Աթոռոյն եւ Խորհրդական հարք գրեցին 'ի
Կոստանդինուպոլիս սա Պատրիարքն և օտ գլխաւորս ազ-
գին , ծանուցանելով զմահ Գարրիէլի , և գթափութի մնալն
Պատրիարքական Աթոռոյն , գրեցին զանուանս Եպիսկո-
պոսաց , որք գտան յայնմ ժամանակի 'ի վանս Ս. Յակոբայ ,
եղին նաեւ զանուն Յակոբ Եպիսկոպոսի Պատրիարքին Կոս-
տանդինուպոլսոյ , և յայտ արարին թէ յԵպիսկոպոսաց աս-
տի զս օք և ընտրեսցէ աղղային ժողովն 'ի Պատրիարքու-
թիւն , հաճելի և ընդունելի է միաբանութեան , Զայստսիկ

գրեանս առաքեցին 'ի թագաւորեալ քաղոքն 'ի ձեռն
Գաղատացի Սահակ վարդապետի : Իսկ գլխաւորք աղղին
ընթերցեալ զգրեանս՝ ծանուցանեցան զամենայն իրս , և ձեռն
արկեալ 'ի գործ ընտրութեան՝ ընտրեցին նախ զԵրակաս
Եպիսկոպոսն , այլ նա կանխադոյն պատրաստեալ զհրաժա-
րական իւր՝ տուեալ էր 'ի Սահակ վարդապետի . և 'ի լինիլ
բանից 'ի վերայ նորս , մատոյց նա զայն թագիթ 'ի ժո-
ղովն , և նոքա ընկալեալ զայն , ընտրեցին զԶարթիս Ե-
պիսկոպոս Տարսնոյ 'ի կոր գեղջի : Եւ ապա ծանուցեալ
'ի Գուսն , ապին զՊատրիարքական Պէրաթիւն և յանձն ար-
արին Սահակ վարդապետի հանդերձ գրովք : Եւ նորս
մեկնեալ անտի եհաս յերուսաղէս , եւ մատոյց զգրեանս ,
և յաւուր ասնի Վարսագայ Խաչի նստաւ հանդիսիւ Զա-
քարիա Եպիսկոպոս յԱթոս Պատրիարքութեան , ('ի Սեպ-
տեմբերի 26 . 1841) :

Հայք յառաջագոյն անեալ էին հրովարտակ սակս նո-
րագութեան եկեղեցւոյն Բեթղէսեմի . այլ 'ի ժամանակս
խառնութեան , որ յաղագս շինուածոցն Համարածնան տե-
ղւոյն՝ խափանեցին Յոյք և զայն ընդ այլ հրովարտակաց ,
որպէս գրեցաք , և Դատաւոր տարւոյն՝ զի մի զնոյրացի
ատեյութիւն և խառնութիւնն 'ի մէջ երկուց աղղաց , դա-
դարեցոյց զգործ նորագութեան : Իսկ այժմ Հայք 'ի ձեռն
Համաուլլահ Դատաւորին Երուսաղէմի վերստին խնդրե-
ցին 'ի Տէրութեան՝ յեցեալ 'ի բանս հրովարտակաց , Զի
Այրն Ծննդեան ներքոյ և արտաքոյ , և գերեզմանն Ս. Աս-
տուածածնի , ըստ օրինակի Գերեզմանին Քրիստոսի բա-
ժանել 'ի մէջ երկուց աղղաց . հիւսիսացին կողմն եկեղե-
ցւոյն հանդերձ դրամբ սեփշականել Հոյոց . միջին և հա-
րաւային կողմն Յունաց . սիւնազարդ սրահն՝ յերկոյ դրանց
մինչ արտաքին յերկաթեայ դռնն հանդերձ բանալեաւ
նորին , հաւասար բաժանել Հոյոց եւ Յունաց . նորագու-
թիւն եկեղեցւոյն ներքոյ և արտաքոյ , փոփոխութիւնք
կատարաց ձեղուն լինել ընկերութեամբ . իւրաքանչիւր
աղղ 'ի բաժնի իւրում կախել կանթեղս եւ պատիկերս .
կանդնել սեղան , աւել անել եւ մարքիլ , որպէս ասնեն
'ի սաճարին Ս. Յարութեան , որով բարձեալ լինին ամե-
նայն վէճք և խառնութիւնք , 'ի Ղիլիմիճէ , 1809 :

Սակայն Յոյնք յետ խափանելոյ զհրովարտակս Հայոց, դարձեալ ինքեանց սեփհականեալ էին զընդհանուր նորոգութիւնն Ս. Տեղեաց, եւ ամբառնալ Սուլթան Մէճիտ Արքայի 'ի գահ Կայսերական Օսմանեան Պետութեան, ետուն նորոգել զայն հրովարտակ, և առին Ոստիկան 'ի Դրանէ, եւ եկեալ յերուսողէմ ետուն առնել քննութիւն առաջի Դատաւորին և բարոյութեան այլազգեաց, 'ի Տաճարին Ս. Յարութեան և յեկեղեցին Բեթղէհէմի, յորս միայն ներկայ գտան Հայք և Յոյնք, և Լատին կղերք ոչ երբէք երեւեցան 'ի միջի' և ոչ ետուն թոյլ մերձենալ եւ քննել զտեղիս իւրեանց, և ստորագրեալ արձանացան իւրաքանչիւր տեղիքն, որք կարօտ էին նորոգութեան և շինութեան: Տեսեալ Հայոց թէ առաջի կայ ինքեանց զրկիլ յիրաւանց իւրեանց, մատեան առ Դատաւորն և յայտ արարեալ նմա զգանկատանս՝ ետուն գրել 'ի Դուռն, զի նորոգութիւն Տաճարին Ս. Յարութեան և եկեղեցւոյն Բեթղէհէմի Կայսերական հրովարտակաւ հրամայեալ էր յառաջագոյն լինել 'ի ձեռն Հայոց, և 'ի հակառակութենէ միաբանացն Յունաց՝ խափանեցան նոքա, և գործ շինութեան վերստին սեփհականեցաւ Յունաց. և ամօք յառաջ հրովարտակն այն նորոգեցաւ, և զայս դիտամբ ոչ յայտնեցին Յոյնք, զի բաժինք Հայոց մնացն աւերակ. և նովաւ այժմ կատարեցին զկարեւոր քննութիւնս, և ևս ըստ այնմ գրեցաւ Իլամ: Սակայն եթէ նորոգութիւնն մի միայն ձեւամբ Յունաց լինիցի, անտարակոյս զտեղիս իւրեանց ըստ ամենայն պիտոյից յարմարեալ զարդարեն, և զտեղիս Հայոց հարեւանցի հայեցուածով փոքր նորոգութեամբ բաւ համարին. որպէս նախ քան զհրդեհ Տաճարին Հայք ունէին զերկուս սենեակս 'ի Վերնատան և երկու 'ի վերայ կամարի Իւզարբրից. Յոյնք հաճեցան շինել զերկուսին սենեակս Վերնատան, այլ 'ի վերայ կամարին ոչ. և 'ի ժամանակի քննութեան ոչ ետուն թոյլ մոծանել յարձանագիրս, թէ եւ Հայք ստիպէին բազմօք, և 'ի շինութեանն ոչ կամեցան շինել. եւ այս հաստատեցաւ վկայութեամբ այլազգեաց, և վճիռ մեծի Դենպետին հրամայէ շինել զայնս. Հայք 'ի սկզբանէ անտի գոլով հաւատարիմ հպատակ Օսմանեան Պետութեան, և ոչ 'ի միւրմ ժամանակի հակառակ

Կայսերական կամաց դործեալ են ինչ, այժմ անարժան դործն Յունաց նախատինս բերէ 'ի վերայ նոցա: Զի 'ի հրովարտակս Հայոց բացայայտ գրեալ է բաժանորդութիւն գերեզմանի Ս. Աստուածածնի և 'ի Բեթղէհէմի, ուստի հարկ է հաւասարաբաժին լինիլ երկոցունց. յերկոց դրանց եկեղեցւոյն, երկուքն սեփհական են Յունաց, և հիւսիսայինն Հայոց. սակայն 'ի ժողովի քննութեան փակել զայն. զի եթէ հարկ լինի փակել, ուստի՞ մոցն Հայք յԱյրն Մընընդեան, զի խափանի ճանապարհն՝ զրկին 'ի պաշտամանց ինքեանք և ուխտաւորք նոցա. և միջնադուռն փայտեայ, 'ի վաղ ժամանակաց շինեալ է 'ի Հայոց արտաքին երկաթեայ դուռն, որոյ փականքն են 'ի ձեռս Յունաց, և բաց յայնմ փակելն զայն՝ Հայք մնան արտաքոյ դրանս. եւ յայնմ նշուագի խնդիրն վերանորոգութեան 'ի հակառակութենէ յառաջ եկեալ է, Զպատկերս և զկանթեղս յԱյրն Մընընդեան և 'ի կողմն հիւսիսոյ, եղեալ են Հայք յառաջագոյն ըստ օրինակի գերեզմանի Ս. Աստուածածնի, այժմ Յոյնք իբրև նորահնար զիրս վարկանելով զնոսա կամին բառնալ:

Արդ՝ Փոխանորդն, Թարգմանն եւ Մերակոյտն Հայոց ինդրեն չձգել Յունաց զձեռս իւրեանց 'ի պատկերս, 'ի կանթեղս և յայլ սպասս եկեղեցւոյ, լեալ իրաւամբ բաժանորդութեան. յԱյրն Մընընդեան և յեկեղեցին և 'ի սիւնաղարդ սրահն կախել կանթեղս և պատկերս, զարդարել, աւել ածել և մաքրել, արտաքին դրան լինել բաժանորդ, հիւսիսայինն սեփհականել, և յեկեղեցին կանգնել սեղան. եւ ըստ պահանջման արդարութեան՝ վերանորոգութիւն Տաճարին Ս. Յարութեան և եկեղեցւոյն Բեթղէհէմի լինել ընկերութեամբ. զսեփհական տեղիս՝ անկախութեամբ, և զբաժանորդս ընկերութեամբ, եւ շինել զըրեսին սենեակս Ս. Յարութեան զոր գրեցաք, 1874 Ռէպլիկ Եվլէլ վերջ:

Սակայն այսպիսի գրեանք Դատաւորաց, խնդիրք եւ ջանք Հայոց՝ ոչ ինչ օգնեցին դործոյն, զի չէր հնար Արքայի յետս կոչել զհրովարտակն ընդհանուր նորոգութեան Ս. Տեղեաց՝ զոր տուեալ էր Յունաց: Յետ այսր ամենայն

նի՝ պատրաստեալ Յունաց զամենայն նիւթս շինութեան, սկիզբն արարին վերանորոգութեան, զկատարապատ ձեղունն և զյատակ եկեղեցւոյն և զայլ տեղիս և սպիտակացուցեալ ձեկեցին ամբողջ զեկեղեցին, կամեցան և ձեռքն մխել յԱյրն Ծնեղեան, բայց ընդդէմ կացին նոցա Լատինք, զի ինքեանք ևս բաժանորդ էին տեղւոյն: Եւ ՚ի նորոգութեան պահու եղծին և ծածկեցին զհայեցի խաչքարս և զարձանադրութիւնս՝ զոր զտին, որպէս կից միջնադրան զասուն ՚ի վերայ հարաւային սեան զնին տառս հայկական. եղծին նաև և զբազումս ՚ի մուզայից և ծածկեցին, որոց մնացորդքն ցարդ երեւին յորմս, կամեցան Յոյնք հնարիւք խախտել ևս ձգել զտախտակեայ միջնադուռն, պատճառելով զյարգարումս սալից յատակին, այլ ջանիւք Զաքարիա Պատրիարքի, հնարք նոցին ՚ի դերեւ ել, և դուռն մնաց ՚ի տեղի իւր, (1842):

Յետ վերանորոգութեան եկեղեցւոյն Բեթղէհէմի, իսպառ տիրապետեցին Յոյնք այնմ, և սխան բռնանալ եւ չարիս հասարցանել Հայոց. որք խնդրէին սեփհականել զճիւսիսային դուռն, կախել կանթեղս ՚ի սինազարդ գաւթիթն ևս աւել ավել, որպէս Յոյնք. ունել դրանախ երկաթեայ դրան. և վան սոցին իրաց ետուն զրել Դատաւորին ՚ի Դուռն՝ խնդրելով զգործադրութիւն հրովարտակին, ևս բաւեալ զբռնութիւնս Յունաց. ՚ի Ծ Բամազան ԱՂՕԼ: Գրեցին նաև ինքեանք զիր ազաչանաց, յորում յայտ առնէին թէ՛ Յոյնք զհրովարտակն ընդհանուր նորոգութեան կալեալ իբրև անցեցիլ օրէնք՝ տիրեցին բովանդակ եկեղեցւոյն, ՚ի մոռացունս արկեալ զիմաստս առաջին հրովարտակաց՝ ուրացեալ զիրաւունս բաժանորդութեան, տիրաբար ևս ըստ կամաց իւրեանց զարգարեցին զբովանդակ եկեղեցին կանթեղօք և սպակեքօք, և ջանան բաւեալ զսպասս եկեղեցւոյն Հայոց, արդել ևս խախան լինելով ելից և մտից նոցին յարաւարին և ՚ի ներքին դրանց: Վերջապէս ոչ կամին Յոյնք կանգնել սեղան Հայոց, ևս ըստ պահանջման հարկին սպատրաստել զսպասս եկեղեցւոյ և զայլ իրս մինչև ցրեւեռ մի: Այս գիր ընդ Իււամի Դատաւորին Երուսաղէմի մատուցաւ ՚ի Դուռն գրով Պատրիարքին ևս աղբին:

Եւ յետ անցանելոյ աւուրց ինչ, ևլ հրովարտակ յԱրքայէ վանս եկեղեցւոյն Բեթղէհէմի՝ և տուաւ Հայոց, յորում պատմին երկար բանիւք բովանդակ իմաստ հրովարտակին Այլիմայ և Մահմուտայ Արքայից, և զանցս մեծի դատին Յունաց: Ապա ՚ի մէջ բերէ զհրովարտակն նորոգութեան, յորում դարձեալ յականէ և յանուանէ որոշելով զտեղիս իւրաքանչիւր աղբաց, զբաժանորդս և զսեփհականս, բայց ՚ի Լատինաց, թէ ՚ի տաճարին Ս. Յարութեան ևս թէ յեկեղեցին Բեթղէհէմի, յաւելու ասել՝ « Զի թէ պէտ ընդհանուր նորոգութիւնն յանձն եղև Եունաց՝ այլ ոչ երբէք տիրել, սեփհականել և բռնաբարել զիրաւունս իւրաքանչիւր աղբի, ևս ոչ զբուզմաքեայ իրս ինչ. այլ կալ մնալ իւրաքանչիւր ոք ՚ի սեփհական տեղիս իւր, որպէն ևս էինն, կատարել զօրէնս ՚ի բաժանորդ տեղիս ընկերութեամբ՝ և ՚ի սեփհական տեղիս անկախութեամբ: Բայց յեկեղեցիս և ՚ի բնակարանս Լատին կղերաց չմերձենալ. զի ոչ յանձն առին նոքա ՚ի ժամանակի բնութեան լինել ներկայ, և զտեղիս իւրեանց ոչ կամեցան տալ նորոգել Յունաց: » Յետ գրելոյ զայս ամենայն բացորոշ, դարձուցանէ զբանս իւր առ Դատաւորս Երուսաղէմի ևս ասէ. « Արդ եթէ Յոյնք զընդհանուր նորոգութիւնն պատճառելով, և իբրև ամուր ապաստանի և նեցուկ անխորտակելի յեցեալ ՚ի նա, ՚ի սկզբան նորոգութեան եկեղեցւոյն Բեթղէհէմի զառաջին ձեւն այլապէալ են, և նորանոր իրս հնարեալ, զբաժանորդութիւնն ընդ Հայոց բոլորովին սերացեալ, զայս և զայն տեղի մեր է պսելով՝ զբովանդակ եկեղեցին յափշտակելոյ ևս տիրելոյ դուռն դործեն և ՚ի սինազարդ սրահն եկեղեցւոյ նորանոր կանթեղս կախեն, ուր չէ լեալ այնպիսի ինչ ՚ի սկզբանէ անտի. եթէ արդարև այնպէս իցէ, որպէս ծանուցին Դատաւորն ևս կրօնաւորք Հայոց, բաւեալ և խափանել զանգղամութիւնս աղբին Յունաց, և այսուհետեւ չտալ տեղի կրօնոյ և հալ կառակութեան. զի ընդդէմ է օրինաց ևս Կայսերական հրամանիս: Եւ եթէ ՚ի նորոգութեան պահու յեկեղեցին Բեթղէհէմի, նորահնար իրս ինչ արարեալ իցեն՝ կարգաւորել զայն ըստ առաջին գրից, և ըստ մտաց հրովարտակաց, որ ՚ի ձեռքս երկաքանչիւր աղբի՝ բաժանորդութեամբ

եւ անկախութեամբ վարիլ . և 'ի սկզբանէ որպիսի օրինակաւ կանթեղս կախեալ և զօրէնս կատարեալ իցեն եւ իւրաքանչիւր ոք 'ի սեփական դրանց իւրեանց ել և մուտ արարեալ իցեն , դարձեալ ըստ վաղեմի սովորութեան արասցեն . և մի լինիցին իրաւանց և տեղեաց միմեանց ձեռնամուխ , բառնալով զսրտճառս բանակուութեանց եւ վիճմանց : Եւ յետ կարգաւորելոյ զայս ամենայն բացայայտ և ընդարձակ մանրամասն դրով ծանուցանել 'ի Դուռն , զի արձանագրեսցի 'ի Դիւանս » : Վերջ Մուհարիմ , 1709 :

Ի հասանիլ այսր հրովարտակի յերուսաղէմ՝ կազմեցաւ ժողով 'ի Դատարանի առաջի մեծամեծացն այլազեաց , ուր էին նաև Գլխաւորք միաբանութեան Հայոց և Յունաց , և ամենեքեան լուեալ զհրաման մեծի Արքային , խնայրհեցան 'ի նշան հնազանդութեան : Եւ զկնի աւուրց ելեալ գնացին բաղմութեամբ 'ի գիւղն Բեթղեհէմ , և յեկեղեցւօջ անդ վերստին կազմեցաւ ժողով մեծ , և և դարձեալ ընթերցան զհրովարտակն , և ծանուցին զիմաստս նորին երկաքանչիւր ազգաց , ապա խնդրեցին 'ի Հայոց զառաջին հրովարտակս , ընթերցան և զսյնս , խնդրեցին և ըզ-Յունացն , այլ նոքա ոչ ետուն , սրտճառելով թէ հրովարտակը իւրեանց են յերուսաղէմ : Յետ այնորիկ հրաման ետուն Հայոց կախել կանթեղս 'ի վերայ երկոքին շղթայից , զոր եդեալ էր յառաջագոյն 'ի հիւսիսակողմն 'ի բաժնին Հայոց , բանալ և փակել զպատուհանս՝ անդ , զոր արգելեալ էին Յոյնք , քակել և զերկար աստիճանս , զոր շինեալ էին 'ի հարաւ և 'ի հիւսիս , բառնալ զկանթեղս 'ի սիւնազարդ սրահէն , տալ զմի բանալի արտաքին երկաթեայ դրան 'ի գործադրութիւն Հայոց : Եւ յետ կատարելոյ զայսոսիկ իբրեւ մերձեցան քակել և փոխել զփականս հիւսիսային դրան եկեղեցւոյն Հայոց , լինել սեփական նոցին , աղմկեալ Յունաց աղաղակ բարձին և յարուցին խռովութիւն մեծ . մինչեւ ձանձրանալ Դատարարաց եւ անկատար թողուլ զգործն , զի տակաւին պահանջէին Հայք զամբողջ գործադրութիւն հրովարտակին , խնդրէին անսպաստառ զբանալի հիւսիսային դրան միայն ինքեանց սեփականն , և 'ի սիւնազարդ սրահն կախել կանթեղս , դնել պատկերս եւ կանթեղս 'ի վերայ փայտեայ դրան , աւել

ածել եւ մաքրել յԱյրն Ծննդեան ըստ օրինակին Յունաց և Լատինաց : Յոյնք կարի յոյժ ընդդէմ դառնային , Դատարար իբրու թէ զահի հարեալ յաղմկէ Յունաց , թերևս թելադրութեամբ նոցին էր , ոչ ինչ կարացին ասել կամ առնել , այլ միայն երթիցուք 'ի քաղաքն , և անդ վերստին լիցի քննութիւն հրովարտակաց , և թէ , այդոքիկ պահանջք ձեր Բարձրագոյն հրամանի ոյժս ունին , և այնպէս անկատար թողեալ զգործն դարձան յերուսաղէմ : Եւ զկնի աւուրց ինչ եկն Բդեշխն Գազայու Մէհէմէտ Բաշխ Փաշա , զոր յանկուցեալ էին Յոյնք 'ի կողմն իւրեանց , և վերստին կազմեցաւ ժողով մեծ յատենի նորա , և եղեւ վիճ սաստիկ . Յոյնք մատուցին զհին հրովարտակս իւրեանց , որովք տքնէին զդէմ ունիլ Հայոց , և նոքա ընդդէմ զինէին թէ այդոքիկ հնադոյն են ժամանակաւ քան զմեծ դատն որ ընդ Յունաց , այլ այսոքիկ բանք չեղեն լսելի : Թէպէտ և դրեցաւ վասն շղթայից և սպասուհանաց իւրաւ և Հէօճճէթ , սակայն 'ի նմին յառաջ բերին , թէ հայեցեալ 'ի հրովարտակս Յունաց , չհամարձակեցան հրամայել զգործադրութիւն բանալոյ արտաքին դրան , մինչ 'ի գալուստ Բարձրագոյն հրամանի . զայս Հէօճճէթ ետուն վաւերել Հայք մեծի Դենպետին :

Իսկ Զաքարիա Պատրիարք տրամեալ յոյժ 'ի վերայ այսպիսի ճախող ելիցն իրաց , ցաւօք սրտի դրէ առ Փոխանորդն 'ի կոստանդինուպօլիս , մանաւանդ զգրեալ յազգային շիտթութենէ , ուր յետ այլոց բանից ասէ . « Ես անարժանութեամբ նոր դարձայ Պատրիարք , մինչեւ ես զիս չճանաչեմ , զայլ ոչ կարեմ ճանաչել եթէ չհաւանին իմ կառավարութեան , և չկամին ընդունիլ , ես ոչ հակառակիմ , ոչ խարդախութեամբ խօսիմ կամ գրեմ , այլ իմ յօժարութեամբ դրեմ զիմ հրաժարական առանց խղճի , թող հակառակորդք մտածեսցեն , կորուսի զիմ երջանիկ հանգստութիւն , եթէ չլիցեմ անուշահոտ պտուղ , զի՞ է ինձ աշխատիլ և տնկել անպտուղ ծառ տերեւալի՞ միայն հատրաւ և ոչ այլ ինչ . Զանամ ըզտուարանն պայծառացուցանել , դուրստուն մի օրինաւոր կարգադրութեամբ հաստատել , այս ըստ իմ ըզճի . բաց 'ի սոցանէ ըստ այժմեան կառավարութեան , հարկաւոր է

Քարանդինայի տեղի և հիւանդանոց, որք սիրելիք են եւ հաճոյ կամոց աղնուական Ազգայեանոց, այլ եթէ 'ի մէջ մեր լինի հակասակութիւն, զիսորդ լինիցեն սոքա ։

Գ Լ Ո Ւ Խ Ծ Է .

Խնդիր բանուկաց արտաքին և ներքին դրանց, զոչ աստիճանաց Բեթ- շեհեմի եկեղեցւոյն և շրջոց սենեկոց 'ի Ս. Յարութեան ։ Բարձուն կան- թեղացն Հայոց յեկեղեցւոյն Բեթղեհեմի, և վերասին կախել զՅունացն ։

ԹԷՊԵՏՏԻ Հայք արամեցան ընդ ճախող ելիցն իրաց, մանաւանդ ընդ խախանուան բանալոյ արտաքին դրան, այլ սուղ ինչ միտիթարեցան 'ի վերայ կանթեղաց և այլոց իրաց՝ զորս գրեցաք՝ և նոքա եւս ոչ եղէն յարատեւ, որ- պէս ունինք գրել 'ի ստորեւ ։ Սակայն ոչ թուլացեալ դա- դարեցան 'ի խնդրոյն . զի մեծաջան վաստակօք զհետ մը- աեալ էին կամ վերտաին ստանալ զայն բանալի, և կամ բանալ դուռ նորայ կից նմին, որոյ տեղին նշմարի, և մի- այնակ սեփհականել զհիւսիսային դուռն . զի Յոյնք առ շարութեան երբեմն աղխէին դայն 'ի յետուստ . վասն որոյ 'ի ձեռն Գատաւորին ետուն գրել 'ի Դուռն, և ինքեանք եւս առ գլխաւորս ալգին, զի հնարս գտցեն ազատել զմիտարան և զուխտաւորս 'ի թշնամանացն Յունաց ։ Եհաս դիր Դատաւորին 'ի Դուռն . գրեաց եւ Պատրիարքն Կոս- տանդինուպօլսոյ վասն այսց խնդրոց ։ Եւ զկնի աւուրց ինչ Փոխանորդն Երուսաղէմի Յովհաննէս Եպիսկոպոս գը- նաց ընդ նախորդին իւրոյ առ սլաշտօնեայն արտաքին գործոց . եկին և 'ի Յունաց ոմանք, ընդ որս էր եւ այրն երեւելի Ստեփանաքի Պէյ . եւ եղև վիճ յատենի անդ վասն դրանց ժամս իրր 2, և հուսկ ուրեմն որոշեցու՝ եթէ հաճեացին Յոյնք՝ տացեն Հայոց զվի բանալի արտաքին դրան . իսկ եթէ ոչ, տացեն հրաման Հայոց բանալ զայլ դուռն մերձ նմին ։ Իսկ յաղագս ներքին երկոց դրանց՝ ոչ գտաւ 'ի Դիւանս արձանագրութիւն ինչ, ուստի համա- րեցան դրուներն այնորիկ նորահնար և 'ի վերջոյ բացեալ .

Յոյնք պնդէին թէ ունինք հրաման և զիր վասն այնոցիկ- Բգեշին ասէր . զի եթէ գացի այնպիսի դիր ինչ 1813 թուա- կանէն զկնի, մնացեն դրուներն որպէս և էինն, իսկ եթէ ոչ, քակեացին եւ բարձցի նորահնար որմն 'ի միջոյ . բացց զքակուան մնացն բանիւ աւանդեաց և ոչ 'ի դիր արձանա- ցոյց, որպէս զայլս ։ Ստեփանաքի Պէյն՝ որ ունին դէնք վիճմանց երկուց աղքաց վասն հիւսիսային դրան՝ ասէ յիւրն 'ի Յոյն բարբառ . զի՞ այդչափ վիճէք և յամուեալ կայք 'ի բանս ձեր . զի՞ ոչ օգուտ կամ վնաս հասանէ ձեզ 'ի դրանէդ յայդմանէ, յետս կացէք . իսկ նոքա դարձեալ հաստատուն կացեալ 'ի բանս իւրեանց, ասեն . Թափօրին մերոյ է հարկաւոր ։ Փոխանորդն Հայոց՝ իրաւիկ լեալ բա- նից նոցին ասէ . Յոյնք 'ի տարուջ միանգամ ունին Քա- փօր . 'ի ժամուն՝ բացցուք՝ եւ կամ բնաւ ոչ միակեացուք 'ի գիշերին յայնմիկ . զի Հայք եւս ունին Քափօր յառուր տօնի Ծննդեան իւրեանց, որ երբեմն ելեալ 'ի հարաւային դրանէ Սյրին, դառնային զոռաջաւ եկեղեցւոյն Յու- նաց, դուք ընդէ՞ր միակէք յայնմ գիշերի դայն դուռ . առ սյս խոտապան բանալ գրուուն և շրջել Հայոց ։

Յովհաննէս Եպիսկոպոս գրեալ աղբ ասնէ զայտափկ յերու- սաղէմ առ Զաքարիա Պատրիարք և պատու իրէ զԿոչանալ յամենայնի . զի մի խարդախանօք և կամ հնարիւք ինչ յար- մարեացին դիր 'ի ձեռն Քարտուղարի դատարանին վասն դրանց եկեղեցւոյն Բեթղեհեմի, իսկ Պաշտօնեայն արտա- քին գործոց ոչ կարնցեալ յայնմամ անձամբ անձին վճա- րել ինչ, և կամ շուճանել զմտորն, յղեաց յատեան ար- դարութեան . ընդ նմին և զայլ կարեւոր խնդիրս, զորոց պատմեացուք յետոյ . Անդ 'ի քննութեան 'ի միտ աւին՝ զի Հայք խնդրէին բառնալ գրաժանորդութիւնն 'ի հիւսիսային դրանէ, եւ միայն սեփհականել ինքեանց . Յոյնք դժկա- մակեալ պատճառէին զարգելումն Քափօրին, եւ վասն սը- տաքին դրան Յոյնք պնդէին ըստ մտաց հրովարտակին \\\ \ \ \ թուին սեփհական ինքեանց, եւ ոչ կամէին լինել ընկերովի . Հայք ընդդէմ դարձեալ ասէին . զի որովհետեւ հրովարտակն Սելիմաց Արքայի հիմն ընտրեցաւ, եւ զհրո- վարտակն զոր յառաջ բերեն Յոյնք, երկցազոյն է ժախ- նակաւ քան զհրովարտակն առեալ զկնի մեծի դատին ,

նորա զօրութիւնն բարձեալ և արձանագրութիւնն ջնջեալ համարի . զի մինչ 'ի թուականն յայն' մին 'ի բանալեաց էր 'ի ձեռս Հայոց ևս միւսն Յունաց : Ուստի կախեալ գոլով այս 'ի հաճութենէ 'Կայսերական կամաց , մինչ 'ի ժամանումն Բարձրագոյն հրամանի պատուիրեալ են Յունաց անգործագրելի թողուլ զբանալին Հայոց , որպէս յայտ առնեն զայս գրեանքն եկեալ յերուսաղէմ :

Իսկ 'ի խնդրոց մին էր , զի 'ի նորագլ Յունաց զեկեղեցին Բեթղեհէմի , ժողկեցին զգիրս աստիճանաց 'ի հարաւային կողմն' որ հանէ 'ի վանս Յունաց , զի յառաջագոյն էր 'ի միջ կողմանէ և եթ , որպէս ցուցանէ հին յատակագիծն . յետոյ քակեալ զայն շինեցին զոյգ յերկուց կողմանց : Առ այս թէպէտեւ բողոք բարձին Հայք և Լատին կղերք , թէ ժողկեցին զնախնական ձեւն եկեղեցոց հակառակ Կայսերական հրամանի , սակայն Յոյնք յառաջագոյն հաճեալ էին զկամս Դատաւորին երուսաղէմի ևս մեծամեծացն այլազգեաց , և առեալ էին զիր 'ի նոյսնէ , թէ զոյգն ինչ ժողկութիւն ոչ է հակառակ օրինաց ևս հրամանի : Եւ զի յառաջագոյն 'ի քակել սանդխոցն 'ի հարսւ և 'ի հիւսիս' զանց արարեալ էին զայնու իրր անվասակար . իրեւ հարցումն եղև 'ի մեծէ Դենպետէն , նա ևս և թող զայն իրր անվաս :

Երկրորդ խնդիրն է չորս սենեակք Հայոց 'ի Տաճարին Ս . Յարութեան , որք ոչ մուծան յարձանագիրս 'ի քրնութեան պահու' ակնարկութեամբ Յունաց , և ոչ շինեցան . թէպէտեւ յառաջագոյն բողոք բարձին վասն այսոցիկ Պատրիարքն և միարանք Հայոց , և 'ի ձեռն Դատաւորին խնդրեցին հրովարտակ վասն շինութեան նոցին , այլ խնդիրն կնճուղտեալ կարի երկարեցաւ : Այժմ որոշումն ատենին արդարութեան եղև այսպէս . ընդհանուր նորոգութիւնն Ս . Յարութեան տուեալ է Յունաց , այլ յազադս շինութեան սենեկացն Հայոց , 'ի Կայսերական կամաց կախեալ է . սակայն օրինօք Դատարանի առաջի երկուց ազգաց ստուգեցի , եթէ յայտնի լինիցի թէ ոչ մուծան նոքա յարձանագիրս , յայնժամ 'ի ձեռն Դատաւորին , ծարտարատելուն և հսկողութեամբ վերակացուին քննեցի , և յօրինեցի յատակագիծ նոցին 'ի թղթի ևս առաքեացեն

'ի Կոստանդինուպօլիս . յայնժամ տնօրինեցի որ ինչ հարկն է , և չէ ինչ վնասակար եթէ գրեացի վասն այսր հրովարտակ , ըստ որոշման ատենին գրեցաւ հրովարտակ , և 'ի հասանելն յերուսաղէմ' ընթերցաւ 'ի Դատարանի :

Յայնժամ Կուսակալն Ալի Փաշա , Ոստիկան Նէպլի էֆէնտի' Դատաւորն և մեծամեծք այլազգեաց , Հայք և Յոյնք ժողովեցան 'ի Ս . Յարութիւն , վերստին քննեցին ըստ հրամայելոյ հրովարտակին , ևս ստուգեալ հաստատեցաւ թէ' սենեակքն այնոքիկ էին նախ քան զհրդեհն , և թէ յետոյ ոչ շինեցան , և 'ի քննութեան ոչ մուծան յարձանագիր , և վասն այսր Դատաւորն Համտուլլահ տուեալ էր զիր Հայոց , մատուցին և զայն . Դատաւորն զանց արար զնովաւ և առեալ զմեծամեծս այլազգեաց մեկնեցաւ անտի , և առանց վախճան տալոյ գործոյն , ետ Յունաց Իլամ և Հէօճճէթ . իսկ Պատրիարքն Հայոց վերստին գրեաց 'ի Կոստանդինուպօլիս' առաքելով զգիր նախկին Դատաւորին և զյատակագիծ տեղւոյն , և մատուցաւ 'ի Դուռն , և դարձեալ խնդրեցին հրաման վասն շինութեան սենեկաց : Եւ պարքան հրամայեաց ակնարկել յարձանագրութիւնս Դիււանին ևս գտին' զոր ինչ գրեալ էին յայնժամ յերուսաղէմէ , թէ ըստ հրովարտակին եղև քննութիւն վասն սենեկացն Հայոց . այժմ նոքա չերեւին 'ի միջի , զի այրեցան 'ի հրդեհին , և յետոյ Յոյնք ոչ շինեցին . Յոյնք յայտնապէս ուրացան , և 'ի ձեռս երկաքանչիւր ազգաց են թղթեանք հակառակ միմեանց , ուստի հարկ եղև անտես առնել , ևս 'ի զիրս նախկին Բղեշխին ոչ նշմարին , որ աղււտեալ է Յունաց յետ աւարտման շինութեան . նոյնպէս և 'ի զիրս Դատաւորին , և 'ի տեղեկադիրս Նէպլի էֆէնտեայ , գործն համեմատ Կայսերական հրամանին աւարտեցաւ ասէ , իսկ զրեանք նախկին Բղեշխին , Դատաւորին և վերատեսչին միմեանց հակառակ են , նաեւ Կայսերական հրովարտակին , և այս եւս յայտնի տեսանի' զի զոյգութիւնք սենեկաց նախ քան զհրդեհն էին , և զկնի այնր ո՞վ արդեօք խնդրեաց հրաման շինութեան , ևս ո՞ր ազգ տիրեաց . 'ի նամակս և 'ի ծանուցագիրս շնչմարի կէտ ինչ , ուստի խնդիրն վերստին հարցման և քննութեան պէտս ունի . այս է արտագրութիւն արձանագրութեան Կայ-

սերական Դիւանին: Եւ Եպարքոսն դարձեալ առաքեաց զայս խնդիր յարդարութեան ատեանն, ուր ՚ի քննութեան որոշեցաւ, սենեակքն մշտնջենաւոր էին նախ քան զհրդեհն, ընդդիմանալ Յունաց շինութեանց նոցին, է գործ մեծի զբիսնաց հակառակ օրինաց եւ հրամանի, պարտ է վերստին հարցանել ՚ի տեղուջէ իւրմէ:

Ի վերայ այսր գրեաց Եպարքոսն առ Բղէշին Երուսաղէմի Մէհէմէտ Փաշա, բացատրելով զխնդիրն զոր գրեցաք. եւ ՚ի վերջոյ ասէ. Առեալ ընդ քեզ զերեւելիս քաղաքիդ, զՓոխանորդս եւ զԹարգմանս երկուց աղագ, օրինօք Շէրիի եւ դիտութեամբ ամենեցուն զխնդիրն վերջստին առնուլ ՚ի քննութիւն եւ ստուգել յորոց վերայ է վէճն. եթէ արդարեւ սենեակքն ՚ի Ս. Յարութեան նախ քան զհրդեհն էին՝ թէ ոչ. յառաջագոյն Յոյնք հաճեալ՝ եւ ՚ի վերջոյ արգելեալ են մուծանել զայն յարձանագիր, որպէս պատմէ Նէպիէֆէնտի. զայս ամենայն քննութեամբ պտուգեալ ՚ի հաւատարիմ արանց, զի մի վերստին հարցման կարտ լիցի. զճնարարութիւն իրին բացայայտ եւ պարտալիւք Իւամա Դատաւորին, եւ հանրադրութեամբ եւ ձեր իսկ գրով ծանուցիլք աստ. երբէք մի լիցի ձեզ պաշտպանել զմին եւ զմիւսն, եւ կամ զիջանել ՚ի հաճոյս եւ ՚ի շնորհուկս ուրաք. զի մի վերստին արձարձեցիք վէճն. յուսամք թէ աջալըծութեամբ կատարէք զայս, ՚ի ԳՂ Զիլգատէ. 1771 (Րաուֆ):

Վերջին որոշում. քակել զերկու երկայն ատրիճանս, եւ շինել ըստ առաջնոյն. զոյդ ատրիճանաց որ հանէ ՚ի քանս Յունաց, մնալ այնպէս: զի չէ վնասակար: Յոյնք ոչ կամեցան տալ զբանալի հիւսիսային դրան պատճառելով զԹափօրն. իսկ բանալի արտաքին դրան, որոյ մին էր ՚ի ձեռս Հայոց եւ միւսն Յունաց մինչ ՚ի թուական 1771, Գործակալք յանձն ասին զեկուցանել Արքայի, եւ պատուէր ետուն Հայոց չգործածել զբանալին մինչ ՚ի դալուստ նոր հրամանի: Շինութիւն սենեկաց, կախեալ է կայսերական կամաց եւ վերատեսչին չէր հարկ մնալ յերուսաղէմ, զի աւարտեալ էր գործ նորոգութեան, եւ պատուէր ետ առանց հրամանի չլինիլ ձեռնամուխ ՚ի շինութիւնս, եւ մեկնեցաւ ՚ի կոստանդինուպօլիս. այսպիսի հրաման եղեւ ՚ի

Դրանէ, եւ եթէ հարկ լիցի՝ Պատրիարքանք ծանուցեն առ Պաշտօնեայն արտաքին գործոց, եւ յետ այնորիկ անօրինել զպարտ ու պատշաճն: Իսկ արտաքին պաշտօնեայն յաղագս բառնալոյ զբաղմամեայ խոսիլութիւնս երկուց աղագ, կոշեաց քանիցս զեկեղեցականս երկուց կողմանց, զի իրաւախոհ լինիցին. եւ զինի բազում բանից՝ Հայք թողին եւ ՚ի բաց կացին ՚ի խնդրոյ զոյդ սանդխոց, իսկ վասն մնացելոց հարցանել Արքայի, եւ նա հրամայեաց ըստ որոշման ատեմին արդարութեան լինել հրախնդրակ, եւ ըստ այնմ գործադրել:

Մինչդեռ Հայք պատաղեալ զայսնսիկ խնդրոյք զեդերէին ՚ի դրուես մեծամեծոց եւ յառեալս Տէրութեան, եւ խնդիրքն կարեւորք մերձ էին գտանել զլուծումն, այլ մխարանք Յունաց արագեցին եւ կանխեցին այլ իմն չփութութեամբ խափանել զայն եւ կապել ՚ի հնձիւն անլուծանելի. դիմեցին մեծամեծ պատարագօք առ կուսակալն Միղսնի (Սայտոյ Վալիսի) Էսստ Փաշա, եւ բամբասանս բարբառանց եղեալ՝ մեծամեծ գանկատաւօք ամբաստան եղեն զՊատրիարքէն եւ զմխարանութեանէ Հայոց. թէ որպէս յանդգնեցան առանց Բարձրագոյն հրամանի կախել զկանխեղս յեկեղեցին Բեթղէհէմի. բանալ զպատուհանս, առնուլ զբանալի արտաքին դրան, եւ ՚ի սիւնազարդ սրահէ եկեղեցւոյն իջուցանել զկանխեղս Յունաց, այլովքն հանդերձ: Եւ նորա զիջեալ ՚ի կամս նոցա գրեաց առ Դատաւորն եւ առ մեծամեծս Երուսաղէմի. իջուցանել զկանխեղս Հայոց, չբանալ եւ չիւսկել զպատուհանս, եւ զսուր ամեկն վերստին յանձնել Յունաց, եւ ՚ի սիւնազարդ սրահն վերստին կախել զկանխեղս: Ի հասանել այսր հրամանի յերուսաղէմ, որացին Յոյնք զմիտս Դատաւորին եւ մեծամեծոց. գնացին բազմութեամբ ՚ի Բեթղէհէմ. բարձին զկանխեղս ՚ի շլթայլոցն Հայոց, եւ կախեցին զկանխեղս Յունաց ՚ի սիւնազարդ սրահն եւ խափանեցին զոր միմնգամ կարգաւորեալ էր հրովարտակաւ Արքայի. եւ պատուէր ետուն Հայոց չլինել ձեռնեկեց յիրս ինչ ՚ի պատճառս որ եւ իցէ իրաց: Այս հակառակ եւ անպիտանելի հրաման կուսակալին առիթ եղեւ մխարանացն Հայոց գտան մշտաց եւ արտութեան, այլ ոչ եղեն յուսակաւուր միմն:

դամայն, գրեցին առ Պատրիարքն և առ գլխաւորս ազգին 'ի Կոստանդինուպօլիս ամենայն ինչ որ միանգամ գործեցաւ յերուսաղէմ, և խնդրեցին դարմանել զիրոն. և նորա գրեալ ծանուցին 'ի Դուռն, և խնդրեցին վերստին հրովարտակաւ հաստատել զայն ամենայն, զոր ետուն եղծանել Յոյնք :

Իսկ մեծ Եպարքոսն զարմացեալ 'ի վերայ այսր, խընդրեաց զարձանագրութիւնս Կայսերական դիւանին, և եղիտ անդ զամենայն ինչ կարգադրեալ ըստ Շէրիի օրինաց և հրովարտակաւ Արքայի առաջի Բղեշիի, Գատաւորին և բազմութեան այլազգեաց քաղաքին և Վերատեսուչ Նէպի Էֆէնտեայ, և այլ ամենայն ինչ ընդարձակ և բացայայտ գրեալ էին անդ, սակայն բողոքագիր Պատրիարքին Հայոց, և տեղեկագիր Նէպի Էֆէնտեայ, զոր մատուցեալ Եպարքոսին 'ի վերադարձին իւրում, զհակառակ նորին յայտ առնէին. զի տակաւին նոյն հրամանաւ արգելեալ կային ամենայն ինչ, Ուստի հարկ եղև Եպարքոսին վերըստին գրել առ Բղեշիսն Երուսաղէմի Մէհէմէտ Փաշա և տեղեկութիւն խնդրել 'ի նմանէ. « Ո՞չ որ աղագաւ է տէ պատահունք իրացդ, և ո՞րպիսի իրք սքանչելիք և զարմանալիք դիպեցան, որ հրովարտակաւ Արքայի և օրինօք Շէրիի առաջի բազմութեան այլազգեաց կարգադրեալ խնդիրն՝ յանկարծ այսպէս մի միայն հրամանաւ Կոստակալին Սիդոնի դադարեալ խափանեցաւ, և Յոյնք վերըստին բռնացեալ 'ի վերայ իրաւանցն Հայոց՝ կախեցին զխափանեալ կանթեղս, և զայլ իրս որք ոչ էին յառաջ ժամանակաւ. զայսոսիկ ամենայն սլարագայիւք քննեալ և ստուգեալ 'ի հաւատարիմ արանց գրովք Գատաւորին եւ ձեր փութանակի ծանուսջիւք մեզ » . 'ի Հ Մուհարրէմ . 1777 : (Բառֆ) :

Ի ժամանակս նորոգութեան եկեղեցւոյն Բեթղեհէմի Յոյնք խցին զերկուց խողովակս ջրոցն որ իջանէր 'ի տանեաց անտի 'ի Վանս Հայոց, ուր վասն այնր Մարկոս Եպիսկոպոս Քիլիկի շինեալ էր ջրամբարս Զաքարիա եւ Մատթէոս Պատրիարքունք ծանուցին 'ի Դուռն եւ խնդրեցին բանալ զխողովակսն ըստ առաջնոյն, և զի ոչ գտաւ յարձանադիրս Դիւանին վասն այնր, թէպէտեւ հարցեալ ըս-

տուգեցին 'ի Նէպի Էֆէնտեայ, որ Վերատեսուչն էր գործոյն, այլ ոչ բաւականացան այնու. գրեցաւ հրովարտակ ուղղեալ առ Կոստակալն Սիդոնի և առ Բղեշիսն և Գատաւորն Երուսաղէմի, զի բազմութեամբ և առանց կողմակցութեան քննեցեն և վերահատու լեալ իրացն փութանակի ծանուցեն 'ի Դուռն, 10 Ձիլգատէ, 1771 :

Այսոքիկ խնդիրքս հասանէն մինչեւ ցոյս վայր, այնուհետեւ չերեւին գրութիւնք ինչ, թէ որպիսի եզանակաւ պատասխանի ետուն Բղեշիսն եւ Գատաւորն, եւ թէ ո՞չ որ աղագաւ լուեալ դադարեցին միարանք Հայոց՝ յետ այսքան տառապանաց և աշխատութեանց և մեծադուստր ծախուց, զի խնդիրքն Հայոց խափանեալ մնացին իսպառ, և կանթեղք եւ այլ իրք Յունաց մնացին 'ի տեղու իւրեանց, պատճառ ո՞չ այլ ինչ գտանեմք, եթէ ոչ տարածամ մահ Զաքարիա Պատրիարքի, և խուզութիւն ազգայնոց 'ի Կոստանդինուպօլիս :



Գ Լ Ո Ի Խ Ծ Ը .

Գոնապանք Ս. Յարութեան : Վեճ՝ Յունաց վասն Եկեղեցւոյն Ս. Յովհաննու : Կայսերական նշան Ռուսաց և Օսմանեաց : Վախճան Զաքարիա Պատրիարքի :

ՅԱՂԱԳՍ անդորրութեան և ապահովութեան ուխտաւորաց, յառաջագոյն որդի Փոխարքային Եգիպտոսի Իսրահիմ Փաշա, տուեալ էր բանալ զմի փեղի դրան Տաճարին Ս. Յարութեան, զի այնպէս օրինադրեալ էին 'ի ժամանակս Մէլիք Սալահատինի, և յաղագս բառնալոյ զայլ անկարգութիւնս այլազգի դոնապանաց խնդրեալ էին Գըլխաւորք Քրիստոնէից 'ի Տէրութենէ. 'ի հասանիլ այսր հրովարտակի յերուսաղէմ, կոչեցան դոնապանքն 'ի դատարան, ուր էին Փոխանորդն Հայոց, Կիրակոս Եպիսկոպոս և Յունացն Քիրիլոս. յետ ընթեռնելոյ զայն, խորհեցան բարոք կարգաւորել զպաշտօն նոցա, չբահանջել այնուհետեւ յուխտաւորաց իրրեւ մուտք մի մի փարայ, զի

բազում անգամ 'ի պահանջել նոցա 'ի կանանց և 'ի աղայ-
 յոց և յօտարաց, որք ոչ էին հպատակ Օսմանեան Տէրու-
 թեան, լինէր վճճ և խռովութիւն. ուստի առ 'ի բառնալ
 զայս անկարգութիւն, Փոխանորդք յանձն տաին 'ի տանն
 ամաց հետէ զսահմանեալ տուրս վճարել դռնապանաց, և
 փոխանակ մի մի փարայի, զինի Չատկի տալ 2000 դահե-
 կան յերկուց վանաց ևս դռնապանաց չպահանջել այլ ևս
 ինչ ոչ յաւատարաց և ոչ 'ի միտքանաց, և ոչ յայլոց ով
 որք և իցէ. 'ի հաճիլ երկուց կողմանց այսմ պայմանադրու-
 թեան՝ Դատաւորն գրով հաստատեաց 'ի ՎՎ Շապան.
 1739:

'ի սմին ժամանակի Յոյնք որսացեալ 'ի կողմն իւրեանց
 զԲդեշխն երուսաղէմի զՀայտար Փաշա, առին հրաման 'ի
 նմանէ նորոգել զվանօրայս թուով 6: Յետ նորոգելոյ զմին՝
 ձեռն արկին նորոգել զվանս Հայր Աբրահամու, որ յառա-
 ջադոյն վանք էր Հապէշաց. 'ի նորոգութեան աստ քա-
 կեցին զտանիս Ս. Յովհաննէս եկեղեցւոյն Հայոց և բարձին
 զքարինս նորա, կամելով հաւասարել զայն տանեաց իւ-
 րեանց, և և զի տանիք Ս. Յովհաննու բարձր էր կանգնաւ
 չափ քան զայլս, և 'ի կամել հաւասարել զայն, նրբանայր
 առաստաղ եկեղեցւոյն, և յեղանակի ձմրան անձրեաց հե-
 տեւէր քանդումն և աւերումն: Չաքարիս Պատրիարք բո-
 զոք երարձ առ Դատաւորն զայսմ անիրաւ յախշտակութենէ
 Յունաց, զնոյն արար և առ Հայտար Փաշա, այլ նա մեր-
 ժեաց յերեսաց իւրոց զպատգամաւորս նորին, պատճառե-
 լով թէ ծախք նորոգութեանց յարքունուստ են. այսպիսի
 հեարիւք յառաջացուցանէ զգործ Յունաց, և նորք 'ի ծա-
 ծուկ վճարէին զգրամնս Տեսեալ Հայոց զհնարս Բդեշխին,
 զիմեցին առ Դատաւորն, և վաւերական գրովք ցուցին վի-
 բաւունս, և թէ ոչոքէն տիրեալ են եկեղեցւոյն, և 'ի ժա-
 մանակս ժամանակս նորոգեալ եւ չինեալ 'ի ներքուստ ևս
 արտաքուստ, Դատաւորն երկիցս չոքաւ բազմութեամբ
 'ի տեղին, և արար մանրամասն քննութիւն, ընդ որս էր
 և Բդեշխն, և քաջ ծանեաւ զիրաւունս Հայոց 'ի գրոց և
 'ի դրոյց տեղւոյն. խնդրեցաւ գիր և 'ի Յունաց, եւ նորք
 ոչ կարացին մատուցանել ինչ, այլ պնդէին թէ օգն և տա-
 նիս եկեղեցւոյն մեզ պատկանի, զի կից է տանեաց մերոց:

թէպէտ զիջան ընկերութեամբ շինել զտեղին, այլ Հայք
 ոչ առին յանձն. Դատաւորն ետ Հիօճճէթ Հայոց, թէ
 եկեղեցին սեփական է նոցա, և նորոգութիւնն ևս նոցա
 պատկանի, և թէ հրամայեն օրէնք ելանել 'ի տանիս նո-
 բա անարգել 'ի վանացն Յունաց: սակայն Յոյնք և Բդեշ-
 խըն ոչ հաճեցան այսմ, նմին իրի յաւելոյր վճճն օրքան
 զօր: Տեսեալ Հայոց թէ ոչ կարեն վճարել ինչ յերուսա-
 զէմ, գրեցին զխնդիրն պարագայիւք առ ազգային Պատ-
 րիարքարանն, և և առ Կուսակալն Ասորեաց Էսաա Փաշա:
 Մատթէոս Պատրիարք գրով ծանոյց առ Եպարքոսն զգան-
 կատանս Պատրիարքին և և միտարնութեան երուսաղէմիւ
 Յակնարկել նորա յարձանագիրս Կայսերական զիվանին
 վանս նորոգութեան եկեղեցւոյ՝ ոչ գտաւ ինչ տուեալ
 Յունաց, ուստի գրեցին առ Կուսակալն Ասորեաց, առ Դա-
 տաւորն երուսաղէմի, և և առ վերատեսուչն լինութեանց
 Նէպի Էֆէնտի, քննել զտեղին պարագայիւք և ծանուցա-
 նել 'ի Դուռն, և նորք յետ քննութեան գրեցին ամբաս-
 տան լինելով զանկարգութենէ և զազահութենէ Հայտար
 Փաշայի. թէ ոչոքէս ընդդէմ օրինաց և կանոնաց թիւրէ
 զգատաստանս, և առանց հարցանելոյ ումեք ինքնագլուխ
 հրաման տայ Յունոց նորոգել զվանօրայս իւրեանց. զի
 այսպիսի նորոգութիւնք առանց Կայսերական հրամանի չը-
 լինին, և ոչ ումեք տեսեալ կամ լուեալ իցէ թէ ծախք
 նորոգութեան վանօրէից յարքունուստ լեալ իցեն, որպէս
 պարծէր նա, և հարեալ յազահութենէ ոչ լուաւ զազահանս
 Հայոց, և հանդիպեցոյց զնոսա մեծի վնասուց, և թէ եկեղե-
 ցին այն սեփական է նոցա. և այլ այսպիսի բանք երկար:
 Հասին այսոքիկ գրեանք 'ի Դուռն, և Չաքարիս Պատրիարք
 հանեալ զպատճէնս հին վաւերական գրոց, ընդ իլամի
 Դատաւորին առաքեաց 'ի Կոստանդինուպոլիս, և Մատ-
 թէոս Պատրիարք առաքեաց զայնս գրով իւրով առ Եպար-
 քոսն: Եւ 'ի սմին ժամանակի անկան 'ի սրաշտօնէ Հայտար
 Փաշա, և Կուսակալն Ասորեաց Էսաա Փաշա, և Նէպի Է-
 ֆէնտի կատարեալ զսրաշտօն իւր գարձեալ էր 'ի Կոստան-
 դինուպոլիս: Եպարքոսն զայսոքիկ գրեանս առաքեաց առ
 Մոս գեղաղայն վերստին ակնարկել յարձանագրութիւնս.
 գտին անդ զերկուսին հրովարտակս տուեալ Հայոց և Յու-

նայ 'ի թուին 1778, յորս գրեալ էին Ս. Յովհաննէս Եկեղեցին. խակ 'ի հրովարտակին տուեալ Յունաց 'ի թուին 1709 սակս նորոգութեան Ս. Յարութեան և Բեթղէմի, ոչ գտին բառ ինչ վասն Եկեղեցւոյն Ս. Յովհաննու, և Յոյնք անդադար յուզէին զայս խնդիր 'ի թագաւորեալ քաղաքի անդ. ուստի հարկ եղեւ վերստին հարցումն ուղղել առ Բդեշխն Երուսաղէմի Ալի Փաշա, զի բարւօք քըննեացեն զԵկեղեցին զայն առաջի այլազգեաց և միարանաց Հայոց և Յունաց, և ստուգեալ ծանիցեն թէ՛ արգարեւ Հայք ինքեանք նորոգեն զսեփհական տեղիս և զվանօրայս իւրեանց, և և թէ Յոյնք՝ ընդէ՞ր ձեռնամուխ եղեն 'ի շինութիւնս և 'ի նորոգութիւնս վանօրէից՝ առանց Բարձրագոյն հրամանի, վասն որոյ երկարեցաւ վէճն եւ խնդիրն մնաց առկախ. և վերջապէս Յոյնք ոչ ետուն թոյլ շինել Հայոց զտանխա Եկեղեցւոյն, և մնաց այնպէս որպէս եւ էրն:

Կայսրն ամենայն Ռուսաց Նիկողայոս առաքեաց նշան պատուոյ առ Զաքարիա Պատրիարքն Հայոց Երուսաղէմի, և զի չէր նամակ կամ վկայական վասն այնր, ուստի ոչ կամեցաւ ընդունել զոյն առանց գրի. և մնաց նշանն ամիսս երիս 'ի Պերութ՝ մինչեւ եկն գիր, և ապա ընկալաւ զայն. և ապա գրեաց 'ի Կոստանդինուպօլիս առ Պատրիարքն և առ Գլխաւոր Ամիրայս զորպիսութենէ նշանին. սակայն նոքա դժգոհ իմն էին զայնմանէ, թէ ընդէ՞ր առանց հարցանելոյ մեզ ընկալաւ զոյն, որոյ վասն գրէ Զաքարիա՝ առ Փոխանորդն և ասէ՝ « Կայսերական նշանին ես ոչ երբէք հետեւեցայ. միթէ՛ փառք չէ՞ ազդին եւ Աթոսոյն. յե՞րբ Ֆրանսոյու Կայսրն հուսաւս ընծայեաց Հայոց պատարագին, յինէն աղերսանօք խնդրեցին. և յապուշ կըրթեցան կրօնաւորք Ֆրանկաց և սրապաղաւանք. այս տընօրէնութիւն յԱստուածուստ է և ոչ 'ի մարդկանէ, էջմիածինցիք յե՞րբ Աթոս համարէին զերուսաղէմ. այժմ՝ Ներսէս Սրբաղանն և Սինօդականք՝ պանծանօք Առաքելական Աթոս գրեն յամենայն գիրս իւրեանց: Արդ՝ եթէ յարգելիք ոչ կամէին ընդունիլ մեր զԿայսերական պարգեւն, ընդէ՞ր ոչ ծանուցին մեզ՝ յորժամ զհրաժարական գիր մեր թարգմանեալ ետուն 'ի Դուռն Արքունի ըստ քոյդ գրու-

թեան. լուսութիւն նոցա՝ զբարեհաճութիւն կամաց նոցա եցոյց մեզ: Երկրորդ զի՞նք կարէի ժամանակ խնդրել հարցանելոյ. ընծայարբին միթէ՛ համբերէ այլ եւս երեք ամիս: Տէրութիւնն յե՞րբ և հարց վասն Կայսերական պարգեւին, պարտ էիք՝ բանիւ կամ գրով ասել՝ թէ սովորութիւն է բարեպաշտ Թագաւորաց եւ Իշխանաց ազօթք օրհնութիւն խնդրել, և տմանք ընծայ առաքեն Եկեղեցւոյն անօթ՝ խաչ և այլն: Գեղեցիկ էր Տաճկական յայտարարութիւն, որ վասն Կայսերական պարգեւին. բայց Տէրութիւնն ոչ բնաւ պատասխանի տայ: Եւրոպացիք բողոքեցան ասոն. զան սու մեզ՝ հարցանեն վասն մեր Եկեղեցւոյ զառանութեան, վասն պաշտամանց՝ և խորհրդոց, մեք կարգաւ իրրեւ դնեմք առաջի նոցա զամենայն պարագայիք և բացատրութեամբ, խոստովանին թէ՛ յառաջին դարս՝ ամենայն Եկեղեցիք Քրիստոնէից այսպէս պաշտէին, բայց հետ զհետէ հեշտասիրութիւն և ազահութիւն Եկեղեցականաց՝ նորանոր նորածեութիւն եմոյժ յեկեղեցական պաշտամունս, և եղեն պատճառ այսչափ հերձուածողութեան և հակառակութեան, այլ ձեր Եկեղեցին՝ խոստովանիմք, անարատ կացեալ է ուղղափառ և առաքելական. վասն այնորիկ սիրելի էք ամենայն ազգաց, և ցանկամք միշտ ընդ ձեզ խօսիլ և հարցանել, և հաւատամք անկեղծ բանից ձերոց» . (1845):

Յետ ընդունելոյ Զաքարիա Պատրիարքի զնշանն Կայսեր Ռուսաց, տուաւ նաեւ նշան պատուոյ 'ի Սուլթան Մէճիտ Արքայէ Օսմանցւոց, զոր առաքեաց Մատթէոս Պատրիարք յերուսաղէմ 'ի ձեռն վրթանէս վարդապետի աշակերտին իւրոյ:

Տուն մի 'ի կալուածոց վանաց Յոսպլէի յաիշտակեալ յայլազգեաց, արարեալ էին զայն տեղի կառավարութեան. միտքանք Հայոց բազումս աշխատ եղեն վասն ազատութեան նորին, այլ չեղև հնար. զի այլազգիք Յոսպլէի ասէին, տունն է 'ի կալուածոց Հայոց, բայց Տէրութիւնն վճարէ զտարեկան վարձն, և բաց յայսմանէ ոչ գոյ այլ տեղի. և Բդեշխքն երկարէին զխնդիրն, այլ յետոյ ազատեցաւ ձեռնտուութեամբ և ջանիւք ձանիկ Ամիրայի՝ յորժամ եկն յուրս յերուսաղէմ եւ դարձաւ 'ի Կոստանդինուպօլիս:

Փոխանորդ Յովհաննէս Եպիսկոպոս խնդրէր Իլամ նաև ւան ւաղտութեան Քարանդինայի , այլ յայնժամ չյաջողեցաւ այս , և յետոյ եւս մեծամեծ ջանից և ծախուց հանդիպեցան :

Չաքարիս Պատրիարք հաստատեաց դպրոց ժառանգաւորաց յերուսաղէմ , և ասպա փոխադրեաց զայն յաւանն Ռէմէ , յոր ուսանէին աշակերաք իբրև 30 դասատուութեամբ Մուրատ վարժապետի , այլ այս ուսումնարան չեղև սեւական :

Տեսեալ Չաքարիս Եպիսկոպոսի զանյաջողութիւն և զձախող ելա ձեռն արկեալ դորձոց՝ տրամէր և ւարէր յոյժ . զի չեղև հնար կարգաւորել յաւուրս իւր զխնդիրս Ս . Տեղեաց , մանաւանդ եկեղեցւոյն Բեթղէմի , և սենեկաց Ս . Յարութեան , որք և մնացին այնպէս մինչեւ ցաւուրս մեր . անկաւ 'ի մահի՞նս ջրգողութեան աստուի , և շերկարեալ 'ի նմին , հանգեաւ խաղաղութեամբ (յ7 Մայիսի . 1846) վարեալ զԵրևանութիւն Պատրիարքութեան իւրոյ ամս 5 և ամիսս 6 , և թողեցաւ 'ի վանս Ս . Փրկչի 'ի կարգս Պատրիարքաց :

Գ Լ Ո Ւ Խ Ե Թ .

Ընտրութիւն Կիրակոս Եպիսկոպոսի : Նորոգութիւն Խաչիւղաց , Ս . Յովհաննէս եկեղեցւոյ : Լոյս 'ի Ս . Յակոբ : Քառասնից Այրն : Շինութիւն Պաղչոյ Թաղին : Մահ Կիրակոսի : Ընտրութիւն Յովհաննու Պատրիարքի :

ԲՅՅԱՆՈՒԹ լուր մահուան Չաքարիս Պատրիարքի փութով եհաս յականջս Մատթէոս Պատրիարքի և գլխաւորաց ազգին 'ի Կոստանդինուպոլիս , զորմէ գրեալ էին ըստ սովորութեան Պողոս Եպիսկոպոս և Խորհրդական Հարք : Իսկ Մատթէոս Պատրիարք ժողովեաց զգլխաւորս ազգին 'ի Պատրիարքարան 'ի 27 Յունիսի , և յետ երկար խորհելոյ գրեցին թուղթ բազմակնիք առ Պողոս Եպիսկոպոս , ուր զինի մխիթարական բանից ասեն . « Արժան դատեցաւ

հաճութեամբ լրութեան ազգիս , զի յօժարեցի գալ 'ի մայրաքաղաքս Տ . Կիրակոս Ս . Արք Եպիսկոպոսն , ընդ իւր ունելով զմի կամ զերկու խոհական վարդապետս , սակս ընտրութեան Պատրիարքի Ս . Երուսաղէմի՝ խորհրդակցութեամբ միմեանց , բերելով ընդ իւր թէ զանձնական տուժար ելլց և մտից Չաքարիս Պատրիարքի և թէ Ս . Աթոռոյդ , տեսանել զհաշիւն , որպէս գրեալ եմք ինքեան : Եւ մինչ 'ի վերադարձ Կիրակոսի , Խորհրդական Հարք կառավարեցեն և հոգացին զպէտս միաբանաց և ուխտաւորաց՝ սիրով շահելով զամենեսեան ըստ իւրաքանչիւրոց արժանաւորութեան , սակայն որպէս և գրեալ եմք նոցին համակամ միաբանութեան . զի զամենայն գիտութեամբ և բարձու հրամանաւ ձեր ունին կատարել զկարեւոր իրողութիւնսն , և առանց ինչ ձեր ակնարկութեան մի ինչ արասցեն , որով յուսամք սիրով և խաղաղութեամբ մնալ ամենեցուն՝ մինչեւ 'ի հանդիսանալ միոյ հովուի յաջողութեամբ Տեսանս :

Յայս գիր ձեռնարկեալ կնքեցին ամենեքեան որք էին 'ի ժողովին .

- | | |
|---------------------------|----------------------|
| Մատթէոս Արքեպիսկոպոս | Մանտեպի Ճանիկ |
| Պատրիարք Կոստանդինուպոլոյ | Մանտեպի Սիմոնեան : |
| Յարութիւն | Միքայիլ |
| Մանտեպի Յարութիւնեան : | Փիշմիղեան : |
| Վառողապետ Յովհաննէս | Վառողապետ Պողոս |
| Տաւտեան : | Տաւտեան : |
| Ճարտարապետ Կարապետ | Ճարտարապետ Յովհաննէս |
| Գրիգորեան : | Յարութիւնեան : |
| Պետրոս | Միսաք |
| Քիւրքնի խանեան : | Միսաքեան : |
| Մագոստ | Մանտեպի Յարութիւն |
| Սարյմեան : | Կեկեկեան : |
| Գեորգ | Պողոս |
| Երամեան : | Աշխանեան : |
| Յակոբնան | Պետրոս |
| Միսաքեան : | Խորասանեան : |
| Արգունաման | Յովհաննէս |
| Արգունամանեան : | Նազրնեան : |
| | Գեորգ |
| | Պարտիզպանեան : |

Թէպէտեւ հրաւիրեցին ազգայինը ղկիրակոս Եպիսկոպոս գալ 'ի Կոստանդինուպօլիս, այլ նա ոչ կամեցաւ երթալ 'ի կոչ նոցա այլ և այլ սրտածառանօք, եւ զկնի աւուրց ինչ ընտրեցաւ Պատրիարք Աթուոյն Երուսաղէմի 'ի նոյն իսկ 'ի գլխաւորաց ազգին՝ ակեարկութեամբ Պօղոսի եւ հաճութեամբ Թորհրդականայ: Եւ 'ի սոյն միջոցի ազգային տուրքն յանուն ձեմարանի բարձրացաւ 120,000 դահեկանի:

Կիրակոս Եպիսկոպոս որդի Մնացականի Երուսաղէմացի, աշակերտ հոգեւոյն Միքայէլ Եպիսկոպոսի Առաջնորդի Ադրիանուպօլսոյ, ուր էր և եղբայր իւր Գէորգ վարդապետ (1811): Ձեռնադրեալ է Կիրակոս յամին 1807, և յամին 1811 ելանէ յԱդրիանուպօլսոյ յաջորդել Մեսրոպ Եպիսկոպոսի և գայ յերուսաղէմ:

Իսկ Միքայէլ Եպիսկոպոս էր աշակերտ Յակոբ Պատրիարքի Կոստանդինուպօլսոյ, որ հանդեաւ 1810: Իսկ Ամիրայք յետ ընտրութեան Կիրակոս Եպիսկոպոսի, առին 'ի Դրանէ զՊատրիարքական Պերաթն եւ առաքեցին զայն յերուսաղէմ 'ի ձեռն Յովհաննէս վարդապետի Զէյթինեան, և Կիրակոս նստաւ յԱթու Պատրիարքութեան յաւուր տօնի Քառասնօրեայ դալստեան Տեառն 'ի Տաճարն, ('ի 14 Փետրվարի. 1847):

Կիրակոս Պատրիարք խնամ կալաւ գլխաւորել զշինութիւն Պաղչա թաղին, զոր հիմնարկեալ էր նախորդն իւր Զաքարիա Պատրիարք, 'ի պէտս բնակութեան ուխտաւորաց: Սա ետ ոսկիզօծել մաքուր ոսկեով զբովանդակ խաչկալս խորանաց և ամպրոնաց Ս. Յակոբայ, Հրեշտակապետի, և Ս. Ծննդեան, որք մնացեալ էին յաւուրց անտի բարեյիշատակ Գրիգոր Շլթայակիր Պատրիարքի: Եւ 'ի սոյն միջոցի դարձեալ գայր 'ի նուիրակութենէ աշխարհին Հընդկաց լի արդեամբք Գաղատացի Սահակ վարդապետ, զոր առաքեալ էր Զաքարիա Պատրիարք, ընդ սարկաւազ Սարգոսի ('ի 12 Մայիսի. 1842): Եւ նորա հասեալ 'ի ձիտտէ քաղաք ծովեզերեայ՝ յանկարծ դիպուածով վախճանի անդ, 1847. 'ի 10 Մայիսի, և թաղի յօտար երկիր, զորոյ ոսկերս յետ ժամանակաց բերին յերուսաղէմ և ամբոպեցին 'ի զերեզմանս հասարակաց. յ30 Օգոստոս, 1856: Լուեալ Կի-

րակոսի զայս լուր աղետալի, առաքեաց զմանս 'ի միաբանաց և ետ ածել զբեռինս նորա յերուսաղէմ: Յաւուրս Կիրակոսի նորոգեցաւ եւ ձեփեցաւ եկեղեցին Յովհաննու Աւետարանչի՝ 'ի գաւիթ Տաճարին Ս. Յարութեան, զորոյ պատկերազարդ մարմարիտն քարինս արար յիշատակ Պուլանցի Թաղէոս վարդապետ, Սովորութիւն է միարանութեան Ս. Աթուոյն Երուսաղէմի, յետ կատարելոյ զտօն Ս. Պանքին 'ի Տաճարին Ս. Յարութեան, յաւուրն երկրորդի առնել հանդէս նաեւ 'ի Տաճարի Ս. Յակոբայ, օրհնել զտէրունական ուխտաւորս, և մաղթել նոցա բարի ճանապարհ, և 'ի նմին աւուրն Պատարագիչն լինի նոյն իսկ Գահակալ Ս. Աթուոյն, և զկնի Պատարագին Թափօր մեծահանդէս 'ի միւթարութիւն ժողովրդոց: Եւ 'ի ամին ամի յետ կատարելոյ Կիրակոս Պատրիարքի զկրկարար խորհուրդն և զհանդէս Թափօրին և մեկնելոյ ժողովրդոց յիւրաքանչիւր տեղիս, և ահա յերիւր ժամաւ աւուրն ճառագայթեցաւ Լոյս պայծառ 'ի մատարանէ Ս. Գլխազրի Ս. Յակոբայ և անտի տարածեցաւ 'ի բովանդակ եկեղեցին, և սկսան լուցանիլ շիջեալ կանթեղքն: Լուեալ զայս բազմութեան ուխտաւորաց դիմեցին յեկեղեցին, և բազումք եւս դարձան յետս 'ի ճանապարհէ. եկին նաեւ յայլազգեաց և յօտարաց և խոնեցաւ բազմութիւն մեծ, և սքանչանային 'ի տեսիլ ահաւոր նշանին, և Կիրակոս Պատրիարք ընդ որ և միաբանք Աթուոյն երկուցեալ 'ի բազմութենէ ետուն փակել զԳրուսն եկեղեցւոյն, զի մի գուցէ վնաս ինչ պատահեցի, ապիպն լուցան նաեւ լապտերքն օրք էին 'ի դաւթի անդ, և այսպէս տեւեալ սքանչելիքն ժամս իրր երեք, և հանդիսականք փառս տուեալ Աստուծոյ դարձան ուրախութեամբ 'ի տեղիս իւրեանց, ('ի 12 Ապրիլի. 1848):

Կիրակոս Պատրիարք յատուկ կոնդակաւ հրատարակեաց զհրաշալի սրտահումն 'ի հայաբնակ գաւառս և 'ի քաղաքս: Յաւուրս սորա Լատինք քակեցին զօրմս Քառասնից Այրին 'ի Բեթղեհէմ, զոր ինքեանք կոչեն Կեթի Այր, և կամէին միայնակ շինել զայն եւ սեփհականել ինքեանց: Իսկ Պատրիարքունք Հայոց եւ Յունաց բողոք բարձին 'ի Դուռն և առ Կոստակալն Ատորեաց, թէ՛ Այրն է ուխտատեղի երկոց ազգաց, և ուխտաւորք նոցին ոչ պակասին

անտի, և թէ՛ չէ օրէն սեփականել զայն Լատինաց. դա-
դարեցաւ շինութիւնն, և յետ առուրց եկն հրաման՝ եւ
եղեւ քննութիւն օրինօք Շէրիի, և քստ հրամանի մեծի
Յօդարքութիւն ընկերութեամբ շինեցաւ՝ քստ առաջին դրից
ոչ աւելի և ոչ նուազ, դնելով մէն մի վերակացու յերից
վանաց, և զծախս շինութեան հաւասար բաժանեցաւ, և
յետ այնք պատուէր եղեւ 'ի Դատարոյն մնալ Այրին 'ի
վիճակն առաջին. չլինել ումեք սեփական, այլ ընկերու-
թեամբ երից ազգաց, և Դուռ նորին մնալ բաց առանց
փականաց. \170 (1849): Բայց յանցանել ժամանակի- եւ
տարուց Լատինք արիւնցին բովանդակ Այրին շինութեամբ
և նորագութեամբ, ամրացուցին դրամք և բանալեօք,
և զարդարեցին եկեղեցական սպասուք:

Կիրակոս Պատրիարք՝ այր մեծահանճար, փառահեղ,
պատկառելի և համեղ 'ի բանս և 'ի գրիչս, որոյ հանճարն
փայլի 'ի բովանդակ նամականիս և յայլ գրուածս նորին.
Թէպէտ և հասեալ 'ի բարւոք ծերութիւն, այլ ոչ այնչափ
յողթահարեալ յալեւոյթ հասակէն, որքան բնաւորեալ
'ի նմա չարտասնջ յախտէ, զոր կրէր 'ի ստամոքսի իւրում,
կարծեցեալ ախտ թանջից, որ բազմիցս նեղէր և տաղնա-
պէր գնա, և 'ի վերջին նուազի առաւել ընկճեալ նուա-
ճեցաւ 'ի բռնութենէ նորին և աւանդեաց յանկարծ գնո-
գին իւր սա Աստուած, ('ի 25 Մայիսի 1850) 'ի հոտակի
68 ամաց, վարեալ զիշխանութիւն Պատրիարքութեան
ամս 3 և ամիսս իրր 4. և միարանութիւնն շքեղութեամբ
կատարեալ զտխուր հանդէս յուղարկաւորութեան, ամիո-
փեցին զմարմին նորա 'ի գաւթի եկեղեցւոյն Ս. Փրկչի 'ի
կարգս Պատրիարքաց, յորոյ վերայ կանգնեցաւ յետոյ
չերիմ փառաւոր:

Սա յետ ժամանելոյ 'ի Ս. Աթոռն յառուրս Թէոդորոս
Պատրիարքի, վաստակաւոր եղեւ արիւթեամբ եւ խոհե-
մութեամբ 'ի գանաղան պաշտօնս յօգուտ ազգին, որպէս
յիճեցաք 'ի տեղիս տեղիս 'ի կարգի պատմութեանս, և 'ի
վերջոյ վարեաց զՏեսչութիւն ձեմարանին Իւսկիւտարու,
և անտի եկեալ յերուսողմ զպաշտօն Փոխանորդութեան
Չաքարիս Պատրիարքի, որ և եկաց յաջորդ նորին, և 'ի
կենդանութեան իւրում ետ նորոգել զվանս Ս. Փրկչի՝

ընդարձակեալ 'ի նմա աննեակս և զխուցս 'ի բնակութիւն
միարանաց:

Յետ վախճանի Կիրակոս Պատրիարքի, Սորհրդական
հարք եւ միարանք Ս. Աթոռոյն գրեալ ծանուցին 'ի Կոս-
տանդինուպօլիս սա Պատրիարքն և սա իշխանաւորս սգ-
գին զվախճան Կիրակոսի և զընարութիւն Յովհաննու Ե-
պիսկոպոսի Մովսիսեան Զմիւռնացոյ, որ Փոխանորդ էր
'ի մայրաքաղաքի անդ, և 'ի ժողովի հաւանեալ ազգայնոց
ընդ ընտրութիւն նորին՝ ծանուցին 'ի Դուռն և աօին ըզ-
Պերաթն Պատրիարքական ('ի 4 Յուլիսի 1850). և նորա
կարգաւորեալ զգործս իւր անդ՝ մեկնեցաւ գնալ յերու-
սողմ ուղեկցութեամբ հրաւիրակ վարդապետաց, զորս
յղեալ էին Աթոռայինք, և հասեալ նորա յերուսողմ,
նստաւ հանդիսիւ յԱթոռ Պատրիարքութեան յառուր տօնի
Արոց Հրեշտակապետաց, ('ի 11 Նոյեմբեր ամսոյ), և քս-
կրաւ վարել զիշխանութիւն Պատրիարքութեան իւրոյ:

Գ Լ Ո Ւ Թ Կ .

Գործք Յովհաննու և Վախճան Պօղոս եպիսկոպոսի : Ինչպիս Ս. Տեղեաց :
Աթիթ Պէ : Ժողով 'ի Ս. Յարութիւն և յապարանս Բռեշիին : Հո-
վարակ Արքայի 'ի ձեռս Յունաց :

ՅովհաննէՍ Պատրիարք յառաջին ամի գահակալու-
թեան իւրոյ ետ հիմն արկանել ընդարձակ և ևոյակապ
Պատրիարքարանի 'ի թաղն Ս. Մինասայ, ձգեալ կամարս
'ի վերայ ճանապարհի և երկայնեալ 'ի սրբառէզն դէպ յա-
րեմուտս. 'ի բարձրանալ հիմանց նորին, դժպատեհ իմն
Երեւեցաւ գործն յաչս Գլխաւորաց այլազգեաց, և կամե-
ցեալ խափանել զայն՝ պատճառս յօգէին, թէ չէ օրէն
առն այլազգեայ անցանել 'ի ներքոյ կամարաց՝ յորոց վե-
րայ բնակին քրիստոնեայք, թէպէտեւ առաջի արար նոցա
զհրաման Արքային վասն այնր՝ այլ չեղեւ ընկ. հարկ ե-
ղեւ 'ի ձեռն միջնորդաց շահել զնոսս, և յաճախել ըն-
ծայից, զիջան 'ի խստութենէ 'ի պատիւ երեսաց Պատ-

րիարքին , եւ ետուն հրաման կանդնել զայն շինուած հոյակապ յոր ձեռնարկեալն էր : Եւ ապա վերստին սկիզբն արարին գործոյն , յոր աշխատ եղէն գործաւորք իբր ամս երիս , եւ ՚ի կատար հանեալ աւարտեցին զբովանդակ շինուածն , ընդարձակ եւ գմբեթարդ դահլճի սենեկօք զարդարեալ կարեւոր պիտոյիւք , (1853 . Ապրիլ վերջ) :

Յետ որոյ ձեռն արկ շինել զիջեւանս ՚ի պէտս ուխտաւորաց , որ կոչի Զաւլ Բաշ , զհիմնարկեալն ՚ի Կիրակոս Պատրիարքէ , զորոյ հրամանն առեալ էին յանուն Հիւանդանոցի . զայն եւս կատարեաց կրկնայարկ մաքուր եւ կոփածոյ քարամբք , բաժանեալ ՚ի սենեակս 1855 :

Պօղոս Արք Եպիսկոպոս Գրիգորեան Աղբիւնուպօլսեցի , զորմէ ՚ի բազում տեղիս բանք եղէն յընթացս պատմութեան , աշակերտ Պետրոս Պատրիարքի Եւզոկիացոյ , յետ վախճանի նորին յաղագս սլարտուց Ս . Աթոռոյն գնացին չորս վարդապետք՝ յորոց մին էր եւ Պօղոս ՚ի Կոստանդինուպօլիս եւ յայլ քաղաքս գտանել օգնութիւն : Սա դառնայ յԱթոռն (1805) , վերստին երթայ ՚ի Բիւզանդիոն , եւ անտի Նուերակ ՚ի վիճակն Զմիւռնիոյ . հասեալ ՚ի Միսալիճ , հրաւիրի լինել Փոխանորդ ՚ի Կոստանդինուպօլիս , ՚ի տեղի Յակօք Եպիսկոպոսի վախճանելոյ , (1809) :

Ընտրի Պատրիարք անդ (1815 . Դեկտեմբերի) . հրաժարի յիշխանութենէ (1823 . Հոկտեմբերի) :

Կարգի Մայրագոյն կառավարիչ Երուսաղէմի Աթոռոյն (1828 . Նոյեմբերի) . ազատէ ՚ի պարտուց զՍ . Աթոռն՝ հանդիսացեալ իմաստուն տնտես , խոհեմ եւ հանճարեղ կառավարիչ . ՚ի ժամանակս Պատրիարքութեան Զաքարիայի կացին աչքն ՚ի տեսանելոյ , բայց դարձեալ ամենայն ինչ ակնարկութեամբ նորին տնօրինէր , եւ յետ վախճանի Զաքարիայի իսպառ նուազեալ ՚ի դօրութենէ եւ ընկճեալ ՚ի բազմամեայ ծերութենէ հասակին , անկաւ ՚ի մահիճս խօթ , ուր համբերութեամբ եկաց ամս իբրեւ 7 , պարապեալ յաղօթս եւ ՚ի փառաբանութիւնս Աստուծոյ ընդ Պաշտօնէից եւ Սարկաւազաց իւրոց , չհեղձացեալ եւ ոչ միւում ՚ի սահմանեալ աղօթից , մինչեւ ՚ի կէտ կոչման իւրոյ . Չերմեռանդ ՚ի կրօնս , պարկեշտ ՚ի վարս , ժիր եւ վառ աշխոյժ նորին յուսմունս եւ ՚ի գիտութիւնս , վարժ եւ հմուտ ՚ի քաղաքական եւ ՚ի տնտեսական

յանձանձանս . եւ այսպիսի քաղաքավարութեամբ հասեալ ՚ի խոր ծերութիւն հանգեաւ խաղաղութեամբ ՚ի Քրիստոս ՚ի 4 Մայիսի , (1853) ՚ի հասակի 90 ամաց : զորոյ ըմբարմինն բարձեալ թաղեցին ՚ի գաւիթ եկեղեցոյ Սուրբ Փրկչի ՚ի կարգս Պատրիարքաց . թողեալ յիշատակ եկեղեցոյ զերիս հատոր գիրս կոչեցեալ Զանազանութիւն հինգ դարուց , համառօտ Պատմութիւն Հին եւ Նոր Կտակարանաց հանդերձ բարոյական յորդորանօք գրեալ ՚ի բարբառ Տաճկաց , եւ զգիրս Թանգարան խրատու յոճ հայկական պարզ բանիւ , համոռօտեաց նաև զայլ գիրս եւ զմեկնութիւնս Ս . Գրոց՝ ձեռագիր : բազում են զորձք սորին , այլ գտլով արտաքոյ նպատակի մերոյ՝ թողաք ՚ի բաց :

Յերկրորդ ամի իշխանութեան Յովհաննու Պատրիարքի զարթեալ խնդիրն Ս . Տեղեաց , եւ վճ Լատինաց ընդ Յունաց : Քանզի Յովսէփ Վալերիայ Լատին Պատրիարքն Երուսաղէմի օժանդակ գտեալ զՏէրութիւնն Գաղղիոյ՝ խնդրէր ՚ի Դրանէ Օսմանեան Պետութեան կորզել զմասն ՚ի Ս . Տեղեաց ՚ի ձեռաց Յունաց՝ եւ տալ Լատինաց , եւ պահանջք նոցին էին այսպիկ . մեծ եկեղեցին Բեթղէհէմի դրամբք եւ բանալեօք , եւ մասն ինչ պարտիզօք յետուստ կողմանէ . եկեղեցին Ս . Աստուածածնի ՚ի ձորն Գեթսէմանի՝ ուր է դերեզման նորին . տեղի Համբարձման Տեառն ՚ի լեռն Զիթենեաց . Պատանատեղին . մեծ եւ փոքր գրմբեթքն ՚ի վերայ Գերեզմանին Քրիստոսի , եւ զեօթն կամարս Ս . Կուսին ՚ի Ս . Յարութիւն , այլովքն հանդերձ : Իսկ Քիրիլոս Պատրիարքն Յունաց առեալ ՚ի թիկունս ըզկայսրն Ռուսաց զնիկողայոս՝ ընդդէմ եկաց յամենայն խնդրոց Լատինաց :

Եւ այս երկու հակակիր մարմինք յարուցեալ ընդդէմ միմեանց՝ չեղեւ հնար լինել իրաւասոհ ՚ի միջի իւրեանց . եւ ՚ի բազմանալ բանից եւ վիճմանց՝ Օգոստոսփառ Կայսրն Օսմանեան Սուլթան Մէճիտ Արքայ , կամեցեալ խաղաղել զնոսս եւ բառնալ զվէճն ՚ի միջոյ , առաքեաց հրովարտակաւ զմն յերեւելեաց Արքունի Դրան Աֆիֆ Պէյ յերուսաղէմ , կարգաւորել անդ զխնդիրն : Եւ եղև ՚ի հասանիլ նորս ՚ի քաղաքն Սուրբ , կազմեցաւ ժողով մեծ ՚ի Ս . Յարութիւն ՚ի դահլճի Գերեզմանի Տեառն , ուր էին Պատուի-

րակ Արքային, Բդեշխն, Երեւելի այլազգիք քաղաքին, Քիրիլլոս Պատրիարքն Յունաց իւր սրբազայնք, Յովհաննէս Պատրիարքն Հայոց Եպիսկոպոսօք և Վարդապետօք, և Ենթակի Վարկիայ Լատին Պատրիարքն Հիւպատոսիւ Գաղղիոյ . ուր զինի քաղաքական պատուոյ և յարգանաց՝ սկիզբն արարին խօսիլ ՚ի վերայ ծանոցեալ խնդրոց . Յոյնք ոչ երբէք կամեցան զիջանիլ ՚ի պահանջս Լատինաց . զի և հրովարտակ Արքային զնոյն հրամայէր, պատուիրելով չխախտել զիրս ինչ ՚ի տեղւոջ իւրմէ՝ և խանգարել զառաջին կարգն : Այսպէս յետ ընդ երկար վիճելոյ, Աֆիֆ Պէյ գործադրեաց զհրաման Արքային թէ՛ ՚ի Ս . Յարութիւն և թէ՛ ՚ի Ս . Աստուածածին . մի միայն ետ բեւեռել ՚ի տեղի Մենդեան Քրիստոսի անողանիչ ճածանչն, զոր առաքեալ էր Սուլթան Մէճիտ Արքայն, և ետ նոցա զմի բաշտի արաքին դրան Եկեղեցւոյն Բեթղէմի, բայց զիրաւունս բանալոյ եւ փակելոյ ՚ի սահմանեալ ժամանակին եթող վերստին ՚ի ձեռս Յունաց, և յեկեղեցին որ և իցէ հոգեւոր պաշտօն կատարելոյ զիրաւունս ոչ ետ Լատինաց : Մնաց միայն որոշումն կարգին, թէ՛ ո՞չք ՚ի Ս . Աստուածածին առաջին լիցին, ո՞չք միջին, և ո՞չք յետին ՚ի պատարազել, որոյ վասն յետ երկուց աւուրց Աֆիֆ Պէյն, Գատաւորն և ամենայն անդամք քաղաքական ժողովոյն հանդերձ Պատրիարքօք երկց ազգաց և Հիւպատոսիւ Գաղղիոյ իջին յապարանս Բդեշխին, ուր կազմեցաւ ժողով . անդ զինի այլ և այլ բանից շուրջ զխնդրովք՝ առաջարկեաց Աֆիֆ Պէյն թէ՛ Բարձրագոյն հրովարտակի որոշումն ոչ այլ ինչ վախճան ունի, եթէ ոչ առաջին կարգն անխախտ մնալով՝ միայն Լատինք հանդերձ սպասուք պատարազի իւրեանց զկնի միւս ազգաց մտցեն յեկեղեցին մատուցանել զԱստուածային պաշտօնն, և ՚ի լրանալն՝ առեալ կրկին զամենայն կահս իւրեանց ելցեն արտաքս : Լատինք ոչ երբէք յանձն առնուլ կամեցան մնալ յետին, եւս և խնդրեցին հաւասար Հայոց եւ Յունաց ունել բանալի մի դրան տաճարին, այր վասն բազում ինչ խօսեցան Լատինք ՚ի ժողովի անդ . և յետ երկար բանից՝ պատասխանի ընկալան թէ՛ « Պահանջք ձեր չիք յորոշման անդ » : Յայնժամ կըրկնեաց Լատին Պատրիարքն և ասէ՝ « Եթէ Հայք և Ենթոյնք

յօժարին ունել և մեզ բանալի առանձին, մեծազօր Տէրութիւնն ոչ ինչ զժուարի » . առ որ պատասխանի արար Բդեշխն թէ՛ « Այդ խնդիր ՚ի միջի ձերում է կարգադրելի . մեք ոչ կարեմք հրամայել թէ՛ տուք » : Լատինք խնդրեցին զի Բդեշխն հարկադրեցէ զՀայս առնել պատասխանի նոցին խնդրանաց, և նոցա հարկ եղև ըստ հրամանի Փաշային ասել զայս օրինակ . « Սակս վիճելոյ մեզ ՚ի Բարձրագոյն հրամանի ոչ տեսաք լոյս ինչ, բայց միայն հարցմանս այսմիկ պաշտօնեայ էֆէնտին է պատասխանատու, զոր ինչ սրտում ունի ՚ի հրովարտակին՝ եթէ զայն գործադրեցէ՝ մեք հնազանդիմք » : Եւ Փաշայն իրրու չկամելով զանց առնել զխնդրանօք նոցին՝ « Ասաց Հայոց և Յունաց, եթէ հնարաւոր ինչ իցէ իրաւախոհ լինիլ ՚ի միջի ձերում, այն ձեզ է գիտելի, խօսեցարուք ՚ի միջի ձերում » :

Յայս բան Լատին Պատրիարքն խնդրեաց ՚ի Փաշայէն հրաման տալ Հայոց խօսիլ ընդ նոսա, և նոքա ետուն պատասխանի օրինակ զայս . « Չմեզ Տէրութիւնն և ազգն ոչ երբէք կացուցեալ են գործադրիչ որոշման բարերար Արքային մերոյ, որպէս նորոգ վէճս յարուցանեմք ՚ի վերայ կայսերական հրամանաւ որոշեալ խնդրոց՝ Տէր կեանս պարգեւեացէ . խնդիրս այս յատուկ պաշտօնեայ ունի՝ տուեալ որոշման գործադրութեան, և ՚ի մասինս յայսմիկ ըստ որոշման, գործադրութեանն՝ բաց ՚ի հնազանդութենէ ոչ այլ ինչ ունիմք ասել : Չայս պատասխանի առեալ Լատինաց՝ յետս ընկրկեալ ասեն . անվայել է մեզ յետին լինել երկուց հպատակ ազգաց, և առանց բանալի ունելոյ, իբրև հետեւակ մտանել յեկեղեցին : Ահս յայս վերջացեալ բանիցն իւրաքանչիւր ազգք դարձան ՚ի վասն իւրեանց . Իսկ յետոյ ՚ի լոյս տեղեկանայ Յովհաննէս Պատրիարք՝ եթէ Լատին Պատրիարքն բողոքէ առ Հիւպատոսն Գաղղիոյ առ ՚ի չընդունիլ, և նա խնդրամատոյց լինի Փաշային և Աֆիֆ Պէյին գրել ՚ի կոստանդինուպոլիս երկուստէք տեղեկութիւնս մինչեւ վերստին եկեցէ դիր . Իսկ Աֆիֆ Պէյն զայս պատասխանի տուեալ է նոցա . թէ դուք ինքնին գրեցէք, ՚ի ձեր կամս է պատասան, ես ոչ գրեմ զոր խընդրէքք . զի հրաման հրովարտակին կրկին վիճարանութեան

կարօտութիւն չունի։ Այլ Լատինք գրեցին առ Դեսպանն Գաղղոյ տհաճութեամբ յետս պահանջել իւրեանց մտանելոյ 'ի Ս. Աստուածածին առանց յատուկ բանալոյ . 'ի հարկ է և Ա.Ֆիֆ Պէյն հարկադրեցաւ գրել։ Եւ երկց ազգաց Պատրիարքաց լսւր ետ Փաշայն զվերստին գրելն . զի նախ կամէր կրկին անգամ ժողով կազմել և 'ի չհնազանդիլ Լատինաց , գրեցաւ 'ի կողմանէ Փաշային և Ա.Ֆիֆ Պէյին 'ի Դուռն Արքունի :

Մինչեւ ցայս վայր առանց գործադրութեան մնայ գործըն , եթէ չերկարեցին վէճքն , մինչեւ ըստ կամաց Լատինաց և Յունաց կատարեցին խնդիրք թէ 'ի Ս. Յարութիւն , թէ 'ի Ս. Աստուածածին , թէ 'ի Ս. Մնունդ , և թէ 'ի Ս. Համբարձումն , եթէ ոչ կրկինեցի հրաման Արքունի , եւ կամ 'ի Գաղղոյ Դեսպանատան չնստեացին Լատինք , որք մինչեւ անգամ առաջարկեցին 'ի ժողովի անդ , զի իւրաքանչիւր ազգ 'ի մէն մի առուր պատարադեացեն կարգաւ : Եթէ Լատինն յետս կասեցի խնդրելոյ բանալի , թէպէտ Յոյնն ոչ բանալի կամի տալ և ոչ զառաջնութիւն , և ոչ իսկ 'ի կարգի մտանել 'ի մէն մի առուր կարգաւ պատարագելոյ :

'ի Դուռն Փաշային նոր հրաման մի ընթերցաւ , որով հրաման տայր Լատինաց շինել տեղի մի առ ընթեր եկեղեցւոյ Ս. Աստուածածնի առ 'ի սահել անդ զկահա և ըզկարասիս սպասու իւրեանց , Յոյն Պատրիարքն չունէր ըզնմանէ ծանօթութիւն , և յայնմ առուր լուեալ հոգոց եհան : Զայս ամենայն Յովհաննէս Պատրիարք գրէ 'ի Կոտանդինուպօլիս առ Գլխաւորս ազգին , և 'ի վերջոյ յաւելու . ահա մինչեւ ցատտ եթէ յայտնի ատենիւ տեղեկացեալն մեր և եթէ 'ի լրոյ լուեալն ծանուցաք 'ի տեղեկութիւն , և մնաք սպասեալ վերստին հրամանաց և ազգարարութեանց 'ի կողմանէ Բ . Դրան : Իայց եւ այնպէս ոչ տեղւոյս կեղեքիչք դատարին յերթեւեկելոյ առ ամենայն ազգս Քրիստոնեայս , և ոչ Յոյնն և Լատինն հանդարտ կան 'ի ձեռս բերելոյ զխնդրելիս իւրեանց , քանզի Յոյնն արտաքոյ հրամանի Տէրութեան կամի կանգնել յատուկ սեղան մի 'ի մէջ Գմբէթի 'ի վերայ ոտնատեղւոյն Քրիստոսի 'ի Համբարձման լերին : Ասլս սպասուիրէ Փոխանորդին

գայս ծանօթութիւն հաղորդել Պատրիարքին եւ ազգային գերագոյն ժողովոյն 'ի տեղեկութիւն , ('ի 15 Հոկտեմբերի . 1852) :

Այսու եղանակու կարգաւորեալ Ա.Ֆիֆ Պէյին դարձարար 'ի Կոտանդինուպօլիս , և տուաւ հրովարտակ (Սաթթի Շէրիֆ) Յունաց , զորոյ թարգմանութիւնն զօգեմք աստանօր :

Միացեալ նահանգաց Երուսաղէմի Հաֆըզ Ահմէտ Փաշայի , Դատաւորին , Դենպետին , և այլոց անդամոց ժողովոյն հրաման :

Յաղաքս լուծելոյ և կարգաւորելոյ զվէճս և զհակառակութիւնն Յունաց և Լատինաց , 'ի սպաճառս Ս . Տեղեաց ոմանց , որք դտանին 'ի Քաղաքին Երուսաղէմի և արտաքոյ նորին ԱՄՆԱ յամին եւ 'ի վերջ ճեմալի եկէլ ամսոյ թուականաւ գրեալ եւ Կայսերական ձեռագրով վաւերեալ առ քեզ և առ այլս ուղղեալ հրովարտակիս ոմանք 'ի յօդուածոց նորին տակաւին անգործադրելի մնալն այս անգամ Տէրութեանս յայտ արարին , որովհետեւ Կայսերական մեծութիւնս նոյն հանգամանաց գործադրութիւնն պահանջէ , քննեալ 'ի ժողովի նախարարաց , 'ի բացայայտութիւն և 'ի հաստատութիւն և կատարեալ որոշումն նոյն հրովարտակին , 'ի վեց յօդուածէ բաղկացեալ և յօրինեալ 'ի վերայ թղթի միոյ : Թէպէտ և տուաւ Լատինաց Բեթղեհէմի եկեղեցւոյ մեծի դրան մի բանալի , բայց նոցա ըստ առաջին սովորութեան իւրեանց 'ի միջոյ եկեղեցւոյն անց ուղարձի իրաւունքն ոչ է տուեալ , եւ 'ի մէջ եկեղեցւոյն օրինաց կատարում , եւ 'ի ժառանգութեան ընդ Յունաց ընկերովի իրաւունքն ոչ է տուեալ , եւ ընդ մին սակս չխանդարելոյ զարդի վիճակ եկեղեցւոյն այնորիկ , և 'ի մէջ նորին Լատին ազգին օրինաց կատարում , վերջապէս 'ի միջոյ եկեղեցւոյն յԱյրն երթ եւ եկելոյ մասին , և յայլ կողմանէ , և ոչ միոյ կողման 'ի նորոյ դիրս ինչ հնարելով , 'ի սկզբանէ մինչեւ ցայսօր գործադրեալ սովորութիւնն փոխելոյ հրաման ոչ է տուեալ : Որովհետեւ դռնապան եկեղեցւոյն այնորիկ 'ի վաղուց անտի հպատակ Տէրութեանս Յոյն քահանայ զոլով , այլ սոյն դռնապանն չունի երբէք իշխանութիւն արգելուլ զայնտիկ ազգս որք 'ի սկզբ

բանէ անտի անց ուղարձի իրաւունս ունին, սյսուհեաւե եւս ըստ առաջնոյն պարտ է գործադրել: Յեկեղեցին Բեթղեհէմի 'ի մէջ Այրին 1847 յամին կորուսեալ աստղին յար և նմանն 'ի Կայսերական մեծութենէն իբրև հրապարակական յիշատակ Գրիստոնէից, և խաղառ բառնալոյ զխոսովութիւնն, նոր 'ի նորոյ բեւեռեալ աստղին: Ի Գրիստոնէայ ազգաց և ոչ միոյն յատուկ և նոր իրաւունք ոչ է տուեալ, և ոչ 'ի միում ժամանակի չունի կրել վտփսխութիւն: Գրիստոնէայ ազգք, որք պրժանացեալ են կատարել զօրէնս եւ զուխոս իւրեանց 'ի վերայ Գերեզմանի Ս. Աստուածածնի, յամենայն աւուր պարտին կատարել զօրէնս եւ զուխոս իւրեանց, պայմանաւ չչինել արգել օրինաց և ուխտին այլոց ազգաց: Յամենայն առաւօտու սկսեալ 'ի ծագմանէ արեգական, Յոյնք, ասլա Հայք, և յետ այնոցիկ Լատինք, իւրաքանչիւր ազգք 1/2 ժամ պարտին կատարել զօրէնս, և այս բարեկարգութեան յօրինումն հրամանաւ եւ թոյլ տուութեամբ Տէրութեանս գործադրեալ է:

Ի գիւղն Բեթղեհէմի կից Լատին վանաց երկու հատոր պարտիզաց տեսչութիւնն Յոյնք և Լատինք պարտին վարել, և ոչ ումեք աւանդական իրաւունք լինելու պայմանաւ, մինչեւ ցոյսօր որպէս գործադրեալ է, նոյն եղանակաւ սարտ է գործածել: Բաց յայսցանէ եւ ոչ միոյ ազգի պաշտօնական դրովք նորոգ գործադրելի թոյլտուութիւն չլինելոյ սակս, սակնեքեան պարտին մնալ 'ի վերայ ներկայ վիճակին: Մինչև ցոյսօր յերուսաղէմ Յոյն, Լատին եւ Հայ ազգք զՍ. Տեղիս, թէ ընկերոյի եւ թէ անկախ, զորս ունին 'ի ձեռս իւրեանց պարտին հաստատուն մնալ 'ի ձեռս նոցա, որպէս և էին: Այսոքիկ ամենեքեան դրովք գրեալ և կարգաւորեալ, զբովանդակութիւնս նորին յայտ արարեալ ծանուցին Կայսերական մեծութեանս: Համաձայն գրելոյ 'ի վեր անդր, և 'ի մասին գործադրութեան 'ի հաճութենէ Բարձր կամաց Տէրութեան կախեալ գրովք թագաւորական հրամանաւ և Բարձր կարողութեանս համեմատ Արքայական դիւանէս Կայսերական ձեռագրով վաւերեալ առաւ բարձրագոյն հրովարտակս, դուք՝ որ Բըդեշի, Գատաւոր և այլն էք, իմացեալ զորպիսութիւն հանդամանացն, սոյն հրովարտակս արձանագրեալք 'ի Գատա-

րանի եւ համաձայն փառաւոր վճուոյ նորին, անխփօս, մշտնջենաւոր և հաստատուն կերպիւ գործադրեալք: Քէճեք վերջ 1779, (1852-53): Այս հրովարտակ է 'ի հաստատութիւն առաջնոյն:

Սոյն արձաթեայ աստղն յառաջագոյն բեւեռեալ էին Լատինք յԱյրն Բեթղեհէմի 'ի տեղի Ծննդեան Գրիստոսի Փրկչին մերոյ, որպէս յայտ առնէ հին թուական նորին: Սակայն 'ի թուին 1847 յանկարծ անյայտ եղեւ աստղն 'ի տեղովն անտի, յորմէ ծագեցաւ վէճ եւ խոսովութիւն 'ի մէջ Յոյն և Լատին կղերց. ուստի հարկ եղեւ Սուլթան Մէճիտ Արքայի առ 'ի բառնալ զխոսովութիւնս երկուց ազգաց՝ տալ վերստին շինել և կերտել ըստ առաջին ձեւոյն զաստղն զայն, և իբրև յիշատակ ընդհանուր քրիստոնէից, որպէս յայտ առնեն բանք նորին հրովարտակին, և առքեալ ետ վերստին բեւեռել 'ի տեղովն իւրում ըստ թախանձանաց Լատինաց յամի Տեառն 1853, յորոյ շուրջն գրեալ է վերառութիւն 'ի Լատին բարբառ այսպէս: HIC DE VIRG INE MARIA IESUS CHRITUS NATUS EST 1717. Այսինքն Սուրբ Կոյսն Մարիամ զՅիսուս Գրիստոս ծնաւ ատտ:

Գ Լ Ո Ւ Խ Կ Ա .

Մարտիկիկն մեծ գուրն: Արեւելեան պատերազմ: Առխ. Ի Տաճարին Ս. Յարութեան: Վանք Ռուսաց: Կոստանդին մեծ գուրն: Կատարած Դամակոսի: Ասխան Յովհաննու Պատրիարքի: Տեղակոյ Արշակես վարդապետ: Յակօր Պատրիարք: Ընդրութիւն Կոյսեայ վարդապետի. և վերջ:

Ի ՍՄԻՆ ժամանակի եկն յուխտ և յերկրպագութիւն յերուսաղէմ Տնօրինական Ս. Տեղեաց Գրիստոսի Մաքսիմիլիկն մեծ Դուքսն, եղրայր Յովսէփ Յրանչխակոս Կայսեր Սուտրոյ—Հունդարիոյ, ուրում արար արժանաւոր ընդունելութիւն Կուսակալն Երուսաղէմի զօրականօք և Բաղաւթական տեսչութեամբ, իսկ Լատին Պատրիարքն Յովսէփ

Վարերկայ և կղերականք իւր ընկալան զնա և կեղեցական մեծ հանդիսիւ ՚ի դրանէ քաղաքին մինչ ՚ի Տաճարն Ս. Յարութեան խուռն բազմութեամբ ժողովրդոց . շրջեցաւ նա ջերմեռանդութեամբ յամենայն տնօրինական տեղիս , պատուեաց զկեղեցիս եւ զկեղեցականս ըստ իւրաքանչիւր կարգի և աստիճանի , շնորհեաց Յովհաննու Պատրիարքին Հայոց իբրեւ ընծայ մատանի ծանրագին , յորոյ վերայ գրեալ էր անուն Նորին մեծութեան , և այսպիսի ուրախութեամբ դարձ արար անդրէն ՚ի Յոսպէ , և անտի յաշխարհն իւրս Սա եղև Կոյսր Մեքսիքայի , բայց թնամիք նորս սպանին ՚ի հարուածս հրացանի :

Բիրլլլու Յոյն Պատրիարքն Երուսաղէմի յետ ընդունելոյ զերկրոսին հրովարտակս (Խոթթի Շէրիթ) ՚ի Սուլթան Մէհմադ Արքայէ , զոր անուանեցին Statu-quo , յորոց երկրորդին թարգմանութիւնն եղաք ՚ի նախընթաց դըլուխն , հակառակ ըստինական պահանջմանց դարձ արար յերուսաղէմ և միարանք իւր եկեղեցական փառօք և հանդիսիւ ընկալան զնա՝ տարեալ ՚ի Տաճարն Ս . Յարութեան , ուր կատարեցան աղօթք և խնդրուածք վասն կենաց Արքայի : Իսկ Հայք թէպէտեւ գրեցին յայնժամ ՚ի Դուռն վասն այսր դիպուածոյ , և խնդրեցին պաշտպանութիւն սեփականութեան իւրեանց , այլ շահեցան եւ ոչ ինչ , միայն Թէպէրէթեպարքոսին շատացան . որոյ վասն Յոյնք յամենայն դէպս զինեցան և զինին ցարդ ընդդէմ Հայոց՝ յեցեալ ՚ի զօրութիւնս այնր հրովարտակաց : Սակայն աստի առաւել աստկացաւ վէճն վասն Ս . Տեղեաց Երուսաղէմի , զի Պիոս Թ . Պապն Հռոմոյ խորհրդով Լատին Պատրիարքին Երուսաղէմի ստիպէր զԿայսրն Գաղղիոյ ըշնաբողիոն Գ . աննուլ զբանալիս Ս . Տեղեաց՝ խոստացեալ նմա օծանել զինքն Կայսր Գաղղիոյ , եւ Նաբոլիոն թախանձէր զԴուռն Օսմանեան . բայց Նիկողոս Կայսրն թախանձէր ՚ի պաշտպանութիւն եկեղեցւոյն Յունաց ոչ երբէք զիջալ ՚ի կամս Օսմանեանց , այլ միշտ ընդդէմ եկաց խորհրդոց եւ բանից նոցա . զի Դուռն պնդեալ կայր ՚ի բանս իւր թէ՛ իմ է երկիրն՝ ում կամիմ նմա տամ ըշնաբողիս , որպէս յառաջագոյն ետու Յունաց , այժմ կամիմ տալ Լատինաց : Այսպէս երկու Պատրիարքունք յե-

ցեալ ՚ի զօրութիւնս երկուց Կայսերաց , մին թախանձէր՝ եւ միւսն ժխտէր . եւ ՚ի սաստիկանալ բանից եւ վիճմանց՝ Օսմանեանք հրատարակեցին պատերազմ ընդդէմ Ռուսաց , որ կոչեցաւ Արեւելեան պատերազմ . նիզակակից եղին նմա Անգղիա , Գաղղիա , և Սարտինեա , որ յետոյ միացաւ ընդ Ռուսիայ : Եւ եղև ՚ի յողթանակել զօրացն Օսմանեանց և դաշնակից Տէրութեանց ՚ի Սեփաստարօլ , եղև ընդհանուր ուրախութիւն ՚ի Պետութեան Օսմանեանց , մանաւանդ յերուսաղէմ գերիս գիշերս ճրագավառութիւն և հրախաղութիւն , մանաւանդ ՚ի բերդն , ՚ի զօրանոցն և յայլ կարեւոր տեղիս . եւ յետ երկուց ամաց մահուամբ Նիկողոսոսի Կայսեր Ռուսաց խօսեցան հաշտութիւն , և կնքեցաւ գաշնադրութիւն ՚ի Փարիզ , (1836) : Եւ Ս . Տեղիքն մնացին ըստ առաջին վիճակի ՚ի ձեռս իւրօքանչիւր ազգի , որպէս եւ էինն , ըստ սրանադրութեան վերջին հրովարտակին : Ի միջոցի այն երկուց ամաց նուազեցաւ թիւ ուխտաւորաց՝ և Յովհաննէս Պատրիարք կրեաց դըժուարութիւն ինչ ՚ի կառավարել զԱթոռն , բայց յամենայնի խորշեցաւ ՚ի պարստուց՝ զի գիտէր զառաջին անցսն Աթոռոյն :

Յետ դադարելոյ Արեւելեան պատերազմին՝ յաճախեցին ուխտաւորք բազմութեամբ յերուսաղէմ , և յերկոյթ ձրագալուցի Զատիկին՝ յորում կատարի հանգէս Լուսաւորութեան ՚ի Տաճարին Ս . Յարութեան , ծագեցաւ կռիւ մեծ ՚ի մէջ երկուց ազգաց և այն յուէտ ՚ի գրգռութենէ Յունաց , և եղև աղմուկ և խռովութիւն . զի Հայ և Յոյն ուխտաւորք խառնեալք ընդ միմեանս հարկանէին զիրեւորս առանց գիտելոյ զպատճառն . յայսմ մոլեգնութեան սկսան խորտակել զկանթեզս և պատասել զպատկերս , առանց գիտելոյ թէ՛ ո՛ւմ իցէ , և ՚ի վայր հոսեցին զբովանդակ վարդարանս Գերեղմանին Բրիստոսի . բազումք յուխտաւորաց և ՚ի միտքանաց վիրաւորեցան , և եղև վնաս մեծ երկուց կողմանց , ապա միջամտութեամբ քաղաքական զինուց դաւանեցաւ կռիւն , և Հայք կատարեցին զԹափօրն իւրեանց , և այնպէս դարձան տրտմութեամբ ՚ի վնաս Ս . Յակոբայ , (1836) :

Ի ամին ժամանակի զնեցին Ռուսք ձեռամբ Յունաց

ընդարձակ տեղի արտաքոյ քաղաքին Նրուսաղէմի, և ապա ձեռն արկին շինել զայն վանք յանուն Ռուսաց Դաւիթ պարսպեցին զտեղին շուրջանակի՝ և ապա հիմն արկին հոյակապ եկեղեցոյ կաթողիկէի և զանգակատամբ, շինեցին և զայլ փոքր եկեղեցի, կանգնեցին ընդարձակ Առաջնորդարան, հիւրատուն, իջեւանատեղի ուխտաւորաց, Հիւպատոսարան բոլոր պարագայիւք, պարտիզօք և ջրամբարօք, և այլ ամենայն կարեւոր պիտոյիւք արքայավայել ճոխութեամբ, ծախեալ գանձս բազումս, յոր աշխատեղեն գործաւորք բազում. և յետ անցանելոյ ժամանակաց եկն յերուսաղէմ մեծ Դուքսն Ռուսաց Նիկողայոս, որդի Նիկողայոսի Կայսեր, և ետ օծանել մեծ եկեղեցին Քիրիւլոս Յոյն Պատրիարքի, և զինի հանդիսաւոր պատարագի մեկնեցաւ ՚ի Յոպպէ, (1872):

Կոստանդին մեծ Դուքսն որդի Նիկողայոսի Կայսեր Ռուսաց եհաս ՚ի Յոպպէ, ունելով ընդ իւր զերիս մեծամեծ պատերազմական նաւս, բայց յերեւելի անձանց ընկերակցեալ էին նորին մեծութեան կինն և մանկահասակ որդին իւր. Պաշտօնեայք Օսմանեան Պետութեան, և եկեղեցականք քրիստոնէից սիրով և յարգանք ընկալան զնա ՚ի նաւահանգիստն, որ եւ իջեւանեցաւ ՚ի վանս Յունաց, ուր ՚ի սենեկի սպասէր Նրուսաղէմի Ռուս եպիսկոպոսն խաչիւ. իսկ մեծ Դուքսն յերեկոյեան ընկալաւ զայցելութիւնս այլ և այլ ազգաց, ընդ որս և զեկեղեցականս Հայոց՝ զորս առաքեալ էր Յովհաննէս Պատրիարք յերուսաղէմէ՝ յողջոյն և ՚ի պատիւ Նորին մեծութեան: Եւ ՚ի վաղիւ անդր ել ՚ի ճանապարհ բազմութեամբ զնալ յերուսաղէմ, ուղեկից ունելով ընդ իւր զկղերս Յունաց և Հայոց, և ՚ի հասանիլ նորա ՚ի դուռն քաղաքին՝ եզիս ընդունելութիւն մեծ ՚ի կողմանէ Քաղաքական իշխանութեան և ՚ի կրօնական դասէ՝ և ուղղակի զնաց ՚ի տաճարն Ս. Յարութեան և յետ երկրպագելոյ Կերեղմանին Քրիստոսի և Գողգոթայի, իջեւանեցաւ ՚ի վանս Յունաց. ապա եկն յուխտ եւ յայցելութիւն ՚ի վանս Ս. Յակոբայ, զոր Յովհաննէս Պատրիարք եւ միարանք ուխտին եկեղեցական հանդիսիւ եւ մեծ շքով ընկալան յեկեղեցին՝ ապա ՚ի Պատրիարքարանն, անտի ՚ի Ս. Հրեշտակապետ և ՚ի Ս. Փրկիչ՝ յա-

ւուրս Չաակի, և ապա ուրախութեամբ դարձաւ ՚ի Յոպպէ և անտի ՚ի Կոստանդինուպոլիս (1889): Եւ ՚ի հասանիլ նորա յաշխարհ՝ առաքեաց Նիկողայոս Կայսրն Նշան պատուոյ, այլ զի Յովհաննէս Պատրիարք վախճանեալ էր՝ դարձաւ յետս:

Ի սմին ժամանակի Արաբացիք Գամասկոսի և Լիբանան լերին յարեան ՚ի վերայ քրիստոնէից, և կոտորեցին զբազումս ՚ի նոցանէ, յայտնապէս կողոպտեցին և աւարի առին զտունս, զեկեղեցիս և զվանօրայս, եւ հրծիգ լեալ այրեցին զնոսա, զքահանայս զոր կալան՝ սպանին և եղեւ ողբ, աղաղակ և տաղնայ մեծ. ընդ որս կողոպտեալ այրեցաւ և հիմնայատակ կործանեցաւ Ս. Սարգիս վանքն Հայոց առաջնորդարանաւ եւ սենեկօք ուխտաւորաց, եւ Առաջնորդ տեղոյն Գաբրիէլ վարդապետ մազապուր զերծաւ իւրովքն հանդերձ ՚ի բերդն. քրիստոնէայք պաշարեալք յայսպիսի յաղէտս տարախուսանաց, ապրեալք ՚ի սրոյ թշնամեաց՝ սկսան խուճախուճա փախչիլ ՚ի Պերութ մերկ և կողոպուտ, տանջեալք ՚ի քաղց և ՚ի ծարաւ. գործ դժնդակ դառնութեանս այսորիկ հնչեաց յականջս Երուսալիոյ, արչաւեաց Գաղլիական զօրքն հրամանաւ Նաբօլիոնի Երրորդի՝ Պերութ և անտի սիոնեցան ՚ի լերինս Լիբանանու հետամուտ լեալ Տէրչէ կոչեցեալ ցեղին. Հասին զօրք և պաշտօնեայք ՚ի Դրանէ՝ Օսմանեան Պետութեան, որոց գլուխ էր նա ինքն Յուսատ Փաշայ. պատժեցան բազումք ՚ի չարագործաց ՚ի Գամասկոս, յուղեցան առնք այլազգեաց՝ եւ ժողովեալ ամբարեցաւ ՚ի մի վայր կողոպուտք քրիստոնէից, սահմանեցաւ պարէն թշուառ մերկացելոց. ապա հատուցաւ ՚ի գանձէ Տէրութեան փլաւք քրիստոնէից, բայց տեւեաց ժամանակս ինչ. ապա վերստին շինեցան և հաստատեցան եկեղեցիք և վանորայք իւրաքանչիւր ազգի՝ և և կացին ըստ առաջնոյն ՚ի տեղիս իւրեանց. բայց վանքն Հայոց եկաց մնաց յաւերակի իւրում եւ շինեցաւ միայն եկեղեցին. էին եւ ընդ Յուսատ Փաշայի պաշտօնեայք յաղքէն Հայոց, ընդ որս էր և րժիշկ Սէրփիշէն Էֆէնտի, որ եւ ընդ որդւոյ Փաշայի եկն յերուսաղէմ սակս աղքային խնդրոյ իրիք, և և Յովհաննէս Պատրիարք արար նոցա ընդունելութիւն մեծ, բայց չե-

գեւ հնար կատարել զինդիր Աւրվիչին՝ եւ ապա դարձան ՚ի տեղիս իւրեանց :

Այլ յետ ոչ բազում աւուրց վախճանեցաւ Յովհաննէս Պատրիարք՝ հարեալ ՚ի կաթուածէ (1860. Դեկտեմբեր 23), ՚ի տօնի Դաւթի մարգարէի և Յակոբայ առաքելոյն կատարեցաւ արևուր հանդէսն յուզարկաւորութեան ամենայն շքեղութեամբ, եւ թաղեցաւ ՚ի վանս Ս. Փրկչի ՚ի կարգս առաջին Պատրիարքաց : Եւ ժողովեալ միաբանաց գրեցին զամենայն հանգամանս գործոյն ՚ի կոստանդինուպօլիս յազգային Պատրիարքարանն եւ առ Փոփոնորդն Սահակ վարդապետ : Սա ՚ի կենդանութեան իւրում շինեաց զհառաւոր Պատրիարքարանն, դնեաց զայդին ՚ի վերայ Փիլիպոսի տղերք, զոր Արարացիք կոչեն Հակէ, մերձ ՚ի գիւղն Վէլճէ, Գնեաց նաեւ արտաքոյ քաղաքին Երուզաղէմի արտորոյս առ ՚ի կառուցանել շինուածս, յորոց ՚ի վերայ միոյ մտին կողոյց շինուածս ինչ մեծ նեղութեամբ և դժուարութեամբ, ստացաւ նաեւ զվեճածեմ առնս ՚ի մէջ քաղաքին ՚ի կալուած, ՚ի հիմանէ կառոյց զհառաւոր Աւսուհարանն զմբեթարդ մերձ ՚ի Չափ Բաշ, զոր ինքն ետ կառուցանել, և այսպէս լի արդեամբ և ազգայէն բարեգործութեամբ վախճանեաց զկեանս իւր զըշտացեալ ՚ի դուանաց և ՚ի նենդութեանց ընտանի նախանձաւորաց իւրոց, որոյ յիշատակն եղիցի օրհնութեամբ :

Յետ վախճանելոյ Յովհաննու Պատրիարքի միաբանք վանաց խոկային կացուցանել զոմն ՚ի միաբանացն վանաց յԱթոռ Պատրիարքութեան ըստ առաջին կարգի և սովորութեան Աթոռոյն . և զի ՚ի սմին ժամանակի բաց յԱւագ Լուսարար Գէորգ Եպիսկոպոսէ չէր այլ ոք Եպիսկոպոս յԱթոռն, նա եկաց յայնժամ Գլուխ միաբանութեան եւ զնա յօժարեցուցանէին լինել Պատրիարք . սակայն փութով եհաս օրհաս նմին, վախճանեցաւ եւ ՚ի նմին աւուր Մկրտիչ վարդապետ Դարպասընկալ : Գէորգ Եպիսկոպոս Աւագ Լուսարար Տէր Յարութիւնեան Ռոմանցի ՚ի տոհմէ թաթարեանց, այր զգօն կրօնասէր եւ զգուշաւոր ՚ի բանս, կարգեալ ՚ի պաշտօն Լուսարարութեան (1849. Ապրիլ 9) . վախճանեցաւ (1861. Յունվար 6) :

Եւ զինի այսմ կարգեցին ընտրանօք Տեղակալ զՎրթա-

նէս վարդապետ Հատանմանուրյի՝ խոստովանաչայր արանց, և զԺողովն Տնօրէն, և ըստ այնմ սկսան կառավարել զԱթոռն : Վէճն որ ծագեցաւ ՚ի մէջ միաբանաց և ազգայնոց կոստանդինուպօլոսոյ՝ յայտնի է ամենեցուն . զի միաբանք կամէին պահել զաւանդութիւնս Աթոռոյն, իսկ ազգայինք կամէին զմի ոմն յԵպիսկոպոսաց արտաքոյ միաբանութեան կարգել յԱթոռ Պատրիարքութեան . առտի սկսաւ և վէճն և երկարեցաւ խոսովութիւնն . Տէր Յովհաննէս քահանայ Հիւնքեար Պէյնտեան եկն յերուսաղէմ վանս այսր խնդրոյ՝ այլ չշահեալ ինչ դարձաւ յետս եւ զի միաբանք կամէին ընտրել զՍահակ վարդապետ Բարեբրդցի Փոխանորդ ՚ի կոստանդինուպօլիս, ուստի հարկ եղեւ նմա գնալ յԵջմիածին և ձեռնադրիլ յԵպիսկոպոս, եւ ՚ի վերջին ընտրութեան նա չահեցաւ ՚ի միաբանաց զառաւել քուեայս, բայց ձախորդութիւն և անյաջողութիւն գործոյն երկարեաց զսնդիրն :

Ի սմին ժամանակի նախին Պատրիարք կոստանդինուպօլոսոյ Յակոբ Եպիսկոպոս՝ այր ալեւոր և ծերացեալ, եկն յերուսաղէմ ՚ի պատճառս ուխտի, ընդ իւր ունելով ըզՅովհաննէս վարդապետ Սէթեան . որ եւ ՚ի հասանելն ՚ի Յոսպէ՝ հանին զնա պատուով ՚ի նաւէ, և յարգանօք ընկալան ՚ի վանս . եկեալ էին և յերուսաղէմ վարդապետք ՚ի յարգանս և յողջոյն նորին, զոր առեալ տարան փառօք ՚ի քաղաքն Սուրբ և պատրաստեցին նմա արժանաւոր տեղի ՚ի վանս, և զինի աւուրց ինչ դիպուածով վախճանեցաւ և թաղեցաւ ՚ի վանս Ս. Փրկչի (1862. Նոյեմբեր 6) :

Մարաշցի Մեսրոպ Եպիսկոպոս միաբան Սոյ և երբեմն Առաջնորդ Անտիօքայ եւ Անթէպի՝ միաբանեցաւ ՚ի վանս յաւուրս Յովհաննու Պատրիարքի, և սա միայն էր Եպիսկոպոս յաւուրս յայտուիկ և ինքն կատարէր զեկեղեցական պաշտօնս և զհանդէսս ՚ի Ս. Տեղիս, և սա եւս վախճանեցաւ (1863. Մարտ 14) :

Իսկ ՚ի գումարման վերջին անգամ միաբանական ընդհանուր ժողովոյ սակս ընտրութեան Պատրիարքի Ս. Աթոռոյն, զինի քուէարկութեան ազգային սահմանադրութեան օրինօք, արդիւնք քուէից հանրական գրով առաքեցաւ ՚ի կոստանդինուպօլիս, և անդ յազգային ժողովի ընտ-

- Ը • Կտակ Գրեգորի Պատրիարքի : Գեղականք Բեթղեհէմի , Նորոգութիւն Ս . Հրեշտակապետի : Մահ Գրեգորի : Ընտրութիւն Յակոբ Պատրիարքի Նալեան : Ետզուց Աղա : Այլազգիք Սիրնի . ԵՐԵՍ 74
- Թ • Վէճ Յունաց ընդ Լատինաց : Տիրել Յունաց գերեզմանի Ս . Աստուածածնի և և մեծի և կեղեցւոյն Բեթղեհէմի : Զրկանք շայոց և նեղութիւնք վասն այնց տեղեաց , և և վերստին հաստատիլ իրաւանց Հայոց . 81
- Ժ • Բռնութիւնք այլազգեաց : Տառապանք վանորեկց յերեսաց Կուսակալոցն Դամասկոսի : Աղտամբութիւն Բեթղեհէմ գիւղի : Վերջն կտակ Թեոփորոսի և մահ նորին . 90
- ժԱ • Կարապետ վարդապետ Գանձակեցի : Ժառանգք վանձանեալ միաբանաց : Հակառակութիւն Յունաց : Կուսակալն Դաւ մասկոսի : Այլազգիք Սիրնի : Նորոգութիւնք վանորեկց : Վանձան Կարապետ Պատրիարքի . 98
- ժԲ • Պատրիարքութիւն Պօղոսի , կենսագրութիւն նորին : Ապու Տահապ : Կատրած Յոպպէի : Սով : Մահ Պօղոսի : Ընտրութիւն Յովակիմ վարդապետի : Վէճ ընդ Լատինաց վասն գերեզմանատան որ ՚ի Սիրն . 104
- ժԳ • Այլն քառասնեց : Կանոնական բանք : Նուիրակունք Յովակիմաց և մահ նորին : Նեղութիւն Դատաւորին վասն թաղելոյ զմարմին նորա ՚ի Ս . Փրկիչ . 114
- ժԴ • Ընտրութիւն Պետրոս Եղեակոպոսի : Դանսպանք Ս . Յարութեան : Նաւ ուխտաւորաց : Մարտապետ Յոպպէի : Այլազգիք Երուսաղէմի : Կուսակալն Դամասկոսի : Գեղական Ֆելլահք : Մարտապետ Յոպպէի . 120
- ժԵ • Համբաւ Գաղղիական զօրոց : Դղբու մն Արաբիոյ . Վրդու վասն այլազգեաց և զինուորիլ նոցա : Նեղութիւն քրիստոնէից : Սուկակ տառապանք վանականաց : Բանարկութիւն միաբանաց , ուխտաւորաց և ժողովոց քաղաքին : Տիրել Գաղղիացոց Յոպպէի և Գաղայի . 126
- ժԶ • Այցք Ռեմէ տւանի : Վանք Ս . Փրկիչի : Քեօք Եստուֆ Փաշա : Անտն Ամիրայ : Մահ Պետրոս Պատրիարքի : Գործ Բեղիկին : Մեհէմէտ Ապու Մերաք : Նեղութիւն միաբանաց : Այլազգիք Սիրնի : Թողուլ միաբանաց զվանս Ս . Յակոբայ և մեկնիլ ՚ի քաղաքէն . 132

- ԺԷ • Ընտրութիւն Թեփորոսի : Եփոթութիւն Բեղիկոց : Պաշարութիւն Յոպպէի և սրտաբազմ : Վէճ Լատինաց : Կիրակոս Կաթուղիկոս Սոյ : Վէճ Յունաց ՚ի Ս . Աստուածածնի . 140
- ժԸ • Գործ ճեղար փաշայի : Ֆելլահք գեղջ Յովհաննու ճնդեան : Թափութիւն Յունաց : Օթման Ապուղոջ գիւղի : Նեղութիւն ուխտաւորաց ՚ի ճանապարհի : Հոգեւուն Լաւոյիկեաց : Դարձ Մեհէմէտ Փաշայի Ապու Մերաք կոչեցելոյ . և բռնութիւնք նորին ՚ի Յոպպէ . 147
- ժԹ • Ընդդիմութիւն Լատինաց : Ոստիկան տակ Ապու Մերաքի . և փախուստ նորա : Ապուղլահ Փաշա : Թափութիւն և և վէճ Յունաց : Նեղութիւն Հայոց վասն Հրովարտակաց : Դատաւորութիւն փախչեաց Թեփորոսի նեղեալ յոյժ ՚ի տառապանաց . 156
- Ի • Թափութիւն այլազգեաց Երուսաղէմի : Հաշիւ Ս . Աթուոյն : Միաբանութիւն Հայոց ընդդէմ Յունաց : Քաղաքական գեպք : Հրդեհ ՚ի տաճարին Ս . Յարութեան . 165
- ԻԱ • Մահ Յակոբ Եղեակոպոսի : Փոխանորդ Պօղոս վարդապետ : Տառապանք Աթուոյն : Գաբուճի պաշի : Նիւթք շինութեան : Գրգուութիւն Յոյն ժողովոց : Թափութիւն այլազգեաց սակ շինութեան տաճարին : Զինակիր Կուսակալն Դամասկոսի . 175
- ԻԲ • Աղերագիր Հայոց առ Սուլթան Մահմուտ Բ : Բեկ Վահիտ Էֆենտի : Դատ Հայոց ընդ Յունաց ՚ի Փաշա դարուսին վասն Ս . Տեղեաց , ՚ի 4 նիստս . 182
- ԻԳ • Ատելութիւն Յունաց Երուսաղէմ : Կուսակալ Դամասկոսի : Եփոթութիւն Ս . Գերեզմանին : Մղբոյի զօրք և Ենիշէրէք : Թափութիւն ՚ի մէջ զօրոց : Վանք Ս . Փրկիչի : Ժողով ՚ի դատարան վասն շինութեան Ս . Յարութեան : Գործ զօրավարին Ապուղլուբան . 192
- ԻԴ • Աղերագիր Հայոց առ Աբքոյ , որոնք զարձանագրութիւնս : Դատաստան վերստին ՚ի Դուռն մեծի Գենպետին : Թողիր երկց հետեւակ ազգաց : Բռնութիւն քաղաքապետին : Հրաման Կուսակալն Դամասկոսի : Նոր Կուսակալ . 201
- ԻԵ • Աւարտումն շինութեան Ս . Յարութեան : Թափանումն տեղեացն Հայոց : Մեհէմէտ Ապուղլուլթ : Եփրեմ Կաթուղիկոս : Նեղութիւնք միաբանաց : Ժողով ՚ի Դուռն մեծի

Պենդեթին և հրաման Արքային : Ծանր շինութեան տա-
ճարին : Դարձեալ ժողով 'ի դռան Դենդեթին .

ԵՐԵՍ

209

ԻԶ. Տես Մանուէլ Լատին : Զայլոյթ Յունաց : Մկրտիչ վարդա-
պետ : Մեհեմէտ Ապուլոզուլ : Նառ ուխտաւորաց :
Հրովարտակը Հայոց և Յունաց : Քաղաքամութիւն հրո-
վարտակին Հայոց .

218

ԻԷ. Որոշումն գործակալաց Կրան վան խնդրոյն Հայոց դնալ նոցա
յԵրուսաղէմ : Բանք Նուրի Էֆենտեայ և Կուսակալին
Գամեակոսի : Գործ Գատաւորին : Ժողով 'ի Գատարանի
երկիցս : Քննութիւն Հայեշաց' ընդդիմութիւն Գատա-
ւորին : Ժողով 'ի Ս. Յարութիւն .

220

ԻԸ. Ժողով 'ի Ս. Յարութիւն և քննութիւն տեղեացն Հայոց :
Յամառութիւն Գատաւորին : Ընդդիմութիւն Յունաց :
Ոտիկանի Կուսակալին մեկնին : Ժողով 'ի Գատարան :
Գիր Կուսակալին : Գործ Ոտիկանին 'ի Գամեակոսի :
Ժողով 'ի Գատարանի զԽուսիսութեամբ .

250

ԻԹ. Պահանջ Հայոց : Անդիտանութիւն Գատաւորին : Գանկատ
Յունաց առ Կուսակալն : Նոյնդէս Ոտիկանին զազգէն
Յունաց : Յամառութիւն Գատաւորին չկատարել զգործս
Հայոց : Ծանր պահանջ նորին : Ժողով 'ի Ս. Յարութիւն :
Քննութիւն տեղւոյն Յովսէփայ Արեմաթացւոյն .

247

Լ. Խնդիր Ս. Աստուածածնի և Ս. Ծննդեան : Արքեպուսին
գործոյն Հայոց 'ի կողմնէ Կուսակալին : Գիր Նուրի
Էֆենտեայ : Մեկնիլ յԵրուսաղէմ Խօճաքեանին , ճար-
տարակտին և Ոտիկանի Կուսակալին : Սարգիս և Դիս-
նէսիոս վարդապետաց երթալ 'ի կող Կուսակալին .

255

ԼԱ. Վիճաքանութիւն Վարդապետաց ընդ Քեահեայ Պէյին վան
դրանց : Դարձեալ վէճ և պահանջ Քեահեային վան
Բեթղէճէմի և Աստուածածնի : Գրեանք Կուսակալին 'ի
պաշտօնանութիւն Յունաց : Զգէնուլ Վարդապետաց առ-
մուրէնի և տալ մուրհակ պարտուց .

263

ԼԲ. Բղէշին Ա.բ.բէի : Փոխանորդն Յունաց : Յովհաննէս Պատ-
րիարքի անկումն : Ա.բորումն Խօճաքեանին և Գատաւորին
Երուսաղէմի : Հանդերձապետ Արքայի : Նոր Գատաւոր
Մուսայ Էֆենտի .

271

ԼԳ. Գործ նոր Գատաւորին՝ յամառութիւն և ազահուլութիւն նո-

րին : Երկար վէճ ընդ Հայոց : Բանք Նուրի Էֆենտեայ :
Գալուստ նոր հրովարտակի : Ընթերցումն նորին յեկե-
ղեցալ Բեթղէճէմի .

279

ԼԴ. Քաղաքամութիւն երկրորդ հրովարտակին : Որոշումն դրանց
և Էկեղեցւոյն Հայոց : Վիճաքանութիւն ընդ Գատաւորին
վան ըստանդուութեան Այրին : Կոխումն կանթեղաց
Հայոց .

289

ԼԵ. Բաժանումն Էկեղեցւոյն Ս. Աստուածածնի : Կարգադրու-
թիւն զարդուց և պատարագի և աւելածութեան և այլ
ամենայն իրաց հաւասար Յունաց : Բանք կարգադրութեան
Պատարագին : Այրին և այլ պատուց : Խնամութիւն
'ի մէջ միաբանաց և ուխտաւորաց : Պատասխանի թղթոյն
Պողոսի .

301

ԼԶ. Կարգաւորութիւն սեփնական իրաւանց Հայոց 'ի Ս. Յարու-
թիւն : Յախշտակեալ և պակաս շինեալ տեղերն : Ազահու-
թիւն այլազգեաց Երուսաղէմի և Գատաւորին : Խուսիս-
թիւն Յունաց յԱստուածածնի : Բանութիւն Գաղաքապե-
տին : Խուսիսութիւն 'ի Բեթղէճէմ .

310

ԼԷ. Մեկնիլ Նուրի Էֆենտեայ յԵրուսաղէմ : Բղէշին Սկոյնի :
Լատինք : Խաչկալք Ծննդեան և կարգաւորութիւն Պա-
տարագի : Հանդէս Հայոց 'ի Ծնունդ : Ստեղծութիւն Լա-
տինաց և վէճ վան ճանապարհի նոյնին : Գնալ 'ի Բեթղէ-
ճէմ վան կարգադրութեան նորին խնդրայ .

319

ԼԸ. Հրամանադիր Կուսակալին Գամեակոսի : Պահանջ և բռնու-
թիւն նորին : Նենդութիւն Գաղաքապետին՝ խորհրդով
Յունաց : Ստեղծումն Կուսակալին խանդարել զգործս Հայոց .

328

ԼԹ. Ա.բորումն Մուսայ Գատաւորին : Ընդդիմութիւն Լատինաց
վան ճանապարհի : Պահանջ Գաղաքապետին : Քեահեայ
Կուսակալին և բռնութիւն նորին : Բողբ Հայոց վան այնր .

335

Խ. Գալուստ նոր Գատաւորի : Վէճ Լատինաց 'ի Ս. Յարու-
թիւն : Երկիցս ժողով 'ի գատարանի : Վրդովումն Լատի-
նաց : Փոխանակ Բղէշինի Խլլիսիսի՝ աղա : Բանութիւն
Լատինաց .

344

ԽԱ. Յովհաննէս Եպիսկոպոս Կարբեցի : Դարձ Պողոսի յԷմիլիանէ :
Գժուութիւն ազգին : Միաբանութիւն և խորհուրդ վան
Աթուոյն Երուսաղէմի : Հրաւեր Վարդապետաց ոմանց

ի թագաւորեալ քաղաքն : Ընտրութիւն Պողոսի ՚ի Պատրիարք Կոստանդնուպօլսոյ : Վախճան Թէոքորոս Պատրիարքի : Աղղային ժողով ՚ի Կոստանդնուպօլսոյ : Կաւսակալ Գամանուրի եւ Քաղաքացեալ Երուսաղէմի .

ԵՐԵՍ

554

ԽԲ . Ատեւուծիւն Լատինաց ՚ի Բեթղէնէմ : Փակումն գրան Լատինաց : Հակառակութիւն Յունաց յԱլբին Ծննդեան եւ վանն եկեղեցւոյն : Երկաթեայ դուռն եւ տախտակաճաճ թիւ ՚ի վերայ նորա : Ընտրութիւն Գաբրիէլ Եպիսկոպոսի յԱթուռն Երուսաղէմի : Գերեզմանատուն Նեստորականաց : Զանք Լատինաց վանն գրան .

564

ԽԳ . Աքսոր Եղիա Եպիսկոպոսի : Գերիչ նաւուն ուխտաւորաց եւ Յովնանէս վարդապետի : Զայրութ Ամիրայից : Հրովորակ Արքայի վանն կաթողիկէ Հայոց : Ժողով ՚ի Մայր եկեղեցին : Ընտրութիւն նոր խորհրդականաց Երուսաղէմի : Խնքապրութիւն կանոնական բանից .

572

ԽԴ . Հրաժարական Պողոսի : Ընտրութիւն Կարապետի ՚ի Պատրիարք : Կանոնական բանք նորին : Բանուծիւն Քաղաքացեալին : Ապտուլահ Փաշայ Աբբէի : Գնալ Գաբրիէլ Պատրիարքի ՚ի Կոստանդնուպօլսոյ ի հրամանաւ աղղին եւ Տէրութեան .

584

ԽԵ . Պարտաւորք : Լատինք : Բանուծիւն Քաղաքացեալին : Նասանիսիք Գիմնասիոսի եւ պահանջ նորին : Յակոբ վարդապետ : Հարկապահանջութիւն Կաւսակալին : Տաւապանք խորհրդականաց : Ժախուստ նոցա ՚ի Քերքուն : Եւ զարձ նոցին անդրէն յԱթուռն .

594

ԽԶ . Առաջնորդ Եգիպտոսի Կիրակոս : Ներքին խռովութիւն վանաց : Նուխրակներ Եթովպիոյ : Հոգեառն Լաւորիկեայ : Անկումն Եղիա Եպիսկոպոսի : Խնդիր առաջնորդութեան Եթովպիոյ .

404

ԽԷ . Վիճակ Աթուոյն Երուսաղէմի : Պարտաւորք : Յակոբ եւ Գիմնասիոս : Տաւապանք միաբանաց ՚ի զօրաց Կաւսակալին : Յովնանէս վարդապետ Զմիւռնացի : Նեղութիւն եւ զժաւարութիւն վանն Իլամի Դատաւորին ըստ հրովարտակի Արքային : Ծախք Իլամին : Մեկնիլ Յովնանէս ՚ի Կոստանդնուպօլսոյ .

415

ԽԸ . Ապտուսթութիւն Գերզականաց Բեթղէնէմի : Գաբրիէլ Պատրիարք աւարի ՚ի Զմիւռն : Հրովարտակ վանն պար-

տուց : Պարտաւորք : Նեղութիւն խորհրդականաց : Տաւախի Պողոս Եպիսկոպոսի յԵրուսաղէմ : Այլաղղիք քաղաքին : Սկիզբն վճարման պարտուց .

425

ԽԹ . Հրովարտակ գրան Բեթղէնէմի : Խնդիր Գաբրիէլ Պատրիարքի : Եղիա Եպիսկոպոս : Կիրակոս Եպիսկոպոս : առաջին բաժին պարտուց : Նորոգութիւն հրովարտակին վանն Գերեզմանին Քրիստոսի : Պատարագիլ Հայոց ՚ի վերայ Գերեզմանին Քրիստոսի : Հեծճէթ վանն հաւատար բաժանորդութեան .

452

Ծ . Ատեւուծիւն Լատինաց : Ղաֆար տուրքն : Պարոն Մուրատ եւ յիշատակիք նորին : Խնդիր Գաղղայի : Աքսոր Զայրաբիս վարդապետի . Փոխանորդ Յովնանէս վարդապետ : Աղղային ժողով ՚ի Կոստանդնուպօլսոյ : Խնդիր հաշուոց Ս . Աթուոյն եկեց եւ մոխց .

445

ԾԱ . Այլաղղի գունապանք Ս . Յարութեան : Կալուածք վանուրէկց : Ատեւուծիւն Յունաց ՚ի Բեթղէնէմ : Զայրաբիս վարդապետ Փոխանորդ յԵրուսաղէմ : Ուղեւորիչ նորին յԵթովպիոս : Բանալի երկաթեայ գրան Բեթղէնէմի : Շինութիւն Վերնատան : Վարժարան : Տպարան : երկրաշարժ : այլաղղին հանդերձ .

448

ԾԲ . Առաքումն Կիրակոս Եպիսկոպոսի ՚ի Կոստանդնուպօլսոյ : Հիմնարկութիւն Ճէմարանին : Գիր Ամիրայից առ Պօղոս Եպիսկոպոս : Պարսք Փոխանորդին : Խնդիր Ասորուց : Սկիզբն շինութեան Համբարձման եկեղեցւոյն : Ընդդիմութիւն Յունաց եւ Լատինաց : Բացումն գրան Լատինաց ՚ի Բեթղէնէմ : Զանք Հայոց վանն շինուածոց Համբարձման : Հրովարտակի Լատինաց .

456

ԾԳ . Գրեանք Դատաւորին առեալ Հայոց : Բողոք Լատինաց : Ի ժողովն բնութիւն ինքնոց երկուց աղղաց : Վաւերական թղթեանք Հայոց : զոր մատուցին ՚ի ժողովն : Խորհուրդ Ամիրայից եւ նամակ նոցին առ Պօղոս Եպիսկոպոս վանն ինքուց իրեք .

465

ԾԴ . Գիր մեծի Վէղերին առ Դատաւորն : Զննումն երկից հրովարտակացն Հայոց : Հակառակութիւն Յունաց : բողոք նոցին առ Հիւսպատոն Ռուսոց : Պատճեն թղթոց Հիւսպատոնին : Փոխաբային : Գաւառապետին : Ժողով ՚ի զտարաքնի վանն բնութեան ինքնոց Հայոց եւ Յունաց .

475

ԾԵ. Շախր Զատե Արիֆի Էֆենտի, բնութիւն և Իլամ նորա:
 Հրովարտակ Լատինաց: Կործանումն շենուածոց Համբարձ-
 ման տեղւոյն: Խաթիթի Հիւժայուն Ախլհանէի: ԳարբիէԼ
 Եպիսկոպոս Եղիպատի: Պարոյր Ճեմարանին Խոսկիւտարի:
 Մահ ԳարբիէԼ Պատրիարքի: Հրարուի Ի Մասիս: Յայա-
 նութիւն Աշխարաց Աբրոյ Ի Խարբերգ. 450

ԾԶ. Ընտրութիւն Զարարիա Եպիսկոպոսի: Խնդիր Հայոց վանն
 եկեղեցւոյն Բեթղէճէմի, բնութիւն նորին և. Ս. Յա-
 բուսեան: Նորդութիւն եկեղեցւոյն Բեթղէճէմի Ի ձեռն
 Յունաց: Բողոք Հայոց: Հրովարտակ Աբրային և կարգա-
 տրութիւն ինչոց. 512

ԾԷ. Խնդիր բանալեաց արտաքին և ներքին զբանց, զպգ աստի-
 ճանաց Բեթղէճէմի եկեղեցւոյն և չորից սենեկաց Ի Ս. Յա-
 բուսեան: Բարձումն կանխեղանց Հայոց յեկեղեցւոյն Բեթ-
 ղէճէմի, և վերտան կախել զՅունացն. 520

ԾԸ. Դռնապանք Ս. Յարութեան: Վեճ Յունաց վանն եկեղեցւոյն
 Ս. Յովհաննու: Կայսերական նշան Ռուսաց և. Պոման-
 ցւոց: Վախճան Զարարիա Պատրիարքի. 527

ԾԹ. Ընտրութիւն Արակոս Եպիսկոպոսի: Նորդութիւն Խաչ-
 կառաց: Ս. Յովհաննէս եկեղեցւոյ: Լոյս Ի Ս. Յակոբ:
 Քառասնից Այրն: Ենտութիւն Պաղտայ թաղին: Մահ Ախ-
 րակոսի: Ընտրութիւն Յովհաննու Պատրիարքի. 552

Կ. Գործք Յովհաննու: Վախճան Պօղոս Եպիսկոպոսի: Խնդիր
 Ս. Տեղեաց: Աֆիֆ Պէ: Ժողով Ի Ս. Յարութիւն և յա-
 պարանս Բղէճիին: Հրովարտակ Աբրայի Ի ձեռս Յունաց. 557

ԿԱ. Մարտիրոսիկէն մեծ Դուբն: Արեւելեան պատերազմ: Կախ-
 Ի Տաճարին Ս. Յարութեան: Վանք Ռուսաց: Կոստան-
 զին մեծ Դուբն: Կատարած Պամակոսի: Վախճան Յով-
 հաննու Պատրիարքի: Տեղակալ Վրդանէս վարդապետ:
 Յակոբ Պատրիարք: Ընտրութիւն Եսայեայ վարդապետի.
 և վերջ. 545



« Ազգային գրադարան



NL0408862

